

續修四庫全書

《續修四庫全書》編纂委員會編

續修四庫全書

上海古籍出版社

四二五・史部・雜史類

吾學編六十九卷(卷五十五至卷六十九)〔明〕鄭曉撰……………一

吾學編餘不分卷〔明〕鄭曉撰……………二三五

今言四卷〔明〕鄭曉撰……………二八一

名山藏一百零九卷(卷一至卷十七)〔明〕何喬遠撰……………四三三

50/433

建文遜國臣記第四卷

吾學編第五十五

海鹽鄭曉

開國公常昇

常昇開平王仲子也兄茂洪武二年以父功封鄭國公二年從宋國公馮勝出塞征納哈出茂本勝姪勝言茂驚潰納哈出衆降人械送京師茂亦言勝短上召勝還奪總兵印罷朝請茂安置龍州上念開平王功二十一年封昇開國公懿敬皇太子妃昇姊也靖難兵至浦子口昇及魏國公分道出戰衆散金川門失守昇見文皇得不死昇子

繼祖坐事謫雲南臨安永樂二年召至京賞鈔幣遣歸請所繼祖六子長寧寧子復弘治五年詔錄太廟元祀功臣後復得爲南京錦衣衛世指揮使卒子經嗣老子鳳卒子玄振嗣嘉靖十年進割墓侑享太廟并議常李鄧湯四王後十一年續封玄振懷遠侯

越雋侯俞通淵

俞通淵父河間郡公廷王兄統國忠烈公通海南安侯通源通淵以父兄故充參將侍舍人從大將軍征秦隴燕趙功陞督府僉事征哈刺哈至捕魚

兒海獲酋長人畜尋轉餉江西克偏將征龍場諸蠻克辰沅寶慶俘獲多封越雋侯統兵討建昌叛賊城越雋二十六年坐累奪侯還鄉建文元年召見上壯之曰老將也授豹韜衛指揮使克偏將從大將軍禦靖難兵敢戰有功白溝河之役諸將兵大敗通淵遂歿於陣子翊先卒次靖嗣官二年卒次端又明年優給錦衣未幾卒靖難後家人懼禍不敢言襲替事建文時諸將校多失世官也

駙馬都尉梅殷

梅殷歸德人汝南侯思祖從子洪武十一年尚寧國公主爲駙馬都尉恭謹有謀能騎射諸駙馬中高皇尤愛殷嘗受密命輔建文君靖難兵起殷充總兵官鎮守淮安悉心防禦文皇假道殷割使人耳鼻口授詞答文皇曰留汝口與殷下言君父恩義文皇竟不得道淮安乃渡泗水破盱眙出六合至京師即位殷尚擁重兵淮上上迫公主招殷公主嚙指血爲書付李中使至殷殷得書慟哭詢建文君所在中使曰去矣殷曰君存與存君亡與亡吾姑忍俟之乃還京見上上曰

馬勞苦日勞而無功永樂二年... 嚴招藏亡命私匿胡人與女秀才劉氏朋邪詭說
 幾得罪明年冬入朝嚴警家都督譚深指揮趙曦
 令人擠嚴死筵橋下曦又誣嚴自投水死都督許
 成發其事 上怒罪深曦二人對曰此 上命也
 奈何殺臣 上大怒立命力士持金瓜落二人齒
 斬之謚嚴榮定初公主謂 上果殺嚴牽衣大哭
 問駙馬安在 上笑曰為公主踪跡賊無自苦公
 主謹護二子願昌景福 上以願昌為中府都督
 景福指揮旗手衛會專賜手書二甥曰朕不念爾
 母爾安得至今日二甥後改孝陵衛指揮使宣德
 中與世襲孫純舉進士為中都副留守或曰公主
 嘗貽書阻靖難兵 文皇不答兵至淮北與公主
 書言與爾不得已故令遷居太平門外勿罹兵禍
 公主亦不答公主 高皇后長女后二女次適歐
 陽倫倫犯茶馬禁死

長與侯耿炳文

耿炳文濠人父君用取潞和積功為管軍總管克
 采石取金陵兩申與士誠戰買勇先登死炳文代
 領其軍明年取廣德長興擒士誠守將降其兵會

立元帥府長與以炳文為總兵都元帥辛丑敗士
 誠將李伯昇追斬五千餘級拜指揮使吳元年破
 蘇州陞大都督府僉事洪武初授鎮國上將軍兼
 右率府副使二年陝西鎮守三年授秦王府左相
 兼陝西行省右丞封長興侯食祿千五百石與世
 券十四年破虜北黃河復還陝西二十四年賜鑑
 鈔造第鳳陽堦先榮贈君用為侯二十五年兩當
 妖人作亂總兵討三年平之三十年克征西將軍
 新平蜀盜三十一年鎮守遼東建文元年靖難兵
 起炳文為征虜大將軍率眾二十萬北進至真定
 都督徐凱兵十萬駐河間都督潘忠揚松營濮州
 先鋒至雄縣 文皇出炳文不虞破其城忠松引
 眾來援伏兵起忠等皆被執因得炳文虛實遂長
 驅至真定張玉朱能譚淵來戰炳文大敗奔還滹
 沱河東炳文眾尚數萬復戰眾皆潰降副將駙馬
 李堅都督竇忠顧成都指揮劉遂俱被執炳文固
 守真定靖難兵攻成二日不能下而去炳文老將
 善戰至是敗建文君始有憂色召還遣李景隆代
 炳文竟至於亡永樂二年刑部尚書鄭賜左都御
 史陳瑛劾炳文衣服器皿備龍鳳玉帶僭丹雘

上曰炳文先朝老臣亦為此其速改炳文大懼暴卒洪熙初盡以長興侯田舍賜留守郭鑑云子璿獄別有傳瑄散騎舍人擢尚寶卿後皆獲罪死

駙馬都尉耿璿

耿璿長興侯之子洪武中為前軍都督僉事尚懿文太子長女江都郡主建文元年郡主進封公主璿為駙馬都尉掌前府事璿勇悍有武略靖難兵起以王室懿親得預聞兵事炳文北行璿力勸直搗北平已而炳文戰敗璿快快抱病時對公主悲泣建文君遜去杜門稱疾竟坐罪死公主復稱郡主永樂元年春薨卒

歷城侯李堅

李堅武涉人父英開國有功為驍騎右衛指揮僉事力戰死烏撒贈指揮使堅尚 太祖第七女大名公主為駙馬都尉嘗與駙馬歐陽倫梅殷陸賢賑濟北平建文君即位進公主大長公主堅素負才勇充左副將軍從長興侯北進遇靖難兵諸將謹備西北靖難兵突擊出不意破西南長興侯大敗靖難將丘福又攻于城堅出接戰互有勝負封堅灤城侯食祿千五百石與世券已而兵敗濬沱

河薛祿引樂中堅陸馬祿揮刀直取堅堅大呼我李駙馬勿殺祿擒堅見 成祖成祖謂爾至親今至此奈何械送北平道卒子莊以公主故特宥富嗣公主懼禍繳誥券莊流寓南京詩酒終其身公主至宣德初卒或曰堅子莊嗣侯謚威壯弟成爲中都留守改山東都指揮成子陞世南京衛指揮使祿後封陽武侯

安陸侯吳傑

吳傑黔國威襄公子也洪武十八年傑以指揮嗣封安陸侯屢出山陝河南北平練兵從征胡二十七年練兵浙江防倭二十八年有罪令與吳高皆從楊文征龍州立功自贖建文中率師援真定失律喪師謫南寧衛指揮使永樂元年子璟乞嗣正統間再三乞皆不許弘治六年璟孫鐸授詔乞嗣亦不許

歷城侯盛庸

盛庸不知何許人靖難兵起克參將從長興侯數失利長興侯召還庸又從曹國公轉戰燕齊間互有勝負建文二年七月鐵鉉守濟南靖難兵圍急庸夜出劫戰晝憑城禦防盡毀靖難諸攻具捷聞

即軍中陞鉉兵部尚書封庸歷城侯食祿千石
平燕將軍總兵官代曹國公鉉參贊軍務是年十
二月戰東昌殺張王三年三月大戰于夾河殺譚
淵再戰敗走德州欲搗北平靖難兵長驅至淮上
四年春夏間庸南趨靈壁齊眉山戰皆敗次於淮
南六月靖難兵至浦口庸出高資港又戰敗靖難
後勅庸曰比以山東未定命卿鎮守淮安今鐵鉉
就獲諸郡悉平朕念山東久困兵革備於轉輸卿
宜輯兵養民以稱朕意永樂元年致仕千戶王欽
餐庸罪狀陞欽指揮同知賞銀百兩未幾都御史
陳瑛劾庸口出怨言懷異圖請誅庸遂削爵庸暴
卒今英國公新寧伯即王淵後也

江陰侯吳高

吳高父良開國有功封江陰侯卒贈謚江國襄烈
公高歷官前軍署都督僉事洪武十七年嗣侯屢
出山陝北平河南練兵從征胡二十八年有罪調
征趙宗壽靖難兵起高總兵守遼東與楊文數以
遼東兵攻永平 文皇曰高雖怯行事差密文勇
而無謀去高文不足慮也遣人遺二人書盛譽高
極詆文故易其函投二人所二人得書並聞建文

君竟疑高削爵徙廣西獨命文守遼東竟敗靖難
後召高鎮守大同高上言禦虜方略永樂十二年
被勅編氓江陰十七年奪券洪熙元年 上曰高
往年多行無禮謫戍海南高即死徙其家會赦得
釋宣德十年子昇乞嗣不許

都督耿璈

耿璈長興侯仲子累官至後軍都督僉事靖難兵
起與江陰侯吳高及楊文率遼東兵圍永平不克
退保山海關吳高被間奪兵徙廣西楊文守遼東
璈數請攻永平以動北平文不聽靖難後璈論死

都督劉貞

劉貞合肥人開國功累陞左軍都督克大寧總兵
官修懷來城池攻左軍靖難兵起貞及陳亨卜萬
引大寧軍出松亭關營沙河欲復遵化亨有貳心
文皇入大寧盡擿其軍以行遂入松亭關貞夜負
勅印浮海歸時建文君聞行北平諸將降 文皇
籍貞家下獄俄貞由海道出福建還京詔釋其家
靖難後陞左都督鎮遼東恒懷愧憤永樂元年卒
貞長女 文皇昭順德妃也以故得免於禍次女
伊王妃

都督趙清

趙清鳳陽人有膂力善用兵洪武中積功官至北平都指揮使陞後軍都督僉事致仕清去北平時常懷隱憂不敢言靖難兵起黃齊諸人薦清帥河南兵守彰德靖難兵至城下遣人招清清對使人曰殿下至京城但出片紙召清清不敢不至今為朝廷守封疆不敢棄命失職靖難後召清還清遂乞閑不許

都督楊文

楊文倉山人甲辰領神鎗從征功陞右軍都督僉事世指揮使二十七年克總兵率舟師鎮守太倉仍督浙江海船召掌中都留守克總兵率十五萬人征廣西築城設奉議南丹潯州慶遠四軍民指揮使司三十年遼東練軍屯田充總兵征虜前將軍率京師湖廣江西兵征五開擒殺蠻賊建文初克總兵部署大寧兵及寧府護軍屯開平靖難兵起宋忠敗文移守遼佐吳高時出兵援北平吳高削爵徙廣西文專領遼東建文二年冬文引兵萬餘掠薊州殺戮極慘遇劉江兵戰敗指揮王雄七十一人皆被執靖難後召文還憐其開國老將得

不死永樂四年卒世羽林右衛指揮使

都督徐凱

徐凱合肥人開國功為茂州衛指揮使守松潘累立戰功洪武二十六年出掌鹽井衛事征賈哈刺有功又從西平侯沐春討刁幹孟歷陞都督僉事鎮守四川階文官軍叛會都督寧正討平之又克征虜大將軍從沐春討刁幹孟有功建文元年從大將何福征百夷為副總兵靖難兵起從宋忠北進練兵臨清二年十月吳傑平安守定州盛庸守德州凱及陶銘城滄州為犄角 文皇自通州直趨滄州凱大戰不勝入城東門之卒先潰凱及都督程暹都指揮俞琪趙許胡原李英張傑將校百餘人皆被執 文皇飲凱等酒遣歸凱等謝願留事殿下遣至北平仍其官祿靖難後暴卒建文數年間諸將被執者無慮千人已卯懷來之戰都指揮俞瑱真定之戰都指揮劉璉唐辰白溝河之戰都指揮何清滄州之戰暹琪許原英傑德州之掠千戶蘇瓌辛巳滹沱河之戰指揮鄧馱陳鵬真定之圍都指揮朱榮定州之戰都指揮花英鄭琦王恭指揮詹忠壬午渡衡水指揮賈榮拔東平指揮

詹璟拔汶上都指揮薛鵬渦河之戰胡騎都指揮
林帖木兒火耳灰哈三帖木兒斐兒里淮河之戰
守將丁良朱彬指揮王貴等一百八十餘人

建文遜國臣記第四卷終

子履準校正

建文遜國臣記第五卷

吾國編第五卷

翰林修撰王叔英

海鹽鄭曉

王叔英字原采黃巖人初從外姓陳篤志力學洪
武中與楊太中葉見大方孝孺林右並徵至京辭
還鄉二十年薦起家仙居訓導三十年改海安府
學陞漢陽知縣建文元年孝孺欲復井田叔英貽
書力阻之其略曰天下之事固有行於古而亦可
行於今者亦有行於古而難行於今者夏時周冕
之類此行於古而亦可於今者也井田封建之類
可行於古而難行於今者也可行者行之則人之
從之也易難行者而行之則人之從之也難從之
易則民樂其利從之難則民受其患此君子之用
世貴得時措之宜也召為翰林修撰上資治八策
曰務問學曰謹好惡曰辨邪正曰納諫爭曰審才
否曰慎刑賞曰明利害曰定法制皆援証今古可
見行事又曰 太祖除奸剔穢抑強鋤梗如醫去
病如農去草去病急或傷體膚去草嚴或傷禾稼
是故體膚病去則宜調燮其血氣禾稼草去則宜
培養其根苗靖難兵至淮上游兵逼江干建文

遣使四出募兵叔英奉詔行至廣德聞建文君遜位慟哭會齊太奔叔英曰太貳心矣急掄太至密問之故乃相抱慟哭與太且齒後舉已而知事不可為沐浴衣冠書絕命詞藏裾間自經於玄妙觀銀杏樹下詞曰人生穹壤間忠孝貴克全嗟余事君父自省多過愆有志未及竟奇疾忽見纏肥甘空在案對之不能嚙意者造化神有命歸九泉嘗念夷與齊餓死首陽周粟豈不佳所見良獨偏高蹤邈難繼偶爾無足傳千秋史官筆慎勿稱希賢又題其案曰生既久矣未有補於當時死亦徒然庶無慚於後世 文皇登極治奸黨妻金安人繫獄死二女赴井死叔英將死移書祠山道士盛希年葬我祠山麓希年天台人收塋叔英墓在州城西五里許正統中楊士奇題其墓曰嗚呼翰林修撰王原采之墓士奇本叔英薦起也成化中州守蕭田周瑛封植表識其墓嘉靖中編修安福鄒守益謫州判官立祠祀之太平知縣曾才漢又建忠節祠祀叔英妻及二女有貞烈祠在黃淡皋上叔英著有靜學集

翰林編修王良

王良字敬止吉水人建文元年江西發解第一明年舉禮部廷試策最優以貌不揚易胡靖第一良次之又次李貫並授翰林修撰如洪武十八年故事良初聞靖難兵起輒憂不食日羸憊及渡淮閉門涕泣不已訣妻子服毒死建文君哀其忠遣禮部侍中黃觀諭祭或曰 文皇繼統前一日群臣迎附良慟哭不已與妻子訣吾不可復生豈能復顧汝等是夜服腦子死此說非是靖貫皆事 文皇永樂初上出建文時群臣封事千餘通令解籍等編閱留軍馬錢糧數盡焚諸言語干犯者因從容問貫籍等曰爾等宜皆有之衆未對貫獨頓首曰臣貫等實未嘗有也上曰爾以是爲美耶食噉思任其事當國家危急時官近侍獨無一言可乎朕非惡夫盡心於建文者但惡導誘建文壞祖法亂政耳爾等前日事彼則忠於彼今日事朕當忠朕不必曲自遮蔽也後貫遷中允坐累繫獄十年竟死獄中貫亦吉水人

翰林編修程濟

程濟朝邑人以明經爲岳池教諭岳池去朝邑數千里濟寢食在朝邑而治岳池學事不廢建文初

上書言某月某日西北兵起朝廷謂非所宜言繫至京將殺濟召入仰面大呼曰陛下且囚臣至期無兵臣死未晚遂下獄已而兵果起赦濟以為翰林編修克軍師護諸將北行徐州之捷諸將樹碑敘戰功及統軍者姓名濟一夜往祭碑人莫測其故後 文皇過徐見碑大怒趣左右鐵椎椎碑再椎遽曰止止為我錄碑文來已而按碑族之諸將無得脫者濟姓名正椎脫處得免濟曩之祭禳碑也淮上諸將敗建文君召濟還京初濟與邑人高翔並以明經徵翔薦名節濟好術數翔止濟勿為

此濟不聽已而有兵事濟又勸翔學我術翔曰我願為忠臣也金川門破翔招濟同死濟曰我願為智士也翔竟死之建文君急召濟入問計濟曰天數已定惟可出走免難耳立召僧為建文君落髮濟從之出每遇險幾不能脫濟以術脫去相從數十年後隨建文君至南京人尚識濟至京莫知所終

衡府紀善周是修

周是修名德以字行江西太和人少孤力學舉明詩為霍丘學訓導入見 高帝問家居何為對曰

教人子弟孝弟力田 高帝喜擢周府奉祠年從王北征至黑山還陞紀善建文元年王有過盡逮府吏詔獄是修以嘗諫得免改衡府紀善衡王者建文君弟也當是時衡王未之國是修留京預修纂翰林好薦達知名士數陳論國家大計及指斥用事者誤國用事者怒眾共挫折之是修屹不為動靖難師渡江宮中自焚是修留書其家別友人江仲隆解縉胡靖蕭用道楊士奇且付後事暮入應天府學自經死年四十九 文帝繼統都御史陳瑛言是修不順天命請加追戮 上曰彼

食其祿自盡其心勿問是修內貞外和孝友忠信非其義不苟取襟懷坦明灑落而冲澹悠然其學自經史百氏下至陰陽醫卜靡不通究為文未嘗締思援筆立就而雍容雅瞻詞理條達所著有詩小序詩集詩譜論語類篇廣衍太極圖綱常懿範通言家訓舊美集進思集嘗曰忠臣不以得失為憂故其言無不直烈女不以死生為慮故其行無不果因取先忠節遺事輯為親感錄朝夕省覽士可嘗為是修傳語其子曰當時我脫與若父同死今誰為若父傳者

給事中陳繼之

陳繼之字 莆田人建文二年進士為戶科給事中言江南僧道多腴田請人給五畝餘以賦民從之靖難兵起建白多不遜靖難兵入城死之繼之父秀母黃謫戍甘肅道死子徵仔妻姚女進奴京奴沒官第余朔等悉戍邊

給事中韓永

韓永西安人或曰浮山人不知始所自起建文時為戶科給事永豐軀美髯音吐宏朗每慷慨論兵事建文君喜之靖難後杜門不出召入見不屈死

給事中黃鉞

黃鉞字叔揚常熟人以生員薦除宜章典史建文元年舉湖廣鄉試明年進士授刑科給事中陞戶科左改禮科建文三年外艱方孝孺屏左右問曰北兵日南蕪常鎮京師左輔君吳人朝廷近臣今雖去宜有以教我鉞曰三郡惟鎮江最要害守非其人自撤藩籬也鎮江指揮童俊狡猾不可測蘇州知府姚善忠義激烈有國士風能當一面但仁慈有餘而御下太寬此治郡之良才恐不足定亂

然國家大勢不在江南戎馬至此而禦之晚矣孝

孺因附書善勉以忠孝期戮力王室濟時艱善得

書與鉞相對慟哭以死自誓鉞就父殯居陂上舊

廬足跡不入城邑靖難兵至江上善受建文君詔

總蕪松常鎮嘉興五郡兵勤王以書招鉞鉞即日

營壘畢遂至善所時俊果以鎮江降靖難後詔暴

善罪捕善急善麾下許百戶素權詐得親善縛善

邀賞鉞聞之慟哭遂絕食閉目三日求死家人救

免或告鉞曰善款服已得有鉞復瞠目曰吾知善

決無二心吾且少俟善事定吾獨死未晚脫鉞果

不死吾將下報希直遂復稍稍食是年七月十一

日善死報至鉞起登琴川橋西向再拜祀善慟哭

曰吾與君同受國恩國有難義同許身君今與希

直同死因吾忍獨生乎祀畢詒家人歸祭具遂從

容整衣冠奮身入水死時北兵四出捕善黨籍籍

言且併錄鉞家親族悉驚伏鉞友人楊福具棺余

日夜泣橋側百方求鉞屍不得更數日屍忽自出

立水中福慟哭抱起易衣體猶不潰竟成禮葬之

屏處福父滌早奇鉞鉞與福共學福亦有古行

給事中龔太

龔大字叔安義烏人九歲而孤母傳躬教之造就外傳日記數千言長自刻勵造詣深遠洪武十九年鄉薦明年入太學奉旨閱齊府獄監安東倉盡力剔抉吏部策試第一除戶科試給事中建文三年遷都給事中 文皇渡江太與妻傳訣曰事至此我自分死爾第携幼釋歸否則俱溺井無辱俄宮中火起太馳赴為兵校所執見 文皇金川門以非奸籍得釋太自投城以死年三十六太遇事剛果有為以孝友聞狂人擠太池溺幾死閱其病狂弗校鄉有巫言人禍福輒驗太至不能出一語

監察御史曾鳳韶

曾鳳韶廬陵人洪武末年進士建文初為監察御史會藩王入覲馳皇道入且不拜鳳韶侍班言殿上宜展君臣之禮宮中乃敘叔姪之倫由皇道不拜大不敬建文君曰至親勿問靖難兵起鳳韶使址平請罷兵歸國不報靖難後召復御史不至尋加侍郎召又不至刺血書憤詞襟上曰予生廬陵忠節之邦素負剛鯁之強讀書而登進士第仕宦而至縉衣郎既一死之得宜可以含笑于地下而

不愧吾文天祥屬妻李子公望曰我死勿易不道自殺時年二十九李亦守節死

監察御史董鏞

董鏞或作庸不知始所自起亦不知何許人建文時為監察御史諸御史有志節效忠本朝者時時會鏞所誓不負此心將校懷貳不力戰者輒置章劾之靖難後為眾所持謂鏞逆黨也論死家徙戍邊

監察御史葉希賢

葉希賢監察御史也或曰浙東人或曰起家鄉薦入臺侃侃自負建文中屢疏言用兵事又嘗劾李二大將失律金川門失守又詐藩守門者靖難後坐逆黨死之

監察御史魏冕

魏冕吉安永豐人建文時為監察御史勁直有才名靖難兵至有約開門者冕率同僚十八人即殿前殿之幾死會輟朝冕及鄒瑾大呼請速加誅臣等義不與此賊同生不聽明日宮中火起或謂冕宜急迎附冕毅色厲聲曰使吾改臣節必不為時不用奈何徒自壞也靖難後冕自盡法官請追罪

夷其族

監察御史王度

王度字子中歸善人少肆力學問通經史能文學為鄉里師以明經儒士薦起家為山東道監察御史有風裁疏十餘上多見采行靖難兵起度與齊黃等調兵食建文二年監會試時李景隆累敗退保濟寧以盛庸代之總兵度密陳便宜有東昌之捷徵景隆還不誅反用事忌庸并讒度度稍踈斥三年夏靖難兵南下益急度請募兵未幾有小河之捷勅度勞軍徐州比還鳳陽失守方孝孺與度書誓死社稷四年秋七月請成賀州坐語不遜夷其族卒年四十七

監察御史甘霖

甘霖懷寧人洪武丁卯鄉薦為監察御史剛介持正敢言中臺推重之靖難後被執求死從容受戮子孫相戒不復求仕至今微弱正德中知府胡繼宗祀之鄉賢祠

監察御史高翔

高翔朝邑人有文學矜名節洪武中明經徵為監察御史諸所論奏皆國家機要當上心建文時尤

戮力戎事相與激發忠義靖難後上召翔翔服喪服入見大哭語又不遜遂族翔沒其產諸給高氏產者皆加稅曰令世世馬翔也親戚悉戍邊又發其先墓雜犬馬骨焚灰揚之而以其地為漏澤園

監察御史王彬

王彬字文質兗州東平人洪武中進士起家為御史巡江淮治揚州靖難兵至彬與指揮崇剛共守揚城指揮王禮欲舉城降彬與剛知之執禮及其黨繫獄彬外禦內防七日不解甲有力士能舉千斤彬常以自隨靖難兵飛書城中有縛王御史降者官三品左右憚力士莫敢縛彬禮第宗庫賂力士毋誘其子出會彬解甲浴盤中為千戶徐政張勝所縛昇至城上投靖難兵中不屈死之政遂出禮等于獄與江都知縣張本開城門降正德中揚州祀彬名宦

監察御史鄭公智

鄭公智字叔貞台寧海人力學好古工文辭方孝孺薦之蜀獻王召至成都王與語經史論詞藝公智數稱述河間東平賢行王說之建文初侍孝孺至京尋舉賢良為監察御史吏事精敏持法不阿

靖難後坐方黨論死

監察御史韓郁

韓郁未詳何許人為監察御史建文中上書言諸王親則太祖遺體貴則孝康皇帝手足尊則陛下叔父使二童在天之靈子孫為天子而弟與子遭殘戮其心安乎臣每念至此未嘗不流涕也此皆豎儒偏見病藩封太重疑慮太深而至此夫唇亡齒寒人人自危周王雖廢湘王自焚代府被推而齊臣又告王反矣為許者藩固兵不舉則禍必加是朝廷執政激之使然

本朝

本朝

正

兵不下五十餘萬而一矢亡獲謂之國有謀臣可乎經營已久軍輿輒之將不効謀士不効力徒使中原無辜赤子困於轉輸命不聊生日甚一日九重之憂方深而出入帷幄與國事者方且洋洋自得彼其勸陛下必削藩國者果何心哉諺曰親者割之不斷疎者續之不堅殊有理也陛下不察不待十年悔無及矣臣至愚感恩至厚不敢不言幸少垂洞鑑與滅繼絕釋代王之囚封植湘王之墓還周王于京師迎楚蜀為周公俾其各命世子持書勸燕罷兵守藩以慰宗朝之靈明詔天下撥亂

反正篤厚親親宗社幸甚不聽郁未詳其所終

參軍斷事高巍

高巍遼州人母蕭至孝蕭老而病疾巍奉湯藥不懈母亡廬墓蔬食二年洪武十五年應貢入太學十七年以孝行旌尋授前軍督府試左斷事十八年上疏欲墾河南山東北平兵後荒田及抑未技慎選舉惜名器數事上嘉納之後坐斷事不稱旨當罪以議賢謫戍貴州關索嶺仍許姪代役建文若即位上疏陳乞歸田里未幾知州王欽應詔辟巍赴鈐曹上書論政事其一日太祖有文

本朝

本朝

正

王純一之德皇后有后妃不妬之行百男君王上齊二代分茅胙土先據形勢陝西百二山河其人悍勇西隣土番故以藩王之長秦府王之山西表裏山河地產良馬其人剛壯所謂山西將者是也北近胡虜故以晉府王之燕國雖無名山大川之限其南冀州真保順平大名諸府所謂桑土之野地里坦平肥沃供賦饒衍北雖沙漠不毛虜蓄馬羊其人不耕不蚕皮衣肉食弓馬是務遼金殘元籍之興業故以燕府王之四川雖曰西南一隅山河阻深玄德諸葛虎視吳魏故以蜀府王之其餘

楚湘齊充寧遼谷代慶肅星羅碁布比之古制
皆分封過當然 太祖聖意莫不欲護中國而屏
四夷也今各處親王故多驕逸不法違犯朝制者
不削則朝廷紀綱不立削之則傷親親之恩此我
皇上所難處也賈誼曰欲天下之治安莫要於衆
建諸侯而少其力力少則易使以義國小則無邪
心真裁制諸侯之良策也以臣愚見莫聽晁錯削
奪之策當行主父偃下推恩之令秦晉燕蜀四府
子弟分王於齊充吳楚潭湘齊充吳楚潭湘分封
於秦晉燕蜀其餘寧遼谷代慶肅等府類比而分
王之少其力而減其地如此則藩王之權不削而
自弱矣其賢如河間東平下詔褒賞驕逸不法如
淮南濟北者初犯則容之再犯則赦之三犯而不
改者當合親王告太廟削其地而廢處之豈有不
順服者哉修身齊家宣父明訓睦族和邦帝堯盛
德惟皇上覽察焉建文君奇巍會靖難兵起命從
季景隆出師參贊軍務巍後上書言臣願使燕披
忠膽大陳義禮曉以禍福及親親之誼遂遣往燕
親自稱國朝處士臣某上言燕國大王其詞曰志
慕仲連子善與人排難解紛名世不朽我 太祖

卷五十六

吾學編

卷五十六

升遐遺詔內外臣民同心輔政我聖明天子嗣登
寶位誕布維新之政下養老之詔天下感戴奚啻
考妣朝野皆曰內有聖明君王外有骨肉藩翰帝
王之治可待不意大王與朝廷有隙張皇三軍抗
禦六師竟不知其意何出在朝諸臣執言仗義以
順討逆臣以爲動干戈孰若和解使帝者復帝王
者復王君臣之義大明骨肉之親愈厚臣所以得
奉明詔置死度外來見大王欲盡一言求頸血汚
地者稱臣宿許 太祖生當殞首死當結草之願
也昔周公聞流言即避位居東若大王始知謀逆
者擒送京師或戮而奏聞或解其護衛或質所愛
子孫釋骨肉猜忌之疑塞讒賊離間之口不與周
公比隆哉慮不及此遂檄遠邁大興甲兵襲驕宇
任事者得籍口以爲殿下假誅左班文臣實欲效
漢吳王倡七國以誅晁錯爲名家必自毀然後人
毀之恐一奸雄豪傑鳩集無賴因時乘機率衆數
萬突起而橫擊之萬一有失大王獲罪先帝矣今
大王據北平取密雲下永平襲雄縣掩其定易若
建疑但自興兵以來經今數月尚不能出區區葭
爾一隅之地較以天下十五而未有一焉大王將

卷五十六

吾學編

卷五十六

一三

士殆亦疲矣况朝廷天下無限之師大王以一國有限之衆應之大王同心之士大約不過三十萬大王與我聖天子義則君臣親則骨肉尚生離間之疑况三十萬異姓之士可保終身因迫而死於殿下乎大王信臣言上表謝罪披甲休兵朝廷寬宥再修親好天意順人心和 太祖在天之靈亦安矣不然執迷不回僥倖恃事恐與伯夷叔齊泰伯仲雍求仁讓國之義徑庭矣幸而兵勝得成後世公論為何倘有蹉跌取譏萬世於是時也追復臣言可得乎巍白髮書生野鱗微命生死不懼者

大孝 但父蒙 太祖教養無能補報洪武十七年旌表愚臣孝行臣竊自負既為孝子當為忠臣死忠死孝臣至願也書再上不報景隆兵敗魏自拔南歸建文二年五月遇鐵鉉於臨邑相持慟哭共誓效死遂趨濟南守城拒退靖難兵魏賦志喜有曰至濟南而被圍思張巡之忠堅幸遇知己之鐵相更從英輩以雲聯若徐將軍之赴赴盛統兵之桓桓僉憲高公之糾謾大叅宋公之周旋掠陣張都統之能勇給儲王太守之從權吾道府校之論議斯文王肯播之勉旃衆資群策屈力保全盛統兵

者盛庸也餘不可考矣京城破魏繼死驛舍又有高不危者仕建文時死義第宣反南海衛或曰不危魏字也

行軍斷事錢芹

錢芹字繼忠吳人少好奇節元末以策干諸將不遇洪武初辟大都督府掾從中山王出北平絕漠而還未幾解職家居二十餘年甘貧樂道姚太守虛心求見芹授一冊竟不交一言而退冊中言勤王事不知其詳也建文君求直言舉山林巖穴懷才抱德之士善薦芹吉安知府薦芹用道用道授靖江府直史芹為戶部司務留中議事尋署行軍斷事從大將軍諸議軍事會道芹入奏事道病卒猶條兵事緩急上執政年七十二賜棺歛歸葬黃山善後竟勤王

戶部主事巨敬

巨敬平涼人初為監察御史伉直敢言建文中為戶部主事清慎有聲靖難後被逮責問不屈死之夷其族

國子博士黃彥清

黃彥清不知何許人亦不知任何官建文四年十

二月彥清尚爲國子博士以在駙馬都尉梅殷
中私謚建文君坐死并逮從子貴池典史金蘭等
繫獄殷言彥清實不在軍中金蘭等得釋金蘭後
官至知縣南京故老言建文已卯庚辰間法網踈
闊道不拾遺有得鈔於衢者輒拂其塵土置高潔
處以石鎮之而去一時士風朴實尚義者多靖難
兵入京之夕郎御史給舍四十餘人相與縋城遁
去詰朝御史以聞 文皇不問已而深山窮谷中
往往有備販自活禪寂自居如所謂雪庵和尚者
其志蓋可悲云或曰黃彥清本大臣出外應訪

文皇詔至拒不受欲畱興復下皆效命顧兵力不
足死之或曰王訛爲黃

宗人經歷宋徵
宋徵不知何許人爲宗人府經歷建文時上疏請
削罪廢宗藩屬籍諸王聞之皆恨徵徵又嘗與盧

振謝昇牛景先數言耿曹諸將失律懷貳心靖難
後縛至不屈死并殺其妻子

欽天監副劉伯完

劉伯完不知何許人洪武時重天官之學稍通曆
象占步風角者咸得衣食於官凡有征討必選

知天文者從行伯完精於占候又諳回回曆法起
晴人歷官欽天監副靖難兵南下在歷城戾軍中
從何福戰靈璧敗績被獲釋還竟亡去莫知所終

按察使王良

王良字天性祥符人歷官刑部左侍郎建文三年
開燕國人罪從末減左遷浙江按察使至浙江謁
岳鄂王墓誓曰苟愧武穆非人也建文君遜位大
勦九月詔召良良集臬司諸印私第躊躇未能決
妻問故曰我分應死未知所以處汝耳妻曰我何
難君爲男子乃爲婦人謀乎遂 餽良食抱其子

歛歛如廁置其于池旁自投池死良殮妻畢即列
薪於戶寫遺囑付家人令妾抱幼子往匿某僉事

家或曰託諸汴商遂舉火闔室自焚死事聞 上
曰死本良分也朝廷印信良不得輒毀良毀印不
得無罪徙其家於邊台人陳遂私識良死事每談
及流涕沾襟正德戊寅浙江按察使梁材提學副

使劉瑞改公署東水鑑亭爲祠祀良

叅政鄭居貞

鄭居貞徽州人或曰閩人父潛國初歷仕潞州同
知居貞豐頰美姿髯從父言閩中因從貢尚書遊

洪武中以明經舉授鞏昌通判禮部郎中建文時為河南試左叅政三年吏民信愛之永樂初坐方黨死于南京有閩南集關隴行藁歸來藁隨藁檜廷藁子孫因留居福州瓜山方孝孺之為漢中教授也君真嘗以詩送之曰翩翩紫鳳雛羽翮備五彩徘徊千仞翔餘音 江海於焉覓德輝濟濟鏘環佩天門何差我群山久相待晨沐晞朝陽夜息飲沉澆如何復西飛去去奉關外岐山諒匪遙啄食良自愛終當冀關庶以鳴昭代

按察副使程本立

程本立

卷五

二十

程本立字原道系出伊川上世徙杭再徙崇德今析同鄉本立少有大志讀書不務章句與海鹽沈壽康友善壽康喪父母塋祭以禮敦行誼南臺論薦與官力辭不就鄉人稱焉孝隱先生嘗執手告本立曰世之學者爭務科舉以經學為名而無實吾所不取子之質近厚年且富當志於聖賢之學本立遂篤志修檢就學金華朱克修寓金華最久造詣益深國初舉明經秀才洪武九年除秦府引禮舍人同秦晉燕府官僚召見奉天門賜馬楮幣毋艱去官十三年補周府禮官從三之國大梁二

十年春進長史從王來朝被累謫雲南馬龍他郎甸長官司吏目留家大梁從一僕去雲南會死可伐煽誘百夷為逆三十一年本立單騎入夷巢論順逆利害諸酋落威感說歸附是冬諸夷復變帥潘沐英張統屬本立行縣典兵事且撫且禦本立誓以死濟萬民不避險難山行野宿自楚雄姚安抵大理永昌鶴慶麗江往來綏輯民夷稍安二十五年英卒本立為文祭英英宗人重本立請本立撰碑記述英功德三十一年奏計入京還鄉應天府尹向寶翰林學士董倫薦本立學行政事宜留中朝徵入翰林克纂修官修 太祖實錄未幾陞試左僉都御史授四品散官食正七品俸建文三年坐失陪祀調降仍留翰林編纂明年實錄成改江西按察副使未至江西聞靖難兵入京自縊死本立所著有巽隱集後百三十年福建布政使吳昂刺於閩壽康洪武庚戌旌表孝子知縣王文禮敬之

按察僉事胡子義

胡子義一名志遠刑部侍郎子昭弟也薦辟為威遠訓導歷蜀府典寶山東按察僉事聞兄死倚世

丹徒蜀獻王聞而憐之令削髮為僧子義以親體辭有子二人生數歲子義曰吾兄無後天不絕吾姓二子當免於難竟棄去莫知所終

按察僉事林嘉猷

林嘉猷名昇以字行台寧海人師同邑王琦琦坐累徙雲南嘉猷徒步千里追別又行六千里至漢中師方孝孺孝孺得嘉猷鄭叔貝喜曰匡我者二子也洪武二十九年以儒士校文四川蜀王訝其名字不相蒙更名良顯薦入史館為史官累遷陝西按察僉事嘗被召入燕邸最久知二郡王素傾世子以告孝孺建文君遣錦衣千戶張安持書詰燕許世子王燕燕內使黃儼因問世子計且得行世子竟先發事遂洩靖難後坐方黨逮至京建文四年九月丁亥死之

知府葉仲惠

葉仲惠初名兒以字行臨海人與兄見太夷仲並有文名稱二葉惠仲初任廣武衛知事陞知縣建文初以知縣充史官修高廟實錄二年同考禮部陞知府永樂元年二月坐修實錄時書靖難事為逆黨論死籍其家時年六十四

知府王璉

王璉字器之日照人通經史尤長於春秋初仕教授坐謫洪武末以賢能薦授寧波知府潔廉平易杜私謁革吏弊政教兼舉璉自奉儉約一日見饌兼魚肉大怒命撤而瘞之號埋美太守惟痛絕豪武人以故衛吏卒恨璉靖難兵至江上璉造船取海道勤王為衛吏卒縛至京見文皇文皇問造舟何為璉徐對曰由海道趨瓜州截路耳文皇亦不怒釋還田里鄞人黃學憲潤玉贊璉曰富貴不淫患難矣神神明其心始終一德

知府姚善

姚善字克一安陸人初姓李後復姓居魚鰲善志行淳實學識高遠為諸生時扁讀書所曰待旦軒會稽唐之淳為之銘善工詩為唐相唱和洪武中鄉舉歷祁門丞同知廬州重慶所至有能聲三十年擢知蘇州府初上以吳民染夷俗偕靡違式繩以重法囂訟者更持短長訟璆起難治善洞達政體周悉人情張弛寬密允協時宜數造請郡賢考求治道商略民生休戚俗尚淳澹稍因俗救正吏民回嚮轉稱大治為列郡最隱士王宥居陋巷

善往候舍車詣門賓問為誰曰姚善賓乃開門延
語及賓報謁面府門再拜而返善自邀還辭非公
事不敢入又將候韓奕奕避入太湖善歎曰韓先
生可謂名可聞而面不可見者錢芹自守甚高善
願見不可得有俞貞木者以明經見重於善月朔
望必延致學宮講經書訓士一日饋菜於貞木誤
送芹所芹受之吏覺其誤詣貞木以告貞木曰錢
先生不苟取與今受不辭必仰府公之賢耳善聞
之欲往候乃使人先道意芹對使者曰芹誠願見
公然芹民也禮不可往見于庭若明公弘下士之
意臣臣記 不卷之五 王

風請侯月朔相會於學宮善如期至迎芹置上坐
請質經義芹曰此士子之業公今有官守何不詢
時務邪善益起敬請問今日急務芹出授一簡竟
不交言而去視之皆戰守制勝之策也善心嘉之
時靖難兵已出北平善於是密結鎮常嘉松四郡
守訓練民兵相約勤王而薦芹為行軍司馬建文
元年善至京師畫策防禦又從大將軍北行尋還
京建文君用漢破七國策賤齊黃于外善言于朝
日人有文武才略可扶顛濟危者及置散地不用
今事已狼狽須急召之詢其姓名不對再三詢之

日本人才豈有過於黃大卿者遂復召還二人四
年詔善兼督蘇松嘉常鎮五郡兵勤王未及戰
文皇即位索子澄甚急子澄避善所約共航海善
謝曰公可去善不可去公朝臣可四往號召圖興
復善職守土義當與城存亡子澄遂去善為麾下
許千戶等縛見文皇詰善曰若一郡守乃敢舉兵
抗我邪善厲聲不遜死之時年四十三子節諱成
號縣千戶所幼子繼兒蘇州坐配保兒習匠正德
十一年湖廣巡撫秦金祀善鄉賢祠奕潛心理學
尤精於醫洪武初累薦不起所著有韓山人集
善自記 不卷之五 王

知府徐安

徐安鄆人洪武中舉人材累官濟南知府調鳳陽
靖難兵自儀真趨京師奇兵間道從靈壁出鳳陽
渡河安謀知拆浮橋絕舟楫拒守靖難兵竟獲漁
舟以濟靖難後放歸田逾年舉遺逸有司上安名
得復任居數載鳳陽諸戚里奏安交宗親疵細民
奪莊田 文皇始怒曰朕昔尚為安所困况若曹
乎逮安謫戍雲南

知府黃希范

黃希范不知何許人為徽州知府政令嚴明士民

信服靖難兵起大修武備金川門失守素服不治
事後坐與長史程通善嘗共議條上防禦策為錦
衣邏卒捕去論死籍其家

知府孫鎮

孫鎮合肥人洪武中中制科除度支主事時以課
程事罪部官鎮諫不宜連坐謫戍雲南尋復官擢
衛輝知府靖難兵至抗節不附壬午秋謫戍山海
二十餘年宣德初薦起為上饒縣丞不就自號冲

玄子

知府陳彥回

陳彥回字士淵莆田人父立誠歸安丞被誣論死
家破彥回請戍鎮南弟彥因遼東彥回未入直家
人多道死比至蜀惟彥回與祖母郭僅存會教又
弗原監送者憐彥回縱之去顧貧不能歸往依定
遠知縣黃積良稱黃姓積良罷依南充縣丞于中
和未幾閩中教諭嚴德政薦彥回明經為保寧府
學訓導三考至京承願問陞平江知縣至平江閱
十二月 上崩彥回入臨給事中楊惟康薦彥回
文學廉幹陞徽州知府至徽數月政教一新士民
感悅建文元年春以循良受上賞是冬郭氏卒承

重徵父老走京乞留會彥回衰經赴闕跪乞得街
陳姓奪服留徵除彥回戍籍彥回又乞竟服不許
許襄事蒞郡再疏又不許遂郭徵郡北十里北山
之陽彥回視事時走墓下哭甚哀徵人名為太守
山彥回恒以亡命冒宗為愧悒悒不自安屢欲陳
首輒自籌曰祖母年高即蹉跌奈何隱忍二十餘
年始得行其志靖難兵至江上彥回糾義勇勤王
文皇即位械至京死之籍其家

谷府長史劉璟

劉璟字仲璟其父文成太師也弱冠流瀋陽傳喜
談兵究極韜略握奇諸書律貌豐髯議論英發既
賊葉丁香叛延安侯唐勝宗討之決策於璟破賊
還薦璟才略 上喜曰璟真伯溫兒矣召見璟謂
曰朕欲汝日夕左右惟閣門使如儀禮司立百官
上宣建為職處爾無此官者遂授之賜第馬衣帶
金書除奸敵仗四字於鐵簡賜之且命曰百官敢
有不法汝持此糾正會谷王封宣德府謂侍臣曰
谷王年少誰可羽翼王者謀大臣故忌璟對曰閣
門使劉璟忠勇果敢可任 上領之授谷府長史
并勅提調蕭遂慶寧燕趙六王府事璟嘗至燕

文皇與璟奕璟勝 文皇曰卿獨不少讓我耶璟
正色曰可讓處璟不敢不讓不可讓處璟不敢讓
也靖難兵起璟馳還京獻十六策不聽令參議李
景隆軍事景隆又不聽景隆戰敗璟夜半渡蘆溝
河米陷馬斃璟力破冰跳躋岸冒雪走良鄉裂趾

跛行三十里璟子豹自大同赴難越良鄉至涿州
遇璟翼璟上馬奔還家養疾建文二年璟與疾赴
關進聞見錄千萬言又不聽令璟還家待用明年
六月建文君遜位璟稱疾不起法官論璟逃叛遠
至京見 上猶稱廢下且云廢下百世後逃不得

一箇 字下詔獄徽髮自經死法官希旨緣坐其
家 上不許得歸葬嘉靖乙酉提學副使萬湖尙
像配享文成祠

遼府長史程通

程通字彥亨績溪人祖平謫戍延安通以太學生
走闕下上書請還其祖詞懇惻 上憐而釋之洪
武二十三年舉應天鄉試時遣諸王行邊以封建
發策通對 拜遼府紀善二十四年從王閱武臨
清明年從之國遼西靖難兵起從王渡海來朝進
左長史從王之國荊州衛士紀綱者方幸王通輒

辱之朝廷遣人至荊州通上防禦壯兵數千言
文皇即位綱入賀留錦衣衛幸用事乘間言通曩
有封事指斥遂械通至京論死家人戍邊簿錄其
家得田數十畝遺書數百卷牯皮數張績溪之程
最喪幸使者仁恕不旁及

知州蔡運

蔡運南康人貢起家歷官四川參政清勁直諒不
諧於俗罷歸復起賓州知州有惠政靖難後論死
百姓憐而思之

知縣顏伯璋

顏伯璋廬陵人名瓊以字行聰敏介直能文章建
文元年賢良徵授沛知縣靖難兵起淮北民終歲
給軍餉伯璋征戰有方民不告勞三年六月北兵
掠濟寧游兵過沛沛人竄匿伯璋設法招徠會談
豐沛軍民指揮司集民兵五千人築堡備禦尋調
三千人益山東兵是月望日靖難兵攻沛伯璋遣
縣丞胡先百夫長邵彥莊間行至徐告急都督援
兵竟不至度不能支令其弟珏次子有為還曰汝
歸白大人子職弗克盡矣題詩察院壁曰太守諸
公鑒此情只因國難未能平丹心不改人臣節請

史誰書縣令名一木豈能支大厦三軍空擬築長城吾徒雖死終無憾望采民艱達聖明是月二十二日夜二鼓靖難兵入東門指揮王顯迎降伯瑋冠帶升堂南拜慟哭曰臣無能報國遂自經死時年五十有為不忍去復還見父尸遂自刎以從瑋脫走濟寧逾月還沛詢邑人知胡先已收葬伯瑋父子於沛南關外乃至徐告伯瑋友人晏璧璧與伯瑋同郡宦於徐因為伯瑋傳其事言伯瑋善事父母友于兄弟睦於族姻鄉黨稱其六行無異辭以故守令知而薦之及為沛令數以事至徐又同督運德州每連牀共食談論慷慨練達機宜深喜鄉郡之有人屬縣之得賢長吏也古語云謀人之軍師敗則死之謀人之邦國危則亡之若伯瑋寄百里之命素志已定視死如歸賢於人遠矣觀此璧亦行誼君子也正統中御史彭鼎為伯瑋起墳祠祀之

知縣鄭恕

鄭恕字木忠仙居人治尚書能賦詩善書畫好古博雅家甚貧釜魚鮓糜一介不妄取蕭然斗室日與學徒數十人講論經理高風勁節一時敬嚮寧

波知府禮聘為昌國訓導未幾陞蕭知縣留心撫字民愛敬之建文四年靖難支將王聰攻破蕭恕死之年五十六後籍其家二女當配亦死之子濂湜姪温汲謫北平種田

理問徐讓

徐讓山西布政司理問不知何許人材氣磊落有口辯應募賈書物至北平議和解兵受而不答建文四年五月還授衛鎮撫軍前差遣戰歿

縣丞劉亨

劉亨字嘉會廬陵人博通經史洪武十五年以賢人君子徵辭親老歸養久之復舉經明行修入對稱旨命說書華蓋殿尋言事忤執政出為壽州訓導三十一年冬建文君詔求言上言文武並用久長之術而六卿秩卑於五府當並為一品國子祭酒師表天下士位不當在太僕下諸武臣子弟他日當授之兵宜立學教之使知事上使下禮義之道多見採用陞武進丞修學政課農桑恤孤寡表節義毀淫祠縣傍作善教坊再思亭風厲民庶訟省野闢流亡來歸建文三年賜璽書四年縣民李德茂馮阿寶作亂白郡守毋令滋蔓率衆擒首惡

戮之論降散其黨靖... 遂杜門不復出有薦亨修水樂大典者力辭疾湖
廣廣東聘考試官皆不就宣德中監察御史尹崇
高復言亨學行雖老可為師表官亨造朝自言年
將八十不足任教事 上曰伏生九十尚傳經八
十為教官何不可亨懇辭吏部尚書郭瑾曰孔子
言老者安之朝廷豈少此一人宜聽還鄉自便得
歸正統中年八十二卒

縣丞衛健

衛健山西孝義縣丞不知何許人讀儒書達吏事
膽智過人與徐讓同應募使北平不答健曰願殿
下孰思之亦不聽還授衛鎮撫與讓並赴軍前差
遣後戰歿

教授陳思賢

伍性原 陳應宗 林廷

陳思賢茂名人質直好義洪武末為漳州府學教
授以忠孝行藝勗諸生隨才教誨多所成就 文
皇靖難詔至慟哭曰明倫之義正在今日遂堅卧
不出迎率其徒伍性原陳應宗林廷鄒若然曾廷
瑞呂賢即明倫堂為舊君哭臨如禮郡人執送京

師思賢暨六生成以身殉或曰死於道嘉靖中提
學副使邵銳立祠祀之

教諭王省

王省字子職吉水人洪武五年領鄉薦至京詔免
會試命吏部次第擢用省以親老乞歸養尋以文
學徵 上親試稱旨當殊擢省自陳才薄親老乞
便養得浮梁教諭外艱起復改睢陽凡八年又改
濟陽靖難兵至省為游兵所執從容引譬詞義慷
慨衆舍省省歸坐明倫堂伐鼓聚諸生謂曰若等
知此堂何為名明倫今且勿多論只說君臣之義

唐子清

何如省大哭諸生亦哭遂以頭觸柱死女靜適即
墨周簿聞靖難兵至濟陽謂父必死三遣人訪竟
得遺骸歸葬省子植為夔州通判亦抗節死賊中

唐子清

唐子清字王簿也不知何許人在沛有善政民愛
之顏知縣守沛專調兵食一切邊察事皆付子清
靖難兵執子清欲殺之將兵者欲且留子清不屈
死

吏目鄭華

鄭華臨海人字思孝洪武十八年進士初授行人

奉使川廣有令名建文元年詿誤謫東平州吏
靖難兵起謂其妻蕭曰吾義必死柰親老汝少何
妻泣對曰君能為國妾獨不能為君乎乃稱病尋
醫攜家托友人無錫丞趙次進堅還州州長貳以
靖難兵且至盡棄城走去華獨率民吏憑城守力
不支請援山東又不至不食五日而死

典史周縉

周縉字伯紳武昌人以太學生授永清典史廉謹
攝令事捕蝗弭盜靖難兵起永清地近燕縉極力
拒守縣民寡弱相帥逃散縉度不可為懷印南奔
將他圖道聞母喪歸終喪即出糾義旅勤王戎器
數日略具聞南師燔遂去匿民間壬午十月丁巳

吏部言前北平屬州縣官朱寧等二百九十人當
皇上靖難時俱棄職遠避宜寘法典命入粟贖罪
屯戍興州有司遂械縉至京謫興州居數年子代
還年八十終於家吳文定公嘗為縉傳以故得獨
傳寧等竟不可考

典史黃謙

黃謙亦不知何許人以儒生為沛典史果敢能戰
下顏知縣禮遇之益効力盡職靖難兵欲執至徐

招降謙不屈死之

盧振

盧振靖難兵起與徐輝祖齊黃謙畫攻守効力為
多靖難兵畏之壬午秋逮至不屈榜振名數其罪
殺之夷其族

牛景先

牛景先禦靖難兵數有功金川門失守景先變姓
名易服出走死蕭寺中已而窮治齊黃黨逮景先
妻妾發教坊司

周璿

周璿建文中從將校戮力戰守靖難後不屈死之
妻王氏子蠻兒皆沒官

謝昇

謝昇當建文時練兵給餉夙夜効勞靖難後不屈
死之振景先璿昇皆不知何許人亦不知其始所
自起任何官或曰璿諸城人

龔翊

龔翊字大章崑山人年十七為金川門守卒建文
末靖難兵首入金川門翊大哭後還鄉宣德中州
忱巡撫兩薦為崑山太倉學官辭不就曰翊仕無

害於義忍負往日城門一慟耳竟隱終身門人私謚為安節先生

儲福

儲福無錫新安鄉人也洪武初隸燕山衛籍年二十餘頗好義建文末挈母妻逃去 文皇即位詔挾購戍卒入伍至燕山福在錄中調曲靖衛復挈母妻以行因仰天哭曰吾雖一介賤卒義不為叛逆之臣在舟中日夜泣不輟竟不食而死母韓妻范為營地葬之范時年二十有姿色居貧奉姑甚謹每哭其夫則走山谷中大號不欲聞之姑也官

有聞其寡者欲委禽焉既而聞其事曰此節孝婦也我安忍犯之一日范往澗水邊浣衣見其傍草生若蘇席草因取之織席售養姑姑賴以存姑年七十餘終營葬為廬于墓傍范年八十餘卒席草遂不生土人義之即其廬葺為庵集尼居之名崇孝庵

松江同知

松江同知者不知其姓名勤王詔下同知榜募義勇入援極言大義感動人心弁述靖難之兵乖恩違義 文皇既即位械至京磔於市

舉人劉政

劉政字仲理長洲人父有經學為沛學教諭政聰敏力學治春秋建文元年秋方孝孺試圻府士千五百人題命論語托孤寄命節不可奪章得政卷孝孺喜曰此烏中孤鳳當虛左處子是科登書一百十四人政第一四年建文君遜位殺孝孺政慟哭不食死之或曰政在永樂中誓不復仕授徒終其身

生員高賢寧

高賢寧濟陽儒學諸生也受學於教諭王眷建文中使丞降賢寧時在城中作周公輔成王論射城外請罷兵靖難後被執 文皇曰此作論秀才邪秀才好人命官之賢寧固辭其友紀綱時為錦衣指揮俾用事勸賢寧就職賢寧拒不聽曰君以軍旅發身余本書生食祿有年於義不可綱言於上得遣歸年九十七卒

建文遜國臣記第五卷終

子履準校正

海鹽鄭曉

某部郎中梁田玉

梁田玉定海人歷官至郎中靖難兵入金陵田玉
與葉御史俱髡髮為僧避去久之松陽人王詔遊
治平寺觀轉藏聞藏上嚶嚶有聲異之令人緣藏
登絕頂無所見見書一卷載建文時出亡臣僚二
十餘人事紙毀泔字多斷爛不可讀讀數日稍稍
銓錄其可識者得田玉郭良梁中節梁良用宋和
郭節何洲梁良玉何申凡九人人僅數言詔憐其
忠又得之異各贊數語題曰忠賢奇秘錄贊良玉
日行儒名釋知我者誰至寶淪沒久而同輝

中書舍人梁良玉

梁良玉亦中書舍人梁郎中族也靖難後訣妻子
易姓名挾微貲走出金陵城逾嶺至海南寓市肆
粥書為業以死贊曰忠臣蹇蹇遵彼海潯耽書玩
市資以盍簪屯如邈如哀此陸沉

中書舍人何申

何申不知何許人為中書舍人建文末奉使四川
至峽口聞金川門不守發憤慟哭吐血不數日疽

發背死贊曰兩涯洶洶中作霹靂義氣馮殷與之
俱激奸諛過此寧不惕息余乃為隳括王子之詞
合而銘之曰今吾故吾知我者誰瘞若漆身希蹤
采薇戢戢潛龍寥寥冥鶴豈吝姬嚙而甘漢卜山
椒水滋天涯海潯會其可逢敵以南音肯欠一死
以明我心白霓晝見虞淵沉沉孰呵護此悠悠古
今嗟乎靖難時死者無慮千人宋張林黃諸君子
百方搜考僅得百餘人此二十餘人者幸而不死
又得好義者密錄其姓名藏之蕭寺秘處歷百餘
年而王詔始見之縉雲鄭倍為識其事竟以絁字

中書舍人宋和 中書舍人郭節

宋和郭節皆中書舍人也不知何許人靖難後變
名挾卜筮書走異域賣卜給衣食客死

梁良用

梁良用亦定海人父子兄弟八人同仕于朝靖難
後相率變姓名避去良用去為舟師已而死于水
或曰梁氏父子兄弟為舟師投水死者五人贊曰
泛泛栢舟載浮載沉中流誓楫懷我好音肯欠一
死匪名是尋以完我族庶明我心

梁中節

梁中節定海人未詳仕何官少好讀老子太玄經靖難後與郭良棄官同走出京城為道士入山去

何洲

何洲海州人不知仕何官與宋和郭節友善素以忠義相勗靖難後遂相約棄官為篋人客死異域竟莫識其姓名王詔合和節洲而系之贊曰箕子陳範嚴氏隱卜義有從否道有宜告烈烈英賢寥寥真鶴

郭良

郭良不知何許人靖難後與梁中節相約棄官為道士去贊曰駕言導引嘯傲林臯頽波莫挽使我心勞

雪庵和尚

雪庵和尚名暨不知其姓靖難初方黃之獄殺幾萬人即不殺謫戍窮邊不死於道死於邊者又幾萬人當是時和尚壯年始懶哭落髮為僧西南走重慶重慶大竹善慶里山水奇絕可慮和尚又走善慶里里墟中有隱士杜景賢知和尚非常人與之遊往來白龍諸山山旁有松栢灘灘水清駛

僧森蔚和尚欲寺焉景賢豪有力亟為之寺寺成和尚率其徒數人入居之昕夕誦經山中人不知書謂且誦佛經乃不知其誦易乾卦也景賢曰和尚相釋而誦儒不可請誦佛經景賢意和尚不宜誦儒書恐有踪跡然又不肯顯言言則恐和尚走去以故婉解之乃和尚亦知景賢意遂棄儒經不誦誦觀音經寺因名觀音云和尚好觀楚詞時時買楚詞袖之登小舟急棹難中流朗讀一葉輒投一葉於水投已輒哭哭已又讀讀終卷乃已衆莫測其云何景賢固知之然亦不問和尚和尚好酒不戒酒日注酒一壺俟客客至輒飲客不至即拉樵牧豎入飲飲半醅呼兒童歌曰我歌爾和歌竟瞑焉而寐和尚頎形秀爽指柔白剪剪落筆成章詞不其工密然意氣渙發又能感愴人或曰和尚當建文壬午為御史不數月帝遜位和尚固秘跡以死死之日其徒問曰師即死宜銘何許人和尚張目曰松陽問其姓名不答和尚有詩若干篇今且百四十餘年尚未敢顯行於世或曰此松陽葉希賢也以賢良方正舉為監察御史

河西傭

河西傭不知何許人建文四年夏六月 成祖入
金陵即帝位傭被葛衣走是冬至金城行乞市中
金城邊地極寒傭常衣葛衣明年過河西依莊浪
豪魯家為傭傭亦取直稍稍積買羊裘披之雖寒
必覆之故葛衣葛益破縷縷竟不肯脫故葛衣夏
或衣暑布布即新故葛衣輒覆其上人勸之棄故
葛衣不肯棄直悶悶不答傭錢稍有餘走市中買
牛肉酒與諸乞兒食飲傭力作倦時自吟哦或夜
聞其哭泣聲永樂中有留都官從宋總兵至莊浪
者識傭欲與語傭走南山中避旬月留都官去乃
還通鑑紀事本末卷之六 還有問留都官傭何人者留都官亦不答在莊浪
數年病且死呼主人謝囑曰我死勿殮我棺幸西
北風大起火我無埋我骨魯家從其言

川中補鍋匠

川中補鍋匠亦不知何許人往來夔慶間為人補
鍋至州邑不過三日即去去或復來夔慶人有欲
學補鍋者即教之補鍋不索謝錢直令負擔從有
後曹學者至即遣先學者去如是數年夔慶間人
識之皆呼為老鍋匠補鍋或與錢布米不擇當食
時與之食即不復索錢錢稍稍積囊中遇風雨寒

暑不出補鍋即出錢買酒飯自飲食常寄宿蕭寺
中忽夔州市中逢馮翁者二人相顧愕然已而相
持哭哭已相牽入山岩中坐語竟日學補鍋者屏
不得聞二人語語已又相持哭且別去言今永訣
不可復相見已竟莫知其所終蜀中娥眉亭嘗有
建文遺臣題詩云一箇忠臣九族殃全身遠害亦
天常夷齊死後君臣薄力為君王固首陽

馮翁

馮翁亦不知何許人在夔州以章句教童子給衣
食能為對句及古詩詩輒自題馬二子或馬公或
塞馬先生嘗作詩大書壁間比見補鍋匠歸即剗
去詩曰夜夢何奇特龍飛天漢津朝橫滄海曲夕
過滇池濱光雲皆五色蜿蜒無損鱗淵田變化間
張王藉高旻時蓋永樂甲申乙酉間未幾辭主人
去莫知所終

東湖樵夫

東湖樵夫熱浙東臨海東湖上日負柴入市口不
二價建文壬午秋詔至臨海湖上人相率走縣庭
聽詔或歸語樵夫 皇帝登極樵夫愕然曰皇
帝安在或曰燒宮 矣樵夫慟哭遂投湖水中

死竟不知何許人

論曰余聞之陶徵士言齊二客魯兩生史並失其名操行之難而姓名翳然撫卷長嘆不能已已余獨幸夫雪庵諸君子忍垢茹荼卒晦其名以不滅其族也

建文遜國臣記第六卷終

遜國臣記

卷之六

子履準校正

建文遜國臣記第七卷

海鹽鄭曉

戶部尚書王鈍

王鈍字士魯太康人故元進士為猗氏尹洪武十年舉秀才授主客主事改長沙通判坐事免後舉明經授大名通判遷吏部郎中福建叅議陞叅政寬慎廉介民懷其惠坐轉漕不給當罷特宥召遣持節諭撫麓川平緬却贈金或曰夷且疑貳柰何鈍受之悉輸雲南省藏還陞浙江左布政使憂去建文初陞戶部尚書靖難兵至鈍踰城走靖難後召見曰爾向輔建文間朕骨肉今何顏邪鈍頓首慙謝命致仕月給尚書半俸永樂元年六月鈍上言軍令屯種數事皆從之復命往北京山東撫綏軍民經理屯戍二年四月仍浙江布政使與勅致仕卒子噩官至戶部侍郎

工部尚書嚴震直

嚴震直烏程人洪武五年起家布衣授試叅議尋授戶部郎中陞工部右侍郎逾年進尚書二十六年鄉民訴其第姪不法上付震直訊報具獄上以為不欺赦其第姪已而坐事降監察御史使

龍州二十八年修桂林靈渠尋陞右都御史復為工部尚書洪武三十年二月震直上論兩廣鹽法廣鹽得行江西安贛吉臨諸府震直質直勤敏上數稱之時時賜食復其家靖難兵起震直督餉齊魯間兵敗為北兵所縛置布囊兩馬夾昇至北平建文君遜位後復為工部尚書奉使安南至雲南見建文君悲愴吞金而死震直魁梧幼不喜讀書力田供徭賦顧長於算數寡學識諸權貴人皆喜之

侍郎學士王景

王景字景彰以字行松陽人洪武初起家懷遠教諭歷知州山西參政謫雲南建文君召景為知縣留與修高廟寶錄毋憂去服闋吏部尚書張統為雲南布政使時知景薦陞禮部右侍郎兼翰林侍講克總裁官靖難後進學士時言建文君崩上問景葬禮景頓首言宜用天子禮上從之景博學能文章善書

侍郎學士董倫

董倫字安常恩縣人僑居宛平質直有文學遨遊山林間布褐藜藿淡如也從遊者衆稱貝川先生

勝國時累辟不起國初擢用軍縣儒士張寧寧薦倫洪武十五年遣使徵為右贊善事懿文太子陳說忠厚十八年擢左春坊大學士太子卒出為河南左參政留情民莫嘗上封事數千言又薦肇州吏目諸葛伯衡上擢伯衡陝西右參議三十年詿誤免官典教滇南建文君在東宮憐其老且遠去賜白金若干鎰至成都蜀獻王敬禮倫抵滇開心訓化不忍鄙夷其人雖蠻童焚豎皆知向慕建文君即位念舊臣屢詢倫左右亦多薦倫者召拜禮部侍郎兼翰林學士賜御書怡老堂扁及棗几

王鳩杖各一倫上表謝略曰桓榮設几杖於太常不聞宸翰之賜晏殊題舊學於神道未見几杖之頒自今將杖以戒噎則當思四海或有飢餒之民憑几以安身則當念一物或有顛連之嘆或曰此孝孺代筆也初監察御史解縉嘗代夏長文作劾都御史袁宏書太恨縉中傷縉上今縉十年著述來京擢用未及期上崩縉赴臨有司謂赴臨非詔旨請縉河州衛史縉與倫書祈援倫左右縉得召還為翰林待詔倫為人質直敦厚富文學為時所重建文間屢懇言宜親睦宗人不聽靖難後倫

年八十餘今致仕出京悒悒成疾數日卒

大理少卿薛崑

薛崑閩鄉人慷慨負志操有治才口辯建文三年以鎮江知府為大理左少卿是年方孝孺建議草詔令崑督至北平又作宣諭數千言刊印千紙付崑令密散北兵諸將士崑見 成祖曰 上言殺下巨釋甲謁孝陵暮即旋師 成祖叱曰事至此尚誰欺左右請殺崑 成祖曰天子命使也釋之歸靖難後免崑死謫廣西永樂初安南王孫陳天平自老耄來歸李齊子蒼請天平歸還國 上命廣西總兵黃中以兵五千送天平歸中舉崑為輔行至芹站伏發劫殺天平崑被虜死

少卿學士高遜志

高遜志字士敏蕭縣人元末僑居嘉興好問學嘗侍父宦遊吳中受業宣城貢師大鄱陽周伯琦遂昌鄭元佑為文深純典雅成一家言年二十五為鄧山書院山長洪武二年徵修元史入翰林為編修累遷侍讀學士建文時太常右少卿兼學士庚辰會試與董倫為考試官所舉士胡靖吳溥楊子榮楊溥胡濙董靖難後皆為名臣遜志存沒不可

考是科同預較藝者右拾遺朱逢吉編修史官吳勤葉惠仲趙友士徐旭張秉彝監試御史王度俞士吉皆一時之選惟惠仲王度死難餘皆位如故徐旭永樂初為吏部郎中與逢吉皆預重修 高廟實錄旭陞國子祭酒士吉永樂初為僉都御史

國子祭酒張顯宗

張顯宗字明遠汀州寧化人少喪父母黃守志訓教顯宗以文學著名洪武二十四年進士及第二十九年以編修陞太常寺丞賜衣一襲三十年署國子祭酒事建文君即位為真上便宜數事學政一新壬午正月陞工部右侍郎靖難兵至淮顯宗奉詔起義兵江西募民出粟給軍餉六月還復為祭酒靖難後江西兵執顯宗及布政使楊璉按察使房安僉事呂昇至南京謫顯宗等戍興州後平交趾起顯宗為左布政使勞來撫戢夷民安附永樂七年卒於官顯宗性行孝友政事敏達時以文學餘吏事會交趾初平人情未定清林知州王賦武寧知州魏思善能奉行顯宗約束皆有惠政並卒於官

侍講學士王達

王達字達善無錫人洪武間爲大同訓導迨北平
私上謁成祖成祖喜禮達建文末薦陞國子教
職靖難後姚廣孝又薦達陞翰林編修再陞侍講
學士達謙和恭慎能詩文上嘗問達建文君事
對曰建文君亦可與爲善顧輔導非人耳上終
薄達一日達侍問達十難字達識其八上曰朕
更有難字難汝達懼服銀屑死上顧憐之命有
司歸其喪或曰達草靖難登極詔或曰草詔者括
蒼王景學士也

翰林侍讀唐愚士

唐愚士名之淳以字行山陰人建文二年勅翰林
侍從之臣方孝孺等集數千載經史中事爲一書
以考治亂爲鑒戒命舉優通文學之士孝孺首薦
愚士愚士時寓金陵爲李景隆子師立乃爲翰林
侍讀賜冠帶令與孝孺俱領修書事進講前漢書
愚士少負奇志好學父肅仕國初應奉翰林文字
有文章名愚士得遊公卿間宋濂稱其文勉之進
學肅謫死臨濂愚士奉喪歸葬求父遺文雖荒邇
敗壁高崖斷石靡不纂錄什襲時時伏讀聲凄切
動人聞者掩涕愚士長身巨鼻博聞多識練達世

故爲文蔚贍尤長於詩翰洪武中數從景隆徧遊
燕薊秦周所過廢都舊邑名賢古帝遺跡輒爲詩
歌論記詞旨超絕性喜飲酒酒酣高談傾坐晚得
官近侍未幾病病愈復起明年病甚比卒遺言請
銘孝孺愚士貧無他宗族喪事數千百緡倚辦景
隆孝孺爲聞上詔有司給舟歸葬

翰林侍講樓璉

樓璉字士連金華人嘗從宋濂學洪武中以儒士
召歷宣寧仁壽主簿藍田知縣權廣東道監察御
史謫戍雲南建文君嗣位屢下詔求賢璉以文學
舉入翰林侍經筵官至侍讀靖難兵入京文皇
命方孝孺草詔孝孺哭且罵授之筆擲諸地曰身
可死詔不可草改命璉及王景璉惶懼不敢辭歸
而憤問妻子問之曰得無傷方先生邪璉愧曰我
受刑猶可正恐累及爾輩耳遂逃一夕自經死

翰林侍書宋懌

宋懌字子夷金華人文憲公孫也懌父燧中書舍
人懌思紹父學奉母孝蜀獻王聞之時賜粟帛賜
其家專心力學書益工建文君即位念濂爲典宗
舊學之臣召懌入翰林爲侍書與劉彥欽朱思平

皆知名建文時而濂門人有聲稱者同郡橫瀾清陽鄭楷皆見擢用永樂十年濂孫情坐鄭公智黨刑部侍郎張本請罪情 文皇曰濂名儒開國時事 皇考有勞原情勿問

尚寶司丞李得成

李得成涑水人父德儀早卒母張氏洪武初避兵溺死得成卧水求其尸塑父母像與妻事之甚謹洪武十九年縣舉孝廉為大官署丞二十四年改太常贊禮郎二十五年又以割肝報效之忠陞尚寶司丞二十七年八月旌其門孝子學士劉三五

為傳其事靖難兵起景隆敗於德州濟南被圍急黃子澄等謀緩燕師遣人講和得成慷慨請行見成祖濟南城下請回軍還燕 成祖必欲得齊黃乃肯解兵遣得成歸報朝廷以得成辱命下獄已而宥之永樂初陞陝西左叅政歷陞陝西右布政使數上言民間疾苦

監察御史尹昌隆

尹昌隆字彥謙太和人洪武十八年進士授翰林修撰改監察御史建文即位初朝晏昌隆諫曰太祖高皇帝鷄鳴而起昧爽而朝未嘗日出臨百

官百官于是乎戒懼故能庶績成舉天下安也陞下嗣守大業固宜追繩祖武兢兢業業憂勤萬幾未明求衣日旰忘食常如不及今乃溺于晏安日刺甚晏猶未臨朝群臣宿衛疲何廢業上下懈弛臣恐播天下傳四夷非社稷福也建文君曰昌隆言中朕過禮部可頒示天下使人知朕過元年京師地震昌隆疏言奸人專政陰盛陽微謫見於天執政大怒斥為福寧知縣未幾中使誣昌隆詛說下獄事白得釋靖難兵南下昌隆上書言今日事勢日去而北來章奏言周公輔成王不若罷兵息

進昌隆

卷之七

九

戰許其入朝彼既欲申大義于天下不應便相違戾設或有蹉便須讓位不失守藩若沉吟不斷禍至無日進退失據雖欲求為丹徒布衣不可得矣不報靖難後昌隆名在奸黨驅出就戮昌隆當陞大呼曰臣當時曾上章勸讓位陛下奏牘尚在可覆也命緩昌隆刑檢奏有之 上曰火燒頭早從此言南北生靈受禍不若是酷朕亦無此勞苦遂貸昌隆死未幾以為北平按察知事行部主事預儲議進左中允漢庶人惡昌隆改為禮部主事尚書呂震喜屬官諂忌昌隆誣昌隆與谷庶人通謀

論死沒其家震病時時號呼乞解曰尹相尹相妻
子問故曰昌隆守欲殺我震竟死

國子博士王紳子華

王紳字仲縉文忠學士禕之子年十三穎敏過人
幼鞠於兄綬最恭順痛父死義尤孝事母母卒哀
毀未幾兄綬亦卒營塋苦卓負奇志博讀經史
百家言發諸論難縱橫磅礴沉思銳氣俯視朋流
宋濂一見竒紳曰華川有子洪武十五年蜀王禮
聘抗客禮教授蜀郡紳痛父遺骸未返丘隴白王
走雲南慟哭原野行求久之不能得即奠死所仰

六卷之二

十

天一號幾絕日夜悲哀滇人感悅稱王孝子紳因
述滇南慟哭記時雲南布政使張統重紳純孝為
作吊王翰林文建文君即位以給事紳誠御史黃
凱薦召為國子博士預修高皇實錄與方孝孺
友善嘗尊孝孺為百代儒宗勸著書淑來學孝孺
不應紳意悟自是略文藝潛心道德建文元年四
月紳上言父死節狀且曰陛下方隆孝治而明詔
又有旌表節義之條正微臣得展情事之時先臣
志節獲伸之日也下翰林定議降制曰朕纂承洪
業大賚四方文武之臣勲庸勞烈著於天下者咸

思褒封寵錫以崇德報功况於守節秉義之臣命
書愍贈曷可忘哉故翰林待制王禕博學雄文顯
名當世久事皇祖夙夜在廷獻納論思數被嘉獎
修史擅三尺之譽蒞民兼四善之稱蘊才而弗克
大施叩命而遽先出使導滇民而歸化宣皇威以
懷柔豈期携貳以詭謀竟致忘身而殉義歷年滋
久卹典未遑暨嗣息之疏陳乃興懷而慨歎是用
職陞禁從謚錫美名循彛制以勸忠推茂恩而示
訓尚惟冥漠服此殊榮特贈翰林院學士奉議大
夫謚文節開國以來文臣有謚者寔自禕始時蹇

六卷之三

義被拔擢而與時浮沉紳上書勸之曰執事方負
天下重望治否安危固係於進退去取之是非而
所任非其所長所職非其所事位高於器則有覆
餗之患才過於職則有積薪之譏非其才而強委
之至於債事則是執事欲為尋常無聞之人而不
可得况敢望其逸樂優游而與時俗上下乎義得
書極憾之建文二年卒年四十有一有繼志齋集
三十卷藏于家子稔字叔豐少有志行壯力問學
性至孝紳痛念父沒食不兼味稔遵教子孫相承
數十年不變父母喪三年酒肉未嘗入口學問該

博士從遊日衆有青巖稿聖朝文纂金華賢達傳
續文章正宗卒年五十九門人私謚孝莊先生徐
初從學孝孺靖難後嘗欲與孝孺表姪鄭珣至聚
寶門外負其遺骸歸葬不可得坐逮繫獄 文皇
念禕忠特宥之且用徐徐辭疾讀書青岩山下將
終身焉徐與童景庸書言痛念遜志名蹟日就湮
沒欲執事與令兄商確搜輯其學行幽潛生卒始
末爲家傳行狀以傳同志有愛慕之心者自能默
識謹藏或可待時發揚於萬一徐遂輯方氏遺文
爲疾城集後百年始傳

按察僉事葉砥

葉砥字周道一字履道上虞人有學行洪武三年
進士除定襄縣丞八年坐累謫涼州砥處之裕如
日杜門力學時法峻諸謫士伍河西者喜從砥遊
建文元年詔求賢陝西按察羅副使臨江知府劉
鵬上虞知縣李惟中皆薦砥史才召爲翰林編修
修國史或又薦砥才任風憲改廣西按察僉事永
樂初坐修史書靖難事多微詞被逮籍其家惟薄
田廬故書數篋事白仍與史事書成改考功郎中
尋副總裁永樂大典侍講東宮郎中三考加俸二

等職如故砥重聽誤謂授他職上爲罵按砥砥不
自安求去不許請郡得饒州知府年八十卒於官
知府劉有年

劉有年廬陵人徙沅州洪武中明經起家爲監察
御史學行有韞辭官養母忤旨謫傳舟通州有年
至通州讀書不解得儀經十八篇於州故家上之
詔藏秘閣建文君起有年徒中爲太平知府靖難
後坐不肯迎駕謫雲南西平侯知有年賢遺諸子
從學且薦於朝及交趾平以爲按察僉事卒官黃
福贊有年江湖曾次朱泗規模文宗韓柳學本程

朱

典史魏澤

魏澤字彥恩溧水人有學行洪武中累遷至刑部
尚書先是 文皇南下姚廣孝曰殿下至京幸全
方孝孺殺此人則天下讀書種子絕矣 文皇曰
然比至京建文君遜去遂召孝孺問曰我法周公
匡成王成王不在當議所立對曰殿下既以匡王
室而來成王不在當立成王之子忤旨因有滅十
族等語遂械繫獄以廣孝言未殺孝孺且收捕其
族黨每捕至輒下獄休孝孺終不屈乃盡殺之澤

是時謫爲寧海典史當捕方氏悉力保護周旋以故方氏有遺育謝文肅公詩所謂孫枝一葉者澤之力也後過孝孺故居爲詩悲悼詩曰荀與衝雨過侯城撫景令人感慨生黃鳥向人空百轉清猿墮淚只三聲山中自可全高節天下難君是盛名却憶令威千載後重歸華表不勝情

衛卒羅義

羅義山西清遠衛戍卒也靖難兵起義詣闕上書乞息兵講和又錄上文皇書言殿下聰明英武今之周公也宜謹守燕土以法周公輔成王之義嘗聞夷齊以國相讓去隱首陽聖賢欲成天下之事必先明順逆之理成敗之勢禍福之機又得天道之宜人心之安然後可殿下今以藩國敵朝廷即遂其願尤爲不可况萬難無一易哉乞早息兵歸國書上下義獄建文四年六月庚辰上出義獄中擢戶科給事中未幾陞湖廣左叅政

建文遜國臣記第七卷終

子復準校正

建文遜國臣記第八卷

吾學編第五九

海鹽鄭曉

都督平安

平安初名保兒滁州人太祖養保兒及周舍道舍馬兒金剛奴也先買驢真童潑兒爲義子分守新附城邑安父定從太祖起濠梁積功至濟寧指揮僉事又從常遇春定山東下河南克元都戰沒平襲陞密雲指揮使洪武三十一年擢右軍都督僉事靖難兵起克參將從景隆而北設伏白溝河敗積營單家橋邀北餉舟疑不敢進景隆敗歸山安援景隆殺陳亨還與鐵鉉共守濟南已而朱能兵至安敗之轉戰果昌告捷又戰單家橋執薛祿祿逸去復戰陳暉不相援安遂敗藁城之後安陷陣先登衆不繼三戰三敗進攻北平又戰敗援保定不克建文四年進副總兵帥遼東兵復通州不克退戰淝河靖難兵伏發夜敗安安轉戰小河殺王真成祖督戰甚急安挺鎗大呼馬蹶弗得前王麒又奮刀入安陣逼安安遂退又戰靈璧安及陳暉馬溥徐真皆被執安力舉數百斤果勇善戰亨真皆驍將並爲安所殺安就執靖難諸將皆

喜或請殺安 成祖惜其才勇釋縛簡銳卒衛送之北平且令 仁宗郭資善視安已而掌北平都司事進北京行後府都督僉事永樂七年三月成祖見安忽問曰安乃尚無恙安慚懼遂自經今武安侯成山伯即亨真後也

都督審忠

審忠累官都督建文元年充征虜右副將軍與駙馬都尉李堅從大將軍至北平八月及靖難兵戰于真定敗奔滹沱河戰又敗與都督顧成都指揮劉遂皆被執忠之妻都督徐凱女也後與凱同死

都督潘忠

潘忠歷官至都督將兵屯雄縣建文元年八月靖難兵至雄破其東門忠至月漾橋遇伏戰敗被執

都督袁宇

袁宇壽州人父洪開國功為左都督宇事建文君有軍功為指揮使韓王妃及李景隆妻宇兄弟也宇從景隆北進有功陞後府都督同知建文三年六月壬午靖難將李遠出沛泗掠餉道宇率步騎三萬邀遠中伏大敗宇脫身走以第容為 文皇駙馬都尉封廣平侯故得不死建文四年七月宇

練兵雲南

都督楊松

楊松積功官至都督勇果敢戰靖難兵起列營雄鄭敵至輒敗與潘忠皆被執

都督馬溥

馬溥壽州人父鑑開國有功官至都督僉事溥襲武德衛指揮僉事建文君初陞都督四年夏與徐真並充參將遇靖難兵戰敗靈璧皆被執溥子春為周府儀賓靖難後宥溥令改建周府

都督陳暉

陳暉始為洮州衛指揮累功至都督充副總兵與靖難兵戰真保滄德間互有勝負已而戰敗被執送北平建文四年八月遣之江西參贊總兵韓觀軍事觀開國功臣韓成子也

都指揮房昭

房昭都指揮守大同建文三年七月引兵入紫荆關掠保定登山結寨號召義勇承制授指揮千百戶進據易州西水寨寨在萬山中四面險峻惟一徑攀援可上昭守寨集兵糧進攻北平 文皇惡昭逼藩府急回軍渡滹沱河八月真定將官都指

韋諒率兵萬人運餉援昭 文皇曰昭得諒兵
根卒未可破比至餉入寨遂進兵合圍真定裨將
都指揮花英鄭琦來接陣我眉山下合戰大敗英
琦及都指揮王恭詹忠等皆被執昭諒脫走西水
寨遂破永樂元年昭尚為將官備禦宣府

都指揮唐禮

唐禮歷官都指揮靖難兵起盛將軍以徐凱敗於
滄州引兵出德州營於東昌禮素稱戰將令將騎
兵殿後而以孫霖為先鋒營滄口靖難兵夜襲破
之擒禮霖遁走

都指揮孫狗皮

孫狗皮徐州人歷官北平都指揮建文中數從諸
將力戰有功靖難兵畏之已而戰敗被執永樂元
年坐死宥之降百戶

都指揮葛進

葛進歷官河南都指揮使克偏將從大將軍北進
建文四年正月朔靖難兵至藁城時進為先鋒率
步騎萬人渡滹沱河半渡靖難將李遠擊之進見
遠兵稍退繫馬林間步卒短兵接遠誘進潛師出
進後盡解林間繫馬急鼓衆擊進進兵失馬大敗

脫身靖難後坐死宥之掌寧夏衛事

太監吳亮

吳亮者建文中中官最親幸建文君焚宮遜去
文皇疑匿于僧溥洽所永樂乙酉以他事禁錮溥
洽命胡給事中淡以訪張邁邁為名又遣太監鄭
和等下西洋徧物色不可得正統七年有僧出自
田州土官所至廣西藩司自稱建文皇帝曰我自
蜀歷滇遊方至此今老矣欲送骸骨歸故鄉官司
奏上驛送赴京號為老佛至京寓大興隆寺京城
內外僧拜謁無虛日皆曰此海外高僧科道官屢
上言恐其惑眾乃下獄朝廷不悉以亮經侍建文
君使審視老佛見亮即曰汝非吳亮耶亮曰不是
曰我昔御便殿食了鷄棄片肉於地汝時手執壺
狗飴之何謂不是亮伏地哭不能仰視復命畢自
經死遂取老佛入西內卒葬西山不封不樹鄞人
黃潤玉有學行為廣西提學親見建文君跌坐落
堂曰我朱允炆也長身巨鼻聲如洪鍾

建文遜國臣記第八卷終

子履準校正

皇明天文述序

高皇久在兵間熟知軋象既登宸極召集名家覽
 搜往牒設官制象并合華夏曲算宋史緯略皇朝
 以故二統相持則懲諸七政三曆相離必協於五
 紀敬天勤民蓋孜孜焉矧其災祲一譴側身脩省
 符瑞屢臻虛心式教雖堯欽曆象舜在璣衡不是
 過矣若乃訓諭諸王飭戒羣將吉凶先見動中玄
 機疇人世業莫能測識豈非數由天悟理本神乎
 者耶 成祖 仁宗親承指授 列聖相傳憲章
 具在凡以答天心之仁愛顧民情之暑險者要不
 止於觀變明時撫辰熾績而已議者乃謂保章挈
 壺名號徒存太史天官職業盡廢日月之交會氣
 朔之盈虛中節之緩急晝夜之短長似多違舛稍
 宜更定豈知位育參贊之道燮理弼亮之功有不
 假於器數藝術者歟述天文
 嘉靖己酉六月望日鄭曉識

皇明天文述序終

天官書

皇明天文述

吾學編第六十

海鹽鄭曉

吳元年太史院使劉基率其屬高翼等上戊申大
 統曆 上初在滁陽問韓國公漢有三傑佐平天
 下今徐達可方韓信公可兼張良蕭何乎對曰良
 智計絕人臣何敢望良若韓給餉或可勉效何耳
 上因問今世之士孰可擬良者對曰臣聞浙東朱
 濂能知象緯 上曰以吾所聞濂不如青田劉基
 上定括蒼孫炎以 上命聘基詣金陵時時占乾
 象佐行軍輒效以為太史監太史令尋改太史院
 使洪武元年改院為司天監又置回回司天監是
 年十一月徵元太史院使張佑張沂司農卿兼太
 史院使成謙太史同知郭讓朱茂司天少監王可
 大石濟李義太監趙恂太史院監候劉孝忠靈臺
 郎張容回回司天監黑的兒阿都刺司天監丞迭
 里月實一十四人二年又徵元回回曆官鄭阿里
 等十一人至京議曆法占天象三年定為欽天監
 掌祭天文定曆數凡日月星辰風雨氣色之變率
 其屬而占候焉語在百官考十年三月 上與羣
 臣論天與日月五星之行翰林應奉傅藻典籍黃

麟考功監丞郭傳皆以蔡氏右旋之說對 上曰
夫左旋日月五星皆右旋二十八宿經也附天體
而不動日月五星緯乎天者也朕自起兵以來與
善推步者仰觀天象二十有三年矣嘗於天氣清
爽之夜指一宿爲主太陰居是宿之西相去丈許
盡一夜則太陰漸過而東矣由此觀之則是右旋
此曆家亦嘗論之蔡氏謂爲左旋此則儒家之說
爾等不折而論之豈所謂格物致知之學乎十三
年秋 上坐武英西廡召見諸儒龔敦等言志
上說曰老儒質直宜輔朕始置四輔官告太廟以
皇明六二卷 六

王本杜佑龔敦爲春官杜敷趙民望吳源爲夏官
秋冬官缺令本等兼攝各司時令以焚陰陽十七
年七月製觀星盤十月大明清類天文分野書成
凡二十四卷詔賜秦晉 成祖周楚齊六府大抵
欽天監十二分野分配州郡與唐天文志稍異貞
觀中淳風撰法象志因漢書十二次度數始以唐
之州縣配而一行以爲天下山河之象存乎兩戒
北戒自三危積石負終南地絡之陰東及太華逾
河並雷首底柱王屋太行北抵常山之右乃東循
塞垣至穢貊朝鮮是謂北紀以限戎狄南戒自岷

山嶠豕負地絡之陽東及太華連商山熊耳外方
桐柏自上洛南逾江漢攜武當荆山至于衡陽乃
東循嶺徼達東甌閩中是謂南紀以限蠻夷故星
傳謂北戒爲胡門南戒爲越門河源自北紀之首
循雍州北徼達華陰而與地絡相會並行而東至
太行之曲分而東流與涇渭濟瀆相爲表裏謂之
北河江源自南紀之首循梁州南徼達華陽而與
地絡相會並行而東及荆山之陽分而東流漢水
淮瀆相爲表裏謂之南河故於天象則弘農分陝
爲兩河之會五服諸侯在焉自陝而西爲秦涼北
皇明天文卷 六 五

紀山河之曲爲晉代海紀山河之曲爲巴蜀皆負
險用武之國也自陝而東三川中嶽爲成周西距
外方大伾北至于濟南至于淮東達鉅野爲宋鄭
陳蔡河內及濟水之陽爲鄆衛漢東瀆淮水之陰
爲申隨皆四戰用文之國也北紀之東至北河之
北爲邢趙南紀之東至南河之南爲荆楚自北河
下流南距岱山爲三齊夾右碣石爲北燕自南河
下流北距岱山爲鄒魯南涉江淮爲吳越皆負海
之國貨殖之所阜也自河源循塞垣北東及海爲
戎狄自江源循嶺徼南東及海爲蠻越觀兩河之

象與雲漢之所始終而分野可知矣於易五月一陰生而雲漢潛萌于天稷之下進及井鉞間得坤維之氣陰始達於地上而雲漢上升始交於列宿七緯之氣通矣東井據百川上流故鶉首為秦蜀墟得兩戒山河之首雲漢達坤維右而漸升始居列宿上蕭騰參伐皆直天關表而在河陰故實沉下流得大梁距河稍遠涉陰亦深故其分野自漳濱卻負恒山居北紀衆山之東南外接髦頭地皆河外陰國也十月陰氣進踰軋維始上達于天雲漢至營室東壁間升氣悉究與內規相接故自南

皇明天文卷八

四

正達于西正得雲漢汁氣為山河上流自北正達于東正得雲漢降氣為山河下流厥訾在雲漢升降中居水行正位故其分野當中州河濟間且王良閣道由紫垣絕漢抵營室上帝離宮也內接成周皆豕韋分十一月一陽生而雲漢漸降退及艮維始下接于地至斗建間始復與列舍氣通於易天地始交泰象也踰析木津陰氣益降進及大辰升陽之氣究而雲漢沉潛於東正之中故易雷出地曰豫龍出泉為解皆房心象也星紀得雲漢下流百川歸焉析木為雲漢末派山河極焉故其分

野自南河下流窮南紀之曲東南負海為星紀自北河末派窮北紀之曲東北負海為析木負海者以其雲漢之陰也唯陬訾內接紫宮在王畿河濟間降婁玄枵與山河首尾相遠隣顛頊之墟故為中州負海之國也其地當南河之北北河之南界以岱宗至于東海自鶉首踰河戒東曰鶉火得重離正位軒轅之杪在焉其分野自河會之交東接祝融之墟北負河南及漢蓋寒燠之所均也自析木紀天漢而南曰大火得明堂升氣天市之都在焉其分野自鉅野岱宗西至陳留北負河濟南及

皇明天文卷八

五

淮皆和氣之所布也陽氣自明堂漸升遠於龍角曰壽星龍角謂之天關於易氣以陽決陰夫象也升陽進踰天關得純乾之位故鶉尾直建巳之月內列太微為天庭其分野自南河以負海亦純陽地也壽星在天關內故其分野在商亳西南淮水之陰北連太室之東自陽盛之際亦異維地也夫雲漢自坤抵艮為地紀北斗自乾攝巽為天綱其分野與帝車相直皆五帝墟也究咸池之政而在乾維內者降婁也故為少昊之墟叶北宮之政而在乾維外者陬訾也故為顛頊之墟成攝提之政

而在異維內者壽星也故爲太昊之墟布太微之政而在異維外者鶉尾也故爲烈山氏之墟得四海中承太階之政者軒轅也故爲有熊氏之墟木金得天地之微氣其神治于季月水火得天地之章氣其神治于孟月故章道存乎至微道存乎終皆陰陽變化之際也若微者沉潛而不及章者高明而過亢皆非上帝之居也斗杓之外廷陽精之所布也斗魁謂之會府陽精之所復也杓以治外故鶉尾爲南方負海之國魁以治內故陬訾爲中州四戰之國其餘列舍在雲漢之陰者八爲負海

皇明天文述 六

之國在雲漢之陽者四爲四戰之國降婁玄枵以負東海其神主於岱宗歲星位焉星紀鶉尾以負南海其神主於衡山熒惑位焉鶉首實沉以負西海其神主於華山太白位焉大梁析木以負北海其神主於恒山辰星位焉鶉火大火壽星豕韋爲中州其神主於嵩嶽鎮星位焉近代諸儒言星土者或以州或以國虞夏秦漢郡國廢置不同周之興也王畿千里及其衰也僅得河南七縣今天下一統而直以鶉火爲周分則疆場外矣七國之初天下地形雌韓而雄魏魏地而距高陵盡河東河

內北固漳鄴東分梁宋至於汝南韓據全鄭之地南盡潁川南陽西達號略距函谷固宜陽北連上地皆綿亘數州相錯如繡考雲漢山河之象多者或至十餘宿其後魏徙大梁則西河合於東井秦拔宜陽而上黨入於輿鬼方戰國未滅時星家之言屢有明效今則同在畿甸之中矣而或者猶據漢書地理志推之是守甘石遺術而不知變通之數也又古之辰次與節氣相係各據當時曆數與歲差遷徙不同今更以七宿之中分四象中位自上元之首以度數紀之而著其分野其州縣雖改

皇明天文述 六

隸不同但據山河以分爾晉天文志十二次分野始角亢者以東方蒼龍爲首也唐十二次始女虛危者以十二支子爲首也其以斗牛爲星分之首者日月星起於斗宿古之言天者由斗牛以紀星故曰星紀則星紀爲十二次之首而斗牛又二十八舍之首也本朝應運肇基而南京應天府寔星紀斗牛之分且與天地人三統之正相協自周以來數千年間帝王之運適符於今豈偶然哉是年欽天監博士元統言曆日之法其來尚矣今曆雖以大統爲名而積分猶授特曆數况授時曆法以

至元辛巳爲歷元至洪武甲子積一百四年以曆法推之得三億七千六百一十九萬九千七百七十五分經云大約七十年而差一度每歲差一分五十抄辛巳至今年遠數盈漸差天度擬合修改蓋七政之源有遲疾逆順伏見不齊其理深奧實難推演聞磨勘司令王道亨有師郭伯玉者精明九數之學若得此人推大統曆法庶幾可成一代之制蓋天道無端惟數可以推其機天道至妙因數可以明其理是理因數顯數從理出故理數可相倚而不可相違也 上是其言十八年冬築欽

皇明天文卷六

人

章

天監觀星臺於鷄鳴山回回欽天監觀星臺因花雨臺二十年選疇人年壯解書者赴京習天文推步之術二十九年鑄渾天儀成二十六年欽天監監副李德芳言故元至元辛巳爲曆元上推往古每百年長一日每百年消一日永久不可易也今監正元統改作洪武甲子曆元不用消長之法考得春秋晉獻公十五年戊寅歲距至元辛巳二千一百六十三年以辛巳爲曆元推得天正冬至在甲寅日夜子初三刻與當時實測數相合洪武甲子元正上距獻公戊寅歲二千二百六十一年推

得天正冬至在己未日午正三刻比辛巳爲元差四日六時五刻當用至元辛巳爲元及消長之法方合天道疏奏元統復言臣所推甲子曆元實與舊法相合略無差繆 上曰二統皆難憑只驗七政交會行度無差者爲是自是欽天監造曆以洪武甲子爲曆元仍依舊法推算不用捷法二十七年召國子博士錢宰等脩書傳 上曰若輩知天象乎皆對不知 上曰朕觀天象自洪武初有黑氣凝奎壁乃文章之府朕甚異焉今年春暮黑氣始消文運興矣洪武中朝廷訪求通曉曆數數往知來試無不驗者封侯食祿千五百石山東監生周敬心奏言國祚長短在德厚薄非曆數之可定三代有道之長固有定論三代而下深仁厚德者漢唐宋而已如漢高之寬仁繼以文景之恭儉昭宣之賢明光武之中興章帝之長者唐太宗之力行仁義宋太宗之誠心愛民是以有道之長國祚最短者莫如秦其次如隋又其次如五代始皇之酷虐煬帝之苛暴五代之窮竟皆人事所致豈在曆數欽惟 聖上應天眷命掃滅胡夷救亂誅暴其功大矣然神武過於漢高而寬仁不及賢明

皇明天文卷六

九

過於太宗而忠厚不及是以御宇以來政教未敷
四方未治伏乞效漢高之寬仁同太宗之忠厚法
三代之稅斂則帝王之祚可傳萬世又何必問諸
小技之人邪三十一年革回回監 仁宗即位作
臺禁中 上時時登臺觀象洪熙元年正月賜大
臣天元玉曆賦 太祖精於天文每以指訓子孫
以故 成祖 仁宗皆知天象凡遣將行師諸王
出塞遇有侵祥手勅緘諭 仁宗嘗見星變對大
臣泣下未幾晏駕正統四年造渾天璿璣玉衡簡
儀十一年今簡儀九道圭表壺漏並准南京作畧
影堂以便窺測調品十四年大統曆冬夏二至晝
夜六十一刻景泰六年造簡儀銅壺成化十年冬
鄱陽童軒知天文以太常少卿掌欽天監事弘治
十一年訪世業疇人并諸能通曆象遁甲卜筮者
正德元年七月五官監候楊源上疏言占候得大
角及心宿中星動搖天璇天機大權星不明乞安
居深宮絕遠遊獵罷弓馬嚴號令毋輕出入闕除
內侍寵倖遊逸小人節賞賜止工役親元老大臣
日侍講習詩書疏下禮部言源占候之言深切時
弊源復疏言十月二十六日占候得連日霾霧交

皇明文苑

卷六

七

作為衆邪之氣陰冒於陽臣欺于君小人擅權為
下叛上引譬甚力劉瑾怒矯旨杖源三十釋之源
又疏言自正德二年來一向占候得火星入太微
垣帝座之前或東或西往來不一勸 上宜思患
預防瑾大怒罵源爾何官亦學為忠臣復矯旨痛
杖三十謫戍肅州行至懷慶卒十三年夏五月巳
亥朔日食起復弗合日官周濂請驗交食以更曆
元禮部員外郎鄭繼之上言曰歲差之法虞喜以
五十年差一度久而驗之弗合也何承天以百年劉
焯以七十五年僧一行以八十三年久而驗之又
弗合也許衡王恂郭敬以六十六年有餘以密矣
今據其法步之又弗合也且如定歲之法積四基
餘日而分日加於四基故二至之時祇存絲忽此
所宜定也又如定日之法日有百刻而變為九百
四十畫以氣朔有不盡之數難分故也凡月三十
日而二氣盈四百一十一畫二十五秒一朔虛四百
四十一畫積盈虛之數以成閏故定朔必視四百
四十一畫前後為臑胸祇在一畫之間此又所宜
定也日月交食唯日食實難定月食分數惟以距
交遠近別無四時增損蓋月小閏虛大月入閏虛

皇明文苑

卷六

七

而實故八方所見同也。日為月所掩而食，蓋日六而月小，日上而月下，日遠而月近日異。四時月有九道，故旁觀者遠近自不同矣。如北方食既，南方半虧，南方食既，北方半虧，故食之時刻分秒據地定表，因時求合而後準也。如乾清宮火之歲仲秋日食，日官所步合八分六十七秒，而閩廣之區遂至食既，其時刻分秒焉可同之。今按交食以更歷元時，分刻分分分秒至精至細，及至於半秒難分之所，此又所宜定也。夫差之半秒積以歲月，則躔離朧胸皆不合原算矣。是年十月明年九月十月望月三食，時刻分秒並不協。嘉靖三年正月五星聚管室，欽天監掌監事光祿少卿樂護上疏曰：臣等預算今年正月五星以次聚管室，但太陽臨近當隱伏不見，今候其象果然，夫數不爽而象暗聚，則其降精流氣亦必成祥。自古五星之聚莫不有大禍，惟視人君德政淑慝何如耳。占書曰：五星之聚是謂改易，王者有德受慶，子孫蕃昌，無德受殃，失其國家，百姓流亡，蓋天道無親，福無常主，故五星之聚有福有禍，無德靡不受禍，聚房周祚以昌，聚箕齊桓用霸，漢興聚井宋盛，聚奎是四者

皇明天文志

六

三

三

皆當更革之際，一福一禍，培栽覆傾，昭然在德。惟天寶聚于尾箕，而唐德弗稱，旋有祿山之亂，唐業遂衰。皇上聖德中興，五星適聚，可不益修聖德，愛養黎元，以承此大慶乎。簡易寡慾，修德之大儉，用省財，愛民之實，伏乞陛下鑒此天數之大，克已約躬，勵精而實行之，使人心悅而天意孚，真所謂有德受慶矣。臣職司占候，竊惟禍福之祥莫大於此，至於修德應天之實，非臣等之言所能盡，意更乞延訪文武羣臣，博求修德愛民之道而實行之，以及內外左右，莫不修省，協贊承此大慶，不使天眷別有所顧，則宗社生靈不勝幸甚。占書又曰：天下兵謀則五星聚於管室，凡所以內修外攘以銷夷狄盜賊之謀者，似亦不可不加之意也。伏乞皇上亟與大臣圖之。疏下禮部，部言堯舜授受曰：曆數在躬，允執厥中，四海困窮，天祿永終。皇上起自潛邸，入承大統，正德年間，權姦用事，冗濫靡費，蠹耗無餘，天下之財盡歸權室，公私赤立，國非其國。皇上起而救之，生理未復，重以水旱非常之災，流移轉徙，餓莩相望，朝廷屢議賑恤，而在官無可發之廩，在民無可貸之儲，相顧錯愕，計無所

皇明天文志

六

三

三

出所謂四海困窮者積漸至此遺大投艱付託甚重亨屯拯溺求望其切伏望仰稽乾象俯順時宜圖任老成斥遠羣小崇敬畏戒逆欲嚴諸一心自足以為祈天永命之本其他齋醮祈禳異端小說不宜輕信以啓倖門傷治體至於足國裕民則今日之務莫急於此必先儉約必端好尚必慎差遣必重爵賞必戒興作稍在得已即賜停止務求安靜休養生息假以數年天與之時人盡其力則生理庶可復而國用亦自有餘矣臣等待罪禮官星家之說素所未習不敢旁引曲證以瀆天聽至於

皇明天文志

卷六

六

天而運寒暑代謝為歲虧盈互易為月晝夜還時為日經緯錯列為星辰步算周審為曆數天子奉順陰陽時以作事事以厚生而世治時苟不明晦朔弦望失其節分至啓閉乖其期則無以談治生靈而世亂矣夫曆之來由黃帝訖秦末凡六改由漢高祖訖漢末凡五改由魏文帝訖隋末凡十三改由唐高祖訖周末凡十六改由宋太祖訖宋末凡十八改由金熙宗而訖元末凡三改一曆之改廣集衆見思無遺智法無遺術宜其永久不變然歷代長於曆者不數歲而輒差杜預曰陰陽之運隨動而差差而不已遂與曆錯歐陽修曰事在天下其易差者莫如曆夫所以差者由天周有餘日周不足也天周有餘則天常平運而舒日周不足則日常內轉而縮天日之差於中星驗焉堯之冬至初昏卯中而日在虛七度虛者北方之宿則日行北陸纏於玄枵之子也今之冬至初昏室中而在箕三度箕者東方之宿則日行東陸纏於析木之寅也計今去堯未四千年而差五十度矣冉以赤道考之勝國至元辛巳改曆天正冬至赤道歲差一度五十秒今退天三度五十二分五十秒也

皇明天文志

卷六

六

黃道歲差九十二分九十八秒今退天三度二十五分七十四秒也故洪武中漏刻博士元統上言我朝承運以來曆雖以大統為名而積分猶授時之數年遠數盈漸差天度距元辛巳至元統上言時歲在洪武甲子僅一百四十年迄今則二百四十二年授時曆法每歲差一分五十秒約七十年差一度今合差三度餘矣年逾遠而數逾盈然則治曆者豈不可隨時修改以求合於天哉夫不隨時修改求合於天則曆必差是以正德戊寅日食庚辰月食時刻分秒起復方位多與欽天監推等

皇明天文述

十六

章

不合山東道御史朱節謬薦臣知曆學改官於茲恭惟 皇上入繼大統之年適與元之革命改憲辛巳之歲相符則調元正曆以來未立之差法固有待於今日臣切念班固作漢志以明治曆不可不擇者三專門之裔明經之儒精筭之士臣於三者無一焉蚤夜憂遑同知所措然於治曆之法聞其槩矣古今善治曆者三家一日漢大初曆以鍾律起二日唐大衍曆以著策起三日元授時曆以晷影測就日體測之毫忽微眇不可得而逝者元史所謂自古及今推驗之精蓋未有出於此顧豈

誣哉今欲正曆而不登臺測影臣竊以為皆空言臆見也伏望令臣暫住朝恭督率曾奏改曆中官正周濂及於疇人子弟中掄選諳曉本業善於書筭者及今冬至之前親詣觀象臺晝夜推測日影赤道黃道中星分秒日計月書至來年冬至以驗二十四氣二至二分日月交食合朔弦望日躔月離黃赤二道及昏旦中星七政躔度紫氣月孛羅候計都之類視元辛巳所求委有所差備錄上覽乞勅禮部延訪四方有能知曆理如楊雄善立差法如邵雍沉潛智巧如許衡郭守敬者令其詳定

皇明天文述

十七

歲差以成一代之懿制夫天文七曜三垣二十八宿為大聖人觀天文以察時變觀此也此其有恒之象也雲雨震電風雪霜露類皆天象而非其恒也彗孛虹珥之類其怪也夫日大明陽之精光君象也月夜明陰之精光也后象也上有失德則適見于天而薄食日食陽不勝陰也月食陰不讓陽也先王謹天戒莫嚴于日食矣春秋二百四十二年而日食三十六日官失之也史官失之也日輪大月較小日道近天在上月道近人在下故日食既時四面有光溢也水火金木土即人間日用

五府之精光也水行最速一瀉千里金行於世其流如泉火三月而改木一歲而彫土博厚不遷故金水附日歲一周天火二歲木十二歲土二十八歲一周天土亦名填讀如鎮以填靜為體讀如田以填塞為用也木星八十三年而與日合者七十六火七十九年而與日合者三十七

土五十九年而與日合者五

十七金水雖隨日然金八年而合於日者五水四十六年而合於日者一百四十五三垣曰天市明堂位也曰太微朝廷位也曰紫微宮寢位也明堂

皇明天文志

位者天子巡狩之居也朝廷位者聽政之居也宮寢位者燕息之居也天市歲臨之太微日臨之紫微朝夕在焉七曜必遵黃道歷天街歲一受事太微而出猶大臣受天子之命於朝以行其職也二十八宿分列四方各守其野率諸經星以共紫微之帝猶郡國百司各治其職安其民人以承天子也二十八宿者蒼龍白虎朱雀玄武各七宿也角主發育萬物亢日疏廟氏為天根房天子之後寢鍵閉鈎鈐兩咸以防淫而謹內也心天子象言天地之心人之主也尾主后妃敘御于主所箕承帚

掃又揚穀之器尾而受之以箕示婦道也五星聚箕尾而有天寶之亂亂自色荒也斗主薦賢受祿斗為器量所以斟酌也民事莫重於耕織故牛女相聯牛農丈人耕具驪珠女獻工也天田九星象井田狗天鷄教樹畜也羅堰九坎天淵言農桑者先水利也北陰也故虛與危主死喪危禍事室以農畢而見故主營建宮室事嘉靖甲申五星聚營室矣壁圖書之秘府奎天子武庫婁主蕃牧犧牲以供祀事自室以至于婁天子之宮館苑囿在焉胃儲藏五穀之府昂主刑獄又名旄頭占胡人順

皇明天文志

一九

逆畢主邊兵昴界之間有天街分華夷也參中三星中軍其中大將旁參謀也二肩左右將軍二足前後將軍紫微行軍之藏府井主水泉主水衡法令平中之事物之平者莫如水故營國制城蓋整分州皆取象焉鬼主內外祠祀事柳主草木又為天厨主饗燕事星為文明之會主衣裳文綉張主珍寶宗廟服用翼天子之樂府也軫主車騎任載又星插星墮大異也凌犯守雷芒角掩各以類占之若乃日之行道周天如循環月亦然兩環兩交一謂之天首一謂之大尾天尾為計天首為羅月行

遲速有常度最遲之處即字也故謂之月字字六十二年而七周天烝生於閏二十八年十閏而烝行一周天烝字皆有度數無光象故與羅計同謂之四餘并七政為十一也

洪武元年三月辛卯彗星出鼎北二年五月甲午朔四年九月庚戌朔七年二月丁酉朔八年七月巳未朔日食九年六月戊子客星見七月癸丑朔日食乙亥客星没十年二月白虹貫日十二月乙巳朔日食白虹貫日十一年九月客星掃天并十二月乙巳朔十四年十月壬子朔日食十一月黑

皇明天文述

氣亘天十五年正月白虹貫日二月彗星見十六年正月白虹貫日八月壬申朔日食十八年二月乙巳初昏五星並見九月戊寅太白經天客星入太微垣乙酉彗長丈掃翼十月彗星掃天廟十九年三月白虹貫日四月熒惑留南斗七月癸亥三辰晝見十二月癸未朔日食二十年二月五星皆見五月丁丑三辰晝見六月太白經天秋二十一年五月甲戌朔二十二年九月丙寅朔日食十二月白虹貫日二十三年正月熒惑入南斗九月庚寅朔二十四年三月戊子朔日食四月彗星三八

紫微垣二十六年四月太白經天七月甲辰朔日食二十九年五星數失度三十年二月白虹亘天貫日五月壬子朔日食十月熒惑犯南斗建文二年三月丙寅朔日食

永樂元年四月太白出鼎北四年六月巳未朔五年十月辛巳朔六年四月巳卯朔十月乙亥朔十一年正月辛巳朔十二年正月丙子朔六月丙寅朔十一月甲午朔十四年五月壬辰朔十五年四月丁巳朔十月癸未朔十八年八月丁酉朔十九年八月辛卯朔二十年正月巳未朔二十一年六月庚戌朔日食

皇明天文述

洪熙元年四月有星變十月丙寅朔日食宣德五年八月巳巳朔日食十月夜有蓬星八日始滅十二月有異星見或曰含譽星也六年四月彗出東井九月熒惑犯南斗七年正月辛酉朔日食八年八月熒惑犯南斗閏八月彗出天倉旁入貫索掃七公是月有怪星見或曰歸邪星也正統元年九月白虹貫日修狼星動搖四年八月丙子朔五年正月甲辰朔六年正月巳亥朔七月丙申朔七年六月庚寅朔八年六月甲申朔十一

月壬子朔九年十月丙午朔十年四月 朔十
 一年四月 朔十二年八月 朔日食十三
 年二月 朔日食
 景泰元年正月壬午彗星出天市垣掃天紀二年
 六月 朔日食三年三月甲午有星孛於畢八
 月熒惑晝見十一月己未朔日食癸未客星見輿
 鬼四年五月乙丑有星出鈎陳址二小星隨之丁
 丑歲星晝見六月甲辰歲星晝見五年四月
 朔六年四月 朔日食
 天順二年二月 朔七年五月 朔日食成
 星明天文述 六
 化二年太白曳入南斗三年二月丁酉朔日食既
 四年二月壬辰朔日食七月有星孛於台斗五年
 六月癸丑朔六年六月戊申朔日食七年春有星
 孛于天田八年春彗星見軒轅九年三月山東諸
 路黑氣亘天晝晦四月辛酉朔十年九月癸丑朔
 十二年二月乙亥朔日食十三年正月山陰雨血
 射人六月甲辰京師雨錢十八年五月己巳朔日
 食二十年元日星變九月乙酉朔日食二十三年
 五月星隕
 弘治元年六月癸巳朔二年十二月甲申朔日食

三年十二月辛亥彗星見于天津七年三月己卯
 朔日食五月宣府山西河南白晝隕星八年三月
 乙酉朔十三年五月甲寅朔日食是年彗星見十
 五年五月庚午朔九月庚午朔日食十一月戊子
 雲南晝夜黑九日十八年九月庚子恒星晝見
 正德元年三月隕星大如月六月辛酉震郊壇門
 七月己丑彗星見于參井入北斗至於戊戌乃滅
 太白經天白虹貫日八月大角大火中星動揺天
 璇天機天權星晦二年正月乙亥朔九年八月辛
 卯朔十年十二月癸丑朔十二年六月己巳朔十
 三年五月己亥朔十五年三月癸丑朔日食十六
 年正月有星孛于東南填之橫絕東西復為鈎屈
 二月長安大雷電以風雨白毛三月癸丑朔日食
 嘉靖三年正月五星聚于營室四年十二月乙卯
 朔日食五年五月丁丑朔六年五月丁丑朔日食
 六月甲子京師雨錢七月壬辰南京雨血七年五
 月辛未朔八年十月癸亥朔日食十年六月乙巳
 彗星見東井十一年春彗星再見八月彗星見東
 星十二年六月彗星見昴畢射天漢十月辛巳星
 隕如雨十八年四月庚申彗星見兩旬始滅六月

丁酉震奉先殿閏七月庚申木火水金星聚東井
十九年三月癸巳朔日食九月壬子癸惑入南斗
十月水土金星聚于角十二月戊午太白經天二
十一年七月巳酉朔日食八月丁酉癸惑掩南斗
杓二十二年正月丙午朔日食二十三年六月癸
惑犯南斗二十四年五月壬戌朔日食二十六年
木星逆行留營室二十七年三月朔日食望月食
二十八年三月辛未朔日食

皇明天文述終

子履準校正

皇明天文述終

子履準校正

皇明地理述序

余聞之學士大夫言我朝疆域過於宋敵於唐
不及於漢蓋以失朔方大寧交趾及開平興和玄
菟樂浪燉煌故也夫堯封禹貢閩越無聞荆蠻徐
戎殷周為梗以今視昔奄甸弘矣述輿地
嘉靖丙寅五月朔鄭曉識

皇明地理述序

一

皇明地理述上卷

吾學編第六十一

海鹽鄭曉

洪武三年冬儒士魏俊民黃堯劉儼丁鳳鄭思先鄭權上大明志命秘書監梓行授俊民等官先是上令俊民等類編天下州郡地理形勢降附始末為書凡行省十二府一百二十州一百八縣崖西至臨洮北至北平六年令州府繪上山川險易圖十六年詔天下都司上衛所城池地理山川關津亭堠水陸道路倉庫圖十七年令朝覲官上

皇明地理述

上卷

土地人民圖十八年夏上覽輿地圖侍臣有言輿地之廣古所未有者上曰地廣則教化難周人衆則撫摩難備此正當戒慎入命人心惟德是視紂以天下而亡湯以七十里而興所係在德豈在地之大小二十七年纂寧通衢書成書分為八目東距遼東都司又自遼東北至三萬衛西極四川松番衛又西南距雲南金齒南踰廣東至崖州又東南至福建漳州府北暨北平大寧衛又西北至陝西甘肅為驛九百四十浙江福建江西廣東之道各一河南陝西山東山西北平湖廣廣西雲

南之道各二四川之道三為驛七百六十六凡天下道理縱一萬九百里橫一萬一千七百五十里四夷之驛不與焉永樂六年張輔沐晟上交趾圖東西一千七百六十里南北二千八百里十六年詔纂天下郡縣志命原吉榮勿攷領其事景泰中修寰宇通志准祝穆方輿勝覽葉盛曰此趙宋偏安之物况直為四六設今欲成盛代一統之書宜有資軍國益勸戒如地理戶口類不可缺必如求樂中志書凡例克廣之可也陳循不聽笑曰此豈造黃冊耶天順五年撰大明一統志嘉靖三年

皇明地理述

上卷

文選郎中夏良勝撰統官志直述郡縣煩簡為銓授簿例爾八年少保桂萼上吏部員外郎李默所撰皇明輿地圖叙記條其風俗阨塞兵賦藩封稍稱精覈十六年禮部主事許論上九邊圖論條析鎮寨利害亦為明練

京畿

京師負重山面平陸地饒魚鹽穀馬果蔬之利又轉漕東南財貨駢集天險地利足制諸胡汴洛關中江左皆不及也真定北至於永平昔為內郡乃今居庸紫荆山海喜峰古北黃花鎮皆稱阨塞故

漁陽保塞重兵屯焉廣平順德大名山東西晉齊
南北舟車並集臨清天津海運故道避洋餉舟下
直沽至漁陽猶海運也河間直保多降胡性獷難
馴東安霸州武清而東野曠人稀凶徒伏匿迤山
有樵牧之利藪人淵數其中有司莫敢踪跡若乃
水利不修旱澇歲困田野不闢租徭日增馬牧不
蠲坐糜財力貴游不戢兼併膏腴郵傳不節水陸
繹騷關譏不嚴奸胡吮伺皆不可謂非急務也

京畿府八州十九縣 一百十六 戶四十一萬八
千 口三百四十一萬三千 賦六十萬一千

皇朝地理述 卷八

順天府 五州 一縣 大興宛平良鄉固安永清

東安香河通州 縣四 三河武清寶坻涿州 縣

順義密雲懷柔涿州 縣一 房山霸州 縣二 文安

大城保定薊州 縣四 玉田豐潤遵化平谷

保定府 三州 十七縣 清苑滿城安肅定興新城唐

博野慶都容城完縣雄州 縣二 深澤東鹿安州

縣二 高陽新安易州 縣一 涞水

河間府 二州 十六縣 河間獻阜城肅寧任丘交

河青興濟靜海寧津景州 縣三 吳橋東光故城滄

州 縣三 南皮鹽山慶雲

直定府 五州 二十七縣 直定井陘獲鹿元氏靈壽

藁城無極平山阜平定州 縣三 新樂曲陽行唐冀

州 縣四 南宮新河棗強武邑晉州 縣三 安平饒陽

武強趙州 縣六 柏鄉隆平高邑臨城贊皇寧晉深

州 縣一 衡水

順德府 九縣 邢臺沙河河南和平鄉廣宗鉅鹿唐山

內丘任

廣平府 九縣 永年曲周肥鄉雞澤廣平邯鄲成安

威清河

大名府 一州 十縣 元城大名南樂魏清豐內黃濬

滑東明開州 縣一 長垣

永平府 一州 五縣 盧龍遷安撫寧昌黎灤州 縣一

樂亭

隆慶州 縣一 永寧保安州

南京畿

南京畿開基之地也勝勢在長江 太祖自上流

和陽橫江渡克采石下太平三戰而入集慶 成

祖出維揚儀真迤泗而上龍潭浦口望瓜步濱比

至金川啓關納款以故留都守禦州師爲急潘垣

之固專倚江北徐賴跨中原瓜連數省淮安控徐

第一冊 續修四庫全書 史部 雜史類

揚魯齊文武重臣開府作鎮雖職兼漕撫而聯絡
兩京廬民多游手野有遺利鳳陽高墻陵墓供億
繕葺財力冗費豐沛之問濁河泛濫幾淪魚鱉轉
餉既艱民亦凋瘵决囓之患濠泗尤棘揚有嵯臺
富商走集民頗豐洽俗亦浮靡瀕湖農田塗墊為
患江南安慶常長江委流東約全楚為江表門戶
蘇松常三郡市浮於農文勝於質加之田賦不均
稅徭日困常征之外坐派日煩沿海兵戍本以備
倭而太倉崇熟瀕海之民擅鹽魚之利間作弗靖
出沒江洋肆行剽劫以故江防海備並為要職徽
皇聖運卷六
多山少田民逐末利風俗用偷池在山麓江滸多
流冗寇盜因以窟匿鎮江鑿山通漕海潮下上穀
土歲易利歸豪貴財盡貧冗矣
南京畿府十四州十七縣九十六戶一百九十
六萬二千口九百九十六萬七千賦五百九
十九萬五千
應天府八縣上元江寧句容溧陽溧水江浦六合
高淳
鳳陽府五州十三縣鳳陽臨淮懷遠定遠五河虹
壽州縣二霍丘蒙城泗州縣二盱眙天長宿州縣

一靈璧潁州縣二潁上太和亳州
蘇州府一州七縣吳長洲崑山常熟吳江嘉定太
倉州縣一崇明
松江府三縣華亭上海青浦
常州府五縣武進無錫江陰宜興靖江
鎮江府三縣丹徒丹陽金壇
揚州府三州七縣江都儀真太興高郵州二縣興
化寶應泰州縣一如臯通州縣一海門
淮安府二州九縣山陽鹽城清河安東桃源沐陽
海州縣一贛榆邳州縣二宿遷睢寧
皇聖運卷六
廬州府二州六縣合肥廬江舒城無為州縣一巢
六安州縣二英山霍山
安慶府六縣懷寧桐城潛山太湖宿松望江
太平府三縣當塗蕪湖繁昌
寧國府六縣宣城寧國涇太平旌德南陵
池州府六縣貴池青陽銅陵石埭建德東流
徽州府六縣歙休寧婺源祁門黟績溪
廣德州縣一建平州縣一含山滁州縣二全椒
來安徐州縣四蕭碭山豐沛
湖廣

湖廣跨有江漢武昌其都會也南淮湖溪北擁原陸山高水濶効其靈秀承天王氣獨萃焉鄖襄上走秦梁德黃下臨吳越荆顧巴蜀辰扞雲貴郴桂通五嶺入八閩衡撥南岳之勝永寶之間謹備苗夷而已常德地廣民貧漢陽土狹利薄岳州當洞庭之波仰資市利長沙雖卑濕民物稱盛顧穀土泥塗甚於禹貢宗藩賦祿廣於周封傳符紛紜流冗雜沓土酋橫強猶復征調洞蠻草竊徒示羈縻皆足為慮乃若民寡蓄儲官多徵集坐費財力益肆皆窳非明示休息恐未得安靖也

皇明地理志 卷之六

七

八

湖廣布政司領府十五州十六縣一百五 戶五十三萬一千 口四百三十三萬三千 賦二百一十六萬七千

武昌府 一州九縣 江夏武昌嘉魚蒲圻咸寧崇陽

通城興國州 縣二 大冶通山

承天府 二州五縣 鍾祥京山潛江荊門州 縣一 當陽

沔陽州 縣一 景陵靖州 縣三 會同通道綏寧郴州

縣五 永興宜章興寧桂陽桂東

漢陽府 二縣 漢陽漢川

襄陽府 一州六縣 襄陽宜城南漳棗陽穀城光化

均州

鄖陽府 七縣 鄖房竹山上津竹溪鄖西保康

德安府 一州五縣 安陸雲夢應城孝感隨州 縣一

應山

黃州府 一州七縣 黃岡蘄水羅田麻城黃陂蘄州

縣二 廣濟黃梅

荊州府 二州十二縣 江陵公安石首監利潛江松

滋枝江夷陵州 縣三 長陽宜都遠安歸州 縣二 興

山巴東

岳州府 一州七縣 巴陵臨湘華容平江澧州 縣三

石門慈利安鄉

長沙府 一州十一縣 長沙善化湘潭湘陰寧鄉瀏

陽醴陵益陽湘鄉攸安化茶陵州

寶慶府 一州四縣 邵陽城步新化武岡州 縣一 新

寧

衡州府 一州八縣 衡陽衡山來陽常寧安仁祁桂

陽州 縣二 臨武藍山

常德府 四縣 武陵桃源龍陽沅江

辰州府 一州六縣 沅陵辰溪溆浦沅州 縣二

黔陽麻陽

末州府 一州六縣 零陵祁陽東安道州 縣三 寧遠

末明江華

浙江

浙江山海江湖所在限隔大海東蟠直轉淮陽重

湖右滙波聯圻輔左逾信郡即走江西南入閩關

遂連甌越而杭州其都會也杭山水秀麗人慧俗

奢衣被可觀米薪是急嘉湖寔與江東相表裏兩

稅困人貧者流徙富者并兼海鹽之塘利害通於

蘇松歲築歲傾勞費已甚安吉以西山越巢窟錯

入廣德好訟喜鬪累典大獄至勤誅討笠澤之間

鹽徒出沒剽掠村墟久之不治將有隱憂嚴衛金

華以徽饒為郭郭生理為倭征徭亦簡寧紹溫台

並海而南達於江洋估客來往人獲其利寇至倉

卒亦能為禍倭夷貪市中國矯云奉貢風帆所指

突至寧波華人交通倭去忽來詐謾巨測除戎之

戒定海為棘處人視他郡為悍依山盜礦糾結四

集激之易亂緩之難馴

浙江布政司領府十一州一縣七十五 戶一百

二十四萬二千 口四百五十二萬五千 賦二

百五十一萬

杭州府 九縣 錢塘仁和海寧富陽餘杭臨安於潛

新城昌化

嘉興府 七縣 嘉興秀水嘉善海鹽崇德平湖桐鄉

湖州府 一州六縣 烏程歸安長興德清武康安吉

州縣一 孝豐

嚴州府 六縣 建德淳安桐廬遂安壽昌分水

金華府 八縣 金華蘭谿東陽義烏永康武義浦江

湯溪

衢州府 五縣 西安龍游常山江山開化

處州府 十縣 麗水青田縉雲松陽遂昌龍泉慶元

雲和宣平景寧

紹興府 八縣 山陰會稽諸暨餘姚上虞嵊新昌蕭

山

寧波府 五縣 鄞慈谿奉化定海象山

台州府 六縣 臨海黃巖天台仙居寧海太平

温州府 五縣 永嘉樂清平陽瑞安太順

江西

江西三面距山背沿江漢實為吳楚閩越之交外

析險阻中包壤地安危輕重常視他藩即四方有

事雖欲保境距兵勢難獨完南昌沂江淮湖右荆左浙帆檣所集江西一都會也九江獨據上流人有市利南康臨彭蠡縮隘上瘠時有寇盜饒州稱為裕阜廣信傳道下邑殷盛撫州人悍多山寇而衣食自足頗憂蕪并建昌僻在東南即有藩封亦稱安輯南安贛州則汀漳雄韶山嶽會焉林漆谷遂寇賊淵藪撫臣提兵牽制數省軍門之費不煩度支苟得其人南服一壯鎮也袁州地逼長沙通民客戶喜獄好爭譏察既難緩馴不易臨江瑞州素稱樂土吉安山雄水秀人才輩出地利亦饒甲

皇明地理志 卷之二

於諸郡大抵江西之民質儉勤苦時有憂思至爭曲直持官府即費財不吝其土窄逐末不務稼穡至有棄妻子經營四方老死不歸者
江西布政司領府十三州一縣七十三 戶一百五十八萬三千 口七百九十二萬五千 賦二百五十二萬八千
南昌府 一州七縣 南昌新建豐城進賢奉新靖安
武寧寧州
饒州府 七縣 鄱陽餘干樂平浮梁德興安仁萬年
廣信府 六縣 上饒玉山弋陽貴溪鉛山東豐

南康府 三縣 星子都昌建昌

九江府 五縣 德化德安瑞昌湖口彭澤

建昌府 四縣 南城新城南豐廣昌

撫州府 六縣 臨川崇仁金谿宜黃樂安東鄉

臨江府 四縣 清江新淦峽江新喻

吉安府 九縣 廬陵泰和吉水永豐安福龍泉萬安

永新未寧

瑞州府 三縣 高安上高新昌

袁州府 四縣 宜分分宜萍鄉萬載

贛州府 十縣 贛寧都信豐興國會昌安遠寧都瑞

金龍南石城

南安府 四縣 大庾南康上猶崇義

福建

福建海抱東南山聯西北重關內阻群溪交流雖封壤約束而山川秀美福州其都會也福州及建

寧以江浙為藩人稠土沃礦徒作孽波及建寧古

田福寧利在魚鹽害亦隨之汀漳山廣人稀外寇

內通與南贛聲勢聯絡海物三市時起兵端人悍

嗜利喜爭大抵漳州為多興泉文物之盛甲於八

閩地利亦豐人懷異順延平邵武事簡人淳雖沙

尤之間或有小竊亦不能為大患

福建布政司領府八州一縣五十三 戶五十萬

九千 口二百八萬二千 賦八十八萬三千

福州府 一州十二縣 閩侯官懷安古田閩清長樂

連江羅源永福福清福寧州 縣二 福安寧德

泉州府 七縣 晉江南安惠安德化安溪同安永春

建寧府 八縣 建安旌寧建陽崇安浦城政和松溪

壽寧

延平府 六縣 南平將樂沙尤溪順昌永安

汀州府 八縣 長汀寧化上杭武平清流連城歸化

未定

興化府 二縣 莆田仙遊

邵武府 四縣 邵武光澤太寧建寧

漳州府 八縣 龍溪漳浦龍巖南靖長太漳平和

詔安

皇明地理述上卷終

子儀準校正

皇明地理述下卷

海鹽鄭曉

河南

河南當天下之中開封其都會也北下衛漳達京
圻東沿汴泗轉江淮車馬之達交於四方雖險塞
不及關中而水陸道里為便彰德控趙魏懷慶走
晉冀衛輝淇汲亦當傳孔河南嵩洛河華分陝要
區蔽山南扼河北稱形勝焉汝寧南陽下斬黃入
襄鄖又與淮江相為表裏顧分封日盛宗祿日繁
民亦勞止睢陳歸德大牙畿省轄管不能專奸人

時竊發急之則潰逸四出彰德兵民雜集頗為牽

制河洛之間馮險鑄獵習於劍弩難馴易動若山

川環互民物殷茂汝寧為優

河南布政司領府八州十二縣九十七 戶五十

八萬九千 口五百一十萬六千 賦二百四十

一萬四千

開封府 四州三十縣 祥符陳留杞通許太康尉

氏洧川鄆陵扶溝中牟陽武原武封丘延津蘭陽

儀封陳州 縣四 商水西華項城沈丘許州 縣四 臨

潁襄城鄆城長葛鈞州 縣二 新鄭密鄭州 縣四 滎

陽榮澤河陰汜水

歸德府 一州八縣 商丘寧陵鹿邑夏邑永城虞城

睢州 縣二 考城柘城

彰德府 一州六縣 安陽湯陰臨漳林磁州 縣二武

安涉

衛輝府 六縣 汲胙城新鄉獲嘉淇輝

懷慶府 六縣 河內濟源修武武涉孟温

河南府 一州十三縣 洛陽偃師鞏孟津宜陽登封

永寧新安沔池嵩陝州 縣二 靈寶閿鄉盧氏

南陽府 三州十五縣 南陽鎮平唐泌陽桐柏南召

鄧州 縣二

內鄉新野浙川裕州 縣二 舞陽葉汝州

汝寧府 二州十二縣 汝陽真陽上蔡新蔡西平遂

平信陽州 縣二 羅山碓山光州 縣四 光山固始息

陝西

陝西山河四塞神臯隩區也平涼同原豐草平野
監牧蕃滋鞏鳳之墟亦稱雄劇延慶沙葦蕭條而
人士精勁寧夏隔在河外別為一區水穀之利亦
足自養甘涼以西至於嘉峪左右番達勢為孤危
洮岷西寧錯入羌族要在撫輯而已西安會府生

理殷繁塞餉藩祿十居七八間閭疾苦殆與德

相當漢中西川襟喉潼關保障全陝並為重地非

乃茶之禁漸弛藩牧之地漸廣僕苑之畜漸耗異

類之巢漸深斥堠之封漸蹙調弦改轍皆在所急

河套之議至殘督府為世大戒矣

陝西布政司領府八州二十縣九十五 戶三十

六萬二千 口三百九十三萬四千 賦一百九

十二萬九千

西安府 六州三十縣 長安咸寧咸陽整屋興平臨

潼高陵鄠藍田涇陽三原商州 縣四 鎮安洛南山

陽商南同州 縣五

朝邑郃陽澄城白水韓城華州

縣三 華陰渭南蒲城耀州 縣二 同官富平乾州 縣

三 醴泉武功永壽邠州 縣二 淳化三水

鳳翔府 一州七縣 鳳翔岐山寶雞扶風郿麟遊隴

州 縣一 汧陽

漢中府 二州十四縣 南鄭褒城城固洋西鄉鳳沔

寧羗州 縣略陽金州 縣六 石泉洵陽平利漢陰 縣一

平涼府 三州七縣 平涼崇信華亭鎮原涇州 縣一

靈臺靜寧州 縣二 莊浪隆德固原州

鞏昌府 三州十四縣 隴西安定會寧通渭漳寧遠

伏羌西河成秦州縣三秦安清水禮階州縣一文

徽州縣一兩當

臨洮府二州三縣狄道渭源蘭州縣一金河州

慶陽府一州四縣安化合水環寧州縣一真寧

延安府三州十六縣膚施安塞甘泉安定保安宜

川延川延長鄜州縣三洛川中部宜君綏德州縣

二清澗米脂葭州縣二吳堡神木府谷

山東

山東在兩都之間外引江淮內馮遼海西走趙魏

北屆滄瀛而川陸孔道並會德州自海運既廢此

皇明地理述 卷六

為漕渠築塞疏濬舟車挽勞役無休時兗州水

潦為虐疾苦滋甚青多備賊禁輯尤難公私交病

成山沙門上下礁礮險毒勢難輒議聞諸往蹟平

度東南有南北新河南起淮北安東北出海倉入

北海不數日抵直沽勝國漕治置閘通舟避開洋

之險嘉靖中副使王獻修濬有緒謠言中阻臨清

濟寧有喉吭之憂此亦未為不知務也登萊僻在

膠東三百距海利在魚鹽蠶積農田亦足自贍且

無海寇牧撫得人不失為樂土也

山東布政司領府六州十五縣八十五戶七十

七萬口六百七十五萬九千賦二百八十五

萬一千

濟南府四州二十六縣歷城章丘鄒平淄川長山

新城齊河齊東濟陽禹城臨邑長清肥城青城陵

太安州縣二新太萊蕪德州縣二德平原武定

州縣四陽信海豐樂陵商河濱州縣三利津霑化

蒲臺

兗州府四州二十三縣滋陽曲阜寧陽鄒泗水滕

嶧金鄉魚臺單城武曹州縣二曹定陶濟寧州縣

三嘉祥鉅野鄆城東平州縣五汶上東阿平陰陽

皇明地理述 卷六

穀壽張沂州縣二剡城費

東昌府三州十五縣聊城堂邑博平任平清平莘

冠臨清州縣二任鄒陶高唐州縣三恩夏津武城

濮州縣三范觀城朝城

青州府一州十三縣益都臨淄博興高苑樂安壽

光昌樂臨朐安丘諸城蒙陰莒州縣二沂水日照

登州府一州七縣蓬萊黃福山棲霞招遠萊陽寧

海州縣一文登

萊州府二州五縣掖平度州縣二濰昌邑膠州縣

二高密即墨

山西

山西表裏河山稠地狹俗尚勤儉果毅任氣北倚重邊極稱險塞自大同及側虜數入內郡鴈門南北為虜通衢今日所備不止河曲而巴山後曠徒河中屯卒上黨通民亦非細故也嗟乎山西四郡大同不足恃則太原危矣虜已獲利於路安其志時時在平陽每議禦虜輒云居庸紫荆井陘置鴈門且不論况大同乎夫晉冀勞瘁即無虜患外轉塞儲內供藩祿猶不能支仰給鹽利當是時而不早為之所內憂方殷爾

皇明地理志

卷六

六

六

山西布政司領府四州二十縣七十五 戶五十萬九千 口五百八萬四千 賦二百二十七萬四千

太原府 六州二十二縣 陽曲太原榆次太谷祁徐

瀋清源交城文水壽陽臨孟靜樂河曲平定州 縣

一樂平忻州 縣一定襄代州 縣三繁峙五臺崞

嵐州 縣二嵐興石州 縣一寧鄉保德州

平陽府 六州二十九縣 臨汾襄陵洪洞浮山趙城

太平岳陽曲沃翼城汾西蒲蒲州 縣五臨晉榮河

猗氏萬泉河津解州 縣五安邑夏閩喜平陸芮城

絳州 縣三 稷山絳垣曲霍州 縣一 靈石吉州 縣一

鄉寧隰州 縣三 太寧石樓永和

大同府 四州七縣 大同懷仁應州 縣一 山陰朔州

縣一 馬邑蔚州 縣三 廣靈廣昌靈丘渾源州

潞安府 八縣 長治長子屯留襄垣潞城壺關平順

黎城

汾州 三縣 孝義平遙介休 遼州 二縣 榆社和順

沁州 二縣 沁源武鄉 澤州 四縣 高平陽城陵

沁水

四川

皇明地理志

卷六

二

四川長川沃野穀粟山林竹木蔬果織染之饒自

足周瞻西屆蕃部南阻蠻落雲棧之北出褒斜

瞿峽之流東下荆楚坤維井絡十絕諸夏實為陸

海而成都其會府也山川網緜防守為易盜奸割

據安輯為難以故松潘威茂安綿叙瀘重夔皆有

兵憲蓋唇齒之勢利在東南指臂之形險在西北

或謂吐蕃寇自黎文南詔賊由沅黎蕃詔糾合必

由灌口蒐兵繕障玩弛久矣劇盜起於重夔諸戎

伺於臆臘烏撒悍於隣夷龍州梗於餉道皆非細

故也建昌西徼與壤民夷頗輯都江水役耶灌為

勞亦蒙其利諸郡塘堰官課其成而已

四川布政司領府八州二十縣一百四軍民府三

戶一百十六萬四千 口二百一十萬四千

賦一百二十萬六千

成都府 五州二十七縣 成都華陽雙流温江新繁

金堂仁壽新都井研郫簡資灌彭安內江崇寧石

泉資陽崇慶州 縣一 新津漢州 縣三 什祈綿竹德

陽綿州 縣二 彰明羅江茂州 縣一 汶川威州 縣一

保寧府 一州九縣 閬中蒼溪南部廣元巴昭化通

江劍州 縣二 梓潼江油

順慶府 二州八縣 南充西充蓬州 縣二 營山儀隴

廣安州 縣四 渠大竹岳池隣水

叙州府 九縣 宜賓慶符富順南溪長寧高筠連珙

重慶府 三州十七縣 巴江津長壽大足永川榮昌

綦江南川黔江合州 縣四 銅梁定遠安居璧山忠

州 縣二 酆都墊江涪州 縣二 武隆彭水

夔州府 一州十一縣 巫山大昌雲陽大寧萬

開達州 縣四 新寧 始東鄉

馬湖府

鎮雄府

潼川州 縣七 射洪鹽亭中江遂寧蓬溪安岳樂至

眉州 縣三 彭山丹棱青神 嘉定州 縣八 峨眉

洪雅夾江犍為榮 瀘州 縣三 納溪合江江安

邛州 縣三 威遠大邑蒲江 雅州 縣二 名山榮經

東川烏撒烏蒙芒部軍民府

廣東

廣東在嶺海間古稱樂土北負雄韶以臨吳楚東

肩潮惠以制甌閩內關高廉以控交桂外藩雷瓊

嶂屯哨勞止韶州嶺險谷平交廣明唯南雄萬山

三水控帶群蠻而督府兵餉九郡傳郵盡仰其權

利惠州提封廣袤悍客礪徒勢難收戢潮州沃野

廣原昔所患者峯戶斗老今則內寇外夷為害棘

矣肇慶據上游當嶺西孔道高州海灣衝衝開地

除兵耕守並集可也廉州魯山曲水海北要區雷

州炎微多平田腴壤通夫歲命責在人牧瓊州有

司並海五指腹心反為黎穴若乃濱海島夷之國

以十數雖時時出沒志在貿易非盜邊也顧人遂

山海礦冶膏舶之利不務農田或尚剽掠行劫海上桴鼓之驚彌滿山谷凡以生齒日繁徵求日困師旅數興漁獵還至通山之禁久弛餉軍之饋益煩也况夷珍珠窟本民用所與而公私交征反為民病

廣東布政司領府十州七縣六十九 戶四十八萬三千 口一百九十七萬八千 賦一百一萬

七千

廣州府 一州十五縣 南海番禺花縣化順德東莞從化龍門新寧增城香山新會三水清遠連州 縣二

陽山連山

韶州府 六縣 曲江樂昌仁化乳源翁源英德

南雄府 二縣 保昌始興

惠州府 八縣 歸善博羅海豐河源龍川和平長樂

潮州府 七縣 海陽潮陽揭陽程鄉饒平大埔惠來

肇慶府 一州十縣 高要四會新興陽春陽江高明

恩平德慶州 縣三 瀧水封川開建

高州府 一州五縣 茂名電白信宜化州 縣二 吳川

廉州府 一州三縣 合浦石康欽州 縣一 靈山

雷州府 三縣 海康遂溪徐聞

瓊州府 三州十縣 瓊山澄邁定安文昌會同樂惠

臨高儋州 縣一 昌化萬州 縣一 陵水崖州 縣一 感恩

廣西

廣西東南接廣東均在嶺南而風壤氣習異於廣東山高而秀水清而賦地利物產優贍自足則桂林其都會也若府江左江右江號為三江貫絡諸郡綿流甚遠苗夷附據肆為寇竊不但古田荔浦

粵地連述 卷八

若其蠶食而已潯州大藤峽跨黔江上蠻巢穴

焉雖有屯戍未見摧輯柳慶號為盜區行居苦其

荼毒設兵制將控馭督警之可無大患思恩田寧

強悍久矣殘破之餘萌孽復作削土分官不為無

策南寧太平控邊兩江坐躡交趾寔為桂管保障

梧州開府稍有兵卒地促人貧全仰東道然諸蠻

咽吮列郡襟束形勢便矣

廣西布政司領府十一州四十六縣五十四軍民

府一 戶一十八萬六千 口一百五萬四千

賦四十三萬一千

桂林府 一州九縣 臨桂興安靈川陽朔永福義寧	古田理定全州 縣一 灌陽	柳州府 二州十縣 馬平洛容羅城柳城懷遠融來	賓象州 縣一 武宣賓州 縣二 遷江上林	慶遠府 二州六縣 宜山天河思恩河池忻城南丹	州 縣一 荔波東蘭州	平樂府 一州六縣 平樂恭城富川賀荔浦修仁永	安州	梧州府 一州九縣 蒼梧藤容岑溪懷集鬱林州 縣	四博白北流陸川興業	皇朝地理志 卷六	潯州府 一州三縣 桂平平南貴武靖州	南寧府 一州四縣 宣化武緣隆安橫州 縣一 永淳	太平府 十五州四縣 太平思城茗盈安平思同養	利萬承鎮遠全茗結安龍英結倫都結上下凍左	州崇善羅陽陀陵永康縣	田州府 四州一縣 上隆思城歸德果化上林縣	思明府 六州 思明上思上石西下石西憑祥忠州	鎮安府 思恩軍民府 向武州 縣一 富勞 江	州 縣一 羅白 都康州 思陵州 奉議州 泗	城州 利州 龍州
-----------------------	--------------	-----------------------	---------------------	-----------------------	------------	-----------------------	----	------------------------	-----------	----------	-------------------	-------------------------	-----------------------	---------------------	------------	----------------------	-----------------------	-----------------------	-----------------------	----------

雲南

雲南界山崇峻瀉澗縈紆金碧米鹽之產亦稱精
 贍而雲南其一都會也臨安大理永昌鶴慶楚雄
 並稱沃壤設險守固鞏內捍外則元江臨安路走
 南交金齒騰衝強隣諸甸未寧麗江聯絡於瀾滄
 烏蠻蒙撒控彈於曲靖若尋甸上下風土絕異而
 兵衛漸疎矣大抵滇南取道貴陽稍有警動坐令
 梗絕城郭人民夷居十八緩則蜂屯蟻聚號令不
 行急則不突鴟張勦誅未易苟緩撫得人相與休
 息本無禍變顧萬里投窟類無固志時聞蠢動咎
 有由矣

皇朝地理志 卷六

雲南布政司領府十四州三十八縣十五軍民府
 八 戶一十三萬二千 口一百四十三萬三千
 賦一十四萬

雲南府 四州十縣 昆明富民宜良高明州 縣一 楊
 林晉寧州 縣二 歸化呈貢安寧州 縣二 羅次祿豐
 昆陽州 縣二 泊易門

大理府 四州三縣 太和趙州 縣一 雲南鄧川州 縣
 一 浪穹賓川州雲龍州

臨安府 五州四縣 建水石屏阿迷寧遠寧州通海

河西岷峨蒙自縣

楚雄府 二州五縣 楚雄定遠廣通定遠碶嘉縣南

安鎮南州

澂江府 二州三縣 河陽江川陽宗縣新興路南州

廣南府 州一富州

廣西府 三州 師宗彌勒維摩

蒙化府

景東府

鎮沅府

永寧府

皇明地理志 卷

十四

順寧府

曲靖軍民府 四州二縣 南寧亦佐縣霽益陸涼馬

龍羅雄州

姚安軍民府 一州一縣 姚州縣一大姚

鶴慶軍民府 二州 劍川順州

武定軍民府 二州三縣 和曲州縣二南甸元謀祿

勸州 縣一石舊

尋甸軍民府

麗江軍民府 四州 通安寶山巨津蘭州

元江軍民府

永昌軍民府

孟定府

孟良府

北勝州 威遠州 灣甸州 鎮康州 大候州

騰越州

貴州

貴州本隸川湖雲南建省設官始於永樂十一年
緣田首倡亂旅拒朝命誅討既行始置郡縣官雜
土流而思州思南二十九長官司者地本蠻夷山
多箐穴水不涵濇土無貨殖貧瘠已甚官戎歲給
皇明地理志 卷 十五

全仰他省加以兵荒廣之弗繼况省城會區咫尺

夷土西南諸郡皆於嶺賊思南石阡銅仁界在川

湖鎮軍酉播夷峒間寇攘四出師旅數興境內諸

酋亦皆佳兵好殺非因俗隨時先幾撫定未易為

力也

貴州布政司領府七州五縣六 戶四萬五千

口二十三萬一千 賦四萬七千

思南府 二縣 婺川印江

鎮遠府 二縣 鎮遠施秉

石阡府

黎平府 一縣 未從

都勻軍民府 一州 一縣 獨山清平

銅仁府

程番府

思州府

普安州 永寧州 鎮寧州 安順州

遼東

遼東寔有遼東西地東北西皆夷地南阻海惟山海關內通圻甸蓋渤碣之外一都會也西南起山海歷醫無閭長白諸山包絡北東南走海上海薄

皇明地理志

卷六

十六

云

蓋金以西接盧龍可渡登萊泛吳淞地饒魚鹽穀馬國初馬雲葉旺經略置衛所不復如古設郡縣獨遼陽開原有安樂自在二州處降夷其保塞矣夷東北則建州手憐女直諸衛西北則兀良哈朵顏福餘太寧三衛分地世官互市通貢恩威羈縻為我藩蔽而奸闖出入亦不能盡禁東北諸夷屋居耕食不專射獵警備差緩西北俗仍北虜時時抄掠故遼東備邊與諸鎮異要在隨勢安輯先事防守俾信義相懷足制其心斯為上計倖斬論功第二義也寧遠東西兩屯頗安給錦義地瘠寡生

理廣益無屯營之利率仰給轉粟與遼陽隔河河

百數百里遼陽舊城在焉草木豐茂更饒魚鮮國

家委與諸夷彼進據腹心限隔東西守望勞費道

里迂遠成化以來屢議收復而隻作隻輟竟不可

行遼陽以此益聚兵兵倉益窘開原三城三面受

敵六堡雖復二虜輒巢清陽鎮夷間聚而謀我我

失漁樵之利又略我男女易畜產二江外否即繫

之耕織日夜無休時西馬市廢蒲河懿路殘破不

可言撫順通夷貢市內外皆山多伏虜我難於斥

望瀋陽雖有關虜馳牧外險內夷不能援鳳凰壁

皇明地理志

卷六

十七

云

戰東垂鴉鵲鎖鑰西境並海四州特得勝之捷無海寇弘治中嘗一至未及岸而云然遼水南注海溢不能洩患苦沮洳矣

薊州

國初即古會州大寧地設北平行都司興營諸屯衛封建寧藩與遼東宣府聯絡東西為外邊也而魏國公經略自古北口至山海關增修關隘為內邊以故薊州西接居庸北折而東南抵海上盡漁陽盧龍皆其管內嚴泛登萊陸走趙魏肩肘奚連襟帶原澤馮翊京師號稱雄鎮又地壤深厚樹畜

漁鹽黍稷之利甲於圻內 文皇靖難元良哈內
附廼徙北平行都司於保定為大寧都司而散布
興營諸衛京府之境大寧地盡界元良哈通貢互
市為我藩籬朵顏大寧福餘三衛是也自是紅螺
白雲之北棄與戎寇遼東宣府聲援隔絕諸夷裂
我險阻闢我門庭要我官賞殘我吏民喜峰三屯
密雲白羊僅僅收縮警之左臂癱雁則上谷孤子
後背偃僕則盧龍單薄哽其喉吭則遼海坐隔扼
其膏腹則陵寢警逼失計其矣正統以前夷心畏
服方隅寧謐土木之變三衛為也先鄉道始命都

三衛地理志

卷

八

御史鄒來學經略已而總兵參將內臣增設日多
三衛亦矯詐反覆然尚未敢顯言為寇也弘治中
守臣楊友張瓊燒荒掩殺無辜邊警遂起正德以
來部落既蕃朵顏獨盛陽順陰逆累肆侵噬花當
脅求添貢把兒孫深入虜掠動稱結親迤比恫疑
中國而參將陳乾魏祥先後陷沒以故三衛日驕
嘉靖中革蘭台輒要官賞請益貢禍機所伏不待
智者而知也天壽山七陵在焉余嘗從祠官至長
陵北望烽堞不數里已已之變祠官不能至昌平
昌平陵衛吏卒如僑寓增兵繕障於斯為急古北

口朝河川俱要害而朝河川本殘元避暑故道尤
為虜衝作橋則浮沙難立為壘則漲水易淤都御
史洪鍾雖嘗設有關城勢孤難守議者欲塞川流
建石墩數十令其錯綜宛轉下通流水上傳烽火
亦一策也喜峰口三衛貢道稍深峻燕河營太平
寨馬蘭峪密雲四營聲勢相援虜即至中兩營當
其衝燕河密雲相倚角遵化三屯建昌固其內防
虜當大挫末平梁城間無虜患亦無海寇若乃山
麓林莽樊樹阻固以供薪炭伐條枚日就踈薄嘉
靖中胡守中又出塞盡斬遼金以來松林百萬自

三衛地理志

卷

九

撤藩蔽矣

宣府

宣府漢上谷也國初開平王克元上都設衛開平
置八驛東四驛曰涼亭泥河賽峰黃崖接大寧古
北北西四驛曰桓州威虜明安隰寧接獨石 成
祖四出塞皆道開平興和萬全間嘗曰戒此殘虜
惟守開平興和大寧遼東甘肅寧夏邊圉永無虞
矣已乃棄大寧與虜興和亦廢而開平失援宣德
中遂徙衛獨石威國蓋三百里正統末獨石八城
殘破宣府遂為重鎮宣府山川糾紛地險而狹分

屯建將倍於他鎮勢完易守然去京師近北門鎖
鑰慎哉慎哉鎮分五路獨石八城為北路地雖懸
遠然阻長安嶺虜難逕下中路葛峪大白陽青邊
諸堡西路柴溝洗馬林萬全諸城南路東西順聖
川皆稱虜衝東路末寧四海冶龍門朵顏所伺而
四海冶上通開平大路下連橫嶺見亦要地也宣
府素稱戰兵自叅將都默出境燒荒遇虜二十騎
而潰關山王經前後陷沒反習聞大同之變此其
漸已久撫臣守將交任其責可也况芻粟日窘每
有警報輒議空運弘治中宣府粟草積至六七年
少亦不下三四年今數月且不給幸虜無他計僅
為草竊即狡不過也先火篩革萬一屢入內地知
我虛實不徒寇掠更迭困我宣府至京僅三百里
奈何不早為之所也國初至宣德空運皆董以武
帥役以營卒景泰以後取諸民力

大同

大同川原平行故多虜患虜南犯應朔不西入平
虜威遠則中經右衛水口諸城堡即掠順聖左右
天城陽和當其衝矣平虜西連老營堡近偏頭關
焦家坪娘娘灘羊園子蕎麥川狗澗灰泉皆套虜

渡口虜涉河瞬息可至故大同稱難守况大邊既
失二邊之內棄為虜庭墩軍騎情警報不明至與
虜通反為鄉導夫復五堡增高山聚落之戍為急
五堡復則屏外固內而沃土茂田盡為我利二邊
宣寧諸縣棄地漸圖恢闢高山聚落實鎮城兩腋
東西虜衝募軍分駐則按伏之費省而犄角之勢
成矣張文錦既死李瑾又死此非細創征之不克
撫之不輯用夏從夷為禍尤棘正綱紀布恩信化
頑窟潛消默奪不震不竦非英毅忠誠之士不可
歷朝賜勅通書納貢市馬弘治中許進巡撫時三
貢皆不可謂非策昔魏尚李廣皆守雲中尚給士
卒饗軍吏無所不至廣遠斥堠就水草頓止人人
自便是以能用其眾以制匈奴撫臣守將不能不
勞拊解之思矣

榆林

榆林舊治綏德棄米脂魚河地幾三百里成化九
年都御史余子俊議徙鎮榆林堡內地稍安又築
邊牆自黃甫州西至定邊營亘千二百餘里連墩
勾堡橫截套口內復塹山澗谷是曰夾道得地利
焉虜遂不敢輒渡河我得耕牧套內益以樵採圍

獵之利稱雄鎮焉當是時寧夏巡撫徐廷璋亦修邊虜不復入套者二十餘年久之玩弛墻薄溝淺虜遂以套為巢穴成化弘治正德屢有搜套之議或謂當尋漢唐受降舊城又謂當復守東勝東路可無虜患然用人理財宜在所先審時度勢未易言也我兵日斂虜巢日深諸利皆失鎮城四望白葦黃沙地無產穀商無通貨一切芻糧仰給腹裏弘治正德中布政使文貴侍郎馮清改本色為折色重以災蠲民通動計百萬以故軍用大窘有米珠芻桂之誑即虜壓境據魚河我餉道遂絕此時

皇朝地理志 卷六

三三

予金如山亦不可食倪岳許論嘗欲通舟河渭轉漕邊鎮此經史所載非繁空之說也榆林地險將士懷忠畏法死無怨言又果悍敢勇戰不貫曾虜呼為駱駝城人馬見則畏之四方征調所向有功更多將材有節氣視他鎮為最

寧夏

寧夏賀蘭山環其西北黃河繞其東南險固易守沃土長流生理饒洽成化前虜患多在河西虜既入套河東三百里花馬池清水營左右反為敵衝自巡撫徐廷璋築墻總制楊一清王瓊屢增築更

益敵臺足禦小寇顧其寡勢分虜大舉輒不能過嘗聞弘治前虜不戀套或連歲不至即至在水堅時凍解不能復出入以故每歲水時伺虜入則戒嚴出即否乃今渾脫飛渡數萬立濟據為巢穴誘我遁逃盡知內地虛實咸寧固靖不得休息許論欲擇花馬池便利之地建城堡設叅遊移總制居之而分屯重兵清水與武諸營令二百里內旌幟相望刀斗相聞鐵柱白水諸堡水草大路盡築墩堡可謂扼吭之計東援榆林西援寧夏亦常山蛇勢也論又曰往時虜出入河套犯甘涼皆由賀蘭

皇朝地理志 卷六

三三

山後自總兵杭雄敗後遂出山前趙瑛周尚文禦之皆敗由此不已不知寧夏所終也王瓊廢鎮遠關而城平虜棄地蓋八十里以故虜患愈近而民利益窘中衛偏在西隅雖地狹易守鎮山後之虜窺靖虜者數敗有之尋討故事云自賀蘭山東西至鎮番內皆漢朔方地今棄與虜城而守之莊涼靖固皆安枕矣

甘肅

甘肅即漢河西四郡斷匈奴右臂者也蘭州為金城渡河西六百餘里至京州為武威又西四百餘

里至甘州為張掖又西四百餘里至肅州為酒泉
又西出嘉峪關為沙瓜赤斤苦峪以至哈密諸城
皆燉煌地也洪武五年宋國公下河西遂棄燉煌
關嘉峪自莊浪而南三百餘里為西寧古湟中也
自涼州而北二百餘里為鎮番古姑臧也夫以一
線之路孤懸幾二千里西控西域南隔羌戎北遮
胡虜經制長策自古為難且哈密甘肅藩籬諸番
領袖成化以來陷於土魯番恢復之策屢勤朝議
胡世寧論之悉矣亦不刺阿爾忒斯二寇盤據西
海吞并屬番為西南患頃許亦不刺內附尋以敗
皇明地理志 八卷 二十四

固原
固原本開城縣套虜未熾專備靖虜一固平固安
會間稍得休息弘治十四年火篩入寇內郡遂為
虜衝始改立州治設固靖甘蘭四衛統以總制參
遊與寧夏為唇齒塞上人謂花馬池諸城為大門
若併力堅守花馬池固原可無虞而響石溝至靖
虜諸堡修築亦在所緩蓋力分則勢弱寇已入門
主人束手故總制不駐花馬池固原未可息肩也
每黃河水合靖虜南北一望千里坦如平地若賀
蘭山後之虜履冰南下蘭靖安會即為禍階調兵
防守候在冰凍而西風臨鞏之卒多未經戰豈能
捍禦不添沿河之堡不屯常戍之兵固原亦未可
息肩也
三邊四鎮
陝西三邊列鎮曰延綏寧夏甘肅固原延綏東黃
甫川至定邊營千二百里西接寧夏花馬池出花
馬池至橫城三百二十里東至黃甫川千五百二
十里皆在河內邊城外悉為河套套長幾二千里
橫自墻距河遠八九百里近二三百里惟黃甫川
八九里爾川南焦家坪兩岸夾山水先合後泮娘

娘難羊園子渡口冬水涸虜每二三年或四五年
 大衆自坪或灘或渡口入套每遣零騎伏林逐草
 往來不絕是以套中無歲無虜由橫城渡河而西
 爲寧夏鎮城鎮城至鎮遠關二百四十里中衛四
 百里在河外賀蘭山後虜時住牧警報屢至由鎮
 城渡河東入靈州至韋州三百四十里韋州南接
 固原預望城至固原鎮城三百里由固原出靖虜
 之蘭州七百三十里河州九百二十里皆在河內
 套虜秋由花馬池潰墻入山後虜冬由靖虜衛踏
 冰入則臨鞏涼慶諸郡縣皆繹騷矣由蘭州渡河
 西出莊浪至甘州鎮城一千二百里至嘉峪關六
 百里皆在河外西海有虜寇土魯番天方西域有
 西夷西寧莊浪革哩章等族有番落酒泉浩亶
 之間環而居者皆犬羊也延綏鎮一千二百里寧
 夏鎮一千二百二十里固原鎮一千三百里甘肅
 鎮一千八百里通計五千六百餘里
 六關直隸三關 居庸 紫荆 倒馬 山西三關 雁門 寧武 偏頭
 居庸隸薊州紫荆倒馬隸保定雁門偏頭寧武隸
 山西巡撫居庸諸關本太行山與雁門諸山相斷
 數百里雁門巨南北太行絕東西表裏縱橫左右

紫帶關狄藩華險由天造山西自井陘西北數百
 里崇岡複嶂扼爲居庸迤邐東折玉帶神嶺諸山
 若拱若抱八陵在焉外拒四海治潮河川古北口
 去虜不遠故居庸爲京師北門居庸左轉蓋漁陽
 盧龍當山海之際古渝關也控約遼東西右循太
 行西南以往包絡數十城皆平原沃野北倚上谷
 雲中皆宿重兵居庸東去舊有松林數百里中有
 間道騎行可一人即札八兒等元兵趨南口者紫
 荆倒馬二關隘口既多守備不能專內連真定保
 定大名古燕趙之郊平夷曠行無高山大陵爲之
 限隔騎兵便馳逐南並井陘出山西路險隘士馬
 不能成列東更順德廣平遂入齊魯下江淮雁門
 三關山東起代郡外斷雲中內畧太原北境西盡
 雍河之濱雁門稱絕險虜入大同川二邊不能守
 則雁門當其衝寧武諸營保不甚險隘虜往往由
 蕎麥川野豬口入婦女畜產驅逐已出塞而遊兵
 百里赴援難矣偏頭地平可馳馬故多虜患西北
 冬備河曲東北時時備大同川往時諸險塞設關
 羅夫環戈戍卒荷戟守吏辨行行者脅肩曳踵左
 右森立正德以後商者入路通者奸開廢塞缺片

左右環立不問誰何况覈符券嘉靖以來虜細出入至居京師習兵器市禁物群來旅往如獲康衢防哉防哉

論曰虜莫強於遼金元莫弱於我 朝國初胡裔半留中國遞還沙漠者無幾永樂四出塞虜益遠徙死者降者又半以故我塞上戍兵不及四十萬虜今東得開平興和西據朔方東勝皆水草善地自永樂迄今未嘗一遭敗跡生聚既蕃侵噬漸近也先火篩之後益輕中國恃其長技往往深入風雨飄忽動輒數萬我軍禦之不過依險結營以防

皇明地理志

卷六

三

衝突僅不亂行即為全勝虜志日驕我氣日奪其零賊出沒雖稍有停斬亦已甚難蓋眾寡之勢殊強弱之形異也幸其狼婪鼠竊無有他志計日數程不能持久每大舉驪肉驟馬頗有勞費若得矢不鏃則悔悔無已是以邊境得苟免焉近年古囊倫谷屢入內郡飽掠而歸聚兵十萬莫敢發一矢而輒張捷冒功上下相蔽甚至殺歸正人為首功冤酷已極今虜中控弦之士餘二十萬益以中國通逃竊知內地虛實一口改慮外變內憂禍不細也

附吏官考

土官初隸吏部驗封洪武三十年凡掌土兵者改隸兵部其襲替關武選大抵與驗封不異洪武中土官無子弟其塔與妻皆得襲永樂中襲替人文出十年者亦聽然皆萬里赴闕或獻馬方物請命最謹天順八年三月上 兩宮徽號詔許土官繼呈勘奏即與冠裳於是令使未將威福自恣雖托羈縻之名竟開驕悍之漸成化十五年又有納穀備賑之令則經制日卑規取愈陋 孝宗末年發憤釐革至正德旋復廢廢嘉靖九年始曲為條約

皇明地理志

卷六

三

稍復 祖宗之舊今政府州縣正氣屬屬巡檢驛俾凡三百六十隸驗封宜慰宜撫招討安撫長官凡一百三十二隸武選隸驗封者皆領於布政司武選所隸或領於都指揮使司文武相維權惟倚寓細大相關掌股易運數年來鎮撫巡部諸臣建白日煩紛更已甚矣雲南本徼外地 國初元薛竊據戍申開基高阻聲教王禕秉義捐軀傳友德沐氏父子是若威威惠或梅思祖張然繼膺藩屏平徭均賦疆土稍開頓其人慄悍不待已因俗為政官其酋領稍示安輯元江永寧鎮沅孟良景東

最强猶鎮南蒙化順寧雲南之小然皆向背靡常
調劑為難諸甸約攝騰衝諸羅羅賴尋靖蓋自麓
川虛耗中土孟春曲徇奸夷正統迄今益復反復
况投宦非人刑法好貨湖南滇北將有梗隔之憂
至求馬湖建昌川陸遠道計亦晚矣貴州本西南
夷羅施鬼國 國初雷翠朱欽歸附仍其世官山
峭地瘠夷情稍詐分隸川湖雲南永樂癸巳始立
三司當時頗成易節以文武大吏威懷有方時稱
馴順然壤地聯絡衝胸掣肘自泗城北窺永寧芒
部南擾畢節西播外突普凱內潰交讒搆亂喜禍

皇明地理志

卷

十

佳兵每一梗阻滇南中斷乃知分割三隸疆域相
牽不可謂非策也湖廣土官皆據湖南占半黔中
地中錯辰常外聯川貴溪峒險深難擾易亂彭氏
富強雄脅諸司自宋迄今構結滋廣曠曠益堅國
家稍有征誅輒議調發所過殘破慘於劇盜官司
莫敢誰何嘉靖中王守仁討岑氏時湖泉愈事汪
秦統馭嚴飭所過戢歛以故順靖之禍不獨湘楚
永寶之憂豈直苗夷也廣西當嶺南右偏土瘠民
獷視東道特異諸夷窟穴盤繞其間左黔右鬱荔
浦東西殘破不可言大藤峽深險尤甚成化中誅

鈔極慘近復跨江倚山出沒剽奪田寧梧藤諸彝
卒竟不能扼制桂林之北六峒為孽則北連武岡
柳慶之西八寨尚存則東通懷遠府江上下半為
夷巢寇竊無虛日右江岑氏猛賊雖誅餘孽尚在
王盧再叛思田更强姚鎮勦則黥兵守仁撫則納
侮恐數年之間復煩經畧爾四川山包劔棧水鎖
瞿峽襟帶擁束是為天險惟烏蠻阻其東南蔓繞
西抵番族欲其馴順是在調擾龍州為松番咽喉
每透我餉道烏蒙烏撒芒部諸府雖仰我鼻息而
內黨日堅數啓隙亂唇齒之勢彼得挾而擾我叙

皇明地理志

卷

十一

瀘之間宜有機權携其醜類若乃碣門遠引諸番
播州旁通四省所謂與蜀盛衰者也
雲南一百五十一武定龍江景東沅江順寧永寧
鎮沅蒙化孟良孟定知府十人寶山南甸蘭州灣
甸寧州富州北勝大侯雲龍浪蕩鄧州安寧威遠
霑益羅雄鎮康陸涼知州十七人臨西嶧峨雲南
亦佐羅次元謀知縣六人廣南姚安府同知二人
鶴慶府知事一人千厓宣撫經歷一人巨津師宗
浪蕩通安北勝鎮南姚州順州同知八人北勝南
安鎮南州判官三人雲南楚雄亦佐易門定邊永

平縣丞六人昆明雲南廣通嶧峨定遠楚雄主簿
六人威遠州吏目一人五井順濞鹽井副使二人
速爲古刺騰衝樣備觀音山沙橋德勝關泔西在
城打牛坪晉寧易龍驛丞十二人金齒水眼鄧川
州寧番順寧尋甸禾摩村東山口浪滄江師井打
牛坪濞井金沙江十二關備溪江青索鼻納更山
蒲陀崆鎮南箭桿場關索嶺鐵爐清水江黑鹽井
西金沙江赤水鵬定西嶺龍街關蔓神寨徐白水
關南平關黑鹽井阿雄村戛賴元江禾摩村安南
坡祿腰煉象關楚雄縣松詔鋪觀音山鳳羽鄉東
星南地理志 卷六
三十三

一人發川縣丞一人黃沙渡瓮城河盤江谷龍的
澄河單韓偏刀水巡檢六人司獄一人 改流二
知縣一人發川巡檢一人都儒五堡三坑
廣西一百九十七思恩田州思明鎮安知府四人
思明結安下石西利州都結奉議思城上思龍英
鎮遠江州結倫思同果化都康若益萬承全茗上
下凍泗城太平向武南丹歸順安平萬承忠州思
陵龍州歸德那地東蘭上隆知州三十三人左州
同知一人羅白馮祥上林陀陵羅陽忻城知縣六
人上林縣丞一人懷遠主簿一人桂平貴溪典史
星南地理志 卷六
三十三

金沙江回登關湯池英武關巡檢四十五人
改流二十五知府三人鶴慶尋甸廣西知州四人
馬龍彌勒維摩阿迷知縣二人路南蒙自府同知
一人楚雄府照磨一人麗江典史一人浪穹鹽井
副使一人彌沙驛丞五人永平孟哈潞江羅卜思
庄雲南巡檢十二人宜化關甸頭樣備神摩洞下
江南安州普昌石門關彌沙井雲龍甸煉象關楚
場
貴州一十五鎮遠府同知一人鎮遠府通判一人
鎮遠府推官一人安順州同知一人普安州判官

鎮潯江鎮萬石鎮安永鎮縣廓鎮清水鎮李廣鎮
 思龍鎮東江鎮德勝鎮大曹鎮思農鎮北蘭鎮安
 化鎮普義鎮吉定鎮歸思鎮上堡鎮金城鎮方村
 蒙村窮果兩江口峯門寨南源寨常安鎮龍平寨
 西嶺寨鎮峽寨白霞寨邊蓬寨信都鄉沙田寨樊
 豕寨白花洞口渠樂寨金城寨八尺寨那樓寨橫
 山寨南鄉南里鄉大宣鄉馱演寨鵝頸鎮都名鎮
 丹陽鎮周冲大宣鄉靖寧鄉大黃江口北山懷遠
 鎮湘山渡副巡檢一百二人 嘉靖七年初設武
 靖知州一人田州吏目一人臨時岩馬甲大田子
 皇朝地理志 卷六 三十四
 甲楊院思郎累彩怕河武龍拱甲床甲焚鳳下隆
 縣甲篆甲砦桑怕牙思幼候周思恩白興龍定羅
 定安古零舊城那馬下旺都陽巡檢二十八人
 改流四知州二人養利上石知縣二人崇善末康
 四川二十五烏撒芒部烏蒙東川知府四人東川
 府同知一人龍州判官一人龍州宣府知事一人
 馬湖把事一人信寧海泥溪麻刺村昭平堡寒水
 寧戎明月三岔巡檢八人溪龍阿用椽馬蠻夷白
 水太平瀘沽驛永七人 改流知府一人馬湖
 湖廣五南渭施溶上溪知州三人滑石江院場坪

巡檢二人
 廣東一龍門縣巡檢一人 右隸吏部驗封
 雲南布政司領宣慰司七宣撫司三長官司二十
 都司領安撫司三長官司三車里木邦孟養緬甸
 老撾東里八百大甸為七宣慰南甸干崖隴川為
 三宣撫十二關納樓茶甸教化三部王弄山磨容
 甸溪處甸思陀甸左能寨落恐甸安南祿谷寨刺
 坎河華甸香羅尼魯之因遠羅必甸馬龍他郎甸
 者樂甸鈕兀芒市為二十長官其都司領者安撫
 三潞江鎮遠楊塘長官三茶山鳳滋施甸
 皇朝地理志 卷六 三十五
 湖廣都司領宣慰司二宣撫司四安撫司九長官
 司二十蠻夷長官司五末順保靖為二宣慰施南
 散民忠建容美為四宣撫東鄉五路忠孝忠路金
 峒龍潭大旺忠峒高羅桑植為九安撫臘惹峒交
 著黃洞驢逢洞施容施白崖峒田家峒五寨草子
 坪搖把峒上愛茶峒劍南木冊鎮南唐崖椒山瑪
 瑙五峯石寶木蓋源通塔平石梁下峒臻剖六峒
 橫坡等處為二十長官鎮遠隆奉西坪東流臘壁
 洞為五蠻夷長官
 貴州布政司領宣慰司一安撫司一長官司五十

二蠻夷長官司一十都司領長官司十一

貴州宣慰金筑安擇貴竹水東青山劉佐龍里白

納底寨養龍坑施溪黃道溪水德江蠻夷沿河枯

溪偏橋而阡苗民葛彰葛商龍泉坪銅仁省溪提

溪大萬山平頭者可烏羅麻響木瓜大華上馬橋

大龍番程番卧龍番小程番方番金石番章番洪

番盧番羅番盧山都勻平川六峒邦水豐寧平定

樂平募役頂管十二營康佐寧谷寨西堡為五十

二長官中曹垂西都坪我其溪都素胡溪鎮遠金

容金達邛水十五洞濶溪八舟洪洲伯里曹滴洞

古洲西山陽洞湖耳亮峽歐陽新化中林驗洞赤

溪浦洞龍里為二十蠻夷長官其都司領者新添

小平伐把平寨丹平丹行楊義樂平平伐大平伐

平浪九名九姓獨山州為十一長官

四川布政司領宣慰司一宣撫司二安撫司三長

官司十二都司領宣撫司二招討司一安撫司四

長官司二十二行都司領長官司五

播州宣慰永寧龍州為二宣撫草塘貢平黎州為

三安撫泥溪平夷蠻夷沐川播州餘慶白泥容山

真州重安九姓平茶峒為十二長官其都司領者

石砬酉陽為二宣撫天全六番招討八郎改角寨

麻兒者為四安撫隴木頭靜州岳希迷耶峒邑

梅峒占藏先結族臘匪族白馬路山峒族阿昔峒

北定族麥匪族者多族牟力族班班族祈命族勒

都族包藏族阿昔族思囊兒族阿用族潘幹寨疊

奚薺即為二十四長官

廣西布政司領長官司三末安上林安隆 右隸

兵部武選

論曰明興平定四海凡夷獠蠻獠征蠻之地西起

巴蜀牂牁東抵湘楚包絡湖嶺東折而南南盡海

上又東跨百粵三江大者蕪據連城細者保持深

箐雖稍奉約束要在羈縻而已然其才稍健乍叛

乍歸苟功率過濫拊懷失策雄圖自縮狡窟益深

况地廣官高擅利習兵生齒益繁財貨益廣詐以

謀成罪以功解種憂懷禍茂玩中土未可謂無虞

也嗟乎夏典要荒周官蕃鎮大抵因民順俗橫海

伏波逾嶺絕嶺輿地漸開化理終塞乃知天德無

私王道有量闢國陋於綏人曲防窘於曠度苟醜

類自獲飽煖中華不患荼毒吾又何求焉惟夫吏

好蓄積政多解弛或遠嫌自潔或求勝喜功於是

侵警日聞師徒數起網漏網類夷夏並困茲欲收
總長策用圖久安必畫正疆理則鄰族靡爭預陳
嫡孽則宗庶自定世及之際以時覈閱錢穀之輸
一切報罷而又飭武事於節帥修文德於廟堂猶
亂之憂斯其鮮矣

皇明地理述附夷官考終

子履準校正

皇明地理述

卷

三六

皇明三禮述序

太祖勤民育物敬共明神博考經籍釐正祀典二
丘始分而終合四廟先異而後同明室肇於履歷
我則郊焉而侑 仁祖太公遺於漢寢我則廟焉
而祔宗人有其舉之至存佛老之宮無可考矣寧
缺禘嘗之義蓋其酌今古通幽明絕地天和上下
時因而因或沿於七代時革而革可考於三王殷
殷乎秩秩乎撫世宜民神道設教不可以有加矣
當是時議禮之臣李善長宋濂詹同陶安崔亮牛
諒陶凱朱升樂韶鳳諸君子皆能尋則夷形取法
萃渙條之品式以授祠官雖損之益之未必盡復
古先聖王之舊而仰贊聖猷一洗汚俗凡其矯誣
妖誕褻鄙侵黷竒袤巫覡諸不在祀典者莫不峻
制而曲防之豈非稱復之禍烈於九黎堯常之功
艱於二正時與勢然乎必欲咨三禮於四岳俟兩
生於百年迂遠而濶於事情矣 列聖相承式遵
成憲建文撤 仁祖而郊 高皇 仁宗因 高
皇而進 成祖迨至 憲宗升祔有祧寢之議
孝穆登輦有奉慈之議情文恩義固有不得不然
者其他稍有注措不過微文細故之間而已 今

皇帝天德高明聖學純遂孜孜三重休洽百神郊
 禘廟祧社稷禡雩帝王聖師雲雨風雷岳鎮海瀆
 農蠶醫牧老君仙子山公水伯司舟宗匠靡神不
 舉商宗彤日徒云豐昵周王雲漢僅爾弭災孰若
 今皇帝發九世之積德而垂萬祀之常經也嗚
 呼盛矣

嘉靖丙午三月朔鄭曉識

皇明三禮述目錄

上卷

圓丘

方澤

朝日

夕月

祈穀

崇雩

大饗

宗廟

大禘

奉先殿

崇先殿

世廟

奉慈殿

陵寢

下卷

神祇壇

太社稷

帝社稷

太歲

聖旦

正旦
先師
聖師
歷代帝王廟
先農
先醫
先蠶
高禩
五祀
青龍
金海
旗纛
功臣廟
京師十廟
南京十四廟
司府州縣 武備
皇明三禮述目錄終

皇明三禮述上卷 五臺編第六十三 海鹽鄭曉

國初郊廟社稷先農為大祀已而改先農及山川帝王先師旗纛為中祀諸神小祀 今皇帝以朝日夕月天神地祇為中祀大祀致齋三日中祀二日祀有牲牲四等曰犢曰牛曰太牢曰少牢色尚騂或黝天地日月加王焉王三等曰蒼璧曰黃琮曰玉牲大祀入滌九旬中祀三旬小祀一旬殺禮不用牲用果脯從其族也或用素羞祀有帛大祀中祀京師用制帛制帛五等

太素 日郊祀曰奉先日禮神日展親日報功小祀素帛禮佛帛王國司府州縣亦用帛小祀則否凡祀有樂樂四等曰九奏曰八奏曰七奏曰六奏奏樂有歌有舞歌堂上舞堂下舞皆八佾佾有文有武先師六佾佾去武小祀則否凡助祭文臣五品武臣四品以上嘉靖中都給事中乞得助祭帝社稷無助祭大臣五六人陪拜焉小祀則否

圜丘

圜丘在南郊歲冬至 皇帝大祀天於圜丘 皇

天上帝南向駢犢一蒼璧禮三獻樂九奏舞八佾
 上祭嚴拜跪飲福受胙 太祖配神西向駢犢
 一從祀四壇東西相向大明駢牛一夜明駢牛一
 二十八宿木火土金星周天星辰牛一羊一豕
 一雲師雨師風師雷師牛一羊一豕一前期一月
 太常演禮樂於太和殿先五日請 上視牲遣大
 臣三人看牲四人分獻遂進儀注六日請 上致
 告於景神殿五日 上視牲三日 上至 太廟
 祭服請 太祖配是日 上皮弁服御奉天殿百
 官朝服聽誓戒一日質明 上告於景神殿出至
 園丘視籩豆牲宿齋初漏禮部太常詣皇穹宇太
 常卿少卿丞請 皇天上帝 太祖神版從祀神
 牌奉安壇座 上登壇初獻讀祝分獻官行禮
 上亞終獻分獻官亦如之望燎燎半 上還宮謁
 景神殿告大報禮成禮部太常奉神版神版安皇
 穹宇遇風雪 上於小次行禮
 方澤
 方澤在北郊歲夏至 皇帝大祭地於方澤 皇
 地祇北向駢牛一黃琮禮三獻樂九奏舞八佾
 太祖配神西向駢牛一從祀東西相向凡四壇壇

太牢一東中嶽東嶽南嶽西嶽北嶽其連山翔聖
 山神烈山西中鎮東鎮南鎮西鎮北鎮天壽山純
 德山次東東海南海西海北海次西大江大淮大
 河大濟先期二日太常卿請 太祖神主於廟寢
 奉安皇祇室至期禮部太常詣皇祇室請 皇地
 祇神版 太祖神主從祀神牌奉安壇座望瘞瘞
 祝帛燎配帝帛太常奉神版神牌安皇祇室神主
 還廟寢餘如南郊
 吳元年建園丘於鍾山之陽以冬至祀昊天上帝
 建方丘於鍾山之陰以夏至祀皇地祇洪武元
 年二月壬寅朔 上勅禮官翰林太常曰昔聖
 帝明王嚴於祭祀內致誠敬外致儀文朕膺天
 命首崇祀事願草創之初典禮未備何以交神
 明致靈貺其博考郊禮來聞丞相善長學士安
 太常卿惟庸等議上請祀天園丘以大明夜明
 星辰太歲諸神從祀祀地方丘以嶽鎮海濱諸
 神從祀 上從之撰二丘樂章二年奉 仁祖
 配天地位西向時中都亦有南北丘五年著令
 皇帝 郊祭太子留宮居守親王戎服從七年
 上以 大祀獻終分獻未安諭學士詹同宋濂

議請初獻奠玉帛已分獻官即初獻亞獻終獻亦如之 上曰善八年始奏上所撰樂章定大祀登壇肱舄禮九年定郊社大事國有三年喪不廢十年春 上感齋居陰雨覽京房災異之說始定合祀禮 上更撰樂章八月作大祀殿於南郊未成十一月丁亥合祀於奉天殿十二年正月合祀於大祀殿昊天上帝后土皇地祇南向 仁祖配位如故從祀丹墀四壇曰大明曰夜明日星辰又曰星辰內壇外二十壇曰五嶽壇五日五鎮壇五日四海壇四曰四瀆曰風雲雷雨日山川曰太歲曰天下神祇曰歷代帝王各壇一凡二十四壇大臣分獻禮成 上大喜作大祀文并歌九章其辭曰朕聞太極之化也天生於子地闢於丑位極既定虛其中而為寧宇是時人生於寅樂居兩間人生既多非聖莫馭天生君主為民立命然鴻荒之時莫知誰始今載於書始自伏羲相繼而至唐虞以及夏商周斯數君者開天立極首與彝倫者乃前伏羲神農黃帝是也法三皇而守行者少吳顓頊高辛唐虞其益損禮樂文飾其事者獨夏商周

也下至秦漢以及宋元亦然嗚呼天惟自然而常者三綱五常也昔聖人度人情而措彝倫特不逆其性務從其善未嘗有異此道而為人君者也每聞昔君欽若昊天莫敢有怠朕即位以來命儒臣徧考羣書自周以至宋元皆著祀典守而行之然當行祀之時惟 宗廟頗合人情南北二郊以及社稷甚有不如人情者以社稷言之古人以社為五土之神稷為五穀之神土主發生五穀用之以生而乃一園之中各壇而祭是土穀不合於生生之意也行禮之時先社固宜而又先奠社配乃行稷神之禮此果合人情乎况朕自即位以來祀 天享地奉 宗廟社稷每當齋期必有風雨臨祭方歛每以為憂京房有云郊祀鬼神必天道雍和神乃答矣若有飄風驟雨是為未善於是自洪武十年更祀社稷於闕右去繁就簡一壇合祀以奉二神神乃我答人情懼悅後洪武十一年命三公率土工部役梓人於京城之南創大祀殿合祀 皇天后土是年冬十月三公奏告工成朕命禮部去前代之祭期歲止一祀朕度古人之祀



郊彼以義起故曰南郊祭天以其陽生之月北郊祭地以其陰生之月孰不知至陽祭之於至陰之月至陰祭之於至陽之月於禮可疑且掃地而祭其來甚遠言祀天地尚質不尚華固執古不變至今天地之享與人大異朕以斯禮執古不變則人之享亦執古而不變乎若人執古則汗尊杯飲茹毛飲血巢居穴處今可行乎斯必不然因命太常卿每歲祭天地於首春三陽交泰之時遂於洪武十二年正月十有一日合祀天地前期致齋五日內二日以告仁祖三日正齋風和日暖及夜陞壇山川草木不搖江海息波輕雲縹緲於昊穹獨見太陰於中天纖塵不動銀燭舒光香煙裊繞斯必神之臨降合祀宜也朕雖失學無文特述其事而歌咏之文多不載二十一年增修壇壝大祀殿丹堦中疊石為臺東西相向為壇四內壝外二十壇亦東西相向文武大臣及近侍官二十四人分獻罷朝日夕月熒星之祭并罷太歲風雲雷雨嶽鎮海瀆山川月將城隍歷代帝王春秋祭惟歲八月中旬擇日於山川壇及帝王廟祭之建

文元年撤仁祖配配太祖高皇帝文位亦如之末樂八年後上巡北京命皇太子攝遣禮部尚書至北京復命十八年北京壇成上歲親祀南京郊壇有事則遣官祭告洪熙元年春奉文皇配位太祖下西向嘉靖九年上從言官夏言言欲分祀天地下廷議主分祭者右都御史汪鉉中允廖道南編修程文德等八十二人主分祭而以成憲及時未可為言者大學士張璉等八十四人主分祭而以山川壇為方丘者尚書李瓚等二十六人主合祭而不以分祭為非者尚書方獻夫李承勛詹事霍韜魏校編修徐階郎中李默王道等二百六人無可否者英國公張崧等一百九十八人上曰分祀禮也遂作園丘於天地壇南稍北為皇穹宇作方丘於北郊稍南為皇祇室從祀園丘日月星辰雲雨風雷方嶽鎮海瀆五陵山是年三月上從言議南北二郊奉太祖配孟春祈穀祀上帝於大祀殿奉文皇配下廷議羣臣以為不可疏留中言又疏請上怒羣臣違君叛禮令祈穀二祖並配二郊專



奉 太祖配已而罷祈穀之配毀 大祀殿
語在祈穀大饗中十七年薦大號於天改昊天
上帝稱 皇天上帝

朝日

朝日壇在東郊西向春分之日祭大明之神神西
向用太牢玉禮三獻樂七奏舞八佾甲丙戌庚壬
年 皇帝親祀祭服拜跪飲福受胙餘年遣文大
臣攝祭

夕月

夕月壇在西郊東向秋分之日祭夜明之神神東
向樂六奏牲玉獻舞如朝日從祀二十八宿木火
土金水五星周天星辰南向用太牢丑辰未戌年
皇帝皮弁服親祀拜跪飲福受胙餘年遣武大
臣攝祭
國初有朝日夕月之祭洪武二十一年罷嘉靖九
年復

祈穀

附崇等

今皇帝以歲驚蟄行祈穀禮於南郊大饗殿祭
皇天上帝用駢犧蒼玉禮三獻樂九奏舞八佾
上禱雨祭 皇天上帝如祈穀禮去玉

嘉靖九年 上欲於奉天殿中行秋報禮丹陛
上行大雩禮夏言言秋報於大祀殿奉 文皇
帝配以申 上分配 祖宗之敬第舉祈報之
義大學士丘濬嘗欲於郊兆俯擇地為雩壇歲
孟夏後行雩祭禮 上既以孟春上辛祈穀於
上帝自二月至於四月雨暘時若則大雩之祭
可遣官攝如雨澤愆期 上禱焉

大饗

皇帝季秋行大饗禮於南郊大饗殿 皇天上帝
南向駢牛一蒼璧 睿宗獻皇帝西向駢牛一禮
如南郊

大饗禮蓋始於 今皇帝云嘉靖十七年 皇
帝大孝欲宗祀 皇考以配上帝乃撤南郊大
祀殿建大饗殿饗上帝尊謚 皇考為睿宗知
天守道弘德淵仁寬穆純聖恭儉敬文獻皇帝
侑饗焉是秋殿未成乃大饗於宮右乾隅玄極
寶殿遂升祔皇考於太廟仍藏主於原寢

宗廟

宗廟前殿後寢殿寢殿後有祧殿皆九楹各異兩
廡寢殿藏主如同堂異室之制祭出主於殿畢歸

主於寢殿 太祖開天行道肇紀立極大聖至神
 仁文義武俊德成功高皇帝 孝慈貞化括順仁
 徽成天育聖至德高皇后中室 成祖啓天弘道
 高明肇運聖武神功純仁至孝文皇帝 仁孝慈
 懿誠明莊獻配天齊聖文皇后 仁宗敬天體道
 純誠至德弘文欽武章聖達孝昭皇帝 誠孝恭
 肅明德弘仁順天啓聖昭皇后 宣宗憲天崇道
 英明神聖欽文昭武寬仁純孝章皇帝 孝恭懿
 憲慈仁莊烈齊天配聖章皇后 英宗法天立道
 仁明誠敬昭文憲武至德廣孝睿皇帝 孝莊獻
 穆弘惠顯仁恭天欽聖睿皇后 宣宗繼天凝道
 誠明仁敬崇文肅武宏德聖孝純皇帝 孝貞莊
 懿恭靖仁慈欽天輔聖純皇后 孝宗建天明道
 誠純中正聖文神武至仁大德敬皇帝 孝康靖
 肅莊慈括懿翊天贊聖敬皇后 睿宗知天守道
 洪德淵仁寬穆純聖恭儉敬文獻皇帝 慈孝貞
 順仁敬誠一安天誕聖獻皇后 武宗承天達道
 英肅睿指昭德顯功宏文思孝毅皇帝 孝靜莊
 惠安肅溫誠順天偕聖毅皇后叙列左右室皆南
 向 睿宗 今皇帝父也於 武宗爲叔以故躋

武廟上祧殿歲 德祖玄皇帝后 懿祖恒皇帝
 后 熙祖松皇帝后 仁祖淳皇帝后 祧主廟殿
 兩廡侑享親王十五人壽春王劉妃霍立王翟妃
 下蔡王安豐王趙妃南昌王蒙城王田妃肝胎王
 唐妃臨淮王劉妃寶應王六安王來安王都梁王
 英山王山陽王昭信王功臣十七人開國輔運推
 誠宣力武臣特進光祿大夫左柱國太傅中書右
 丞相中山武寧王徐達 推誠宣力靖遠功臣
 開府儀同三司上柱國太保中書左丞相開平忠
 武王常遇春開國輔運推誠宣力武臣特進榮祿
 大夫右柱國大都督府左都督同知軍國事岐陽
 武靖王李文忠開國輔運推誠宣力武臣特進榮
 祿大夫右柱國寧河武順王鄧愈開國輔運推誠
 宣力武臣特進光祿大夫左柱國信國公追封東
 歐襄武王湯和開國輔運推誠宣力武臣柱國西
 平侯追封黔寧昭靖王沐英贈奉天靖難推誠宣
 力武臣特進榮祿大夫右柱國追封榮國忠顯公
 加封河間忠武王張玉奉天靖難推誠宣力武臣
 特進榮祿大夫右柱國左軍都督府左都督太子
 太傅成國公追封東平武烈王朱能開國輔運推

誠宣力武臣特進光祿大夫柱國同知大都督府
 事號國忠烈公俞通海開國輔運推誠宣力武臣
 特進光祿大夫柱國同知大都督府事蔡國忠毅
 公張德勝開國輔運推誠宣力武臣光祿大夫柱
 國同知大都督府事越國武莊公胡大海開國輔
 運推誠宣力武臣榮祿大夫柱國同知大都督府
 事梁國武桓公趙德勝開國輔運推誠宣力武臣
 鎮國將軍護軍僉大都督府事追封泗國武壯公
 耿再成開國輔運推誠宣力武臣柱國武定侯追
 封營國威襄公郭英贈奉天靖難推誠効忠宣力
 武臣特進榮祿大夫右柱國追封金鄉忠壯侯加
 封寧國公王真開國輔運推誠宣力武臣安遠將
 軍輕車都尉同知英武衛親軍指揮使司事特封
 永義侯桑世傑開國翊運守正文臣資善大夫贈
 太師謚文成護軍誠意伯劉基皆左右叙 恭仁
 康定景皇帝 貞惠安和景皇后不得入宗廟
 孝潔陳皇后 孝烈方皇后皆未柎廟別殿祀焉
 立春特享 皇帝祭 大祖大臣八人祭 諸帝
 內臣八人獻 諸后太牢九禮三獻樂六奏舞八
 佾 皇帝祭服拜跪飲福受胙立夏時恰 太祖

南向 成祖西向北上上於 七宗七宗東西相
 向牢醴樂舞如特享立秋時恰如夏禮立冬時恰
 如秋禮季冬中旬擇日大恰 德祖 懿祖 熙
 祖 仁祖 太祖異室南向 成祖 仁宗 英
 宗 孝宗 睿宗東叙西向 宣宗 憲宗 武
 宗西叙東向 成祖北上如時恰騂牛十三羊十
 三豕十三禮三獻樂六奏舞八佾 皇帝獻 德
 祖帝后祭服拜跪飲福受胙大臣十二人分祭
 諸帝內臣十二人獻 諸后侑享親王東西各二
 壇壇一太牢功臣人少牢一特享時恰亦如之

國初建四親廟於闕左中 德祖東 懿祖次
 仁祖西 熙祖廟與主皆南向東西有夾室
 有廡三門門設二十四戟絲以周垣畧如都宮
 之制洪武元年定四孟歲除五享造金祭器揮
 旒枕簟篋筥惟慢浴室皆備二年令清明端午
 中元冬至時享歲除如故祝稱孝子皇帝不稱
 臣遣 皇太子祝云命長子某不得稱皇太子
 三年時享仍用四孟孟春特享四廟三時奉三
 祖合享於 德祖之廟 德祖南向 三祖東
 西向初獻各奏其廟樂餘奏 德廟樂九年改

建太廟前正殿後寢殿殿翼兩廡寢殿九間間一室中室奉 德祖帝后神主 懿祖東一室 熙祖西一室 仁祖東二室主皆南向几席諸器備如生儀時享殿中設 德祖帝后衣冠神座南向 懿祖座左西向熙祖座右東向 仁祖次懿祖西向孟春擇上旬日三孟朔日歲暮除日皆合享奏 德廟之樂罷特享二十五年令廟享值國喪樂備而不作三十一年 太祖神主柎寢殿西二室南向正殿神座次 熙祖東向 成祖遷都北平建廟亦如之 成祖

升柎東三室殿座次 仁祖 仁宗升柎西三室殿座次 太祖宣宗升柎東四室殿座次 成祖英宗升柎西四室殿座次 仁宗弘治元年 憲宗將升柎議禮禮官言國家九廟已備 憲宗柎廟議者咸謂 德 懿 僖 仁四廟宜以次奉柎而尊 太祖為百世不遷之祖是知尊 太祖而不知 太祖之尊其祖也昔周既追王太王王季又上祀先公以天子之禮國家自 德祖以上莫推其世次則 德祖視周后稷不可桃明甚 懿 僖 仁三祖以

次當桃 太祖 太宗視周文武世室百世不遷禮也 憲宗升柎當桃 懿祖宜於 太廟寢殿後別建桃廟如古夾室之制歲暮則奉桃主合享如古拾祭之禮吏部侍郎楊守陳言禮官議請尊 德祖百世不遷如宋僖祖故事非是禮天子七廟祖功而宗德故凡號太祖者即始祖也始祖必配天若商周契稷皆有功德非直原本統也宋僖祖及我 德祖可比商報乙周重園非契稷比議者習見宋儒嘗置王安石說遂使七廟既有始祖又有太祖太祖既配天又不得正位南向名與實乖非禮或曰降而合會以尊就卑不可謂禮不又有大禘乎 憲宗升柎請并桃 德 懿 熙三祖自 仁祖下為七廟異時桃盡則 太祖擬契稷而桃主藏於後寢拾禮行於前廟時享尊 太祖拾祭尊 德祖如此功德是崇恩義亦備庶無特禮上從禮官議始建桃廟於寢殿後奉藏 懿祖神主神座 熙祖寢主遷東一室殿座遷四向一位 仁祖以下遷遷 憲宗升柎西四室殿座次 宣宗 孝宗升柎桃 熙祖 武宗升

樹桃 仁祖 睿宗升樹不得不桃 德祖以
 故九廟 太祖居尊而 四祖之主皆桃矣嘉
 靖九年春 今皇帝復行特享禮令祠官廟殿
 設帷幄如九廟奉 太祖南向十年冬 上諭
 禮官言 太祖以恩隆 德祖今日當以義尊
 太祖捨祭宜奉 四祖同 太祖皆南向庶
 見 太廟為特尊 太祖言言禮合羣廟之主
 而祭於太祖之廟是為大捨亦以尊太祖也太
 廟 太祖之廟不當與昭穆同序 太祖太廟
 之主不可與子孫並列自今大捨宜奉 四祖
 太祖皆南面 德祖居中 懿祖 熙祖
 仁祖 太祖東西並叙列聖左右序列東西相
 向如故不惟我 太祖別於羣廟之主足以伸
 皇上尊 太祖之心而 懿熙仁三祖得全
 其尊尤足以體 太祖之心 上曰善是年
 上坐文華殿東室召見輔臣時鑾禮官言議復
 古七廟之制太廟及寢殿桃廟宜存弗撤惟量
 地分建羣廟議未決諾大臣退會中允廖道南
 疏請建九廟 上得疏喜下廷議言上議古者
 天子廟制唐虞五廟夏后因之殷周大抵皆七

廟而祭法王制與劉歆宗說又各不同宋儒朱
 熹古今廟制引王制天子七廟外為都宮內叙
 昭穆漢不考古諸帝異廟諸廟異地不合都宮
 不序昭穆明帝遵儉自抑遺命勿別為廟遂有
 同堂異室之制嗣後歷魏晉隋唐宋皆然我
 太祖初別立四親廟廟皆南向似近古禮後改
 建 太廟又用明帝之制 皇上憲天稽古大
 釐祀典獨於廟制不能無疑形諸翰札宣諸召
 問謀諸臣弼者屢矣但今 太廟南近宮墻東
 通世廟西阻前朝地勢有限 上諭 太廟三
 殿勿撤則 太廟垣外左右隙地不盈數十丈
 若依古制昭穆六廟在太廟前以次而南則今
 太廟都宮之南至承天門墻不遠即使盡闢其
 地分為左昭右穆尤恐勢不能容若欲稍減規
 模不必別門異殿又恐禮未必協况古七廟九
 廟制度皆同今太廟巍然弘壯而羣廟墮然湫
 隘亦恐於義未安議者欲就太廟兩廡即分羣
 廟不惟去尊即卑不足以稱 聖孝而遷就一
 時裁損廟貌尤非細故且有廟無寢神將安棲
 諸王功臣置之何所議者又欲歲主夾室夫夾

室者側室也以歲祧主可也以歲親廟未毀之主情理舛矣至謂周人廟制約儉宜做爲之夫周廟門大高七箇闌門容小高三箇則大門實容二丈一尺小門實容六尺其制過於今廟烏在其爲儉約也今損於太廟羣廟可又損於世廟乎且太宗功業比隆太祖憲宗獻皇父也又可減於世廟乎今之廟主太宗之下凡有七聖將如古制爲三昭三穆而止立六廟乎抑如商周以太宗爲百世不遷之宗而加立七廟乎即使廟宇既成皇上冠冕佩玉執圭服衮循紆曲之途徧歷羣廟而行興俯拜起奠獻之禮非獨筋力不逮而日力亦不給矣議者乃曰周禮宗伯代后獻羣廟可遣攝也夫古者廟祭君后祭獻后不與祭宗伯代獻謂一廟之中代亞獻之禮未聞人臣可以主廟祭也且古者助祭諸侯類多同姓固非天胤今陪禮者可擬古諸侯乎皇上仁孝誠敬可以終歲舉祭止對越太祖之廟而不一至羣廟乎且規制必備而後成廟門垣廡寢是也儀文必備而後成禮主助禮樂之類是也今分

爲各廟廟祭之時不得不降從簡易是欲尊之而反卑親之而反疎祇見其貶損而未見其隆重矣大學士丘濬謂宜一日間祭一廟歷十四日而徧七廟此蓋無處而強爲之說不自知其言之迂也馬端臨曰後世失禮豈獨廟制漢儒以來講究非不詳明而卒不能復古者以昭穆難定故也必如古制父子相世則可兄弟相及則其序紊矣周孝王以共王之弟懿王之叔繼懿王而立故宋子廟圖宣王之世則以穆懿夷爲昭共孝厲爲穆夫穆王昭也共王穆子穆也懿爲穆孫則繼穆而爲昭是也孝爲共弟而繼共爲穆雖於世次不紊然以弟而據孫之廟矣夷王懿王子也穆也而圖居昭厲王夷王子也昭也而圖居穆是孝王立而夷厲之昭穆易位於是朱子亦無以處此不過即其繼立之先後以爲昭穆而不能自守其初說矣又况宣王時三昭三穆爲六代所祀合始於昭王今孝王居其間於是昭王以六世祖雖未當祧而已任三昭三穆之外名爲六廟而祀止三世耳前乎周者爲商商武丁之時所謂六廟祖丁南庚陽甲

盤庚小辛小乙也然南庚者祖丁兄子陽甲盤
 庚小辛小乙又皆祖丁之子姑以祖丁為昭言
 之則南庚至小乙皆祖丁子行為穆是一昭五
 穆而武丁所祀上不及曾祖未當桃而桃者四
 世矣後乎周者為唐唐懿宗之時所謂六廟者
 憲宗穆宗敬宗文宗武宗宣宗也然穆宗宣宗
 皆憲宗之子敬宗文宗武宗又皆穆宗之子姑
 以憲宗為昭言之則穆宣為穆敬文武為昭是
 四昭二穆而懿宗所祀上不及高祖未當桃而
 桃者三世矣若必欲祀及六世則歲十時太祖
 之外必十廟懿宗時 太祖之外必九廟而後
 可蓋繼世者既不能必其為弟為子建廟者亦
 安能預定其為昭為穆或穆多昭少如殷或昭
 多穆少如唐哉若必欲昭穆世叙則建廟之時
 昭齒者必在太祖之廟之左穆齒者必在太祖
 之廟之右如此則預立六廟定三昭三穆以次
 遞遷之說又不可行矣故東都以來同堂異室
 未可盡以為非禮也 皇上以皇考專享世廟
 而 太祖列聖乃不得專廟以全其尊然 列
 聖同享太廟已極尊崇而 皇考專居世廟猶

為退遜若廟制大小不倫行祀親攝或異則尊
 卑厚薄之間似不足以稱 皇上孝敬之誠
 皇上劄諭輔臣亦言祀典宜正廟制難更大哉
 皇言實萬世之寶訓也疏入 上不允竟撤故
 廟改建 祖宗各為專廟諸廟合為都宮太廟
 居中昭穆六廟左右列 成祖廟在六廟之上
 廟各有殿殿後有寢藏主 太廟寢後別有桃
 寢藏桃主太廟門殿皆南向羣廟門東西相向
 內門殿寢皆南向十三年南京太廟災 上意
 欲勿建勅廷臣議禮官京師宗廟行將復古而
 南京太廟修飾方新遽罹回祿 皇天眷德之
 意 聖祖啓後之靈恐不可不默會於昭昭之
 表 上喜令亟起新廟罷建南京太廟廟址築
 周垣香火并入南京奉先殿十五年十二月廟
 成詔曰朕創昭穆羣廟以祀 祖宗彰 太祖
 為專尊之主復作 太宗廟於羣廟之外表功
 德不遷享百世祀更創 皇考廟曰獻皇帝廟
 別擇吉區以避渠道止修時祭以避豐禰之嫌
 十七年九月遂尊皇考廟號為 睿宗祔享太
 廟又改尊 太宗為成祖立春特享各出主於

殿 成廟迎神樂別歌三獻徹饌還宮樂如太廟 仁 宣 英 憲 四廟樂歌同 孝 武 二廟迎神樂別歌三獻徹饌還宮樂歌同 睿 廟樂別歌異於諸廟立夏時祫出 太祖 成 祖 七宗主於大殿立秋時祫如夏禮樂歌異於夏立冬時祫如秋禮迎神徹饌還宮樂歌異於秋季冬中旬擇日大祫出 四祖 太祖 成祖 七宗主於大殿祭畢各歸主於其寢二十年四月宗廟災初震火起 仁廟風大發 仁廟主燬俄而 成祖廟主又燬延藝太廟及 昭穆羣廟惟 睿廟獨存 上奉 列聖主於 景神殿遣大臣入長陵獻陵告題 成祖 仁 宗帝后主亦奉景神殿二十四年七月新廟成 復同堂異室之制寢殿 太祖正位居尊 成 祖 仁 宣 英 憲 孝 睿 武左右次 列皆南向 四祖居桃寢南向 洪武二年壽春十五王進侑四祖廟壽春於孝陵爲伯南昌七王兄寶應七王從子也余從大夫後助祭太廟見廡中木主稱壽春八王爲高伯祖考寶應七王爲曾祖考禮官誤矣語在十

五王傳中是年祔饗戰歿功臣已乃設青布幃於廟庭祀之尋更定功臣十三人令大海通海張趙德勝世傑再成楚國公廖永安七人已卒祔廟達等六人俟卒進侑八年設黃布幃殿左右廊於廟中殿上祀 四祖左祀楊王皇兄徐王右祀功臣九年定壽春王王妃二十一人侑享於東壁功臣十二人西壁罷永安祀洪熙元年以靖難功臣王能真榮國恭靖公姚廣孝侑享 文廟嘉靖九年中名廖道南言廣孝髡徒不宜入廟移祀大興隆寺十年以刑部郎中李瑜議進其侑祀 高廟位次六王十六年武定侯助乞進其祖英侑享 高廟下廷議不可戶部侍郎唐胄疏爭言廟祀諸臣位次上下且不可易况有無之額敢輒增損乎助言往年進基祔享以文臣故舉朝翕然順從臣祖英武臣乃紛然阻忌 上是助言進英祀先是 二廟侑享功臣位各以爵 及進基伯位公侯上 上不喜曰何上基而下英也令禮官考議乃合二廟功臣叙爵於是列英末義侯上河間東平二王黔寧王下基末義侯下英末進侑時禮官言

言禮有功宗之祀漢祭功臣於朝廷魏祀尚書
令荀攸於太祖廟唐高祖至憲宗廟或六七八
人或二三人宋太祖至光宗亦然如魏徵李
沈司馬光皆文臣不必皆武功也守成諸君亦
各有與享者不必皆創業也我朝 二祖開國
靖難固有功臣 仁宗以後無事武功其間相
與輔贊治平豈無有如魏徵李沆輩者今脩享
二祖凡十七人十七人中惟基廣孝二人文
臣耳自後六廟缺焉無聞乞下廷議考求六朝
文武大臣有功在當時澤在後世者請 上裁

定進侑廟庭 上不允

大禘

大禘 皇帝以丙辛年孟夏大禘於太廟 皇初
祖帝神南向牛一羊一豕一 太祖西向配牛一
羊一豕一禮三獻樂六奏舞八佾

嘉靖十五年禮官言請行古大禘禮下廷議皆
請禘 德祖 上不從或曰禘顛頊 上亦不
從曰可稱皇初祖帝神勿主名五歲一禘於太
廟祀 皇初祖而奉 太祖配焉先一日令中
書官書皇初祖帝神牌位於太廟至日設太廟

殿中祭畢燎牌位

奉先殿 崇先殿

奉先殿 列聖帝后神主朔望薦時食焉 今
皇帝初尊 皇考為皇帝未祔廟亦未祔奉先殿
也別立崇先殿 今皇帝既建九廟主皆遷於廟
中時會之薦在奉先殿承天又有隆慶殿奉 獻
皇帝后

世廟

世廟 睿宗獻皇帝廟也 今皇帝既尊 皇考
為獻皇帝遜不敢祔宗廟別為世廟祀禮如宗廟

既尊稱 睿宗祔太廟享祫如 列聖而徹世廟
之禮

奉慈殿

奉慈殿在奉先殿右 孝宗生 母孝穆紀太后
也不得祔 太廟奉先殿孝宗即位初作奉慈殿
別祀太后已而 憲宗生母孝肅周太皇太后
今皇帝生祖母孝惠邵太皇太后皆祀殿中孝肅
中室孝穆孝惠在右室主書皇太后太皇太后歲
享薦禮如太廟奉先殿嘉靖十五年 上諭禮官
曰廟中帝配一后陵祔塋乃有二三后廟祀陵祀

本不同奉慈三后主既不得相屬又不附陵殿似
黜之非親之也禮官遂請奉孝肅於裕陵孝穆孝
惠於茂陵殿 上又曰皇太后太皇太后本子孫
尊稱稱睿皇后純皇后又嫌於適改主題皇后不
得書帝謚罷奉慈享薦禮

陵寢

熙祖墓祖陵在泗州基運山設泗州祠祭署奉祀
一人朱氏世官朱本宗人婿也即祖陵望祭 德
祖 懿祖二陵陵戶三百十四家長至正旦太牢
三清明中元孟冬朔望少牢三奉祀行事 仁祖

墓英陵改稱皇陵在中都翊聖山置中都留守司
皇陵衛皇陵祠祭署奉祀二人劉氏汪氏祀丞二
人汪氏趙氏劉義惠侯繼祖孫二汪皆汪氏老母
孫陵戶三千三百四十二家長至正旦太牢清明
中元孟冬少牢奉祀行事朔望少牢留守行事弘
治元年勅內官一人監護 高皇帝后四十妃嬪
葬孝陵在南京神烈山即鍾山設孝陵衛孝陵神
宮監孝陵祠祭署清明中元冬至太牢正旦清明
中元帝后愍忌聖旦酒果勳戚大臣一人奉祀事
國有大事遣大臣祭告 文皇帝后十六妃葬長

陵在昌平天壽山 昭皇帝后七妃獻陵 章皇

帝后七妃景陵 睿皇帝后十八妃裕陵 純皇

帝后孝穆紀皇后孝惠邵皇后十四妃茂陵 敬

皇帝后太陵 毅皇帝后一妃康陵皆在天壽山

各置陵衛神宮監祠祭署如孝陵正旦酒果清明

中元冬至聖旦太牢分遣勳戚大臣祀愍忌太牢

專遣勳戚大臣祭 獻皇帝后顯陵在承天純德

山置衛神宮監祠祭署如諸陵祀亦如之孝陵東

有懿文太子陵祀禮視孝陵四孟歲暮忌辰加牲

焉署官行事京師西山有 恭讓胡皇后 景皇

帝后 孝潔皇后繼張后陵 憲廟廢其後諸帝

妃懷獻世子悼恭太子哀冲太子莊敬太子越靖

王秀懷王漸獻王滕懷王衛恭王許悼王忻穆王

申懿王雅靖王岐惠王涇簡王蔚悼王穎殤王釗

哀王戚懷王均思王墳及諸殤公主諸阿保夫人

墳南京韓憲王張順妃李麗妃墳咸以時祀牲醴

素羞各有差諸王葬其封國者其子孫祀之外戚

楊王墳在盱眙設盱眙祠祭署奉祀陳氏墳戶二

百一十家徐王墳在宿州設宿州祠祭署奉祀祀

丞皆武氏墳戶九十三家滁陽王墳在滁州廟首

宥氏墳戶十九家皆歲時祀

皇明三禮述上卷終

于履準校正

皇明三禮述

卷終

二十八

皇明三禮述下卷

五學編第六十四

海鹽鄭曉

太社稷

歲仲春秋上戊 皇帝祭太社稷於社稷壇東太社玉一牛一羊一豕一西太稷玉一牛一羊一豕一皆北向配后土勾龍氏西向后稷氏東向各太牢禮三獻樂七奏舞八佾 上祭服拜跪飲福受胙

國初太社太稷異壇同壇北向勾龍后稷配社石主半埋土中稷不設主洪武元年令風雨齋

皇明三禮述

卷下

一

七

宮壁祭三年建祭殿於壇北又北拜殿十年改建午門外同壇同壇壇二成四出陛用五成土如其方色埋石主於壇中北祭設神牌北向是年以禮官張壽議罷勾龍后稷配配 仁祖西向建文君即位撤 仁祖配 太祖末樂中京師壇成位置如故 仁宗又奉 成祖配嘉靖九年 今皇帝諭禮官奉 太祖 成祖配位藏太寢仍以勾龍后稷配

帝社稷

皇帝以歲仲春秋上戊之明日祭帝社稷東帝社

西帝稷皆北向各太牢一禮三獻樂六奏舞八佾
上皮弁服拜跪壇在太內西苑勸風亭西墜陛
主如太社稷

神祇壇

神祇壇在園丘西歲仲秋祭天神地祇天神壇南
向雲師雨師風伯雷師凡四壇壇一太牢地祇壇
北向五嶽五鎮基運翔聖神烈天壽純德五陵山
四海四瀆五壇壇一太牢從祀京畿山川西向天
下山川東向各牲五酒三獻樂八奏舞八佾天神
燎地祇瘞 皇帝以辰戌丑未年行事祭服天神
跪前後再拜地祇再拜皆飲福受胙餘年遣大臣
攝祭

國初建山川壇於 天地壇西俗呼爲地壇正
殿七壇曰太歲曰風雲雷雨曰五嶽曰五鎮曰
四海曰四瀆曰鍾山兩廡從祀六壇左京畿山
川夏冬季月將右春秋季月將都城隍壇西南
有先農壇東有旗纛廟壇南有籍田洪武二年
封京都及天下城隍神三年正岳鎮海瀆城隍
諸神號合祀太歲四季月將風雲雷雨五鎮海
瀆山川城隍旗纛諸神又令驚蟄春分後三日

遣官祭山川壇諸神是日 上皮弁服御奉天
殿降香中巖坐殿上獻官復命解嚴還宮七年
令仲春秋上旬擇日祭未幾以諸神從祀南郊
省春祭十年 上親祀山川諸神於殿中功臣
分祀兩廡末樂中京師山川壇成位置如南京
進祀天壽山於鍾山下嘉靖十一年 今皇帝
釐正祀典即山川壇爲天神地祇壇改叙雲雨
風雷其太歲月將旗纛城隍別祀之

太歲

太歲壇歲十二月大裕之日遣官祭太歲之神於
太歲殿牛一羊一豕一禮三獻樂八奏舞八佾從
祀四季月將之神東廡春秋西廡夏冬凡四壇壇
一太牢

聖旦

萬壽聖節先一日 皇帝以酒果告 祖宗列聖
帝后於奉先殿至日以酒脯告 皇天上帝於玄
極寶殿遣官以牲醴祭神烈山天壽山純德山諸
陵墳東岳都城隍素羞祭玄帝及靈濟宮又以素
羞告修齋於道極七寶帝尊 上稱名云嗣天子
正旦

正旦 皇帝拜 天於玄極寶殿用酒脯果帛先
一日太常由午門右順思善精一舍極順德咸和
右通玄凌霄集真門入殿演禮出長庚門宿闕右
支待房子夜由右掖右順思善長庚二南四德陟
虛集真門入殿供事殿在乾清宮垣後嘉靖中建

先師

歲仲春秋上丁 皇帝御奉天殿傳制道大臣以
太牢祭至聖先師孔子於太學南京太學遣祭酒
禮三獻樂六奏文舞六佾司府州縣衛學各提調
官行事用少牢禮樂如太學樂不能備則已京府

及附府縣行釋菜禮殿中先師南向復聖顏子宗

聖曾子述聖子思子亞聖孟子配享東西相向稍

後先賢閔損冉耕冉雍宰予端木賜冉求仲由言

偃卜商顓孫師十哲從祀亦東西相向兩廡從祀

先賢澹臺滅明必不齊原憲公冶長南宮适高柴
漆雕開樊須司馬耕公西赤有若琴張申枹陳亢
巫馬施梁鱣公指衣商瞿冉孺顏幸伯庚曹卬冉
季公孫龍漆雕哆秦商漆雕徒父顏高商澤壤駟
赤任不齊石作蜀公良孺公夏首公肩定后處鄒
單奚容箴罕父黑顏祖榮旂秦祖左人郢句非疆

鄭國公祖句茲原亢縣成庶潔燕仍叔仲瞻顏之
僕邾巽樂欬公西輿如狄黑孔忠公西箴步机乘
施之常秦非顏噲先儒左丘明公羊高毅梁赤伏
勝高堂生孔安國毛萇董仲舒后蒼杜子春王通
韓愈胡瑗周惇頤程顥歐陽脩邵雍張載司馬光
程頤楊時胡安國朱熹張栻陸九淵呂祖謙蔡沉
真德秀許衡九十一人是日子夜先祭啓聖公孔
氏用少牢先賢顏無繇曾點孔鯉孟孫氏左右配
享兩廡先儒程珦朱松蔡元定從祀太學遣祭酒
南京太學司業司府州縣衛學各提調官行事

國初 上如江淮府先謁文廟幸學至南昌亦

如之洪武元年令仲春秋上丁傳制遣官祭先

師於國學丞相初獻翰林學士國子祭酒亞終

獻四年國子司業濂上孔子廟堂議曰世之言

禮者咸取法於孔子不以古之禮祀孔子褻祀
也褻祀不敬不敬則無福柰何今之人與古異
也古者主人西面几筵在西也漢章帝幸魯祠
孔子帝西面再拜開元禮先聖東向先師南向
三獻官西向猶古意也今襲開元二十七年之
制遷神南面非神道尚右之義矣古者木主棲

神天子諸侯廟皆有主大夫東帛士結茅爲菴無像設之事開元禮設先聖神座於堂上兩楹間先聖東北皆莞席尚掃地而祭也今因開元八年之制搏土而肖像焉失神而明之之義矣古者灌鬯燔蕭求神於陰陽也今用熏蕪代之非簡乎古者朝覲會同郊廟祭饗皆設庭燎司烜共之火師監之示嚴敬也今以秉炬當之非瀆乎古之有道有德者使教焉死則以爲樂祖祭於瞽宗謂之先師若漢禮有高堂生樂有制氏詩有毛公書有伏生也又凡始立學者必釋奠於先聖先師釋奠必有合謂國無先聖先師則所釋奠者當與鄰國合若唐虞有夔伯夷周有周公魯有孔子則不合也當是時學者各祭其先師非其師弗學非其學弗祭學校既廢天下莫知所師孔子集羣聖之大成顏曾思孟實傳其道尊之以爲先聖先師而廸祀於天下固宜若七十二子止於國學設之庶幾弗悖禮意開元禮國學祀先聖孔子以顏子等七十二賢配諸州惟配顏子今以荀况之言性惡楊雄之事王莽王弼之宗莊老賈逵之忽細行杜預之

建短喪馬融之黨附勢家亦廁其中吾不知其何說也古者立學專以明倫子雖齊聖不先父食久矣故禹不先鯀湯不先契文王不先不窋宋祖帝乙鄭祖厲王猶尚祖也今回參攸坐饗堂上而其父列食於廡間顛倒彝倫莫此爲甚吾不知其何說也古者士見師以菜爲摯故始入學者必釋菜以禮其先師其學官時祭皆釋奠今專用春秋非矣釋奠有樂無尸釋菜無樂是二釋之重輕以樂之有無也今襲用魏漢律所製大晟樂乃先儒所謂亂世之音可乎哉古者釋奠釋菜名義雖存而儀注皆不可考開元禮彷彿儀禮饋食篇節文爲詳所謂三獻獻後各飲福卽尸酢主人主婦及賓之義也今憚其煩唯初獻得行之可乎哉他如廟制之非宜冕服之無章器用襍乎雅俗升降昧乎左右此類甚多雖更僕不可盡若乃建安熊氏欲以伏羲爲道統之宗神農黃帝堯舜禹湯文武次而列焉臯陶伊尹太公周公暨稷契夷益傳說箕子皆天子公卿之師式宜秩祀天子之學若孔子實兼祖述憲章之任其爲通祀則自天子下達

若如其言則道統益尊三皇不汨於醫師太公
不辱於武夫矣昔周立四代之學學有先聖虞
庠以舜夏學以禹殷學以湯東膠以文王復各
取當時左右四聖成其德業者為之先師以配
享焉此固天子立學之法也 上不喜謫濂安
遠知縣是年令進士釋褐行釋菜禮更定釋奠
祭器禮物擇監生及文職大臣子弟在學校者
充樂舞生五年罷孟子配享踰年 上曰我聞
孟子辨異端闢邪說發明孔子之道宜配享如
故六年翰林國史院學士承旨詹同侍講學士

行錄

六下集

八

樂韶鳳上釋奠樂章舞六佾禮部尚書牛諒上
禮儀制曰可遣御史大夫陳寧釋奠胡丞相言
誠意伯不陪祭顧受胙 上曰基學聖人之道
不陪祀使弗學者何以勸既不與祭而享胙禮
乎奪俸一月寧坐不舉奪半月七年仲春上丁
日會改仲丁五年作文廟成遣官以太牢祭
上遂視學釋菜始詔司府州縣衛學通祀孔子
頒釋奠儀正嶽鎮海瀆城隍及忠臣烈士封號
大成至聖文宣王及配享從祀諸賢儒如故十
七年議大成樂二十六年頒大成樂器於天下

行錄

六下集

九

府學令州縣學式於府學二十九年從行人司
副楊砥議罷楊雄從祀進祀董仲舒 文皇即
位之八月遣官釋奠先師末樂八年正文廟聖
賢繪塑衣冠正統元年刊定從祀名爵位次二
年進宋儒胡安國蔡沉真德秀從祀三年禁祀
孔子於釋老宮今祭物非所產者以所產代八
年從輔臣士奇議追封元吳澄為臨川郡公從
祀景泰六年加太學兩廡祭物成化二年追封
仲舒為廣川伯安國建寧伯沉崇安伯德秀浦
城伯十二年祭酒周洪謨請改大成至聖為神
聖廣運加服袞冕十二簋豆舞八佾又言古者
鳴球琴瑟堂上之樂笙鏞祝敔堂下之樂而干
羽舞於兩階今干羽居上而樂器居下宜正如
禮下禮官議尚書鄒幹言正統十二年御史請
加封孔子 英宗不允今考聖神廣運乃伯益
贊堯之詞不若大成至聖本於孟子中庸猶可
擬議洪武中建南京太學廟用神聖當時祭酒
訥碑文曰像不上繪夷習乃革今廟塑像徒仍
元舊不忍撤毀故有冕旒原非國典筮豆佾舞
之數 祖宗品式具在不敢輒議惟佾數居下

宜令太常考正 上從之洪謨又請 上曰尊
崇孔子朝廷盛典籩豆佾舞從洪謨言弘治元
年 上視學從吏部尚書恕請釋奠用太牢加
幣是年諫官請罷况融弼雄從祀進祀禮部侍
郎兼翰林學士薛瑄下禮官集議言雄已黜於
洪武時瑄無著述况等皆有羽翼聖經之功遂
已當是時少詹事兼侍講學士敏政言融弼戴
聖劉向遠何休王肅預八人宜罷從祀鄭衆盧
植鄭玄服虔范甯五人宜祀於其鄉况雄實相
伯仲言者併欲黜况宜也申張申黨本一人祀
宜存張家語七十弟子不及公伯寮秦毋頌何
遽瑗林放宜祀瑗於衛祀放於魯寮及毋何宜
罷祀禮記傳於后蒼與王適胡瑗皆宜從祀顏
淵子思配於廟殿而父坐庭廡非禮宜別立祠
廟中祀啓聖王以祀國公無繇萊蕪侯黑泗水
侯鯉邾國公孟孫氏配享末年伯珣獻靖公松
從祀下禮官議不可遂已柳陽何孟春言七十
子有公孫尼子者作樂記緇衣宜從祀敏政不
及尼子何也或曰尼子即龍也四年祭酒鐸旒
言宋儒楊時息邪放淫承孟氏之傳行晦翁之

派雖晚年一出不克盡行其志而力闢新經足
衛吾道若吳澄生長於淳祐貢舉於咸淳受宋
之恩已如此其久爲國子司業爲翰林學士歷
元之官乃如彼其榮迹其所爲曾不及洛邑之
頑民何敢望首陽之高士况二人皆太學之師
乞升時上附宋諸賢之位斥澄下從莽大夫之
列不報八年太學士溥又言時入朝首請罷安
石配享廢其新經有衛道之功或疑其出處之
際而少其著述殆未之考也 上從之追封時
將樂伯從祀十四年鐸以侍郎領祭酒事又言
人倫莫大於君臣父子顏曾思三子配饗堂上
而其父列祀廡下非禮宜於闕里別廟祀叔梁
紇而以路哲子魚配吳澄宋氏遺臣不耻事胡
名節掃地宜罷從祀禮官議不合遂已嘉靖九
年 皇帝從輔臣璵議作正孔子祀典說改
大成至聖文宣王爲至聖先師孔子四配爲復
聖顏子宗聖曾子述聖子思子亞聖孟子從祀
及門弟子稱先賢左丘明以下稱先儒去塑像
設木主罷公侯伯諸封爵申黨申張二人存張
去黨寮毋何况聖向遠融休肅弼瑄澄十三人

罷祀放瑗女衆植虔審七人祀於其鄉進后蒼
 王通胡瑗歐陽脩從祀又以行人薛侃議進陸
 九淵從祀改稱大成殿爲先師廟大成門爲廟
 門璉又引敏政說請 別立祠祀齊公叔梁紇
 稱啓聖公孔氏以無繇點鯉孟孫氏配稱先賢
 珣松蔡元定從祀稱先儒撤無繇點鯉從祀從
 之 今皇帝以改稱先師故皮弁服 禮廟用特
 奠帛行釋奠禮迎送神各再拜三樂三奏入舞
 六佾配從祀賢儒及啓聖祠分奠用酒脯遂幸
 太學先是先師稱大成至聖文宣王四配充國
 復聖公邾國宗聖公沂國述聖公鄒國亞聖公
 十哲左費公閔損薛公冉雍黎公端木賜衛公
 仲由魏公卜商右鄆公冉耕齊公宰予徐公冉
 求吳公言偃陳公顓孫師兩廡東金鄉侯澹臺
 臧明任城侯原憲汝陽侯南宮适萊蕪侯曾點
 須昌侯商瞿平輿侯漆雕開睢陽侯司馬耕平
 陰侯有若東阿侯巫馬施陽穀侯顏辛上蔡侯
 曹邴枝江侯公孫龍馮翊侯秦高雷澤侯顏高
 上邳侯壤駟赤成紀侯石作蜀鉅平侯公夏首
 膠東侯后處濟陽侯奚容箴富陽侯顏祖滄陽

侯句井疆鄆城侯秦祖卽墨侯公程句茲武城
 侯縣成沂源侯燕伋宛句侯顏之僕建成侯樂
 欽堂邑侯顏何林慮侯狄黑鄆城侯孔忠徐成
 侯公西箴臨濮侯施之常華亭侯秦非文登侯
 申棖濟陰侯顏噲泗水侯孔鯉蘭陵伯荀况睢
 陽侯穀梁赤萊蕪侯高堂生樂壽伯毛萇彭城
 伯劉向中牟伯鄭衆緱氏伯杜子春良鄉伯盧
 植司空王肅司徒杜預昌黎伯韓愈豫國公程
 顥新安伯邵雍溫國公司馬光建寧伯胡安國
 華陽伯張栻將樂伯楊時魏國公許衡西單父
 侯宓不齊高宓侯公冶長北海侯公哲哀曲阜
 侯顏無繇共城侯高柴壽張侯公伯寮益都侯
 樊須鉅野侯公西赤千乘侯梁鱣臨沂侯冉孺
 沐陽侯伯虔諸城侯冉季濮陽侯漆雕哆高宛
 侯漆雕徒父鄒平侯商澤當陽侯任不齊并平
 侯公良孺新息侯秦壽梁父侯公肩定聊城侯
 鄒單邾鄉侯罕父黑淄川侯申黨厭次侯榮旂
 南華侯左人郟胸山侯鄭國樂平侯原亢胙城
 侯廉潔博平侯叔仲會高唐侯邾選臨朐侯公
 西輿如內黃侯邁伯王長山侯林放南頓侯陳

亢陽平侯琴張博昌侯步叔乘中都伯左丘明
臨淄伯公羊高乘氏伯伏勝考城伯戴聖曲阜
伯孔安國廣川伯董仲舒岐陽伯賈逵扶風伯
馬融高密伯鄭玄任城伯何休偃師伯王弼新
野伯范甯道國公周敦頤洛國公程顥郟伯張
載徽國公朱熹開封伯呂祖謙崇安伯蔡沉浦
城伯真德秀臨川郡公吳澄

聖師

文華殿聖師之祭始於今皇帝奉皇師伏羲氏
神農氏軒轅氏帝師陶唐氏有虞氏王師夏禹王
商湯王周文王武王九聖南向左先聖周公右先
師孔子東西向凡歲春秋開講先期一日皇帝
皮弁服拜跪行釋奠禮用醑酒果脯帛

歷代帝王廟

歷代帝王廟歲仲春秋皇帝遣大臣祭太昊伏
羲氏炎帝神農氏黃帝軒轅氏帝金天氏帝高陽
氏帝高辛氏帝陶唐氏帝有虞氏夏禹王商湯王
周武王漢高祖皇帝漢光武皇帝唐太宗皇帝宋
太祖皇帝分五室室太牢一禮三獻樂七奏舞八
佾從祀名臣風后力牧皐陶夔龍伯夷伯益伊尹

傳說周公旦召公奭太公望召穆公虎方叔張良
蕭何曹參陳平周勃鄧禹馮異諸葛亮房玄齡杜
如晦李靖郭子儀李晟曹彬潘美韓世忠岳飛張
浚凡三十二人列兩廡廡二壇壇少牢一

洪武元年祀三皇用太牢勾芒祝融風后力牧
配四年令天下立三皇廟歲春秋祭已而令祭
於陵是年命官參考歷代聖帝賢王但在中原
安養人民者三十四君合祀之擇名臣從祀六
年禮官言古帝王有父子祖孫一廟合祭非禮
令別立歷代帝王廟同堂異室歲春秋祀三皇

五帝

五帝禹湯文王武王漢高祖光武唐高祖太宗
宋太祖元世祖其守成賢君令所在有司歲春
秋祭於陵七年塑帝王衮冕坐像上曰伏羲
神農未有衣裳之制勿加冕服已而郊祀拊祭
諸帝王省春祭歲仲秋遣官祭於廟二十年以
武成王從祀帝王廟去王號罷文廟祀二十一
年禮官擇上歷代名臣始終全節者三十五人
從祀帝王廟上曰趙普負太祖不忠不可祀
元木華黎安童祖也不可祀孫而去祖可祀木
華黎罷安童祀祀伯顏阿木可勿祀又曰漢陳

平馮異宋潘美皆宜祀永幾 上曰文王雖甚周命終守臣節唐高祖有天下本太宗力也可勿祀祀於陵增祀隋文帝是年廟火改建於欽天山之陽去隋文帝子午卯酉年傳制祭陵停廟祭嘉靖九年罷歷代帝王南郊從祀禮官請加南京廟春祭 上不從令建廟京西歲仲春秋祭南京祭罷十年春廟未成 今皇帝祀之文華殿廟初成 今皇帝至廟祭是年修撰姚涑請罷元世祖祀禮官議不可 上從禮官議二十四年給事中陳棐又言之乃罷祀元世祖

并罷從祀木華黎等五人

先農

先農 皇帝仲春擇日祭遂行耕籍禮用太牢禮三獻樂八奏舞八佾 皇帝皮弁服拜跪飲福受胙更翼善冠黃袍至觀耕臺下籍田秉耒耜三推三反京尹捧青箱播種而覆之三公五推九卿九推宴從耕官

洪武元年御史尋适請耕籍田享先農以勸天下 上從之二年建壇於山川壇西南是春上祀先農遂耕籍田以后稷配已而奉 仁祖

配八年遣應天尹祭不設配末樂遷都建壇如南京遣順天尹祭 皇帝初即位行耕籍禮親祀焉 今皇帝以歲仲春上戊遣官祭

先醫

先醫歲仲春冬上甲日遣太醫院官祭用少牢 今皇帝 又建三皇廟於太醫院春秋祀焉

先蠶

先蠶氏之祭自 今皇帝始歲春擇日 皇后祭用少牢禮三獻樂六奏去舞公主內外命婦陪祀先期尚儀奏祭祀 皇后內執事皆致齋蠶宮

令陳祭物樂女生陳樂器至日 皇后乘肩輿出宮至西華門升重翟車女官奉鈎筐前行出郊至壇 皇后易禮服拜跪奠飲福受胙如禮畢

皇后易常服詣采桑臺采桑三公命婦五采列侯九卿命婦九采蠶成內命婦一人行三盆手禮遂布於織婦獻織於蠶宮令

高禘

今皇帝始以歲 祀高禘設木臺於皇城東永安門北震方壇上 皇天上帝南向辟雍蒼璧 獻皇帝配西向牛一羊一豕一高禘在壇下西向牛

一羊一豕一禮三獻樂九奏舞八佾 皇帝位壇下北向后妃位壇南數十丈外北向用帷壇下陳弓矢弓韜如后妃嬪之數祭畢女官導后妃嬪至高禱前跪取弓矢授后妃嬪后妃嬪受而納於弓韜

五祀

五祀 皇帝遣官祭立春司戶宮門外道左西向立夏司竈太庖前中道南向季夏土王用事中雷文樓前西向立秋司門午門外西角樓東向立冬司井太庖井前南向皆遣內臣各少牢一歲暮太常少卿合祀於太廟丹墀西東向少牢五

金海

金海祠在大內西苑湧泉亭後歲仲春秋上壬遣太常卿以少牢祭司海水府司舟三神 西海子者古燕京積水潭也源出西山神山一畝馬眼諸泉繞出甕山後匯為七里溪東入都城瀦為積水潭南出玉河入於大通漕渠嘉靖十四年 上諭禮官歲端午朕奉兩宮遊西海子時望祀諸神宜特建祠祀焉

青龍

青龍祠在阜成門外三十里祭弘濟大青龍神靈顯小青龍神歲仲春秋遣順天府官以少牢祭 洪熙元年二月久旱禱不得雨或言廬師山潭有大小二青龍時時出沒每旱禱輒雨 上令禱焉雨應時大注 上喜命成國公勇論祭封神飾祠宇名其山曰翠微

旗纛

旗纛廟在山川壇旗纛殿內府歲仲秋祭山川之日遣旗手衛官祭於廟霜降日又祭於教場歲暮享太廟日又祭於承天門外皆用少牢末樂後朔望有神燄之祭專祭火雷之神神機管提督官請祭於教場曰旗頭大將曰六纛大將曰丑方旗神曰主宰戰船正神曰金鼓角鉦鈸之神曰弓弩飛鎗飛石之神曰陣前陣後神祇五猖等衆皆南向牛一羊一豕一國有大征討 皇帝武弁服禡祭祭軍牙之神六纛之神皆南向建牙旗六纛於神位後祭之日 皇帝省牲視滌牛一羊一豕一禮三獻奏樂 皇帝飲福受胙望燎刺五雄雞血於五酒碗酌神焉

功臣廟

功臣廟殿中元祀中山武寧王徐開平忠武王常
 岐陽武靖王李寧河武順王鄒東甌襄武王湯黔
 寧昭靖王沐羊二豕二配享十五人東序西向都
 指揮使馮國用郢國公僉都督耿再成泗國武莊
 公僉都督丁德興濟國公都督同知張德勝蔡國
 忠毅公靖海侯吳禎海國襄毅公平章康茂才靳
 國武義公副使茅成東海郡公西序東向參政胡
 大海越國武莊公都督同知趙德勝梁國公廣德
 侯華高巢國武莊公都督同知俞通海統國忠烈
 公江陰侯吳良江國襄烈公宣寧侯曹良臣安國
 忠烈公安陸侯吳復黔國威毅公副使孫興祖
 山忠愍侯羊二豕二所庶各設牌一書故功臣都
 督指揮千百戶衛所鎮撫羊十豕十四孟歲暮遣
 勳戚大臣祭大功坊又有中山王家廟歲遣太常
 五祭用少牢

洪武二年正月立功臣廟於雞鳴山六月廟成
 上論功列祀二十一人令死者塑像生者虛
 位時大海國用趙德勝成德興通海張德勝
 成八人已卒樓神十將諸廟至是塑像移祀廟
 中十三人虛位元祀書贈王謚姓從祀書官書

贈謚姓名梁國公不書謚三年增戰歿功臣五
 年增百二十四人七年令都督祭堂上都指揮
 以下兩廡永樂三年 上諭禮部中山王勳德
 國朝第一當百世不忘自今正旦清明中元十
 月朔冬至皆遣祭於家廟

十廟

十廟在京師 皇帝遣官各以時祭季春秋真武
 季夏東岳仲夏都城隍漢前將軍漢壽亭侯仲春
 秋榮國姚恭靖公廣孝正旦長至聖旦靈濟宮皆
 太常仲春秋京都太倉戶部司馬馬祖先牧太僕
 宋文丞相元世祖陵皆順天府東岳都城隍太常
 六廟少牢真武靈濟宮素羞

靈濟宮者金闕玉闕真君及神父母二仙女也
 先是遣內閣禮部內官嘉靖中改太常朔望皆
 祭之真武亦如之元世祖祭嘉靖中罷姚公初
 侑享 成祖嘉靖中撤廟祀移祀大興隆寺

南京十四廟

南京十四廟季春秋北極真武孟春天妃季春寶
 誌禪師仲秋都城隍仲春祠山廣惠張王渤孟夏
 季秋五顯靈官皆太常祭仲春秋京都太倉戶部

司馬馬先牧太僕四正除漢秣陵尉蔣忠烈
王子文漢前將軍漢壽亭侯關王晉成陽卞忠貞
公壹宋濟陽曹武惠王彬南唐劉忠肅公仁瞻元
衛國忠肅公福壽皆應天府蔣廟又有孟夏之祭
關廟又有仲夏太常之祭諸廟皆少牢真武寶誌
素羞祝並稱 皇帝遣官云

關廟初稱漢前將軍壽亭侯嘉靖十年南太常
卿黃芳奏改稱漢前將軍漢壽亭侯

府州縣 附武衛

府州縣近郊三壇南神祇壇歲仲春秋祀雲雨風
雷之神境內山川之神城隍之神各少牢在省城
者布政司官祭府不別祭縣附府者亦如之西社
稷壇歲仲春秋上戊祀司社之神司稷之神各少
牢北厲壇歲上元清明孟冬朔日祭無祀鬼神羊
三豕三飯米三石名官鄉賢二祠附先師廟或別
祠歲仲春秋祭用少牢岳鎮海瀆在境內者歲仲
春秋別祭之用少牢古帝王陵寢忠臣烈士及吏
有功德於民者各以時祭牧馬者祀馬神市鄉百
姓又有鄉社鄉厲之祭若諸小鬼神祠有靈異者
百姓各以其鄉俗賽神官不禁也都司衛所凡守

禦官歲霜降 靈廟之祭用少牢古帝王陵陳
州有伏羲氏商高宗孟津漢光武鄭州周世宗輩
宋太祖太宗真宗仁宗鄆神農氏寧遠舜帝延安
軒韓氏西安周文王武王成王康王漢高祖景帝
咸寧漢文帝興平漢武帝長安漢宣帝富平後魏
文帝扶風隋高祖三原唐高祖醴泉唐太宗蒲城
唐憲宗涇陽唐宣宗滑高陽氏高辛氏內黃商中
宗順天元世祖東平堯帝曲阜少昊氏趙城媯皇
氏榮河商湯王會稽夏禹王宋孝宗凡三十六陵
子午卯酉年傳制遺道士費香帛至陵令所在長

吏祭嘉靖又有武功姜嫄后稷之祠慶都堯母之
祠五岳者岱華嵩衡恒山也廟在太安華陰河南
衡州真定五鎮廟東沂山在沂州西吳山隴州中
霍山平陽南會稽紹興北醫閭遼東四海神廟在
萊州蒲州廣州懷慶四清廟江在成都河蒲州充
州淮彰德濟河南衛輝又有濟源廟諸山川湖潭
泉瀑龍湫岡陵凡有祠者各以時祀之忠臣烈士
吏有功德於民之祠通州有開平忠武王及燕山
侯孫興祖山海關中山武寧王張都督世忠世忠
文祀太原南京渤泥恭順王蘇州兩尚書廟祀夏

忠靖公周文襄公太平忠臣廟祀樞密院判花雲
 王鼎及知府許瑗淮安平江陳恭襄公濟寧尚書
 宋公平陽薛文清公海州廣寧伯劉公又齊郡營
 衛公末庫侯徐公甘州伏羌伯毛公榆林會同敏
 公太原二忠祠丁璋周守二將軍杭州鄒詹事徐
 贊善于廟愍公金華胡武莊公配按察副使陶公
 青田誠意伯劉文成公海鹽按察使楊公南昌忠
 臣廟平章趙德勝樞密判官李繼先左副指揮使
 劉齊統軍元帥許珪右副元帥趙國昭同知元帥
 朱潛元帥副使牛海龍千戶張子明張德山百戶
 徐明總管夏茂江西行省都事葉恩誠知洪都府
 葉琛臨海同知趙天麟一十四人二忠祠孫忠烈
 公許忠節公廬陵忠節祠宋六臣及劉忠愍公李
 忠文公廣信張叔夜祠附祀永豐知縣鄧願饒州
 忠臣廟樞密同知丁普郎張志雄等三十五人寶
 慶參政賀興隆侯官麻刺康靖王上杭巡按御史
 伍驥福建都指揮丁泉廣州僉都御史楊公配按
 察副使毛公南海忠義祠南海民關敏慶遠葉參
 議祠府同知葉植父子雲南二忠祠王忠文公吳
 忠節公黔寧王廟昭靖王配其子定遠王貴州鎮

遠侯顧公諸先朝祠祀至於今存者多不錄也
 洪武元年令郡縣訪求應祀神祇名山大川聖
 帝明王忠臣烈士凡有功於國惠愛及民者奏
 著祀典二年令有司祠祀典神祇其不在祀典
 而嘗有功德於民者即不祭存其祠守三年訪
 求帝王陵寢四年遣使致祭諸陵始罷天下祀
 三皇六年定十二省山川罷省祭京師合祭及
 四夷山川各城隍春三月三日秋九月九日祭
 七年定府州縣社稷祭正配皆少牢已而罷醜
 嶽鎮海瀆亦如之歲仲春秋擇上旬日祭九年
 令外百司祭祀三獻以品級序是年遣官行視
 帝王陵九年禁樵牧設守陵戶陵二人三歲一
 傳制道道士奉香詣諸陵令有司致祭 皇帝
 即位遣官祭告十一年令外百司祀小祀用牲
 醴中祀加帛十四年令祭山川諸神文職長吏
 行事武官不得預軍民指揮使司自祭之二十
 九年令陪祭未入流官用祭服宣德八年令外
 諸吏上官合祀應祀神祇於城隍廟用少牢令
 守禦官解後立旗靈廟驚雷霜降日以少牢祭
 軍牙六肅神武服行事出師祭而行班師歸於

廟已而省驚蟄之祭清明中元孟冬朔日祭
祀鬼神設壇城北府州曰郡厲縣邑厲鄉村間
百戶內立一壇祀五土五穀神歲一戶為會首
春秋二社率錢備少牢祭舉行會飲禮會中
一人讀抑強扶弱之誓又立一壇祭無祀鬼神
歲亦三祭祭用牲酒會飲讀誓如祭社 國朝
品官廟制未定乃倣朱子祠堂之制奉高曾祖
禰四世主以四仲月祭又有臘日愍忌之祭與
歲時俗節薦享庶人得祀祖父母父母

皇明百官述序

皇朝建官準法虞周雖專領無析微有不同而規
模品式大抵相為損益故權殺於漢而董正之綱
維自定員省於唐而職任之貫取甚周祿涼於宋
而蠲復之恩禮愈厚即有驕陵旋麗陳臬豈無冗
贅亦復汰除矧文武夾維內外交應協恭互發則
指臂相隨輒斷獨行則語阻不遂宏謨曲筭可謂
博大精詳矣茲表其爵號官品階勳祿凡七等而
著其沿革職守附以累朝典議為百官述

嘉靖丙寅三月望鄭曉識

皇明百官述序

皇明百官述序終

海國遺刻

皇明百官表

吾國編第五上

爵							號	官	品	階	勳	祿	
伯 侯 公													
誠守正文臣	奉天靖難推	誠宣力功臣	奉天靖難推	誠守正文臣	奉天靖難推	誠宣力功臣	開國輔運推	誠宣力功臣	開國輔運推	誠守正文臣	奉天靖難推	誠宣力功臣	開國輔運推
左右都督	左右宗人	左右宗正	宗人令	太保	太傅	太師							
							正						
大夫	光祿	特進	陞授	大夫	榮祿	特進	初授						
				左柱國									
				石十七			米月支			石七百			

爵							號	官	品	階	勳	祿
太子少師												
都督同知		太子太保		太子太傅		太子太師						
							從					
大夫	光祿	陞授		大夫	榮祿	初授						
				右柱國								
				石六十			米月支			石四		

其明正作表 太子賓客 侍郎 副都御史 通政使 大理卿 太常卿 詹事 府尹 按察使 副留守 都指揮僉事 指揮使		布政使	
		都指揮同知	
正三		從二	
初授 嘉議大夫 陞授 通議大夫 加授 大議大夫 正議大夫 初授 大議大夫 昭勇 將軍 上輕軍		初授 中奉大夫 陞授 大奉大夫 通奉大夫 加授 正奉大夫 大授 初授 大授 鎮國 將軍 陞授 定國 將軍 加授 將軍 奉國 將軍 將軍	
資治 三十 都尉 五石		護軍 四十 正治 八石	

其明正作表 僉都御史 通政 大理太常大僕卿 少詹事 鴻臚卿 京府丞 按察副使 行太僕少卿 苑馬少卿 知府 衛指揮僉事 宣慰同知		光祿卿	
		太僕卿	
正四		從三	
初授 中議大夫 陞授 中憲大夫 加授 大憲大夫 中授 大憲大夫 初授 大憲大夫 明威 將軍 上騎		初授 亞中大夫 陞授 大大夫 中授 大大夫 加授 太中大夫 大授 初授 大授 懷遠 將軍 輕騎 將軍 陞授 定遠 將軍 加授 將軍 安遠 將軍 將軍	
資治 二十 都尉 四石		少尹 二十 都尉 一石 此餘無官 做	

贊善	司直郎	修	儒初					
撰	光祿寺丞	署	授承					
正	鴻臚寺丞	大	務郎					
理寺副	京府推官		陸授					
布政司經歷	理	從六	儒林					
問	鹽運司判官		郎					八石
州同知	鹽課司提		吏宣					
舉	市舶河渠副提		德郎					
都給事中	監察御史		儒初					
編修	大理評事	行人	授承					
司正	五府都察院都事		事郎					
通政司經歷	太常博		陸授					
士	典簿	兵馬副指揮	文林					七石
營繕所正	京縣丞		郎					
府推官	知縣	按察司	吏宣					
經歷	番守司都司都事		義郎					
副斷事	審理副	安						
撫僉事	蠻夷長官							

翰林檢討	左右給事中	中書舍	初授					
給事中	行人司副	光祿	從仕					
典簿	署丞	詹事太	郎					
僕主簿	京府經歷							
靈臺郎	祠祭署	奉從七						七石
祀	州判官	鹽課司	陸授					
副提舉	布政司都事		徵仕					
副理問	衛鹽運司		郎					
宣慰招討司經歷	蠻							
夷副長官								
國子監丞	五經博士							
行人	部照磨	通政司	初授					
知事	京主簿	欽天監	迪功					
主簿	保章正御醫	協	郎					六石
律郎	典牧所提領	營						
繕所副	大通關寶鈔龍							
江司提舉	衛知事	府	陸授					
經歷	縣丞	煎鹽同提	修職					六斗
舉	按察知事	宣慰都	郎					
事	王府典寶奉祀良醫							
典膳正紀善講經至靈								
元符崇真宮靈官								

清紀郎 翰林典籍	國子助教典簿博士	光祿錄事監事 鴻臚	寺主簿 京府運司知	事 挈壺正 祠祭署	祀丞 布政司照磨	王府典膳奉祀典寶良	醫副 宣慰經歷 神	樂知觀 崇真官副靈	官 左右覺義玄義
從八									
初授	迪功	佐郎	陞授	修職	佐郎	初授	將仕	郎	郎
六石					五石				

待詔司諫通事舍人正字	詹事府錄事司務學錄典	籍鳴贊序班司晨漏刻博	士司牧大使牧監副圍長	太醫院提舉司鹽課司州	所吏目軍儲御馬都督府	門倉軍器局大使承運寶	鈔廣運積贖計十字庫副	使典牧所會同館文思院	副使廣盈太倉銀太僕寺	京府庫都稅宣課柴炭司
從九										
初授	將仕	佐郎	陞授	登仕	佐郎	初授	將仕	郎	郎	郎
五石					五石					

孔子國子掌饌學正教諭訓導兵馬衛事長官司吏目司牲司牧副使府檢校縣典史軍器局柴炭司副使通運所大使驛丞河泊所開墾官闈大使牧監錄事郡長提控案牘都督府御馬軍儲門倉副使廣盈庫都課都稅稅課司副使茶鹽課司司府州縣衛所倉場大使副鹽運司府衛提舉司所州縣庫大副使司未入流	府州軍器織染雜造局副使茶運批驗所中帛針工局慶遠裕民司大副使司庫副使宣德倉司竹鐵冶河州澄陽青州府樂安稅課司大使鹽倉稅課抄紙印鈔鑄印抽分竹林惠民金銀場惠民局水銀硃砂場局生藥庫長史司倉庫大副使縣雜造局副使典科訓科典術訓術副都綱都祀僧正道正僧會道會
十一	百官表終
三石	

吾學編 卷六五下

皇明百官述上卷

海鹽鄭曉

宗人府洪武三年置大宗正院正一品二十二年改爲宗人府以秦王爲宗人令晉王燕王左右宗正周王楚王左右宗人已而勲戚大臣攝府事不備官

宗人府宗人令一人左右宗正各一人左右宗人各一人吏三人其屬經歷司經歷一人

宗人令掌皇九族六親之屬籍以時修其玉牒書宗室子女適庶名封生卒婚嫁謚葬凡宗室陳請

爲聞上達材能錄罪過左右宗正宗人爲之貳經歷典出納文移

三公府正一品府罷而李善長徐達以丞相兼太師太傅常遇春以上公贈太保三孤無兼領者

文皇帝罷公孤官 仁宗復設

太師太傅太保曰三公少師少傅少保曰三孤侍上左右備顧問咨機務無定員無專授爲勲戚文

武大臣兼官加官贈官文官惟贈得三公嘉靖初楊廷和一品十二年加大傅辭不受

中書省正一品初設左右相國洪武元年改左右

丞相各一人左右丞各一人參知政事二人總領
衆職分錢糧禮儀刑名營造四部其屬左右司郎
中各一人員外郎各一人都事各一人中書舍人
二十人是年始置吏戶禮兵刑工六部正三品設
尚書侍郎郎中員外郎主事統於中書省以滕毅
楊士義錢用千陳寬周禎單安仁爲六部尚書入
見奉天殿諭曰朕肇基江左軍務方殷官制未備
今以卿等分任六部國家之事總之中書分理六
部至爲要職凡諸政務宜竭心爲朕經理或有平
繆患及天下不可不慎五年定六部職掌歲終考

請直書

上表

二

今

績以行黜陟九年增戶部爲五科刑部四科工部
四科設尚書一人侍郎一人郎中二人員外郎二
人主事五人十一年禁六部奏事不得關白中書
省十三年誅右丞相胡惟庸詔罷中書省存中書
舍人

直文淵閣即所謂入內閣辦事也先是洪武十五
年冬始放宋制置殿閣學士吏部尚書邵質華蓋
殿翰林學士宋訥文淵閣檢討吳伯宗武英殿典
籍吳沉東閣並爲大學士是年召耆儒鮑恂張長
年俞詮至命爲文華殿大學士三人辭不就是時

特侍左右備顧問未與機務建文四年七月 成
祖簡用翰林待詔解縉編修黃淮尋又用修撰胡
靖編修楊榮楊士奇檢討胡儼金幼孜七人入內
閣名直文淵閣預機務永樂五年十一月 上諭
吏部廣等侍朕日久繼今考滿勿改外任廣即靖
也 仁宗又設謹身殿大學士於是大學士有華
蓋謹身武英三殿及文淵東閣皆在內閣曰辦事
避丞相名若東閣文淵閣大學士不得肯入內閣
亦不得預機務也嘉靖壬戌九月新建三殿成詔
改奉天殿爲皇極殿華蓋殿爲中極殿謹身殿爲

請直書

上表

三

今

建極殿始有建極殿大學士
直文淵閣翰林院檢討編修撰侍講侍讀講讀
學士學士詹事府左右春坊司經局官官不得過
五品或九卿正亞兼翰林學士東閣文淵閣武英
謹身華蓋殿大學士已而加官至領東宮公孤帝
三孤者或止一二人多或至六七人宣德初張瑄
陳山始以侍郎入內閣未幾以干請諸司出瑄爲
南京禮部尚書山教小內使書景泰中王文始以
宮保尚書入內閣西東楊最久皆不得領吏部尚
書領吏部尚書亦自文始其屬制勅房誥勅房皆

以中書舍人諸司寺或卿貳充之官至太常卿止
即有年勞加俸不得帶九卿堂上執政官嘉靖中
張璠始以白衣善書歷陞侍郎

直文淵閣入內閣預機務出納帝命奉陳規誨獻
告謨猷點檢題奏擬議批答以備顧問平庶政不
得專制九卿事九卿奏事亦不得相關白凡上所
下一日詔二日誥三日制四日勅五日冊文六日
諭七日書八日符九日令十日檄皆審署申覆而
調劑焉平允乃行之凡下所上一日題二日奏啓
三日表箋四日講章五日書狀六日文冊七日揭

書

四

帖八日制對九日露布十日譯皆審署申覆而修
畫焉平允乃行之凡經筵知經筵事或同知看定
其講章日講亦如之凡東宮出閣講讀領其事
叙其官而授之職業凡修實錄史志諸書充總裁
官實錄成呈上焚其草禁中凡宗室請名請封及
諸臣請謚並擬上焉凡圖書繕寫傳校皆課而察
之凡郊祀巡狩親行扈行凡累朝御文實錄寶訓
玉牒之副古今書皆籍而藏之凡會勅稽其由狀
而叙述上請焉凡禮部會試廷試貢士國子生月
課歲首生廷試吏館譯生皆總領之制勅房書辦

制勅詔旨誥命冊表寶文玉牒講章碑額題奏揭
帖凡應機密文書及王府勅符底簿誥勅房書辦
文官誥勅番譯勅書并夷書揭帖紀功勘合皆稽
按典故起草進書若漏洩稽緩遺失妄誤皆有罰
六部初屬中書省洪武十三年罷中書省陞六部
正二品設官一百五人分領中書之政二十三年
遷戶部尚書楊靖刑部尚書沈潛工部刑部
尚書趙勉戶部工部尚書秦達兵部着令自今官
三年皆遷調未幾潛復兵部達復工部二十八年
上坐奉天門勅文武羣臣自古三公論道六卿

書

五

分職自秦始置丞相而亡漢唐宋因之雖有賢相
然多小人專權亂政我朝能相設五府六部都察
院通政司大理寺分理天下庶務彼此頡頏不敢
相壓事皆朝廷總之所以穩當以後嗣君並不許
立丞相臣下敢有奏請設立者文武群臣即時劾
奏處以重刑建文陞六部尚書正一品設侍中一
人位侍郎上成祖復正二品華侍中永樂元年
正月以北平為北京二月置北京行部尚書二人
侍郎四人其屬六曹清吏司吏禮兵工曹郎中員
外郎主事各一人戶刑曹各二人以戶部尚書掌

北平布政司事郭資刑部尚書掌保定府事維僉
 為北京行部尚書既遷都罷北京行部及六曹清
 吏司分置行在六部十八年定都除行在字在應
 天者加南京字洪熙元年復稱行在正統六年復
 除行在字諸司亦如之初六部之屬吏部曰選司
 封司勳考功四部改文選驗封稽勳考功洪武二
 十九年并五部屬皆稱清吏司建文去清吏字靖
 難後復故戶部曰民度支金倉四部二十三年改
 十二部浙江江西湖廣陝西廣東山東福建北平
 河南山西四川廣西量其繁簡兼領京畿而以雲
 南隸陝西建文改民度支金帛倉庾四司靖難後
 復故末樂元年改北平司為北京司十九年革北
 京司增雲南貴州交趾三司宣德十年革交趾司
 禮部曰儀祠膳主客四部改儀制祠祭精膳主客
 兵部曰司馬職方駕庫四部改武選車駕武庫職
 方刑部曰憲比司門都官四部洪武二十三年改
 十二部如戶部建文為詳憲比議職門都官四司
 靖難後復故北平雲南貴州交趾改置如戶部工
 部曰營虞水屯四部改營繕虞衡都水屯田又改
 將作司為營繕所隸工部

吏部尚書一人左右侍郎各一人其屬司務二人
 文選驗封稽勳考功四清吏司文選郎中一人員
 外郎一人主事二人驗封郎中一人員外郎一人
 主事一人稽勳郎中一人員外郎一人主事一人
 考功郎中一人員外郎一人主事二人吏四十五
 人監生六十七人
 尚書掌官吏選授勳封考課之政令侍郎為之貳
 凡制命敷奏率其屬奉其職以贊 天子倡百司
 康兆民司務省署抄日受祭文移五日一奏上三
 月引監生勤奏登選諸司務皆如之文選掌官吏
 選陞改調之事以贊尚書凡官二萬四千六百八
 十三人京師一千四百十六人南京五百五十八
 人外二萬二千七百九人凡選歲引選六類選亦
 如之遠方選二朝覲之歲揀選一歲貢選教職者
 無常期選庶吉士會翰林院禮部御史會都察院
 凡陞必滿考不能久任不待考滿曰推陞類推上
 一人取旨單推上二人三品以上九卿及僉都御
 史祭酒廷推上二人或三人內閣吏部尚書勅推
 上二人或三四人皆請旨以署職試職實授真年
 資以裁革并省兼攝添設註選量級簡以薦舉起

廢徵召達雋異以帶俸添註寄恩元以降調除名
 馭罪過以官程勤吏治以寧假悉人情其入選賢
 良方正聰明正直孝悌力田明經明行修博學
 宏詞孝廉人材秀才耆民稅戶諸科並革曰進士
 曰舉人曰歲貢曰官生恩生功生曰吏員承差知
 印書篆篆書譯字醫藥天文地理匠人畫工僧道
 咸登資簿釐其流品平其注擢不得相先後土官
 不外調王姻不內除大臣之族不得任科道族有
 僚屬者下避上傳陞乞陞者執不可奏其弊也有
 納粟馬銀乞遠方之例遠方不得銓府佐州縣正
 監司官

驗封掌封爵襲廢襲贈吏弁之事以資尚書凡公
 侯伯開國靖難討虜捕倭擒反者外戚恩澤闕里
 大宗徵其誥券適孽功罪封號祿爵以第其世流
 降除之等請裁於上以上流馭吏官以誥勅授封
 贈以進階貶封加贈追奪勳愆良以廢叙錄任子
 以等級給散官以考撥差胥筭以須知訓入官籍
 勳掌勳級名籍喪制之事以贊尚書凡五品上文
 官再考授勳凡百官黃類登內府有故除之凡三
 年喪解職糾奪喪禁短喪謫匿喪欽天監奔喪三
 月復凡父母老七十鮮兄弟得終養更名名有諱

復姓姓無漏役名姓更復必登版考功掌官吏考
 課黜陟之事以贊尚書凡內外官給由三年初考
 六年再考並引請九年通考奏請綜其稱職平常
 不稱職而黜陟之陟無過二等大臣不註考舍場
 庫官一年考巡檢三年考教官及流外冗官九年
 考覈其功過而黜陟之陟無過一等惟舉人教官
 得引選試陞陞無等遠省府同知下三六年省考
 九年部考京官五品下已亥年考察不職者除名
 調降致仕有差四品上自陳去留聽上外官辰戌
 丑未年考察不職者亦如之內外官有劾章下品
 其良不肖擬去留請大臣自陳下亦如之王官長
 史審理紀善考察如京官南京庶官初考引復再
 考南京吏部類報大臣再考亦引請外官九年僅
 一考即稱陞減一等吏二考覈冊移驗封承差覈
 冊移文選吏三考及知印考第其資格引選凡乞
 致仕者不限年聽京官七十外官六十五致仕大
 臣奏聽上文官請祭贈謚廢者按其滿考被劾
 與否報所司必傳公議以閑劇量嚴最以旌其廉
 政績以貢舉搜遺逸以保留達民情以紀錄懲愆
 過以謫戍糾罷閑官吏

戶部尚書一人左右侍郎各一人提督倉場侍郎
 或尚書一人其屬司務二人浙江江西湖廣陝西
 廣東山東福建河南山西四川廣西貴州雲南十
 三清吏司各郎中一人員外郎一人主事一人添
 設浙江湖廣廣東福建河南四川廣西貴州司各
 主事三人山東司郎中一人主事三人陝西司郎
 中二人主事三人山西司郎中三人主事四人雲
 南司主事四人照磨所照磨一人檢校一人監生
 六十三人吏百七十八人所屬衙門寶鈔提舉司
 提舉一人副提舉一人典史一人批紙局廣積庫
 承運庫廣盈庫太倉銀庫各大使一人節慎庫印
 鈔局寶盈局御馬倉張家灣檢校批驗所各大使
 一人副使一人寶鈔廣惠庫賊罰庫各大使一人
 副使二人甲乙丙丁戊字庫大使五人副使六人
 吏四十八人外承運庫行用庫軍儲倉大使一人
 副使一人
 尚書掌戶口田賦貢役經費之政令侍郎為之貳
 凡制命敷奏率其屬奉其職業以贊天子倡百
 司康兆民昭磨檢校典磨勘休糧同其計第十三
 司各掌其分省及無領京師直隸之事以贊尚書

條為四科曰民曰度支曰金曰倉類理之以周知
 其地理古今沿革山川險易肥瘠寬狹民生物力
 多寡登耗之數凡賦役稽版籍一歲會實徵十歲
 攢黃冊冊有丁有田丁有役田有租田曰官田曰
 民田凡二等租曰夏稅曰秋糧凡二等丁曰成丁
 曰未成丁凡二等役曰甲役曰徭役曰雜役凡三
 等皆有力役有催役計其丁田為差凡鹽存積十
 二常股十八召商輸芻粟左邊十八次支十二見
 支商毋銀輸窰毋銀賦私鹽毋速盜公鹽毋歸豪
 有力者凡頒祿俸糧廩兼本折色本色毋過十六
 折色毋過十五凡漕運曰支兌曰改兌支兌十八
 改兌十二凡貯粟曰京倉曰通倉京倉十八通倉
 十二凡藏銀曰內帑曰大倉內帑十二大倉十八
 其沒貲也大倉十一內帑十九凡蠲征曰恩蠲曰
 災蠲恩蠲十一災蠲十九凡兵農曰屯田曰營田
 屯田十八營田十二凡賑濟曰出帑曰發倉出帑
 十一發倉十九凡邊儲曰田賦曰鹽賦田賦十六
 鹽賦十四主兵常支客兵乍支其贏也曰糴熟誦
 也曰預借曰空運邊有行邸中曰造邸掌出納邊
 儲五歲勅科道各一人嚴紆乾沒以舉荒業貧民

以占籍附流民以畸零寄細民以馴野馭羈縻之
民以圖帳抑兼并之民以折銀劑米值以平米均
田耗以布帛斂庸調以桑棗課農官以芻地給馬
牧以里老攝鄉社以律誥嚴訓防以給除差優復
以珍異儲上供以鈔錠節恩賞以限田裁異端以
賜田懷降虜以封閉密砂礮以金穀累賦計以課
程攔雜物以關榷市船材以引由嚴茶政以權量
和市易以時估約均輸凡獻產漏產詭產朋戶析
戶逃戶必罰毋亂宗類毋淆良賤毋遊手食母毀
鈔毋遺錢諸王大臣毋得請常課乞間田提舉倉
庫大副使各程其出納簿錄其行績聽戶部
禮部尚書一人左右侍郎各一人其屬司務二人
儀制祠祭主客精膳四清吏司各郎中一人員外
郎一人主事二人提督四夷館主客主事一人監
生六十一人吏四十八人所屬衙門鑄印局大使
一人副使二人教坊司奉養一人左右韶舞各一
人左右司樂各一人
尚書掌禮樂貢舉封建朝貢祭祀宴饗術藝道佛
之政令侍郎為之貳凡制命敷奏率其屬奉其職
業以贊 天子倡百司靡兆民儀制掌禮文宗封

學校科貢之事以贊尚書 天子即位立 東宮
冊 皇后妃嬪上 慈宮徽號皆擬上其儀以令
於諸司歲元旦長至萬壽聖節大朝賀之禮三月
朔望殿朝之禮二日早午晚門朝之禮三凡經筵
日講御文華殿 皇帝初即位請耕籍田視大學
釋奠拜先師 皇帝諭百官曰詔曰制曰勅曰誥
曰書 太皇太后 皇太后曰誥百官陳事於
皇帝曰表曰奏曰題 太皇太后 皇太后亦如
之於 皇太子曰箋曰啓 皇后亦如之 皇帝
批荅曰聖旨 皇太子曰令旨 太皇太后 皇
太后皇后曰懿旨 東宮出閣監國節令百官朝
賀禮下 天子諸王讀書禮下 東宮皇后令節
受冊外命婦朝賀 皇太后 太皇太后亦如之
凡歲一封宗室王郡王將軍中尉妃主君各以其
親疎為等百官於宗王稱官而名不得稱臣王官
各稱臣於其王凡監學條其規約而時申之司府
州縣衛學皆有歲貢貢以次子午卯酉歲歲省試
生儒易詩書春秋禮記人占一經中式曰舉人名
有額辰戌丑未歲會試天下舉人額 上請中式
者請 上策試賜進士及第出身有差諸司相移

文上下日照會曰劄付曰故牒曰帖下上曰咨呈
 曰牒呈曰呈曰申敵曰咨曰關曰牒皆以印識通
 上下防奸偽凡印文四等文淵閣王著篆將軍掛
 印柳葉篆一品至九品九疊篆賜關防若未入流
 條記亦如之監察御史八疊篆夷王印三等曰金
 曰鍍金銀曰銀凡宴禮三曰大宴曰中宴曰小宴
 郊宴最大凡射禮二曰大射曰宴射皆酌古禮而
 殺其儀節凡冠婚 天子至於庶人參諸三禮而
 登殺其儀凡官民公私服舍皆有式無相踰僭凡
 巡狩親征班師策勳行賞其禮儀移有司凡祥
 瑞辨其物名類奏大瑞特奏無請封禪以鄉飲酒
 禮讀律誥訓禮讓以養老尊高年以卹貧周仁政
 以旌表章勸勵以建言議利病以連坐謫戍禁自
 宮祠祭掌祭享獻薦天文國卹廟諱術藝道佛之
 事以贊尚書凡祭有三曰天神曰地祇曰人鬼辨
 其大祀中祀小祀而敬供之飭其壇廟陵寢數省
 閱之蠲其牢醴玉帛粢黍水陸瘞燎之品第其配
 侑從令功德上下凡王國司府衛所州縣祀典神
 祇稽諸令甲播有司以時謹其祀事品官庶人家
 祭亦如之督日官欽若昊天而曆象之筭大統曆

御覽曆王遁曆御覽天象錄七政經度曆回回七
 政經緯度曆占日月交會月五星凌犯日月旁雲
 氣品調壺漏有變密奏上日月會預移內外諸司
 救之凡天下大災異即聞次類聞並乞修省凡喪
 服五日斬衰曰齊衰曰大功曰小功曰總麻辨其
 同姓九族異姓母族妻族親疎之等而為三年期
 九月五月三月之等凡國有喪若品官庶人喪皆
 傳古喪禮損益行之凡謚 皇帝十七字 皇后
 十二字皇妃 東宮東宮妃二字親王一字郡王
 二字勳戚文武大臣請葬祭贈謚移諸司覈行能
 請上葬祭有差謚皆二字官品未高而侍從有勞
 勤事死義夷王若使得特賜凡 先帝后愍忌祀
 於陵輟朝不廢務凡藝術天文地理醫藥卜筮師
 巫音樂並籍其人母以術越境與妖妄藏識圖玄
 象凡僧道咸設官領之三年一度度必通經母貴
 度以周知冊檢其偽冒而嚴其禁令凡樂曰中和
 韶樂曰堂下樂曰丹陛樂曰侑食樂曰大樂其雅
 樂備八音五聲十二律九奏萬舞之節俗樂有百
 戲承應隊舞承應謳歌承應祭祀用雅樂太常領
 之宴饗朝會兼用俗樂領於伶人奉樂韶舞俳長

色長歌工樂工舞人各專其業而籍用之 慈宮
中 宮女樂奉饗諸官妻五人提調主客掌華夷
朝貢往來宴賜之事以贊尚書凡蕃夷辨其五年
三年二年比年年再至之貢及其貢物貢途貢使
豐約遙徑多寡之數王若使至賓待之差其迎送
宴勞賞賚廬室幕帳食料之等請嗣王封者使二
人頒冊於其國諸大酋渠有保塞功授冊印封之
以信符徵勘合以金勅諭差發以通事譯夷情以
開市平交易以計折收番貨以刑典禁交通凡賜
均賞特賞皆有差凡域中歲徵其方物有常精膳
皇朝典故 卷六 下
掌宴饗牲豆酒膳之事以贊尚書凡膳羞珍品酒
醴光祿領之會其數程其出納凡筵宴視其品秩
凡三等凡蕃夷土官辨其下程之等曰常例曰欽
賜若宴次食料多寡各有差凡皇邸若在途及其
使人欽賜厨料亦如之凡厨役僉諸民久次銓王
府典膳凡歲歲冰出冰移所司謹潔之
兵部尚書一人左右侍郎各一人其屬司務二人
武選車駕職方武庫四清吏司各郎中一人員外
郎一人主事一人添設武選郎中一人主事四人
車駕郎中一人主事二人職方郎中一人主事四

人武庫主事二人守山海關職方主事一人監生
三百二十五人吏一百六十七人所屬衙門京衛
武學教授一人訓導六人會同館大使一人副使
一人大勝關大使一人副使一人
尚書掌武衛官軍選校簡練鎮戍廐牧傳郵輿皂
之政令侍郎為之貳凡制命敷奏率其屬奉其職
業以贊 天子倡百司康兆民武選掌武官選陞
襲替功賞之事以贊尚書凡世武官九等曰指揮
使同知僉事正副千戶衛鎮撫實授試百戶所鎮
撫凡流官都督三等都指揮三等不得世即有世
皇朝典故 卷六 下
者出特恩凡歲六選官二等曰舊官曰新官皆有
流有世世曰襲職曰替職其幼也曰優給不得世
者曰減革曰通革非真授者曰試職曰署職曰納
職凡首功四等曰北虜曰遼東女直曰西番首蠻
曰內地反賊凡戰功二等曰奇功曰頭功凡賞三
等曰加賞曰給賞曰量賞凡推陞勳臣若武舉薦
舉會舉二人上請凡土官六等曰宣慰宣撫招討
安撫長官千夫長其子弟族屬若妻壻女甥皆得
從其俗凡夷官自都督至於鎮撫凡十四等皆以
誥勅辨冒偽凡傳陞乞陞非軍功陞者得執奏以

考選比試併鎗達材而程力以部功課將領以通
降練卒徒以貼黃正圖狀以初績徵誥勅以褒卹
勵死戰以優養恩故絕以引類登選簿以殺降失
陷避敵激叛肅軍機以典刑敗倫行劫追陣斷世
祿以寄祿馭恩倖以覈訊糾捕緝車駕掌輿輦車
乘衛守廐牧傳郵之事以登尚書凡大朝賀大禮
儀陳鹵簿大駕常朝設丹陛駕有差皆辨其物數
而序次之凡侍衛陞殿全且常朝番直凡守衛親
軍衛畫前左右後四行日夜巡警之皆有團伍定
其籍之多寡而第其番之上下凡衛直有勲戚武

皇朝通志

卷八

八

七

官勲衛散騎舍人將軍力士校尉凡馬政三日民
牧曰衛牧曰京府寄牧凡牧官兩京太僕寺山西
陝西甘肅行太僕寺遼東陝西苑馬寺受其籍帳
而時程督其登耗閑逸之數以管牧節芻秣以印
依防欺冒以色齒覈抵謾以糧馬征南夷以茶馬
通西番以市馬廢東虜皆以足軍晉京營邊鎮母
乏馬凡傳郵二曰驛曰遞遞所在京師曰會同館
皆以符驗關券行之凡黃馬快船以練水軍致貢
獻凡 東宮儀仗侍衛 慈宮 中宮鹵簿皆籍
其數有差職方掌地圖軍制城隍鎮戍簡練征討

關津之事以登尚書凡地圖諸邊腹疆界地里遠
近險易三歲一報官軍車騎之數亦如之凡軍制
內外相維武官不得輒下符行軍凡設官都督府
五都指揮使司二十一衛守司二衛四百九十一
守禦屯田羣牧千戶所三百一十一儀衛司三十三
宣撫招討宣慰安撫長官司九十五番夷都司衛
所四百七各統其官軍及部落聽征調守衛朝貢
保塞之職凡城隍以時築濬閱視之凡鎮戍防虜
禦暴阨險要屯兵統之凡將校五等曰鎮守曰協
守曰分守曰守備曰備倭其官稱曰總兵曰副總

皇朝通志

卷八

九

八

兵曰參將曰遊佐擊將軍曰都指揮曰行都指揮
事凡六等監以都御史曰督理軍務凡簡練三營
曰五軍練五軍將士曰神樞司旗憲曰神機習火
器三營各練之神樞馬隊神機步隊五軍兼馬步
隊統以文武大臣曰總督京營戎政曰協理京營
戎政其屬曰副將曰參將曰遊擊將軍曰佐擊將
軍科道官巡視之若將軍營練將軍四衛營練勇
士幼官舍人營練京衛幼官及應襲舍人殫忠効
義營練報効舍餘別為營領之皆專一藝程其閑
否稽其什伍存逸駢械精頓之數教以坐作進退

疾徐疏數之節金鼓麾旗之號凡將材三歲武舉
六歲會舉歲薦舉籍而用之凡有征討命將出師
請命文武大臣曰提督曰總督曰總制懸賞罰調
兵食紀功過各移所司請凡軍有功聽御史覈移
武選陞賞有差以堡寨障邊徼以烽埃傳聲息以
冊勾驗補收塚間發冪漏除豁數冊籍以存恤優
初役以壯快簡鄉民以關津詰奸盜武庫掌戎器
符勘尺籍武學新隸之事以贊尚書凡戎器守衛
邊鎮若行准諸司行工部請給火器請內府凡
使人出邊關必驗勘合凡制勅調邊兵必比勘合
勘合皆出內府凡尺籍衛所上缺伍闕冊府縣上
軍戶文冊並下諸省按勾衛所即去府縣近不得
輒相移凡清軍司府州縣設專官或監以御史歲
集里老彙其招募塚集罪謫改調營丁籍戶之數
以跟捕紀錄開伍結除停勾嚴稽其月滿而寬其
恩復凡武學教武職勿官及子弟未闕官者籍其
功能歲終檢奏六年一會舉應文武舉者聽怠不
率教者罰黜有差凡皂隸直衙柴薪二等辨其官
品而多寡其數並雇役
刑部尚書一人左右侍郎各一人其屬司務二人

浙江江西湖廣陝西廣東山東福建河南山西四
川廣西貴州雲南十三清吏司各郎中一人員外
郎一人主事二人添設司主事一人漕運理刑主
事一人照磨所照磨一人檢校一人司獄司司獄
六人監生八十四人吏一百八十四人
尚書掌刑名徒隸勾覆關禁之政令侍郎為之貳
凡制命敷奏率其屬奉其職業以贊 天子倡百
司康兆民照磨檢校照刷文卷計錄贓贖司獄守
獄十三司各掌其分省及無領京府直隸之事以
贊尚書凡宗室勳戚官吏軍民蠻夷麗於法者詰
其詞察其情偽而蔽其罪之重輕必傳律例律凡
六百有六條例凡三百七十有六條律例所不及
者比而議請焉凡象刑之名五日笞曰杖曰徒曰
流曰死死二等流三等徒杖笞並五等死刑最重
者凌遲徒流之重者曰遷徙曰充軍凡愆惡之戮
十日謀反曰謀大逆曰謀叛曰惡逆曰不道曰大
不敬曰不孝曰不睦曰不義曰內亂凡原宥之議
八日親曰故曰功曰賢曰能曰勤曰貴曰賈凡貪
墨之賊六曰監守盜曰常人盜曰竊盜曰枉法曰
不枉法曰坐贓凡獄具七日笞曰杖曰訊曰枷曰

租日索日錄凡兩畿十三省死刑歲減平之奏上
 凡詔獄必傳律例請上裁凡應減者下就輕二死
 三流一減加者上就重重不得至死凡律例外有
 殊旨別勅詔例榜例非經議請者不得引比
 凡死刑即決及秋決並三覆奏徒戮於市凡贖罪
 有力者視罪輕重為差斬絞雜犯亦贖從末減者
 收贖凡簿錄俘囚配沒給賜官私奴婢必籍知之
 凡籍產不得及其先墳塋凡贓罰諸物本直時估
 參計之易銀歲抄類入內府凡徒杖笞者有大誥
 減一等凡獄成移大理寺讞而評焉囚服乃已否
 駁再問有照駁參駁追駁番異圖審及請制決者
 必服乃已凡訴冤者外而內皆自上下急擊登聞
 鼓凡重囚京師歲霜降會五府九卿科道慮之上
 請情真者決矜疑者戍邊有詞者調司再問比律
 者監候五歲請勅遣官出京府兩畿十三省審錄
 減釋冤濫者凡夏月錄囚免笞刑減徒流以下刑
 辯重刑凡提平月更主事一人葺囚囹圄械繫而
 時其食飲有病醫藥之凡官有過紀錄之兩京歲
 抄勅滿除紀過凡大祭祀止刑凡四方有大獄則
 受命而往成之以名例攝科條以八字括詞義以

五服參情法以墨涅識盜竊宗人不即市官人不
 節獄悼老癯殘不即訊
 工部尚書一人左右侍郎各一人易州廠侍郎一
 人其屬司務二人營繕虞衡都水屯田四清吏司
 各郎中一人員外郎一人主事二人添設郎中虞
 衡二人都水四人屯田一人員外郎營繕二人虞
 衡二人主事營繕四人都水八人監生九十七人
 所屬衙門營繕所所正一人副二人丞四人文思
 院大使一人副使四人軍器局皮作局各大使一
 人副使二人寶源局鞍轡局廣積通積通州白河
 抽分竹木局織染所雜造局各大使一人副使一
 人蘆溝橋抽分竹木局大使一人副使三人大通
 關提舉一人典史一人吏一百四十九人
 尚書掌工役農田山川澤藪河渠之政令侍郎為
 之貳凡制命敷奏率其屬奉其職業以贊天子
 倡百司康兆民營繕掌經營興造之事以贊尚書
 凡內府宮殿陵寢城壕壇場祠廟解署倉庫營房
 之役鳩力會財以時督程之王邸亦如之郡王將
 軍中尉主君與邸貲有差凡鹵簿儀仗樂器移內
 府及下諸屬各以其職治之省其堅潔而董其歲

濫凡置獄具必如律凡工匠二等曰輪班日住坐
凡工囚二等曰正工曰雜工雜工三日當正工一
日凡撮工歇工視役煩省節其財力凡會有無移
內府虞衡掌山澤採捕屬禁陶冶之事以贊尚書
凡採捕禽獸及革骨羽毛以供祭祀賓客膳羞禮
器之用水課禽十八獸十二陸課獸十八禽十二
凡軍器軍裝移內府及下諸屬歲一造或三歲一
造必堅繕諸省亦如之凡火器曰火車曰火傘曰
神鎗曰將軍四等曰銃六等曰箭三等曰砲十二
等並內府製之給邊鎮凡獵畋以時冬春之交置
罽不施川澤春夏之交毒藥不施原野苗盛禁蹂
躪穀登禁焚燎若害獸聽爲檻穽獲之賞有差凡
諸陵山麓不得入斧斤開窰冶置墓墳凡帝王聖
賢忠義名山嶽鎮陵墓祠廟有功德於民者禁其
樵牧凡山場園林之利聽民取之而薄征之凡陶
冶礬籍籍其常造乍造之數計其入慎藏之無輒
毀以煩民財力凡鑄造審其模範計其銅鐵而鎔
之金牌信符鑄之內府凡鑄錢當十當五當三折
二小錢凡五等鼓鑄於京師進於內府而頒之諸
省亦如之凡顏料徵土產不強其所無不徵其直

吾學編 卷六五下

都水掌川瀆陂池泉澗洪淺道路橋梁舟車織造
券器衡量之事以贊尚書凡水利曰轉漕曰灌田
歲儲其金石木竹卷掃以時修其閘壩礎淺堰圩
隄防謹其畜洩以備旱潦無使壞田廬墮禾稼
舟楫磴碾者不得與灌田爭利灌田者不得與轉
漕爭利凡水役以農隙急則驟理之而轉漕之役
最大歲費財力百萬計凡水要會京朝官專領之
以督有司凡鱗介萑蒲之利聽民取之而薄征之
凡道路塞其坑坎巡幸若大喪大禮治而新之凡
橋梁曰舟梁曰石梁鉅國工創修之大津不能梁
官給舟人量其大小難易而食之凡舟七等曰黃
船曰馬快船曰海運船曰鮮船曰備倭船曰戰船
曰糧船糧船之用最急費最大皆會其財用下諸
司酌其多寡久近勞逸而均劑之凡車三等曰大
車曰小車曰戰車亦如之凡織造冕服詔勅制帛
祭服淨衣諸幣布內府南京諸省供之周知其數
而慎節之凡公侯伯鐵券差其廣高公二等侯三
等伯二等凡祭器冊寶乘輿牌符雜器會則於內
府凡度量謹其較勘而頒之懸式於市屯田掌屯
農墾墾抽分薪炭夫役之事以贊尚書凡屯田腹

一一三

邊公田開田沒田給衛所耕劑其地力人力而徵
 其子粒贍官軍省餽餉凡在邊牛犁諸器官給之
 凡墳塋宗室勳戚文武官各有差堂碑碣獸亦如
 之凡抽分征諸商率三十分取十五取六取五取
 四取三取二取一凡七等凡薪炭南取洲江北取
 山麓置或徵諸民有本折色酌其多寡而樽節之
 凡夫役伐柴轉柴皆雇役周知其數而時蠲之
 都察院吳元年設御史臺從一品湯和鄧愈為左
 右御史大夫劉基章溢御史中丞又有侍御史治
 書侍御史殿中侍御史經歷都事照磨管勾監察
 御史譯事引進使洪武十年七月詔遣監察御史
 巡按州縣十三年改正二品設左右中丞是年罷
 御史臺十五年改都察院正七品設監察都御史
 八人以秀才李原明詹徽等為監察都御史又分
 設浙江江西福建北平廣西四川山東廣東河南
 陝西湖廣山西十二道監察御史正九品鑄監察
 御史印文曰繩愆糾繆十六年陞正三品設司務
 十七年陞正二品定設都御史副都御史僉都御
 史各左右一人經歷都事十二道監察御史以徽
 為左都御史建文元年罷左右都御史設都御史

一人副僉都御史各一人二年改為御史府設御
 史大夫正二品革十二道置察院一御史二十八
 人改諸御史為拾遺補缺靖難後復故其北平貴
 州交趾雲南改置如刑部若巡撫之名本始於懿
 文太子巡撫陝西取巡守撫軍之義未樂中乃以
 文臣巡撫尚書侍郎通政參議少卿寺丞皆得奉
 勅行事景泰中耿九疇以侍郎出守陝西始改憲
 職自後凡巡撫總督必以都御史尚書侍郎必兼
 都御史
 都察院左右都御史各一人左右副都御史各一
 人左右僉都御史各一人其屬經歷司經歷都事
 各一人司務二人照磨所照磨一人檢校一人十
 三道監察御史河南浙江江西山東各十人福建
 廣東廣西四川貴州各七人陝西湖廣山西各八
 人雲南十一人司獄六人在外都御史或副僉都
 御史總督陝西軍務一人總督宣大一人總督遼
 薊一人總督漕運兼巡撫江北一人總督糧儲兼
 巡撫江南一人總督南京糧儲一人提督兩廣軍
 務兼巡撫一人提督南贛汀漳軍務兼巡撫一人
 提督紫荆關巡撫保定等府一人提督鳳門三

關巡撫山西一人總理河道一人替理軍務兼巡撫陝西一人提督軍務兼巡撫浙江一人提督軍務兼巡撫福建一人甘肅一人寧夏一人延綏一人大同一人宣府一人遼東一人湖廣一人四川一人雲南一人貴州一人整飭薊州邊備巡撫順天等府一人撫治鄖陽等處一人巡撫河南一人山東一人江西一人鹽法屯田督餉採木討賊禦虜總制經畧巡視無常員監生二百五十人吏三百三十二人

左右都御史掌風紀副命都御史為之貳凡大臣奸邪小人構黨作威福亂朝政則劾凡百官猥茸貪冒則劾凡學術不正上書陳言變亂成憲希求進用或才德無聞挺身自拔則劾以憲綱督監察御史凡監察御史出巡復命其稱職不稱職聞上凡考察內外百官會於吏部選用風憲亦如之凡讞罪囚鞠大獄會於外朝若京畿道凡有冤抑與雪理凡制訊囚徒會刑部大理寺凡畿省死刑讞平之奏上凡勅差者各奉勅行事大抵內地專職拊循邊鎮軍務為重其有事暫設者事畢而罷即遣尚書侍郎必無都御史經歷都事典出入文

移叙差御史司務典叅謁受事照磨檢校典磨勘卷宗十三道監察御史有分道道無專官一人嘗兼數道河南道獨掌內外官考察之事十三道各奉其職監察內外百司糾劾官邪大班露章劾或封章奏劾凡差在內京畿道刷卷及巡視京營提學巡倉巡庫巡視光祿巡青恤軍監課在外巡按清軍刷卷巡鹽巡河巡關巡茶印馬屯田捕盜盤糧勘事征行則監軍紀功各以其事審功而糾過凡差三等黜差上二人奏差上一人劾差不請上諸差巡按為要凡朝會糾儀祭祀監禮凡政令得失軍民利病得直言凡出巡得舉劾諸司官凡罪囚巡按審錄有故出入理辨之凡獄勅下臺推按奏上常獄擬罪移評大理寺不當非訊三訊至於五六訊必允乃已凡有大政集閣廷相議焉凡犯罪加三等有賊重論

通政使司洪武三年為察言司設司今尋革十年始置通政使司正三品設通政使左右通政左右叅議經歷知事以曾秉正為通政使建文中改司為寺通政使為通政卿通政叅議為少卿寺丞增置左右補缺左右拾遺各一人靖難後復故

通政使司通政使一人左右通政各一人左右參議各一人膳黃右通政一人其屬經歷司經歷一人知事一人監生九人吏二十五人

通政使掌出納帝命通達下情關防諸司出入移狀奏報四方臣民實封及軍情聲息災異皆審署參覆而上下焉通政參議為之貳凡日常朝引奏人凡事月類奏歲抄通奏凡四方兩澤歲抄面奏凡有錯誤籍而類請之凡在京詞狀判送法司推問凡出入文移以驗正之記日照之記記之膳黃通政錄武官黃於內府覈其歸附征克陞轉衛所

皇朝官志

卷二十一

三十一

世流襲替之故以徵選事經歷知事與勘對題奏移狀

大理寺吳元年初置設卿少卿丞評事洪武元年革十四年復置翰林待制吳沉言刑究濫請增審獄官又設審刑司屬寺凡刑部十二道五軍斷事官按囚覆問移審刑司評駁是非洪武三年道磨勘司有令左右丞凡諸司刑名錢糧有冤濫隱匿者稽其功過以聞十七年改建刑部都察院大理寺審刑司五軍斷事官署於太平門外名其所曰貫城十九年罷審刑司二十三年陞寺正三品與

六部都察院通政司並二十九年復革案牘盡移後湖三十一年九月建文君復置改寺為司卿為大理卿左右寺正為都評事寺副副都評事司務都典簿靖難後盡革建文官制惟大理復為寺存焉

大理寺卿一人左右少卿各一人左右寺丞各一人其屬司務二人左右二寺各寺正一人寺副一人評事四人監生三十二人吏三十五人

卿掌審獄凡反刑獄之政令少卿寺丞為之貳凡刑部十三道推問刑名按律例慮而復問其狀款服則決之否則駁訊必服乃決每歲會九卿朝審

皇朝官志

卷二十一

三十一

重囚凡錄囚徒會刑部都察院司務典出納文移左右寺分理京畿十三省刑名之事凡刑部十三道問理刑名據其由狀訊其人合律例若囚服准擬否駁再擬改正日照駁三擬不當糾問官曰參駁悟律冤甚者移調問曰審異再異則請下九卿會問曰圖審凡已評允而尤未當者移再問曰追駁凡屢駁不改者徑請發落曰制決凡各省三司直隸死刑並讞已乃聽決按察司巡按巡撫惟死刑呈部院轉讞凡管杖罪移審徒流以上奏審凡

律例無正條上下比請曰類奏平反刑獄狀南京有重囚平審而類奏亦如之

太常寺吳元年置稱司正三品洪武二年置神牲所設康儀令大使副使四年革神牲所十二年置神樂觀二十四年設各祠祭署奉祠祠丞三十年改司為寺建文中改卿為太常卿少卿寺丞分左右天壇祠祭署為南郊祠祭署泗州祠祭署為泗濱祠祭署宿州祠祭署為新豐祠祭署孝陵置鍾山祠祭署及司圃所增神樂觀知觀一人靖難後改鍾山祠祭署為孝陵祠祭署南郊祠祭署為郊壇祠祭署已又改為天地壇祠祭署餘如故嘉靖中釐祀典改天地壇祠祭署為天壇別為地壇各設祠祭署又改山川壇籍田祠祭署為神祇壇祠祭署大祀殿奉祀為祈穀殿祠祭署又增朝日夕月二壇祠祭署

太常寺卿一人少卿二人提督四夷館少卿一人其屬典簿二人博士二人神樂觀提點一人知觀二人協律郎二人贊禮郎九人司樂二十八人天壇祠祭署奉祀一人祀丞二人地壇祠祭署奉祀一人祀丞一人朝日壇祠祭署奉祀一人祀丞一人

夕月壇祠祭署奉祀一人祀丞一人祈穀殿祠祭署奉祀一人祀丞一人祖陵皇陵孝陵長陵獻陵景陵裕陵茂陵太陵康陵十一祠祭署各奉祀一人祀丞一人楊王徐王墳各有奉祀犧牲所吏目一人吏十一人

卿掌祭祀禮樂之事總其官屬籍其政令以聽禮部少卿寺丞為之貳凡天神地祇人鬼歲祭有常先歲孟冬進明年祭日 上御奉天殿受之頒諸司凡上祭贊相禮儀大臣攝事亦如之若祭先期請省牲大祀 上先省大臣繼省之進版銅人上

殿奏齋戒齋戒大祀三日中二日小一日示諸司凡薦新品物移光祿寺凡國有冊封冠婚皆繕出師歲時旱澇大災難請告 郊廟社稷凡親王之國若朝還謁辭於寢廟凡祭滌器爨理香燭玉帛整拂神幄必恭潔凡玉三等曰蒼玉曰黃琮曰玉制帛五等曰郊祀曰奉先曰展親曰禮神曰報功凡牲四等曰犢曰牛曰太牢曰少牢凡樂四等曰九奏曰八奏曰七奏曰六奏凡舞二曰文舞曰武舞凡樂器不徒凡陵園之祭無樂凡祭堂祭掌燎者燎讀祝奏禮對引司香進俎舉麾陳設收支導

引設位曲儀通贊奉帛執爵司尊司盥洗卿貳屬各共其事凡宴會率其屬奏樂提督四夷館少卿掌譯書之事以聽於翰林院凡八館曰鞮鞞女直西番西天回回百夷高昌緬甸以國子生充譯字無官民子弟時校其業裁幸進焉典簿典勾校金穀祭視禮數省署文移博士講習禮文請上填名祝板大禮導贊其儀神樂觀提點知樂領樂生舞生而時教肄之進退其考贊禮即設君臣之位以奉祭祀之禮拜跪之節皆贊導焉而承傳之協律郎司樂考協雅樂凡舞人音聲人籍數其名數而

不詳

不詳

不詳

審肄之凡淫聲過聲凶聲慢聲舞失節者皆禁糾之凡上至祀所夜嘗晨嚴凡祭先期演樂太和殿凡大祀樂生七十二人舞生一百三十二人凡壇署典守壇場殿宇厨庫林木時灑掃之以共其祀事陵署亦如之牲犧所凡三祀牲牢咸有數養而條之籍田以穀納於神倉供五齊三酒之用稷黍飼牲

光祿寺吳元年置宣徽院尚食尚禮二局設院使同知院判典簿統二局明年改光祿寺正四品移太常司供需庫肆之洪武四年置法酒庫設內酒

房大使副使八年改寺為司陞從三品置大官珍羞良醢掌醢署署設令丞監事又設宰牧所局庫俱革三十年復為寺改署令為署正又設司牲局改宰牧所為司牧局建文中改卿為光祿卿少卿寺丞分左右陞少卿從四品省署丞二人增監事二人靖難後復故

光祿寺卿一人少卿二人寺丞二人其屬典簿二人錄事一人大官珍羞良醢掌醢四署各署正一人署丞四人監事四人司牲局大使一人司牧局大使一人吏二十五人

不詳

不詳

不詳

卿掌祭享宴勞酒醴膳羞之事辨其名數會其出入量其豐約以聽於禮部少卿寺丞為之貳凡祭祀請省牲進飲福酒胙凡薦新移太常寺凡喪塋供其祭物凡牲果菜雜物取之上林苑不給市諸民視時估十加一凡市直季支天財庫錢鈔凡貢獻果鮮厨料省受之凡器皿移工部及募工兼作之歲省其成敗凡筵宴酒飯番夷貢使降人茶飯物料下程差其等而供之凡厨役久得為王典膳移吏部凡傳奉宣索籍記覆奏之監以科道官各一人察其出入而糾禁其奸弊大官供祭祀官膳

節筵給夷濟貧之事珍羞供官膳茶飯之事良醑
供獻殿膳官均給內外官人夷匠之事掌醢供祭
祀茶飯齋禱之事司牲養牲視其肥瘠而蠲滌之
司牧亦如之

太僕寺從三品即北平行太僕寺也末樂元年改
為北京行太僕寺六年又設北京苑馬寺領六監
二十四苑十六年革馬歸北京行太僕寺牧民間
凡領府衛州縣三百六十八年改太僕寺洪熙元
年復稱北京行太僕寺正統六年定為太僕寺南
京太僕寺國初之群牧所也洪武六年移滁州建

文中改卿為太僕卿增典廐典牧二署設驛驛十
五群遂生三群分隸二署靖難後復故

太僕寺卿一人少卿三人寺丞八人其屬主簿一
人常盈庫大使一人吏二十二人

卿掌牧馬之政令而聽於兵部少卿寺丞為之貳
少卿一人佐寺事一人督營馬一人督畿馬寺丞
分理京衛畿府及山東河南六郡率牧奇牧三年
更凡牧人皆視其丁產而授馬焉蠲其役賦之則
更凡率牧軍民皆有種馬馬有牝牡十二牝十
八牝牡五歲徵馬一日備用馬齊其馬力以給京

邊將士將士足寄牧於畿府土非所宜及人民耗
散或征馬金輸兵部市馬凡馬肥瘠登耗籍其毛
齒而時省之三歲借御史一人印烙選其良健而
汰其羸劣凡草場歲徵其租金災稜出佐牧入市
馬凡租金恩蠲或災蠲馬及馬金災蠲不得恩蠲
即蠲必轉移相抵不得虧軍賦主簿勾省文移常
盈庫貯馬金

詹事府洪武初置大本堂取古今圖書克其中召
四方名儒教太子居文華堂諸儒親王專經面授
分番夜直已而太子居文華堂諸儒臣迭班侍從

又選才俊之士入充伴讀時時賜宴賦詩商確今
古評論文學當是時東宮官有同知詹事院事副
詹事左右詹事詹事丞左右率更令率府使副使
同知左右率府事諭德贊善文學中舍正字侍正
洗馬庶子皆勳舊大臣兼之不別設府僚已又改
贊善為贊善大夫設贊讀洪武十年置通事司設
司令司丞十四年設左右司直即左右清紀郎十
五年置左右春坊各設大學士又置司經局設洗
馬校書正字二十二年以官照無統始置詹事院
一十五年改院為府正三品左右春坊正五品司

經局從五品皆列著府中而事皆總於詹事府洪武時春坊翰林院日二人進講尚書春秋資治通鑑大學衍義貞觀政要諸書纂述始終直陳大義輯成篇章呈上覽已乃赴文華殿講說三師三少詹事府鴻臚寺官各一人給事中一人侍講畢同辭而出召問則諸侍官同入有猶進及留身者給事中鴻臚寺司直清紀郎劾奏洪武二十六年選秀才張宗濬等隨詹事春坊官分直文華殿侍講畢進說民間利害田里稼穡古今孝弟忠信文學材藝故事命廷臣舉孝義篤行之士為東宮官屬

上南不字卷一 六卷 三二八

遂以鄭濟王勳為左右庶子建文中增少卿寺丞各一人賓客二人又置資德院設資德一人資善二人其屬贊讀贊書著作郎各二人掌籍典簿各一人靖難後復故 仁宗在東宮待官臣有恩禮燕勞慰問如家人父子然宮臣亦為宗藩所讒時時得罪繫獄或至死 英宗初大臣上講讀儀大抵尊君卑臣非復 祖宗之舊矣

太子太師太子太傅太子太保從一品太子少師太子少傅太子少保正二品太子賓客正三品皆東宮大臣而列於詹事府無定員無專授為勳

戚文武大臣兼官加官贈官或曰東宮公孤初蒞詹事府洪武元年李善長徐達兼太子少師太子少傅治書侍御史文原吉范顯祖皆兼太子賓客二十五年立 皇太孫始以宋國公勝穎國公友德兼太子太師曹國公景隆涼國公王太子太傅開國公昇全寧侯裕太子太保詹徽為太子少傅兼吏部尚書茹瑺太子少保兵部尚書

太子太師太子太傅太子太保以道德輔教太子而謹護翼之太子少師太子少傅太子少保奉太子以觀三公之道德而教諭焉太子賓客侍太子

皇朝官制述 六卷 三九

規誨贊相禮儀而先後之

詹事府詹事一人少詹事二人府丞二人其屬主簿一人錄事一人通事舍人二人吏四人左春坊大學士一人左庶子一人左諭德一人左中允一人左贊善一人左司直郎一人左清紀郎一人左司諫一人吏一人右春坊亦如之司經局洗馬一人校書二人正字二人吏一人

詹事以輔導東宮為職少詹事寺丞為之貳凡侍東宮講讀暨坊局翰林院番直凡講讀畢 上所處分府部軍政要務及撫諭四夷恩義率其僚佐

暨坊局陳說於東官府院官得互兼凡試士修書皆與焉坊局亦如之主簿典勾會文移檢稽脫失錄事佐之通事舍人典東朝參謁辭見之禮及承令勞問之事

左右春坊大學士典東宮上奏請及下啓箋講讀之事審慎而監省之庶于諭德中允贊善各奉其職而從焉凡東宮監國撫軍出狩及朝會出入覆啓畫諾審署移詹事凡諸祥旨若伶僕改變新聲導途非禮者必陳古義申典制糾正而請遠斥之凡內外庶政可爲規諷者隨事贊論焉司直郎掌

皇明官定

不表

四十一

彈劾官寮糾舉職事清紀郎參佐之司諫掌箴誨鑒誠之事以拾遺而補過焉洗馬掌經史子集制典圖書刊緝之事立正本副本貯本以備進覽凡天下圖冊上東宮者皆受而藏之校書正字掌繕寫裝潢經史子集制典圖書詮其訛謬調其音切以佐洗馬

國子監國初爲國子學正四品設博士助教學正學錄典樂典書典膳乙巳秋以許存仁爲博士吳元年添設祭酒司業典簿改典膳爲掌饌陞存仁爲祭酒劉承直司業蘇伯衡學正洪武六年增廣

國子生論禮部祭酒乏人其詢天下名士通今博古才德堪爲人師者以名聞八年又置中都國子學十五年始改國子學爲國子監從四品十六年朱訥代吳顯爲祭酒命曹國公文忠領國子監事車駕時時臨視以故監官不得中廳而坐中門而行二十六年革中都國子學建文中陞監丞爲堂上官增司業二人省博士學正學錄增助教十七人靖難後復故

皇明官定

不表

四十二

國子監祭酒一人司業一人其屬監丞一人博士五人助教十五人學正十人學錄七人典簿一人典籍一人掌饌一人吏四人

祭酒掌國學舉人貢生官生恩生功生例生夷生幼勲臣訓教之事司業爲之貳凡訓教諸臣奉監規而損益焉要在明體適用以孝弟忠信禮義廉耻爲本隆師親友讀書寫字爲業有不率者扑之不悛徙滴之其率教者有升堂積分及格叙用法凡課業做書季呈翰林院文冊歲奏上凡歲仲春秋上下遣大臣祀先師則總其禮儀上謁先師幸太學及司業執經講義凡授經以易書詩春秋禮記人占一經大學中庸論語孟子兼習之以

廩饌贍師生以力役給厨膳以賜予示恩賚以寧假悉人情以撥歷練吏事以考選汰冗濫監丞坐繩愆廳叅領監事凡師生怠教不率教及廩膳不潔並糾懲之而堅明其約束師生有過書而識之博士坐博士廳五人分經訓教助教學正學錄坐止義崇志廣業修道誠心率性堂專職教誨嚴程課講解經義文字導約之規矩典簿典出納文移受支金錢季報課業典籍收掌經史子集及制書掌饌飲食師生

順天府即北平府洪武二年置北平行省於北平

府已而改行省為布政司北平為會府靖難初改

為順天府永樂十年陞正三品如應天府應天府本設知府洪武四年改知府蘭以權為府尹

順天府府尹一人府丞一人治中一人通判六人推官一人其屬經歷司經歷一人知事一人照磨

所照磨一人檢校一人庫大使一人所屬衙門宛平大興二縣各知縣一人縣丞二人主簿二人典

史一人府學教授一人訓導六人陰陽學正術一人醫學正科一人司獄司司獄一人都稅司大副

使各一人宣課司四各大使一人或大副使一人

稅司二各大使一人分司二各副使一人巡檢司四各巡檢一人大興縣通運所大使一人批驗茶引所大使一人鐵冶所大使一人開官三人倉草場大副使五十人吏三百四十八人

府尹掌京府事宣化和人勸農問俗均貢賦節征繇謹祭祀閱戶口糾豪強恤窮困錄罪囚務知百姓之疾苦府丞治中通判推官為之貳歲撥實徵

十歲造黃冊冊有民數田數凡賦役皆按冊丁產為多寡煩簡之差歲貢學生一人三歲合試諸曹

六館圻府諸生而貢士焉月朔奏老人坊廂聽宣諭歲立春迎春進春耕藉田奉青箱隨播種於後

歲春冬行鄉飲酒禮三月一上勲戚家人引帳國有市易平其價召商而時給之凡學校軍匠積貯

牧馬薪炭河渠隄余僧道醫藥之事率其條而分理焉經歷典出入文移知事佐之照磨磨勘卷宗

檢校佐之鴻臚寺國初為侍儀司從六品洪武九年改為殿

廷儀禮司設使副承奉鳴贊序班十三年革承奉增司儀十九年更使為司正副為左右司副三十

年始改鴻臚寺正四品外夷通事亦隸焉建文中

改卿為鴻臚卿分少卿寺丞左右靖難後復故
鴻臚寺卿一人左右少卿各一人左右寺丞各一
人其屬主簿一人司賓司儀署各署丞一人鳴贊
八人序班五十四人吏八人
卿掌朝會賓客吉凶禮儀之事少卿寺丞為之貳
凡日朝朔望朝大朝會宴享經筵進曆進春冊封
祭祀傳制奏捷百官四夷見謝辭率其屬而供事
焉主簿典出納文移司賓典四夷朝貢首渠領從
辨其等而教其拜跪之節司儀典陳設引奏禮儀
皆元之鳴贊贊禮凡內殿通贊對贊接贊傳贊
各供其事序班侍班齊班糾儀引人舉案及傳贊

皇明百官志

子履準校正

皇明百官志下卷

吾學編第六六

海鹽鄭曉

翰林院吳元年五月置翰林國史院正三品設學
士承旨學士侍講學士侍讀學士直學士典簿待
制修撰應奉編修典籍檢閱尋改翰林院洪武十
四年改正五品革承旨直學士待制應奉檢閱
簿設孔目五經博士侍書待詔檢討是年十二月
令翰林編修檢討典籍春坊司直郎正字贊讀考
駁諸司奏啓平允則列名封上署曰翰林院無平
駁諸司文章其官其十八年定設學士侍讀學士
侍講學士為正官孔目首領官侍讀侍講五經博
士典籍侍書待詔屬官修撰編修檢討史官又有
秘書監弘文館及起居注等官未幾皆革建文中
增學士承旨一人學士一人文學博士二人省侍
講侍讀學士置文翰文史二館文翰館設侍書文
史館設修撰編修檢討而改方孝孺為文學博士
又改謹身殿為正心殿設學士一人罷華蓋文華
武英三殿文淵東閣大學士各設學士一人待詔
無定員文淵閣設典籍二人靖難後復故庶吉士
者初稱中書六科庶吉士十八年又有翰林院承

勅監庶吉士末樂二年始定為翰林庶吉士選進士教養之無定員試而指者二甲為編修三甲檢討不得留者為給事中御史主事或出為州縣官翰林院學士一人侍讀學士二人侍講學士二人其屬官侍讀二人侍講二人五經博士五人典籍二人侍書二人侍詔六人孔目一人史官修撰二人編修四人檢討四人吏一人

學士掌詞翰禮文草詔勅備顧問詳正圖書考議制度凡經筵日講修書之事皆承受而統領焉講讀職專講讀經史五經博士專經講義以佐學士講讀典籍勾輯圖書以時什襲而藏之侍書以字書侍上待詔應對孔目典文移出入史官掌修國史凡天文地理宗潢禮樂兵刑諸大政上所下詔勅書檄批答王言皆謹籍而記之以備實錄凡學士講讀史官為上所簡注皆得入內閣預機務京府鄉試文考試官禮部會試文考試同考試官詹事府坊局亦如之

尚寶司國初符璽郎也正七品後置尚寶司正三品洪武元年改正五品

尚寶司卿一人少卿一人司丞三人恩蔭寄祿無

常員監生六人

卿職在禁廷守寶璽符牌印章而辨其所用有事請於內既事奉而藏之少卿司丞為之貳凡寶十四曰奉天之寶以鎮萬國祀天地曰 皇帝之寶以冊封賜勞曰 皇帝信寶以徵召軍旅曰 天子之寶以祭享鬼神曰 天子行寶以封賜夷蠻曰 天子信寶以調發蓋兵曰制誥之寶以識誥命曰勅命之寶以識勅命曰廣運之寶以識黃選勅籍曰御前之寶以進御座從車駕曰 皇帝尊親之寶以答賜宗人曰敬天勤民之寶以訓迪有司凡用寶據寶從寶洗審與印綬監俱凡屬守侍衛令牌之號六曰申曰木曰火曰土曰金曰水以警夜巡金牌之號五曰仁曰義曰禮曰智曰信以嚴守衛凡半字銅符之號四曰承曰東曰西曰北巡者左半守者右半合契而從事焉凡銅牌之號一曰勇以稽 卒凡牙牌之號五曰勳曰親曰文曰武曰樂以察朝參凡祭牌之號二曰嚴以肅直衛執以謹祀事凡雙魚銅牌之號二曰嚴以肅直衛曰善以潔祀壇凡符驗之號五曰馬曰水曰達曰通曰信以給傳郵通制命

六科甲辰統設給事中正五品洪武四年改正七品六年始分爲六科各設給事中凡八十一人從七品十年隸承勅監十二年改隸通政司十三年置諫院左右司諫各一人左右正言各二人十五年以兵部尚書唐鐸爲諫議大夫二十二年改給事中魏敏卓敬等八十一人爲士源先是上以給事中數符元士改爲元士至是曰六科政事本源又改爲士源未幾復爲給事中二十四年科增都給事中一人正八品左右給事中從八品改給事中正九品尋又改都給事中正七品左右給事

凡大事廷議大臣廷推大獄廷鞠掌科預焉凡旨下東科類吏科西科類兵科日早朝進揭帖凡諸司題奏日附科籍五日一銷註覈稽緩朝參門籍六科流掌焉內官傳旨下補奏得旨而後施行之中書舍人本屬中書省洪武七年置直省舍人從八品九年改中書舍人正七品十年隸承勅監監省革改從七品建文中改侍書入文翰館靖難後復故

中給事中並從七品建文中華左右給事中靖難後復故景太三年令都左右給事中坐衙御史上吏戶禮兵刑工科各都給事中一人左右給事中各一人給事中吏科四人戶科八人禮科六人兵科十人刑科八人工科四人監生六科四十八人六科掌侍從規諫補缺拾遺分察六部之事而糾其弊誤凡臣民題奏下讀而署之駁正其違失凡制勅宣行大事覆奏小事署而頒之有失執奏封還凡百司官非其人政失其理露章班劾或封章奏劾凡日朝六科輪一人侍殿廷左右執筆記旨

中書舍人無正貳印屬資深者掌書誥勅冊符鐵券凡草請翰林院寶請諸內府左券寶籍歸諸古今通集庫凡誥勅勘合籍以急就章爲號凡誥勅之號四曰仁曰十二支曰文行忠信曰千字文字以千號爲滿滿則續

太醫院院使一人院判二人其屬吏目一人御醫十八人所屬衙門惠民藥局大使一人副使一人生藥庫大使一人副使一人吏九人

太醫院使掌醫療之法院判為之貳凡醫術十三科醫官醫士醫生專科習業曰大方脉曰小方脉曰婦人曰瘡瘍曰鍼灸曰眼曰口齒曰接骨曰傷寒曰咽喉曰金鏃曰按摩曰祝由凡聖濟殿番直

擇術業精通者供事凡烹調御藥同內官監視合二服為一候熟均二器其一堂屬官總嘗之內官又嘗之其一進御凡醫家子弟擇師而教之三年

試之或五年試之再試三試之而黜陟之凡藥材辨其土所宜擇其良者而進焉按摩以消息導引之法除人八疾祝由以呪禁拔除邪魅之為厲者

二科今無傳
欽天監正五品初名太史監設太史令通判僉判校事郎五官正劉基為太史令無太子率更令後改為院設院使同知院判五官正典簿而賜司時

序郎紀候郎基又為院使洪武元年改為司天監設監令少監監丞主簿主事五官正副監候司晨漏刻博士又置回回司天監設監令少監監丞三

年始改欽天監四年改監令為政儀大夫少監分朔大夫五官正司玄大夫監丞靈臺郎五官保章正平秩郎五官靈臺郎司正郎挈壺正挈壺郎諸散官十四年再定品員散官給授如文官二十二

年改監令監丞為監正監副三十一年革回回監回回曆法隸焉

欽天監監正一人監副二人其屬主簿一人春夏中秋冬官正各一人五官靈臺郎四人五官保章正二人五官挈壺正一人五官監候二人五官司曆二人五官司辰二人漏刻博士二人吏四人

監正掌察天文定曆數監副為之貳凡日月星辰風雲氣色之變異率其屬而占候焉家疏上凡玄象圖書非其職不得預凡習業者分為四科曰天文曰漏刻曰回回曰曆自五官正下至天文生陰

陽人各專科隸焉凡觀象登臺臺四面而四人凡歲大統曆御覽月令曆七政輝度曆六壬遁甲曆並先期奏行下凡曆註上曆三十事民曆三十二事壬遁曆六十七事凡歲祭日先一歲會進奏上凡營建師旅冠婚陵寢選地擇日凡立春先期候氣於東郊凡大朝賀設定時鼓於文樓報時雞唱

擊鼓各供其事凡日月交會先期筭其分抄時刻起復方位上開下禮部移內外諸司救之按占書條奏倉不及一分回回曆雖一分以上奏而不赦凡四季天象占驗皆御覽天象錄以時奏上凡疇人世業立師而教之乏人移禮部訪取試用之五官正專理曆法造曆司曆監候佐之靈臺郎辨日月星辰之躔次分野以占候天文之變凡瑞星妖星瑞氣妖氣考諸雜占保章正專志天文之變辨其吉凶之占挈壺正知漏刻孔壺為漏浮箭為刻以考中星昏明之候漏刻博士凡定時以漏更時以牌報更以鼓警晨昏以鍾鼓司佐之

行人司洪武十九年置正九品設行人左右行人尋改行人為司正左右行人司副更設行人三百四十五人二十七年改正七品定行人員三十六人建文中并行人司於鴻臚寺靖難後復故

行人司司正一人司副二人行人三十六人監生四人吏一人
司正司副行人職專奉使之事凡頒行詔赦冊封宗藩撫諭蕃夷徵聘才賢及賞賜慰問賑濟軍旅祭祀叙差焉凡法司謫戍囚徒送五府者填精微

繳內府

上林苑監洪武二十五年議開上林苑比園上上曰妨民業不可遂止末樂五年始設今上林苑監正五品其屬良牧蕃育嘉蔬林衡川衡水鑑典察左右前後凡十署各設典署丞錄事洪熙元年以蕃育兼良牧川衡嘉蔬兼水鑑林衡典察四署皆并蕃育嘉蔬宣德十年定蕃育嘉蔬良牧林衡四署

上林苑監左右監正各一人左右監副各一人左右監丞各一人其屬典簿一人良牧蕃育林衡嘉蔬四署各典署一人署丞一人錄事二人吏六人監正掌苑園池牧畜種樹之事副丞為之貳凡禽獸草木蔬果率其屬督其養戶裁戶以時經理其養地栽地而畜植之以供祭祀賓客官府之膳羞凡苑地東至白河西至西山南至武清北至居庸關西南至渾河並禁圍獵典簿勾校文移良牧牧牛羊豕蕃育育鴛鴨雞皆籍其牝牡之數而課孽卵焉林衡典果實花木嘉蔬典蒔藝瓜菜皆計其畦町樹植之數而以時苞進焉

中東西南北城兵馬指揮司國初設兵馬指揮司

都指揮副都指揮知事尋改兵馬指揮司指揮使
副指揮知事城門設兵馬洪武十年改為指揮副
指揮革知事二十三年定為兵馬指揮司正六品
建文中改為五城兵馬司指揮副指揮為兵馬副
兵馬靖難後復故

兵馬指揮司各指揮一人副指揮五人其屬吏目
一人吏六人

指揮掌巡捕盜賊街道溝渠囚犯火禁之事副指
揮為之貳吏目受事癸辰

京衛武學洪武二十年禮部請立武學開武舉不
許曰是岐文武為二道也建文四年始置京衛武

學教授一人格忠等十齋各訓導二人靖難後革

正統中復設教授一人訓導六人掌教京衛幼官
及應襲舍人以待科舉武舉會舉而聽於兵部

南京百官守備參贊機務為要重守備以公侯伯
兼領南京中軍都督府事協同守備以侯伯都督

得領五府事孝陵奉祀禮或守備或協同守備大
抵威嚴動舊也參贊機務以南京兵部尚書治所

在中府 成祖初改北平為北京往來巡守 仁
宗時為皇太子監國南京 宣宗為皇太孫撫軍

從行 成祖出塞監國於北來樂二十二年秋
皇太子即位命襄城伯李隆鎮守南京駙馬都尉
沐昕同鎮守洪熙元年又以內臣守備南京是年
南京地三月九震特遣太子往南京以祭告皇陵
孝陵為名實有監國之命四月發北京六月還京
師即帝位宣德五年改鎮守為守備命大宋駙馬
西寧侯瑄守備南京景泰元年又以都督僉事趙
倫協同守備瑄後豐城侯賢寧遠伯禮平江侯豫
魏國公承宗成國公儀魏國公備成國公輔魏國
公鵬舉撫寧侯麒麟鎮遠侯寬和繼守備不必魏國
公也宣德十年 英宗即位命少保南京戶部尚
書黃福參贊機務參贊機務自福始黃公後南京
兵部左侍郎徐琦參贊機務歷十年而陞尚書理
部事靖遠伯王驥兼南京兵部尚書樞總督機務
代琦成化十一年南京吏部尚書崔恭十三年南
京右都御史王恕相繼參贊機務不必兵部尚書
也十五年南京兵部尚書薛遠代恕參贊機務之
必兵部尚書也自遠始也嘉靖初王守仁以新建
伯兼南京兵部尚書參贊機務不得稱總督如靖
遠伯

南京參贊機務守備文武大臣掌皇城京城畿甸
臣守之事以時行視陵廟凡大小教場練將士新
江口肄水軍神機營習火器以時督察之官軍騎
數歲一報地圖文冊三歲一報諸江關浦口歲再
遣人行視之軍器歲製貢舟均其差遣而嚴輯之
武學課業旗役併鎗程督而監視焉盜賊歲吏官
行緝屯田請專官巡視凡便宜事會九卿五府議
請上又有操江都御史一人巡江御史二人專職
江防

南京宗人府經歷司經歷一人

吏部尚書一人侍郎一人郎中四人主事四人司
務一人

戶部尚書一人侍郎一人郎中十三人員外郎十
人主事十七人司務一人照磨一人

禮部尚書一人侍郎一人郎中四人主事二人司
務一人

兵部尚書一人侍郎一人郎中四人員外郎二人
主事五人司務一人

刑部尚書一人侍郎一人郎中十三人員外郎九
人主事十四人司務一人照磨一人司獄二人

工部尚書一人侍郎一人郎中四人員外郎二人
主事八人司務一人

都察院右都御史一人右副都御史一人右僉都
御史一人監察御史三十二人經歷一人都事一
人司務一人照磨一人司獄二人

通政司右通政一人右叅議一人經歷一人
大理寺卿一人右寺丞一人左右寺正各一人左
右評事各三人司務一人

太常寺卿一人少卿一人典簿一人博士一人協
律郎二人贊禮郎七人司樂二人奉祀三人祀丞
三人

光祿寺卿一人少卿一人典簿一人署正四人署
丞四人

太僕寺卿一人少卿二人寺丞二人主簿一人寺
在滁州

詹事府主簿一人
國子監祭酒一人司業一人監丞一人典簿一人
博士三人助教六人學正五人學錄二人典籍一
人掌饌一人

應天府府尹一人府丞一人治中一人通判二人

推官一人

鴻臚寺卿一人主簿一人署丞二人鳴贊二人序

班九人

翰林院學士或侍講讀一人孔目一人

尚寶司卿一人

六科給事中六人管冊戶科給事中一人

太醫院院判一人吏目一人

欽天監監正一人主簿一人

行人司司副一人

五城兵馬司指揮五人副指揮八人吏目五人

承宣布政使司

國初為行中書省或分中書省六

部尚書往往出為叅知政事叅政入為尚書洪武

九年八月詔改浙江江西福建北平廣西四川山

東廣東河南陝西湖廣山西諸省為承宣布政使

司正二品十三年改正三品十五年置雲南布政

司二十二年改從二品建文中革左右布政使設

布政使一人堂上官各陞品一級靖難後復故未

樂五年置交趾布政司十一年置貴州布政司宣

德三年罷交趾布政司

承宣布政使司左右布政使各一人左右叅政各

一人左右叅議各一人叅政叅議因事添設無定

員其屬經歷司經歷一人都事一人照磨所照磨

一人檢校一人理問所理問一人副理問一人提

控案牘一人庫局各大使一人副使一人陝西四

川有茶馬司大使一人副使一人吏

布政使掌一省之政叅政叅議為之貳朝廷有德

澤禁令承而播之以先有司三年率府州縣掌印

及首領官朝覲於京師陳其屬吏之減否而聽去

留焉十年造戶版以登民數田數歲貢學生府州

縣衛有差三歲鄉試貢士宗室官軍師生以時班

其禱俸廩糧祀典神祇謹其時祀水旱疾疫災傷

請免田租賑貧乏孝弟行義貞烈請表揚之錄寡

孤獨有養凡供邦國之用曰貢曰賦貢有二曰常

貢曰暫貢賦有二曰本色曰折色凡役二曰力役

曰雇役皆視其土地豐瘠人民多寡而會計之下

府州縣必均乃已凡出納錢穀必平凡制用必節

凡僚屬文武官歲察其臧否而上下其考以報於

撫按以達於吏部兵部都察院凡諸政務議定而

請於撫按有總督提督亦如之曰清軍曰分守曰

督糧曰邊備曰撫民各專事焉官不備則兼領之

凡萬壽聖節一人朝賀於京師大婚大喪立東
宮亦如之 天子即位則左布政使來見經歷典
出納文移都事佐之照磨典磨勘卷宗檢校佐之
理問典刑名凡因出入謹籍其數以聽於司凡囚
必審輕重別其寢處病與飯必報司療而伺之獄
之曲直疑允上官下理問則得辨而請焉日嚴扁
鑰察械繫副理問提控案牘佐之庫大副使典守
庫藏局大副使典管繕茶馬司典茶馬交易之事
提刑按察司甲辰年十一月初置於湖廣道正三
品設提刑按察使僉提刑按察司事丙午令僉事
周洎等定議按察事宜條具憲綱洪武元年浙江
江西湖廣三提刑按察使李祥潘黼滕毅充議律
官上 大明令十年改正四品十三年罷各道按
察司明年復遂定各道按察分司以儒士王存忠
等五百三十一人為試僉事人按二縣論之日治
吏之弊莫甚於貪墨而庸鄙者以之今天下府州
縣官於斯二者往往有之是以弊政日滋民受其
害故命爾等按治其地凡官吏賢否軍民利病皆
得廉問糾舉二十年改按察分司為四十一道二
十二年復正三品三十年始置雲南按察司建文

中改按察司為十三道肅政按察司靖難後後故
未樂五年置交趾按察司後罷
提刑按察司按察使一人副使二人因事添設無
定員僉事亦如之其屬經歷司經歷一人知事一
人照磨所照磨一人檢校一人司獄司司獄一人
吏

按察使掌一省刑名按劾之事糾察官邪擒治貪
酷禁詰強暴平讞刑獄雪理冤枉以振揚風紀副
使僉事為之貳凡僚屬文武官歲察臧否而上下
其考以告撫按以達於吏兵部都察院凡省大事
暨都布二司參議焉凡朝覲慶賀節祭之禮視布
政司副使僉事分巡提學兵備撫民巡海清軍屯
田水利治河驛傳各專事焉官不備則兼領之凡
分巡浙江二道浙東浙西江西五道南昌湖東湖
西九江嶺北福建四道福建寧武平漳南湖廣
五道武昌湖南湖北荆南荆西河南四道大梁河
北河南汝南山東三道濟南東兗海石山西四道
鞏寧鞏南鞏北河東陝西六道關內河西關南隴
右西寧關西四川四道川東川西川南川北廣東
五道嶺南嶺東嶺西海南海北廣西四道桂林蒼

梧左江右江雲南四道普安臨沅余滄洱海貴州
 四道皆歸新鎮安平思仁經歷典出納文移知事
 佐之照磨並磨勘卷宗檢校佐之司獄守獄
 都轉運鹽使司內午年初置於兩淮吳元年置於
 兩浙洪武二年置於河東陝西河間長蘆福建五
 年置四川納谿白渡二鹽馬司及四川茶鹽都轉
 運司又明年革茶鹽都轉運司十三年定都轉運
 司正四品後改從三品鹽課提舉司亦始國初已
 漸增設建文中改廣東鹽課司為都轉運鹽使司
 又有煎鹽提舉司革儒學惟河東有之制如府
 都轉鹽運使司都轉運使一人同知一人副使一
 人判官無定員其屬經歷司經歷一人知事一人
 庫大使一人副使一人所屬衙門鹽課司批驗所
 鹽倉各大使一人副使一人吏
 都轉運使掌鹺事以聽於戶部同知副使判官為
 之貳凡常股存積之鹽以時征而貯之以待商人
 種支以供邊儲京帑之用凡分司鹽課司鹽倉批
 驗所各以僚屬分任其事而都轉運使總領之糾
 禁私煎私買竊窩諸奸弊謹受巡鹽御史之
 政令而申勸焉經歷典出納文移知事佐之

鹽課提舉司提舉一人同提舉一人副提舉無定
 員其屬吏目一人庫大使一人副使一人所屬衙
 門鹽課司批驗所鹽倉各大使一人副使一人吏
 提舉掌鹽課之事以聽於戶部其職如都轉運使
 僚屬亦如之
 行太僕寺洪武三十年置於山西北平陝西遼東
 行太僕寺卿一人少卿一人寺丞無定員其屬主
 簿一人吏
 卿掌馬牧之事而聽於兵部少卿寺丞為之貳凡
 邊衛營堡府州縣軍民壯騎操馬印烙課校塗牧
 以時督察之凡馬種牡十二牝十八馬金地畝十
 七椿朋十三凡馬瘠耗罰俸罰馬降級出革懲董
 之藩臬不得預馬事考馬官苑馬寺亦如之主簿
 典守籍牒
 苑馬寺未樂四年置於陝西甘肅六年又置於北
 平十六年并入行太僕寺遼東亦有苑馬寺
 苑馬寺卿一人少卿一人寺丞無定員其屬主簿
 一人各監牧監正一人監副一人錄事一人圍長
 一人吏
 卿掌馬牧之事而聽於兵部少卿寺丞為之貳凡

馬種上苑萬匹中苑七千下苑四千不及則銀市
茶易焉凡牧地曰草場曰荒地曰熟地嚴其禁令
而封表之凡牧人曰恩軍曰隊軍曰改編之軍曰
充發之軍曰召募之軍曰抽選之軍皆籍而食之
凡馬駒二年一科十八年而免定駒頭駒重駒籍
而報之有常期凡虧駒有罰主簿如行太僕寺監
正領苑監之事監副佐之錄事守籍牒團長率群
長而修牧事

府洪武六年定爲三等賦二十萬石上爲上府從
三品二十萬下中府正四品十萬下下府從四品

巴而並爲正四品

司府州縣學教官洪武二年十月辛卯詔郡縣立
學校曰古昔帝王育人材正風俗莫先於學校自
元入主中國夷狄腥羶汚淥華夏學校廢弛人紀
蕩然加以兵亂以來人習鬪爭鮮知禮義今朕統
一天下復我中國先王之治宜大華風以興治教
今雖內設國子監恐不足以盡延天下之俊其令
天下郡縣並建學校以作養士類師生月廩食米
人六斗有司給魚肉學官月俸有差學者專治一
經以禮樂射御書數設科分教務求實才碩不率

者黜之八年立社學是年命御史臺選國子生分
教北方建文中罷北平山東河南山西陝西五省
及江北學校貢士靖難後復故

府知府一人同知一人通判一人推官一人因事
添設同知推官或二人通判至五人其屬經歷司
經歷一人知事一人照磨所照磨一人檢校一人
司獄司司獄一人所屬衙門儒學教授一人訓導
四人倉稅課司分司雜造織染局各大使一人副
使一人陰陽學正術一人醫學正科一人僧綱司
都綱一人副都綱一人道紀司都紀一人副都紀
一人有巡檢司批驗茶鹽引所水馬驛遞運所河
泊所草場者司巡檢一人批驗所大使一人驛驛
丞一人遞運所大使一人河泊所所官一人草場
大使一人吏

知府掌教養郡民之事同知通判推官爲之貳質
興科貢均平賦役崇慎祀典禁誥奸頑表異良善
訊聽刑獄審達冤滯存恤困窮糾察吏治而上下
其考以告於撫按藩臬達於吏部務知百姓之疾
苦若籍帳軍匠轉驛馬牧倉庫盜賊河渠溝防道
路之事雖有專官皆知府領之而綜督焉凡朝慶

賀吊祭直隸府得直達省府視布政司凡詔赦例
 令勘劄至謹受以下於屬凡屬之政皆受約束於
 府府劑量重輕為之出令大者自於撫按及藩臬
 議允而行之同知清軍匠或兼巡捕通判管糧戢
 盜治農修河牧馬推官理刑名分職任事經歷典
 出納文移知事佐之照磨典磨勘卷宗檢校佐之
 司獄典獄如按察司教授掌教生徒訓導佐之凡
 生徒廩膳增廣各四十人附學無數凡學政遵卧
 碑提學憲臣申飭之責提調於府教授訓導必謹
 受之凡學官視鄉舉人為殿最凡郡禮儀事學官
 司之稅課司典稅凡商倫屠市皆有常征以時權
 之而輸直於府凡民間買田宅操券契出直百之
 三請印而藏之庫守藏凡縣歲輸及雜賦若諸贖
 金悉登籍倉典粟凡民賦軍屯之入及諸司贖穀
 俸祿糧米並收支焉織漆局典織造凡歲幣有常
 數絲與練漆之費並給於府會其數而籍之幣成
 覆於府而納於內帑若宣索非局所常業者府市
 之以供上巡檢控要害議察異常姦宄竊發則應
 時捕擊以聽巡捕之令三年計其捕偽印強竊盜
 逃軍囚民以為上下考批驗茶鹽引所典茶鹽引

由稽其奸冒而慎防之驛遞典傳郵迎送之事凡
 舟車夫馬廩糗庖饌襦袷皆取給於丁田受於府
 而籍其出入之河泊所典魚課草場受牧馬芻粟
 陰陽學司占候天文晷漏日月食則供救事醫學
 司方藥診瘵人民僧綱領僧人道紀領道士凡救
 日月食請雨請霽祀厲壇綱紀則謹率其徒施其
 教事凡春秋奏樂於先師則以道童充樂舞生
 州凡直隸畿府各省及屬府者並從五品
 州知州一人同知一人判官一人里不及三十而
 無屬縣裁同知判官有屬縣裁同知因事添設專
 設無定員其屬吏日一人所屬衙門儒學學正一
 人訓導三人陰陽學典術一人醫學典科一人僧
 正司僧正一人道正司道正一人稅課局大使一
 人副使一人有巡檢司驛遞開壩批驗所河泊所
 倉草場者設官如府吏
 知州掌教卷州民之事同知判官為之貳凡諸州
 務上視府下視縣以月計上府以歲計上省以三
 歲之計上吏部同知清軍匠或兼巡捕判官督糧
 管馬捕盜治農管河分職任事而領於知州吏目
 典出納文移或分領州事儒學生徒廩膳增廣各

三十人附學無數學正訓導職如府學開官主啓
開蓄洩壩官典守隄防各率其役以通舟楫之利
諸所屬衙門如府者職亦如之

縣吳元年定縣三等賦十萬石以下爲上縣知縣
從六品六萬以下中縣正七品三萬以下下縣從
七品已而改並正七品京縣正六品

縣知縣一人縣丞一人主簿一人不及二十里裁
縣丞主簿因事添設無定員其屬典史一人所屬
衙門儒學教諭一人訓導二人陰陽學訓術一人
醫學訓科一人僧會司僧會一人道會司道會一

人有巡檢司稅課局驛通開壩批驗所河泊所倉
草場者設官如州吏

知縣掌教養縣民之事縣丞主簿爲之貳凡諸縣
務如州而縣尤親民歲貢學生聽試於提學憲臣
三歲貢士聽選於鄉試歲撥實徵十歲造黃冊民
之賦役視丁與產爲差賦歲二征役歲一征賦有
粟賦金賦布帛及諸貨物之賦役有力役雇役借
倩不時之役皆視其天時休咎地利豐耗人力貧
富必調劑而均節之若歲大歉中歉請於府於省
於撫按藩臬而時蠲減焉無幸富強苦貧約凡詞

訟必詢其情理考諸律例而決之有不服聽陳於
上爲雪理焉凡養老祀神表善賑飢恤窮通貨之
事時省而敦行之凡山海澤藪之產資國用者按
籍而貢焉凡庶人在官者常賦責糧頭大戶追攝
若雜征責里長教讀教鄉塾老人勾勘民間細事
總甲邏察市里弓兵民壯執防捕之役縣丞管馬
管河管糧主簿巡捕分職任事而領於知縣典史
典出納文移或分領縣事儒學生徒廩膳增廣各
二十人附學無數教諭訓導職如州學諸所屬衙
門如州者職亦如之庶人在官者州亦如縣

市舶提舉司洪武初設太倉黃渡市舶司尋罷又
設於福建浙江廣東七年九月罷後復設

市舶提舉司提舉一人副提舉二人其屬吏目一
人所屬衙門驛丞一人吏
提舉掌海夷朝貢市易之事副提舉爲之貳辨其
使人表文勘合之真僞禁通番征私貨關其出入
而慎館穀之吏目典出納文移驛丞寓夷使僕豐
其倉餼帳幕而上下其等必周防之
巡檢司始於洪武中當時每裁冗巡檢後增置漸
多驛通洪武元年設水馬站及通運所尋改站爲

驛河泊所洪武十五年定歲課米五千石上官二
人千石上一人後並一人

襲封衍聖公孔氏北宗也洪武元年先師五十六
代孫希學來朝詔襲封衍聖公正二品印誥視一
品其屬管勾一人典籍一人司樂一人八年以克
傳為世曲阜知縣又立孔顏孟三氏教授司教授

一人學錄一人學司一人宣德七年以克晏為三
氏學錄浙東平陽有孔克表者於希學為父行洪
武六年以為翰林院修撰兼編修久之與世襲翰
林院五經博士景泰二年顏孟程朱之後皆與世

襲翰林院五經博士嘉靖中又訪求曾子後
公侯伯凡三等以封功臣及外戚皆有流有世並

給鐵券高廣凡五等號凡三等佐 高皇定天下
曰開國輔運推誠佐 成祖曰奉天靖難推誠餘

曰奉天翊運推誠其武臣也曰宣力功臣文臣曰
守正文臣歲祿視功有差已封而又有功者仍爵

或進爵加祿其才而賢也充京營總督五軍都督
府掌印僉書守備留都出充總兵官鎮守否食其

祿其襲替徵券誥論功過激適孽幼而嗣者學於
國子監有過革冠服學於國子監坐罪奪祿重奪

爵

駙馬都尉位次於侯凡尚公主長公主大長公主
並稱駙馬都尉尚郡主縣主郡君縣君鄉君並稱
儀賓食祿有差皆不得預政事國初駙馬或典兵
鎮守李堅副總兵封樂城侯自後多署宗人府事
嘉靖初崔元以迎駕封京山侯

五軍都督府國初置統軍大元帥府樞密院甲辰
革樞密總管萬戶定為指揮千百戶總小旗又革
都護統軍元帥萬戶府辛丑立大都督府正一品
以朱文正為大都督節制中外諸軍事又設左右

都督都督同知都督僉事及斷事官洪武十三年
分中左右前後五軍都督府正二品尋改正一品
又設左右斷事官十五年置五軍十衛參軍府二

十二年置五軍斷事司曰稽仁稽義稽禮稽智稽
信建文中革斷事官及五司官又令武官襲替兵
部同五府取旨靖難後復舊官而斷事五司遂不

復設永樂元年置行後軍都督府於北京已而分
五府稱行在某軍都督府罷行後軍都督府十八
年除行在在應天者加南京字洪熙元年復稱行
在仍設行後軍都督府宣德三年又革行後軍都

督府正統六年復除行在凡公侯伯及三等直署
都督並得充總兵副總兵其名掛印將軍稱鎮守
者雲南征南將軍兩廣征蠻將軍湖廣平蠻將軍
遼東征虜前將軍宣府鎮朔將軍大同征西前將
軍延綏鎮西將軍寧夏征西將軍甘肅平羌將軍
薊州淮安鎮守漕運總兵以畿內故不得掛印稱
將軍有大征討遣總兵則掛平賊將軍平胡將軍
平虜將軍征夷將軍征虜將軍討賊將軍或大將
軍或前將軍副將軍事已納印

中左右前後五軍都督府府左右都督各一人都
督同知二人都督僉事二人恩功寄祿無常員其
屬經歷司經歷一人都事一人監生五十人吏一
百四十五人

都督掌軍旅公侯伯及三等都督領之貳亦如之
各領其都司衛所以達於兵部凡武職流官世官
土官襲秩優給優奉所衛都司上府引奏送兵部
請選既選移府下都司衛所凡首領官聽吏部者
選授給由亦如之凡武職誥勅旗役併鎗水陸步
騎操練俸糧屯種器械舟車賞賜聲息軍情清勾
替補邊腹畫圖貼說薪炭荆葦之事分移所司而

綜理之經歷典出納文移都事佐之

在京上二十二衛曰錦衣曰旗手曰金吾前曰金
吾後曰羽林左曰羽林右曰府軍曰府軍左曰府
軍右曰府軍前曰府軍後曰虎賁左是爲上十二
衛曰金吾左曰金吾右曰羽林前本北平三護衛
曰燕山左曰燕山右曰燕山前曰大典左曰濟川
曰通州本北平都司衛是爲上十衛凡二十二衛
名親軍指揮使司曰驍驍左曰驍驍右曰武驍左
曰武驍右是爲四衛亦曰親軍指揮使司曰武功
中曰武功左曰武功右以匠故隸工部曰末清左
曰末清右曰彭城三衛長陵景陵獻陵裕陵茂陵
大陵康陵七衛爲陵衛並不隸督府亦不稱親軍
曰留守左瀋陽左瀋陽右驍騎右鎮南龍虎六衛
隸左府留守右虎賁右武德三衛隸右府留守中
神策和陽應天四衛牧馬千戶所隸中府留守前
龍驤豹韜三衛隸前府留守後武成中神策後忠
義左忠義右忠義前忠義後義勇前義勇右大寧
前大寧中蔚州左會州富峪寬河興武鷹揚神武
左十九衛隸後府留守五衛者本國初都鎮撫司
總領禁衛改爲留守五衛專巡察守衛

錦衣衛本國初儀鑿司先是甲辰設拱衛司領校尉隸都督府尋改拱衛指揮使司又以拱衛司類古衛尉寺改都尉司洪武二年定為親軍都尉府統中左右前後五衛軍士而儀鑿司隸焉十五年罷府及司置錦衣衛親軍指揮使司鎮撫司理衛中刑名如列衛而兼管軍匠所謂南鎮撫司也北鎮撫司本添設專理詔獄成化十四年始給印分司得直達洪武二十年焚衛刑具盡出其繫囚送刑部審理二十六年又申鞠刑之禁末樂時紀綱幸用事任遇漸異衛凡十八所錦衣中左右前後五所領軍士五所各分鑾輿擊蓋扇子旌節播禮班劍斧鉞戈戟弓矢馴馬十司分領將軍校尉上中上左上右上前上後中後親軍分領將軍力士軍匠馴象所領象奴養象

錦衣衛掌侍衛之事恩功寄祿無常員恒以都指揮都督領之凡將軍力士校尉分番護駕直宿巡察凡大朝常駕出入督設鹵簿儀仗凡皇城四門日夜番直巡鑿之凡盜賊奸宄街塗溝渠密緝而時省之凡奉旨鞠獄錄囚勘事與三法司從事凡比試併鎗監視焉鎮撫司掌衛刑名兼理軍匠添

設鎮撫二人別印分司專理詔獄獄成直達上下法司覆擬經歷司經歷一人典出納文移吏百五十九人

京衛皆有指揮使指揮同知指揮僉事衛鎮撫所統千戶所有正千戶副千戶實授百戶試百戶所鎮撫五年一廢置之曰考選軍政衛三人所二人百戶不能皆賢一人兼數印凡總領庶務曰掌印僉書分理屯田驗軍存恤營操守衛皆曰見任管事選使同知僉事正副千戶任之克營官者亦如之不足任事入隊曰帶俸差操凡官有定員功陞

日衆視原額增不啻十九凡世流襲替優給優養隸都督府者上府移兵部親軍衛直達兵部凡入營者聽京營文武大臣督理衛有經歷一人牧馬千戶所番牧千戶所真靖千戶所各有吏目一人經歷吏目典出納文移或有收糧經歷一人倉大使副使各一人於京倉通倉收支漕粟凡吏若干人南京五軍都督府用公侯伯都督同知僉事府三人經歷都事各一人孝陵衛親軍錦衣等衛隸府留守中等衛各有指揮使同知僉事衛鎮撫正千戶副千戶所鎮撫百戶試百戶無常員經歷各

一人所或有吏目一人

都指揮使司國初為翼元帥府又改為行都督府
省城或稱都衛都鎮撫司八年改都衛及行都督
府為都指揮使司二十年置大寧都指揮使司二
十一年改為北平行都指揮使司末樂元年復為
大寧都指揮使司移之保定而弃其地界朵顏諸
戎末樂五年置交趾都指揮使司宣德二年弃與
安南今都指揮使司十六日浙江江西福建廣東
廣西湖廣河南山東山西陝西四川貴州雲南大
寧萬全遼東行都指揮使司五四川陝西湖廣福
建山西留守司二日中都日興都中都領皇陵衛
即英陵興都領顯陵衛外衛及護衛三百七十五
守禦屯田群牧千戶所三百七十儀衛司三十二
都指揮使司都指揮使二人指揮同知二人都
指揮僉事四人其屬經歷司經歷一人都事一人
斷事一人副斷事一人吏目一人司獄司司獄一
人行都指揮使司亦如之吏

都指揮使司掌官軍之政令各率其衛所以隸於
五府而聽於兵部凡都司並流官或得世官歲撫
按察其賢否五歲考選軍政而廢置之使同知僉

事常以一人統司事日軍政掌印一人練兵一人

屯田日軍政僉書巡捕軍器漕運京操備禦諸雜
務並選克之曰見任管事否日帶俸凡備倭守備
行都指揮事者不得升牙公座凡朝廷吉凶之禮
視布政司經歷典出納文移都事為之貳斷事理
刑獄副斷事為之貳吏目從之司獄守獄
留守司正留守一人副留守二人指揮同知二人
其屬經歷司經歷一人都事一人斷事司斷事一
人副斷事一人吏目一人司獄司司獄一人吏
正留守掌中都興都守護防禦之事副留守指揮
同知為之貳凡諸政務如都指揮使司經歷斷事
司獄亦如之
外衛指揮使司指揮使一人指揮同知二人指揮
僉事四人衛鎮撫二人陞授改調增置無定員其
屬經歷司經歷一人知事一人有衛學者教授一
人訓導三人有驛遞運所陰陽醫學僧綱道紀司
者設官視府

指揮使司掌軍旅防禦之事使同知僉事考選掌
管衛事凡世流襲替優給優養報都指揮使司達
所隸都督府移兵部每歲藩臬撫按察其賢否五

歲一考選軍政廢置之一人統衛事曰軍政掌印
二人練兵一人屯田曰軍政僉書京操巡捕出哨
備禦軍器漕運諸雜務曰見任管事編諸行伍曰
帶休差操凡撥軍補軍替軍募軍並統於掌
印凡城池時葺浚之度其財力軍十三民十七鎮
撫掌刑獄經歷典出納文移知事佐之軍民指揮
使司亦如之

千戶所正千戶一人副千戶二人所鎮撫二人百
戶十人陞授改調增置照定員

正副千戶選一人掌印一人僉書曰管軍千戶百

戶不能皆賢一人常攝數印並選克如衛凡治軍

三二四

一

之政必聽於衛衛下千戶所千戶督百戶百戶下
總旗小旗率其伍卒以聽所鎮撫無獄事管軍百
戶缺則代之守禦千戶所軍民千戶所並如千戶
所其屬吏目一人

僧錄司洪武元年置善世院以僧慧曇掌釋教事
十四年革明年改僧錄司正六品道錄司洪武元
年置玄教院以道士經善悅為真人領道教事四
年革明年改道錄司正六品度僧道五萬七千二
百人禮部言往代度牒粥錢資國用免丁錢

上曰罷着為令七年禁度尼姑女冠二十四年勅
清理釋道曰佛本異教漢時至自西域當時士民
崇敬後有去鬚髮令兒童出家者其修行去色相
絕嗜慾潔身為善道教始老子至漢張道陵以異
術役召鬼神禦災捍患二教立世久不磨滅者以
此今學佛老者皆不循其本俗妨教敗行為害甚
大自今天下僧道凡各府州縣寺觀雖多但存一
寬大所併居之母淆處民間願還俗者聽佛經番
譯已定毋得增減道士設齋醮毋拜奏青詞為孝
子慈孫演誦經典報祖父母父母者各遵頒降科

儀母妄立條章索民財民有做瑜珈教稱善友假

張真人私造符籙者並重治二十八年令天下僧

道赴京考試不通經典者黜之

僧錄司左右善世左右闡教左右講經左右覺義

各一人道錄司左右正一左右演法左右至靈左
右玄義各一人分領僧道事凡僧三等曰禪曰講
曰教道二等曰全真曰正一凡朝朔望班西坼慶
賀頒詔班東坼凡祭祀不得預三茅山又有靈官
副靈官龍虎山有真人洪武初張天師四十二代
孫正常以正一上教天師來朝上曰天豈有師

乎改號真人十三年賜龍山正一玄壇之印印如
二品制凡方士道士以術幸者賜號高士真人
王府官洪武二年定王相府左右相各一人正二
品左右傅各一人從二品參軍府參軍一人錄事
二人紀善一人未幾申定王府官制王相府左右
相正二品王傅府文武傅從二品參軍府參軍一
人錄事二人紀善一人未幾申定王府官制相傅
如故參軍司參軍錄事儀衛正副審理典籤典祠
典膳典服典工典醫典牧紀善並有正副又有引
禮舍人八年改參軍為長史九年定王相府左右
相二人武相一人文相一人左右傅二人武傅一
人文傅一人長史二人錄事二人王傅府及典
籤司諮議官護軍府增伴讀四人侍講四人選明
經慎行之十任之是年秦王府武傅耿炳文兼陝
西行省右丞郭子興兼陝西行都督府僉事晉王
府武傅汪興祖兼山西行都督府同知位武傅謝
德成之上華雲龍為燕相府左相顧時為秦相府
右相雲龍領北平行中書省參知政事時陝西右
丞十三年罷諸王相府設長史司左右長史各一
人正五品二十八年置靖江王府諮議所尋亦改

為長史司建文中增親王官賓輔二人正三品伴
讀伴讀伴書各一人長史一人左右長史各一人
審理正典膳正奉祠正良醫正典寶正並去正字
審理副等改為副審理等郡王賓友二人正四品
教授一人記室二人直史一人左右直史各一人
吏目一人典印典祠典禮典饌典藥五署典印典
祠典禮典饌典藥各一人典儀二人引禮舍人二
人儀仗司吏目一人賓輔三伴賓友教授進對侍
坐稱名不稱臣見禮如賓師埶雖後復故
長史司左長史一人右長史一人其屬典簿一人
所屬衙門審理所審理正一人審理副一人典膳
所典膳正一人典膳副一人奉祠所奉祠正一人
奉祠副一人典樂一人典寶所典寶正一人典寶
副一人紀善所紀善二人良醫所良醫正一人良
醫副一人典儀所典儀正一人典儀副一人引禮
舍人一人工正所工正一人工副一人倉大使一
人副使一人伴讀一人教授一人典膳一人鎮國
將軍乞教授一人吏
長史掌王府之政令輔相規諷以匡王失王府請
名請封請婚及諸乞恩澤若陳謝進獻表啓書疏

長史為奏上下禮部議請王有過詰長史凡府寮皆統於長史紀綱其職務典簿典出納文移審理正掌推按刑獄禁詰暴橫無干國憲典膳正掌祭祀賓客王如膳羞之事奉祀正掌祭祀之事典寶正掌王寶及符牌並副為之貳紀善掌諷導禮法開諭古誼及國家恩義大節以詔王善良醫正掌療治疾病典儀正掌陳儀式文物之事工正掌官邸解舍繕造修葺工役之事並副為之貳伴讀侍從起居陳說經史教授訓迪德誼警校典籍引禮舍人接對賓客贊相威儀倉掌祿俸糧廩庫掌收藏金帛錢貨郡王教授典膳將軍教授如王教授典膳

禮部官制 卷之六 二十六

護衛指揮使司使同知僉事衛鎮撫所正副千戶所鎮撫百戶並如衛掌儀從王邸防禦非常凡有征行必聽命於朝廷

儀衛司儀衛正一人儀衛副二人典仗六人儀衛正掌侍衛儀仗之事副為之貳典仗聽命焉

內官平吳之歲置內使監洪武二年諭吏部定內侍諸司官曰朕觀周禮所記未及百人後世至踰數千卒為大患今雖未能復古亦當為防微之計

古時此輩止治酒漿醢醢司服守桃事今朕亦不過以備使令非別有委任可勘酌其宜毋令過多又顧侍臣曰此輩自古以來求其善良千百中不一二見若用為耳目即耳目蔽矣用為腹心即腹心病矣馭之之道但常戒敕之畏法不可使之有功有功則驕恣畏法則檢束檢束則自不敢為非乃定置內使監奉御凡六十人尚寶一人尚冠七人尚衣十人尚珮九人尚履八人尚藥七人紀事二人執膳四人司膳二人司香四人太廟司香四人涓潔二人尚酒尚醋尚麵尚漆四局局正一人副二人御馬御用二司司正一人副二人內府庫大使一人副使二人內倉監令一人丞二人及置東宮典簿典膳典服典藥典兵典乘六局各局郎一人丞一人又置門官午門東華門西華門玄武門奉天門左右順門左右紅門皇宮門坤寧宮左門宮右門各門正一人副一人東宮春和門宮後門宮左門宮右門各門正一人副一人逾年又命吏部定品秩內使監令正五品授中衛大夫丞從五品侍直大夫皇門官門正局正司正東宮門正局正正六品內侍郎門副尚寶奉御局副東宮門

禮部官制 卷之六 二十七

副局丞從六品內直郎尚冠等奉御內府庫大使
內倉監令正七品正奉郎庫副使倉丞從七品正
衛郎王府承奉門正所正從六品內直郎承奉副
門副所副正七品正奉郎 上因謂侍臣曰古之
宦豎在宮禁不過司晨昏供役使而已自漢鄒太
后以女主稱制不接公卿乃以闈人為常侍小黃
門通命自此以來權傾人主及其為患如城狐杜
鼠不可去朕謂此輩但當服事官禁豈可假以權
勢縱其狂亂吾所以防之極嚴但犯法者必斥去
之不令在左右戒履霜堅冰之意也五年六月詔

皇朝通志

卷六

四

定宦官禁令六年令禮部議考糾劾內官之法置
內正司司正司副各一人正從七品專糾內官失
儀不法者尋改為典禮司又改典禮監察司九年
又置王府典膳典珍二所以中官流官為之十七
年更定內臣諸監局庫品職公主府初設家令司
令丞錄事二十三年改中使司二十八年頒 皇
明祖訓遂為定制云

內官監門司局庫分職掖庭凡監十一曰神宮監
掌灑掃曰尚寶監掌王寶勅符將軍印信曰陵神
官監掌灑掃并栽種等事曰尚膳監掌供養及王

膳并宮內食用之物及催督光祿寺造辦宮內筵

宴茶飯曰尚衣監掌御用冠冕袍服履舄靴襪等

事曰司設監掌御用車輦牀被褥帳幔等事曰內

官監掌成造婚禮粧奩冠扇被褥帳幔儀仗

等事并內宮內使帖黃一應造作并宮內器用首

飾食米土庫架閣文書鹽倉冰窖曰司禮監掌冠

婚喪祭一應禮儀制帛及御前勅合賞賜筆墨棨

楷書畫管長隨當差內使人等出門馬牌等事并

催督光祿寺造辦一應筵宴曰御馬監掌御馬并

各處進貢及典牧所關收馬驢等項曰印綬監掌

誥券帖黃印信選簿圖畫勘合符驗曰直殿監掌

灑掃殿庭樓閣廊廡監各有大監正四品左右少

監從四品左右監丞正五品典簿從五品長隨奉

御正六品凡門四奉天門午門端門承天門掌晨

昏啓閉關防出入各有門正正四品門副從四品

凡司二曰鍾鼓司掌奉先殿祭樂御樂并宮內筵

宴樂更漏早朝鼓曰惜薪司掌宮內柴炭等事各

有司正正五品左右司副從五品凡局六曰兵仗

局掌御用兵器并督造刀甲等及宮內所用梳篦

刷牙針剪等物曰內織染局掌染造上用并宮內

一應段疋曰針工局掌成造一應婚禮衣服并內
 官衣服等項曰巾帽局掌內官紗帽靴襪及賞賜
 巾帽等物曰司苑局掌宮內菜蔬并種田曰酒醋
 麵局掌宮內食用酒醋麵糖等物各有大使正五
 品左右副使從五品凡庫三日內承運庫掌段疋
 金銀珠玉象牙等物并同司鑰庫管鈔曰司鑰庫
 掌內各衙門鎖鑰并收蒞鈔等物曰內府供應庫
 掌上用香米并內用香燭油米及內官飯食果木
 等物各有大使正五品左右副使從五品東宮典
 重局掌璽寶翰墨等物典藥局掌監同御醫修合
 藥餌典膳局掌監造膳食典服局掌冕并冠帽袞
 袍常服佩帶靴履等典兵局掌甲冑戈矛矢刀
 劍等典乘局掌車馬各有局郎正五品局丞從五
 品王府承奉司掌王府一應事有專呈長史司并
 護衛指揮司發落與內官衙門無相統攝承奉正
 正六品承奉副從六品典寶所典寶正典寶副典
 膳所典膳正典膳副典服所典服正典服副品如
 承奉正副內使凡十人司冠一人司衣三人司珥
 一人司履一人司藥二人司弓矢二人各門官門
 正正六品門副從六品公主府中使曰司正司副

雜職三十年內府又置都知監銀作局
 女官洪武五年 上令定女職禮部具陳周制後
 宮設內官以贊內治漢設內官一十四等凡數百
 人唐設六局二十四司官凡一百九十人女使五
 十餘人皆選良家子女充 上曰古者所設過多
 宜防女寵番法將來命重加裁定遂立六局一司
 局曰尚宮尚儀尚服尚食尚寢尚功司曰宮正俱
 正六品尚功局總六尚事凡出納文籍皆印署之
 如六局徵取外諸司尚宮取旨署牒印付內使監
 監受牒移外尚宮二人掌導引中宮總司紀司言
 司簿司關之事司紀二人掌印宮內諸司出入簿
 書文字司言二人掌宣傳奏啓司簿二人掌宮人
 名籍廩賜司關四人掌宮閤管鑰女史六人尚儀
 局尚儀一人掌禮儀起居總司籍司樂司賓司贊
 之事司籍四人掌籍籍圖書教授司樂二人掌音
 樂司賓四人掌朝見宴會司贊四人掌朝會贊女
 史三人尚服局尚服一人掌宮內服用總司寶司
 衣司仗司飾之事司寶二人掌寶璽符契司衣二
 人掌衣服首飾司仗四人掌羽儀仗衛司飾二人
 掌巾櫛梳洗女史二人尚食局尚食一人掌宮內

膳總司饌司醢司藥司供之事司饌四人掌烹炮
調和飲膳凡進飲食先嘗之司醢二人掌醢司藥
二人掌醫藥司供二人掌給宮人廩餼薪炭女史
二人尚寢局尚寢一人掌燕寢總司設司與司苑
司燈之事司設四人掌帷帳櫺褥灑掃鋪設司與
二人掌輿輦司苑二人掌種植蔬菜司燈四人掌
燈燭女史二人尚功局尚功一人掌督女工總司
製司珍司絲司計之事司製四人掌裁衣服司珍
二人掌珍玉簪貨司絲二人掌段疋司計二人掌
度支衣服飲食薪炭女史二人宮正司宮正二人
掌戒令責罰之事女史二人凡女史各掌局司文
案十七年更定品秩二十二年令六尚局官服勞
既多或五載六載歸其父母從宜婚嫁年高者許
歸以終天命願留者聽其在宮闈及見受職者家
給與祿視外品二十九年重定官秩職掌如故
土官始於洪武七年西南諸蠻夷來朝貢者多因
元官授之稍與約束定糧徑差發日宣慰使司十
一曰招討使司一曰宣撫使司九曰安撫司二十
日長官司百七十三及府州縣正貳幕屬並見夷
官考番夷都指揮使司三指揮使司三百三十五

宣慰使三招討司六萬戶府四千戶所四十一站
七地面七寨一

宣慰使司宣慰使一人同知一人副使一人僉事
一人其屬經歷司經歷一人知事一人宣撫司宣
撫使一人同知一人副使一人僉事一人其屬經
歷司經歷一人知事一人安撫司安撫使一人副
使一人僉事一人其屬吏目一人招討司招討使
一人其屬吏目一人長官司長官一人副長官一
人其屬吏目一人蠻夷長官司長官副長官皆謂
之土官附轄諸蠻謹守疆土修其職貢而供其差
發無敢携貳有相擊者疏上聽於天子有流官者
銓於吏部兵部又有蠻夷官苗民官千夫長副千
夫長百夫長軍民萬戶府經歷司經歷知事並停
銓司有儒學制如府

皇明百官述附錄

吳元年選郡縣官二百三十四人賞綺布道里費
及其父母妻子有差者為今日以養汝廉奉公無
漁民也洪武元年詔中書省自今除府州縣官賜
銀十兩布六疋徵天下賢才為守令厚賜而遣之
三年上幸後苑見巢鵲知翼嘆曰誰無母乎令

羣臣親老得歸養是年賜朝臣袍帶賜廉吏嵩縣劉典史布帛擇文儒性行清潔者充學官賜文武官朝服公服又賜冬衣四年中書省上府州縣一千二百三十九凡官五千四百八十八人令官吏犯賊者勿赦六年令京官三十一考考陞一等外官三歲一考考陞一階勅按察司舉察有司官七年汰北方府州縣官三百八人增公侯伯都督丞相御史大夫等官祿有差八年增尚書行省叅政公田祿各百石十年制賜百官公田租免祿俸初給典吏俸有差是年併省州縣十一年命考績殿最分三等稱職無過為上賜坐宴有過稱職中宴而不坐有過不職下不預宴叙立於門宴者出然後退廣西布政使臧指毋憂去賜米鈔令喪去官並有賜十二年著令給丁憂官俸有差十三年置判祿司頒臣戒錄 上既誅胡丞相命儒士纂歷代侯王宗戚文武宦官悖逆不道者凡二百十人為是錄云詔復京官家勅守令恤民十四年詔有司差遣學官十五年賜六部尚書馬十六年禁有司差遣學官十五年賜六部尚書馬十六年廣東布政司請慶賀班秩 上曰禮行於藩司班

以秩叙十七年吏部尚書俞燠上更定吏員資格申薦冒濫考課失實之禁燠上考績法著為令令方面勿侵郡縣之職十九年選應天諸府富民子弟補吏凡千四百人二十年選南方學官有學行者教北方二十四年賜有司方面官馬論兵部試尚書茹瑄曰布按二司官方面重臣府州縣官民之師帥跨驢出入非所以示民或假馬部民因被浸潤不能舉職甚乖治體其官為市馬司二十四府半之州縣又半之馬一率十戶食之歲一更定儒學訓導位雜職上二十五年頒醒會簡要錄上以中外文武百司職名沿革品秩崇卑勳階陞轉俸祿損益歷年屢更無以示成憲於後世命侍臣重定其制頒天下二十六年頒諸司職掌定學官考課法初命儒學訓導冠帶上名吏部附選貼黃頒世臣總錄二十八年頒 祖訓條章勅禮部有言改祖法者以奸臣論無赦是年罷百官朝參賜食二十九年始定外官三年一朝觀三十年頒為政要錄三十一年定吏員出身資格建文中更官制文皇盡復故惟存大理寺 仁宗即位之歲命吏兵二部尚書襄義李慶書都布按三司官姓

夕履歷於武英殿西序曰 皇考嘗書中外官姓名於武英殿南廊便覽觀也宣德五年五月令追奪職官誥勅七年大學士張瑛乞增南北兩京七品以下官俸正統元年副都御史吳訥言洪武間京官俸全支後因營造減省遂為例近來小官多不能贍如廣西道御史劉準由進士授官月支俸米一石五斗不能養其母妻子女貧同道御史王裕等刑部主事廖謨等俸米三十餘石去年病死竟負無還乞下廷議增俸國初皂隸力役當是時百官俸全支已乃折鈔鈔法不行小臣不能給遂

有柴薪之名徵其銀月一兩宣德中都御史顧佐以柴薪事被訐 上問楊士奇對曰京官月俸一石薪炭馬芻咸資皂隸遺半取直籍其用彼得歸耕人情為便京官皆然臣亦然自是遂為例巡撫官者未樂間設於要害處洪熙宣德初年添設漸多用都御史侍郎通政卿丞景泰中悉用都御史參贊軍務者始於洪熙元年以武臣疎於文墨選方面官於各總兵處整理文書商確機密遂名參贊參謀軍務總督邊儲景泰中大同參政丹陽沈固宣府參政崑山劉璉山東參議會稽周順廣西

副使劉紹如劉清輩又以郎中給事中稱參贊軍務也景泰元年御史張子初等言洪武末樂間方面郡守缺聽吏部推訪內外官賢能而又久於其任者請授御史有缺從吏部於進士監生中選用宣德中始有會官舉保之例行之既久奔競成風所舉非人况御史若從大臣舉保得任大臣有過彼必鉗口卷舌而不言大臣有囑彼必俯首帖耳以聽命願停保舉之新例而復洪武末樂之舊制下禮部會議僉曰御史言是制曰可御史練綱亦以為言三年冬吏部尚書王直何文淵言洪武末

樂間銓選專隸吏部宣德正統以來始令大臣舉保景泰初御史陳綱等言保官徇私廷議奏允仍歸吏部今綱等又言吏部選授私外請復行保舉臣等謹議上繼今方面守得人共安養天民令大臣該保官大臣書所保姓名材行歷官緣由奏下部銓制曰朕期方面守得人共安養天民令大臣舉保吏部推選已乃彼此相蒙官不得人民其奈何今後惟布政使按察使缺令三品上官會保余還吏部訪求未幾吏科都給事中林聰復以為言著為令四年御史左鼎言國初建官有常近年

因事添設甚至一部有兩尚書而為侍郎者倍於原額為都御史者率以數十計在外添設撫民管屯等官如河南參議二員今則添而為四僉事三員今則增而為七若夫巡撫鎮守之官則尤有可言者方岳各司十餘人不為少矣每歲又差御史巡視立法可謂詳矣不擇方面以責成不選御史以督察乃復設官以巡撫鎮守今之巡撫鎮守往往多出於方面御史則今之方面御史蓋亦他日之巡撫鎮守也豈有為方面御史則合衆人之長而不足為巡撫鎮守則任一人之智而有餘耶乞將內外官凡非洪武之舊者參酌裁能庶民力可紓國用可省委任專而事功可立七年春令吏員冠帶引入內府會官考試成化中太監張敏死姪太常寺丞苗傾貲獻上乞侍郎上曰苗本由承差若侍郎六部執政不可授南京三品左右急持官制請上竟得南京通政使是時四方白丁錢虜商販技藝華職之流以及士大夫子弟率黃綠近侍內臣進獻珍玩輒得賜太常少卿通政守承郎署中書司務序班不復由吏部謂之傳奉官至於閣老之子若孫甫髫髻已授中書冠帶牙牌支

俸給隸但不署事朝參大抵多出於梁方之門私沿問馬文升言京官額一千二百餘人今傳奉官八百餘人內實支薪俸者九十一人冗官莫甚於今日請因災汰罷正德間亦有附權倖得文階者嘉靖初盡革諸傳陞乞陞官嘉靖八年又裁冗官二千員近日南京六部正貳卿往往停推土木之役起匠人而官至九卿者諸富人貴游子猾吏竄名營建籍中得官者不啻幾千人

洪武二年令功臣子弟入學初製鐵券三年存恤先鋒府十元帥府戰沒將校家定五等勳爵定武

臣世襲之制四年禮官崔亮定外官慶賀禮以武

臣為班首五年申定武選法作鐵榜申成公侯六

年定教練軍士律是歲計武官一萬二千九百八

十人九年擇功臣子取職等一百四人為散騎舍

人十一年選武臣子弟入國子學讀書十四年令

公侯武臣皆遣子弟入國子學受業二十一年頒

武臣大誥又頒八條勅諭武臣又頒武臣訓戒錄

又賜武臣保身勅二十二年禁武臣預民事二十

三年賜公侯伯屯戍百戶二十六頒稽制錄於

諸功臣二十九年大賚致仕武臣各陞一級銓於

諸功臣二十九年大賚致仕武臣各陞一級銓於

甘肅大同北平大寧遼東諸衛所凡千五百人永樂元年冬定軍功襲替例自後洪武永樂宣德年軍職絕不論堂兄弟姪並襲成化十七年以都御史何喬新言凡軍職絕非立功人子孫不得襲弘治十八年又稍許立功人親姪孫已襲者得沿襲正德十四年兵部尚書王瓊又請堂兄弟姪並得襲十六年兵部尚書彭澤言瓊議非是復不許襲會兵部火群失職者流言得復襲嘉靖十年兵部尚書王憲曰不可稍酌議立功人絕同時親弟姪得襲其姪孫以下及堂兄弟姪除親祖例前相沿人自立有軍功者扣襲其無功姪孫以下至堂兄弟姪等及沿襲後別無立功者不許襲旁子孫革職者俱收總旗天順成化及弘治初年錦衣指揮門達袁斌朱驥等提督緝捕每至十年或十一年方一類奏下兵部定議陞賞陞者不過五七人多止十人賞或以布絹鈔錠無功者撻而斥之已而有擊獲妖言陞襲一輩之例於是人競貪功肆行羅織弘治十八年特詔嚴禁正德元年錦衣指揮趙鑑葉廣東廠太監王岳鄭旺一時更代不及數月官校四奏陞賞正德二年又復類奏已而奸

倖相繼用事廠衛無賴之徒鱗集蟻附辦事之員日增獲功之奏漸數始則三年一奏或二年一奏後至一年一奏或一年兩奏遂有年終類奏之名往往以妖言為首張皇賊狀無非倚撫之詞連署姓名不辨獲功之數含糊奏請朦朧擬陞奏一人則陞一人奏百人則陞百人市井庸流立陞朝籍權門厮役驟至顯融且其假種妖書陰為陷弄買同番手誣執平民加以酷法慘刑煨煉成獄凡經廠衛奏送法司莫敢平反弘治元年孝宗有擊獲妖言不陞止照成化十四年例給賞之旨今一切撓寢矣大抵正德年間軍功冒濫其弊有三秦帶越額也紀驗失實也選法變亂也以故寧夏陝西甘涼大同應州雲貴江西湖廣山東河南虜賊之役陞擢極濫嘉靖改元詔革罷凡三千一百九十九人而在外者又倍之殆不止於廠衛也若乃流官不許世襲署職止加實授今則流官以流得襲署識以署遞陞甚至納粟虛銜遂以軍功累授已而諸所革者往往得復官矣

皇明百官述下卷終

子履準校正

皇明四夷考序

四夷何以首安南也我郡縣也次以順哈何我武
 衛也哈密女直非歟羈縻之虜我我長也
 哈之有三衛以靖難歟非也大寧之北有三衛也
 蓋自洪武始也其南據大寧也乃自永樂始也將
 復交趾而收大寧乎都統之議夷且啞我華蘭台
 以駸駸乎我或矣棄哈密而撫女直乎哈密罷我
 河西女直打我遼東也土番入哈密而嘉峪不驚
 胡虜通女直而山海弗靖矣朝鮮何以次兀良哈
 也知禮教也大國也琉球小夷何以次朝鮮也學
 于中國也何以終鞞鞞也非初寇乎我勝國也盛
 衰之運中國有安危焉以故別考而存之戰守之
 畧可幾而得矣 高皇何以有海外之使也更始
 也 成祖西洋之勝不已勞乎鄭和之泛海與胡
 淡之頒書也國有大疑焉爾羗三王胡四王我崖
 崖焉西番五王世優之何也不能為我深創也苟
 因俗而治之得相安焉可矣西域何以不得浮南
 海也王公設險假樹渠焉如之何使其縱橫出入
 幾徧宇內也海島之夷勤我封使往來之禮歟夷
 不言往來往來言諸侯也四夷來王八蠻通道未

聞有報使焉然則領封可乎奚為而不可也陪臣
 請命于京師王人致命于海上非往來乎嗚呼均
 覆載者天德也辨華夷者王道也昔也外夷入中
 華今也華人入外夷也喜寧田小兒宋素卿莫登
 瀛皆我華人雲中閩浙憂未艾也是故慎封守者
 非直禦外侮亦以固內防也池魚故淵飛鳥舊林
 人情獨不然乎彼其忍於捐墳墓父母妻子鄉井
 而從異類者必有大不得已也嗚呼德惟善政政
 在養民盍亦反其本矣不然而欲郡縣我子弟武
 衛我干城烏可得哉

嘉靖甲子三月朔日鄭曉識

皇明四夷考目錄

上卷

安南	兀良哈	朝鮮
琉球	女直	三佛齊
占城	日本	真臘
暹羅	蘇門答刺	爪哇
下卷		
古俚	淳泥	滿刺加
榜葛刺	錫蘭山	蘇祿
柯枝	祖法兒	溜山
南泥里	黎伐	哈密
赤斤蒙古	安定阿端	曲先
罕東	撒馬兒罕	天方
迭里	渴石	養夷
達失干	卜花兒	土魯番
黑婁	鹽澤	哈烈
默德那	俺都淮	八刺黑
于闐	火州	別失八里
魯陳	沙鹿海牙	賽藍
哈失哈力	亦刀把力	阿丹

白葛達

呵哇

瑣里

西洋瑣里

彭亨

百花

婆羅

阿魯

小葛蘭

拂菻

古里班卒

呂宋

合猶里

碟里

打回

日羅夏治

忽魯母恩

忽魯謨斯

甘巴里

麻林

古麻刺

沼納樸兒

加異勒

吃力麻兒

失刺思

納失者罕

亦思把罕甘

白松虎兒

答兒密

淡巴

甘把里

黑葛達

敏真誠

八答黑商

覽邦

火刺札

討來思

阿速

沙哈魯

西番

鞞鞞

皇明四夷考目錄終

皇明四夷考上卷

吾學編第六十七

海鹽鄭曉

皇明祖訓曰四方諸夷皆限山隔海僻在一隅得其地不足以供賦得其民不足以供役若其自不揣量來擾我邊則彼為不祥彼既不為中里患而我與兵輕伐亦不祥吾恐後世子孫倚中國富彊貪一時戰功無故興兵致傷人命慎勿為也但胡戎與西北邊境互相密邇累世戰爭必選將練兵時謹備之不征諸夷東北朝鮮即高麗其李仁人者自洪武六年至二十八年正東偏北日本雖朝首尾凡滅王氏四王姑待之

暗通奸臣胡惟庸謀為不軌故絕之正南偏東大琉球朝貢不時王子皆入大學讀小琉球不通往來西南安南三年書禮待甚厚

真臘朝貢如暹羅常濱海占城自占城以下諸國請詐故沮之自洪武八年且蘇門答刺南洋至十二年方乃得止瓜哇濱海彭亨居海百花居海三佛齊居海淳泥居海

洪武四年九月 上御奉天門諭省府臺臣曰海外夷國為患中國者不得不討不為中國患者不可微用兵古人言地廣非久安之計民勞乃易變之源隋煬帝妄興師旅征討琉球荼毒生民徒慕

虛名疲中土載諸史冊為後世譏朕以諸小蠻夷阻越山海不侵中國無煩用兵惟西北胡戎世為中國患不可不謹備卿等記此言知朕意

洪武十五年命翰林侍講火原潔等編類華夷譯語 上以前元素無文字發號施令但借高昌書製蒙古字行天下乃命原潔與編修馬懿赤黑等以華言譯其語凡天文地理人事物類服食器用靡不具載復取元秘史參考以切其字諧其聲音既成刊布自是使臣往來朔漠皆能得其情

凡四夷分十八所設通事六十人大通事有都督都指揮等官統諸小通事總理貢夷降夷及歸正人夷情番字文書譯審奏聞

永樂七年遣太監鄭和王景弘戾顯率官兵三萬下西洋凡西洋功次即非斬首選法不得減革十三年吏部員外郎陳誠上使西域記凡十七國

安南

安南唐虞時南交也秦為象郡漢為南越所據武帝平南越置交趾九真日南三郡朱梁時始土豪曲承美者據之已而并于劉隱未幾管內大亂眾推豪首丁部為州帥部子璉繼立宋既平嶺表璉

遂內附黎桓篡丁氏李公蘊又篡黎氏陳日熈又篡李氏宋以遠夷故置不問相繼皆封為交趾郡王元朝兼有華夷至憲宗遣將破其國而日熈竄居海島弱不佞支始歸附元封其子光昂為安南國王光昂死子日烜自立元發兵破之日烜卒子日燁遣使朝貢元末天下大亂安南不至明興削平群盜驅逐胡元洪武元年登極詔諭薄海內外日燁大懼又聞征南將軍廖永忠副將軍朱亮祖帥師逾嶺降何真定廣東西日燁欲納款又以梁王尚在雲南持兩端二年始遣其少中大夫同時皇明司馬考 六一敏正大夫段梯黎安世等來朝真請封遣侍讀學士張以寧典簿牛諒封日燁為安南國王賜駝紐塗金銀印以寧等至安南界日燁已卒其弟日燧嗣立遣阮汝亮迎請誥印以寧等不從日燥遣杜舜欽等請命于朝以寧駐安南候命詔封日燥為王是年遣翰林編脩羅復仁兵部主事張福詔諭安南占城國王各罷兵息民皆聽命三年日燥卒封其子日鑑嗣王五年陳叔明遣人朝貢却不受明年又遣人納貢謝罪請封當是時燁嗣王叔明者煒兄也專國政十二年燁遣使來貢 上惡其

疆悍數侵占城詔諭叔明二十年燁遣使貢賀聖壽二十一年國相黎季犛廢其主燁幽大陽坊尋弒燁立叔明子日焜主國事二十二年又弒日焜假燁名遣人來貢二十六年遣禮部尚書任亨大監察御史嚴震直諭令出兵討龍州趙宗壽二十七年遣人朝貢却不受二十九年遣行人陳誠呂讓諭令還思明伍縣不聽陳氏傳十二世至日焜而黎氏篡立僭稱皇帝國號大虞紀元天聖永樂初季犛上表竄姓名為胡一元子蒼易名奎詐稱陳氏絕奎為陳氏甥求權署國事朝廷從其請逾年陳王孫添平走至京言季犛弒篡季犛詐上表請迎添平歸還以國 上遣行人聶聰送添平歸國勅征南副將軍黃中呂毅率兵禦之季犛伏兵芹站殺添平及我使人 上怒永樂四年七月辛卯以成國公能為征夷將軍總兵官西平侯晟新城侯輔左右副將軍豐城侯彬雲陽伯旭左右參將大將軍率右副將軍右參將及清遠伯友統神機將軍程寬朱貴遊擊將軍毛八丹朱廣王恕等橫海將軍魯麟王王商鵬鷹揚將軍呂毅朱 江浩方政驃騎將軍朱榮金銘吳旺劉劄出二十五

將軍以兩京畿荆湖閩浙廣東西兵出廣西憑祥
 左副將軍左叅將統都指揮陳睿盧旺等以巴蜀
 建昌雲貴兵出雲南蒙自兵部尚書劉儁叅贊戎
 務尚書黃福大理寺卿陳洽轉餉是日上幸龍江
 禱祭誓衆曰黎賊父子必獲無赦脅從必釋毋養
 亂毋玩寇毋毀廬墓毋害稼穡毋恣取貨財毋掠
 人妻女毋殺降有一於此雖功不宥毋冒險肆行
 毋貪利輕進罪人既得即擇立陳氏子孫賢者撫
 治一方班師告廟揚功名於無窮其往勉之時晨
 鎮雲南先遣彬以征夷副將軍印制授晟十月輔
 兵度坡壘關傳檄數黎賊二十罪遂入鷄陵關晟
 兵至白鶴江賊拒守富良江晟率以輔為征夷將
 軍代能十二月勅行人朱勸諭黎賊晟兵奪宣江
 進次沱江輔兵渡沱江合兵渡富良江進克多邦
 城焚賊西都賊走入海輔駐兵交州晟追賊至木
 九江五年正月輔戍合兵破籌江柵賊走悶海口
 敗之富良江五月賊走又安都督僉事柳升率舟
 師追賊敗之得賊船三百賊遁且入海輔晟乘勝
 追之升引兵出奇羅海口賊敗卒王柴胡等七人
 擒李攀李保等十人擒其子澄安南人武如卿等

偽大虞皇帝蒼偽太子芮偽將相王侯柱國黎季
 範等詔求陳氏後復立為安南國王國人言黎賊
 殘陳氏無後乃郡縣其地立交趾布政使司都指
 揮使司按察司分十七府曰交州北江諒江三江
 建平新安建昌奉化清化宣化大原鎮蠻諒山新
 平又安順化升華四十七州一百五十七縣衛十
 一所三市船司一政鷄陵關為鎮表關安撫人民
 三百二十萬獲蠻人二百八萬七千五百糧儲一
 千三百六十萬石象馬牛十三萬五千九百缸八
 千七百軍器二千五十三萬九千勅黃尚書燕掌
 布按二司事勅輔晟僑交趾應有懷才抱德山林
 隱逸明經能文博學有才賢良方正孝悌力田聰
 明正直廉能幹濟練達吏事精通書算明習兵法
 武藝智謀容貌魁偉語言便利膂力勇敢陰陽術
 數藥醫方技之人悉心訪求禮送京師擢用九月
 輔遣升露布獻俘李攀蒼及偽將相下獄赦澄芮
 等令有司衣食之陳柴胡等指揮使僉事千戶是
 冬贈故安南國王陳氏子孫七人官六年七月進
 封輔為英國公晟贈國公封升安遠伯八月交人
 簡定邵悉反以晟為征夷將軍帥師討之僑仍叅

贊十二月晟與賊簡定戰於生厥江敗績僑都督
呂毅交趾參政劉昱皆沒七年二月勅輔總兵討
賊言晟出師失律致賊猖獗今聞鄧悉死而八百
媳婦老媪猶供餽者何人賊云有象五萬又謂我
將帥皆易與宜戒慎同心協力早滅此賊五月簡
定稱上皇立陳季擴為大越皇帝改元重光八月
輔敗賊于鹹子關九月又敗之太平海口十月季
擴稱故王後請封輔不聽進兵至清化十一月輔
獲簡定及其偽將相八年正月召輔還令晟節制
諸軍簡定檻至京伏誅十二月季擴人上表請降
遣方通政諭季擴以為交趾右布政使又以其黨
陳原樽為參政胡其澄景異鄧銘都指揮潘季祐
按察副使是月季擴景異復反九年正月以輔為
征虜副將軍總兵會征夷將軍晟率師討之二月
詔赦交趾七月輔晟敗賊于月常江十一月輔率
舟師破賊于海上十年八月又破賊于神投海口
十月又破賊西心江十一年十二月輔晟會兵敗
賊于愛子江擒季擴十二年八月檻至京伏誅十
三年四月以輔為征夷將軍總兵鎮交趾十四年
十一月召輔還豐城侯彬代輔十六年正月清化

土官黎利及侯彬遣都督朱廣往勦之利初
從季擴為金吾將軍已而來降令為土巡檢輔還
遂反稱平定王以弟黎石為相國段恭都督聚賊
舉范柳范晏等肆出劫掠廣兵至斬首六日擒晏
利遁去彬請就交趾戮晏等以徇七月交趾右布
政使莫勛及交州知府杜希聖令縣丞黎獻率家
人五百力役北京十七年巡按御史黃宗載言交
趾新入版圖勞來尤在得人今府州縣多兩廣雲
南歲貢生及下第舉人未入國學乞仕遠方遂授
以職既乏大學教養之素又非諸司歷試之才以
故牧民者不知撫字理刑者不諳法律若候九年
黜陟廢弛益多宜令到任二年以上者從巡按御
史及布按二司嚴覈其廉汙能否上狀黜陟從之
十八年五月勅侯彬叛寇黎利潘僚車三農文歷
等迄今未獲未審兵何時得息民何時得安宜畫
心畫方略早滅此賊交趾參政侯保馮貴討賊戰
死十九年五月彬請屯田九月彬言利奔老撾我
進兵討捕老撾輒遣頭目覽者即阻我兵勿入境
云即發兵象大索利送軍門久之竟不獲利上
曰老撾匪賊持兩端令彬遣頭目出京詰之是冬

赦利以為清化知府遣內官山壽諭利二十二年
 仁宗即位召福還以洽為兵部尚書代福是冬交
 趾參將保定侯瑛榮昌伯智言壽未至利復反改
 大理寺卿楊時習為按察使以弋謙為布政使內
 官馬騏自交趾召還未幾矯旨下內閣書勅復往
 交趾聞辦金銀珠香內閣覆請 上正色曰朕安
 得有此言此奴曩在交趾荼毒軍民卿等獨不聞
 乎自騏召還交人如解倒懸豈可再遣然亦不誅
 騏也洪熙元年二月以智為征夷副將軍總兵討
 利六月 宣宗即位七月命行在兵部侍郎戴輪
 副洽贊理督軍務八月賊阮可郎等伏誅十一月
 勅智及安平伯安都督方政及三司賊利包藏禍
 心已非一日始若易取誤信人言惟事招撫迄今
 八年終不聽命忠臣惟害良民被毒其誰之過智
 等其急進兵務協和成功來春不捷論罪是月
 上欲棄交趾問英國公輔尚書義原吉皆曰不可
 棄問內閣士奇榮皆頓首稱善宣德元年三月智
 政兵討利進至茶籠州敗績四月以成山侯通為
 征夷將軍總兵都督馬瑛參將討賊尚書洽仍贊
 參軍務安平伯安掌交趾都司事削智政官爵五

月赦交趾十一月通擊賊敗績十二月賊攻清化
 州不利引去以安遠侯升為征虜副將軍總兵保
 定伯銘左副總兵都督崔聚右參將由廣西黔國
 公晟為征南將軍總兵與安伯亨左副總兵新寧
 伯忠右副總兵由雲南率兵兩道討賊兵部尚書
 李慶參贊軍務工部尚書兼詹事黃福仍掌交趾
 布按二司事勅通守城練兵侯升等至進兵二年
 正月 上念久用兵勞費又問大臣士奇榮力贊
 上止兵棄交趾便利攻交趾城通等出戰敗之斬
 偽司徒司空大尉少尉大監黎笏等四月利陷昌
 江通歛兵不出賊書與通請和通遂許清化諸州
 地與賊遣指揮闕忠與利所遣人上表貢方物七
 月賊破隘雷關圍丘温鎮遠侯興祖擁兵南寧不
 肯援城陷逮興祖九月升等師至隘雷關利遣人
 詣軍門上書言窮迫乞罷兵立陳氏後升易賊賊
 伏四起升中鏢死是日銘病卒明日慶亦卒聚兵
 亦敗諸將兵皆阻賊不得進十月通出下哨河立
 壇與利盟約退師且宴利遣利金織文綺利亦以
 重寶謝通是月忠及利所遣人至京表以陳高為
 名實出利 上覽表示群臣曰賊表乞復立陳氏

後從之便抑不從便群臣以內閣主議故皆曰從之便 上曰然十一月以行在禮部侍郎李琦工部侍郎羅汝敬克正使通政黃驥鴻臚卿徐永達副使詔諭安南言利表言前國王遺嗣嵩尚在老撾國人乞封嵩王永奉職貢頭目耆老其以實對朕即遣使授封朝貢如洪武故事又勅通等即日班師內外鎮守三司衛所府州縣文武吏士携家來歸三年正月通馳奉偽王陳嵩遺黎少穎表貢代身金銀人謝罪并送我叛人都督都指揮蔡福等還京乞班師臣兵寡援絕人情警懼賊控據水陸陷奉城池臣與衆議不如因其納貢請降全師出境再圖後舉臣已率將士還至南寧俟命 上覽奏勅通虧損臣節遺笑蠻方如國體何三月少穎至京表稱安南國先陳王臣順三世嫡孫臣嵩及頭目臣黎利云四月通至京群臣勅通及瑛智安政布政使弋謙內官山壽馬騏等下廷鞫言通等失律喪師棄地壽曲護叛賊騏激變藩方論死繫詔獄籍其家瑛等坐罪有差與祖亦下詔獄五月琦汝敬等還利遣人表謝言嵩會病卒族人並絕國中推利守國候命汝敬永達復奉詔諭利及

耆老訪陳後聞群臣又勅晟亨忠奉命與升倚角進兵顧逗遛逾時方臨賊境與升等聲聞斷絕賊得專力拒我及聞升陷沒又不進援通等輒狼狽引退爲賊所乘殺傷吏士委棄鎧杖賊勢益橫城池失守乞亟正邦刑 上曰赦晟今臺中戒勅章示晟亨忠俟還京論罪贈交趾死節都指揮李任指揮顧福劉順徐騏周安千戶蔡顯桂勝知府劉子輔易先知州何忠內官馮智等官武官世職文官復其家誅叛臣蔡福等籍其家四年二月汝敬等還利遣人貢方物三月遣琦永達行人張聰勅諭利三月琦等還利遣人貢金銀鈿器方物并上國人奏言陳氏無後利撫綏有方得民心乞令管攝永爲藩臣奉職貢六年五月利遣人陳情謝罪貢方物六月遣行在禮部侍郎章敞通政徐琦詔利權署安南國事七年二月敞等還利遣人貢謝八年八月利遣人入貢九年三月廣西總兵山雲言利死長子任妄次子幼弱姦臣黎問黎察構相讐殺夷民驚懼諒山土官阮世寧七源土官阮公廷率衆避難來歸願居廣西龍州及太平府上下凍州勅雲利本起微賤因奉立嵩從人望朕志

在息民遂詔罷兵徐議立高利遠奏高死高之死
 利所為也朝廷即欲問罪不忍毒民令權署國事
 多行不義為天所殛爾戒飭邊兵嚴謹守備勿忽
 世寧公廷可善撫之四月琦等還言利死利子麟
 遣人告喪獻金人方物五月遣行人郭濟朱弼祭
 利十月麟令人上表請命遣敵及行人侯璉諭麟
 仍權署安南國事十二月欽州貼浪如昔人叛降
 麟正統中麟卒子濬嗣天順中濬被篡弟願嗣弘
 治中願卒長子暉先卒子誼嗣正德初誼被篡國
 人請以灝庶子嗣嗣 朝廷登極改元遣使詔諭
 交酋亦數遣使朝貢然時時南侵占城占城上聞
 諭禁之輒陽聽命侵盜如故已而中國人多潛入
 交南至有受僞御史者教之窺伺雲南太監錢能
 貪殘令京衛指揮郭景矯奉勅旨往來交南猾夷
 奸闖出入莫敢誰何遂誘我逋逃覘我虛實鎮南
 關外類多華人而臨安諸郡所在有夷賊矣於是
 撫臣屢請增置文武吏士控制彈壓然交人侵奪
 欽州里社我亦不能禁是時調弱懦無為境內盜
 起群下專權虐政暴征人不堪命正德十年調遣
 阮仲達朝貢是年陳嵩作亂殺嗣奸酋黃登庸及

其子方瀛結黎義昭等共推嗣從子諶嗣而討殺
 陳嵩嘉靖改元遣使詔諭嗣且死七年矣諶不
 請封輒改元光紹嵩父子亦據諒山等府稱王改
 元天應莫登庸妻灝妻逼諶走海濱使命不能達
 而還當是時登庸遂與陳氏分據交地杜溫閩鄭
 綏不肯從登庸已而諶死登庸又曰灝有子應諶
 弟也矯立應相拒交人曰灝死久矣應本登庸子
 諶同母弟也嘉靖初田州岑猛叛兩廣總督姚鎮
 計鳩殺之謂岑氏可遂滅疏請設流官治田州而
 盧蘇王受諸孽輒通交南流言搖惑滇嶺間人鎮
 被論落職桂萼初擢用言提督兩廣非新建伯王
 守仁不可遂起新建伯兼兵部尚書總制兩廣江
 湖諸省軍務新建伯至嶺南始知流官不可設請
 復官猛子邦相為田州判官盧蘇亦與土巡檢羈
 縻之尋新建伯病謂翁萬達曰田州事非我本心
 後世誰諒我者新建伯初起用皆萼之力萼議禮
 致位卿輔欲立奇功會安南有亂藪可傳檄取之
 乃陰以意寓書授新建伯若專為思田者使密探
 安南要領而新建伯不答直於奏尾稍及之萼遂
 恚憾會新建伯卒竟中傷革世爵及卹典云嘉靖

十五年哀冲太子生頒詔諸夷禮官言安南久不
廷不必遣使請發兵討之下廷議諸大臣不可勅
錦衣衛官使安南察之已而又遣禮部尚書黃綰
翰林學士張治使安南時車駕巡承天綰治行有
日又復止兩廣守臣言安南莫氏篡逆國內大亂
時出侵掠遂命兵部尚書毛伯溫至廣東議方畧
進兵討莫氏會莫氏請命嶺南知府廉州張岳梧
州翁萬達廣州鄒守愚及巡撫諸臣亦不欲用兵
騷動數省條議上伯溫請赦莫氏以為安南都統
使會登庸死伯溫請以制命授其孫福海嘉靖二

皇明通志

卷六

十五

十年六月班師論功進秩賞賚有差未幾福海復
為黎寧所逐黎氏仍據國莫氏窟居南海島上朝
廷置不問交趾東起欽州西歷左江北至臨安元
江龍州其孔道憑祥其要害也由臨安經蒙自河
蓮花灘至其東都可四五日其俗夷獠雜居不知
禮義獷悍喜鬪不解耕種椎髻剪髮好浴善水
居不冠惟交愛人個儻好謀驪演人淳秀好學其
山川佛跡勾漏海富良江為大產金珠珊瑚玳瑁
丹珠諸香蘇合油胡椒羚羊角犀象兕白鹿猩猩
狒狒白雉翡翠蚺蛇蟻子鹽鹽波羅蜜烏木蘇木

境內有越王城天使館浪泊柱銅鼓

兀良哈

兀良哈在烏龍江南漁陽塞北春秋時山戎地元
為大寧路戶四萬六千口四十四萬八千國初割
錦義建利諸州隸遼東設都司於惠州領營與會
二十餘衛所謂北平行都司也洪武十四年封
子權於大寧為寧王二十二年分兀良哈為三衛
於橫水之北曰朶顏曰福餘曰大寧處降胡以脫
魯忽察兒海撒男奚阿札失里為三衛指揮使司
知並邊為我藩籬靖難初首劫大寧兵及召兀良

皇明通志

卷六

一六

哈諸酋率部落從行有功遂以大寧界三衛寧王
移封南昌徙行都司於保定為大寧都司令三衛
歲二貢貢衛百人東起廣寧前屯歷喜峯近宣府
為朶顏自黃泥窪逾瀋陽鐵嶺至開原為福餘由
錦義度遼河至白雲山為大寧皆逐水草無恒居
三衛朶顏最強分地又最險水樂中最親附宣德
時嘗入漁陽塞 上率諸將出喜峯關敗諸虜于
寬河誅其大酋自後稍馴順正統中又叛侵盜東
北關諸寨索鹽米賞賜而已以故喜峯密雲間有
都指揮或都督鎮守驗貢夷已已福餘大寧結也

先爲也先鄉道朵顏獨扼險不肯從也先至不能入塞不得利大掠福餘大寧人畜去始勅都御史鄒來學經略已而設太監參將又設總兵景泰四年守臣言兀良哈貢使往來不絕爲瓦剌間諜詔自後使至伴二三人入京餘不得輒入關成化四年與北虜毛里孩通侵天城遣都督李鐸詰之十年通虜加思蘭謀寇遼東勅邊臣備之然亦未敢大爲寇盜弘治中守臣楊友張瓊燒荒出塞掩殺邊彙遂起正德初部落旣蕃陽順陰逆累肆侵盜朵顏都督花當求添貢其子把兒孫深入虜掠批胡守中侍郎兼憲職提督軍務撫勦守中險嗜利乾沒內帑金多又擅出塞盡伐遼金以來松木百萬自撤藩籬徧索富人舊將領金錢言官劾守中論死西市巡撫徐嵩阿事守中削籍已而有發嵩乾沒庫金者逮謫戍二十二年叛人白通事道虜數侵我塞巡撫許論伏兵斬白通事論進官副都御史請告去朱方代論以請撤防秋兵太早爲虜所掠逮至京杖死關下職方郎中韓勗亦杖死方清勁赫端諒皆有才識死非其罪也二十五年虜大入塞明年北虜道兀良哈入寇遼東兀良

兵部令譯部落後許貢革蘭台遂入寇漁陽諸小關堡皆殘破嘉靖十一年九月巡撫王大用欲通朵顏與厚賂城其霧靈山不果是時酋阿堆哈利赤數入建昌喜峯太平諸塞殺掠人畜革蘭台又乞陞官兵部言大用喜事請以毛伯溫代大用出漁陽巡撫伯溫至鎮虜益盜邊邊人不得耕牧二十年革蘭台挾北虜求添貢貢衛三百人不許請衛二百人又不許時時出沒塞下輒云結小王子旦夕大舉入塞會俺答吉囊自大同深入大原不得已許其補前貢失期者衛二百人二十一年內動稱結親進北恐中國革蘭台者花當孫也兀良哈朵顏爲大部朵顏花當爲貴種花當長子革列字羅早死其弟把兒孫驍勇十年把兒孫入馬蘭谷塞殺參將陳乾遣都督桂勇討之把兒孫遣扯禿等來言請入貢且獻馬贖殺乾罪又謾言射林字羅幹兒路阿刺忽旦夕且糾諸部大舉入寇令小失台呼扯禿等去我亦幸無事奏虜退班師未幾入寇參將魏祥全軍覆沒時把兒孫狡劣屢謀奪適諸酋惡之不相附尋亦死花當種人皆附革蘭台革蘭台貢馬遲之未請副番官也邊臣言上

哈又結海西建州夷出入遼東西塞下

朝鮮

朝鮮周封箕子國也秦遼東外徼漢初為燕衛滿所據武帝取為真番臨屯樂浪玄菟四郡漢末為公孫氏所據魏滅公孫晉并於高麗高麗本扶餘別種王高璉居平壤即樂浪已而東徙鴨綠江東南千餘里後唐時王建代高氏并有新羅百濟又徙東松岳以平壤為西京子孫遣使朝貢宋遼金歷四百餘年元至元中西京內屬置東寧總管府洪武二年王王顯表賀即位遣符寶郎僕斯賜金印誥命大統曆金綺封為高麗國王并賜王母妃相國諸陪臣文幣五年王顯遣其禮部尚書吳季南民部尚書子温表貢方物表言暹羅國恃其險遠不奉朝貢蒙古人留居其國宜徙之蘭秀山逋逃所聚亦恐為寇患乞發兵討之賜璽書言暹羅隸爾國蒙古亦人類蘭秀山逋寇示以朕詔一呼可至勿用兵使十年以高麗貢使煩數遣故元撫密使延安答里諭意顯遣門下贊成事姜仁裕表謝貢方物上令賀正且使金濟及仁裕偕還賜王藥餌又諭中書省曰曩因高麗貢獻煩數遣延

安答里往諭朕意今一歲迭至困罹其民涉海險

遠如渠往使洪師範歸國覆溺幸有脫歸者言其

故否且致疑古諸侯事天子比年一小聘三年一

大聘若九州外遠番世一見而已貢物亦無過侈

高麗去中國稍近人知經史文物禮樂畧似中國

非他邦比宜令三年一聘或比年一聘貢物產布

十疋足矣丞相其以朕意諭王諸新附遠邦來朝

亦明告以朕意中書因使者還咨諭之十六年遣

使張伯崔泊來貢以違命却之令禮部諭王十七

年諭遼東守臣絕高麗十八年國人立王禍為王

禍貢布萬疋馬千匹謝是秋封偶為高麗國王賜

其故王顯謚恭愍十九年請易冠服不許二十二

年國相李仁人劫囚禍而立其子昌為王遣使姜

伯淮朝貢是年仁人子成桂廢昌而立定昌國院

君王瑤主國事二十四年瑤遣使朝貢又令其子

真朝明年正月詔位尚書下是年令市高麗馬萬

疋索關人二百二十五年成桂囚瑤及爽於其私

第自主國事是年知密直司事趙胖等以其國都

評議司奏至奏言恭愍王薨無嗣李仁人以他人

子禍主國事昏暴好殺謀侵遼東大將李成桂力

阻乃已禍自知負罪遜位於子昌國人弗順啓恭
愍王妃安氏擇立宗親定昌國院君王瑤權國事
及今四年昏迷信讒其子奭亦癡騃縱酒色與禍
黨玄禹實等謀復禍位守門下侍中鄭夢周曲附
王瑤謀害成桂及趙俊鄭道傳南閭等今年七月
國中臣民以安妃之命退瑤於私第擇于宗親無
可立者衆推門下侍郎李成桂主國事 上曰朕
中國綱常所在列聖相傳守而不失高麗限山隔
海僻處東夷非我中國所治且事多隱曲不可據
信今禮部移文從其自為聲教成桂更名旦徙居
漢城遣使請更國號詔更號朝鮮且遣使請印詔
上覽表恠旦不遜詰使者使者言表鄭集撰 上
盡却方物索集旦懼送集至京安置雲南二十七
年令遼東絕朝鮮二十九年請印詔不許三十一
年府部請發兵討朝鮮不許旦老請子芳遠嗣旦
卒謚康獻永樂元年賜金印詔命冕服九章圭玉
珮玉列女傳春秋會通大學衍義通鑑綱目諸書
十七年芳遠老請子衎嗣芳遠卒謚恭定宣德初
賜衎五經四書性理大全通鑑綱目五年衎遣使
獻海青鷹使還賜王磁器論衎王國中多珍禽異

獸然朕所欲不在此後勿獻自後聖旦元旦皆使
朝貢王請封慶弔謝使來無常期朝廷有大政頒
詔其國及王請嗣封皆遣使正統間賜王遠遊冠
絳紗袍翼善冠龍袞玉帶景泰元年衎卒命子珣
嗣珣卒賜謚恭順命子弘暉嗣弘暉幼叔瑒以讓
位請七年封瑒為王瑒後不知幾傳而娶立正德
元年娶卒謚康靖子愷立踰年而世子顛卒愷病
風遜其弟懌正德二年懌立十五年封子崐為世
子嘉靖二十三年懌卒二十四年崐立未踰年卒
二十四年崐弟岷立三十六年封長子顛清為世
子岷疏乞改 大明會典中所載成桂篡逆事從
之其國東西南濱海北鄰女直西北至鴨綠江東
西相距二千里南北四千里分八道統府州郡縣
俗柔謹知文字喜讀書崇釋尚鬼惡殺戴折風巾
服大袖衫男女相悅為婚死三年始葬飲食用俎
豆官吏開威儀居皆茅茨衣多麻苧以田制俸以
杭醞酒法無苛條刑不慘毒山川九都神嵩北岳
海鴨綠江為大產金銀鐵水晶鹽紬苧布白磁紙
狼尾筆果下馬長尾鷄貂豹海豹皮八梢魚昆布
杭黍麻榛松人參茯苓

琉球

琉球在海東南自福建梅花所開洋順颺利船七日可至漢魏至唐宋不通中國隋嘗遣兵虜其男女五千人元遣使招諭竟不從洪武初國分中山山南山北稱三王遣使朝貢十五年賜中山王察度山南王承宗鍍金銀印金幣使還言三王爭雄相攻賜詔諭之并諭山北王怕死芝十六年賜山北王印文綺王妃姪相寨官各有差二十五年中山遣子姪及其普臣子弟入國學 上喜禮遇獨優賜閩人三十六姓善操舟者令往來朝貢永樂二年察度卒詔封其世子武寧嗣王是年山南王承察度卒無子令其從弟汪應祖攝國事應祖使來請命如山北王故事諭塞尚書遣使賜應祖冠服嗣山南王九年中山王思紹令坤宜堪彌貢馬及方物以其長史程復來見表言長史王茂輔導有年乞陞國相兼長史事又言復本中國饒州人輔臣祖察度四十餘年不解于職今年八十有一乞令致仕還其鄉 上從之陞復琉球國相兼左長史致仕還饒茂國相兼右長史景泰元年中山王尚思達遣人朝貢三王嗣封皆請於朝已而山

琉球傳

卷六

琉球傳

卷六

南山北為中山所并中山遣使朝貢令三年一貢貢無過百五十人察度後五傳至尚圓嗣王卒子尚真嗣嘉靖十一年尚真卒子尚清請嗣遣左給事中陳侃行人高澄以太牢祀真封清嗣王賜王妃冠服錦幣使臣疏言弘治正德時修譏羅倫等嘗使安南安南乞留詔勅為鎮國之寶倫為請得留即琉球請留如安南海外遠不得即請乞下禮官議議請如安南使至國授封王拜曰天朝詔勅藏金匱者八葉于茲矣請留使許之比還遣其王親寧吉長史蔡瀚上表謝使上使琉球錄言大明一統志中載琉球有落滌王居壁下聚觴饌非實事杜氏通典集事淵海羸重錄星槎勝覽所述亦亦傳者妄也乞下史館從之其俗以盈虛為晦朔以草木為冬夏人皆去髭黥手羽冠毛衣無禮節好剽掠既遣人學於國學夷習習變奉正朔設官職被服冠裳陳奏章表著作篇什有華風焉今其國中王下有王親不與政次法司官次察度官司刑名次那霸港官司錢穀次耳目官司訪問皆土官為武職以上世及所轄地為姓名其大夫長史通事官司朝貢有定員為文職皆三十六姓人及

學於國學者為之王弁日視朝旦中晷凡三朝群
 臣搓手膜拜尊且親者入殿坐飲酒畢疏者移時
 長跪階下歲元旦聖節長至君臣冠服拜龍亭祝
 慶子為親喪數月不肉食人死以中元前後日浴
 尸溪水去腐肉取骨纏以布帛裹菁草埋土中王
 及諸臣家匣骨藏山穴竅木為小牖歲時祭掃啓
 視之地無貨殖不通商賈朝貢乘大航海上漁鹽
 泛小艇無竹筏信鬼畏神神以婦人為尸號女巫
 女巫之魁稱女君白日呼嘯聚輒數百人携枝戴
 草騎步縱橫時入王宮褻遊狎戲一唱百和音聲
 凄慘倏忽往來莫可踪跡馮附淫昏矯誣禍福王
 及世子陪臣皆頓首拜跪王居山巔國門名歡會
 府門漏刻殿門奉神朴素無金碧之飾賦法畧如
 井田王臣民各分土為祿食上下無征斂有事一
 取諸民事已即已用刑甚嚴盜竊即刑剗家富貴
 者瓦屋不過二三楹餘皆茅土風雨飄搖以螺殼
 爨爨無金甌耕無鐵婦人嚼米為酒男子煮海為
 鹽市用日本錢十當一如宋季驚眼經貫人無貴
 賤皆驍健耐勞苦饑寒不知醫藥而無疾疫兵甲
 堅利射可至二百步進止有金鼓鄰國視為勍敵

然好爭很鬪輒刃殺人度不能脫即剖腹自斃其
 山川龜鼉嶼彭湖島為大或曰國西古米山有礁
 甚險舟至輒敗即落滌也產馬海巴牛皮磨刀石
 硫黃銅錫扇山無猛獸以故多野馬牛豕鬪鏤木
 蘇木胡椒諸香非其產也又有小琉球近泉州閩
 人言霽日登鼓山可望而見入國朝未嘗朝貢或
 日弁入琉球琉球旁有毗舍那者島中小夷鳥語
 鬼形袒裸盱睢殆非人類不通中國

女直

女直古肅慎氏在混同江東東瀕海西接兀良哈
 南隣朝鮮北至奴兒干其地有長白山橫亘千里
 高二百里巔上有潭周八十里南流為鴨綠江北
 為混同混同江在開原城北千五百里又有松花
 江在開原城東北千里黑龍江在開原城北二千
 五百里與混同皆南入松花元設諸府路領混同
 江南北水達達及女直人 明興遣人招諭永樂
 九年春遣將將水軍駕巨艦至江上召集諸酋豪
 餌以官賞於是東旺佟答刺哈王肇州瑣勝哥四
 酋率眾降始設奴兒干都司以四酋為都指揮賜
 勅印又置衛所三百八十二官諸小酋為指揮千

百戶鎮撫又有地百五十八站七寨一皆令三歲朝貢官賞羈縻之又置馬市開原城通交易稍給鹽米布贍諸酋豪使保塞不為邊寇盜各路有水陸城站自湯站東抵開原曰建州毛鄰海西野人兀者皆有室廬建州最強開原北近松花江者曰山夷又北抵黑龍江曰江夷亦有室廬江夷為強建州毛鄰本渤海氏遺孽喜耕種善緝紡飲食衣服頗有華風海西有山夷即熟女直完顏餘種亦務耕稼婦女喜金珠倚山作寨亦名山寨夷江夷居黑龍江即生女直數與熟女直讐殺百十戰不休諸夷皆善射馳獵好盜建州夷尤善治生其左右二衛最無賴江夷以址有阿哈婁得悍狡自相雄長大抵東北諸夷建州處要害居中與諸夷勢聯絡相倚角五嶺喜昌石門險隘人騎不得成列虜人視為咽喉永樂間開原降虜楊木答戶者率數百騎奔建州已而建州酋李滿住款塞求內附駐牧蘇子河日強盛靖難未久專事撫綏桀驁漸為邊患一歲間入寇者九十七殺虜吏民十萬餘正統末附也先入塞侵遼東西景恭中諸酋多死也先之亂盡失賜勅諸子孫不得請官以舍人入

木末

非

三

貢賞宴大減以故怨忿思叛成化二年酋董山遂糾衆入寇三年武靖伯趙輔克總兵都督王瑛封忠為副左都御史李秉督軍率漢番京邊官軍五萬討之山降送京師放歸廣寧輔秉曰山不可宥請誅山九月分左軍出潭河柴河越石門土木河至分水嶺右軍由鴉鵲關喜昌口過鳳凰城黑松林摩天嶺至發猪江中軍自撫順經薄刀山鮎魚嶺過五嶺度蘇子河至虎城期日會兵進勦朝鮮亦遣中樞府知事康純魚有沼南怡率兵萬人過其東走我兵擣賊巢虜遁擒斬俘獲虜指揮若女等千人班師指揮張額的里率妻子乞降朝廷憐而釋之明年留韓斌為副總兵防守築撫順清河髮陽諸堡未幾諸夷憤欲報山讐相約入寇拾肆年入塞殺掠人畜無筭巡撫陳鉞掩降虜為功又附太監汪直開邊隙出塞撲殺諸夷諸夷益恨我大入塞殺掠吏民遣兵部侍郎馬文升及直撫勦直倖用事幸功陰為鉞地要文升偕行文升弗聽疾馳至鎮撫定黑鎖忒諸酋比直至虜已解散直大怒文升還奏文升妄啓邊釁謂女直建州諸虜皆以文升曩在鎮禁不與易農器故發寇塞上遣

木末

非

三

直及刑部尚書林聰即訊遼東報上盡如直言下
 文升詔獄文升言實禁鐵器非農器不聽竟謫戍
 重慶已而直敗貶內使南京鉞亦敗下詔獄文升
 得雪復官致仕正德八年海西加哈又叛嘉靖二
 十四年巡撫於敖減賞物夷人大譁不能拊顧詐
 殺諸譁酋夷人大恨數入塞殺掠大恠胡宗明代
 敖不能禦降浙江參議二十七年大虜通兀良哈
 諸女直入遼東代宗明巡撫李珣又論罷遼東西
 大困產惜矢石怒赤玉真珠金麻布鹽馬黃狃虎
 黑狐狸海上有海豹驢豬羊狗野有野猪牛驢

皇朝通志

卷一百一

七

七

三佛齊

三佛齊即舊港又名淳淋在東南海中本南蠻別
 種初隸爪哇有地十五州東距爪哇西距蒲刺加
 南距大山西北濱海番船輻輳多廣東淳泉人土
 沃宜稼穡人好賭博習水戰服藥刀不能傷遇敵
 敢死鄰國畏之水多土少將領得居陸民率架筏
 水中架梁柱語言如爪哇市用錢布字用梵書其
 屬有單馬今凌牙斯遂豐登牙儂細蘭諸國洪武

皇朝通志

卷一百一

七

七

初王恒麻沙那阿稱臣入貢四年遣玉的力馬罕
 亦里麻思奉金字表朝貢賜大統曆文幣六年使
 來貢八年使從我招諭拂菻十年恒麻沙那阿卒
 賜王子麻那者巫里三佛齊國王印印駝鈕銀質
 鍍金是時廣東有陳祖義者脫罪避居其國久之
 得為將領暴橫掠過客永樂中太監鄭和統海舶
 下西洋至三佛齊有施進者祖義鄉人也訴于和
 和擒殺祖義承制官進仍留舊港為將領進沒女
 嗣官產鶴頂火鷄神鹿金銀水晶珠珊瑚犀
 角象牙龍腦諸香貓睛石薔薇水阿魏沒藥血結
 鶴頂鳥大於鴨腦骨厚寸餘外黃內赤鮮麗可愛
 火鷄大於鶴頸足亦似鶴軟紅冠銳背毛如青羊
 色爪甚利傷人腹致死食炭神鹿大如巨豕高可
 三尺短毛豕喙蹄三趾

占城

占城古越裳秦林邑漢象林漢末區連殺縣令自
 稱林邑王遂不入版圖唐元和初改號占城宋淳
 熙中襲破真臘慶元中真臘復讐俘殺幾盡更立
 真臘人為主洪武二年遣吳用顏宗魯楊載等使
 占城爪哇日本等國賜王璽書是年遣使蒲口麻

都朝貢言安南侵境上遣使招諭安南罷兵是年
國主阿答阿者遣虎都蠻來朝貢虎象遣中書省
管勾甘桓會同館副使路貢賢封阿答阿者爲占
城國王賜大統曆金綺四年阿答阿者遣答班爪
上農奉金葉表朝貢言安南數侵境乞賜兵器樂
人俾安南知我乃聲教所被輸貢之地不敢輒欺
負上憐之命中書省咨王言交隣有道事上以誠
占城安南旣皆臣事朝廷豈可擅兵相毒即咨安
南令其罷兵兵器不爾吝但以安南故賜爾是助
爾構兵也樂器有聲律華夷方言本異中國人不
可遣遣爾國人能習華音者來習肄十六年遣子
來賀聖節賜勅合文冊二十四年使至以臣弒君
故絕之永樂四年王占巴鎖里人勅王的賴得黎
賊父子及其黨惡即械送京尚書陳洽在南交軍
中馳奏占城國王占巴的賴奉命出兵討安南陰
懷二心愆期不進及進至化州輒肆虜掠又以金
帛戰象資季擴季擴亦以黎蒼女遺之復約季擴
舅陳翁挺等三萬餘人復侵升華府隸四州十一
縣地驅掠人民罪下季擴一等耳請發兵討之上
以交趾初平不欲窮兵遠夷遣使諭王歸我侵地

皇明聖考

卷六

三

永樂後遣人朝貢令三年一貢正統六年國人請
封其嗣王遣使冊封成化中遣使冊封正使卒海
上副使論罪戍邊其國在大海南南距真臘西距
交趾東北際海自閩長樂五虎門西南行順風可
十日至東北百里海口立石塔爲標舟至是繫焉
俗獷悍果于戰鬥尚釋教王冠三山金花玲瓏冠
衣白跣足乘象或黃犢車臣焚葉冠男蓬頭女後
椎結所居茅茨不得踰三尺衣紫衣衣玄黃罪死
出入乘象馬粒食亦鮮食殺牛祭鬼驅象逐邪市
用金銀焚衣祭天釀酒甕中俟熟貧主繞甕坐筒
而輻且輻且注水味盡而止文書用羊皮及黑
皮無閏月晝夜各分五十刻王嘗賀日沐人膽汁
將領獻人膽爲賀王在位三十年即入山茹素受
戒令子姪攝國居一歲額天矢日我不道當兇虎
狼食或病死暮年得無恙復入爲王於是國人呼
爲芳嚟馬哈刺札云有號屍致魚者婦人也日無
瞳夜飛頭入人家食小兒穢氣侵兒腹兒即死頭
返合體如故失其體不得合即死夫不聞者罪之
產金銀錫鐵獅象犀牛瑇瑁諸香朝霞大火珠菩
薩石薔薇水猛火油檳榔諸文異木胡椒白藤吉

皇明聖考

卷六

三

貝絲紋白氈布孔雀山雉伽南香唯此地有之價亦高觀音竹如藤長丈八尺許色黑如鐵寸二三節犀角象牙最多犀如水牛大者八百斤體黑無毛蹄有三踏獨角在鼻端長者可尺五寸馬小於驢波羅窰形如東瓜

日本

日本古倭奴國海中諸夷倭奴最大西南至海東北大山國主世以王為姓群臣亦世官地分五畿七道三島又有附庸國百餘拘邪韓最大其國小者百里大不過五百里戶少者千多止一二萬

倭種也漢滅朝鮮通使稱王者三十餘國倭王最雄長者居邪馬臺即邪摩維歷漢魏晉宋隋皆朝貢稍習華音唐咸亨初惡倭名更號日本國朝洪武二年倭寇山東並海郡縣又寇淮安三年寇山東轉掠浙東福建旁海諸郡是年遣萊州府同知趙秩賜璽書諭其王良懷言倭寇海上書至日如臣我奉表來庭不臣則修兵自固秩至諭王中國聖主威德責其入貢王曰吾國未嘗不慕中國願蒙古戎狄蒞華以小國視我乃使趙良弼誅我好語初不知其規我國也既而發舟數千襲我比至

一時風霆漂覆幾無遺類自是不與通者數十年爾得非良弼後乎將刃之秩徐曰聖天子生華帝華非蒙古比我亦非良弼後爾殺我禍不旋踵王氣沮禮秩具物遣僧隨秩奉表稱臣入貢使未至又掠温州五年上諭劉基曰東夷尚禪教姑遣明州天寧僧祖闡南京瓦官僧無逸開諭之良懷欲留二僧力辭王遣使同二僧入貢是年寇海鹽澈浦温州初令浙江福建造海舟防倭而倭又寇福建海上諸郡六年以於顯為總兵官出海巡倭倭寇登萊七年寇膠州是年遣僧來貢無表文却之其臣亦遣僧貢馬茶布刀扇上曰此私交也亦不受令中書省移文責王九年遣僧歸廷用等奉表貢馬及方物謝罪賜王及使文綺有差已而上覽表曰良懷不誠詔責之十二年來貢無表文安置使人於陝西番寺十三年遣使詔諭良懷遣僧如瑤貢馬令禮部移書責王數掠我海上復却之諸僧皆安置川陝番寺十四年遣僧入貢乞還安置諸僧使上曰日本既謝罪還其使召至京宴賞遣歸十五年歸廷用又來貢於是有林賢之獄曰故丞相胡惟庸通日本蓋祖訓所謂日本雖朝貢詐

暗通奸臣胡惟庸謀為不軌故絕之也是時惟庸死且三年矣十六年寇金鄉平陽十七年如瑤又來貢坐通惟庸發雲南守禦是年信國公和致仕居鳳陽上召至京諭曰日本小夷屢擾東海上卿雖老強為朕行視要地築城防此賊信國公築登萊至浙沿海五十九城民丁四調一為戍兵二十年置浙東西防倭衛所是年遣江夏侯周德興築福建海上十六城設衛所遂堞福建漳泉人為兵戍並海衛所二十六年寇金鄉二十七年二月遣都督僉事劉德商高懸視兩浙防倭三月又勅都

皇朝通志考

卷六

督楊文舉又勅魏國公徐輝祖安陸侯吳傑練浙江海上兵防倭二十八年寇金州靖難後太監鄭和等率舟師三萬下西洋日本遣人來貢并擒獻犯邊賊二十餘人即付使人治之縛置甌中丞死永樂二年使還遣通政趙居任賜王冠服文綺金銀古器書畫又給勘合百道令十年一貢每貢正副使等毋過二百人若貢非期人船踰數夾帶刀鎗並以寇論居任還不受王餽 上喜厚賜之尋命僉都御史俞士吉賜玉印誥冊封為日本國王詔名其國之鎮山曰壽安鎮國山 上為文勒石

久之嗣王道義卒子源道義嗣益奸狡時時令各島人掠我海上九年寇盤石十五年寇松門金鄉平陽是年遣禮部員外郎呂淵諭王還所掠海上人十六年遣使謝罪當是時數入金蓋都督劉榮總兵守遼東繕海上墩堡伏兵伺之十七年倭船入王家山島傳烽杳至榮率精兵疾馳入望海塢賊數千人分乘二十舟直抵馬雄島進圍望海塢榮發伏出戰遣奇兵布伏諸山下斷其歸路賊奔入櫻桃園榮合兵圍而攻之斬首七百四十二捕生八百五十七召榮至京封廣寧伯自是不敢窺

皇朝通志考

卷六

遼東二十年寇象山初方國珍據温台處張士誠據寧紹杭嘉蘇松通泰諸郡皆在海上方張既降滅諸賊強豪者悉航海糾島倭入寇以故洪武中倭數掠海上高皇既遣使命將築城增戍又命南雄侯趙庸招蛋戶島人漁丁賈豎蓋自淮浙至閩廣幾萬人盡籍為兵分十千戶所於是海上惡少皆得衣食於縣官洪武末年海中方張諸通賊壯者老老者死以故旁海郡縣稍得休息永樂初西洋之役雖伸威海表而華人習知海夷金寶之饒夷人來貢亦知我海道奸關出入華夷相糾以故

寇盜復起非廣寧之捷禍未已也宣德元年遣人來貢人船刀劍不奉我約束 上諭使臣自後貢毋過三舟使人毋過三百刀劍毋過三十否不受七年遣人來貢如約束受之八年源道義卒命大監雷春少卿潘賜等吊祭十年嗣王遣使貢謝倭自得我勘合方物戎器滿載而來遇官兵矯云入貢貢即不如期守臣幸無事輒請俯順夷情主客者為畫可條奏即復許貢云不為例嗣後再至亦復如之我無備即舉出殺掠滿載而歸宣德末年海防益備賊不得間貢稍如約遂許夷至京師宴賞市易飽恣其欲已而倭禦漸疎正統四年寇大嵩入桃渚官庾民舍焚劫一空驅掠少壯發掘冢墓束嬰孩竿柱上沃之沸湯視其啼號拍手笑樂捕得孕婦忖度男女剝視中否為勝負飲酒荒淫穢惡至有不可言者積骸如陵流血成川城野蕭條過者隕涕於是朝廷下詔備倭命重帥守要地增城堡謹斥堠修戰艦合兵分番屯駐海上寇盜稍息七年來貢十一年寇海寧乍浦成化初忽至寧波知我有備矯稱進貢守臣為請於朝且欲遣之至京楊文懿公守陳賂書張主客力言其不可

許二十年遣周瑋等來貢弘治八年壽莫來貢正德六年朱素卿源永壽來貢求祀孔子儀注不許鄞人朱澄告言素卿本澄從子叛附夷人守臣以聞主客以素卿正使釋之令諭王效順無侵邊八年僧桂梧等來貢嘉靖元年王源義植無道國人不服諸道爭貢大內藝興遣僧宗設細川高遣僧瑞佐及素卿先後至寧波故事凡番貢至者閱貨宴席並以先後為序時瑞佐後至素卿奸狡通市舶太監饋賄萬計太監令先閱瑞佐貨宴又令坐宗設上宗設席間與瑞佐忿爭相讐殺太監又以素卿故陸助佐授之兵器殺總督倭都指揮劉錦大掠寧波旁海鄉鎮素卿坐叛論死宗設瑞佐皆釋還給事中夏言上言禍起於市舶禮部遂請罷市舶而不知所當罷者市舶太監非市舶也夷中百貨皆中國不可缺者夷必欲售中國必欲得之以故 祖訓雖絕日本而三市舶司不廢市舶初設在太倉黃渡尋以近京師改設於福建浙江廣東七年罷未幾復設蓋東夷有馬市西夷有茶市江南海夷有市舶所以通華夷之情遷有無之貨收徵稅之利減戍守之費又以禁海賈抑奸

皇朝通志

卷一百一

三

七

皇朝通志

卷一百一

三

七

商使利權在上罷市舶而利孔在下奸豪外交內
訶海上無寧日矣番貨至輒賒奸商久之奸商欺
負多者萬金少不下千金轉展不肯償乃投貴官
家久之貴官家又欺負不肯償貪及其於奸商番
人泊近島遣人坐索久之竟不肯償番人乏食出
沒海上為盜貴官家欲其亟去輒以危言憾官府
云番人據近島殺掠人柰何不出一兵備倭當如
是及官府出兵輒齎糧漏師好語啗番人利他日
貨至且復賒我如是者久之番人大恨諸貴官家
言我貨本倭王物爾價不我償我何以復倭王不
掠爾金寶殺爾倭王必殺我盤據海洋不肯去近
年寵賂公行上下相蒙官邪政亂小民迫於貧酷
苦於徭賦困於饑寒相率入海從之凶徒逸囚罷
吏黠僧及衣冠失職書生不得志群不逞者皆為
之奸細為之鄉道人情忿恨不可堪忍弱者圖飽
煖日夕強者奮臂欲洩其怒於是王忤瘋徐必欺
毛臨瘋之徒皆我華人金冠龍袍稱王海島攻城
累邑劫庫縱囚遇文武官發憤所殺即伏地叩頭
乞餘生不聽而其妻子宗族田廬金穀公然富厚
莫敢誰何浙東大壞二十五年以朱統為浙江巡

皇明史考

八上卷

五九

撫都御史兼領興福漳泉治兵捕賊統清諒方勁
任怨任勞嚴戢閩浙諸貴官家嘗言去外夷之盜
易去中國之盜難去中國之盜易去中國衣冠之
盜難上章鑄暴貴官通番二三渠魁於是聲勢相
倚者大譁切齒詆誣惑亂視聽改統為巡視未幾
言官論劾又遣言官即訊甘心煅煉必欲殺統統
憤悶卒統所任福建有功海道副使柯喬都指揮
盧鏜殺賊有功皆論死繫按察司獄於是華夷群
盜唾手肆起益無忌憚三十一年殘黃岩掠定海
浙東騷動遣都御史王行巡視兩浙兼領漳泉興
福四郡以都指揮俞大猷湯克寬為浙閩參將勦
賊顧兵政久弛將士耗鈍水寨戰艦所在廢壞行
經畧未幾群賊總至柵寨列港外約諸島內招亡
命勢益猖獗二十二年大猷冒險出洋焚蕩巢穴
首賊逸去群偷流散乘風奔突倏忽千里溫台寧
紹杭嘉蘇松楊淮十郡並受其害克寬統領步兵
往來海堞護城捕賊斬獲亦多行不肯隱敗冒功
擒治奸豪破解支黨大猷克寬兩參將皆知勇可
任徒以江南人素柔軟賊未登岸望風奔潰文武
大吏未能以軍法繩下而有司往往以軍法脅持

皇明史考

不卷

四九

富人巧索橫斂指一科百師行城守餉犒百物類多乾沒十不給一廉謹之士又謂南人善謗低頭束手不敢動一錢於是公私坐困戰守無策始釋柯喬起盧鏜而賊船點翻滿海破昌國臨山霏霧乍浦青村南匯吳松江諸衛所圍海鹽太倉嘉定入上海掠華亭海寧平湖餘姚定海諸州縣焚劫殺戰汚辱慘於正統時矣而通番奸豪又言行大猷搗巢非諱且搗動行行薦鏜起為閩參將代克寬克寬以副總兵將屯金山閩人故忌鏜功鏜凶險不可用南京言官又復薦鏜二十三年遂犯北

是朝如東考 大表

北海門如阜通州皆被殺掠是時復用盧鏜為參將而以俞大猷為浙直總兵未幾工部侍郎趙文華以海賊猖獗請禱海神遂遣文華行禱公私勞費不貲皆歸囊橐比忤政大同巡撫徐州兵俗李天寵代行南兵尚書張經提督浙閩江南北軍務有王江涇之捷文華素忌經天寵遂奏經天寵逮詔獄論死西市而以浙江巡按胡宗憲代天寵南戶部侍郎楊宜代經自後賊益熾縱橫出入二十六郡文華還朝未幾又出監督諸軍搜括官庫富家金寶書畫數百萬計交通家蔽以收為功以功

為罪雖有沈在梁在之戰竟莫救荼毒之慘兩浙江淮閩廣所在徵兵集餉提編均徭加派稅糧截留漕粟扣除京帑請給醴課迫脇富民釋脫凶惡濫授官職浪費無經其為軍旅之用纔十之一征發漢土官兵川湖貴廣山東西河南北靡不受害臨賊驅之不前賊退遣之不去散為盜賊行者居者咸受其害於是外寇未寧而內憂益甚矣宗憲計擒賊首王直浙西江東稍得安靖浙東温台江北淮揚閩中嶺表尤被其毒已而俞大猷被中傷盧鏜代之賴朝廷 聖明大猷得不死江北處撫李遂有廟灣之捷入南兵部為侍郎唐順之代遂福建巡撫王詢數有功畏譏引疾去代者劉壽宗憲以擒直功陞右都御史加太子太保叙子錦衣千戶先是文華陞工部尚書以論吏部尚書李默即加太子太保又以征倭功加少保子廢錦衣千戶不數月文華削籍千戶請戍榆林自壬子倭奴入黃岩迄今十年閩浙江南北廣東人皆從倭奴大抵賊中皆華人倭奴直十之一二久之奸頑者嗜利貧窘者避徭賦往往喜賊至而貪殘之吏又從而驅之封疆之臣輒請添官當事者不敢阻於

是添設都御史三人總兵一人副總兵二人參將
十三人兵備副使十一人諸將校近百人田賦倍
於常科徵徭溢於甲式矣其俗男子魁頭斷髮黥
面文身婦人被髮屈紒皆跣足間用屨其喜盜輕
生好殺天性然也物產金銀琥珀水晶硫黃水銀
銅錢白珠青玉蘇木胡椒細絹花布螺蚶漆器扇
犀象刀劍鎧甲馬交市華人喜得童男女錦綺絲
綿磁針

真臘

真臘本扶南屬國一名占臘在東海中隋始通中
國唐神龍中并扶南而國分爲二其南近海多陂
澤爲水真臘北多山阜爲陸真臘後復合爲一宋
宣和初封爲真臘國王慶元中破占城立其國人
爲占城王占城遂爲屬國又有參半真里登流眉
蒲甘等國皆屬真臘聚落頗衆地亦廣洪武六年
國王忽兒那遣柰亦告郎表獻方物賜大統曆文
綺二十年正黎列保昆耶甘若者遣使貢象及方
物景泰二年貢賜王及妃文綺朝貢至今不絕其
俗尚華侈東向爲上右手爲潔縣鎮風習大類占
城王三日一視朝婚娶燃燈不息視力耕種產銅

金諸香象翠羽嘉樹異魚

暹羅

暹羅本暹與羅斛二國在南海中暹土瘠不宜耕
稼羅斛土平衍種多獲暹仰給焉元至正間暹降
羅斛洪武四年暹羅斛國王參烈昭毘牙遣柰思
俚儕刺識悉替奉金葉表朝貢賜大統曆十年遣
子昭祿群膺奉金葉表貢象及方物遣使賜詔及
暹羅國王之印十六年給勘合文冊令如期朝貢
永樂元年稱暹羅國十五年瓊里人昭祿群膺嚙
囉諦刺爲王遣柰必上表貢方物乞量衡式賜古
今烈女傳金綺量衡令三年一朝貢宣德中稍減
賜物者令其國方千餘里群山環繞峭拔崎嶇地
下濕土踈惡氣候嵐熱不齊自占城西南舟行七
晝夜至其國王宮壯麗民樓居其樓密聯檳榔片
藤繫之甚固籍以藤蓆竹簟寢處于中王白布纏
首腰束嵌絲悅加錦綺跨象或乘肩輿尚釋教國
人效之好爲僧尼婦人多智夫聽於妻妻與中國
人私不爲怪男陽嵌珠玉富貴者範金盛珠行有
聲婚則群僧迎婿至女家僧取女紅貼男額稱利
市喪禮貴者灌水銀葬民間鳥葬言語大類廣東

俗澆浮習水戰好鬪喜寇掠市川海貳煮海為鹽釀秫為酒產寶石奇香異木翠羽獅白象白鼠蕪木賤如薪色絕勝六足龜珊瑚

蕪門答刺

蕪門答刺即古蕪文達那西洋之要會也東南大山西北距海山連阿魯那孤兒黎伐三國自滿刺加西南行順風五晝夜至答魯蠻村舍舟陸行十里至其國無城郭有大溪入海海口大濤船至此往往沒溺洪武中國王遣人奉金葉表貢馬及方物永樂三年國主鎖丹罕難阿必鎮遣阿里來朝

皇朝通志 卷一百一十五

大上卷

四

貢封為蕪答刺國王賜印誥金幣五年使來貢已而王與花面王戰敗中矢死子弱不能復讐其妻發憤令于國口能復此讐者我以為夫與共國事有漁翁聞之率眾敗殺花面王王妻遂從漁翁永樂七年王來貢 上喜厚賜之十年遣使至其國故王假子率部眾殺漁翁王王子蘇幹利率眾奔于峭山時時相侵欲復讐十一年太監鄭和擒送京伏法漁翁王子感激貢方物甚夥宣德中貢使數至用金葉表十年封其子嗣王皆有賜至今朝貢不絕風俗淳厚言語和媚室廬婚喪衣服物產

類滿刺加田磽澆少熟番舶往來財貨充牣人饒富市用金錫錢惟酋長好殺殺人輒取血浴身花面王者即那孤兒王也國小僅比大村祇千餘家人皆務商以故號花面風俗語言類蘇門答刺

爪哇

爪哇古闍婆國又名莆家龍元稱爪哇其國分東西二王所屬有蘇吉丹打板打網底勿諸國洪武三年王昔里八達刺遣八的占必奉金葉表貢方物及黑奴三百人納元所授宣勅已而我使至三佛齊爪哇要而殺之十三年王八達那巴那務遣

皇朝通志 卷一百一十五

大上卷

四

阿烈彘烈時奉金葉表朝貢上遣其使還詔諭責王遂絕其使永樂二年其國東王遣使朝貢請印與之五年西王都馬板與東王戰滅東王時我舟過東王城西王殺我百七十人西王懼遣亞烈加恩謝罪勅詰責西王令償死者黃金六萬兩已而遣人貢萬兩禮官請索如數上曰朕利金耶今遠人知畏耳獨其金賜鈔幣論之十六年西王楊惟西沙遣人獻白鸚鵡正統八年令三年一貢其國四鄉初至杜板僅千家二酋主之流寓多廣東漳泉人又東行半日至所村中國人客此成聚落遂

名新村約千餘家村主廣東人番舶至此互市金寶克溢人富饒又南水行可半日至淡水港乘小艇行二十餘里至蘓魯馬益亦有千餘家半中國人港傍大洲林木蔚茂有長尾猿數萬又水行八十里至漳右登岸西南陸行半日至王所居蒲者伯夷僅二三百家總領七八人王宮磚墉高餘三丈方三十餘里屋高四丈地覆板蒙藤花蓆踞跌而坐民居茅茨磚庫坐卧于內王蓬頭頂金葉冠曾紫嵌絲帨腰束錦綺佩短刀跣足跨象或乘牛民男蓬頭女椎結上衣下帨男必腰刀刀極精巧刑無鞭朴罪不問輕重藤繫刀殺之市用中國古錢衡量倍于中國磁麝綺帛國人大抵三種西番賈胡居久者服食皆雅潔中國流寓者尚回回教持齋受戒曰唐人土人有名無姓尚氣好鬪顏色黝黑猓頭赤脚信鬼坐卧無椅榻飲食無匙箸啖蛇蟻虫蛆與犬同寢食不爲穢也婚男造女家後五日迎婦金鼓刀盾前後甚都婦裸被髮跣足紫嵌絲帨戴被金珠絲飾寶粧喪有水焚火焚犬焚惟死者所欲產金珠銀犀角象牙玳瑁青鹽檳榔椒香蘓木枕椰木吉貝倒掛烏綠鳩綠鳩紅綠

白鸚鵡白鹿白猿猴

皇明四夷考上卷終

子復準校正

六

四八

皇明四夷考下卷

吾國編第六八

海鹽鄭曉

古俚

古俚大國西洋諸番之會去中國十萬里西瀕海南距柯枝自柯枝海行可三日至永樂元年王馬那必加刺滿遣馬戍朝貢馬五年遣太監鄭和賜王誥幣陞賞其將領有差王好浮屠敬象牛老不傳子傳外孫否則傳弟無外孫弟傳善行人族類分五種如柯枝王南毘人不食牛將領回回人不食猪大家晨起用牛糞塗地煨牛糞為囊佩之每

皇明四夷考

下卷

日水調抹額及股國事皆決于二將領土宜麥多馬俗尚信義行者讓路道不拾遺海濱為市通諸番用金銀錢以葫蘆為樂器紅銅絲為絃歌聲相協鏗鏘可聽刑無鞭笞斷手足重罰金誅戮沒產夷其族有西洋布曰捲黎本出隣國坎夷巴匹闊四尺五寸色絲間花悅闊五尺產孔雀白鳩馬無餘鳥諸香膏貢金絲寶帶金絲細如髮結花綴八寶珍珠鴉鵲石

淳泥

淳泥本閩婆屬國在西南大海中統十四州洪武

四年王馬漠沙遣亦思麻逸進金表銀箋貢方物賜金綺永樂三年遣使封其國主麻那惹加那乃為淳泥國王賜印符誥幣六年王率其妃及子來朝遣使迎勞之福建至南京王上金表獻珍物妃箋獻中宮東宮 上宴王奉天門是年王卒于會同館謚恭順堃石子岡樹碑立祠有司春秋祀封其子遐旺嗣賜玉帶金銀綺幣器皿使送歸國遐旺請封其國後山賜名長寧鎮國上為文刻石十二年洪熙元年皆來朝貢俗以板為城以銅鑄甲煮海為鹽釀秫為酒喪葬有棺盛食無器室宇弘敞原田豐利習尚奢侈愛敬華人王服頗效中國產片腦諸香象牙吉貝玳瑁鶴頂

皇明四夷考

下卷

滿刺加

滿刺加永樂三年王西利入兒速刺遣使奉金葉表朝貢言願內附為屬郡效職貢七年太監鄭和克册封使賜印誥錦綺封為滿刺加國王九年嗣王拜里迷蘇刺率其妃及子五百四十人來朝上御奉天門宴王賜玉帶羽儀鞍馬金銀錢鈔錦綺衣服子姪從賞各有差十年遣使送還國十二年王母來朝貢厚賜之二十二年宣德九年

王復來朝貢賜亦厚正統十年後數遣使來朝貢
天順三年王無答佛哪沙卒于舟茫速沙請封遣
使冊立為王成化末給事中林榮行人黃乾亨奉
使溺海死廕子入監讀書其國舊名五嶼東南距
海西北皆山地瘠鹵故未稱國隸暹羅歲輸金五
千兩既奉我正朔始不隸暹羅王白帛纏首衣青
花袍躡皮屨乘轎俗淳朴尚回回教民舍如暹羅
婚喪大類爪哇聯榻跌坐剝木為舟泛海而漁考
海人畏龜龍龜龍高四尺四足身負鱗甲露長牙
遇人即嚙噬即死山有黑虎視虎差小或變人形
白晝群入市覺者擒殺之

榜葛刺

西天有五印度國榜葛蘭者東印度也永樂六年
王嚮牙思丁遣人朝貢九年至太倉命行人往宴
勞之十二年王賽弗丁遣人奉金葉表獻麒麟國
最大自蘇門答刺海行過翠藍島至瀾地港更小
舟行五百里至鎖納兒港登陸行三十五里至其
國地廣人稠財物豐衍甲於諸鄰國國有城郭王
及諸官皆回回人男祝髮白布纏頭圍領長衣束
綵帨躡皮屨市用銀錢海賦五嶼山最高大氣候

常熱如夏賦十二刑笞杖徒流官有印章行移軍
有根陰陽醫卜百工技藝大類中國有衣黑白花
衫紫帨佩珊瑚琥珀纓絡繫臂矸子鐳劍歌舞侑
酒者曰根宵速魯柰柰蓋優人也能作百戲以鐵
索繫虎行市中入人家解索坐虎于庭裸而搏虎
虎怒交撲仆虎數回乃已或手投入虎喉虎亦不
傷戲已仍繫之家人爭以肉啖虎勞戲者錢曆有
十二月無間風俗朴厚人好耕殖一年二熟產鎮
鐵翠羽珊瑚蛇馬桑漆樹絲綿尤多鎗剪最巧利
布數種有闊四五尺者葛里葛勒闊四尺背向皆
毳絨厚可五分即梵羅錦也白樹皮布賦滑光潤
如鹿皮椰茭為酒檳榔當茶

錫蘭山

錫蘭山在大海中海中有翠藍山最高大自山東
南乘風可三日至赤卵塢塢人穴居男女皆裸若
野獸不粒食食芭蕉子波羅蜜魚蝦又西海行可
十日至佛堂山泊舟處濱海山麓有針佛寺佛榻
寶飾極華麗又西北陸行五十里至王居王尚釋
重象牛殿牛糞灰塗體飲牛乳不食其肉殺牛者
罪死王宮民居且必調牛糞塗地而禮佛國富饒

地廣人稠亞於瓜哇民上裸下纏脫加壓腰去鬚毫留髮布纏之女椎髻于後下縈白布飲食不令人見產青紅黃鴉忽石水晶海洲有珠池日映光浮起閃閃射日間歲一淘珠諸番買爭來市珠土

宜稻不宜麥市用金錢重麝香綺絹青磁器銅錢樟腦永樂九年王亞烈若柰兒鎖里人絕我使途

太監鄭和俘至京十年封耶巴乃那為王赦亞烈

若柰兒還國耶巴乃那故王族人一名不刺葛

麻巴思刺查國人以為賢故封之遣使送歸詔諭

其國正統十年遣使耶把刺謨的里啞來朝貢珠

寶石天順三年王葛力生夏刺昔利把交刺惹復

遣使朝貢

蘇祿

蘇祿在東南海中人鮮粒食食魚蝦螺蛤短髮纏

皂纒煮海為鹽釀蔗為酒織竹布為業氣候常熱

永樂十五年其國東王巴都葛叭答刺西王巴都

葛叭蘇哩峒王叭都葛叭刺卜各率其妻子頭目

來朝貢珠玕瑠瑯諸物賜王冠服王金帶蟒龍金

銀錢鈔錦幣器皿王妃王子女姻戚頭目賜物各

有差三王者東王為尊西峒二王副之歸次德州

奉命有司營葬為文樹碑墓道置其妃妾及僮從千人守墓令畢三年還國遣使封其長子都麻合為蘇祿國東王十九年遣使來貢

柯枝

柯枝一名阿枝東連大山西南北皆海自葛蘭山

海西北行一晝夜可至永樂二年王可亦里遣完

者答兒朝貢請封其國大山詔封為鎮國山賜碑

文是時太監鄭和使至其國國王瑣里人也首纏

黃白布上不衣下縈絲帨束絲壓腰綴椰木葉苦

屋國人五種曰南昆與王同類祝髮線懸脛為貴

族次回回人次富有財者曰哲地次牙繪曰革全

又次卑賤者曰木瓜木瓜濱海而居業漁樵屋簷

不得過三尺上衣不過膝途遇南昆哲地即伏候

過乃起王尚浮屠敬象牛建寺施金為佛每日鳴

鐘鼓汲泉灌佛頂數回已乃禮之有曰濁肌者蓋

優婆夷也娶妻不剃胎髮髮縷垂後牛糞灰塗

體行吹大螺妻隨之乞錢氣候常熱多雨市用金

銀錢銀錢十五當金錢一產珠象牙蘇木

祖法兒

祖法兒亦名左法兒東南皆海西北重山自右

西北海行十晝夜可至無城郭俗尚回回教體幹
修頌語言朴實王白布纏頭衣青花絲帨或金錦
袍靴履乘騎跨馬前後列象駝馬鼓吹氣候常如
秋市用金銅錢錢文人形永樂中王亞里遣人來
朝貢宣德中又來朝貢產西馬駝鶴頂駝鷄福鹿
片腦沉香乳香即樹脂諸奇藥以易中國鈔
絲磁器駝鷄如鶴長三四尺脚二指毛如駝行亦
如之駝單峯或雙峯皆可乘

潘山

潘山四面濱海如洲在西海中有石門如城關土
瘠無城郭依山聚居八村稍大皆以潘名可通舟
楫餘小潘無慮三千土人曰此弱水三千也人巢
居穴處不識菽粟啖魚蝦無衣草木葉蔽前後舟
行遇風失入潘即溺潘山傍有牒幹國皆回回人
俗淳厚業漁好種椰樹氣候常熱如夏市用銀錢
產龍涎香浮臥椰皮結繩可貫板成舟塗瀝青堅
如鐵釘鮫魚一名潘漁織絲帨甚精緻亦有織金
帨永樂中國王亦速福遣使來朝貢

南泥里

南泥里隸浮泥自蘇門答刺舟行三晝夜可至東

距黎伐西北距海南連大山山南際海僅千餘家
皆回回人俗朴實王居類樓高廣嚴整幽潔市用
銅錢少穀食食魚鰕西北大海即西洋中有帽山
平頂土人稱為那沒黎番船皆以此山為指南山
下淺水有珊瑚樹大者高二三尺分枝婆娑可愛
依山居入二三十家皆稱王問其為誰輒曰阿派
檣華言王也或曰南泥里即南巫里

黎伐

黎伐小國南連大山北際海西距南泥里東南連
那孤兒居民一二千家推一人為首領隸蘇門答
刺言語服用與蘇門答刺同山多野犀

哈密

哈密本古伊吾處地在燉煌北大磧外西北羌胡
往來要路也元封忽納失里為威武王已而改封
肅王卒第安克帖木兒嗣國初置甘州五衛於張
掖肅州衛於酒泉涼州衛于武威西寧衛于湟中
又置山丹永昌鎮番莊浪四衛高臺鎮夷古浪三
千戶所自陝西蘭州渡河千五百里至肅州肅州
西七十里為嘉峪關長陵初設關外七衛曰哈密
曰安定曰阿端曰赤斤蒙古曰曲先曰罕東曰罕

東左七衛皆在嘉峪關西哈密又在六衛西東去
 肅州西去土魯番各千五百里北至瓦刺數百里
 永樂二年改封安克帖木兒為忠順王以頭目馬
 哈麻火只等為指揮等官分其眾居苦峪城三年
 忠順王卒無子兄子脫脫先是俘蠻夷邸朝議哈
 密為西域入貢孔道宜釋脫脫令嗣王乃賜金印
 誥命玉帶文綺遣使送還令察諸番向背凡諸番
 貢物表文譯上四年賜王及其祖母速哥失里母
 妃從母綺幣有差是年速哥失里逐脫脫勅諸酋
 復立脫脫為王六年脫脫暨祖母各遣使朝貢九
 年脫脫卒勅都指揮哈納為都督僉事守哈密是
 年封力帖木兒為忠義王賜印誥玉帶守哈密卒
 從父子孛羅帖木兒嗣仍封忠順王賜印十二
 年行在驗封員外郎陳誠使西域還言哈密城在
 平川可三四里東北二門王稱速增人僅數白戶
 顧非一種多蒙古回回人習俗各異產馬駝玉石
 鎮鐵犬尾羊陰牙角城北大山西南東皆平曠地
 多醃鹵宜稔麥豌豆農耕亦用糞壤人獷悍好利
 西域三十八國入貢經哈密者相攔出入索道路
 錢乃已洪熙元年貢硫黃 上詰遣臣哈密何以

有硫黃正統四年貢玉求紵絲與四表裏天順四
 年貢賜紙金箔薑桂茶礬成化元年令歲一貢貢
 不過三百人至京不過三十人貢物馬駝玉石鐵
 器諸獸皮三年以忠順王外孫為都督賜銅印金
 幣八年都督赴京嗣官貢馬駝加賞時酋者林弒
 孛羅帖木兒無子王母努溫答力理國事九年土
 魯番速壇阿力欲以哈密掠赤斤諸夷王母不從
 虜王母金印去遣番離散王母外孫都督把他木
 兒子罕慎避居苦峪其奸狡者陰附阿力伺我塞
 下遣高陽伯李文通政劉文討阿力調罕東赤斤
 番兵數千駐苦峪不敢進阿力遂輕中國文等謬
 言不見土魯番遂還王母金印竟為阿力所留益
 侵我城郭諸夷十四年阿力死子阿黑麻稱速壇
 未壯二十年守臣乘間請封罕慎嗣忠順王入哈
 密罕慎貪殘國人怨恨西域諸夷貢使往來者苦
 罕慎要索亦怨恨二十三年罕慎言瓦刺有克捨
 太師革捨太師克捨死其弟阿沙赤為太師革捨
 弟阿力阿古多兀王與阿沙赤讐殺西走據哈密
 瓦刺尋退去弘治元年阿黑麻強曰罕慎非脫脫
 族安得王哈密哈密我當王欲殺罕慎畏我不敢

發好語罕慎曰吾爲若聯姻若爲王益安無外侮
罕慎喜許阿黑麻阿黑麻至哈密誘罕慎頂經結
盟遂殺罕慎亦未敢顯言據哈密即遣使入貢言
罕慎病死國亂乞遣大通事和番立我爲王居哈
密領西域職貢兵部尚書馬文升言外夷吐虜最
強屢入貢乞通使我不聽阿黑麻小夷且與哈密
各有分地不可輒通使亦不得王哈密彼入若貢
我亦不拒請勅阿黑麻論令還王母及金印還我
哈密時王母已死四年遣哈密頭目馮亦虎仙齋
勅諭阿黑麻以金印城池來歸遣使朝貢厚賞之

皇朝通志考 天下卷

七

七

但西域賈胡貫窺利不善騎射古未有西域能爲
中國大患者徐當靜之濬曰有識言不可不慮文
升請行諸大臣不可請勅兵部侍郎張海都督繼
謙行視經略時阿黑麻貢使馮亦滿速兒等在京
師令海至河西遣夷使二三人與邊通事致勅諭
阿黑麻歸陝巴金印諸夷使爭欲去海不可乃遣
哈密夷人以勅往阿黑麻竟留不報海不得已修
嘉峪關捕哈密奸回通阿黑麻者二十餘人戍廣
西請絕西域貢七年春海謙不俟命輒還逮下獄
降海山西參政謙奪俸閑住文升言土魯番恃其
強悍哈密奸回又反復欺負中國不懲創彼益輕
中國請安置馮亦滿速兒等於閩廣閉嘉峪關絕
西域貢令諸夷歸怨阿黑麻當是時西域諸夷皆
言成化間我入貢 皇帝先遣中貴人迂我河南
至京宴賜甚夥今不撫我我泛海萬里貢獅子謂
我開海道却不受即從河西貢者宴賞亦薄天朝
棄絕我相率從阿黑麻且拒命中國能奈我何哈
密奸回又附阿黑麻阿黑麻遂復入哈密自稱可
汗大掠罕東諸夷謀言糾夷數萬用雲梯攻肅州
且蹂甘州報至文升曰彼虛聲挾我也土魯番至

皇朝通志考 天下卷

七

哈密十數程中經黑風川哈密至苦峪又數程皆無水草貢使往返皆馱水行使我謹烽火明斥候整兵以俟彼至肅州我以逸待勞縱兵出奇一擊必使彼匹馬不返已而阿黑麻西去令頭目牙蘭以二百餘人據哈密文升曰非用陳湯故事此虜終不畏文升召肅州撫夷指揮楊翥至京撫其背曰汝諳夷情知西域道路朝廷今欲擒斬牙蘭汝許安出翥曰此賊黠非襲之不可罕東哈密有捷徑可進兵兵可不十日至文升曰余欲選罕東番兵三千為前鋒我兵三千殿後各持數日熟食兼程葉之何如翥曰善八年令河西巡撫許進調兵食遣副總兵彭清統精兵三千由南山馳至罕東即調罕東諸番兵乘夜倍道襲牙蘭是冬進及總兵劉寧濟率兵至肅州久駐關外候罕東兵不至乃出大路之水草行不能疾牙蘭調知遁去我兵入哈密斬首六十得陝巴妻女獲牛羊三千哈密脅從者八百餘人皆不殺携歸住四徽上師還根乏士馬亦多物故然西域自是知畏中國文升言兵雖抵哈密然未獲牙蘭首功亦少進寧及太監陸閻不遵節制徒取空城無益邊事獨軍士遠征

勞苦宜陞賞 上念邊臣出塞有功閻歲祿二十石寧陞左都督加俸百石進左副都御史清都督僉事九年阿黑麻又襲破哈密令撒他兒及奄克字刺住刺木城奄克字刺密結瓦刺小列禿襲斬撒他兒奄克字刺還守哈密阿黑麻遣人圍哈密哈密人舉火小列禿見之來援退走守臣奏乞令羈留貢使往諭阿黑麻納款文升曰阿黑麻未見遣使上款書不許是秋進改陝西巡撫十年秋阿黑麻令人送陝巴還哈密其兄馬黑上書言西域諸國不得貢怨阿黑麻今悔過乞許與黑妻諸國入貢及還為亦滿速兒等文升言此虜挾詐俟陝巴余印至甘州取寫亦滿速兒等於閩廣是冬起王越為太子太保左都御史總制甘涼等處邊務經略土魯番哈密十一年越出河西取陝巴至甘州令哈密三種都督回回寫亦虎仙畏兀兒奄克字刺哈刺灰拜迭力迷失佐陝巴奄克字刺罕慎弟也恨上魯番亦與陝巴不協越以罕慎女也先主刺妻陝巴結好奄克字刺未幾越卒是秋賜陝巴大帽蟒衣玉帶象笏復封為忠順王放寫亦滿速兒等西歸時哈密三種人久苦土魯番不願還

文升請許半留肅州往來自便十二年春陝巴至肅州畏番虜不肯出關守臣遣叅將率兵護行又賞赤斤蒙古諸番令逐程防護至哈密是夏寫亦虎仙致賞賜於土魯番遂與土魯番諸夷使入京朝貢十三年阿黑麻及黑婁諸國皆令人朝貢十七年春陝巴嗜酒招尅國人頭目者力克哈等迎阿黑麻次子真帖木兒守哈密陝巴棄城走沙州真帖木兒罕慎外孫也年十二不肯來哈密哈密人曰陝巴走哈密城空恐爲野也克力達子所據真帖木兒始至刺木城其兄滿速兒乞守臣令人來守哈密真帖木兒自刺木城入哈密守臣令官舍董傑及奄克孛刺往哈密撫夷衆諭迎陝巴還頭目阿孛刺不聽必欲立真帖木兒爲王奄克孛刺與傑等擒殺阿孛刺等六人餘黨畏服守臣令都指揮朱瑄率兵送陝巴入哈密撫送真帖木兒還土魯番時阿黑麻死諸兄讐殺真帖木兒懼不肯還曰奄克孛刺我外祖願依之瑄慮陝巴疑貳携真帖木兒居甘州正德元年陝巴死其子拜牙即嗣封幼弱守臣恐真帖木兒還來侵哈密出不遣三年滿速兒稱速壇遣人朝貢乞還真帖木兒

皇朝通志卷六十八

五

兵部尚書劉宇曰是謂質其所親愛不許四年滿速兒與拜牙即乞還真帖木兒下守臣議五年真帖木兒走出城追而獲之六年守臣請歸真帖木兒下兵部會議請勅宴賜真帖木兒及滿速兒拜牙即并其親目七年冬令哈密三都督奄克孛刺寫亦虎仙滿刺哈三送真帖木兒西還八年春至哈密奄克孛刺不肯去寫亦虎仙滿刺哈三送至土魯番八月拜牙即淫暴欲與奄克孛刺叛中國往土魯番奄克孛刺不從自哈密奔肅州拜牙即棄城走入土魯番滿刺兒令頭目火者他只丁與寫亦虎仙滿刺哈三入哈密取金印火者他只丁又令哈密都指揮火者馬黑木等至甘州索賞哈密諸酋譯書言拜牙即棄國從番乞即差人守哈密巡撫趙鑑謬謂滿速兒忠義令火者他只丁寫亦虎仙滿刺哈三守城勤勞差撫夷官送土魯番諸酋金幣二百明年正月撫夷官繼至哈密滿速兒率衆亦至分據刺木等城真帖木兒又言河西大饑窘人死且半甘州城南黑河可引灌城於是滿速兒及火者他只丁牙木蘭虎力奶翁寫亦虎仙滿刺哈三日夜聚謀侵甘肅番文索金幣

皇朝通志卷六十八

六

萬萬還我哈密否即插旗甘州門牙木蘭者本我
 曲先人與寫亦虎仙等專伺我虛實外挾強番內
 要厚賞自京師至甘肅徧置奸細巧為交結肆行
 反間然亦專與哈密為讐未敢窺嘉峪關也時總
 制都御史鄧璋請專勅大臣一人經略哈密大將
 督兵戰守特勅四川討賊都御史彭澤總督甘肅
 軍務統延寧固原諸鎮兵防遏土魯番夷勿使內
 侵逐勦西海卜亦刺勅寫亦虎仙等共守哈密勅
 責滿速兒送回拜牙即十年春澤至甘州火者他
 只丁牙木蘭侵赤金斤王子莊澤以段布銀器并
 勅令通事與三都督送土魯番奄克字刺時在甘
 州言我與番世讐不肯去土魯番得賞物以金印
 與寫亦虎仙以哈密付滿刺哈三澤召還掌院事
 巡按馮時雍又言土魯番未聞請罪尚數侵邊下
 兵部尚書王瓊議乞畱澤河西不允是冬寫亦虎
 仙等入京朝貢當是時土魯番四出侵掠關外諸
 衛及苦峪諸城殘破河西藩籬又結瓦剌窺我河
 西十一年李昆代鑑巡撫請勅滿速兒送還拜牙
 即滿速兒不聽令火者他只丁牙木蘭復據哈密
 滿速兒至沙州脇土巴部落入嘉峪關令肅州奸

回斬巴思高彥名等內應攻我肅州遊擊苗寧叅
 將蔣存禮禦之敗績兵備副使陳九疇發憤楛死
 諸奸回及通賊都督失拜烟答馮城拒戰退賊又
 急調屬夷兵劫其老營遣人結瓦剌搗巢穴破其
 三城土魯番大創又盡發寫亦虎仙數十年傾陷
 哈密奸罪坐謀叛論死時失拜烟答子米兒馬黑
 麻入貢在京巧賄權倖突入長安左門稱寃下錦
 衣衛會兵部三法司奏行河西訊報十三年逮昆
 九疇至瓊請廷鞫幾殺澤九疇昆降浙江副使澤
 九疇削籍是秋土魯番貢使至京兵部請繫獄輔
 臣梁儲不可乃已十四年刑部會訊脫寫亦虎仙
 死會上幸會同館寫亦虎仙米兒馬黑麻因權倖
 得見上賜國姓隨上南征嘉靖改元詔逮寫亦虎
 仙復論斬死獄中瓊謫戍澤起為兵部尚書嘉靖
 元年昆為兵部侍郎九疇會都御史巡撫甘肅明
 年失拜煙答子米兒馬黑木寫亦虎仙子米兒馬
 黑麻皆論死三年滿速兒大舉入寇至甘州九疇
 忠勇先登力戰既解甘州圍又夜率衆間道兼行
 抵肅州內外夾擊敗番兵殺火者他只丁虜退去
 關中守臣奏河西危急遣兵部尚書金獻民都督

杭雄率師西討獻民至蘭州諸番已爲九疇所敗
出嘉峪關獻民用九疇議請遷發夷使閉關絕貢
四年牙木蘭復據哈密侵肅州牙木蘭又入沙州
五年起故輔臣楊一清提督軍務一清言我既不
能制其命又無以服其心徒絕彼之貢使不能阻
彼之犯邊乞還九疇議遷煙瘴夷使解警息兵未
幾一清召入內閣尚書王憲代一清盡出平涼羈
番夷使往諭土魯番令悔過服罪歸我哈密六年
諸議禮臣桂萼方獻夫霍韜張瓊先後上言哈密
不靖本由彭澤澤得召用楊廷和曲庇澤也乞急
用王瓊以寧西鄙七年滿速兒令牙木蘭據沙州
索羈雷貢使否且率帖木哥土巴攻肅州牙木蘭
不肯欲殺牙木蘭牙木蘭懼棄教麥數萬率老稚
萬人帳房二千奔肅州乞白城山金塔寺住牧守
臣議雷肅州是春起瓊兵部尚書兼右都御史代
憲瓊至河西及澤所行事是秋天方撤馬兒罕哈
密頭目各朝貢滿速兒亦乞通貢瓊爲奏上乞還
羈使朝貢夷未報土魯番西虎力納咱兒糾瓦刺
侵肅州遊擊將軍彭濬兵備副使趙載禦之退去
時張桂必欲論九疇死并罪廷和刑部尚書胡世

皇明通志

天下卷

五

寧力爭九疇忠勇再保全河西得不殺謫戍邊澤
獻民閑住八年土魯番貢獅子夷人至乞歸哈密
通貢瓊又奏言土魯番歸我哈密乞令失拜煙答
子米兒馬黑木守哈密貢使二十四人遣入京放
歸羈雷各番貢使男婦几千人安插沙州上巴帖
木哥部夷五千四百人于白城山哈密都督亂吉
李刺部夷在肅州東關赤斤都督掌卜達兒子鎖
南東在肅州北山金塔寺罕東都指揮枝丹在甘
州南山下兵部議當是時世寧爲兵部尚書欲專
守河西謝哈密無煩憊中國韜上議必欲復哈密
下兵部議世寧言昔太祖建北平行都司去境
四百里而文皇昇之兀良哈文皇郡縣交趾
而宣宗棄之安南哈密非大寧交趾比况其初
封忠順王爲我外藩者乃元遺孽永樂二年封三
年即故立其兒子未幾即絕而強立非其子孫者
嗣之蓋嘗三立三爲土魯番所虜乃叛我即戎及
勞中國臣竊以爲此與國初所封元孽爲和寧王
順寧王安定王者等耳安定王又在哈密之內近
我甘肅今亦不知其存亡何獨以一忠順王故耗
我金幣疲我士馬窘我財力議禮諸臣不聽竟從

皇明通志

天下卷

二

瓊言牙木蘭以世言大正人非叛虜者唐悉
 恒謀事可鑒遂留不遣是時瓊言滿速兒歸我哈
 密奉約束朝貢然哈密竟為土魯番所據安插諸
 衛夷落皆為土魯番所逐失其故土住牧河西塞
 上北虜盤窟西海瓦刺結巢北山河西三面皆有
 寇盜矣明年滿速兒遣虎力奶翁及大方諸夷使
 貢方物又索牙木蘭謀言諸番要約俟虎力奶翁
 歸復侵肅州會虎力奶翁歸道病死瓦刺又攻土
 魯番我亦有備稍得休息而來降人哈六刺言番
 酋欲以哈密城與都督未兒馬黑木母管理兵部
 因請許其通貢着今年或五年為期夷使雖多
 十二入京余留塞上是後哈密竟為土魯番所據河
 西守臣防禦羌胡不暇及西鄙事要之哈密守與
 否固不足為中國利害也秦中老人曰土魯番哈
 密屢勤經畧我義未直兵則何畏彼求方棘子則
 何恩况染指貢獻不足以示信侵漁宴賜不足以
 示廉而一時士習又皆重聲譽而略綜核騰口說
 而賤實事不知中國之於夷狄固不可無過撫以
 納侮亦不可深拒以窮兵唯順則撫故賞斯恩唯
 逆則拒故威斯畏况西域賈胡倚玉石易以射利

籍黃虜以厚生苟馭之有備又何患焉

赤斤蒙古

赤斤蒙古周西戎戰國月氏秦漢屬匈奴武帝取
 為酒泉墩煌二郡唐末沒於吐蕃宋入西夏永樂
 二年故鞏韃丞相苦木之子塔力尼率五百人來
 歸設赤斤蒙古千戶所以塔力尼為千戶賜誥印
 尋陞為衛塔力尼為指揮僉事十一年遣頭目鎖
 南吉利刺獻叛虜老的罕陞指揮使厚賜之塔力
 尼卒子且旺失加嗣宣德後朝貢不絕內白山最
 大多草木禽獸產金駝馬肉菴容自土魯番陷哈
 密種人遂散亂

安定阿端

安定鞏韃別部也地廣袤千里無城郭其俗馬乳
 釀酒德帳為廬產馬駝玉石洪武七年撒里畏兀
 兒安定王卜煙帖木兒或曰亦板丹遣使貢鎧甲
 刀劔賜金綺令分其酋長為阿端阿真苦先帖里
 四部賜卜煙帖木兒銀印仍稱安定王八年設安
 定阿端二衛分統四部卜煙帖木兒卒遣使諭祭
 賜嗣王勅誥金綺王遣使貢謝宣德初與曲先叛
 討平之天順二年安定王遣使來貢自後朝貢不

絕成化中為土魯番殘破遂服屬土魯番安定王
苗裔無考

曲先

曲先古西戎部落永樂四年設曲先衛以土酋散
西思為指揮同知宣德元年叛討平之論功加國
師禪師秩已而遣人入貢正統二年頭日黑麻亂
遣指揮火丁貢方物嘉靖中衛人牙木蘭為土魯
番所劫牙木蘭驍勇土魯番時時令率衆侵哈密
擾我甘肅已而與土魯番疑貳擁帳來歸土魯番
請還我哈密易牙木蘭欲殺牙木蘭警動我屬夷
兵部尚書胡世寧以為不可遂止當是時大抵嘉
峪關西諸衛皆為土魯番侵擾不復能為我藩蔽
矣

罕東

罕東木西戎部落洪武二十五年侵塞涼國公討
之土酋哈答遁去三十年入貢立罕東罕東左二
衛官其酋長鎖南吉刺思為指揮僉事永樂二年
鎖南吉刺思與其兄答力葉等十六人貢馬陞鎖
南吉刺思為指揮使以塔力葉為指揮同知頭目
奴奴指揮僉事賜冠帶鈔幣有差自是歲貢不絕

二罕東皆在沙州城沙州古燉煌地嘉峪關外諸
衛二罕東最弱成化後土魯番迭入哈密二罕東
不能支流散各城正德中陳九疇擊退土魯番沙
州人稍得生聚復歸耕牧比牙木蘭再入沙州益
殘破其酋土巴等叛附土魯番嘉靖中王瓊撫住
白城山肅州月餉粟歲且萬石坐困邊儲

撒馬兒罕

撒馬兒罕漢屬賓也在哈烈東北三千里東去嘉
峪關九千九百里東西相距千里地平山川鐵門
峽阿木河最大風景偉麗土田膏腴宜五穀頗類

中原獨勝諸國城依平原深濶險址有子城王居
高廣在城北隅王白帽城中達巷縱橫肆市稠密
西南番賈多聚於此市易用銀錢禁酒俗尚回回
教有拜天屋青石雕鏤極精巧以羊皮果經文文
字泥金書人物秀美多藝能尤善作室國東有養
夷沙鹿海牙塞蓋達失干西有渴石迭里迷諸城
皆隸焉洪武二十年國主帖木兒遣回回蒲刺哈
非思貢駝馬詔厚賜之二十二年貢馬二十四年
貢海青賜勅齊子之二十七年帖木兒遣使送力
必失表貢馬二百匹表曰恭惟大明大皇帝受

天明命統一四海仁德弘布恩養庶類萬國欣仰
咸知上天欲平治天下特命皇帝出膺運數為億
兆之主光明廣大昭然天鏡無有遠近咸昭臨之
臣帖木兒僻在萬里之外恭聞聖德寬大超越萬
古自古所無之福皇帝皆有之所未服之國皆服
之遠方絕域昏暗之地皆清明之老者無不安樂
少者無不長遂善者無不蒙恩惡者無不知懼今
又施恩遠國凡商賈之入中國者使觀覽都邑城
池富貴雄壯如出昏暗之中忽觀白日何幸如之
又承赦書恩撫勞問使站相通道路無壅遠國之
人咸得其濟欽仰聖心如照世之杯使臣心中豁
然光明臣國中部落聞茲德音惟知歡舞感戴臣
無以報恩德惟仰天祝頌聖壽福祿如天地遠大
永永無極照世杯者其國舊傳有杯光明洞徹照
之可知世事故云二十八年遣兵科給事中傅安
郭驥等使西域爾撒馬兒罕永樂五年頭目哈里
令虎友達送安等還且貢方物厚賜之改安等禮
科賜衣安等言帖木兒木元駙馬卒孫哈里嗣上
遣人祭帖木兒賜哈里寶書銀幣已而兀魯伯貢
馬復遣安報使或曰兀魯伯即哈里洪熙元年安

始還國請勅命吏部言安歷年雖久未經考覈例
不得授景陵日安使遠夷留二十餘年良苦何例
為與勅正統十二年又貢馬玉石四年又貢成化
十九年阿黑麻王貢二獅子夷使請大臣出迎禮
部尚書周洪謨以為不可遣中官迎之獅日食生
羊二醋酣蜜酪各二瓶官養獅人光祿日給酒飯
二十三年廣東布政司陳選言撒馬兒罕使臣怕
六灣貢獅子欲於廣南浮海從滿刺加更市獅子
入貢不可貴異物開海道利賈胡貽笑安南諸夷
弘治三年由南海貢獅子禮官倪岳言南海非西
域貢道請却之自後貢皆從嘉峪關入嘉靖中其
國稱王者五十三人皆遣人朝貢產金銀玉銅鐵
珊瑚琥珀琉璃扇茲思檀水晶鹽花菜布名馬獨
峯駝大尾羊後視

天方
天方古筠冲地舊名天堂又名西城宣德中其王
遣沙琳來朝貢俗用回回曆風景融和四時皆如
春田沃稻饒居民樂業男女辨髮馬乳拌飯產馬
金琥珀玉石珊瑚犀角貢從嘉峪關入

迭里迷

迭里迷在撒馬兒罕西南去哈烈二千餘里新舊二城相去十餘里王居新城東距阿木河河廣非舟不可渡城內外居民僅數百家蓄蕃息多魚河東地隸撒馬兒罕河西有蘆林多獮子

渴石

渴石在撒馬罕西南二百六十里城據大村周十餘里四面水田東南近山中有園林故酋帖木兒駙馬居也規模極宏壯堂四隅白石柱如玉墻壁窓牖盡飾金碧綴琉璃西行十數里皆委曲山多奇樹又西去二百里大山屹立中有石峽兩壁懸

皇朝通志卷六十八

崖宛如斧劈行二三里出峽口有門夷人曰此鐵門關也

養夷

養夷在賽藍撒馬兒罕亦力把力蒙古諸部落間數相侵擾以故人無寧居惟戍卒數百人處孤城中城四面皆亂山東址有大溪西流長數百里溪旁頽垣破廬蕭然草莽

達夫干

達夫干在賽藍西去撒馬兒罕七百里城據平原甚狹小四面平岡多林木溪流蜿蜒土宜五穀人

稠密質朴饒衣食

卜花兒

卜花兒在撒馬兒罕西七百里城居平川周十餘里民物富庶市里繁華戶口萬計地平行宜五穀桑麻天氣溫和冬不附火蔬菜不絕產絲綿布帛六畜大類中國

土魯番

土魯番一名土爾番在火州西百里古交河縣安樂城也城方一二里地平四面皆山氣候多暖少雨雪土宜麻麥有瓜果羊馬之利人皆屋居信佛法多僧寺城西二十里有崖兒城城僅二里居民百餘家相傳故交河縣治又云古車師國水樂十二年行在驗封員外郎陳誠使至其國誠言城西

皇朝通志卷六十八

三九

址百里有靈山最大夷人言此十萬羅漢涅槃處也近山有高臺臺旁有僧寺寺下皆石泉林木從此入山行二十里至一峽峽南有小土屋屋南登山坡坡有石屋屋中小佛像五前有池池東有山山石青黑遠望紛如毛髮夷人言此十萬羅漢洗頭削髮處也循峽東南行六七里登高崖崖下小山巖巖峯巒秀麗羅列成行峯下白石成堆似玉

輕脆不可握堆中有若人骨狀者甚堅如石文縷
 明折顏色光潤夷人言此十萬羅漢靈骨也又東
 下石崖崖上石笋如人手足稍南至山坡坡石瑩
 潔如玉夷人言此辟支佛涅槃處也周行群山約
 二十餘里悉五色砂石光焰灼人四面峻壑窮崖
 天巧奇絕草木不生鳥獸鮮少云甘肅大抵無北
 虜患專鎮防西夷夷種中土魯番最好狡宣德五
 年始遣使來貢正統以後亦嘗來貢成化弘治間
 番酋阿力阿黑麻父子擾我西鄙虜我哈密忠順
 王罕慎陝巴拜牙即是時專伺哈密至正德遂數
 犯我甘肅語在哈密傳中嘉靖十一年西域貢稱
 王者七十五人貢使至二百九十八人禮官夏言請
 因稱一人王內閣張孚敬言西域稱王者多恐彼
 自封授或部落相稱先年入貢稱王亦有三四十
 人者答勅並稱王今盡裁奪恐夷情缺望下禮兵
 部議言言西域諸國稱王者唯土魯番天方撒馬
 兒罕三國如日落諸國名甚多朝貢絕少且與土
 魯番諸國不相統弘治正德間土魯番十三人貢
 天方正德間四入貢稱王者率一人或二人三人
 餘稱頭目親屬嘉靖二年八年稱王者天方至六

七人土魯番至十一二人此兩年間撒馬兒罕至
 二十七人內閣言先年亦有稱王至三四十人者
 併數三國耳乃今土魯番十五王天方二十七王
 撒馬兒罕五十三王併數則百五六十王前此所
 未有况所稱王號原非舊文即有同者地面又異
 弘治時回勒書國稱一王若循撒馬兒罕往年故
 事類答王號人與一勅恐非所以尊中國而嚴外
 夷也自後各執賜勅率其部落貢不如期使不如
 數任意往來勢難阻絕驛傳勞煩宴賜頻數竭我
 財力以殺遠夷計亦左矣上從言言當是時土魯
 番強殘破我嘉峪關外七衛及城郭諸國地大人
 衆非復陳驗封奉使時矣

黑婁

黑婁在嘉峪關西近土魯番世結好黑婁黑婁夷
 入貢從土魯番入其地山水草木禽獸皆黑男女
 亦然宣德七年始遣使朝貢

鹽澤

鹽澤在崖兒城西南去土爾番三千餘里在平川
 中廣不二里居民百家黑的兒火者稱王居鹽澤
 既死土酋強者統之產石鹽堅白如石可琢為器

以盛肉食不鹽而鹹

哈烈

哈烈一名黑魯撒馬兒罕西南去嘉峪關萬三千里元駙馬帖木兒之子沙哈魯居其地國人稱為速魯檀猶華言君王也東有俺都淮八刺黑諸城皆隸焉洪武二十五年遣使詔諭酋長賜金綺水樂七年頭目麼齊等朝貢十二年遣行在吏部員外郎陳誠使其國正統二年指揮哈只等貢馬王石城方十里居平川川廣百里四面大山王並東北山壘石為屋屋若高臺無棟梁墻壁牖牖皆金碧琉璃門扉雕刻嵌骨角屋傍設綵繡帳房為燕寢所金床重茵衣冠大類亦力把力民土房或覆帳以雨少故上下相與直呼名雖王亦然相見稍屈躬道撒力馬力一語握手或相抱為禮致意於人則云撒籃少炊爨飯食就肆無七箸交易用銀錢錢三等無正朔時日月亦無斗斛用權衡為量稅十二國用資焉男髡首衣尚白乃喪易青黑無棺槨不祀鬼神祭先於墓所人多善走日行可三百里氣候常煖市中流水四時不斷多水磨風磨甕器尤精巧產巴旦杏鎖伏花毯金銀銅珊瑚琥

皇朝四考 天下考

三十一

三十一

珀水晶珠翠名馬獅子黑白文獸白鹽堅明如水晶珠磨為器以水潤之和肉食多桑宜蚕為統綺細密過中國農不甚勞然多獲田美而每歲更休地力得完也餽贈賜予宴會極豐厚男女瀆亂無耻大抵西域城郭諸國哈烈最鄙陋然有學舍聚生徒講習諸經義省刑罰薄賦歛寡爭訟好施子務農桑諸國又不及也在王城中極弘偉

默德那

默德那即回回祖國初國王謨罕葛德生而聖靈臣服西域諸國諸國尊為別詣援爾華言天使也皇朝四考 天下考 三十一 國中有佛經二十藏凡三千六百餘卷書無篆草楷西洋諸國皆用之隋開皇中國人撒哈八撒阿的幹葛思始傳其教入中國其地接天方有城池宮室田園市肆太烈江淮間寒暑應候民物繁庶種五穀亦有陰陽星曆醫藥音樂諸技藝人俗重殺非同類殺不食不食豕肉織文雕鏤器皿最精巧宣德中國王遣人隨天方朝貢

俺都淮

俺都淮隸哈烈西南去哈烈千三百里東北去撒馬兒罕亦如之城在大村中村廣百里城居十一

皇朝四考 天下考

三十一

三十一

平曠無險峻地沃人繁庶稱樂土

八刺黑

八刺黑一名八黑在俺都淮東北城居平川周十餘里南近山無險阨地平廣食物豐饒西南諸番賈聚焉永樂中哈烈沙哈魯各遣其子守之

于闐

于闐大國在葱嶺北二百里東西五千里南北千里漢唐皆入貢中國石晉時王李聖天自稱唐宗遣人入貢封為大寶于闐國王宋末南遷朝貢不絕永樂六年頭目打魯哇亦不刺金遣滿刺哈撒

皇朝通志考 卷一百一十五

三十三

七

木丁等貢玉璞十二年吏部員外郎陳誠至其國國主微弱鄰國交侵人民僅萬計皆避居山谷間境內惟火州魯陳哈失哈力阿力稍有城邑餘皆荒垣敗屋生理極蕭索永樂以後西戎奉職貢不敢輒相攻始得休息行賈諸番遂富饒桑麻禾黍宛如中土人機巧喜浮屠法好歌舞工紡織相見輒跪得問遣書戴于首乃發之稍知尊卑禮節狀貌亦似華人其山葱嶺為大嶺下有白玉河綠玉河黑玉河產玉胡錦雙峯駝諸香珠珊瑚翡翠琥珀花綵布名馬膈胸膺金星石水銀獅子阿魏

火州

火州在嘉峪關外行可一月至本漢車師前後王地前王治交河城即唐交河縣去長安八千里後王治務塗谷即唐蒲類縣去長安九千里漢元帝時置戍巴校尉屯田於前王庭以其地勢高敞名高昌墨後魏初有闕伯周者自稱高昌王唐太宗平高昌置西州及都督府後陷於吐蕃其地有回鶻雜居故又名回鶻宋時屢遣使貢元號畏兀兒隸馬哈木八國朝號火州其東七十里有柳陳西百里有土魯番火州城近址地卑下山色如火天氣多熱城方十餘里永樂七年土酋遣人朝貢十二年吏部員外郎陳誠至其國誠言其國風物蕭條市里民居僧堂過半亦皆零落東有荒城故址云古高昌國治漠西域長史戊巳校尉並居焉宣德五年火州王哈散土魯番萬戶賽因帖木兒柳陳誠萬戶瓦赤刺俱遣人貢馬及玉璞至今入貢不絕俗類匈奴烏孫事天神信佛法貴食馬好騎射時節廢水為戲其山川靈山蒲類海交河為大產馬駝鹽白氈布鎖鐵陰牙角阿魏

別失八里

皇朝通志考 卷一百一十五

二四

七

別失八里在西域永樂三年其王沙迷查干遣人言哈密忠順王安克帖木兒為吐虜鬼力赤毒死願率兵討之上喜遣使賜綵幣勅令與嗣忠順王脫脫相睦

魯陳

魯陳一名柳城古柳中縣地去哈密千里中經大川砂磧無水草馬牛過此輒死大風倏起人馬相失道傍多骸骨有鬼魅行人失侶白日迷于夷人謂之旱海出川西行至流沙河河上有小岡云風捲浮沙所積道北火焰山山色如火城方二二三里

四百多田園流水環繞樹林陰翳宜種麥麻豆有小蒲萄甘肅無核名鎖子蒲萄氣候和暖風俗醇朴人二種回回男子削髮戴小單刺婦女白布裹頭畏兀兒男子椎髻婦人蒙皂巾垂髻於額大抵皆胡服

沙鹿海牙

沙鹿海牙在撒馬兒罕東五百里城據小岡西北臨山河河名水站勢衝急有浮梁其地南近山三面皆平川人繁庶依崖谷而居園林廣茂西有大沙洲可二百餘里無水即有水人不可飲飲牛馬

亦輒死有臭草根株獨立高尺許枝葉如蓋春生秋死臭氣逼人取生汁熬膏為阿魏亦有細草可製膏味如蜜

賽藍

賽藍在達失干東西去撒馬兒罕千里城周三里四面平原草木長茂流水環繞五穀蕃殖秋夏間草生黑蜘蛛甚小毒甚啣人遍身痛號呼聲動地土人禳詛者口誦呪以薄荷枝拂中毒處又以鮮羊肝遍擦其體經一晝夜痛方息愈後皮膚如脫脫牛馬被傷輒死行人宿必近水避之

哈失哈力

哈失哈力宣德間遣十四人來朝貢或曰即阿力馬力

亦力把力

亦力把力在沙漠間或曰焉耆或曰龜茲元時名別失八里馬哈木封於此洪武二十四年國王黑的兒火者遣人貢馬永樂四年王沙迷查干遣人貢玉璞十二年陳吏部使其國十六年頭目速哥克刺滿刺來朝言歪思弒其從兄王納黑失只罕自立為王徙其國西去更號亦力把力正統二年

王也先不花遣人貢玉璞駝馬景泰三年遣人朝貢天順以來入貢不絕其國無城郭宮室逐水草住牧設帳房氍毹寒暑坐卧於地其王戴小單刺簪鷄翎衣禿袖衫削髮貫耳飲食肉酪或食稜麥為毛布多雪霜平曠之地夏秋略暖深山大谷六月飛雪俗獵及服用污穢上下無紀律其山白山葱嶺為大有熱海然氣候常寒產銅鐵鉛雌黃胡粉馬駝犛牛孔雀氍毹阿魏白氈布

阿丹

阿丹近古俚瀕海可舟行國中富饒有馬步勝兵

七八千隣國畏之永樂九年詔中使鄭和賜命互市

白葛達

白葛達海中小國土瘠俗尚佛教宣德七年國王遣和者里一思等來朝貢

阿哇

阿哇永樂中王昌吉刺遣人來朝貢

瑣里

瑣里西海中小國物產甚微有撒哈刺諸異布洪武五年國王卜納的遣撒馬牙茶嘉兒幹的亦刺

丹八兒奉金字表朝貢圖上其土地山川賜大統曆金幣永樂元年復遣人朝貢

西洋瑣里

西洋瑣里近瑣里視瑣里差大物產大類瑣里洪武三年使來以金葉表文貢方物上喜王敬中國步海道甚遠賜甚厚永樂元年復遣人朝貢上曰海外遠夷附載番貨勿征二十一年西洋十六國遣使千二百人貢方物至京師西洋瑣里貢獨豐美

彭亨

彭亨在東南南海島中並山山傍多平原會獸稀少草樹繁茂沃土宜穀饒蔬果洪武十一年遣人奉金葉表朝貢賜絲幣永樂十二年遣蘇麻固門的里來朝貢其俗上下親狎無寇盜男女椎髻好誦佛經煮海為鹽釀椰為酒產片腦諸香花錫

百花

百花在海中依山為國國中有奇花嘉樹民俗饒富尚釋教洪武十一年國王刺丁刺者望沙亦遣八智亞壇奉金葉表朝貢產紅猴龜筒玳瑁孔雀倒掛烏胡椒

婆羅

婆羅羣山面海人多念佛素食惡殺喜施永樂四年國王遣人勿黎哥來朝貢真珠玳瑁馬瑙車渠賜王及妃文綺

阿魯

阿魯一名啞魯在西南海中土廣人稀物產亦薄永樂五年國王速魯唐忽先遣滿刺哈三附古里諸國來朝貢令內臣至其國賜王文綺

小葛蘭

小葛蘭小國也東連大山西南北皆海永樂中太監鄭和至其國王鎖里人遣人入貢俗尚浮屠重象牛飯和酥酪市用金錢婚喪巾服大類錫蘭山自錫蘭山別那里西北海行六晝夜可至

拂菻

拂菻在嘉峪關外萬餘里洪武四年遣其國故民捏古倫資詔諭之尋遣人來朝貢其俗土屋無瓦貴臣如王服不尚鬪戰鑄金銀錢產金銀珠西錦千年棗馬獨峯駝巴攬

古里班卒

古里班卒在海中永樂三年國王遣人馬的來朝

貢其俗土瘠穀少登氣候不齊夏多雨雨即寒俗質朴男女被短髮假錦纏頭紅油布繫身物產甚薄

呂宋

呂宋在海中其國甚小頗產黃金以故亦富厚人頗質朴不喜爭訟永樂三年國王遣隔察老來朝貢

合猫里

合猫里地小土瘠國中多山山外大海海饒魚虫人亦知耕稼永樂三年國王遣回回道奴馬高來朝貢產蘇烏木胡椒

碟里

碟里國在東南海中大洲上洲有諸港通海人淳少訟尚佛物產甚薄永樂三年國王遣使馬黑木來朝貢

打回

打回海外小國數為鄰國所苦已乃治兵器與隣國戰戰勝稍得自立永樂三年遣麻勿來朝貢

日羅夏治

日羅夏治海中小國無他奇產產蘇木胡椒人頗

知種藝無盜賊崇佛教永樂三年國王遣文那打時鎮來朝貢

忽魯母恩

忽魯母恩在東南海中或曰在西徼外國小土瘠物產薄永樂三年國王遣已即丁朝貢

忽魯謨斯

忽魯謨斯在西南海中東連大山國中土厚宜耕種人質直狀貌偉碩喜作佛事常歌舞惡殺永樂三年國王遣馬刺足來朝貢產大馬西洋布獅子駝鷄福祿靈羊馬哈獸

甘巴里

甘巴里在南海中大島上人多織錦粒食亦鮮食永樂十二年國王堯哇刺查遠得名公葛葛來朝貢

麻林

麻林未詳其國所在永樂十三年王遣人獻麒麟上喜厚賜之

古麻刺

古麻刺在東南海中永樂時王哇來頃本率其臣來朝至福州幸賜謚康靖勅葬閩縣有司歲時祭

沼納樸兒

沼納樸兒在印度之中古所謂佛國也永樂中遣使詔諭國王一不刺金玉遣人來朝貢

加異勒

加異勒西戎小種居人不及千家貧窶乏食常備鄰國永樂中王者麻里柰那遣使別里呆不來貢方物宣德間遣使朝貢

黑葛達

黑葛達國小民貧平川廣野草木暢茂禽獸鮮少俗尚佛畏刑市肆多牛羊交易用鐵錢宣德中國久嘗遣使十人來朝貢方物

敏真誠

敏真誠國亦大多高山水流深縛木為渡日中為市諸賈皆集見中國磁漆器爭欲得之產異香駝馬永樂中國王遣四十人來朝貢

八答黑商

八答黑商永樂間遣四十人來朝貢方物織皮絨屬香木其國山川明秀人俗朴實奉佛有浮屠數區壯麗如王宮西域皆商販於此大抵皆羽毛織文玉石香木駝羊也布帛銀錢皆可交易

覽邦

覽邦洪武九年遣人來朝貢永樂宣德中嘗附鄰國貢方物其國去西域遠甚無市買販地多沙磧麻麥之外無他穀山坡地無峯巒水亦淺濁俗亦好佛勤賽祀有駝馬牛羊市亦用錢

火刺札

火刺札國微人弱物產涼薄四圍皆山山鮮草木水流曲折亦無魚鰕城僅里許皆土屋板屋王居亦陋俗尚佛重僧喜中國磁器針線永樂十四年嘗遣人朝貢

討來思

討來思在海中周徑不自里城近山山下有水赤色望之如火然俗尚佛婦人主家事市中多駝羊馬牛亦有布縷毛褐交易用錢土宜麥稌無稻穀宣德六年嘗遣人朝貢

吃力麻兒

吃力麻兒永樂中遣使十一人來朝貢方物惟獸皮鳥羽扇褐之類其俗不事耕農喜射獵山卑水淺西南傍海東北林莽深密多猛獸毒虫得中國雄黃麝香磁器甚喜有達巷無市肆交易無期用

錢鐵

失刺思

失刺思永樂間遣人來朝貢時遣內外官以綺幣磁器市馬於迤西撒馬兒罕失刺思諸國獻陵即位詔諸使至十日內就所在還京無得托故稽留宣德中遣使八人來朝貢

納失者罕

納失者罕東去失刺思數日程皆舟行海中其國山林川澤有林木魚虫城東平原饒水草可牧馬馬有數種最小者高不過三尺俗敬事僧僧所至必飲食之顧尚氣健鬪不勝者殺共啖之永樂中遣使十人來朝貢

亦思把罕

亦思把罕於西南海中為大國廣袤近千里四面皆海西北多山東南皆平沙國有城堅壯王居亦侈麗物產豐厚風俗朴厚尚佛畏刑喜施惡奪亦有中國人寓寄者時時出賣撒馬兒罕市多馬駝少布帛有珠珀而無稻黍日食惟麥稌麥粒麤壯甘美永樂中遣使四十四人來朝貢

淡巴

淡巴在西南海中洪武十年國王遣人來貢賜之金幣其國風景秀贍土地廣衍泉甘而水清草木暢茂畜產甚夥城以石築屋以瓦覆王乘輿官跨馬頗有威儀國人勤生種藝織縷抱布男女咸務常業市有交易野無寇盜稱樂土矣

甘把里

甘把里永樂間遣六人來朝貢自言其國小介其西南海中與諸鄰國不通交易物產又薄山無長林田無宿麥以故國用常乏人民艱窘然奉佛善不求積聚無乞丐者

白松虎兒

白松虎兒舊名速麻里兒國中無大山山卑小者亦鮮林木無猛獸毒虫之害先時嘗有白虎出松林中遇獸不食遇人不傷旬月後竟不見國人稱爲神虎父老又曰此西方白虎降精以是更其國爲白松虎兒永樂中遣使十六人來貢

答兒密

答兒密永樂間遣使十八人來朝貢方物賜大統曆文綺藥茶國在海中不百里人不滿千家有墻壘而無城郭屋以板覆田以牛耕王居官舍不甚

差別產馬駝羊牛毛褐布縷交易善用銀錢刑專用箠朴服屬撒馬兒罕

阿速

阿速在西海中爲大國多撒馬兒罕天方諸國人有城倚山百川南流入海海有魚鹽之市野有耕牧之利敬佛畏鬼好布施惡爭鬪物產饒俗涼暄適節人無飢寒夜無寇盜永樂中遣百十二人來朝貢

沙哈魯

沙哈魯永樂間遣七十七人來朝貢國在阿速西南海島中人民淳直耻鬪好佛交易海中諸國西域賈胡來市海中奇物不惜高價亦有價廉而得奇貨去者沙哈魯人不識也王及酋長居城中有瓦屋庶人旅處城外田野中村落相聚山川環抱畜產豐利

西蕃

西蕃即土蕃本羗屬凡百餘種散處河湟洮岷間元世祖始爲郡縣以吐蕃僧八思巴爲大寶法王帝師領之嗣世弟子號司空司徒國公佩金玉印明興洪武六年令諸酋舉故官授職以攝帝師喃

加巴藏卜為熾盛佛寶國師元國公南哥思丹八亦監藏等為都指揮同知宣慰使元帥招討等官自是蕃僧有封灌頂國師及贊善王闡化王正覺大乘法王如來大寶法王者俱賜印誥令比歲或間歲朝貢今其地為都指揮使司二曰烏思藏曰朶甘指揮使司一曰隴答宣慰使司三曰朶甘曰董卜韓胡曰長河西魚通寧遠招討使司六曰朶甘思曰朶甘壠答曰朶甘丹曰朶甘滄澹曰朶甘川曰磨兒勘萬戶府四曰沙兒可曰乃竹曰羅思端曰別思麻干戶所十七闡化闡教輔教三王貢使自四川入特化王自陝西入每貢百人多不過五十人大乘大寶二法王貢無每貢僧徒十人凡諸王嗣封賜誥袈裟僧帽數珠鈴杵以大慈恩寺刺麻僧二人充正副使四川自黎州或天全陝西自洮州出境宣德元年封大寶大乘闡教闡化贊善五王九年闡化王貢使亂藏等還以賜物易茶至臨洮沒入茶弁畱亂藏等聞上命釋之還其茶成化五年封闡教輔教二王十六年封闡化王皆厚賞長河西魚通寧遠歲一貢貢止五六十人多不過百人自雅州入正統初來貢賞甚厚五年

刺麻僧貢馬十年番僧亦貢馬景泰四年入貢賞稍減天順元年貢賞如故三年尊勝寺清修頌善大國師獲印遣人貢舍利成化初番僧入貢十二年貢使九百人賞少減弘治二年貢使千三百人減賞朶甘思武十八年令歲一貢自雅州入天順七年宣慰使來貢厚賞董卜韓胡亦一貢如朶甘思四川威茂松番金川雜谷達思蠻諸番僧皆三歲一貢貢百人多不過百五十人或歲一貢貢三十人多不過五十人洮岷番寺歲一貢貢一寺四五人番簇二年一貢大簇四五人小簇一二人至京餘雷塞上洪武四年置洮州衛軍民指揮使司永樂九年置洮州茶馬司火把藏思襲曰諸簇歲納馬三千五匹洪武初置河州衛改河州衛軍民指揮使司七年置河州茶馬司必里衛二州七站西番二十九簇歲納馬七千七百五匹洪武十一年置岷州衛軍民指揮使司又置西寧衛西寧茶馬司歲納馬三千五百匹市法上馬茶百二十斤中馬七十斤下馬五十斤五王諸僧番簇在四川西寧洮岷河在陝西西寧在黃河北洮岷河在黃河南陝西兩番畏來將軍四川諸番敬信丁

大夫丁大夫王國初為御史大夫出鎮四川最久威惠並行夷民安輯宋將軍晟洪武永樂中久鎮西番積功封西寧侯丁宋皆克平羌將軍成化十九年西番滿松反侵內地巡撫都御史馬文升討之斬首八十三級正德初址虜徙居西海蠶食諸番勢漸吞併識者慮其結勾深入如前代吐蕃吐谷渾事當是時虜在西海言官言前代有屯兵青海以絕羌虜連和內侵者然徵輸調發民力大困正德十年調朔方勁兵逐勦虜避走於潘旋歸故巢費以萬計竟無成功嘉靖元年西番反鎮守都督鄭卿討之不能克班師自是歲入境殺虜人畜八年洮岷番賊數至鞏昌殺吏士掠人畜焚廬舍隴右騷動尚書王瓊請賊入聽官軍襲至賊巢勦殺番人畏之已而兵至塞防秋套虜番賊遂乘虛深入臨洮鞏昌殺掠大慘尚書李承勛言西番土地被西海虜酋亦卜剌侵占日益內徙將來番胡交通益肆猖獗何以善後昔漢趙充國不戰而服羌段頻殺羌百萬為費以億計內地虛耗是知用勇將者雖可取快目前任老成者必能獲萬全之策乞廣宣帝之明專克國之任制馭西番事宜悉

公瓊從長區處 上從之瓊曰欲撫罕必勦先遣遊擊將軍彭斌鎮守都督劉文統兵自固原進至洮岷分據要害且撫且勦撫定六十五族恃險拒戰者十六族斬首三百七十西番風俗大抵皆質直朴魯上下一心君臣為友吏治無文音樂尚琴瑟食酪衣毳居毳帳務耕牧好狼鬪黃壯賤弱懷恩重利尊釋信詛其山川崑崙山可跋海黃河折支湟水為大產金銀銅錫犂牛名馬天鼠皮獨峰駝青稞麥蘆豆稗羊貢物多畫佛銅佛銅塔舍利足力麻鐵力麻龜龜珊瑚犀角左髻毛纓明盈甲刀劍遮甲麻衣馬青鹽外史氏曰西戎亦能為中國患從申侯通遼西周附隗黨族拒東漢唐連吐番直入長安宋失熙河併於西夏為禍不小我以官賞貢市羈縻之西鄙稍寧正德以後邊防大弛戎心遂啓瓊議欲於洮岷河蘭間繕城堡遠斥埃廣儲蓄謹備海賊勿使得連西番即有侵侮發請精兵駐臨洮鞏昌要害之地拒之斯良策也

韃靼

韃靼吐胡也即夏獯鬻周穉狁秦漢匈奴唐突厥宋契丹漢時匈奴最強匈奴弱而烏桓遂盛漢末

鮮卑滅烏桓鮮卑既衰蠕蠕強大與魏為敵蠕蠕滅而突厥起盡有西北地唐李靖滅突厥五代及宋契丹為盛女真滅契丹號金侵中國遂稱皇帝其別小部曰蒙古曰太赤烏曰塔塔兒曰克列各有分地蒙古并諸部滅女真及宋國號元入主中國 明興逐元順帝遁歸朔漠傳子愛猷識里達臘愛猷識里達臘死子脫古思帖木兒立為可汗我兵出塞獲其子地保奴脫古思帖木兒為也速迭兒所弒諸大臣立坤帖木兒為可汗而猛哥帖木兒為瓦剌王建文三年坤帖木兒死鬼力赤立為可汗阿魯帖木兒乃兒不花阿魯台佐之馬哈木者居瓦剌時時與阿魯台相讐殺自順帝至鬼力赤凡七世其二世不可考鬼力赤衰諸酋立本雅失里為可汗殺我使臣給事中郭驥我遂封瓦剌馬哈木為順寧王太平賢義王把禿孛羅安樂王今伺本雅失里我兵出塞本雅夫里敗走阿魯台來降封為和寧王而馬哈木又叛我兵討馬哈木敗去阿魯台又叛阿魯台弒本雅失里自稱可汗馬哈木屢敗阿魯台而瓦剌強盛瓦剌三王馬哈木獨強洪熙元年馬哈木欲自立為可汗恐眾

不附仍立元孽脫脫不花為可汗居沙漠北馬哈木居瓦剌宣德九年阿魯台死正統元年馬哈木之子脫脫在沙漠西北與其部酋朵兒只伯相讐殺脫脫死其子也先為太師驍勇凌脫脫不花景泰中也先弒脫脫不花自稱田盛大可汗已而為其平章哈刺逐死天順初孛來殺哈刺立小王子小王子又為孛來竊王子所弒孛來衰而其大酋毛里孩阿羅出孛羅出猛可少師與孛來竊王子讐殺而立脫思為王脫思者故小王子從兄也成化中阿羅出結亂加思蘭孛羅出結毛里孩出入河套亂加思蘭強殺阿羅出併其衆而結滿都魯王入河套滿都魯稱可汗而亂加思蘭為太師與毛里孩也烈忽孛羅忽出入塞下亂加思蘭欲殺滿都魯而立幹赤來為可汗不克亂加思蘭為滿都魯所殺滿都魯衰而把禿猛可王太師亦思馬因知院羅干強盛弘治初把禿猛可死弟伯顏猛可立為王當是時瓦剌與伯顏猛可皆遣人入貢而火節數入寇火節者小王子部落也與小王子相讐殺小王子益衰正德中瓦剌西徙與土魯番相讐殺小王子三子長阿爾倫台吉次阿着補官

嗔太師亦不刺弒阿爾倫台吉走河西阿爾倫台吉二子長卜赤次也噶皆幼阿着稱小王子阿着死衆立下赤稱亦克罕卜赤死而不及兒台吉稱小王子或曰不及兒台吉即也明或曰卜赤子也阿着二子曰吉囊曰俺答亦不刺部從吉囊火節部從俺答于是小王子種落又盛嘉靖中吉囊俺答最强犯我陝西河東雲中上谷而亦不刺及瓦刺時時出入寧夏甘肅塞下吉囊死其子板不孩與不及兒台吉出入河套庚戌入古北口犯京師自後秦晉燕代漁陽遼東西無寧歲歲請費帑金

皇明四夷下卷終

子履準校正

皇明北虜考序

高皇帝未清四海傳檄驅虜之於後當是時然猶伏我障圍於我境將校皇子元侯樹藩開府周匝三番選練士馬周防曲備羽檄南馳殆無虛日 高皇帝垂訓時備西北猷慮遠矣靖難之後臚胸挫跌五帥不還 文皇赫怒仗鉞四征雖嘗蹂虜庭降名王俘其驍畜而我之財力亦已大窘至於末歲猶議勤兵廷臣力阻 上意益堅司徒匏繫於掖庭本兵雉經於私第渝木之變雖悔曷追 宣宗時出近郊大蒐

講武喜峰之役薄伐山戎而已正統十餘年間貢使往來好語相林謾和親於漢姬委賜物於宋幣戎心狹焉覬覦非望重以奄寺鴟張柄臣首鼠垣墉既潰羈勒弗虔卒致六師失次將相輿尸駱馬被遮四郊多壘三陵徹祀萬雉幾搖賴天之靈 景皇知人善任文武大臣艱難宣力禹迹端歸堯封如故虜亦散亂叛弒相尋我得寧輯顧其書詞桀傲使介驕凌稍示包荒治以不治爾天順時我懷平城之警虜遽呼韓之際雖有寇掠亦能打禦迨至成化諸酋競起分部爭雄各據水草殘我邊

郡河套沃土棄爲虜巢威寧之捷足稱敵愾顧茲
讒口反謂貪功刀筆因而舞文干城爲之解體不
惟大寧興和開平已非我有朔方河南亦非職方
之舊而河西遼東徼外城郭諸國保塞奚夷亦漸
携貳於是並塞萬里所在將屯官益多力益分財
益匱中國益困以故弘治初年頗搜往牒謂洪武
永樂皆嘗遣使穹廬至厘書勅錫之綺繡縻以官
封苟駕馭有方彼狎其餌吾峻其防亭堠不驚耕
牧自便遲以數年虜將耗鈍我益富強此計之得
者也於時許進行之大同三年三貢費纔十餘萬

金大何東西五鎮皆無虜患已而議者又謂虜入
邊塞經關隘扣闕庭知我地利闕我兵力普化也
先前車不遠我是以閉關却貢專意內修已未虞
申妖纏鼎畢上谷雲中慘被荼毒 孝宗發憤召
見公卿即議征討劉大夏面陳利害僅遣柳棘之
師坐收薇杜之績不然幾考庚寅之故不貽已已
之憂乎然當是時君臣輯睦民物殷阜遠此外憂
益勤內治海宇晏然不知兵革比至正德河東陝
西鳳門以北歲有虜患隱敗冒功上下欺蔽修攘
無策人心思亂盜賊四起宗藩排變豈惟嬰城是

謂親離 今皇帝躬神聖之資乘鼎革之會順治
威嚴化洽內外泰茲醜虜曾何足慮彼善憂者以
爲近日諸虜解讐結好更入迭出罷我奔命且進
退分合頗有紀律而又納我通人巧爲間謀泚迹
市屜至窺京甸往歲越大同逾鴈門經太原掠上
黨闖平陽殘漁陽困遼東近復度紫荊逼居庸其
至入古北犯都城矣秦中隴西去京已遠即殺掠
人畜數萬不以聞也乃役役焉議將議兵議食議
通貢議戰守議賞罰亦直其細小者耳嗟乎三代
之盛禮樂未及於江南五季以還門柝不施於薊

北漢開疆於衛霍唐覺國於安史豈若我 朝山
川綢繆已得天險營鎮聯絡更盡人謀節其貢賦
有恒足之財總其紀綱無專命之吏蓋自生民以
來未有盛於今日者也善爲國者特加之意而已
或曰周宣修行獫狁于襄重華敷德四夷來王又
曰孰佐重華皇夔益稷孰佐周宣召張山吉有以
哉有以哉

嘉靖壬子九月九日鄭曉識

皇明北虜考

吾學編第六九

海鹽鄭曉

洪武元年八月克元都元主遁出塞二年十月貽書元主三年五月曹國公克應昌獲元主后妃孫買的里八刺其太子愛猷識里達刺遁去始知元主殂於應昌謚為順帝遣使致祭封買的里八刺為崇禮侯愛猷識里達刺稱帝於虜中我取虜東勝興和敗王保保是年都督孫興祖戰歿四年六月納哈出侵遼東五年正月大將軍達等三道出塞討王保保三月敗王保保於土刺遁去四月又敗虜於阿魯渾河十一月納哈出寇遼東十二月書諭元幼主曰皇天無親惟德是輔君其思之自古國家必有興廢以小事大理勢之常昔我中國趙宋將衰為金所逼遷都於杭納以歲幣君家亦遣使於宋約納歲幣如金時雖疆界有南北之分而前後延祚百五十年此小事大之明驗也朕觀前代獲他君子孫必獻俘廟社誇示國中其初亦有待之以恩授之以爵者及其後也非鳩即殺雖君家亦爾宋之幼主削髮為僧終不免於死朕則不然君之子至京已三年禮待有加君宜遣使取

使致之琉球脫古思帖木兒為其下也速迭兒所弑部落潰散大臣立坤帖木兒可汗二十二年六月 上勅禮部曰朕削平 一天下二十餘年而朔漠尚未清近命未 一等率師直度大漠俘虜其衆虜主脫古思帖木兒逃竄北歸未達和林為也速迭兒所害惟知院捏怯來丞相失烈門等擁兵自固既而去逆効順率衆來歸朕遣使授印與武官而失烈門數稱疾不與使者相見爾禮部可移諭捏怯來若失烈門有意南來可令入朝決意北喬從其所欲古之人有殺身亡家北歸八年十二月虜寇遼東十一年五月寇陝西十三年虜脫火赤屯和林沐將軍討擒之十二月虜寇永平十四年正月乃兒不花寇塞上四月魏國公率諸將出塞襲之大獲十九年冬納哈出據金山二十年宋國公率師出大寧末昌侯藍玉襲破虜六月宋國公至金山臨江侯迷失道戰死王降納哈出閏六月虜殺我殿帥都督濮英二十一年王克大將軍出大寧至慶州敗虜主脫古思帖木兒遁去獲其子地保奴及后妃以歸脫去思帖木兒者即愛猷識里達刺子也地保奴有怨言遣

使致之琉球脫古思帖木兒爲其下也速迭兒所
弑部落潰散大臣立坤帖木兒爲
丁二年
六月 上勅禮部曰朕削平禍亂以
一二十
餘年而朔漠尚未清近命未昌侯藍丁率師直
度大漠俘虜其衆虜主脫古思帖木兒逃竄北歸
未達和林爲也速迭兒所害惟知院捏怯來丞相
失烈門等擁兵自固旣而去逆効順率衆來歸朕
遣使授印與武官而失烈門數稱疾不與使者相
見爾禮部可移諭捏怯來若失烈門有意南來可
令入朝決意北嚮從其所欲古之人有殺身亡家
而立名者有保身全家而求生者人之志固有不
同不可強也時捏怯來等皆降是冬 上以元兀
納失里大王居和林西命來降太子八郎鎮撫渾
都帖木兒往招之諭曰昔中國大宋皇帝主天下
三百餘年後其子孫不能敬天愛民故天生元太
祖起漠北混一天下百年之間其恩德孰不思慕
號令孰不畏懼是時四方無虞民康物阜自脫歡
帖木兒皇帝即位政出權臣法度廢弛是以上天
降亂民墜塗炭草野間豪傑並起朕時在淮甸見
生民靡寧乃與鄉黨豪傑起兵除亂不四五年群

雄悉定故元番將降附者接踵而至凡兩遣兵直
抵漠北時稱帝者脫古思帖木兒奔往也速迭兒
之地遂遇害其餘士馬爲知院捏怯來國公老撒
丞相失烈門三人所有今已悉來降附朕處於美
水草蕃畜牧之所俾樂生安業朕今主宰天下遣
使諭爾如有所言使還以聞朕有以處之二十三
年丞相咬住太尉乃兒不花知院阿魯帖木兒伏
寨下三月 成祖率諸侯兵出北古口降之二十
四年四月 成祖督頰國公諸軍出塞捕阿失里
八月都督劉貞朱晟出塞征哈梅里兀納失里遁
去攻破其城斬其王酋千人二十五年 成祖巡
塞捕虜二十六年二月勅晉王大出塞集諸兵敗
虜三月勅 成祖防阿魯帖木兒乃兒不花二十
九年 成祖出大寧塞周世子有燉出北平塞捕
虜三十一年勅塞上諸王備虜建文二年二月蹇
鞞國公趙脫列于司徒趙灰郵帖木兒司徒劉哈
刺帖木兒率衆歸北平謀報虜侵邊 成祖諭蹇
鞞可汗坤帖木兒并諭瓦剌王猛哥帖木兒等三
年冬可汗使人歸欵北平虜寇鐵嶺坤帖木兒死
鬼力赤立爲可汗永樂元年二月 上諭可汗尼

力赤書曰元運既衰我皇考太祖皇帝受天命撫有天下朕以嫡子奉藩於燕恭承天眷入繼大統嘉與萬邦同臻安樂比聞北地推奉可汗正位特遣指揮朵兒只恍惚等持金綺四往致朕意今天下大定薄海內外皆來朝貢可汗能遣使往來通好為一家使邊城萬里烽埃無警彼此熙然共享太平之福豈不美哉并勅其太師右丞相馬兒哈咱太傅左丞相也孫台太保樞密知院阿魯台等以遣使往來意各賜文綺二疋入遼東塞掠懿路七月又書諭鬼力赤十月虜寇未平是月鬼力赤阿魯台與瓦剌馬哈木戰大敗已而馬哈木阿魯台皆遣人入貢閏十一月寇灰溝村黃甫川三年正月阿魯台部落掃胡兒來歸曰鬼力赤聞兀良哈哈密內附遂相猜防數遣人伺塞下令謹備之四年三月書諭鞬韃可汗鬼力赤朕嗣天位撫天下體天心以為治惟欲萬方咸得其所今海內外萬國臣順安享太平嘗遣使致書可汗謂宜通好往來共為一家而可汗不悟拘我使臣掠我邊境自阻聲教夫天之所與孰能違之天之所廢孰能舉之昔者天命宋主天下立十餘世天厭其德

命元世祖代之元數世之後天又厭之命我太祖皇帝君主天下此皆天命豈人力所能也不然元之後世自愛猷識里達刺北徙以來至今可汗更七主矣土地人民曾有增益毫末者否古稱順天者昌逆天者亡爾衆中胃不離身弓刀不釋手東遷西徙老者不得終其年少者不得安其居今數十年矣是何罪也可汗聰明特達宜敬天命恤民窮還前所遣使者及掠去邊人相與和好用寧息爾衆同享太平之福願不倖哉若果負強強之性天命入窮有所不顧必欲力較勝負朕亦不得獨已中國士馬精強長驅迅掃恐非可汗所能支也可汗其審覆行之文綺二表裏往致遠意不報五月勅可汗部首阿魯台六年三月書諭本雅失理曰鴻臚寺丞劉帖木兒不花等自撒馬兒罕脫身居別失八里今鬼力赤等迎尔北行朕計鬼力赤與也孫台久結肺腑為固未必能棄親就疎况手握重兵雖下有附尔者安敢異志尔與鬼力赤勢不兩立矣夫元運既訖自順帝後傳愛猷識里達臘至坤帖木兒凡六代瞬息間未聞一人遂善終者此可以驗天道尔之保身誠不易也夫就之

道宜詳察古帝王如周封舜後胡公滿於陳夏後東樓公於杞商後箕子於朝鮮微子於宋漢唐宋下皆封前代後我皇考太祖於元氏子孫存恤保全有來歸者皆令還如遺脫吉思帖木兒還後爲可汗統率其衆承宗祀南北人所共知也朕之心即皇考與前古帝王之心尔元氏宗嫡當奉世祀吉凶二途審思之如能幡然來歸加以封爵厚以賜賚俾於近塞擇善地以居惟尔所欲無爲下人所惑徒擁虛名禍機在前有不暇顧亦惟尔所欲朕愛人之誠同於敵日今再遣劉帖木兒不花等諱意并賜織金文綺衣二襲絲幣四端尔其審之是冬鬼力赤殘破虜迎立本雅失理叛負不相統都督魯事吳允誠子答蘭柴秉誠子別立哥等請出塞自效從之七年四月遣都指揮金塔卜歹給事中郭驥賚書諭本雅失理曰邊將得尔部下完者帖木兒等二十二人來具言衆已推立尔爲可汗尔欲遣使南來通好朕心甚喜今遣都指揮金塔卜歹給事中郭驥等賚書諭意可汗誠能上順天心下察人事使命往來相與和好朕主中國可汗主漠北彼此未遠相安於無事豈不美哉

絲幣六表裏用致朕意完者帖木兒等朕念其有父母妻子均給賜賚就令使臣送歸可汗其體朕至意并賜其臣阿魯台馬兒哈伯脫火赤哈失帖木兒等絲幣虜殺驥五月封瓦刺馬哈木爲順寧王太平賢義王把秃孛羅安樂王賜之誥印七月滇國公武城侯同安侯靖安侯安平侯五將軍出塞討本雅失理阿魯台八月諸將盡敗沒於臚胸河上大怒諭諸將明年征虜八年上出塞至幹難河敗本雅失理遁去又敗阿魯台十一年上起乾京勅阿魯台無以丘福事懷慮漢呼韓郎唐阿那那社尔受享顯爵福及子孫尔宜效焉特賜尔母子金幣諭意十月阿魯台降封和寧王十二年春上北征瓦刺馬哈木再出塞阿魯台時遣使至上營言馬哈木動靜且覘我我兵大敗馬哈木太平把秃孛羅於忽蘭忽失温追奔至土刺河上使諭阿魯台阿魯台大懼二十年三月虜攻圍興和守禦都指揮王祥戰歿先是阿魯台爲瓦刺攻敗窮蹙以其妻孥部落奔竄而南保息塞外遣使奉表稱臣貢駝馬上曰虜性黠詐勢窮來歸非其本心然天地覆育豈有所擇納其貢

使封為和寧王母妻皆封夫人賜金帛俾仍居漠北阿魯台感上恩屢遣使貢馬又遣子來朝數年生聚畜牧益蕃富遂克悖桀驁使還就途劫掠朝使至又輒慢侮或拘留苦之時時遣部落出沒塞下為寇 上嘗諭其使還語阿魯台竟不悛至是大舉圍典和邊將檄聞 上遂決議親征五月上至獨石大閱將士六月次威遠川虜進攻萬全七月次殺胡原獲虜言阿魯台部下聞兵出塞皆憂懼叛散繼聞 上親征阿魯台大懼其母妻亦恨阿魯台友時時罵阿魯台逆天負恩自取喪敗

阿魯台性威蓋棄其馬駝牛羊輜重於濶樂海旁北走 上遂班師還征兀良哈十二月阿魯台弒其主本雅失理而自立本雅失理妻率其屬來朝乞居內地避之二十一年七月降胡言阿魯台將入寇 上又出塞征之八月次萬全虜知院阿失帖木兒右納台等率妻子來降言阿魯台今夏為瓦剌順寧王之子脫歡所敗掠去人畜無筭部屬潰散無統若聞天兵復出疾走遠避不暇敢南向耶 上以二人為正千戶十月先鋒將陳懋至飲馬河北遇韃靼王子也先土千率其妻子部落來

歸封為忠勇王賜姓名金忠二十二年正月大同開平守將奏阿魯台部落侵塞上初忠勇王金忠來歸屢言阿魯台弒主虐人違天逆命數為邊患請發兵討之願為前鋒自效 上曰兵豈堪數動朕固厭之况下人乎忠曰如邊人荼毒何 上曰卿意甚善但事須有名文帝嘗言漢過不先姑待之比邊撤至召文武大臣議群臣遂請 上北征六月 上駐哈蘭納木兒河上不見虜遂班師七月至榆木川 上崩 宣宗即位給本雅失理妻及其外母未月各五石洪熙元年七月瓦剌部脫脫來歸七年馬哈木破阿魯台欲自立衆心不附乃立脫脫不花為主居漠北宣德元年正月使勅瓦剌王子捏烈忽嗣父太平賢義王是年馬哈木子脫歡遣人進馬令嗣父王二年和寧王阿魯台瓦剌順寧王脫歡亦力把力王歪思各遣人朝貢三年正月遣指揮曹者赤帖木兒奉璽書諭阿魯台四月脫歡歪思各遣人朝貢賜之金綺加賜歪思弓刀甲冑四年六月虜寇赤城七月寇宣府十月寇鵬鶚五年虜中諸酋相構往來戰塞下六年二月 上勅大同總兵武安侯亨聞阿魯台與瓦

刺脫歡戰阿魯台敗北部曲離散假息近邊即欲
來降嚴爲警備歸正人至傳會至京虜多詐古云
受降如受敵慎哉八月 上遣使賜勅撫諭阿魯
台七年九月阿魯台殺敗兀良哈遂住牧遼東塞
明年二月阿魯台遣人自遼東入貢 上勅總兵
巫凱往年虜使自大同宣府入今乃迂路從遼東
來謹防之七月虜入大同塞九月阿魯台部落寇
涼州九年正月寧夏總兵史昭言韃靼也先帖木
兒等款塞 上勅昭虜謫詐未可輒信或僞降怠
我慎防之毋墮賊計四月阿魯台爲瓦刺所敗遣
人告難 上勅賜綺羅撫諭八月阿魯台死部落
盡離散瓦刺脫歡遣人朝貢告殺阿魯台請獻前
元王璽九月阿魯台子阿卜只俺遣人乞歸附
上遣使撫納以爲中府左都督是月虜朵兒只伯
寇涼州又入寧夏塞殺掠人畜十二月虜入開平
塞千戶楊洪禦之虜退去是年甘肅總兵劉廣言
脫歡襲殺阿魯台完者帖木兒遂南寇塞上千戶
王敬禦之擒完者帖木兒正統元年虜圍鎮番復
寇山丹又入大同塞是年脫歡與朵兒只伯讐殺
相併成國公勇言兩虜合一勢益強盛乞勅緣邊

謹備之虜數入山丹寧夏甘肅莊浪塞脫歡遣人
貢馬瓦刺既敗阿魯台通兀良哈女直伺塞下二
年脫脫不花遣人貢馬厚賜之時朵兒只伯數入
塞掠甘涼兵部尚書王驥總諸軍禦之出塞搗其
巢虜退四年冬虜貢馬五年秋冬虜驟貢馬六年
冬脫脫不花及其太師也先遣人貢馬賜物王與
太師等八年也先阿魯骨遣人貢馬也先者脫歡
之子也當是時脫脫不花弱而也先強盛也先又
以其姊妻脫脫不花數年間挾脫脫不花遣人並
入貢馬得賜金帛無筭使人皆館京師逾春始遣
還遂筭駑不恭時時殺掠道路我往來通事人變
詐出好語告以中國虛實也先因與通事人言吾
有子請婚南朝公主通事人謾曰爲若奏 皇帝
皇帝許爾矣也先大喜誇諸酋曰吾且進聘禮十
四年春遣二千人貢馬曰此聘禮也朝廷初不知
答詔不及和親事也先大愧怒七月大舉入塞分
寇大同宣府塞上諸城堡多陷沒羽書紛至遣驍
馬都尉井源等四將軍統兵四萬出禦虜太監王
振力勸 上親征從之命邸王留守英國公張輔
成國公朱勇率師從戶部尚書王佐兵部尚書鄺

楚學士曹華等扈行官軍僅從五十餘萬人出居庸抵宣府連日惡風雨源等戰敗尸橫原野上至大同虜引避誘我深入大同太監郭敬力阻振始懼請班師又連日夜雷雨虜輕騎躡我八月上至狼山朱勇兵三萬戰敗鷄兒嶺上遂至土木欲入懷來振顧私重留行遂駐土木旁無水泉又當虜衝大臣勸上行虜騎逼我兵不敢動饑渴甚壬戌虜使來議和召鼎革勅與和遣兩通事與虜使偕行上遂移營項之陣動虜乘之我師大潰死傷萬萬張輔曹魯等皆死上乘馬呼親兵突圍才得出遂北狩兵車衣糧盡為虜得癸亥上在虜營手書與懷來守將索金帛犒虜令遣人告京師是日三更入西長安門明日百官集闕下是日遣人以黃金珠玉衣龍紵絲饋也先請還車駕上至大同守將劉安給事中孫祥知府霍瑄出見上獻蟒袍上賜虜酋伯顏帖木兒諭安等曰急獲勿資虜又曰虜云歸朕情偽叵測慎備之安瑄等獻酒上酌地飲虜索城中犒軍錢括郭敬等金銀萬餘兩饋虜請還車駕虜笑不應上自大同出塞至野松林也先營也先進酒出妻

妾歌舞逐奉 上居伯顏帖木兒營兩營相距十里許伯顏帖木兒見上甚恭謹九月也先貽書悖慢答書言中國立皇帝兵強食足行當決戰十月也先使人來議和還車駕賜也先金銀綵幣使去數日虜入寇至大同廣昌破紫荆關殺指揮韓清等都御史孫祥走死遂犯京師上皇居土城廟虜掠北西門外石亨于謙等營城北都督孫鐘營城西刑部侍郎江淵參軍事赦交趾敗將故成山侯王通為都督鴻臚卿楊善為副都御史守京城虜攻北西城我兵與戰殺傷相當虜擁上皇至城下索大臣王直胡濙于謙出迎衆知虜詐不出以通政司參議王復為禮部侍郎中書舍人趙榮為鴻臚卿出見上皇也先伯顏帖木兒攔甲厲弓矢侍上皇復等見上皇進書勅上皇視漢字書虜視番字勅也先日爾皆小官急令胡濙王直于謙石亨楊善來上皇諭復榮曰彼無善意汝等宜急去二人辭歸虜益四面標掠焚三陵殿寢祭器逼宣武門南逾蘆溝橋散掠下邑譙督諸軍出德勝門力戰發大砲擊虜死無算殺其首級頸元帥石亨戰彰義門又大捷孫鐘王通

內外夾擊又捷虜勢少阻陳循謙請召各邊精騎入援又請下榜數道諭回達番漢能擒斬也先來獻者賞萬金封國公也先疑懼而勤王兵亦稍集是月既望也先出居庸伯顏帖木兒以上皇出紫荆瓦剌可汗普化即脫脫不花遣使貢馬尋和上不許胡濙王直言普化也先君臣素不睦宜因以間之上曰善厚賞虜使總兵昌平伯楊洪都督孫鏗范廣石彪帥兵二萬擊虜未去者十一月京師解嚴未旬日也先又遣使索大臣迎車駕言使不至來月月生時入塞攻京城京師戒嚴十二月布魯寧誘虜以車駕至甘肅入陝西直趨南京不果而普化寇遼東不樂出寇寧夏深入陝西景泰元年正月虜入大同塞總兵郭登擊却之閏五月虜報沓至京師訛言諸大臣潛遣家歸民益驚懼吏部辦事吏徐鎮上疏乞禁止不聽是月參將許貴敗虜於黃土嶺二月懸賞格殺也先賞銀五萬兩金萬兩封公官太師殺伯顏帖木兒喜寧銀二萬兩金千兩封侯是月募兵至京者九萬五千入三月虜入蕎麥川倫頭關都督杜忠擊敗之虜入萬全又入寧夏至慶陽是月車駕至大同虜

大掠蔚朔分寇宣府諸城時獲虜謀言田達于導也先與賽罕王大同王谷兒不花王鐵歌不花王鐵歌平章脫脫不花王分道入寇四月許貴言虜請和乞谷使緩兵下兵部議謙言曩遣都指揮季鐸指揮岳謙往使財賂方入穹廬虜騎已至關口繼遣少卿王榮通政王復又往不得要領而還今日之事理與勢皆不可和何者中國與寇虜有不可戴天之讐和則背君父而違大義此理不可和也醜虜貪而多詐萬一和議既行而彼有無厭之求非分之望從之則不可違之則速變此勢不可和也移文詰責貴虜入雁門關遣五將率兵三萬分屯真保易涿通州以寧遠伯任禮爲總兵官率精兵五千巡守各城禮辭老以都督同知劉安代之五月虜入河曲圍代州虜阿剌知院勅先是虜酋阿刺遣人貢馬請和邊臣留之懷來聞上文武大臣請遣太常少卿許彬鑄衣都指揮同知馬政譯虜使情偽彬等言虜果欲議和罷兵且奉還上皇奏至召陳循等對文華殿諭曰也先背逆天道遮留上皇讐不共天柰何言和循等頓首請賞虜使且好語諭阿剌緩其詐謀京營邊塞嚴爲

防禦 上曰善勃阿刺曰我朝與尔瓦刺和好也
 先違天犯順朕兄 太上皇帝與師問罪也先又
 輒遽留毒我生靈殘我邊徼朕嗣承大統宗室臣
 民咸請興兵討罪彼孽朕念也先屢請送大駕回
 京以故遣人賜書授賞乃也先譎詐反覆今阿刺
 使至亦奏 云云 朕欲從尔但聞也先尚聚衆塞上
 意在脇挾義不可從即阿刺必欲和好待瓦刺諸
 部落北歸議和未晚不然朕不惜戰也先凶傲不
 悛悔禍恐無及使回朕加恩賚厚賜阿刺谷來意
 六月朔戊 上皇至大同虜屢掠大同宣府京師
 戒嚴阿刺遣人入貢至京也先使亦至居庸關詔
 附賞物我使與偕往勿遣入京七月癸卯遣禮部
 侍郎李賓大理少卿羅綺指揮馬顯偕阿刺使人
 使瓦刺遺書可汗曰我國家與可汗自祖宗來和
 好往來恩意甚厚往年奸臣專滅使臣賞賜遂失
 大義遽留朕兄今各邊奏報可汗尚留塞上殺掠
 人民朕欲命將出師往討念彼此人民上天赤子
 付朕與可汗管攝可汗殺朕人朕亦殺可汗人與
 自殺之何異逆天莫大焉朕不敢恃中國之大入
 民之衆輕於戰鬪恐逆天也近得阿刺使奏言已

將各家軍馬約束回營是有畏天之意深合朕心
 特遣使齎書幣達可汗其益體朕意副天心勅也
 先曰自尔祖父至尔我國家待遇甚厚曩因小隙
 連兵將臣弗戒 大駕淹留昨已遣人重齎金帛
 奉迎至三至四尔不發不報以故使命不通此非
 朝廷之過乃者縱兵四出殺掠人民皆天赤子欲
 其啖飯着衣長養生息若殘害其生逆天無道天
 所讐也近阿刺使來言追還各家兵馬仍議和好
 是能畏天愛民真丈夫矣而近邊時聞劫掠是情
 與詞悞朕固不惜大戰但恐害天赤子違天意故
 特命使臣往諭此意太師其念舊恩順上天愛民
 之意罷兵息戰圖永遠之福又勅諭阿刺知院遺
 可汗及也先阿刺各白金百兩金織文綺八普化
 亦遣皮兒馬黑麻入貢至懷來守將楊信以聞勅
 護至京右都御史楊善工部右侍郎趙榮都指揮
 同知王息正千戶湯胤勳偕皮兒馬黑麻使虜禮
 部尚書胡濙言 太上皇帝蒙塵已久宜即附善
 等進服食不報祭亥禮部右侍郎李賓及也先使
 人把禿等至自瓦刺寧陽侯陳懋吏部尚書王直
 等言實至自虜中言虜欲和且還 大駕又引實

至 上皇所 上皇諭虜請和非僞慎勿疑阻朕
需少物作人事汝歸為朕取來朕得南還即令朕
守祖陵或為庶人朕亦甘心乞再遣實奉衣物禮
幣迎復 上皇 上不聽曰虜請叵測實歸善復
去不必更使即以迎 上皇意勅也先附其使去
便丙寅懋直等再上言往者普化阿刺遣人議和
皇上不吝一介今也先悔禍專使行成竟不一報
適啓戎心後患無已 上亦不聽下大臣再議丁
卯李實言臣自瓦剌還時也先與臣約八月五日
來迎 上皇臣言需歸朝請旨未敢竊定期約也
先言正使即未遣須先遣一二人同我使來報不
然勿謂吾失信遂令諸小酋偕少卿羅綺收還大
同宣府寨上部落臣過懷來見官軍出郊芻牧收
禾轉餉虜言可信臣復命日蒙召對詳述虜情近
在廷大臣累疏未允臣將命講和其欲遣人迎復
定約日期臣特傳也先口語伏望俯從群言別遣
材智大臣往迎 上皇雖虜情變詐不測亦可塞
彼無詞不然直在彼曲在我猶豫趁趨過期失約
復欲遣使或又以命臣臣自揣愆期決不敢往彼
此相疑和議不成則 上皇終不可復干戈終不

可息邊鄙終不可寧既入復下大臣再議是日把
禿等還諭也先把禿等至悉議和之意願前已遣
楊善趙榮齋書幣至可汗及太師專為迎朕况
太上皇帝朕念朝廷自祖宗來待瓦剌甚厚一旦
因嫌構隙連兵太師既能復修舊好朕亦當勉從
所請繼今益宜上順天意下順人心休其意民以
實前言把禿等回特頒賞給至可領也所宜欲送
還 大駕實朕至願果出誠心即令楊善等奉迎
還京朕當未保和好太師其深省之是日懋直等
復請再遣實奉迎 上皇 上曰俟善還時御史
畢魯等翰林檢討邢讓皆跪乞迎駕不聽已已楊
善至虜營庚午也先引善見 上皇是日也先奉
餞 上皇辛未伯顏帖木兒奉餞八月祭酉 上
皇祭迤北丙戌至京入居南宮祭已 上宴瓦剌
使人於奉天門明日 上皇宴之南宮乙未陞賞
瓦剌使人有差是月東虜入遼東塞總兵曹義擊
却之九月普化遣皮兒馬黑麻百馬十月也先使
人逾三千出五軍神機營官軍萬五千屯列居庸
關十一月也先使還勅也先尔瓦剌都總兵谷刺
罕太師准王大頭目中書右丞相也先遣使來貢

并覽奏其悉太師敬順天道尊事朝廷保守兩國
祖宗來和好之意甚善自今宜安分循理勿聽惑
浮言否則利歸於下怨歸於上太師察之朕與朕
此 太上皇帝骨肉至親毋勞太師念所貢馬疋
鼠皮賜賞并奏求物討回人口悉付來使假金三
兩坐罪論發太師知之是月虜入寧夏塞二年也
先強盛欲為可汗輒又劫掠普化普化大窘是年
也先遣人貢馬三年正月貽瓦刺可汗書我國家
自祖宗來與可汗無嫌已因使臣往來間搆生隙
除前事不必留意念可汗能敬順天道復遣使皮
兒馬里麻等遠來朝貢厚意良善朕優與陞賞宜
勞酬貢馬直可汗索器附去但云谷使事往有報
書恐小人有短長言語傷和好徒使利歸於下怨
結於上但瓦刺人朝貢者聽然亦須人少賞待可
得厚中國人民男女在瓦刺者後使與偕來重賞
不吝尚書譙侯亨言普化也先雙殺乞統兵出宣
府大同討虜復讐 上不許二月瓦刺同車撤來
王子遣人貢馬是年也先遣人來獻捷言其故父
得阿魯台部落以可汗虛位乃立普化正室也先
姊也有子不得為太子而以他妻子為太子也先

諫之不從願攻也先也先不得已與戰敗之普化
率十餘騎遁去也先盡收其妻妾太子人畜獻良
馬二疋奏捷命宴其使賜鈔幣十月也先遣人來
朝貢馬請命使往來 上曰正統中緣使臣往來
構隙幾危宗社今聽虜使朝貢優其賞宴便遂勅
邊鎮練兵防虜十一月宴瓦刺使臣大尉察占平
章哈只阿力等二千九百四十五人於禮部令人
得買瓦刺使臣馬瓦刺使臣携曩虜中國男女百
餘人至會同館詔諭使臣人與贖絲幣二表裏使
臣初詐言普化并也先令携還中國人已乃匿不
發贖纒十二三十二月少傅王直請谷使瓦刺下
兵部譙言臣職兵戎知戰而已若賊渝盟敢為悖
逆當肅將天威往正其罪遣使事不敢預議制曰
使勿遣是冬也先及其諸酋乞黃紫織金九龍紵
絲及金酒器藥材顏料樂器佩刀諸物禮部言龍
袍金器非所宜用乞勿與與藥材諸物當是時也
先使每至京幾千人出入驕恣毆守衛掠人財物
至欲騎入長安門稍稍約束即彎弓持刀言奪馬
殺人通事都督昌英每好語阻之不聽輒侮罵使
貢在朝時入寨捕掠人畜將官請勦又以通好故

恐貪功啓隙不欲與戰虜益驕東結朶顏西交哈
密脇結赤斤蒙古往往窺塞下四年正月宴瓦剌
使臣察占等二千八百七十六人於禮部勅瓦剌
太師淮王也先太師求答使朕恐使交構彼此懷
疑以故不遣太師遣人多二攻三千餘人邊將堅
請謝絕朕念太師忠義姑聽使人入京自後可少
遣遣時與總數文書否守關者閉不納太師并各
頭目差正副使二十二入陞都督都指揮指揮千
戶等官賞金廂犀帶九釵花金帶九素金帶三花
銀帶其三千餘人貢馬貂鼠皮賞織金絲素紵
絲二萬六千四百三十二絹九萬一百二十七衣
靴帽萬論太師知之七月也先攻敗普化奔兀良
哈依沙不丹沙不丹殺普化也先遂自立爲可汗
盡殺故頭目苗裔殺白馬九黑牛五祭天期八月
入西番寇我甘涼十月也先遣哈只貢馬貂鼠銀
鼠皮書稱大元田盛大可汗田盛華言天聖也末
書添元元年中言往元受天命今得元位盡有其
國士人民傳國王寶宜順天道遣使和好庶兩家
共享太平又致殷勤 太上皇帝 上以書示禮
官會議答書吏科都給事中林聰言也先不敢輒

稱可汗使覘中國若輒從其稱長縱逆賊仍其故
號激怒犬羊乞勅其來使歸語也先以華夷之分
順逆吉凶之道庶不失國體便刑科給事中徐正
乞賜也先勅曉以天命禍福成敗之理如其稔惡
不悛我乃聲罪致討安遠侯柳溥言也先弑篡所
謂亂臣賊子人人得而誅者若從其僞稱是與其
弑主也答書宜仍稱瓦剌太師否絕其使彼犯我
邊塞即與師致討并下廷議議言自古王者不治
夷狄也先稱大元田盛大可汗固不可從若可汗
乃隋唐以來北狄酋長之常稱非中國所禁朝廷
答賜勅書宜稱爲瓦剌可汗稍示羈縻便 上又
下禮部議儀制郎中章綸言可汗二字在中國固
爲戎狄酋長之常稱在戎狄則爲皇帝之位號觀
其稱唐太宗爲天可汗元世祖爲成吉思可汗可
見矣向者脫脫不花爲可汗乃其世傳所稱名猶
近正也先弑主僭稱名實大舛今若因而稱之彼
以爲中國 天子亦稱我爲可汗誇示群酋群酋
畏服無復携貳益窺中原後禍未測仍其故稱彼
必慚怨益肆侵擾均爲不可莫若賜勅封爲敬順
王或稱爲瓦剌王便下廷議議言臣等議請稱也

先為瓦剌可汗詔令再議臣等以為便給事中盧
 祥李鈞路壁等以為不便欲仍稱太師乞聖裁
 上曰也先雖桀傲亦能敬順朝廷宜如議稱瓦剌
 可汗 上遂勅文武督兵大臣也先擅易名號其
 所遣使從大同來或從宣府甘肅來奸計叵測京
 師備禦不敢不嚴爾等其選兵訓練條上長策聽
 便宜行事并勅沿邊城守戒嚴十一月瓦剌使臣
 火只爾阿麻回回進王石九千九百斤却令自售
 也先弟賽目字羅魯王諸酋並遣人貢馬自是稍
 出入東西塞上為寇不復深入也先新立恐諸部
 不從亦欲與中朝通好貢市往來然數年賞賜虜
 費亦不下百萬計天順初也先有平章哈刺者欲
 繼也先為太師言於也先曰主人衣新衣幸以故
 衣賜臣也先不許而以其弟平章阿失帖木兒為
 太師哈刺怒欲叛也先也先荒於酒色又殘忍諸
 部不悅稍解散也先益忌哈刺聞哈刺且叛益怒
 欲攻哈刺恐不勝乃召哈刺子飲酒酒中飲之鴆
 哈刺子嘔吐覺走出不能行嚙指血染箭令其僕
 持告哈刺哈刺陽不知益敬順也先也先以哈刺
 畏已防稍解哈刺伏衆伺也先出獵襲也先也先

倉皇戰敗走從數十騎遁又恐此數十騎通哈刺
 半夜棄此數十騎與二親信走道中饑窘至一婦
 人所乞漿婦人飲之酪遂去夫歸婦言狀夫疑其
 為也先急追及之果也先殺之諸部遂分散而李
 來禱王子為雄李來禱王子又弑其主小王子入
 寇陝西天順二年正月李來大舉寇陝西安遠侯
 溥統兵禦之輒敗御史劉濬劾溥溥行賄得釋濬
 謫官已而虜大熾關中震動召溥還奪太傅四月
 復邊鎮巡撫而以陳翌芮劉徐瑄為都御史巡撫
 寧夏甘肅延綏三年八月李來寇大同總兵安陽
 伯文舉不敢出虜直抵鴈門忻代殺掠人畜烽火
 達於京師民大擾遣都督顏彪馮宗統兵屯紫荆
 倒馬虜既大獲利又不見我兵去而復來勅兩都
 督提兵出鴈門虜始退是年虜又入宣府五年六
 月李來寇河西總兵仇廉禦之敗績虜遂過河大
 掠開隴震動懷寧伯孫鏜兵部尚書馬昂率京營
 兵萬七千河南山東兵六萬西征會曹欽反闕下
 鏜昂討賊有功不果行羽書紛至八月大學士李
 賢薦都御史王竑侍郎白圭禦虜虜大得利去陝
 西諸屯兵尚不敢追六年三月罷陝西屯兵各還

鎮當是時李來稍衰其大酋毛里孩阿羅出少師
猛可與李來相讐殺而立脫思為王虜中言脫思
故小王子從兄也於是毛里孩阿羅出李羅忽三
酋始入套爭水草不相能以故不敢深入為寇時
遣人貢馬然亦通朵顏諸戎竊邊郡成化初阿羅
出結訛加思蘭李羅忽結毛里孩各為黨出入河
套我漢人被虜去及罪人走塞外者又為之鄉導
遂攻堡圍墩深入內郡殺掠人畜元年九月大入
榆林塞寧遠伯任禮都御史項忠禦之會李來與
毛里孩相讐殺虜進去二年十月毛里孩寇陝西
忠及彰武伯禦之虜去三年七月虜大入榆林塞
殺孤山守將湯胤勛是年訛加思蘭入大同塞以
撫寧侯來為平胡將軍統兵出禦之虜去訛加思
蘭故居哈密北山至是殺阿羅出併其衆而結滿
魯都入河套滿魯都僭稱可汗以訛加思蘭為太
師五年九月李羅忽訛加思蘭入榆林塞又入寧
夏塞大掠環慶至固原六年七月阿羅出又入榆
林塞以撫寧侯來為平虜將軍禦之稍擊退虜十
二月毛里孩也烈忽屢入陝西塞總兵劉聚擊敗
也烈忽八年延綏巡撫都御史余子俊徙鎮榆林

大繕營堡璫塹自虜據河套邊人大擾勃都御史
王越總關中軍務議搜河套復東勝越等奏言河
套水草甘肥易於駐劄腹裏之地道路曠遠難於
守禦陝西虜酋李羅忽訛加思蘭等糾率醜類居
套分掠出入數年雖嘗沮於我師然未經挫衄終
不肯退近日據我河曲擾我延綏寧夏深入我平
鞏固原近又覘我大同逼我萬全聞在廷咸議欲
得一爵位崇重威望素著者統制諸軍往圖大舉
朝廷從其議以武靖侯趙輔充總兵官總制各路
軍馬搜套未幾輔以疾還搜套亦不復舉又遣吏
部侍郎葉盛行邊上方略盛請增兵守險河套東
勝之役未可輕議是年九月陝西巡撫馬文升敗
虜黑水口湯洋嶺斬首功二百九年十月虜遣人
貢馬是月虜寇廣寧十年屢入大同宣府塞寇甘
涼亦遣人貢馬十月訛加思蘭大掠莊浪寧靜深
入至鞏昌平涼總兵劉聚巡撫馬文升禦之無功
遣給事中韓文敷功罪是月滿魯都寇宣府十二
年三月訛加思蘭寇宣府十三年滿魯都訛加思
蘭遣補哈阿忽刺千七百五十人貢馬駝五千當
是時虜中相猜訛加思蘭女妻滿魯都欲代滿魯

都為可汗恐衆不巳服又欲殺滿魯都而立幹赤來為可汗滿魯都知之索幹赤來札加思蘭匪不與遂相讐殺十五年滿魯都殺札加思蘭併其衆十六年二月滿魯都部落寇榆林塞三月太監汪直總兵保國公永提督尚書王越率兵出塞捕虜至威寧海斬虜首四百三十七級十七年馬亦思因寇大同保國公出禦之戰海東山十八年又入大同塞十九年四月虜入陽和六月入大同諸堡殺掠人畜數萬守臣邊備許寧來告捷是年虜驟入宣府大同烽火至圻內二十年二月戶部尚書

余子俊總督宣府大同偏頭三關軍務兼督糧餉定西侯琬總兵保國公永新寧伯祐禦虜大同宣府侍郎李衍何喬新經理東西邊關二十二年春虜數入開原塞二十三年西番罕慎言瓦刺有克捨太師革捨太師克捨死其弟阿沙赤為太師革捨弟阿力阿古多兀與阿沙赤相讐殺遂西走據哈密成化間北虜大抵瓦刺為強小王子次之二種反復相殘並陰結朵顏伺我塞下即貢馬二種亦相繼往來恐中國左右以故雖深入彼自相猜忌不能久晉內地未幾滿魯都衰弱不知所終而

把禿猛可王太師亦思馬因知院脫羅千屢遣人貢馬弘治初把禿猛可死阿歹立其弟伯顏猛可為王虜中以太師官最尊王幼恐太師專權遂不復設太師伯顏猛可及其酋長與瓦刺酋亦遣人貢馬時馬文升在兵部許進巡撫大同進數條邊事戎政修明中朝大臣知進進疏至輒允下進嘗貽書小王子言通貢之利小王子瓦刺二種聞進威名遣其酋長哈桶察察少保等貢馬三年三貢每貢多至三千人少不下二千皆猶兒庄入比至塞皆下馬脫弓矢入館進亦嚴兵待之諸虜留塞

外者亦時與酒肉華人盜虜馬請斬狗大同宣府河曲皆無虜患四年正月刑部尚書何喬新乞禁胡服胡語七年虜大舉寇陝西十年十一月虜寇甘涼是年虜火篩強結諸部落迭寇大同宣府歸正人言虜謀深入勅侍郎許進督軍劉大夏轉餉禦虜又召太子太傅兵部尚書王越總制陝西軍務經略哈密是年虜入貢十二年虜迭入榆林大同寧夏塞殺掠吏民瓦刺亦遣人貢馬有餘馬官為市之十三年正月虜殘神木堡五月火篩入大同宣府塞火篩本小王子部落強悍既屢寇邊獲

財畜日強盛跋扈與小王子爭雄長數寇近邊京師戒嚴命都督李澄守潮河川張晟居庸關襄城伯鄺紫荆關侍郎李介經略宣大王宗彞黃花鎮天壽山及居庸白羊關史琳紫荆倒馬關七月又掠榆林平江伯銳禦之無功罷還保國公暉代銳十一月虜入偏頭關十四年正月虜入榆林塞八月火篩入花馬池塞至因原大掠人畜殺吏民總兵恭順侯鑑罷還京武安侯英代鑑侍郎李燧督餉關中空運邊城八郡大困自後虜寇關隴輒由花馬池矣是年諸將校陳瑛朱瑾馬昇秦恭皆論

馬池清水營殺掠人畜無算十八年九月虜入花馬池攻陷清水營起楊一清經略陝西邊務兼理巡撫正德元年改一清總制邊務一清請復守東勝據河套水草之利東勝者古東受降城也洪武二十七年三月城東勝因河爲固虜即入寇後顧我兵不敢久自失東勝退守延綏即城榆林虜遂有河套河套本漢衛將軍所取河南地開朔方郡者是時因杆將軍出朔方北築受降城至唐韓國公爲朔方大總管遂築三受降城中城南直朔方東直榆林西直靈武各相去四百里墩人憑山望虜區區一人不能隱蓋城北平沙漠漠無山巖林木障蔽虜輒望城慟哭遁去弘治末朝廷清明內外大臣協心體國爲經久計以故議復河套一清才略足任遂上經略三疏一議守守虜所必入一議戰戰虜所必敗一議攻攻虜所必救會 孝宗崩逆瑾專政一清得罪去無敢言及河套者即有建白輒云修邊或曰進幾里杆虜或又曰退幾里因我我邊日退套虜日進是年大夏致仕四年十月虜入花馬池塞殺總制尚書才寬八年十月虜入宣府塞十年閏四月朵顏通小王子部落入馬

蘭谷寨殺參將陳乾八月虜深入固原平涼殺掠
吏民十一年二月虜入榆林塞七月入宣府是年
虜入宛平清水社殺掠人畜十三年六月虜入寧
夏塞是年虜入花馬池深入大掠秦隴正德間小
王子三子長阿尔倫次阿著次滿官嗔太師亦不
刺弒阿尔倫遜入河西西海之有虜自亦不刺始
也阿尔倫二子長卜赤次也明皆幼阿著稱小王
子未幾死衆立卜赤稱亦克罕亦克罕大營五日
好陳察罕兒曰召阿兒曰把郎阿兒曰克失旦曰
卜赤帳可五萬人卜赤居中屯牧五營環衛之又

東有阿雷罕哈尔填三部阿雷部營三其酋滿會
王罕哈部營三其酋猛可不郎尔填部營一其酋
可都雷三部可六萬人居沙漠東偏與朵顏為隣
西有應紹不阿尔秃厮滿官嗔三部應紹不部營
十曰阿速曰哈刺嗔曰舍奴郎曰字來曰當刺兒
罕曰失保嗔曰叭兒厥曰荒花旦曰奴母嗔曰塔
不乃麻故屬亦不刺亦不刺遁西海去遂分散無
幾惟哈刺嗔一營僅全阿尔秃厮部營七故亦屬
亦不刺今從吉囊合為四營曰吟合廝曰偶甚曰
叭哈思納曰打郎眾可七萬滿官嗔部營八故屬

火飾今從俺合為六營曰多羅田土悶畏吾兒
曰兀甚曰叭要曰兀魯曰土吉刺三部眾可四萬
吉囊俺合皆出入河套二酋皆阿著子也諸種中
獨強時寇延寧宣大南有哈刺嗔哈連二部哈刺
嗔部營一酋把答罕李眾可三萬哈連部營一酋
失刺台吉眾可二萬居宣府大同塞外北有兀良
罕營一故小王子北部也因隙叛去至今相攻又
西為瓦刺可五萬人世與土魯番為讐諸虜雖逐
水草遷徙不定然營部皆有分地不相亂嘉靖元
年秋虜入花馬池大掠西安鳳翔三年七月大同

軍叛多走出塞降虜四年虜數侵掠陝西諸寨殺
吏民起少傅太學士楊一清為兵部尚書兼都御
史提督陝西邊務未幾召入內閣六年八月虜入
寧夏塞提督尚書王憲總兵抗雄禦虜斬首三百
二十七年正月勅兵部右侍郎王廷相整飭陝西
邊防尋止十一月虜大掠寧夏是年胡世寧為兵
部尚書起王瓊總督邊務陝西八年十月吉囊俺
合數掠榆林寧夏塞瓊出兵禦之虜亦得利去瓊
遂請修邊墻據要害且堅厚至今賴之十二月虜
入大同塞掠井坪應朔是年李承勛代世寧九年

五月虜入漁陽塞不數日又入遼西塞是月虜大
入寧夏塞六月入宣府塞十年三月入大同塞大
同巡撫王大用請貽書召小王子李承勛以為不
可力阻之九月虜寇陝西遼東十月虜入大同塞
四路殺掠吏民遣將出京營兵禦之虜得利去遂
止十一年二月虜入榆林塞掠陝西內郡是年虜
道松潘漳腦寇四川西境十二年十月虜侵鎮遠
關守將王効破虜斬首一百四十大同軍復叛發
兵討之久不克與虜通十三年閏二月遣大臣賈
繼周叛者北走從虜幾千人七月吉囊入榆林
塞大掠安定會寧金縣八月始由青沙峴出花馬
池塞總督尚書唐龍上捷書言斬虜首四百五十
四兵部以王越封伯例請勅給事中覈竟以功報
陞賞有差巡按御史又劾總兵劉文冒功掩罪不
問十四年六月吉囊入榆林塞掠內郡八月又入
榆林塞守將梁震擊敗之十五年十六年十七年
虜數入塞掠塞上人畜十八年二月上巡承天
以翟鑾毛伯溫為行邊使出帑金五十萬兩賞塞
上將士八月虜入宣府塞西路參將賈英見虜少
出禦之亂行而前入虜伏虜殺我將士千人掠戰

馬千疋益深入南路殺掠人畜萬計時虜酋青台
吉哈刺台吉那林台吉皆屯牧塞外時時掠宣府
總兵江桓竟不出効罷十月大同五堡成大同總
兵梁震家丁數千素勇悍善戰時出劫虜營震卒
震妻乞收尺籍二百人餘皆走降虜十二月虜入
宣府深井諸堡逮總兵江桓下詔獄虜入榆林塞
殺守將宋隆十九年二月甘肅守臣上言河西一
鎮達賊盤據於西海番族住牧於南山回夷入貢
往來交馳套虜乘機出沒搶掠中通一徑勢甚孤
危疏入報聞三月虜入榆林塞破清平堡入米脂
縣入苦蕩計焚芻糧數萬長驅而出總兵周尚
文駐兵青秋原虜退以捷告虜又入宣府塞破北
路馬營諸堡得我神鎗銃炮千計芻粟牛羊萬計
掠一婦人往時虜多掠婦女近數年乃掠殺畜火
器遇婦女輒殺不掠四月風霾旨下兵部議防邊
方略言官交章劾兵部尚書張瓚貪鄙誤國不聽
七月虜入宣府塞大掠至蔚州盡破其關廂堡塞
殺人盈野總兵白爾遇虜於水泉兒大敗副總兵
雲冒遇虜於馬連堡又敗先是大同歸正人王九
子言虜酋哈刺噴斜俺答兒祿吉囊青台吉赤台

吉等十八檣旗馬負十日倉入塞比報至虜已
 遊順聖川抵蔚州凡留宣府境內者幾兩月撫臣
 守將竟論功陞職八月薊州撫臣言朵顏首革蘭
 台結北虜且并力侵邊令撫臣諭革蘭台虜入大
 同塞虜胡大同兵東援宣府遂乘虛寇大同西路
 殺掠人畜數十萬先是大同叛卒逐出城盡走虜
 中虜擇便捷輩多與牛羊帳幙令為僧道丐乞入
 調我邊西至甘涼東出山東或入京師凡地理險
 易兵馬強弱撫鎮將領勇怯利害盡走告虜首吉
 囊等十九年二酋分進入塞大同軍額與虜約
 無掛項八畜我亦不獲爾若虜喜嚙指折箭去至
 秋竟越大同抵雁門度宣武入嵐靜交城掠殺人
 畜萬計大同軍有得虜掠我輜畜名買路錢大同
 總撫史道總兵王陞幸無事若不聞聞亦不問大
 同軍亦驕悍不用命宣府總兵白爵調援亦不肯
 戰虜益無忌顧且欲攻雁門山西撫臣陳講告急
 大同撫臣史道竟匿不以聞講疏言八月六日達
 賊甯井坪至朔州城七日分三路由井子窰青屹
 塔侵至陽方邊接連狗兒澗水口等處殺官軍掠
 人畜又由水口佛老觀灰泉梁温等處深入省城

西南十日興嵐交城平虜與汾州文水清源十數
 州縣封壤連接一望平原民皆村居曾無堡寨比
 之邊城萬萬不侔且各賊未遭剽劫延住腹裏數
 日不出人心驚惶禍變莫測後報聲息尤為可駭
 我兵追逐不滿八千大同援兵雖至大約一千五
 百臣遣人督戰觀望不前其勢至此後將何支詢
 問虜中歸正人皆言賊多華人鄉導近年大同叛
 軍向順無門助賊為惡即為首領生長中原習知
 險易又覘我軍脆弱非其所敵故敢於橫肆漸窺
 塞內西地連畿輔密近京師又與河南諸省止
 廷臣集議更新紘轍兵部不以為意謾曰虜且退
 矣是月陝西總制尚書劉天和率精兵九千駐花
 馬池虜數萬入安邊定邊塞大掠固原撫按羽書
 沓至天和為虜隔逾月奏不至既而告捷言斬虜
 首五百卒張奴兒殺吉囊之子虜諸酋大哭遁去
 加天和太子太保叙一子錦衣正千戶陞賞三鎮
 文武吏士几千餘人張奴兒陞世指揮僉事內閣
 以謀謨帷幄夏言加少師程鑾少保本兵以曲盡
 方略坐收全功張瓚加少保叙一子錦衣副千戶

十二月虜大入大同塞二十年八月吉囊先入大同塞是月壬戌提督代州三關副總兵丁璋出師至寧武關東北十里石湖嶺遇虜力戰死虜遂入關以樊繼祖總督宣大偏保軍務與銀九十萬兩又起翟鵬總督京城南面山東河南軍務繼祖虜至不出縱其深入山西遊擊將軍周宇禦虜太原北侯城村力戰死虜遂至省城又越而南殺掠人畜萬萬吉囊縱出關未至塞上俺荅復入又越太原而南至石州殺掠益甚十一月令侍郎張漢賡西渡虜郡縣二十一年三月言官交章劾繼祖

郎兼金都御史提督宣大偏保山東河南軍務上出賞格擒斬俺荅賞銀千兩陞不次他首三百兩陞三級時俺荅青台吉吼囉哈刺漢及叛人高懷智李天章各擁萬衆越太原列營汾河東西散掠上黨平陽下邑時鵬未至我師連營莫相攝觀望不肯戰縱賊益深入殺掠人畜萬計賊大營駐平遙介休間散入險山中殺掠人畜諸將竟不肯乘險邀擊虜掠我牛羊衣襖男女迤邐就大營結陣且歸偏帥張世忠等自侯城村起營盟約諸將奮力戰諸將鬪者多不敵賊見世忠軍駐賊不念血盟耶世忠被射傷果墜下馬四面步賊亦窘會矢大藥盡世忠憤呼曰我軍被圍戰苦諸將竟不相援國憲天刑寧汝追耶復上馬往來督短兵血戰自己至酉賊見我兵死傷衆無援久戰力竭遂躡我營世忠頭中二矢墜馬死張宣張臣等痛世忠死猶率旗軍會五等力戰宣臣並死又分掠定襄孟五臺又自代州出繁峙靈丘廣昌掠殺人畜萬計從廣武站出關安行出大同左衛及陽和塞去虜自六月丁酉入塞至七月庚午凡

掠中衛三十八州縣殺虜二十餘萬人牛馬羊諸畜二百萬衣襪金錢稱是焚公私廬舍八萬區蹂田禾數十萬頃贈世忠右都督與銀十斤宣臣各四十兩仍祠祀時羽書急議築京師羅城與役有日九月給事中劉養直力言不可遂止二十二年八月虜入榆林塞又入甘肅塞二十三年春調各鎮兵至大同防秋是秋虜入大同塞總督尚書驥禦之虜退時虜首遣我叛人至京師入兵仗局習佛郎機銳獲誅之遂撤各鎮防秋兵十月虜破宣府塞入紫荆關虜及劉州巡撫朱方械下詔獻二十四年虜大入榆林塞總督尚書張珩延綏總撫張子立請戍二十五年虜深入陝西殺掠人畜總督侍郎曾銑遂上復河套議二十六年久陝西澄城山分崩而東西移四五里會河西總兵戚寧侯仇鸞為銑發其奸賊被逮鸞遂計銑行賂掩敗冒功妄議復套關中人情大搖亦逮銑詔獄出兵部尚書王以旂代銑而以劉儲秀代以旂儲秀謝恩疏中語忤上削籍去又以趙廷瑞代儲秀落少師夏言官以尚書致仕銑至坐交結近侍律二十七年春三月銑死於西市并逮言言時行至丹陽

乾逮論死械繫錦衣獄繼竟釋不問七月八月京師地五震九月虜大入塞直抵居庸關柄臣謂虜以河套故報復也十月言死於西市二十八年虜入宣府大同二十九年八月俺荅遂入漁陽塞犯京城焚劫至德勝西直門窺八陵諒教場上震怒殺兵部尚書丁汝夔都御史楊守謙自是調邊兵入衛京師無虛歲矣

皇明北虜考卷終

子履準校正

遜國遺聞

建文皇帝諱允熲字... 太祖高皇帝嫡長孫初太祖
 祖從滁陽王日侍左右王夫人善觀人謂太祖風格
 異常語王妻以養女馬氏周旋兵間生五子長諱標
 幼有異質聰明英爽如也稍長師事宋濂通經史
 大旨洪武戊申太祖即位于南郊既還宮受賀遂追
 尊四祖為皇帝冊立馬氏為皇后皇子標為皇太子
 大赦天下洪武十五年高后崩太祖倦勤命皇太子
 裁決庶政惟軍國重務以聞于是皇太子日御文筆
 殿百官啓事寬明有斷臣工盡服歲餘太祖復親政
 時有告密者以晉王桐逆謀聞太祖遣人察之藏兵
 五臺山反形已具太祖大怒欲發兵討皇太子曰桐
 反期尚遲告密者桐未必知今以兵往萬一拒命是
 父子為敵也莫若令臣巡邊因與俱來太祖大悅於
 是皇太子出巡歷燕代及晉居浹旬懼甚皇太子行
 晉王及河南界皇太子曰父皇欲見汝可偕行晉王
 舍皇受命遂從至京師太祖欲賜之死皇太子叩頭
 乞哀乃降為庶人居京師皇太子友愛彌篤日誨諭



之晉王大悟日夜號泣悔罪太祖憐之赦復爵王於是改行為善令譽日著比還國卒為賢王皇太子之教也貴妃薨太祖既裁定喪禮太子當服齊衰杖期太子曰在禮惟士為庶母服總大夫以上為庶母則無服又公子為其母練冠麻衣既葬除之蓋諸侯絕期無服諸侯之庶子雖為其母亦壓於嫡母不得伸其私故權為此制也然則諸侯之世子不為庶母服也明矣漢陛下貴為天子臣不肖嫡長幸備儲副為庶母服甚非所以敬宗廟明正體重繼世也上不喜曰汝從朕服太子不肯服上大怒顧取劔太子走上逐太子羣臣震警不知所為時有桂彥良當上前跪抱上泣曰陛下於太子愛之深故責之重伏地牽上衣不釋上為感動止立彥良又追及太子泣諫曰貴妃逮事至尊殿下當緣君父之情為之制服不可執小禮虧大孝因持衰衣太子太子不得已服拜謝上怒解擲劔于地曰老桂爾今日竟能和朕父子初皇太子生六子長曰雄英洪武十五年卒追封虞王謚曰懷次曰允炆洪武九年生於是命禮官定親王

致

相見儀凡親王係尊屬于文華殿朝見行四拜皇太子坐受禮畢入室乃叙家人禮制既定親王從之多不悅時太祖春秋高政務常付太孫裁決太孫頗尚寬仁兆民忻忻罔不受戴洪武三十一年閏五月十六日皇太孫允炆即皇帝位十八日詔以明年為建文元年大赦天下詔曰天佑下民作之君我皇祖皇帝受天之命統有萬邦宵衣旰食弘濟斯民凡事有益于天下者無所不用其心政教休明規模宏遠朕以耿躬纂承大統恭依遺詔於洪武三十一年閏五月十六日即皇帝位夙夜祗懼思所以克相上帝寵綏四方以無忝我皇祖之大命未維寬猛之宜誕布維新之政其以明年正月初一日為建文元年大赦天下於戲德惟善政政在養民當遵先聖之言期致雍熙之盛百辟卿士體朕至懷

遜國遺聞

建文元年六月念一日詔薦舉 詔內外五品以上
文官及州縣各舉所知先是內外缺官於進士舉人
監生人材秀才孝廉稅戶考滿吏知印承差內除用
至是定保舉法不問下僚鄉民及因累充軍者悉聽
保舉吏部聽用

遜國遺聞

刑部尚書彭韶著哀江南詞曰臨江號稱郡佳麗傳
自昔豈不產異人為茲壯顏色云胡百年間不見有
遺跡伊人聞我言掩袂長太息扣之至再三欲語還
踖踏為言有奸臣名字不記憶道是練狀頭內臺司
風紀適遭陽九厄 飛簡論魏曹戮力事討賊討賊
淚沾臆膠固不知幾祗顧順與逆奇禍嬰六戚茲事
有始末賊子請折一神考早謝世太孫推正嫡母妃
開平家元勳戴帝室姻婭盡雄豪強闖萬人敵隱然
九內重九鼎重嫌隙一以開讒言讒言肆罔極居然
尾不掉大都勢偶國時有黃奉常輕佻固無匹伴讀
東室 踪跡類世叔文華嘗造膝一旦剪侯王匆惶
何太急細人暗大體國彙此馬隙漁陽動地來六軍
盡股栗齊公奉為司馬折衝乃其職堂堂正正旗誓
書嚴紀律內相方孝孺夫子早學富經術倚馬草摺
檄文機方密勿又有黃門陳地自少稱英特王 給
緇黃異端恨至骨餘者亦黨人我今半遺失當其橫
行時俱立萬仞壁之死矢無他昂鑊其如密仰視三



坤

光明萬古常昭晰俯視五岳尊神維賴以立父母豈
不顧天常不可易妻子豈不愛吾分當自適寄語謝
諸親業寃皆宿積慎無我怨尤怨尤竟何益所貴賢
士模萬段奚足恤後來奸佞儒巧言自粉飾叩頭乞
餘生無乃非直筆簿書埋日期回首嘆昏色乍問毛
髮豎空拳幾欲擊孤燈秋夜長四壁虫聲寂耿耿不
成寐此意誰能識聖人順天命四海瞻曉日爾胡守
慙愚其心取族滅不觀解與胡乘時附龍翼恩寵日
日加聲名重簡冊

遜國遺聞

陳瑛為北平按察使坐交通王府謫廣西太宗即位
首召為都察院右副都御史建文諸臣最深上為
帝允杖輟朝五日瑛請減之上不從尋抗奏黃觀廖
昇王叔英周是修王良顏伯瑋皆悖逆宜追戮之上
曰朕初舉義師誅奸佞不過齊黃數輩耳後來二十
九人中如張純王純鄭賜黃福尹昌隆皆宥而用之
今汝所言數人况有不與二十九人之數者彼食其
祿自盡其心耳悉勿問後方孝孺諸獄宗戚受禍慘
毒皆瑛羅織瑛未幾以苛刻得罪誅

遜國遺聞

洪武中內官奉使出外約束甚嚴不得與士民交然亦恃寵放縱有司畏之嘗有魯內官過廣信之弋陽縱馬于田踐食其稼佃者不知也擊之傷足魯詢佃者知田主富人周也遂遣人告之周大懼償其馬傾貲賄馬魯歸猶以擊馬事聞高廟竟籍周誦戍銅鼓衛至是有以內官暴橫為言詔所在有司但遇內官奉使放縱虐民士者即擒縛送京以聞於是內官奪氣密謀推戴矣或曰靖難兵起三年屢戰多勝衝突千里罕能禦然所過城邑往往堅守不下間克之去即殺守帥復為朝廷及壬午所據者惟北平永平保定三郡而已至是內官密言於文廟直持京師約為內應天下可定文廟然之壬午春舉兵直趨京師不復為歸計意有所屬而朝廷不知之也兵既入城天下大定內官言功不已文廟患之未幾諸有謀者皆為邊藩鎮守假以大權賜公侯服儕于侯伯之上未幾末征胡出塞數十日不遇虜軍士困迫大臣諫者輒鎖之太監沐敬力爭文廟罵曰反蠻敢爾敬乃仰

首徐應曰不知誰是反蠻文廟大怒命曳出斬之敬語漸不遜文廟舍之乃曰吾家養人皆如此何憂不洽敬亦預謀者也

遜國遺聞

壬午六月癸丑朔靖難兵次浦子口諸軍迎戰敗之高煦至復戰諸軍不利帝遣都督陳瑄率水軍往援之瑄以舟師迎降乙卯靖難兵遂進次於江上都督歷城侯盛庸會軍於南岸禦之不克時北兵敗文廟欲奔還適高煦帥兵至文廟撫其背曰兒當再戰吾力疲矣世子多疾天下若定以爾為太子於是高煦殊死戰竟敗盛庸兵帝會群臣慟哭欲幸浙或勸之幸湖湘議不決遣魏國公徐輝得開國公常昇分道禦北兵諸宦官諠然謂不如遜位有竊寶勅出見文廟者李景隆已令金川門守卒解甲而宮中火起矣

王稔

王稔字叔豐祖禕死國父紳自有傳稔少有志向從學方孝孺甚為所器許妻以女未及也嘗周恤其族又嘗與孝孺表姪鄭珣至聚寶門外求其遺骸歸葬不可得幸逮繫文皇帝念祖禕死國之忠特從宥免且方嚮用也而稔力以疾辭讀書青岩之下將終身焉後輯方氏遺文為侯城集以傳世咸義之稔性至孝初紳痛念父沒每食必斥蕪味稔遵其教子孫相承閱數十年不變事母丁如事其父送終盡禮三年酒肉未嘗入于口學問該博士之從遊者日衆郡邑交重之所著有青岩藁聖朝文纂金華賢達傳續文章正宗卒年五十九門人私謚曰孝莊先生

儀制薦舉

國初科貢薦舉三途並用然進士釋褐僅得州縣冗職薦舉者或驟至公卿洪武元年八月遂遣儒臣詹同等十人分行海內訪求賢哲當是時孝陵急於得人往往失實故解縉因戊辰天變上封事極言其敝曰陛下進人不擇於賢否授職不量於重輕建不為君用之法所謂取之盡錙銖置朋奸倚法之條所謂用之如泥沙監生進士經明行修而多困於州縣屈于下僚孝廉人材寔蹈瞽趨而或布於朝省驟歷清華推埋器悍之夫閭茸下愚之輩朝指刀鐮暮擁冠裳左棄筐篋右縮組符別履之賤袞繡巍峩負販之傭與馬赫奕雖曰立賢無方亦盍忱詢有德是故賢者羞為之等列庸人悉習其風流以貪婪苟免為得計以廉潔受刑為飾詞故有無錢工役無盤纏之俚諺鬪勝官人沒商量之童謠出於吏部者無賢否之分入於刑部者無枉直之判然其時薦舉如宋仲敏陳靜誠朱備萬桂彥良胡以道亦多得人鄭沂以義門遂為禮部尚書權謹以孝子遂為文華殿大學

士矣建文初方希古建議開薦舉之途遂下詔求直言舉山林岩穴懷才抱德之士如高巍鄭恕樓璉鄭楷輩皆擢用宣德天順間亦尚有薦舉者至成化間雖白沙先生被薦至京亦令吏部考試授官於是薦舉之途益輕即有薦舉亦不過詩畫策措之流無復文行君子揚石齋在內閣惟薦吳人文徵明徵明亦以詩畫得薦官翰林待詔及永嘉柄用時申薦舉之例然有司未聞有薦一人者惟葉幼學温州人張桂議禮時為之尋檢史傳書寫疏草得薦為翰林待詔明倫大典中所謂儒士葉幼學者是也

儀制

今天子既定大禮銳意禮文之事希進者又日夜探內意犯衆議為之但取好官不顧笑罵於是立四郊親蠶靡費百萬計當道者又議孔廟之禮去王號稱先師配享從祀者皆稱先賢先儒盡去公侯伯爵毀去塑像題木主別祀啓聖公配享則顏無繇曾點孔鯉孟孫氏從祀以程珦朱松蔡元定又進后蒼王通胡瑗歐陽修從祀國子監毀像時衆皆相顧未敢毀祭酒許誥奮聲曰此土木偶人知為誰像耶呼市中乞兒曳之人與錢三文須臾乞兒群至像遂毀誥自謂勇於從正然識者笑其希進也編修徐階疏請從舊旨下詔責再三至親御詞章戒飭且云徐階是姚沐榜進士大學士費宏所取忠佞昭然階請建寧推官去望風獻諛者遂抗言衍聖公之封且應革去不且世襲當路者知海內人心不與事遂已夏言為禮部尚書建言新天子即位幸學世一見乃今釐正先師祀典宜再恭謁以示崇敬乃於嘉靖十二年三月十三日幸學行釋奠禮太宰進爵如泰陵故事

言疏中歷陳今天子聖明將順其美皇上懋勤聖學夙聞大道經筵日講未嘗暫輟又於文華殿東室欽奉三皇五帝三王并周公孔子神位春秋開講祀告月朔躬行瞻謁以盡企慕之誠近西苑無逸殿落成命大學士坐講邠風無逸等篇以端風化之本云幸學事竣言又請輯幸學文移為聖駕重幸太學錄頒布天下識者謂宜名為聖駕再謁先師不宜為再幸學也當是時孔子六十二代襲封衍聖公聞韶翰林世襲五經博士顏從祖孟公綦皆在聞韶上表稱謝再不及釐正祀典事但云臣等恭遇聖駕臨幸太學拜奠先師禮成謹率三氏子孫上表稱謝伏以飛龍在天治啓文明之泰神龜出洛運開皇極之貞當修文偃武之朝舉重道崇儒之典光增俎豆寵被雲來茲蓋伏遇 皇帝陛下 德貫三極道邁百王作之君師治教洽休明之曆典夫禮樂中和臻位育之功肆一紀化成之餘屬百祀秩稱之後謂先師繼群聖之統而太學乃賢士所關華蓋天臨釋奠委九重之重絲綸畫接授經勤萬乘之尊聳觀聽于橋門

威儀于堂陛馳使華於鄒魯山川蒙日月之光侍講
席於唐虞几杖附風雲之會媿象賢之靡肖叨扈聖
以知榮輪奐一新壯宮牆于數仞衮旒再幸耀史牒
於千秋彼漢帝之臨雍徒為誇詡顧魯侯之戾泮尚
有頌聲歷選前聞無如今日臣聞韶等忝屬聖賢之
苗裔粗聞詩禮之緒餘沐雨露以沾濡厠跡章縫之
末荷乾坤之履載棲遲畎畝之中欣逢有道之長快
覩無前之美竹深雀躍感切冰兢伏願六經如日方
中文運與世運而俱泰一人配天無極皇統與道統
而常新祭酒林之俊表中則云默契聖心大祛俗見
謂孔子稱王本非禮宜正先師之名謂元人塑像為
不經特遵皇祖之制別祠啓聖聿明父子之倫配食
先賢畫去公侯之號當是時郡邑聖賢像或毀或不
毀或壁裁之亦不能盡詰啓聖祠本起于追崇之禮
歐陽脩之得從祀則以主濮議故也塑像本起于開
元林謂之元人何也或曰國子監聖像塑自元人

儀制

端簡公

弘治甲子鄉試各省主試官皆得自聘如山東王陽
明浙江揚月湖薛蕙字介夫皆一時文行君子故所
舉得人其程式文字亦平正醇雅嘉靖戊子當揆者
欲一切攬權建議主試官從禮部具名會內閣上請
簡遣時士習尚羞權門有學行者不屑干謁禮部亦
采諸公議以故戊子科取人刊文亦頗可觀至辛卯
則風習靡然即有一二好修者亦不能無患失之意
相率奔走於風塵間矣以故是科所取皆奇僻之士
刊文一切務為險怪尖新語不復明經傳傳意流而
不止遂成邪橫關係蓋非小小也甲午科禮書夏言
上疏論列極言士風文體之變請止京差官自後刊
文有復如戊子者追奪考官禮幣然亦未審得其人
否也戊子科陸銓為儀制郎中時告職方郎中華鑰
曰辛卯科主試官吾與兄皆不知有此差遣乃今戊
子科干請者十數輩不惟擇地方又且自擇同事者
余不聽比具帖白之堂上堂上即如所請者輒改職
名付司中司中執論十面三四耳即止不聽比帖至

內閣內閣亦輒改不可復執矣銓鑰皆余同年友也

儀制

風水之說名人少信之惟朱子最信風水昔宋仁宗
葬真宗擇地不精果無子哲宗高宗亦然寧宗葬孝
宗土肉淺薄之地寧宗理宗相繼絕嗣宋人專主國
音但取坐丙向壬之穴已失古禮負陰抱陽之意矣
然擇穴亦不必專求山但取其吉則止我仁祖皇
陵亦在平地不必拘於一處漢諸陵各為一縣豈必
古人族葬之禮耶今孝陵在南都長陵獻陵景陵裕
陵茂陵恭陵康陵皆在天壽山則穿鑿既多靈氣必
洩雖有吉地亦無全力况祖陵之側數興土工能無
驚動乎朱子云葬之為言藏也以子孫而藏其祖考
之遺體則必致謹重誠敬之心以為安固久遠之計
使其形體全而神靈得安則其子孫盛而祭祀不絕
此自然之理也又曰凡擇地者又先論其主勢力之
強弱風氣之聚散水土之淺深穴道之偏正力量之
全否然後較其地之美惡也我孝宗葬地不善主事
揚子器言其下有水泉下之獄已而武宗果無子當
是時皆言孝宗嚴御內宦將奪其權以故宦者葬之

水中悼靈皇后墓時胡端敏亦請少緩日月務擇善地不宜于祖宗陵寢之旁營發太多洩祖陵之佳氣犯祖陵之方道時不能用已而中宮繼廢聖躬頻歲不安已丑以來四方歲歲有軍旅饑饉之憂矣

儀制

風水之說見諸經傳觀之詩言太王公劉衛文公皆升望降觀以測天景以審地力以察物產周公營成周亦擇地而塗鄙河洛固形勝地也商人五遷皆在河濱無山陵之倚故父子相世者少而兄弟相及多也至于墓地尤宜慎擇論者謂墓不擇地居必度室非也土宜土圭之法雖為都邑宮室要之人生天地間居室幾何藏土歲月何可計也朱晦庵深信蔡元定之說山陵之議以忠賈禍豈不悲哉予嘗謂今海內東南多水西北多山多水則空多山則實故自古及今在帝位者多非長子六經之前固不足深信粵自帝堯以次子起唐侯為帝元子朱不肖讓之舜舜子又不肖讓之禹禹纒傳之太康又失國傳之弟仲康成康元子早世後世子孫徃徃兄弟相及至周王季以季子為侯武王以仲子有天下秦亦少子漢惠絕世文帝亦少子也光武中興亦仲子唐太宗宋太宗皆仲子我朝高皇取天下元嗣懿文太子堯元孫建文帝失國文皇帝第四子也近世百年間中

宮無子嗣天子者皆妃嬪子也今 天子又自藩王
入繼大統豈非天地間大風水致然哉

附言 儀制風水記後

鄭心材

予於風水之說茫無所見時為安親體魂切切痛心
咨訪所見時師持說紛紛終鮮定據蓋自丙子至今
二十有三年矣偶得此本名曰天星甲子所論五行
凡五種各屬一用頗近于世用雖未必果于事理的
中庶有事于此勿為時師淆亂可以少塞其欺天罔
人之說因錄于左

陽宅類

正五行論龍變運用

亥壬子癸水源真巳丙丁離火焰侵寅甲卯乙巽是
木申庚辛酉及乾金辰戌丑未坤和艮六箇山頭屬
土星水山忌土大山忌水木山忌金山忌火土山
忌木

洪範五行 又名老五行 又名宗廟五行

論坐山用今人多用此

甲寅辰巽大溪水戌坎辛申水一同艮震巳山原屬
木離壬丙乙火為宗兌丁乾亥金生巽丑癸坤庚未
土中此是山家墓運訣時師各自要精通

八卦五行論向局用

兌丁巳丑乾甲金巽辛震庚木宮尋亥卯未向俱屬
木艮丙坤乙土為岑坎癸申辰洪水發離壬寅戌火
燒林

雙山五行論三合入首龍變運用

壬子乙辰坤申水癸丑巽巳庚酉金艮寅丙午并辛
戌焔焔火局乃來臨甲卯丁未乾亥位林林木體識
其音

玄空五行論向水音變運用

丙丁乙酉原屬火乾坤卯午金為真亥癸甲艮木星

是戌庚壬未土同輪子寅辰巽申兼巳申與壬方是
水神

儀制

今天子續封功臣之後海內大悅我朝開國功臣封
公侯者殆二百人元勳李善長封韓公及身而誅永
昌侯藍玉而下不論也六王元祀中中山王長子輝
祖襲魏公以忠於建文長陵幽之死獄中國幾絕後
念中山功復封輝祖之子開平王子昇茂皆得罪除
國岐陽王景隆襲曹公事建文賣國長陵惡之幽死
國除寧河東既二王之後不知其何以國絕大抵高
帝於功臣類漢高祖又靖難後江陰長興安陸諸侯
皆以忠於建文誅絕故後世少有存者惟魏公黔公
武定侯三家而已今之公侯率以平蠻擒賊討倭或
外戚恩澤或定策迎駕功封耳今天子祭太廟顧六
王問侍臣今其後孰是對者曰魏國公中山王後也
餘皆無聞天子悼念於是續封常玄振懷遠侯李性
臨淮侯鄧繼定遠侯湯紹恩靈璧侯又念誠意伯謀
畫功最多續封其孫瑜誠意伯先是孝宗在位訪配
享元功之後常復李璿鄧炳湯紹宗皆官南京錦衣
指揮使正德中又官劉瑜處州衛指揮使至是續封

云六王者中山功最大其功最著者定江淮平中原
逐胡元出塞外也開平取建康戰鄱陽擒偽吳撫定
關隴功最大岐陽勦苗蠻取閩既鎮撫北邊功最大
寧河守山越招河番守護郊圻功最大東既取浙東
定并汾討山獠防海寇功最大黔寧定番部降湖湘
雲貴鎮撫百粵功最大劉青田運籌帷幄功如子房
正德中亦謚文成也昔漢功臣封者大者誅及其身
如韓彭是也小者再世或三四世至以酎金細故亦
除國惟蕭相國屢績封文帝績封則景帝績封嘉武
帝又績封慶宣帝又績封建世成帝又績封喜至莽
賊乃絕哀帝亦績封曹相國孫本始至莽時侯宏降
光武不失侯陳平自以多陰謀廢不復起果然唐武
德功臣十六人貞觀功臣五十三人至德功臣二百
六十五人德宗官其子孫正負後又分列二等授其
子孫以官蓋一百八十七人然房喬罷配享魏鄭公
仆碑亦為薄矣杜克明子孫代有顯者皆其自振非
以祖故推恩也蕃亦以進士發身自致通顯又能不
忝厥祖矣宋元豐中詔取景靈宮繪象名臣推恩本

支紹聖中又考慶曆以後諸名臣錄用其子孫又官
趙普之孫崇寧又錄藝祖功臣之後此皆前朝美政
云

儀制

仁宗嘗賜師傳大臣楊文貞諸公銀圖書其文絕愆
 糾繆又各分賜文貞薛士奇江西太和則貞一蹇公
 我則忠貞各以其才德為文宣宗亦嘗賜胡忠安公
 則文恭世家又清和恭靜寒忠厚寬弘文敏是文宣宗
 則方直剛正云今上亦賜張桂方張瑰桂等揚遂庵
 啓用圖書封識於是諸公各有許訕相傾之事至采
 外間鄙棄幽細皆聞之嚴遠之地矣惟翟無他才亦
 不敢輒用此圖書也楊文貞公諸圖書去官或終於
 位皆未嘗繳進挂去始繳還圖書自後張三逐三繳
 圖書至方乞老歸特疏乞存留原賜圖書且云臣歸
 之日萬一未填溝壑有所聞見願効一得之愚如其
 沒齒亦得遺子孫百世寶藏也朝廷從其請方霍在
 南海害徧鄉閭劫持官府藩臬大臣如龔大稔輩稍
 執法遂下詔獄郡縣官吏順指氣使而已方之乞留
 圖書奏事寔欲以是恐喝吏民也

儀制

哀冲太子將生朝廷令內閣吏部訪擇京朝官學行
 有時望者十人入翰林以備他日官僚之選甚盛意
 也時吏書汪鉉文選呂希周薦唐順之陳東揚淪廬
 淮陳節之胡經周文燭任瀚某某朝廷用順之等為
 編修且令再選則以孫繼魯屠應峻王汝孝華察李
 學詩焦惟章沈伯威應命用屠王章李四人為修撰
 翰林官舊有此例自成化弘治來遂專用庶吉士他
 官不得改在翰林者未必盡得其尺誠一弊政也國
 初宋景濂王子充宋仲敏朱備萬之後梁用之以陽
 春令為修撰金文簡王希範以給事中黃文簡以中
 書舍人胡若思以桐城令為檢討楊文貞以審理副
 為編修劉忠愍以主事為侍講李文達以郎中為
 又吳康齋以為為諭德陳白沙以為為檢討也人
 臣事君各量其分力周文襄公自請讀書翰林劉忠
 宣張簡肅則自內翰乞補部屬劉職方張車駕主事
 三公皆為名臣云胡種以大臣子 謝思為檢討

儀制

茂陵得子甚遲後乃有九子孝貞純后無子孝穆紀太后生孝宗惠安邵太后生興獻帝岐王雍王揚恭妃生漣王潘端妃生榮王張德妃生益王衡王汝王今天子春秋鼎盛未可量也或曰茂陵寬仁在位餘二十年未嘗妄殺一人昔漢元帝三子迭為帝章帝諸子後皆為帝元章皆寬厚長者故也蔚悼王者孝宗子也早夭墓在西山中

儀制

傳陞乞陞祖宗時亦間有之至正德冒濫極矣安化之變宦豎廝養封伯者七人都督而下不計也工匠藝術官錦衣支俸鈔者近萬人今上即位詔革海內稱快至嘉靖四五年間詔革有力者漸得奏復亦遂有傳陞乞陞者矣張桂方霍初陞翰林皆傳陞也丙戌春御用太監張忠請成造龍床頂架室厨金丹金寶珠翠龍鳳冠及畫軸書篆春牌等官匠趙奎等五十四員陞職二十四員冠帶兵部災科執奏不能回自後時時有之漸增而多至甲午四月工部尚書秦全疏言會同內外提督太監高忠等將各營建工役官吏匠役郭孟陽等壹伯伍拾人為一等間均羨等叁伯壹拾伍人為一等呂文學等貳伯伍拾肆人為一等通乞陞賞不惟不能執奏乃遂交通至此可嘆也胡端敏嘗奏言今太倉積銀不及江南一富家天下倉廩皆缺貧軍數歲乏糧大同甘肅軍變皆由於此凡受國恩者所宜人人體悉事事撙節捨石積累以裕國儲而贍軍餉惜民窮而備急用也秦昔為戶

書能為國惜財乃今後起工部何以有此奏也

儀制

嘉靖戊子京城民謠有十可笑議宰執及時政且干
宮闈大抵皆惡宰執權橫之故東廠錦衣受旨緝訪
邏者千百分群四出乃得席瑤等十餘人皆傳誦者
非寔出其編造也宰執發怒欲以妖言律當之時胡
端敏公在刑部但云瑤輩因聞編捏笑言乃敢互相
傳誦罪止杖徒云

儀制

今皇帝即位憫念民瘼令兩京堂上官舉堪任知府者時尚各舉其人應詔厥後霍詹事韜乞令兩京大臣到任半年之後各舉二人自代殿學楊一清言天變民窮乞令大臣舉折衝濟難堪任軍旅者申教再三竟無舉一人應詔者昔宣德中令大臣薦任方面官者吏部啓用其有三年報政無薦者會官議其賢否而黜陟之正統初庸才不便浮言沮撓西揚極論云此浮薄不肖之徒畏不得薦造為謗誹以沮壞先朝良法冀得循資遷轉於是得復如令景泰天順間或各薦或會舉時李文達公又深惡薦舉開奔競之門亦不能止大抵吏部之權稍輕矣成化丙戌有舉不當上意者乃命歸之吏部未及三年言者謂非作人之法又復如宣德正統之制弘治中間或行之至正德不復有是舉矣乃今奔競日盛無復庶耻雖主事評事改御史必百端鑽刺翰林之選往往行金錢矣董中峰在吏部時告余曰子何辭科道之太迫也人之求吏部為是官者不憚拜跪人且求之而子固

辭何也余應曰病體不堪清要耳是時改科者二人馮時雍陳箎皆不允改道者十四人惟兵曹三人余及余鈺黃禎辭以疾也大抵今之庶官亦好進今之大臣亦必求識面呈身者而後薦之於是薦舉路塞吏部之權益重霍南海奏謂百官入朝衣錦繡見吏部則素絹袍俛眉俯體不敢失尺寸是敬朝廷不如敬吏部也信然

儀制

景泰能用人戰守保全社稷功最大然其薄德處亦多裕陵歸幽之南內再不令百官一朝見至今思之令人痛心又遷錢皇后別居仁壽宮云俟大兄鑾輿之復又廢太子立己子見濟為太子既立汪妃為后已而廢之立杭妃為后未幾見濟亦卒裕陵復辟遷景泰西內益友愛之景泰崩或欲令汪妃殉葬裕陵不忍曰汪妃朕弟婦年且少不宜存內移之舊府衣食用度更加厚原侍宮人悉隨之復遣老成中官教人以備使令於是妃及其二子皆得所云至憲宗不復念其斥廢復其尊號加之美謚此本朝盛德前代所未嘗有也今天子事昭聖張后孝謹事莊肅夏皇后亦然蓋家法有自益見仁厚孝睦真足為社稷靈長根本之地也

儀制

嘉靖六年十一月十八日聖諭內閣楊一清謝遷張璁翟鑾朕因十三日聽講官顧鼎臣解說心箴連日味思其意甚為正心之助昨自寫一圖并假為註釋與卿等看璁遂奏云臣昔讀書山舍嘗揭范浚心箴及程頤四箴以自勵臣於御註心箴敬摹宸翰付工刻石傳之天下萬世謹復錄程頤四箴乞留神省覽聖諭卿何便付工刻石豈不取人笑乎待粗有領會之時再註四箴也璁又疏請四箴註早成并刻是月二十六日四箴註成聖諭惟及璁更不及三老云卿前日所錄來程氏四箴昨勉強解註朕復思之程氏見道分明敬慎如此但於濮議之中未免力爭邪說誣君奪子故朕又述數語於末其詞曰斯四箴作於程頤以斯四箴而致其君者乃吾輔臣張璁也頤之作箴其見道之明如此而動與禮合宜朕未之言君子必知之矣夫今璁以此言而告朕與夫昔譏禮之持正可謂允蹈之哉朕周聞於學特因是而註釋其義于以嘉璁之忠愛于以示君子之人嗚呼箴之功

宜不在程氏而在於璉也哉璉於是請以御註五箴刻石翰林後堂又請通行兩京國子監南北直隸十三省提學官摹刻於府州縣學又請并刊皇上所著敬一箴并聖諭先後六通敬一箴居中五註六諭分列左右海內費萬萬計矣即有奉行少緩者輒為人所中傷奪階罷官數十人矣時七年二月也三月四日璉又自陳未仕時讀書姚溪書院亦乞立敬一亭如府州縣學并乞書院額名天子喜甚書院名貞義堂抱忠令有司起敬一亭刻五箴註并為修建書院

璉再辭再不允時禮部但行浙江如旨奉行工部尚書童瑞題詞則極其獻諛云璉葺修於姚溪書院涇養益深積學有待繼登高第欣遇明時定大禮以破群疑決大獄以折諸枉傾心報主允符貞義之箴正色立朝足副抱忠之旨上有是君揭敬一之箴置諸座右下有是臣引四箴之訓陳於王前真千載奇逢誠一時嘉會也急令浙省修建書院務令廣大弘敞遣官程工但取容悅不顧經費於是司府縣共出白金六萬兩即浙大青白金參千兩鄰省文吏及武弁

凡幸進者皆獻建書院錢又不下數十萬金矣書院未成先賜內府五經四書各一部凡百五十九卷璉上表謝有云每愧魯兩生之召敢忝舜五臣之稱蓋張桂自謂兩生五人則張桂及席書方獻夫霍韜也黃宗明黃綰者璉輩時時謂之平原十九客蓋以其碌碌因人成事云

儀制

言官下獄我朝時時有之天順初御史楊瑄等劾石曹都御史御史皆下獄弘治初給事龐泮御史劉紳等論不當差錦衣官校逮武岡知州劉遜亦下之獄科道一空至正德間言官有杖而死者矣嘉靖十一年御史馮恩論劾汪鋹切直錄言有死罪數端朝廷遂以極刑加之朝審時大寮有欲開釋者鋹作色不肯中止今尚在獄中未決也洪武初年朝臣有上疏萬餘言者太祖厭其迂衍怒欲罪之羣臣有阿意者指其疏曰此不敬此詆謗罪當誅上怒未解宋濂對曰彼應詔上疏其心為朝廷爾烏可深罪乎上乃覽疏中有足采者召阿意者罵曰吾怒時若等不能諫乃激吾誅之何異以膏沃火向非宋濂之言幾不誤罪言者邪洪熙初大理少卿戈謙數言事有言其責直沽名者揚士奇對曰主聖則臣直惟陛下容之不然進言者將懼矣仁宗雖不罪謙然免其朝參令專坐署治事自是一月餘言事者少仁宗諭士奇曰自免戈謙朝言者不至豈果無事可言遂令士奇就榻

前書勅引過命戈謙如舊朝參令百官言事毋以謙為戒此祖宗盛德事也

儀制

嘉靖中改歲貢之制必考選應貢貢至京師者皆求應鄉舉於京圻諸生惡之有言於朝者蓋歲貢生多南方才子北人所憚也時禮書夏言建議兩京人才本不及江浙先朝以為京都四方所集有國子監有各部歷事監生吏員知印承差算手有太醫院醫士鴻臚生故舉額一百三十五人今宜定制京圻諸生得額百名外省諸人得額三十五名於是群議遂息

儀制

大禮既成之後小人倡為遷陵之說章聖太后亦慮萬歲後南荃安陸亦主遷議是時張桂亦將依違其間以說太后賴天子明聖外廷執議竟中止然自嘉靖乙酉以來各邊軍情大變大同軍變邀請朱振為帥遼東軍變邀請卻永為帥蓋自井肅殺都御史許銘時論殺總兵李隆自後不惟不罪主帥且不罪統領矣天子因見京師四面軍情多變密雲上谷雲中時有虜內侵故有遷都之議內主遷安陸外三四小入主遷南京然亦未嘗願言時時召柄用大臣議之外廷亦皆聞其說然以其事尚秘無敢論列者嘉靖甲午科鄉試發策如應天等處皆有諷止遷都之說禮部題南京太廟亦并請不復修理南京宮闕亦示專一京師之意矣

儀制

嘉靖乙未進士禮部題請每科選庶吉士皆限年限地又出大臣意今請天子御文華殿自第二甲一名以下俱引赴文華殿試天子自臨試一如廷試儀天子允其議試諸進士以當今時務何為大策并讀五倫書有述詩大臣讀卷取正副天子臨決定取三十人

運法

我朝黃河之役比之漢唐以後不同逆河之性挽之東南行以濟漕運故河患時時有之自海運既罷中漕運又罷專由邗溝入淮沂河以達會通河故河水不得如禹貢故道入北海而河之東南行者又分數道蓋自經汴以來支流益演南出二道皆徑入淮東南出一道東出五道皆入漕河并入於淮乘淮入海今教道皆塞止存沛縣二道河流大而所受狹不能容勢必橫溢而決決而東南有山限閩為禍不大決而東北非東昌則河間等處故往歲張秋潰決運道不通宋時澶州一決淮壞州縣數十為禍不小况今之防河自底柱而下行於平地既防決大名又防決臨清又防決濟寧又防決徐州又防決穎壽以犯鳳陽又欲遏其流不南出不北走循我運道而接江淮之舟此其計誠難也今河南修河之役盡民力竭民財矣隄密于田畔地破於潰瓜及今不處禍未已也為今之計盛都御史新河之役不可全謂其無功也顧其喜功無漸程後太嚴又忤安仁遂爾中止今猶

可復也或於汴西濬孫家渡一道汴東南原出懷遠宿遷二道正東出徐州小浮橋溜溝二道擇濬一道以少殺其勢少分其流可也或修武城以南廢隄以防豐沛漫流或修築沛北廟道口隄以防新次河口可也或講求海運之法即不能如國初委泐開洋歷大洋之險宜考禹貢碣石入河沿江入海海運之說及秦時起瑯琊負海之郡之說唐人雲帆遼海掃稻東吳之說或於淮口入海遠出登萊大洋經海倉昌邑海豐以至天津可也或云登萊外洋有白蓬頭水有官綠大洋黑水大洋又有礁石之險則由淮之清口入海遠出東取山風帆一日夜可達青州安東衛篙師挖工皆安東人商賈時時往來由安東衛風帆三日可達膠州其間惟石臼島唐島二山頗大而險今私舶往來逃出山後未嘗有覆沒者既至膠州入新河可二百四十里至海倉復入海新河者即膠水也東為膠東西即膠西也相傳勝國時亦嘗濬此以避東海數千里之險者蓋膠之東南出即墨鰲山成山折而西出登州北海始達海倉不若由膠河之為

便易也又自海倉一夜便可到天津蓋相去三百里今天津海倉間人販易載小艇乘月夜往來也所謂新河者原出高密界中大水泊南北分流南新河流入南海北新河流入北海雖出高密亦由諸野川澗合流始大夏秋為甚南至膠州東界北即海倉巡司海倉有大舟載米麥可三五百石意即古者運青萊之粟由海入薊之處也自海倉至天津海濱更無山陵之險如昌邑濰縣壽光樂安博興濱州利津海豐蒲臺陽信鹽山慶雲滄州迤東皆平行斥鹵之地可見矣河北有警臨清濟寧可憂也淮西北有警清口豐沛可憂也江北有警邳溝上下可憂也故海運之說亦不可不預為之計正統也先之難喜寧導之據臨清正德劉齊之亂運船煨燼者五六千艘此往事明徵今直恬然謂無事耳憂國者宜有先事之防矣

兵畧

乙酉大同軍變時余意朱振為首惡疏中云唐縱朱克融於盧龍竟復失河北今都督魯綱對人言首惡不是郭鑑等即中趙錦對人言首惡那在丑堡行伍中是誠有如朱克融者在其中矣當是時傳聞朱振之得帥行金錢數萬於當路諸人皆出叛軍搜掠公私之物也以故當時遂從叛軍之請赦振萬千乾沒出之圍遂為主帥守大同挂勇忠勇竟為彼所逐乃知初殺張都堂賈叅將皆振之謀非郭鑑之謀也

癸巳之變朱振偽死軍中以為信聞之朝廷越三四日北虜驟至夾攻我軍竟大敗邸報云我軍圍城困賊又云立有木柵水關乃又云大同賊一半戴狐狸帽套掩耳紫花號色與達賊混同衝戰是此賊尚能出入自由非我所能困也又云我軍連衝數陣收軍回營不復明言此一半賊曾否同達賊出境或尚在近郊或仍復入城也比至十一月十日獻出首惡皆腐潰死人決非造謀有力者十一日又復與達虜交通來戰此賊既敗入城復以火器從城上殺傷我軍

數多則其計出狡黠朱振未必死也是時京營頭撥精銳官軍發出一萬二千員名後又載請師根本之地不可不慮未幾寇入密雲殺掠近萬人去京師不遠二百里耳大同賊見我軍數敗益堅意城守不許城中良善聽招不許卻總兵立受降旗又令奸細入京探事或遂欲賊殺主議大臣益無忌矣兵部乃議用江桓為總兵與劉源清卻未共事桓初與張都堂共守大同張被害而桓恬不能救又無一卒諱於其前論其情罪宜如李隆既從未滅已為寬縱今復用之又焉保桓之不為振也幸聖明不允豈非宗社之福於是益見當事者之誤矣大同城中積粟苦不多又乏薪炭苟能併力合圍外拒達虜內防逸賊不過春月虜子馬不便不能不歸城中困乏當自潰但恐事平之後大同巨鎮遂為空城宣府倚大同為藩其迤東無強鎮大寧舊地皆俾葆塞夷人今亦北通大種時時擾漁陽盧龍延綏之東與大同僅隔一河無大同之援延綏遂孤延綏又無山川之險西接寧夏寧夏又在河外大同之事誠有未易處者近日喜事

大臣婺源嘗抗疏自請行邊貴溪建南北郊之議求嘉力務更化霍見事風生發議論獨此事再無一言及之何也

兵畧

大同之議求嘉主剽貴溪主撫黃石龍同貴溪於是與求嘉相忤師久無功天子亦厭苦卻求劉源清矣廷議用馬吳陳九疇牛鸞代源清天子特勅內閣云昨卿等所擬馬吳陳九疇決不可用牛鸞或可但朕在病中未嘗不以大同事為懷夫大同叛軍先因殺李瑾此謀殺主將之罪殺不可赦原非舉城所為亦未敢逆朝廷本是卻求不謀信從劉源清貪功嗜殺之計輒便有洗城之說傳嚇城中致使逆軍劫囚勾虜抗拒朝廷既說專剽逆徒脅從不問却又專攻城之計又引水灌城看來玉石亦不可得而分也朕惟宣大為京師北門要地皆不可壞人而無臂可以衛頭目乎况此地此門皆我祖宗所遺今源清必欲城破人誅果忠乎否乎前日將二人調置別命將以專討渠魁豈有今日之患今又不可輕聽伊說卿等亦不可不慮將來事縱源清幸成功不知此地何以與復今抵可罪去二臣掣還諸路人馬另遣文武大臣果能識事者使專意備虜密令多方計擒逆賊之魁

者庶免老師傷財源清既能了事如何又添官豈非
官多事擾手時甲午二月六日也勅中所謂宣大京
師北門要地皆不可壞信然至三月二十二日遂勅
石龍賑撫大同查勘功罪且聽便宜行事然勅中但
云調濟宗室撫卹軍民舉察欺隱辨明冤枉糾舉怠
誤使地方安妥人心協服更不及查訪真正首惡矣

兵畧

與地險易遠近豐耗亢隲之說學者不可不知况有
用世之志者尤宜用心於此也其說槩見於六經自
後蘇秦說諸侯蕭文終相漢趙營平討先零馬伏波
度隴西李吉甫計河北方鎮德裕籌南詔皆按地圖
議方畧今天子勵精求治吏部尚書桂萼進皇明與
地圖圖有叙有紀叙則述其地形利害紀則述其官
署藩封戶口兵食牧圍之數而各以南北直隸十三
省圖冠之又總為一統之圖於首末又為四夷方位
之圖亦有叙論此皆出既寧李默所撰次默初為兵
部主事員外郎與余交善其書初成時時出示余商
確其中處置亦有識見而文章高古可愛也默今時
名士欲就功名乃托迹于挂挂殊愛重之挂去乃稍
稍不得志以默之文章才識少需時用即不用亦已
亦足以成名於後世也其進書之疏有曰我太祖高
皇帝奮起民間人之情偽寔備嘗之地之險易寔備
歷之太宗文皇帝亦與有艱關之勞故當時延訪儒
臣皆出其胸中之實見所以斟酌損益百代之制百

六十年未易改也自時厥後列聖相承雖莫不具上
聖之資而視祖宗之實嘗周遊民間者有間矣是以
延訪之典或作或輟孝宗皇帝常銳意行之終以不
能徧知人情土俗而止正德以來積十有六年上下
之情於是大隔而欺蔽遂有不可止者則所當修復
祖宗之舊使上下各得自盡正在今日臣待罪輔臣
媿無裨補乃者備員吏部凡遇考績朝覲官員密加
訪問於地方民情土俗亦各得其一二除摘其論列
之近似者裝成三冊上請施行外敢復即天下土地
分十有七圖各具叙紀又裝成一冊上獻此疏亦李
筆也史書中論地理者惟太史公貨殖傳班孟堅地
理志為餘美皆無足觀也漢成帝時劉向畧言地分
張丞相禹使其屬潁川朱贛條其風俗亦未宣究唐
宣宗命翰林學士常渙纂州縣境土風物及諸利害
為一書號曰處分語他日鄧州刺史薛弘宗入謝出
謂渙曰上處分本州事驚人渙詢之皆處分語中事
也今其三書皆不傳云李字時言辛巳進士庶吉士
以是書故得吏部郎中復與兵書王憲論武舉坐位

誦寧國通判然衆論皆謂李所爭為是也

兵畧

大同兵變未能戢嘉靖乙未三月中遼東軍又叛呼
 噪欲殺巡撫都御史呂經經藏水溝中得免奏至兵
 部但題取回呂經別用更不及叛軍何以處置已為
 御史王廷言呂經平日行事乖方臨變又倉皇棄印
 勅保袒求免因為有罪其遼東叛亂既經巡按御史
 曾銑奏其據城犯義又云首從莫辨是其跋扈無狀
 安得無罪今止奪巡撫之官而不究軍士之罪何以
 靖遠俄而遼東鎮守王又奏呂經克虐乞下
 詔獄曾銑又復奏經紛更土木擾害吏部因而覆題
 呂經革職閒住已而王太監又奏軍情變動乞差舊
 任總兵卻永巡撫周叙復任撫安於是時韓邦奇已
 有遼東巡撫之命內批呂經革職還差官校拿解來
 京問理韓邦奇不必去吏部另推可以撫靖地方的
 兩員來看軍士但令巡按御史提問而已

兵畧

北邊軍士公然驕悍不可制嘉靖乙未遼東軍變尚
 未有處巡居庸關御史曹達又奏言巡歷至關上下
 操官軍呼噪竟不肯下營排陣奏至識者無不寒心
 昔云兵部知道而已時京東遼東京西大同京北居
 庸京南保定相繼有此變奸人因而倡遷都之說矣

兵畧

初大同軍變費公在內閣力主招撫至今貽害國家大同繼變夏禮部又力主招撫今遼東軍變費公適再起必主招撫之議矣蓋嘉靖初可勦不可招今則可招未可勦也須有委曲調停于其間俟吾紀綱脩明兵力有餘上下同心偶有小變便大勦絕以風警其餘則可今輒議勦遼東則西邊不肯聽調議勦大同則東邊亦然未可輕議也其失在於大同初變之時至今思之令人撫膺太息

馬政

我朝馬政最為有法以後漸改漸不如初洪武初草創之制未為盡善至永樂馬政詳矣宣德正統漸不如初至已巳之變大為墜正馬政亦復舊稍稍增益至成化弘治又漸弛廢已未有邊警又集議馬政然議論多而實事寡矣蓋各邊戰馬自遼東陝西皆有苑馬寺行太僕寺專給各邊戰馬又有馬價銀宣府有餘糧陝西有屯糧又各有草場椿頭朋合銀兩後乃將領侵漁制使貪黷利歸於私橐而馬日耗矣故成化以前各邊請馬請馬價者亦少與之亦有節至弘治初則請乞無限矣止以陝西一鎮例之成化末年取銀不過三千八百兩有奇弘治數年間則一十六萬兩矣其費馬價至此以大同一鎮例之成化末年取馬不及千匹弘治中三五年間取馬近萬匹矣其費馬如此今京師戰馬日耗余閱御覽馬數國初三十六萬今不及五萬圻甸寄養馬匹專供京營亦為各邊奏乞日就衰耗矣京師有馬官軍或盜馬而逃或私賣戰馬或尅減芻豆致死官府惟務文移往

來不著實責成掌理之人乃禁京師賣酒醋者謂酒醋能病馬誠可笑也今天子累勅馬政而不能奉行京城尚然邊方可知矣甲午一年間各邊請馬價銀近三十萬兩不知何以繼之掌銀者利馬價之太輕市馬者利馬價之乾沒故戰馬一匹給價銀十兩就使不入侵漁之手馬得良健哉近日王犬用巡撫邊方以開馬市獲罪去官於是邊臣益諱言馬政矣

女后

戊子上章聖太后徽號禮部儀注莊肅皇后與中宮同班朝賀邸報傳之四海莫不驚異莊肅母儀天下十六年章聖尚為藩妃君臣之分天地森然豈有北面朝賀章聖之理聞之朝議亦紛紛然竟未聞一人敢言者時方獻夫在禮部方於五人中頗為平正乃亦有此時胡端敏公為刑部尚書亦不聞其論奏也不知此事竟何以處之當時有能密白當道從中批出免賀可也不若遂詰責禮官乖謬尤為光明庶官聞無嫌之為愈也

女后

大禮之議廷臣凡七爭初爭考再爭帝三爭皇四爭廟五爭廟街六爭太后謁廟七爭樂舞皆不能回聖意凡爭者七百八十三人今觀諸疏中惟石殿學瑤崔祭酒銑詞切懇感愴人石曰孝宗昭聖皆陛下至親骨肉非他人也今輒行離間臣實傷之且幽明一理事亡如存即今孟冬時享陛下登對如親見之寧不心動于中乎又曰我祖宗家法凡后妃入宮之後未有無故復出者太廟尊嚴乃天子對越之所非時享祫祭雖天子亦未有輕易出入者而况於后妃乎其曰后妃廟見即今之奉先殿也祖宗參酌列聖相承已為定制今豈可遽為變更哉抑臣聞之軋剛坤柔陰陽定分各止其所不相侵越漢唐之季間不師古陰盛抗陽女禍時作其患有不可勝言者陛下為天地百神之主豈宜輕變祖宗之法致使太后無故輒由正門出入輒入太廟街門往來坤行軋事陰冒陽位其幾既見不容但已異日縱無後患可不加之慮哉銑曰陛下求備禮于本生至孝也然當詳稽禮

意大順通情夫人之願有子孫者氣相傳焉故絕世者人之大痛也先王本其氣之所由來取同宗者為後若夫帝統必以長祖訓繼絕必以弟必以長一統序也必以弟坊立後也陛下為弟而長以倫序則考孝宗是故必降其所生斯謂之後若與所後等猶弗後也當承祧聖鬯之重則父子蓋輕也斯禮之至精百王之所同也陛下無輕正統無拂羣情無恃威可作無謂也可縱則今日之忠邪辨矣當議禮時前從衆議而後隨張桂或出入其門求美官者多有之然猶恐人之知掩護不暇惟翟殿學鑾序明倫大典則不復顧忌矣其詞曰臣待罪詞林昔從未議雖歷于大吏題署匪情而因循遷就實無的據論心治罪臣咎有餘荷蒙皇上不加斥誅命總史事似有發明頗得要領云

女后 孝莊皇后

孝莊睿皇后姓錢氏淮安海州人父貴府軍右衛世
指揮使正統七年五月選立為皇后景帝即位遷居
仁壽宮后無子英宗以後賢德又更憂患恐萬歲後
周太后有子為帝命李賢錢后與我合葬賢識諸內
閣憲宗成即位尊為慈懿皇后成化十四年六月后
崩諡孝莊獻穆私惠顯仁恭天欽聖睿皇后當是時
孝肅稱皇太后久矣禮部議葬禮不決大學士彭時
等上疏言大行皇太后今日祔葬與皇太后萬歲後
祔葬自不相妨不宜別議以失大倫周太后不允堅
欲別葬憲宗御文華殿集羣臣諭旨群臣莫敢應頓
首退刑科左給事中毛弘遮時等曰面諍廷論此其
時也何輒退為比出文華門諸大臣多徑去科道及
三四大臣尚集議文華門西謂不可失此機會於是
科道同禮部尚書姚夔等乃跪伏文華門外不出諸
大臣亦徘徊觀望禮科給事中張賓大聲呼曰諸大
臣平日受國厚恩綱常大事乃不諍將何往諸大臣
皆趨至俄司禮太監懷恩等出夔等逆而哭曰大行

皇太后不祔裕陵非禮大不可太監為內相何不力
諍恩曰奴嘗力諍太后欲殺我我固不避死公等當
云何弘曰吾輩豈敢避死今日幸朝廷不失倫雖死
何憾不然致他日宗社不安雖舉族死亦何益恩曰
恩等每進諫太后輒怒曰爾等逼我死又連呼我死
我死今必欲祔葬萬一太后不安不幾陷官家不孝
弘曰諭親于道大孝若阿從太后使得罪先帝陷親
不義安得為孝衆官皆哭恩等亦哭聲達禁中時殿
門已闔憲宗猶在御恩等止哭諭羣臣少退俟再奏
衆退百官章連上上持章奏太后太后知群情不從
曰羣臣議是憲宗流涕三頓首稱萬歲即出御文華
殿召百官諭請命太后允矣百官皆頓首呼萬歲歡
聲動宮闕后得祔葬裕陵是時內臣阿周太后意裕
陵內二隧道其一西行北轉為英宗皇帝虛其右壙
中有道可通往來蓋為周太后葬地其一東行北轉
即為錢后玄堂相去數丈中又隔不通至孝宗再三
對輔臣劉健等欲改正欽天監以為歲殺在北方內
官監亦謂事干英廟陵寢竟格不行乃於陵殿神座

移英廟居中后居左周太后居右后塋既祔廟奉先
殿中英宗亦止設一座祭飯一分匙一張不設后座
至周太后崩孝宗祀周太后奉慈殿后始得配食英
宗

女后

宣德正后胡氏無子貴妃孫氏生茂陵於是胡后遜
位孫后繼立自宣宗而上廟中皆一帝一后自英宗
錢氏無子周太后生憲宗憲宗王后無子紀太后生
孝宗於是周后欲祔塋而別塋錢后又欲祔廟賴孝
宗明聖達禮得不亂周后升祔時孝宗曰宗廟事關
係綱常極重豈可有毫髮借差太皇太后躬育朕躬
恩德深厚朕何敢忘但一人之私情爾錢太后乃皇
祖母立正后我朝祖宗以來惟一帝一后今若並祔
從朕壞起恐後來雜亂無紀極耳又曰孝穆太后朕
生身母止別祀於奉慈殿乃奉孝肅太皇太后居奉
慈中一室孝穆太后居左孝宗又曰後來有如此者
却居右今孝惠邵太后今天子庶祖母也宜在紀太
后之右云

惠安肅溫誠順天偕聖毅皇后

女后

自昔皇后生子者甚少或妃時生子後冊后者多近世如憲宗孝宗孝肅太后孝穆太后子也莊肅皇后配武宗十六年無子悼靈皇后正位中宮七年無子茂陵諸子皆出妃嬪中何也或曰陵中風水使然懿文太子孝陵子悼恭太子茂陵子哀冲太子今天子子也

女后

自古外戚貴盛莫如西漢憐禍亦莫如西漢如衛青以奴產子數年父子四封侯又二十四年子孫遂無懣類然竊漢龜鬲者竟外戚也我朝孝慈馬后有賢德兵亂後外家無存者父馬公追封徐王歲時祀而已仁孝徐后中山王長女本功臣無封爵孝誠張后今惠安伯彭城伯家孝恭孫后今惠昌侯家是也本以恩澤封後有功遂得莅事與諸外戚者異孝莊錢后家安昌伯周太后家慶雲侯長寧伯孝徵王后家瑞安侯崇善伯安仁伯邵太后家昌化伯昭聖太后家昌國公建昌侯莊肅夏后家慶陽伯蔣太后家王田伯悼靈陳后家恭和伯初外戚間有官止都督者至稱舅氏乃始封爵蓋文帝不肯封二竇至景帝始封也景帝欲封王信條侯執不肯封竇太后有言條侯死蓋侯竟得封今外戚之封不俟繼世寔始於泰陵李治泰陵時二張甚橫日夜侍禁中遊幸內臣何文昂素忠直二張窺御帷文昂持大瓜莖之幾死泰陵亦不罪文昂也當是時張氏奪民田廬請官寺

吾學編餘

舍又豪奴姻親恃勢凌官府篡獄囚莫敢詰金王積如山不厭市津壘斷往往張氏矣言官時抗論朝廷亦不問近世外戚莫橫張張至正德時稍稍收斂乃嘉靖以來益威威自謹大張雖以定策功封公然亦不敢視邵蔣務謙退自保胡瑞敏公尚言宜保全外戚不宜使後世謂外戚封公自今日始也顧二張內倚昭聖外多瑕囊嗜利之人奔走其門生長短或聞之朝廷日有疑忌當路大臣又恐他日有禍欲急去二張以一次心遂嘆人奏小張有逆謀朝廷遂決意考問簿昭故事旨會法司多官會議衆亦恐傷仁壽官又其事無踪跡且皆先朝事但奏張堯齡還克殺人借造臺榭淫於酒色鶴齡兄弟至親一門同居不能救正皆有罪旨云延齡犯十惡迹已著但証佐無存以致小人藉口不奉公義專一結納掩飾姑免究延齡照祖宗法度便提了依律處斬鶴齡同惡相濟革爵做南京錦衣指揮知帶俸間住蓋已惡廷議不明言誅戮沒產窮其獄已而延齡又有詞刑書弄賢等稍為開釋朝廷益怒弄停俸一年該司官

皆下詔獄延齡在獄中再詞通政司官懼有不測亟與封進有旨詰問通政官交致皆停俸當是時再無一人敢論救者昭聖益遲遲避若不知海內傳聞籍籍有他議未嘗竟究何如也

酷伎

周衰在位皆貪夫今觀之詩曰貪人敗類曰交交桑扈率場咏粟曰大東小東杼軸其空蓋其時不止榮夷公一人好利而已秦亡之速則酷暴之故自古未有吏人貪酷肆無所忌而不亡其國者漢武帝雖有酷吏然皆察庶自好觀之史傳惟杜周一人好利耳當是時惟天子取民之財百官未見其然又承文景富庶之後又武帝卒自悔悟哀痛自責故不至於亡唐室貪黷之風最盛然不甚酷酷吏惟武后時有之武后時酷吏又不如漢蓋倚法貪黷甚矣宋時燕不如漢然仁厚過之惟一二權奸殺人竄人耳詩云文王曰咨咨女殷商曾是攷克貪吏也貪酷並行而不亡其國者未之有也今天子時時申訓諸吏欲其仁潔乃今賂賄公行鞭撻者日死上官及大臣惟問財利進退人今有人為縣而得萬金者即殺人不得科道得為子部官何社守嘉興菜飯布袍一錢不私竟以不謹去柰何吏人之不貪酷也嗚呼此風不革數年

之後民窮盜起大亂作矣



奸佞

嘉靖改元逐去王瓊陸完諸奸佞收召故老公卿號
 稱得人內閣楊廷和蔣冕毛紀費宏吏部喬宇戶孫
 交禮毛澄兵彭澤刑林俊工趙璜都察院金獻民教
 公中唯宏最下雖有才心行險側趙亦有才而志欠
 端金好利然能守法林先幾首乞去毛薨於位彭孫
 皆乞去楊喬以大禮議起相繼去蔣毛亦去於是宏
 為首相矣喬去用羅欽順太宰又用楊旦太宰皆為
 陳沈所阻乃用廖紀紀用盡逐楊喬薦拔之人引張
 桂之黨廖去用李成勛成勛自南都來道改法司遂
 用桂為太宰張入內閣於是公卿大臣旬月三更
 志節者相率引去在位者皆骯髒嗜利之徒中間惟
 有胡世寧李成勛伍文定皆在朝不久王守仁竟不
 容其入朝至死猶誣以劇罪至嘉靖十三年夏內閣
 則張孚敬李時方獻夫獻夫以老疾乞去皆謂代者
 非夏言則汪鋐也六卿汪鋐許瓚夏言王憲聶賢秦
 金聶秦皆舊大臣稱清謹令亦一切附會都察院王
 廷相亦舊有氣節能文章今亦碌碌耳通政使陳經

大理寺周叙六部侍郎則霍韜張邦奇張雲陳軾管倉鍾芳黃綰黃宗明陳璋揚志學林庭楫并為霖宣大總制張瓚三邊則唐龍陶諧漕運則馬卿也嘉靖十一二年間逐去公卿侍郎都御史諸吏無慮二百餘人矣愛惜人才者得無深慨於斯

讒佞

自古在昔讒人得志天下善類必被其害而國家亦衰敗隨之讒人雖唐虞時有之帝舜所謂朕聖讒說雖聖賢一堂尚亦憂此况後世乎詩中言讒人情狀最多曰覆背善詈曰鞠人伎忮諧始竟背曰臯臯訛訛曹不知其玷曰無罪無辜讒口嚶嚶曰好言自口芳言自口曰方茂爾惡相爾矛矣既夷既憚如相疇矣曰苛矣能言巧言如流曰滄滄訛訛曰盜言孔耳亂是用餒曰我聞其聲不見其人曰緝緝翩翩謀欲諧人曰讒人罔極交亂四國蓋周之亡竟以讒邪傾亂之故自後何代非此為禍至於父子兄弟夫婦不相保况於君臣朋友之際易間而難合者乎昔成湯遇災自責亦云讒夫昌歟良有以也我朝讒夫率出宦豎方士武胄未有儒臣縉紳之士為之得志者至正德中遂有如張綏附逆瑾王瓊附逆彬者矣嗟乎慎之哉慎之哉安仁永嘉初議禮時豈嘗異姓兄弟刎頸交也比二人一在吏部一在內閣小人間之幾成大禍聞于天子而二人又不能自以為戒也悲夫

災異

嘉靖乙酉五星聚營室時樂藏以光祿少卿掌欽天
監事上疏言五星聚一宿其占云有德者王無德者
亡又云王者易姓受命又云有德受慶奄有四方子
孫蕃昌旨下禮部覆詞亦懇切中批脩省如故事識
者深憂之蓋自有天官表五星凡六聚周與聚房齊
桓將伯聚箕漢興聚東井天寶之亂聚尾箕宋初聚
奎至是聚營室也先是欽天監皆日官疇人倚法頑
鈍又率淫于酒婦人昏迷天象朝廷用議者特用
士人在其事以故華湘樂護同在監中且將任之改
曆日官疇人以二人者不便已私百計中傷華先得
罪去樂亦繼去至今曆法日差莫能改筭七政時亦
變亦無復有慨慷敢言者即言亦冗俗不經不如樂
有文章緣飾又肯盡言不諱云

災異

嘉靖戊子四月十二日早涼師大風陰霾咫尺不辨
惟聞飛瓦折木聲竟日不止先是因災異頻仍降勅
脩省又因江西撫臣汪鋐奏甘露河南奏河清遣官
祭告天地宗廟群臣齋宿未及行禮又有茲變上意
頗不安今天子憲宗皇帝孫也憲宗第二子封興國
堯謚獻王後追尊恭穆獻皇帝寔生今天子今天子
生黃河清慶雲見異軫分野生十五年入繼大統嘉
靖六年二月乙卯河南靈寶知縣張廷桂奏言丁亥
十二月庚申馮佐村黃河澄清五日奏中又言河清
不於他處而於馮佐村詩稱馮翼孝德史稱中興賢
佐正今日之謂也天子喜紀之以詩百官稱賀告之
郊廟是歲三月壬申汪鋐奏言戊子元日長泰縣欽
化恭順善化等里天降甘露奏中又言皇上名號正
而倫理明禮樂興而刑罰中賢俊登庸舊章修舉有
此祥也天子又喜遣官祭告薦之宗廟頒賜廷臣故
明倫大典史臣云是典首書黃河清慶雲見者天地
啓聖之徵也所以昭禮之始也終書黃河清甘露降

者天地佑聖之徵也所以昭禮之成也汪竟以甘露驟得太宰是後白兔白鹿黃龍馴雀祥瑞紛紛來奏矣昔洪武二年十月甲戌膏露降於軋清宮後苑蒼松上永樂十七年十一月甘露降於孝陵松柏之上凡四日時宋濂有膏露頌王直有甘露詩天官書云氏北有星名為天乳天乳明潤則甘露降宋杜鎬學士墳莊有若甘露降林木兒童輩驚喜白之鎬鎬味之不懌曰此非甘露乃雀錫也大非佳兆吾門其衰矣踰年鎬卒家繼八喪胡文穆謂甘露之感召此為上瑞若人家有之亦雀錫之類耳豈甘露宜有於國而不宜有於家也

災異

御史郭宗臯者山東福山人父天錫為平湖令有才力守徐州亦能其官宗臯少有穎質舉進士有名改翰林庶吉士柄臣不悅與群吉士皆逐出宗臯為主事刑部辛卯鄉試宗臯考浙江歸改武選又自武選改御史巡通州倉嘉靖癸巳十月八日夜四鼓萬星縱橫流飛俄頃如兩至天曙方已給事沈謚疏言微婉報聞不罪宗臯疏甚切直且云此非小變宜君臣動心儆戒勿以大同軍變及太子薨逝之事遂謂足以塞此變疏入 天子震怒下宗臯詔獄詰問 朝廷失德者何事錦衣王佐心憐其忠簽朴少解覆詞亦緩旨不允更令責詰佐亦以改前覆詞上之得旨既問明白拏在午門外打四十棍放了宗臯得不死今尚為御史時十月六日大同軍變十一日報至京師哀冲太子亦以是日丑時薨故宗臯奏中云

災異

自古天變必人君修省轉災為福不然雖祥亦禍况不復修省晏然自謂聖治乎漢文帝宋仁宗時災異最多然三代以後獨稱盛治文仁修省之故亦當時多朴實忠諒之士也我朝高皇帝自曉天文一見變異輒憂形於色凡四方奏報水旱螟蝗雷雹地震必深自抑省又特命老儒教人講求陰陽調燮之道文皇時時顧問侍臣救災弭變之術仁宗在位不久天變特異宣宗時輔臣任職太后又能持正調護雖間有變異亦不為災正統時王振專權上干天象山移河徙地生白毛留都殿宇煨燼無遺經宿大雨殿基編生荆棘二尺時不能修省遂有己巳之變天順中石亨曹吉祥亂政變亦不少湯序在欽天監又不稱職凡遇天文有變必曲解或不復奏雖月食亦失算謬可知矣茂陵時彗星三出三垣掃三公北斗兩京十三省地震五六百次往往有聲弘治初彗出天津地震天鳴異鳥三鳴于禁中然憲孝二君有盛德一時大臣亦多忠朴時有小青亦無大故正德中彗

見星搖黑光盪日風霾決旬皆瑾彬專政荼毒縉紳之應國統亦遂中絕今天子敬天法祖遇變知懼河清慶雲甘露白兔之瑞時有之然亦不能無地震天鳴山崩川壅白虹黑青之異甚者彗星五年四見人生二頭三頭衆星縱橫流動俄隕如雨然天子頻降修省之勅動心警戒海內亦無虞也

災異

嘉靖甲午南京太廟災大臣自陳乞休皆常詞應故事惟吏部左侍郎霍韜疏詞自謂有四大罪宜退休以應天變其畧云按蘇州府一府七縣額田九萬頃歲徵糧二百七十萬帶耗共稅糧三百五十萬淮安府兩州九縣額田十八萬頃歲徵糧三十六萬較農田之廣狹淮安加蘇州一倍較糧之徵輸蘇州加淮安十倍矣是稅糧之輸納蘇州重於淮安二十倍也民何以堪之哉况徭役之繁織造之費繹遞之需既厥之價歲派料物之徵皆視稅糧而加取盈焉駐官汚吏復肆侵魚取百姓見面銀取糧長常例銀所以困蘇州之良民者極矣再按松江府兩縣歲輸稅糧百二十萬北直隸八府一十八州一百一十七縣歲輸稅糧亦一百二十萬以松江兩縣稅糧視一百一十七縣稅糧重輕懸絕如此松江農民何以堪之哉臣嘗考蘇松二府稅糧之重因賊虜張士誠伏誅其將帥叛臣亦從殲滅田皆沒官故凡租稅之重皆官田也今頑民埋隱官田以為己業轉將膏田跪為官

稅甚則跪曰水冊沙壓田去稅存里甲賊害愈不可言者也今不早圖民病愈甚蘇松二府軍需國儲所自出焉民病日甚轉而流離國計不大可慮乎按徐州只有四縣地遭水災極為貧瘠臣訪查徐州雜役歲出班夫三萬八千有奇洪夫一千五百有奇復有淺夫閘夫泉夫馬夫等役洪夫一役銀十二兩統而計之洪夫之役歲銀一萬八千有奇其餘各役不可勝言也臣過徐州語主事陳明張鐘知州魏頌曰徐州之民僅四萬戶雜役如此民何以堪應曰徐民年年拘役無一丁免者雖窮切骨僅育一大自隨亦歲辦役銀一兩臣曰嘻民病矣極矣何不寬一分民蒙一分之澤乎各官乃曰洪夫之直歲銀一十二兩誠已過重矣况洪夫之役以挽糧船自四月過洪八月終止僅四月之役費銀一十二兩奸人厚利矣農民實民為中制歲議徵銀六兩儲之於官俟役洪夫按月給焉自四月至于八月有事力勤之月也月給銀六錢其餘八月逸閒之月也月給銀三錢徐州之民歲減銀九千有奇通十年計焉減銀九萬有奇矣又

自開夫班夫各遞減焉農夫之惠何可言也今農民
重困皆貪汚官吏為之厲也貪汚不戒由吏部風紀
不振賢者無所勉不肖者無所懼也賢不肖無所勸
懼雖良法美意莫之行乎臣惟皇祖封建藩邦歲有
定祿夫藩邦之有祿猶百官之有俸也百官一月無
俸則告饑矣藩邦一月無祿安所給乎山西巡撫僉
都御史王明德奏云積欠王府祿米一百四十七萬
八千八百伍十二石山西所欠若此則陝西河南湖
廣可知矣臣聞河南湖廣之宗室有女四十不得適
人者矣有夫婦共遂以居者有不幸沒無棺者有晨
朝進膳惟一餅充饑者蓋至是極矣男女婚配必求
長史代啓奏聞非有賄弊即從沉壓若有婚配禮官
又從叅曰擅自婚姻非削職秩則革祿米含冤負屈
不能赴訴若徑赴訴寃禮官又從叅曰擅自赴訴送
囚高墻矣末又言京甸山東之利可耕種如吳浙蓋
虞丘二公舊議天子批荅亦如常更不勅六曹一議
處也

災異

辛丑大旱自庚子六月至今五月不雨半天下黃河
流竭漕運不通四月初三日上禱兩於西苑用方士
陶典真五雷法以穢物觸神蹟慢殊其即日風霾大
作初五日戌初火起太廟延焚無遺 成祖 仁宗
二主皆燼烈焰中 天子深自悼責力疾奏謝南北
郊社稷及奉神主暫安景神殿遣大臣就長陵獻陵
題主二十一日入景神殿又謂 睿宗廟獨存恐神
靈不安亦請祔景神殿於是躋於武宗上矣五月十
三日又請雨是日令百官皆宿省署風霾又作兵仗
局又災連日風霾不止然十三日微雨數點禮官以
為兩矣 聖躬可無勞也念一日乃謝雨

災異

戶部廣東司主事周天佐福建晉江人上疏救御史
揚爵上大怒云周天佐錦衣衛便緝鎖明日切實打
六十棍送鎮撫司牢固梏囚是日辛丑端午又明日
日青無光風霧四塞天佐死獄中舌盡吐捷之時天
佐但云皇天犯人無罪又云祖宗犯人無罪天佐疏
畧曰

今言序

海鹽鄭曉

文獻不足杞宋無徵方策尚存文武未墜
蓋通今學古非兩事也洛陽少年通達國
體嘗曰不習為吏視已成事予有取焉述
今言三百四十四條藏之故篋中項甥子
長進士錄而觀之曰周官師典常漢史述
故事盡與古言並梓之予不能止也

嘉靖丙寅二月既望鄭曉識

今言序終

加天中

今言卷之一

海鹽鄭曉

高皇戊辰生生二十五年入淮西從郭元
帥三年起兵渡江明年定建康為吳國公
八年為吳王四年為皇帝是年滅胡享
國三十有一年建文君洪武丁巳生生六
年而其兄虞懷王卒又十年而其父 懿
文太子卒當是時 高皇年六十有五矣
遂立為太孫七年而嗣帝位四年而亡
成祖生九年而 太祖建國大明又二年
封燕王十年之國北平十九年而靖難三
年即帝位享國二十有三年 仁宗洪武
戊午生年十八封燕世子又四年有靖難
之師又三年 文皇即位即位三年立為
太子二十年而即位逾年崩 宣宗生四

年而 成祖入南京又九年而為 太孫
 又十三年為 太子逾年即位享國十有
 一年 英宗宣德丁未生明年立為 太
 子又七年即位十四年而北狩明年還京
 師居南宮蓋七年而復辟先後享國二十
 有三年 景皇少 英宗一歲八歲而封
 郕王二十二歲而居守監國遂即帝位八
 年二月崩寔天順元年也 憲宗生 年
 而有土木之變立為 太子又三年廢為
 沂王又五年復立為 太子八年而即位
 享國二十有四年 孝宗成化庚寅生於
 西宮越六年而 憲宗始知之遂立為
 太子十二年而即位享國十有九年 武
 宗弘治辛亥生明年立為 太子十三年
 而即位享國十有七年 今皇帝生於興
 邸正德丁卯仲秋也入承大統時視帝堯

自唐虞起為天子少一歲
 二
 太祖戊申正月乙亥即 皇帝位詔改是
 年為洪武元年三十一年閏五月乙酉崩
 於西宮 成祖建文四年六月己巳即位
 詔改明年為永樂元年革除建文年號仍
 稱洪武以故洪武有三十五年永樂二十
 二年七月庚寅崩于榆木川 仁宗是年
 八月丁巳即位詔改明年為洪熙元年元
 年五月崩於欽安殿 宣宗是年六月庚
 戌即位詔改明年為宣德元年十年正月
 崩於乾清宮 英宗是年正月癸未即位
 詔改明年為正統元年十四年八月征胡
 至土木北狩 景皇時以皇弟封郕王留
 京師奉 孝恭章皇后命監國九月丙子
 即位詔改明年為景泰元年元年八月

1821-1822 續修四庫全書 史部 雜史類

英宗還居南宮景泰八年正月壬午 英宗復辟詔改是年為天順元年二月景皇崩於西宮天順八年正月 英宗崩於乾清宮 憲宗是年正月甲戌即位詔改明年為成化元年二十三年九月崩於乾清宮 孝宗是年九月壬寅即位詔改明年為弘治元年十八年五月崩於乾清宮 武宗是年五月壬寅即位詔改明年為正

德元年十六年三月崩於豹房無後四月癸卯 今皇帝入繼大統詔改明年為嘉靖元年

三

太祖高皇帝 孝慈高皇后馬氏葬孝陵 成祖文皇帝 仁孝文皇后徐氏葬長陵 仁宗昭皇帝 孝誠昭皇后張氏葬獻陵 宣宗章皇帝 孝恭章皇后孫氏

葬景陵 英宗睿皇帝 孝莊睿皇后錢氏葬裕陵 恭仁康定景皇帝 景皇后汪氏葬西山 憲宗純皇帝 孝貞純皇后王氏葬茂陵 孝宗敬皇帝 孝康敬皇后張氏葬泰陵 武宗毅皇帝 孝靜毅皇后夏氏葬康陵 英宗側室 孝肅皇后周氏 憲宗生母也漢文帝詔自稱朕本高皇帝側室之子云 憲宗側室

今言卷之二

五

孝穆皇后紀氏 孝宗生母也 孝惠皇后邵氏 獻皇帝生母也祔葬 二帝陵 先是 孝肅稱太皇太后 孝穆 孝惠皆稱皇太后 不祔 廟亦不入 奉先殿別立奉慈殿祀之 今皇帝以太皇太后皆生時尊稱改稱皇后而不書各帝謚以別之神位移陵殿中 睿宗獻皇帝 慈孝獻皇后蔣氏葬顯陵 太祖長子

懿文皇太子懿敬皇太子妃常氏葬孝陵左建文君即位追尊為興宗孝康皇帝孝康皇后靖難後仍稱故諡號 懷獻太子 景皇長子 悼恭太子茂陵長子 哀冲太子 莊敬太子皆 今皇帝子

四

孝陵初諡 高皇帝廟號 太祖永樂元年六月加諡聖神文武欽明啓運俊德成

今言卷之二

六一

功統天大孝高皇帝廟號如故後一百三十六年嘉靖十七年也加上尊諡曰 開天行道肇紀立極大聖至神仁文義武俊德成功高皇帝廟號如故長陵初諡 體天知道高明廣運聖武神功純仁至孝文皇帝廟號 太宗嘉靖十七年加上諡號曰 成祖啓天弘道高明肇運聖武神功純仁至孝文皇帝

五

洪武元年立 東宮二十五年四月卒是年九月立皇太孫永樂二年四月立東宮是為 仁宗仁宗永樂甲辰八月即位十月立東宮是為 宣宗宣德三年二月立東宮是為 英宗英宗正統十四年北狩以 皇太后詔立東宮景泰三年五月廢為沂王立其子見濟為太子四年見濟卒

今言卷之二

七一

英宗復辟之年三月復立沂王為太子是為 憲宗憲宗成化七年十一月立悼恭太子是年卒十一年十一月立東宮是為 孝宗弘治五年三月立東宮是為 武宗 今上十三年八月立哀冲太子是年十一月卒十八年二月立莊敬太子二十八年四月卒

六

孝陵仁孝通於天地不肯冒附名族直以所知 德祖為始祖德祖生 懿祖懿祖生 熙祖熙祖生 仁祖仁祖生四子南 昌王盱眙王臨淮王 太祖其第四子也 南昌二子長文正文正生靖江王守謙次 山陽王盱眙生招信王 仁祖有一弟壽 春王壽春四子霍丘王下蔡王安豐王蒙 城王霍丘一子寶應王安豐四子六安王 來安王都梁王英山王諸王俱無後惟靖 江王分國桂林府禮數如親王

七

高皇二十六子懿文太子秦愍王晉恭王 成祖周定王楚昭王齊庶人潭王趙王 魯荒王蜀獻王湘獻王代簡王肅莊王遼 簡王慶靖王寧獻王岷莊王谷庶人韓憲 王濟簡王安惠王唐定王郢靖王伊厲王

今言卷之一

八

皇子楠 成祖四子 仁宗漢庶人趙簡 王四皇子 仁宗十子 宣宗鄭靖王 獻王越靖王襄憲王荆憲王淮靖王滕懷 王梁莊王 衛恭王 宣宗二子 英宗 景皇 英宗十子 憲宗榮王三皇子 許悼王德莊王秀懷王崇簡王忻穆王吉 簡王徽莊王 景皇一子懷獻太子 憲 宗十三子悼恭太子 孝宗 獻皇岐惠 王益 王衡恭王雍靖王壽 王八皇子 汝 王涇簡王榮莊王申懿王 孝宗二 子 武宗蔚悼王 獻皇二子岳懷王 今皇帝今皇帝 子哀冲太子莊敬太子 裕王景王穎劻王簡哀王威懷王均思王

八

熙祖祖陵在泗州基運山奉祀朱氏宗人 婦也 德祖 懿祖就祖陵而蓋祭焉

今言卷之一

九

仁祖英陵改皇陵在中都翊聖山奉祀二人劉氏汪氏祀丞二人汪氏趙氏劉即義惠侯孫二汪皆汪氏老母孫 太祖孝陵在南京神烈山 成祖至 武宗諸陵在昌平天壽山 睿宗顯陵在承天純德山 都督蔣華奉祀華慈孝睿后家也天壽山即黃土山 成祖所賜名四山嘉靖中賜名

九

今言卷之二

十一

云

太祖實錄三修建文君即位初修王景充總裁靖難後再修總裁解縉縉得罪後三修總裁楊士奇初修再修時士奇亦秉筆

十

洪武六年定府為三等賦二十萬石上為上府知府從三品二十萬下中府正四品十萬下下府從四品已乃並為正四品吳

元年定縣三等賦十萬石以下為上縣知縣從六品六萬以下中正七品三萬以下下從七品已乃並正七品京縣正六品

十一

懿文太子五子虞懷王建文君吳王衡王徐王靖難改封吳衡徐王為廣澤懷恩敷惠王敷惠又改封甌寧王建文君二子太子文奎少子文圭

十二

今言卷之二

十一

太祖取南都自太平順流而下 成祖入南都自儀真逆流而上隋氏平陳兵分兩道上游廬州總管下流揚州總管 成祖南來以淮安廬陽各有重兵間道自泗州渡淮經天長至江上

十三

洪武三年封建詔第五子封吳王後人見

五子之為周王也改吳為周而不知周王初封杭州為吳王也 孝陵以浙江財賦地改吳王封開封為周王已而建文君封其第二弟允熲為吳王非 祖法矣周是修為衛府紀善人以為孝陵諸子無衛王改為衛王而不知建文君第三弟允熾之封衛王也衛王乃 獻陵第十子周死靖難時衛王尚未封 茂陵第五子亦封衛

今言卷一

十一

王

十四

洪武十一年禁六部奏事不得關白中書省又明年殺右丞相胡惟庸遂罷中書省

十五

小說言 懿文太子薨 孝陵意不欲立孫遲回久之 高皇后不說因遘疾崩於是孫始得立此妄說也洪武壬申四月丙

子懿文太子薨是年九月庚寅詔立孫允炆為皇太孫太子卒後未半年當是時高皇后崩已十一年矣

十六

紀元有號起於漢武帝至今千數百年正統分裂僭逆不知凡幾紀元一帝一紀元實自洪武始然亦有同于前者張重華王則皆永樂元出帝天順夏崇宗正德唐高

今言卷一

十三

祖太宗止武德貞觀一紀元

十七

恭仁康定景皇帝初封為郕王正統十四年七月茂陵北征王居守坐闕左門西面見群臣八月茂陵北狩 皇太后詔立其長子為皇太子郕王監國坐午門攝朝廷臣班劾王振監國倉卒未有處分廷臣大哭錦衣指揮馬順振黨也叱且退臺諫王

竝等憤粹順播死且索毛王二長隨二長隨亦黨振廷中大譁監國起且退兵部侍郎于謙趨上掖監國止頓首日請殿下坐監國復坐問曰爾意云何謙進前密對數語頓首下監國遂曰百官前振罪當赤族予請 太后行誅未晚順罪亦應誅今擊死勿論又令左右縛二長隨至立命將軍瓜擊二長隨死命都御史陳鎰籍振家玉

全書卷之七

十四

盤徑尺者十四珊瑚樹高六七尺者十數金銀十餘庫馬數萬匹誅振姪錦衣指揮山夷其族移監國入坐奉天門左以謙為兵部尚書翰林侍讀彭時商輅入內閣九月丙子監國以太后命即 皇帝位詔改明年為景泰元年大赦天下遷尊茂陵為太上皇帝尊皇后錢氏為太上皇后廢遣使致書書詞悖慢答書言中國已立

皇帝天下兵力強盛行當決戰以羅通孫祥為副都御史守居庸紫荆關勅翰林侍講徐瑄等十五人分鎮要害糾合義旅防護京師是秋虜脫脫不花寇遼東不樂出寇陝西都指揮岳謙至虜營虜知中國立皇帝十月也先殺馬大宴復尊 上皇為天子行賀禮曰將奉天子還京也喜寧導也先詔 上皇還京遂入紫荆關孫祥走

全書卷之七

十五

死京師戒嚴于謙上禦虜方畧出石亨楊洪於獄中以為總兵官以王通為都督及鴻臚卿楊善守京城孫鏗衛穎范廣張義張軌雷通分兵守戰監以侍郎江淵給事中王竑葉盛程信亨洪安遠侯柳溥統兵出戰盡移郭外人入城令虜所過堅壁清野固守勿與戰急散官軍通州糧百萬入都城盡焚都城外積芻十一日也先擁衆

至城下謙及亨統兵出禦虜虜見我師堅不可撼喜寧嗾也先邀謙及王直胡濙五六大臣出議和索金帛萬萬計衆皆知虜詐不出以通政司叅議王復部為禮郎中書舍人趙榮為鴻臚卿出見上皇即辭歸虜逼京城謙亨出德勝門閉門對壘約戰以 上皇在虜中未敢輒動已謀知虜移上皇西我發大炮擊虜虜死炮下者數

今言卷之二 共一

千人斬其酋鐵頸元師亨及其姪彪又戰彰義門清風店皆捷也先稍却謙請大出聖旨榜文潛遺虜營中諭回達奚漢有能擒斬也先來獻者賞萬金封國公疑虜十六日也先出居庸伯顏帖木兒奉上皇出紫荆洪鐘廣等又擊虜於涿州紫荆固安虜敗去自是不敢深入論功加謙少保總督軍務尚書如故亨封武清伯燕太

子太師提督京營洪復封昌平伯彪遊擊將軍以都督郭登都御史任寧守大同尚書石璞侍郎劉璉都督朱謙守宣府都御史羅通都督范廣守山西朱鑑守雁門都御史王翔守遼東王文陳鑑劉廣衡更出守陝西王通守天壽山鄒來學為僉都御史提督京東軍務左都御史沈固出大同叅謀軍事平江侯陳豫鎮守臨清

今言卷之三

十八 永樂初內閣儒臣考滿陞任不必在內閣如胡若思出為祭酒以故永樂五年十一月長陵論蹇太宰曰胡廣等侍朕日久繼今考滿勿改外任

十九 長陵三子長 獻陵次漢庶人次趙王庶人名高煦有膂力善騎射靖難時屢有戰

功江上之急庶人戰尤力淇國公輩皆附
庶人庶人欲奪適者數矣以故東宮諸臣
多得罪死解學士亦以是死詔獄先是永
樂二年封庶人雲南不肯去改青州又不
肯去留京師遂有逆謀十四年事露削護
衛改封樂安即日遣之國宣德元年八月
壬戌朔反丁卯令其百戶陳剛進疏指斥
朝廷 上遂親征急遣平江伯陳恭襄公
守淮安勿令賊走南京辛未駕發京師樂
安知州朱恒勸庶人直趨南京賊黨皆
言恒應天人不可聽庚辰先鋒武陽侯至
樂安辛巳駕至樂安壬午庶人潛出見
上八月乙酉班師庶人至京鎖繫逍遙城
一日 上過視庶人庶人犯 上覆之銅
缸焚死

二十

乙未正月 孝陵至和陽郭元帥暴卒四
月開平王始來謁 孝陵遂不受小明王
韓林兒偽命渡江克太平稱大元帥七月
攻集慶八月又攻集慶九月又攻集慶皆
不克明年二月破元兵於采石三月始克
集慶集慶今南京也

二十一

成祖起自北藩征誅而得天下壬午年即
位後一百二十年 今皇帝起自南藩揖
讓而有天下壬午年改元

二十二

靖難兵未起時中朝已有備江陰侯吳高
兵十萬屯遼東都督朱忠兵十萬屯懷來
都督徐凱兵十萬屯河間而張壽謝貴在
北平城中長興侯耿炳文又統兵三十萬
至真定何以兵起竟敗塗地瓦解謂非天

命歟

二十三

康陵前皆一帝一后 洪武十五年永樂五年中宮崩皆不復立繼后 今皇帝元后 孝潔皇后陳氏繼廢后張氏皆葬西山 又繼 孝烈皇后方氏葬永陵

二十四

成祖靖難用兵出入四年所破郡縣皆不

今言卷之一

三十一

設官守諸郡縣亦不肯歸附旋破旋守惟得北平保定二府

二十五

南京承天門建文二年秋災復建改名臯門因改午門為端門端門為應門大明門為路門又改謹身殿為正心殿先是又於乾清坤寧二宮間建省躬殿

二十六

國朝小說書數十種中亦有浪傳不足信者惟野錄中一事極可惡 獻陵洪武十

一年生于鳳陽 長陵入金川門時 獻

陵守北平年已二十五景陵建文元年二

月生於北平 獻陵得子最早年二十九

歲已有六人凡十子 成祖愛景陵時時

稱太孫英武類我 景陵擒漢庶人詔有

誣妄先帝爰及朕躬語好事者為野錄遂

妄言耳

今言卷之一

三十一

二十七

洪武十五年都督僉事李新以營 孝陵 功封崇山侯王通以父真靖難元功又自 立功封武義伯永樂七年作天壽山十三 年進封成山侯 獻陵以通父侑享 太 廟通後以交趾失律為民天順元年詔恩 通子琮得嗣成山伯

二十八

洪武八年初定親王歲祿五萬石錦綺鹽茶又萬計靖江亦歲二萬石二十年停錦綺茶鹽諸物二十八年始定歲萬石先是孝陵諭戶書郁新曰朕今子孫衆盛歲祿五萬石天下官吏軍士多俸給彌廣其斟酌古今稍節減諸王歲給以資乏用故也是年遣使召諸王至京諭減祿之故各

皇明祖訓卷之二

三十一

賜 皇明祖訓祖訓即祖訓錄也

二十九

嘉靖庚戌冬 孝烈皇后祔廟祧 仁皇帝后時廟一堂九室帝 太祖左四室 成祖 英宗 孝宗 武宗 右四室 宣宗 憲宗 睿宗 孝烈皇后

三十

洪武開科詔五經皆主古註疏及易兼程

朱書蔡詩朱春秋左公羊穀梁程胡張禮記陳乃後盡棄註疏不知始何時或曰始于頒五經大全時以為諸家說優者采入故耳然古註疏終不可廢也

三十一

寧庶人者康王庶子其母馮針兒故娼也弘治八年封上高王十二年嗣王正德十四年六月丙子反攻陷九江南康七月壬

皇明祖訓卷之二

三十二

辰攻安慶知府張文錦守將崔文楊銳拒守甚力庶人窘議僭大號改年順德其偽太師國師李士賓劉養正言須至南京即位改元庶人不悅又攻安慶不克將還南昌丙午聞王陽明入南昌解安慶圍去乙卯遇陽明兵於黃家渡戰敗丙辰又敗丁巳陽明督戰益急庶人妃婁氏投水死擒庶人婁妃知庶人逆謀時時泣諫不聽庶

人敗嘆曰紂用婦言亡而我不用婦言亡

三十二

七王府齊王博也 孝陵第七子洪武三年封青州建文中謀反執之京師降庶人與周定王皆繫禁靖難兵至得釋復國人告王有反謀 上與書戒諭永樂四年來朝謝廷臣劾王留京師出怨言召其三子郡王至京父子皆降庶人已而安置廬州

今言卷之一

三四

宣德三年福建人樓璉妄稱七府小齊王謀不軌逮至京誅數百人景泰五年移庶人少子賢赫居南京勅守備叅贊防閑勿令與諸人親王往來交通今南京有齊庶人者皆赫後

三十三

孝陵第十八子谷庶人母郭惠妃滁陽王女也封宣德府即今宣府古上谷靖難兵

起庶人走還京後開金川門迎靖難兵改封長沙忠誠伯以不謁王下詔獄死庶人益驕有反謀永樂十四年十月召至京明年降為庶人少子賦歛與賢赫同自廬州徙南京卒無後

三十四

詔恩各從其類上 慈闈徽號則有封贈父母恩立 東宮則有廢子入監恩災異脩省則有蠲逋減刑恩 登極則大赦矣立 中宮及 東宮出閣皆無恩例若建大工平大賊誅大奸亦有詔皆以類行惟蠲逋減刑每詔有之 九廟災時議下詔寬卹至有欲褻親廢子者繆矣

今言卷之一

三五

三十五

山西安邑全寅少警學易卜筮以京房斷占輒奇中正統中隨父清大同 裕陵址

行令大同守關裴當問全筮得乾之復寅
 密附奏曰大吉夫四初應也初潛四躍明
 年歲在午其干庚午躍候也庚更新也龍
 歲一躍秋潛秋躍決歲也明年秋駕當復
 矣繇勿用應或之或之者疑之也還而復
 也幽然象龍也數九也四近五躍近飛龍
 在丑丑曰赤奮若復在午午色赤也午奮
 于丑若順也天順之也其干丁象大明也
 位于南火方也寅其生也午其王也壬其
 合也其復辟也其當九年之後歲丁丑月
 寅日午合於壬乎 裕陵心識之寅至京
 也先犯京城將官召寅筮曰虜無能為彼
 驕我驍戰必勝虜果敗庚午也先行成朝
 議未堅決寅勸石亨協謀于少保迎駕駕
 至以太上皇居南城已而錦衣使盧忠
 上變告密筮寅所寅佯不知者驚曰是何

今言卷之

卷一

賦

占也而凶若是不滅族且殺身禍已種矣
 柰何忠大懼狎狂事得不竟忠卒坐誅丁
 丑正月壬午駕出南城登極召欲官寅辭
 乃範金陰陽神靈四字為筮錢十有八貯
 之牙盒賜之會清以指揮出莅徐州 上
 留寅京師授錦衣百戶寅又辭不允時石
 大貴幸寅每筮戒以持滿石不悟及禍公
 卿大夫喜接寅寅語不及私大抵抑邪與
 正極人顛阨年九十卒
 三十六
 永樂元年二月以北平為北京設行部行
 府改北平府為順天府從禮部尚書李至
 剛之請也
 三十七
 丁未以信國公達為征虜大將軍鄂國公
 邁春為副將軍帥師北定中原二年秋遇

今言卷之

卷一

春卒三年春以達為征虜大將軍文忠勝左右副將軍愈和左右副將軍北伐六年五將軍統兵備山西北平諸塞當時蓋有副將軍又有副副將軍後遣征南諸將以叅將代副副將軍

三十八

永樂五年平交趾露布臣總兵官新城侯張輔等謹以所獲交賊偽大虞國上皇黎

今言卷之一

三八一

季犛偽大虞國主黎蒼賊男偽推誠守正翊贊弘化功臣雲屯鎮兼歸化等鎮嘉興等鎮諸軍事節度大使洮江管內觀察處置等使持節雲屯歸化嘉興等鎮諸軍事領東路天長府路大都督府特進開府儀同三司入內檢校左相國平章軍國事賜金魚袋上國柱衛國大王黎澄偽大原鎮兼天開鎮驃騎上將軍並國王黎激偽新

安鎮驃騎大將軍新興郡王黎汪賊孫偽太子黎芮偽郡嗣王黎滿偽郡亞王黎范幼孫五郎賊弟偽臨安鎮兼太安海鎮驃騎將軍特進開府儀同三司入內相國平章事賜金魚袋上柱國唐林郡王黎季胤賊姪偽望江鎮輔國大將軍入內判中都督河陽郡亞公黎原皆偽領龍興路統府平陸縣上侯黎子緯賊姪孫偽御輦一局

今言卷之一

三九一

正掌鄉侯黎暉偽清亭侯黎伯駿偽石塘鄉侯黎廷焯偽永祿亭侯黎廷燿賊將偽入內僉聞朝政兼內侍省都知知左班事慈山鎮權僉行軍行諒江路同知總管府事賜金魚袋柱國東山鄉侯胡杜偽入內行遣同知尚書左司事樞密院副使阮彥光偽正奉大夫入內行遣門下左諫議大夫同中書公事兼三江路太守新安鎮封

置使國子學祭酒賜金魚袋護軍黎景琦
偽寧衛將軍知威衛管左登朔軍賜金團
符縣伯段鼐偽神勁營亭伯陳湯夢偽鈞
鈐衛中郎將領龍捷軍兼領壯勇營范六
材謹差都督僉事柳升橫海將軍魯麟神
機將軍張勝都指揮僉事俞讓指揮同知
梁昂指揮僉事申志檻送京師并其偽造
金印圖書一十六顆獻之闕下

三十九

宣德二年行在吏部言自永樂十九年迄
今遣回庶官四千三百十九人居鄉往往
不循分守構詞健訟持官府短長請悉召
至京考驗才能可用者以次敘銓否罷為
民

四十

永樂中獻陵監國南京長陵時時北征有

所宣制 天子用廣運之寶曰勅 皇太
子用皇太子寶曰諭選武官選簿 御前
亦用廣運寶 東宮用功懋之記

四十一

洪武辛亥有進士永樂癸未無進士天順
癸未亦然永樂初即位天順南省人皆以
明年甲申會試永樂己丑 長陵北征又
明年殿試故有辛卯進士正德庚辰 康

今言卷之一

三

云

陵南巡明年 新天子自興邸入即位故
有辛巳進士又明年癸未遂有進士我朝
百六十年癸未惟一舉

四十二

李文達公天順日錄云八月十五日之變
天下聞之驚懼不寧賴 今上皇帝以太
弟即位尊兄為 太上皇人心始安又云
景泰不孝於親不敬其兄不驩其室朝廷

之上怨恨憂鬱災徧天下前後何不類如此

四十三

朱字傳帖者 奉天門朝罷 駕輿司禮
巨璫持下丹陛呼該衙門官與之次日早
朝該衙門官具奏本 御前奏云傳奉事
理補奏本鴻臚寺官接遞司禮小璫進覽
墨字傳帖則出自順門付該衙門奏行不
復回繳若事未穩便須執奏者固不問朱
墨也

四十四

我朝之有內閣輔臣自解大紳始也輔臣
之繫詔獄也亦自解始也其有謹身殿大
學士也自東楊始也輔臣之歷官至一品
也自西楊始也官至一品入內閣也自王
毅愍始也一人領四官也亦自王始也其

今言卷之一

三十一

云

今言卷之二

三十二

論死西市也亦自王始也輔臣如東西楊
皆領三官陳芳州高文義領五官矣然皆
領戶工尚書其領吏部尚書亦自王始也
西楊兵部東楊工部終其身也自王以後
多吏部矣輔臣之有少師自西楊始也西
楊卒而少師虛位者四十餘年萬安亦登
少師博野繼之自後洛陽長沙新都順德
丹徒鉛山永嘉貴溪分宜皆少師矣吏部
尚書之領太子太保也自詹徽始也詹坐
藍黨死其登少師也自蹇忠定始也文端
端肅恭襄皆少師也漕運之有都御史也
自王莊毅始也兩廣之有總督文臣也自
忠肅始也鄖陽之有撫治也自原傑始也
江南之有巡撫也自周文襄始也汀漳撫
臣之得提督軍務也自王陽明始也叅政
之贊理軍務也自葉文莊始也治河之有

大臣自宋司空始也陝西之有鎮守憲臣也自王毅愍陳僖敏始也二公在內臺歲更出鎮也巡撫之必兼憲職也自耿清惠始也

四十五

洪武中中山王初封東甌王進封皆信國公忠勤伯二人洪武汪廣洋洪熙李賢新建伯二人宣德李玉嘉靖王陽明外戚安

今言卷之二

三十四

平伯三人景泰母家吳安 孝烈皇后父方銳永樂功臣李遠封安平侯子安嗣安平伯

四十六

南京中府守備廳題名記一李克嗣一喬宇二公名通今之士李記云 太宗遷都皇孫監國而不知 成祖時監國乃太子非 太孫也是時 仁宗為太子監

國南京 宣宗為太孫從行撫軍監國北京 仁宗初即位 宣宗為太子洪熙元年四月以南京地屢震令 太子祭告皇陵孝陵為名實有監國南京之命喬記云永樂乙巳詔以勳舊重臣鎮守而不知永樂二十二年甲辰八月 帝崩明年乙巳乃洪熙元年也近日尚寶司題名碑張文隱公文甚佳下書少卿首姚繼次袁忠徹

今言卷之二

三十五

是矣繼下書文敏公夔之子浙江建德縣人不知繼乃恭靖公廣孝之嗣子長洲市中人也文敏公正統七年進士父以正統舉進士而其子乃永樂中恩蔭為少卿此不足辨直可發一笑耳文敏三子璧瑩璽

四十七

南雍志祭酒黃佐所修載弘治元年諫官張九功奏言孔庭從祀荀况馬融王弼楊

雖皆在所當出今之儒臣禮部侍郎兼翰林學士薛瑄在所當入 上命禮部會議於是尚書周文安公等僉言楊雄已黜於洪武時而薛瑄嘗與元儒劉因竝欲從祀以大學士楊士奇謂其無所著述而止文貞卒於正統九年文清天順元年正月入內閣六月致仕天順八年卒何謬至此

四十八

今言卷之二

三十六

國初謚美惡兼用洪武二十二年魯王卒上諭禮部尚書李原名曰父子天性謚法公義朕不得以私恩廢公義可謚曰荒永樂六年伊王謚厲洪熙元年 上命禮部尚書呂震諭翰林定故兵書兼詹事金忠等十八人謚內有通政使賀銀謚不美上曰此數人皆在先朝盡心國事有德行重厚表裏一致者有涉歷艱難始終一

心者必加旌褒庶幾禮賢厚終之道但朕意未嘗及銀銀勞可贈官行不應美謚若加銀惡謚又不若無謚人不得議焉古人制謚正為定論美惡示至公也銀竟不謚

四十九

于肅愍公神道碑倪文毅公作倪公第阜于公孫婿也碑文以虜入寇京城為景泰元年以 上皇還京為辛未年辛未景泰

今言卷之二

三十七

二年也虜至德勝門寔正統十四年十月事 上皇入南宮寔景泰元年八月事此名臣大功業儒臣大制作尚爾舛誤金石之刻豈足盡信

五十

國初立大都督府皇姪文正為大都督節制中外諸軍事以其權太重尋設左右都督同知都督僉事洪武十三年又以其權

統於一衙門設中左右前後五軍都督府分領在京各衛所在外都司衛所其在京錦衣等親軍上直衛又不隸五府若有征討之役以公侯伯及三等真署都督充總兵官名曰掛印將軍其在外鎮守地方武臣原無掛印至洪熙元年二月始頒各鎮總兵叅將佩印總兵六人雲南黔國公沐晟征南將軍大同武安侯鄭亨征西前將軍廣西鎮遠侯顧興祖征蠻將軍遼東武進伯朱榮征虜前將軍宣府都督譚廣鎮朔將軍甘肅都督費瓛平羗將軍叅將四人交趾榮昌伯陳智都督方政征夷副將軍寧夏保定伯梁銘都督陳懷征西將軍後設薊州淮安總兵皆在畿內不得掛印稱將軍京營操練之法洪武時止為五軍營分大小教塲與城外城內操練永樂初

分為三大營曰五軍營有步隊馬隊專教陣法曰神機營皆步隊肄習火器曰三千營皆馬隊專扈從出入管車輦寶纛等事每營以公侯伯二人充提督其營總兵官景泰三年于肅愍公建議立團營揀三大營中壯健士卒團練就於三營六提督中揀二人充提督團營總兵官即於五府中蒞事文臣提督以兵部尚書是年團營總兵武清侯石亨遂請故都察院改為帥府天順元年罷團營成化元年復立團營尋罷成化三年又復團營團營之兵名為頭撥初團營分為十營後增為十二營一營以侯伯都督等官一人為坐營官有事出征不必揀選但撥某營出征則某營將領其營士卒啓行承平日久團營非復操練之舊又立東西官廳名為聽征蓋三營變

今言卷之二

三八

今言卷之二

三九

爲圍營團營變爲東西廳也 祖宗微意不欲武臣權重在內營操官止管操練者無開設衙門亦無印信在內五府有衙門印信理常行政務至於營操非特命不得干預蓋五府三營十二營職掌不相侵也至於出征亦不止大將一人必選二三人名位謀勇相等者相參用之出師之日賜平賊討賊平虜平胡征夷征虜等印或將軍或副將軍或大將軍隨時酌與必由兵部題請五府亦不得干預事平之日將歸於府軍歸於營印歸於朝其意深矣今考洪武三年征胡以信國公徐達爲征虜大將軍平章李文忠右詹事馮勝爲左右副將軍御史大夫鄧愈湯和爲左右副副將軍是時達未封魏國公文忠曹國公勝宋國公愈衛國公和中山侯皆未封也四年

今言卷之一

四

伐蜀以中山侯湯和爲征西將軍江夏侯周德興德慶侯廖永忠爲左右副將軍入瞿塘潁川侯傅友德爲征虜前將軍濟寧侯顧時爲左副將軍出秦隴永樂四年征安南以成國公朱能爲征夷將軍西平侯沐晟新城侯張輔爲左右副將軍是時晟未封黔國公輔未封英國公永樂十二年征胡安遠侯柳升領太營都督馬旺陳翼程寬金玉副之寧陽侯陳懋左哨襄成伯李隆都督朱崇副之豐城侯李彬右哨遂安伯陳瑛都督費瓛胡原副之成山侯王通左掖保定侯梁瑛都督曹得副之都督譚清左掖新寧伯譚忠都督馬震副之是時 上親征故不立將軍副之號宣德五年禦胡以陽武侯薛祿爲鎮朔大將軍總兵官恭順侯吳克忠爲副總兵武進伯朱

今言卷之一

三二一

冕奉化伯藤定為左右參將此意又非但欲分其權蓋亦難其人以一將將十萬其材豈易得哉嘉靖庚戌虜窺京師 朝廷厘革營務罷團營仍為五軍營內分十二小營改三千營 為神樞營神機營仍舊三營共設總督京營戎政公侯伯一人協理文臣一人五軍營副將二人練勇參將二人參將四人遊擊將軍四人神樞神機營各副將一人練勇參將二人佐擊將軍六人以昌國公故宅為戎政廳給戎政之印柳葉篆文虎鈕如將軍所掛印通計京操凡大營三內分為小營三十副將以下三十人人坐一營副將用真署都督參遊佐擊用真署都指揮或都督大抵統軍不專於一人練軍不專於一人行軍不專於一人皆有意焉

五十一

洪武三年冬儒士魏俊民黃箎劉儼丁鳳鄭思先鄭權上 大明志命秘書監梓行授俊民等官先是 上令俊民等類編天下州郡地理形勢降附始末為書凡行省十二府一百二十州一百八縣八百八十七安撫司三長官司一東至海南至瓊崖西至臨洮北至北平六年令州府繪上山川險易圖十六年詔天下都司上衛所城池地理山川關津亭堠水陸道路倉庫十七年令朝覲官上土地人民圖十八年夏上覽輿地圖侍臣有言輿地之廣古所未有者 上曰地廣則教化難周人衆則撫摩難徧此正當戒慎天命人心惟德是視紂以天下而亡湯以七十里而興所係在德豈在地之大小

五十二
永樂至正統間諸老臣在政地既久且專忠定秉銓忠靖握利權皆二十七年忠宣尚書兩京三十九年而在交南者十有九年忠安為禮部尚書三十二年文襄巡撫江南二十二年以故用人理財禮樂征伐諸大政文經武緯各盡其長章程故在後鮮能及

今言卷之一

四四一

五十三

洪武三十五年 文皇即位開內閣召七臣入預機務名直文淵閣蓋自壬午至嘉靖百六十年間凡六十八人直隸十人南直隸八人浙江八人江西十六人河南七人山東四人福建二人湖廣四人四川四人山西一人廣東三人廣西一人

五十四

異姓追封王者楊王徐王滁陽王皆外戚天造之初滁陽又有先路之功諸功臣家徐氏中山王常氏開平王李氏岐陽王鄧氏寧河王湯氏東甌王沐氏黔寧王定遠王張氏河間王定興王寧陽王公朱氏東平王平陰王 朱氏宣平王岐陽父隴西王凡十四人以子孫王推恩追封者不與焉又有降虜也先土干賜姓名金忠封忠勇王

今言卷之一

四四五

五十五

正統己巳孟冬虜犯京城石亨欲盡閉九門以待勤王之兵于肅愍公力爭請同亨率兵出營德勝門外與虜對壘已而虜被我砲擊死者近萬人大沮退石亨奮欲攝擊肅愍公又力爭縱虜令去出戰所以護京師縱虜所以安 上皇也

五十六

吳元年太史院使劉文成公率其屬高翥等上戊申大統曆洪武元年改院為司天監又置回回司天監是年十一月徵元太史院使張佑張沂司農卿兼太史院使成隸太史同知郭讓朱茂司天少監王可大石澤李義太監趙恂太史院監候劉孝忠靈臺郎張容回回司天監黑的兒阿都刺

今言卷之一

四十六

司天監丞迭里月實十四人二年又徵元回回曆官鄭阿里等十一人至京議曆法占天象三年定為欽天監掌察天文定曆數

五十七

洪武二十七年寰宇通衢書成書分為八目東距遼東都司又自遼東東北至三萬衛西極四川松藩衛又西南距雲南金齒

南踰廣東崖州又東南至福建漳州府址暨北平大寧衛又西北至陝西甘肅為驛九百四十浙江福建江西廣東之道各一河南陝西山東山西北平湖廣廣西雲南之道各二四川之道三為驛七百六十六凡天下道里縱一萬九百里橫一萬一千七百五十里四夷之驛不與焉

五十八

今言卷之一

四十七

外夷封王如朝鮮安南占城海島諸國來朝貢者各以其國名封惟琉球封中山山南山北三王今存中山王北虜封王者四人韃靼阿魯台和寧王瓦剌馬哈木順寧王太平賢義王把禿孛羅安樂王西域二人哈密忠順王阿端安定王西番七人正覺大乘法王如來大寶法王闡化王闡教王輔教王贊善王贊化王

五十九

內官之制定於洪武二十八年凡監十一
 曰神宮曰尚寶曰陵神宮曰尚膳曰尚衣
 曰司設曰內官曰司禮曰御馬曰印綬曰
 直殿凡門四曰奉天門曰午門曰端門曰
 承天門凡司二曰鐘鼓曰惜薪凡局六曰
 兵仗曰內織染曰針工曰巾帽曰司苑曰
 酒醋麪凡庫三曰內承運曰司鑰曰內府
 供應其正官監有太監門有門正皆正四
 品司有司正局庫有大使皆正五品洪武
 三十年增都知監銀作局 東宮六局曰
 典璽曰典藥曰典膳曰典服曰典兵曰典
 乘各正官局郎正五品王府承奉司典寶
 典膳典服三所各有正官正六品又有內
 使門正公主府中使司司正司副皆雜職

六十

洪武五年 上今定女職禮部具陳周制

後宮設內官以贊內治漢設內官一十四
 等凡數百人唐設六局二十四司官凡一
 百九十人女使五十餘人皆選良家女充

上曰古者所設過多宜防女寵垂法將
 來命重加裁定遂立六局一司局曰尚宮

尚儀尚服尚食尚寢尚功司曰宮正俱正
 六品尚宮總司紀司言司簿司闈尚儀總

今言卷之一

四八

今言卷之一

四九

司籍司樂司賓司贊尚服總司寶司衣司
 仗司飾尚食總司饌司醢司藥司供尚寢
 總司設司輿司苑司燈尚功總司製司珎
 司綵司計凡二十四司宮正掌戒令責罰
 之事二十二年令六尚局官服勞既多或
 五載六載歸其父母從宜婚嫁年高者許
 歸以終天命願留者聽其在宮闈及見受
 職者家給與祿視外品

六十一

建文時改官制陞六部尚書正一品設左右侍中各一人位侍郎上諸司去清吏字改戶部為民度支金帛倉庾四司刑部為詳憲比議職門都官四司罷左右都御史設都御史一人副僉都御史各一人又改都察院為御史府設御史大夫正二品革十二道置察院一定御史二十八人改諸

古今言卷之二

五十一

御史為拾遺補缺改通政司為寺通政使為通政卿通政少卿參議寺丞增置左右補缺左右拾遺各一人復大理寺改為司又改卿為大理卿左右寺正都評事寺副副都評事司務都典簿太常寺改卿為太常卿少卿寺丞分左右天壇祠祭署為南郊祠祭署泗州祠祭署為泗濱祠祭署宿州祠祭署為新豐祠祭署孝陵置鍾山祠

祭署及司園所增神藥觀知觀一人光祿寺改卿為光祿卿少卿寺丞如太常而陞少卿從四品省署丞二人增監事二人太僕寺改卿為太僕卿增典廐典牧二署設驕驥十五群遂生三群分隸二署詹事府增少卿寺丞各一人賓客二人又置資德院設資德一人資善二人其屬贊禮贊書著作郎各二人掌籍典簿各一人國子監

古今言卷之二

五十二

陞監丞為堂上官增司業二人省博士學正學錄增助教十七人鴻臚寺改卿為鴻臚卿少卿寺丞如光祿而并行人司於鴻臚寺翰林院增學士承旨一人學士一人設文學博士二人省侍講侍讀學士置文翰文史二館文翰館設侍書改中書舍人為侍書文史館設脩撰編修檢討而以方孝孺為文學博士又改謹身殿為正心殿

設學士一人罷華蓋文華武英三殿文淵
東閣太學士各設學士一人待設無定員
文淵閣設典籍一人六科罷左右給事中
改中東西南北城兵馬指揮司為五城兵
馬司指揮副指揮為兵馬副兵馬始置京
衛武學教授一人啓忠等齋各訓導二人
布政司革左右布政使設布政使一人堂
上官各陞品一級改提刑按察司為十三
道肅政按察司廣東鹽課司為廣東都轉
運鹽使司罷北平山東河南山西陝西五
省及江北學校貢士革五府左右斷事官
五軍斷事司增親王官賓輔二人正三品
伴讀伴講伴書各一人長史一人左右長
史各一人審理正典膳正奉祀正良醫正
典寶正並去正字審理副等改為副審理
等郡王賓友二人正四品教授一人記室

今言卷之

五十一

二人直史一人左右直史各一人吏目一
人典印典祠典禮典饌典藥五署典印典
祠典禮典饌典藥各一人典儀二人引禮
舍人二人儀仗司吏目一人賓輔三伴賓
友教授進對侍坐稱名不稱臣見禮如賓
師靖難後復洪武舊制惟存大理寺不設
斷事官及斷事司正統中復設京衛武學

六十二

今言卷之

五十二

公侯伯爵凡三等以封功臣皆有流有世
並給鐵券高廣凡五等號凡三等佐 高
皇定天下曰開國輔運云云佐 成祖曰
奉天靖難云云餘曰奉天朝運云云其武
臣也曰宣力功臣文臣曰守正文臣歲祿
視功有差多不過五千石已封而又有功
者仍爵或進爵加祿其才而賢也充團營
三營提督總兵坐營官五府掌印僉書

都守備出充總兵官鎮守否食其祿其襲替徵券誥論功過覈適孽幼而嗣者學於國子監有過革冠服平中學於國子監坐罪奪祿重奪爵

六十三

永樂十六年詔纂天下郡縣志命夏忠靖楊文敏金文靖三公領其事景泰中修寰宇通志准祝穆方輿勝覽葉文莊公曰此

全言卷之二

五五

趙宋偏安之物况直為四六設今欲成盛代一統之書宜有資軍國益勸戒如地理戶口類不可缺必如永樂中志書凡例充廣之可也陳芳洲笑曰此豈造黃冊耶天順五年撰

六十四

大明一統志
永樂六年定輿定遠二王上交趾地圖東

西一千七百六十里南北二千八百里乃郡縣其地設都布按三司分十七府曰交州北江諒江三江建平新安建昌奉化清化宣化太原鎮蠻諒山新平又安順化升華四十七州一百五十七縣衛十一所三市舶司一政鷄陵關為鎮夷關

六十五

彭惠安公哀江南詞敘述建文死義之臣至方遜志乃云後來奸佞儒巧言自粉飾叩頭乞餘生無乃非直筆蓋指西楊輩修實錄書方再三叩頭乞生者非實事也

全言卷之二

五五

六十六

靖難之歲十一月副都御史陳瑛言 皇上順天應人以有天下四方萬姓莫不率服然車駕初至京師有不順天而效死建文者如禮部侍中黃觀太常少卿廖昇翰

林修撰王叔英衡府紀善周是修浙江按察使王良沛知縣顧伯瑋等計其存心與叛逆同宜從追戮 上曰朕初舉義誅姦臣不過數輩後來二十九人中如張統王鈍鄭賜黃福尹昌隆皆有而用之今汝所言數人况有不與二十九人之數者彼食其祿自盡其心悉勿問

六十七

今言卷之一

五二六

歷代帝王廟歲仲春秋 皇帝遣大臣祭太昊伏羲氏炎帝神農氏黃帝軒轅氏帝金天氏帝高陽氏帝高辛氏帝陶唐氏帝有虞氏夏禹王商湯王周武王漢高祖皇帝漢光武皇帝唐太宗皇帝宋太祖皇帝分五室室太牢一禮三獻樂七奏舞八佾從祀名臣風后力牧皐陶夔龍伯夷伯益伊尹傳說周公旦召公奭太公望召穆公

虎方叔張良蕭何曹參陳平周勃鄧禹馮異諸葛亮房玄齡杜如晦李靖郭子儀李晟曹彬潘美韓世忠岳飛張浚凡三十二人列兩廡廡二壇壇少牢一先是洪武元年祀三皇用太牢勾芒祝融風后力牧配四年令天下立三皇廟歲春秋祭已而今祭於陵是年命官參考歷代聖帝賢王但在中原安養人民者三十四君合祀之擇

今言卷之一

五二七

名臣從祀六年禮官言古帝王有父子祖孫一廟合祭非禮令別立歷代帝王廟同堂異室歲春秋祀三皇五帝禹湯文王武王漢高祖光武唐高祖太宗宋太祖元世祖其守成賢君令所在有司歲春秋祭於陵七年塑帝王衮冕坐像 上曰伏羲神農未有衣裳之制勿加冕服已而郊祀祔祭諸帝王省春祭歲仲秋遣官祭於廟二

十年以武成王從祀帝王廟去王號罷故廟祀二十一年禮官擇上歷代名臣始終全節者三十五人從祀帝王廟 上曰趙普負太祖不忠不可祀元木華黎安童祖也不可祀孫而去祖可祀木華黎罷安童祀祀伯顏阿朮可勿祀又曰漢陳平馮異宋潘美皆宜祀未幾 上曰文王雖基周命終守臣節唐高祖有天下本太宗力也

今言卷之二

五十八

可勿祀祀於陵增祀隋文帝是年廟火改建于欽天山之陽去隋文帝子午卯酉年傳制祭陵停廟祭嘉靖九年罷歷代帝王南郊從祀禮官請加南京廟春祭 上不從令建廟京師歲仲春秋祭南京祭罷十年春廟未成 今皇帝祀之文華殿廟初成 今皇帝至廟祭是年修撰姚涑請罷元世祖祀禮官議不可 上從禮官議二

十四年給事中陳棐又言之乃罷祀元世祖并罷從祀木華黎五人

六十八

外戚封公自嘉靖始也張鶴齡嗣壽寧伯進侯又以迎立 今皇帝進封昌國公慶雲長寧 孝肅太后家二侯伯瑞安崇善安仁 孝貞皇后家三侯伯惟延齡兄弟公侯最貴盛得禍亦最慘

今言卷之二

五十九

六十九

駙馬無封侯者灤城富陽永春西寧皆以軍功封惟永康公主駙馬崔元以迎立今皇帝封京山侯 孝陵少公主駙馬趙輝天順中求封侯不得

七十

洪武十九年 大誥三編俱成二十八年始令法司擬罪引大誥減等蓋因 大誥

初序末有云一切官民諸色人等戶戶有
此一本若犯笞杖徒流罪名每減一等無
者每加一等故也然至今但有減等而無
加等

七十一

開國功臣常李鄧湯劉五姓嘉靖中續封
甚愜人情但李太師之後不沾一命尚為
缺典

七十二

孝烈皇后將葬 上念西苑之變 孝烈
有大功欲葬於 孝潔皇后之左已而中
止 上新作壽陵至是定名永陵令先葬
后 上曰孝陵長陵先葬 孝慈 仁孝
也

七十三

成祖於建文已卯七月起兵靖難宸濂亦

以正德已卯六月反湖廣二閣老皆石首
人文定永樂甲辰文簡嘉靖甲辰入閣所
事 二帝皆藩王入繼大統永樂辛丑四
月 三殿災嘉靖辛丑四月 九廟災

七十四

聖祖開科詔務求博古通今之士乃所試
僅有判語及一二時務策生徒竟未識
大明律所云時務盡掇速括帖以故士乏

通今之學其於政體得失人材優劣且不

論只 歷朝紀年及 后姓陵名知者亦

鮮近二十年來士大夫始以通今學古為
高矣

七十五

入內閣為輔臣預機務特避丞相名耳實
始於建文四年長陵即位之初閣中有文
淵閣印印文玉箸篆惟封上詔草題奏揭

帖用之不得下諸司下諸司以翰林院印
凡入內閣云直文淵閣即官至三殿二閣
二坊大學士無入內閣旨不得與機務也
雖編修贊善等官有入內閣旨亦得預機
務矣文淵閣在禁中徐武功署銜自稱掌
文淵閣事可乎

七十六

我朝 帝后尊謚皆有孝字惟 景皇汪

今言卷之十

六十一

后無孝字文臣無謚孝者國初惟贈東海
侯陳文字孝勇

七十七

春秋謹華夷之辨中國有主也文中子帝
元魏未為非 聖祖功德高百王詔文嘗
稱曰天命真人於沙漠帝王廟中以元世
祖與三皇五帝三王漢高光唐宗宋祖並
祀真聖人卓越之見

七十八

吳元年冬 孝陵念七子漸長宜習勞令
內侍製麻屨行藤凡諸子出城稍遠馬行
十七步行十三七子懿文太子秦愍王晉
恭王 成祖周定王楚昭王齊庶人也

七十九

正德時神英封涇陽伯本無大功江彬平
虜伯許太安邊伯武德永壽伯以義兒故

今言卷之十

六十二

得封彬誅死太謫戍邊英德及太監家七
伯皆革

八十

嘉靖己酉應天試錄策言初開內閣所用
七人者皆修撰編修檢討等官然不言當
時七人者惟文穆修撰文敏編修耳大紳
起謫胥為待詔文簡中書舍人文貞齊王
府審理副陞編修文靖給事中若思桐城

知縣陸檢討非由翰林者亦入內閣也

八十一

國初郊廟社稷先農為大祀已而改先農及山川帝王先師旗纛為中祀諸神小祀今皇帝以朝日夕月天神地祇為中祀大祀致齋三日中祀二日祀有牲牲四等曰犢曰牛曰太牢曰少牢色尚騂或黝天地日月加玉焉玉三等曰蒼璧曰黃琮曰

今言卷之一

六十四

玉牲大祀入滌九旬中祀三旬小祀一旬殺禮不用牲用果脯從其族也或用素羞祀有帛大祀中祀京師用制帛制帛五等曰郊祀曰奉先曰禮神曰褒親曰報功小祀素帛禮佛帛王國司府州縣亦用帛小祀則否凡祀有樂樂四等曰九奏曰八奏曰七奏曰六奏奏樂有歌有舞歌堂上舞堂下舞皆八佾佾有文有武先師六佾佾

去武小祀則否凡助祭文臣五品武臣四品以上嘉靖中都給事中乞得助祭帝社稷無助祭大臣五六人陪拜焉小祀則否

八十二

洪武十七年大明清類天文分野書成凡二十四卷詔賜秦晉燕周楚齊六府是書刻在南雍余嘗託友人印刷友人言此非我朝書殆前代人所纂或出山野小說家

今言卷之二

六十五

洪武中止有今南京為京師何以此書乃有北京又言南京應天府若前代書何以又有十二布政司布政司古未有也余曰是洪武中書無疑此時未有貴州布政司而有北平又洪武元年詔以應天為南京大梁為北京矣

八十三

懿敬太子妃常氏 懿文太子元配也建

文帝追尊為孝康皇后 武宗母張后尊
謚亦孝康皇后

八十四

洪武癸亥賜六部尚書馬已巳賜有司方
面官馬諭兵部試尚書茹瑞曰布按二司
官方面重臣府州縣官民之師帥跨驢出
入非所以示民或假馬部民因被浸潤不
能舉職甚乖治體其官為市馬司二十匹

全言卷之二

六十六

府半之州縣又半之馬一率十戶食之歲
一更

八十五

宣德七年大學士張瑛乞增南北兩京七
品以下官俸正統元年副都御史吳訥言
洪武間京官俸全支後因營造減省遂為
例近小官多不能贍如廣西道御史劉準
由進士授官月支俸米一石五斗不能養

其母妻子女貸同道御史王裕等刑部主
事廖謨等俸米三十餘石去年病死竟負
無還乞下廷議增俸

八十六

洪武五年罷孟子配享文廟踰年 上曰
我聞孟子辯異端闢邪說發明孔子之道
宜祀如故二十九年罷楊雄從祀祀董仲
舒正統二年進胡安國蔡沉真德秀從祀

全言卷之二

六十七

八年追封吳澄為臨川郡公從祀成化二
年追封仲舒為廣川伯安國建寧伯沉崇
安伯德秀浦城伯弘治八年追封楊時為
將樂伯從祀嘉靖九年改大成至聖文宣
王為至聖先師孔子四配為復聖顏子宗
聖曾子述聖子思子亞聖孟子從祀及門
弟子稱先賢左丘明以下稱先儒去塑像
設木主盡罷公侯伯諸封爵申黨申棖二

人存根去黨公伯察秦冉顏何荀况戴聖
劉向賈逵馬融何休王肅王弼杜預吳澄
十三人罷祀林放蘧瑗鄭玄鄭衆盧植服
虔范甯七人祀於其鄉進后蒼王通胡瑗
歐陽修陸九淵從祀改稱大成殿為先師
廟大成門為廟門別立祠祀齊公叔梁紇
稱啓聖公孔氏以顏無繇曾點孔鯉孟孫
氏配稱先賢程珦朱松蔡元定從祀稱先
儒撤無繇點鯉從祀

八十七

永樂十八年論營建北京功陞營繕郎中
蔡信為工部右侍郎所副七人為所正丞
六人為所副匠二十三人為所丞賜督工
群臣及兵民夫匠鈔椒蘇木有差正統年
間營建三殿兩宮包砌京城及修造各衙
門陞除匠宦不過五六人

八十八

國初都金陵以西北胡戎之故列鎮分封
似乎過制當時已有葉居升輩漢人七國
之慮今考廣寧遼王大寧寧王宣府谷王
大同代王寧夏慶王甘肅肅王皆得專制
率師禦虜而長陵時在昌平為燕王尤
英武稍內則西安秦王太原晉王亦時時
出兵與諸藩鎮將表裏防守 孝陵崩少

裁抑而齊黃諸臣受禍矣肅王今移蘭州

八十九

洪武六年武官一萬二千九百八十八人
九年擇功臣子耿璣等一百四人為散騎舍
人十一年選武臣子弟入國子學讀書十
四年令公侯武臣皆遣子弟入國子學受
業二十一年頒武臣大誥又頒八條勅諭
武臣又頒武臣訓戒錄又賜武臣保身勅

二十二年禁武臣預民事二十三年賜公
侯伯屯戍百戶二十六年頒稽制錄於諸
功臣二十九年大賚致仕武臣各陞一級
銓於甘肅大同北平大寧遼東諸衛所凡
千五百人

九十

嘉靖九年更定南北郊禮南郊 皇天上
帝南向 太祖西向東一壇大明西一壇

本朝卷之

十一

夜明東二壇二十八宿西二壇雲師雨師
風師雷師北郊 皇地祇北向 太祖西
向東一壇中嶽東嶽南嶽西嶽北嶽基運
山朔聖山神烈山西向西一壇中鎮東鎮
南鎮西鎮北鎮天壽山純德山東向東二
壇東海西海南海北海西向西二壇大江
大淮大河大漢東向

九十一

天壽七陵惟景陵規制獨小嘉靖丙申稍
廓大之是年作壽陵即永陵也在天壽迄
東十八道嶺夫君即位為禪禮也昔漢文
帝表灑西唐太宗營九巖我 二祖先作
二陵故並獲吉壤 今皇帝因謁七陵遂
有壽宮之役真達天高世之見

九十二

洪武二年立功臣廟於鷄鳴山論功列祀

本朝卷之

十二

二十一人命死者塑其像生者虛其位是
時胡大海馮國用趙德勝耿再成丁德興
俞通海張德勝茅成八人先棲神於卞蔣
等廟乃塑像移祀於此徐常李鄧湯沐六
王及華高吳良吳楨曹良臣康茂才吳復
孫興祖尚存但虛其位洪武二年 太廟
侑享初有廖永安凡十三人永安俞通海
張德勝乘世傑耿再成胡大海趙德勝七

人已卒祀廟中九年始加封號贈謚罷永安祀時徐常李鄧湯沐六王俟其卒進侑皆太祖所親定也然功臣廟無廖永安乘世傑而太廟乃有之馮國用丁德興茅成華高吳良吳楨曹良臣康茂才吳復孫興祖祭於功臣廟而太廟侑享不與焉此太祖之權衡度量非後人所能測識也昔西漢定元功十八人位次東漢雲

今言卷之二

十三

臺三十二人唐凌烟二十四人宋昭勲崇德十人皆託褒揚於位貌而已太祖之廟庭侑享則以血食寓褒揚其報最重其禮最隆矣嘉靖十六年郭勳欲進祀其立功之祖武定侯英於太廟乃倣三國志俗說及水滸傳爲國朝英烈記言生擒士誠射死友諒皆英之功傳說宮禁動人聽聞已乃疏乞祀英於廟廡又言英本

開國功臣卒於永樂年間以故不廟祀而不知太祖定廟祀時固兼生死而論定矣且英之封在洪武十七年論平雲南功大將穎川侯傅友德進封賴國公副將藍玉仇成王弼先封流侯者與世嗣偏裨都督僉事陳桓海郭英張翼兵興以來屢効勤勞今勳尤著於是桓封普定侯海東川侯英武定侯翼鶴慶侯蓋廟祀定後十

今言卷之二

十三

六年而英始侯也

九十三

侑廟功臣位次中山王十二人洪武年定河間王四人洪熙年定皆序封爵首王次公次侯開國功臣靖難功臣各自爲序嘉靖丁酉進誠意伯位六王之下群公之上以爲不倫及營國公郭英進祝并兩朝功臣敘爵於是營國公列永義侯之上誠意

伯列寧國公之下矣

九十四

嘉靖十四年二月羣臣於東閣集議大行
莊肅皇后謚大學士孚敬首曰 莊肅皇
后與累朝事體不同其謚只諱二字四字
尚書言曰今各廟元后俱十二字恐二字
四字未稱大學士時曰二字四字大少須
得八字都御史廷相曰 莊肅作配 武

今言卷之一

七十四

宗謚宜一體吏部侍郎韜曰謚者天下之
公非天子自行之宜備陳以請乃上議言
古人尚質謚法尚簡嚴故稱美之言無幾
後世帝后之謚始有不一其書者亦臣子
尊崇之情生今之世則當行今之禮我朝
列聖元后謚皆十二字蓋大行盛名
后媿美妻以夫尊禮宜與並今 武宗
謚既與 列聖相同則莊肅謚號似亦

不宜稍異且今日加謚祇以表行尊名其
於服制有無名分尊卑本不相涉 上曰
事嫂如事母人道有此乎非朕自尊 兩
宮在上 昭聖皇太后有母道宜再會議
議上宜且據謚法止用二字候他日再加
徽號以備全典 上曰用六字謚 孝靜
莊惠安肅毅皇后數既用半且陰六又合
嘉靖十五年四月 上坐天壽山行宮面

今言卷之一

七十五

諭言曰皇嫂孝靜皇后謚用六字於禮未
備還用全謚庶合典禮九月 上御文華
殿面授言御筆定謚孝靜皇后為 孝靜
莊惠安肅溫誠順天偕聖毅皇后

九十五

弘治十一年三月監生江瑤奏言劉健李
東陽杜絕言路掩蔽聰明妬賢嫉能排抑
勝已急宜斥退徒東陽疏言近日兩京科

道指陳時弊并劾奔競交結乞恩傳奉等官雖未盡當類多可採而乃漫無可否槩下施行自 祖宗朝至今未有此事皆臣等因循將順苟避嫌疑不能力贊乾剛俯從輿論別白忠邪明正賞罰以致人心惶惑物議沸騰草野之下其言乃至於此乞罷 上不許下瑤詔獄徒等又上疏力救容得釋

今言卷之一

七十六

九十六

南京設參贊機務自戶部尚書黃忠宣公始實宣德乙卯也巳而黃公兼掌兵部事正統五年代黃公者兵部侍郎徐琦正統十四年琦陞尚書景泰元年止掌部事靖遠伯代琦總督機務成化間崔莊敏公以南吏書王端毅公以南右都御史參贊機務恐亦未然又云始於正統辛酉亦非蓋

正統辛酉始定名南京也

九十七

永樂五年七月辛卯以成國公朱能為征夷將軍總兵官西平侯沐晟新城侯張輔左右副將軍豐城侯李彬雲陽伯陳旭左右參將大將軍率右副將軍右參將及清遠伯陳友統神機將軍程寬朱貴等遊擊將軍毛八丹朱廣王恕等橫海將軍魯麟

今言卷之一

七十七

王玉商鵬等鷹陽將軍呂毅朱吳江浩方政等驃騎將軍朱榮金銘吳旺劉劄出等二十五將軍以兩京畿荆湖閩浙廣東西兵出廣西憑祥左副將軍左參將統都指揮陳睿盧旺等以巴蜀建昌雲貴兵出雲南蒙自兵部尚書劉儁參贊戎務行部尚書黃福大理卿陳洽轉餉征交趾

九十八

洪武至宣德六十八年間登極立 中宮
 東宮及上 慈闈尊號徽號詔皆無文
 武官封贈廕子試署實授恩例英宗登極
 詔始令署都督僉事事都指揮署都指揮
 僉事事指揮實授 景皇登極詔始今在
 京文官及在外方面官一考無賊犯者照
 洪熙宣德年例與誥勅景泰三年立懷獻
 太子詔始令署郎中員外郎主事試中書
今言卷之二 七十八
 實授又與土木死事諸臣誥勅封贈廕子
 入監不願入監者聽天順復辟詔始今內
 外文武署職試職因功陞授者與實授天
 順八年 兩宮徽號詔始封兩京文武七
 品以上官父母署職試職實授成化二十
 三年上 慈闈尊號詔兩京文武官七品
 至四品先封父母三品以上與誥命恭陵
 登極詔內外文武官署職試職實授內外武


官天順八年正月以前功陞試職署職遇
 例實授該世襲者子孫仍襲其未實授及
 以後功陞試職署職實授弘治五年立
 東宮詔文武官試職署職年半以上者實
 授不及年半者扣至實授弘治十一年清
 寧宮災詔兩京文武官署職試職理刑者實
 授歷任未及一考者與誥勅其誥勅准給
 未領因事降調非貪淫酷刑者仍給與弘
今言卷之二 三十九
 治十八年上 兩宮尊號詔文武官署職
 試職實授兩京七品以上文官未及一考
 與誥勅父母已封者服色許與子同 今
 上登極詔正德十四年文武官負人等因
 諫止巡遊跪門責打降級改除為民充軍
 者該部具奏起取復職酌量陞用打死者
 追贈論祭仍廕子入監讀書充軍故絕者
 一體追贈論祭優養親屬嘉靖元年 尊

號詔兩京文官未一考者與誥勅父母已封者服色許與子同誥勅准給未領因事降調非貪淫酷刑者仍給與嘉靖九年大報禮成詔兩京文官未及一考無過者給與誥勅嘉靖十九年 皇子生詔始令兩京三品上文官例該廢子未及一考者廢子入監兩京文官未及一考者在外七品以上歷任三年無過者與誥勅文官五品以上武官四品以上署職試職者并試職御史實授仍與誥勅十五年立 東宮詔兩京三品上文官廢子兩京文官未及一考者在外七品以上官歷任三年無過者與誥勅兩京文武官署職試職實授仍與誥勅十七年 郊廟大禮成詔兩京文職并在外五品以上方面有司四品官未及一考者與誥勅兩京文武官并新舊武

舉官署職試職實授仍與詔勅十八年立東宮兩京文職三品上官與誥勅廢子二十四年 宗廟成詔兩京文官未及一考與誥勅署職試職實授仍與誥勂愿馳封者聽

今言卷之一終

八二



今言卷之二

海鹽鄭曉

九十九

御用左少監阮浪侍 英廟南宮浪下內
官王堯者往蘆溝橋抽分浪以南宮所賞
鍍金梁扣綉茄袋鍍金結束刀一把與堯
堯歸飲錦衣指揮盧忠家蹴毬褫衣忠因
見其袋刀非常制遂令妻進酒醉忠解之

今言卷之二

俄而入皇城白裏行太監高平以為南宮
欲謀復皇儲令浪遺堯以袋刀賞忠求外
應堯竟以此與浪義子趙縉皆凌遲沒產
浪入詔獄炮烙煅煉苦慘備至卒不承死
律申天順復辟平忠亦凌遲贈浪本監太
監命儒臣撰文立碑官縉子銳錦衣試所
鎮撫

一百

景泰元年九月初令九卿內閣相移文書
名內閣移司屬書孔目名

一百一

永樂癸未至天順丁丑五十五年吏部尚
書蹇郭王三公何文淵王九皋佐泰和也
天順丁丑至弘治乙丑四十九年九十一
人而耿文恪再入吏部正德丙寅至嘉靖
丁未四十二年凡二十二人羅楊李三公

今言卷之二

未任王許二公再入永樂至弘治以前象
宰無坐罪者正德以後綵伏誅陸王謫戍
喬熊唐削籍

一百二

南都之有叅贊機務也自黃忠宣公始也
黃公初至南都為戶部尚書尋兼掌兵部
裕陵即位初始有叅贊機務蓋 長陵
崩後仍稱北京為行在則南都為京師故

一冊九十一冊 續修四庫全書 2 頁

稱機務正統六年定都北京去行在則當
改爲參贊留務矣往時參贊不專兵部近
時王端毅公以留臺參贊機務後陞南京
兵部尚書又參贊先是靖遠伯王忠毅公
兼南京兵部尚書稱總督機務正德末新
建伯王陽明亦兼南兵書乃止稱參贊

一百三

我朝雖設脩撰編修檢討爲史官特有其

今言卷之二

三

名耳實錄進呈焚草液池一字不傳况中
間類多細事重大政體進退人材多不錄
每科京師鄉試考官賜宴皆書彖宰內閣
大臣其先後相繼竟不可考他可知矣

一百四

人言金石之文及志書可信余嘗錄九卿
題名殊可笑兵部尚書刻齊太鐵鉉時未
有北京也况鐵以軍功陞仍在行中未嘗

任部事嘉靖中一時五尚書皆經畧四方
未嘗至部亦題其名胡端敏公實爲兵部
尚書代王時中而李康惠公繼之乃不書
其名名在侍郎中又不書陞本部尚書初
建北京設行部部設尚書三人侍郎四人
其屬六曹清吏司以戶部尚書掌北平布
政司事郭資刑部尚書掌保定府事雜僉
爲尚書僉坐事死黃忠宣公代之劉辰實

今言卷之二

四

爲行部侍郎今改行爲刑盡題名刑部江
西通志首書寧王封於寧夏而不知寧王
之封大寧大寧即北平行都司地永樂初
以其地畀朵顏三衛遷都司於保定山東
通志書齊王賢熒反而不知反者賢熒之
父禱也他如此類不可悉舉

一百五

永樂中解公胡公出內閣爲廣西參議國

子祭酒宣德四年禮書華蓋殿大學士張瑛戶書謹身殿大學士陳山以干請諸司出內閣改瑛南京禮部山專教內豎書景泰七年江淵亦自內閣出為工部尚書代石璞

一百六

國朝取天下於胡元順帝遁去而名號尚存不得已常遣使欲與通和順帝崩其子

愛猷識理達刺稱帝塞外洪武五年上

書諭元幼主欲其通好遣使取其子買的

里八刺北歸初買的里八刺為我兵所獲

封崇禮侯留京師七年遣使送崇禮侯北

去愛猷識理達刺死其子脫古思帖木兒

立脫古思帖木兒即買的里八刺也二十

一年脫古思帖木兒為其下也速迭兒所

弑諸酋立坤帖木兒為可汗而猛哥帖木

兒為瓦剌王是時虜數侵邊魏國公達宋

國公勝涼國公玉穎國公友德西平侯英

成祖晉王周世子相繼討虜虜益擾我

塞下建文二年虜中衰亂其大酋脫列干

等乃款塞三年坤帖木兒亦遣人歸款北

平是年坤帖木兒死鬼力赤立為可汗永

樂元年遣指揮朶兒只恍惚等書諭可汗

通好不聽再言論亦不聽已而鬼力赤與

瓦剌相讐殺始皆遣人入貢然亦數寇邊

四年書諭可汗通好勿拘留我使不報六

年書諭本雅失理是時鬼力赤衰虜中立

本雅失理為可汗七年遣給事中郭驥使

虜通好虜不從殺驥上怒乃封瓦剌酋

馬哈木為順寧王太平賢義王把禿孛羅

安樂王以撓本雅失理而遣淇國公武城

侯同安侯靖安侯安平侯五將軍出塞討

虜五將軍入虜伏敗沒於臚胸河八年
成祖出塞討本雅失理及其臣阿魯台十
一年遣人招阿魯台十二年瓦剌叛侵邊
成祖北征瓦剌是時瓦剌數攻敗阿魯台
阿魯台乞保息塞外遣使奉表稱臣貢駝
馬 上曰虜性黠詐勢窮來歸非其本心
然天地覆育豈有所擇納其貢使封為和
寧王久之生聚畜牧蕃富遂叛我拘留我
使數寇邊二十年圍我興和 成祖怒出
塞討阿魯台阿魯台北走班師還是年阿
魯台弒其主本雅失理而自立本雅失理
妻率其屬來朝乞居內地避之二十一年
成祖又出塞討阿魯台阿魯台時為馬刺
木之子脫歡所敗二十二年阿魯台部落
侵塞上 成祖又出塞討之自順帝至鬼
力赤尼七世其二世不可考洪熙元年馬

今言卷之二

七

哈木破阿魯台欲自立衆心不附乃立元
孛脫脫不花為主居漠北宣德元年阿魯
台脫歡各遣人朝貢是時瓦剌強而阿魯
台弱八年阿魯台遣人自遼東入貢 上
勅總兵巫凱曰往年虜使自大同宣府入
今乃迂路從遼東來謹防之瓦剌殘阿魯
台阿魯台遣人來告瓦剌之難賜刺撫諭
之阿魯台為瓦剌所敗死脫歡遣人朝貢
告殺阿魯台阿魯台子阿卜只掩來歸以
為中府左都督正統元年脫歡與其酋朵
兒只怕讐殺脫歡遣人貢馬且通兀良哈
女直伺我塞下二年脫脫不花遣人貢馬
四年五年數貢馬亦數入塞六年脫脫不
花及其太師也先遣人貢馬八年又貢馬
也先者脫歡之子也當是時脫脫不花弱
而也先強也先又以其姊妻脫脫不花數

今言卷之二

八

年間挾脫脫不花遣人並入貢馬允得賜金帛無筭使人皆館京師逾春始遣還桀驁不恭時時殺掠道路我往來通事變詐出好語告以中國虛實也先因與通事言吾有子請婚南朝公主通事皆許給之曰吾為若奏 皇帝皇帝許爾也先大喜誇諸酋曰吾且進聘禮十四年春遣二千人貢馬曰此聘禮也朝廷初不知答詔不及和親事也先大愧怒七月大舉分寇大同宣府塞上諸城堡多陷沒羽書紛至遣駙馬都尉井源等四將軍統兵四萬出禦虜太監王振力勸 上親征八月庚申至土木車駕址狩十月虜復至京師索大臣出議和迎車駕以通政司參議王復為禮部侍郎中書舍人趙榮為鴻臚卿出見 英宗辭歸時瓦剌可汗普化即脫脫不花也

遣使貢馬尋和十一月也先又遣使索六臣議和皆不許景泰元年吏部辦事吏徐鎮上疏言京官潛遣家歸民心驚懼乞禁止時虜酋阿剌知院遣人貢馬請和賜勅答之虜遂至大同宣府京師戒嚴阿剌又遣人貢馬也先亦遣人至居庸關我遣禮部侍郎李實大理少卿羅綺指揮馬顯偕阿剌使人至瓦剌貽書可汗賜勅也先及阿剌而脫脫不花遣皮兒馬黑麻貢馬至京又遣右都御史楊善工部侍郎趙榮都指揮王息正千戶湯胤勣偕皮兒馬黑麻使虜而李實等及也先使人把禿至京把禿還賜勅也先八月丙戌楊善等奉 英宗還京居南宮 景皇宴瓦剌使人於奉天門 英宗宴之南宮已而脫脫不花也先各遣人貢馬賜勅也先稱瓦剌都總兵

答刺罕大師准王大頭目中書右丞相二
年也先強盛劫奪脫脫不花而遣人貢馬
三年遺書刺瓦可汗是年也先逐脫脫不
花收其妻妾太子人畜獻良馬二告捷逾
月也先又遣人貢馬請命使往來 上曰
正統中緣使臣往來構隙幾危宗社今聽
虜使朝貢優其賞宴便遂勅邊鎮練兵防
虜十一月宴瓦刺使臣太尉察占平章哈

今言卷之二

十一

只呵力等二千九百四十五人於禮部是
冬也先及其諸酋乞黃紫織金九龍紵絲
及金酒器藥材顏料樂器佩刀諸物禮部
言龍袍金器非所宜用乞勿與與藥材諸
物數年間也先人每至京輒幾千人出入
齎恣歐守衛掠人財物至欲騎入長安門
稍稍約束即彎弓持刀欲奪馬殺人通事
訛督昌英每尋無沮之不聽輒侮罵貢使

尚在京時時入塞擄掠人畜將官請勦又
以通好故恐貪功啓隙不欲與虜戰虜益
驕東結朶顏西交哈密脇赤斤蒙古往來
窺塞下四年正月瓦刺使還勅也先日太
師求答使朕恐使交構彼此懷疑以故不
遣大師遣人多二次三千餘人邊將堅請
謝絕朕念大師忠義姑聽使人入京自後
可少遣遣時與總數文書否守關者閉不

今言卷之三

十二

納大師並各頭目差正副使二十二人陞
都督都指揮指揮千戶等官賞金相犀帶
九釵花金帶九素金帶三花銀帶一其三
千餘人貢馬貂鼠皮賞織金綵表紵絲二
萬六千四百三十二絹九萬一百二十七
衣靴帽萬諭大師知之是月也先攻敗脫
脫不花奔兀良哈依沙不丹沙不丹殺脫
脫不花也先遂自立爲可汗十月也先遣

哈只貢馬貂鼠銀鼠皮書稱大元田盛大
 可汗田盛華言天聖也末書添元元年下
 禮官會議答書吏科都給事中林聰言輒
 稱可汗不可宜諭以順逆安遠侯柳溥言
 宜仍稱瓦剌太師并下廷議禮官胡濙等
 言大元田盛大可汗固不可從若可汗乃
 隋唐以來比然酋長之常稱非中國所禁
 稱為瓦剌汗便 上今再議儀制郎中
 章綸言稱可汗則彼益強橫稱太師則彼
 必慙憤封為敬順王或稱為瓦剌王便再
 下廷議濙等復言稱瓦剌可汗便言官盧
 祥李鈞路壁等以為不便宜仍稱太師
 上曰也先雖桀傲亦能敬順朝廷宜如議
 稱瓦剌可汗勅文武督兵大臣曰也先擅
 易名號其所遣使從大同來或從宣府甘
 肅來好計叵測京師備禦不可不嚴爾等

其選兵訓練條上長策聽便宜行事并勅
 沿邊守將十一月瓦剌使臣貢玉石五千
 九百觔却令自售也先第賽因諸酋並遣
 人貢馬時也先新立恐諸部不附欲與中
 朝通好貢市往來不復深入寇掠然數年
 賞賜費亦不下百萬天順初也先有平章
 哈刺者逐也先走死部落遂分散而孛來
 癘王子強孛來殺哈刺立小王子小王子
 之名始此不知其所自起孛來尋弒小王
 子天順二年春孛來寇陝西三年秋寇大
 同抵鴈門烽火達於京師俄又寇宣府五
 年寇河西入蘭州關隴震動六年孛來衰
 而毛里孩阿羅出猛可三酋逐孛來共立
 脫思亦稱小王子脫思者故小王子從兄
 也小王子弱不能馭而諸酋毛里孩阿羅
 出孛羅出始入套爭水草不相能以故不

敢深入爲寇時遣人貢馬成化初阿羅出
結訛加思蘭孛羅出結毛里孩各爲黨出
入河套我漢人被虜去及罪人走塞外者
又爲之鄉導元年遂入榆林塞二年毛里
孩入寇陝西三年又入榆林塞入大同塞
是年訛加思蘭殺阿羅出併其衆而結滿
魯都滿魯都僭稱可汗以訛加思蘭爲太
師脫思不知其所終五年孛羅出訛加思

今言卷之二

十五

蘭入榆林塞又入寧夏塞掠至固原六年
阿羅出毛里孩也烈忽屢入陝西塞八年
都御史王越總制關中軍務言自虜據河
套邊人大擾乞搜套復東勝 上遣武靖
侯趙輔爲總兵出搜套輔以疾還遣吏部
侍郎葉盛行邊上方畧盛言增兵守險便
河套東勝之役未可輕議遂止九年冬虜
遣人貢馬十年虜寇大同宣府及莊浪寧

靜深入鞏昌平涼然亦遣人貢馬十二年
寇宣府十三年寇宣府滿魯都訛加思蘭
遣桶哈阿忽刺千七百五十人貢馬駝五
千當是時訛加思蘭女妻滿魯都欲代滿
魯都爲可汗恐衆不已服又欲殺滿魯都
而立幹赤來爲可汗滿魯都知之索幹赤
來訛加思蘭匿不與遂相售殺十五年滿
魯都殺訛加思蘭併其衆十六年滿魯都

今言卷之二

十六

入榆林塞尚書王越率兵出塞捕虜至威
寧海斬虜首四百三十七封威寧伯十七
年亦思馬因入大同塞十八年又寇大同
十九年入大同宣府塞二十年戶部尚書
余子俊提兵禦虜虜退去是時虜衆分散
反復相殘並陰結朵顏伺我塞下即貢馬
諸酋各以部落通中國恐中國左右以故
雖深入彼自相猜不能久留內地未幾滿

都魯衰而把禿猛可稱小王子及其太師亦思馬因知院脫羅干屢遣人貢馬弘治初把禿猛可死阿友立其弟伯顏猛可為王虜中太師官最尊諸酋以王幼恐太師專權不復設太師三年伯顏猛可及其諸酋與瓦剌酋并遣人貢馬時馬文升為兵部尚書僉都御史許進巡撫大同進數條邊事戎政修明中朝大臣知進進疏至輒

今言卷之三

十七

允下進嘗貽書小王子言通貢之利小王子瓦剌二種聞進威名遣哈桶察察少保等貢馬凡三年三貢多至三千人少不下二千皆從貓兒庄入雷大同遣數百人至京師當是時伯顏猛可幼新立瓦剌亦衰以故數年間我無虜患七年遂大舉寇陝西十年寇甘涼其酋火篩小王子部落也最強悍結諸部寇大同宣府歸正人言虜

謀且深入勅侍郎許進督軍劉大夏轉餉禦虜又召王越總制陝西軍務經畧哈密是年虜亦貢馬十二年虜迭入榆林大同寧夏塞亦遣人貢馬十三年火篩入大同宣府塞京師戒嚴火篩屢寇邊獲財畜日強盛跋扈與小王子爭雄糾諸部入寇上遣都督李澄守潮河川張晟居庸關襄城伯鄒紫荆關侍郎李介經畧宣大王宗

今言卷之三

十八

彝黃花鎮天壽山及居庸白羊關史琳紫荊倒馬關備虜是秋虜入榆林塞冬入偏頭關十四年秋火篩入花馬池至固原大掠自後虜寇關隴輒由花馬池矣十五年秋虜入大同塞時劉大夏在兵部秦紘總督陝西軍務十六年虜入榆林塞十七年兀良哈結小王子寇邊小王子遂稱求貢否且深入謀虜諸酋期分道並犯黃裏

黃裏者華言京城也 上召見內閣劉從
等議兵事是秋虜入大同塞 上銳意討
虜太監苗達數請出師大夏方言不可乃
已 是冬虜入花馬池清水營攻陷清水營
起楊一清經畧陝西正德元年改一清總
制軍務一清請復守東勝據河套水草之
利會 泰陵崩逆瑾專政一清去不果是
年大夏致仕四年冬虜入花馬池殺總制
尚書才寬先是小王子太師亦不刺有女
許嫁小王子而小王子之弟阿爾禿斯娶
為子婦小王子恨之欲殺阿爾禿斯亦不
刺是年二酋奔出河套入西海攻破西寧
諸族據其地而居之二酋尋歸小王子未
幾亦不刺殺小王子長子阿爾倫台吉復
走入西海八年虜入宣府塞十年朶顏止
虜入馬蘭谷殺參將陳乾是秋虜深入固

今言卷之二

十九

原平涼十一年春虜入榆林塞秋入宣府
塞十三年入寧夏塞大掠秦隴十六年虜
入花馬池瓦剌西徙與土魯番相讐殺小
王子三子長阿爾倫台吉次阿著次蒲官
嗔阿爾倫台吉二子長卜赤次也明皆幼
著稱小王子阿著死衆立卜赤稱亦克罕
卜赤死而不及兒台吉稱小王子或曰不
及兒台吉即也明或曰卜赤子也阿著二
子曰吉囊曰俺答阿不孩亦不刺部從吉
囊火篩部從俺答而小王子種落又盛
一百七

今言卷之二

二十一

一百八

諸司印玖疊篆御史印捌疊文淵閣印玉著將軍掛印柳葉

一百九

蔣用文初名武生以字行儀真人洪武中為御醫永樂八年陞院判專侍文華殿用文能視病制方性謹愿恭恪有行義達世務事東宮每効規益卒之明年 仁宗贈

太醫院使謚恭靖官其長子主善為院判

一百一十

巡撫之名寔始於洪武辛未是年勅遣皇太子巡撫陝西也建文中遣侍郎夏忠靖等二十四人充採訪使巡行天下永樂辛丑遣尚書蹇忠定等二十六人巡行天下宣德庚戌遣侍郎于肅愍周文襄等六人出巡撫也建文永樂巡行大臣並以給

事中位之

一百一十一

天網恢恢疎而不漏慎哉慎哉江彬領兵殺一家二十口報功論死得脫朱寧淫人之妻而殺其夫逃入豹房二人皆得幸康陵竟罹極刑以語言竿牘之間陷人於死豈無果報况竊 上權矯 王命而殺人是一事而得二斬罪矣况又不止於一

事一人乎慎哉慎哉

一百一十二

趙古則搗謙餘姚人洪武初徵修正韻眾以謙年少黜為中都國子監典簿同官論事不直罷歸築考古臺述六書之旨注聲音文字通及易學提綱諸書凡三百餘卷大臣薦召為瓊山教諭進所注書不報還瓊山初謙來京宋濂遣子仲珩受業謙歸

仲珩校正韻多用謙說謙六書之學最精
既沒門人柴廣敬以聲音文字通進學書
者心好之莫得而見也謙於世利聲華澹
然無罣礙直義所在目無王公以此厄窮
無悔卒于番禺

一百一十三

姚廣孝謚恭靖邵元節文康榮靜又有太
醫院判蔣用文恭靖院使袁寶襄敏太子

今言卷之二

三二

太保尚書掌太醫院事許紳恭襄

一百一十四

國初李太師胡丞相涼國公諸獄未可知
若于少保石總兵諸獄詞恐未為無枉即
劉瑾錢寧江彬亦未必有反謀坐奸黨可
也武定積惡負恩本有死罪近言官所
指法官所擬亦難服其心侯爵終當復惟
曹賊反是實

一百一十五

近見敘名臣者多不及武臣如總兵馬永
梁震王効桂勇山西戰將張世忠安慶守
將崔文楊銳漕運顧仕隆錦衣王佐豈可
多得即內臣如王岳徐智范亨懷恩覃昌
鎮守陝西晏宏河南呂憲皆忠良廉靖縉
紳所不及也

一百一十六

丘文莊公言我朝文臣有謚始於姚恭靖
公胡文穆公恐恭靖未可謂為文臣謂之
武臣可也文臣賜謚寔始於王文節公文
節於建文元年四月贈翰林學士賜謚永
樂中改謚忠文

一百一十七

正統末雲南木麓川賊首叛遣兵數十萬
討之東南騷動于時浙江葉宗留福建鄧

茂七廣東黃蕭養相扇而起各雍衆數十萬僭號攻城殺掠吏民湖貴苗獠兩廣猖獗亦叛分遣文武大臣爲鎮守總督提督叅贊協贊軍務巡撫巡視總兵副總兵叅將分守協守守禦每省多至數十人少亦不下十數人所在聚兵各數十萬浙江侍郎孫原貞副都御史軒輓福建尚書金濂侍郎薛希璉兩廣侍郎揭稽李崇都御史

今言卷之三

三十五

楊信民貴州侍郎侯璉寺丞 湖廣都御

史王來李實四川都御史李匡侍郎羅綺

一百一十八

薛文清公山東巡按時嘗言內外風憲緘默都御史顧佐惡之薛考滿署平常以故不得進階封贈父母

一百一十九

正統己巳大統曆二至日晷晝夜六十一

刻岳文肅公大異之識者以爲用事大臣任私智廢曆法必有播本之禍八月六師陷土木

一百二十

孝慈 仁宗二皇后開基育聖功邁莘塗德超任姒 列后濟美宜家之教戢於坤裳逮下之恩深於樛木百八十年餘未嘗有臨朝干政者正統中天下休息 孝誠

今言卷之三

三十六

之功正德末國統中絕非 孝康爲之內

主禍未可知也然當是時四楊在內閣可謂勤勞王家者矣

一百二十一

翰林始得謚文餘不得與不知出何令典鄭文安儀文簡吳楊二文恪魏文靖葉王邵三文莊何文肅王文毅皆非翰林彭從吾易名惠安林見素有改謚之請未見施

行然亦有官至內閣不得謚文者馬許二襄敏王毅愍陳莊靖是也

一百二十二

禹貢夾右碣石入于河今遼洋運道也浮于汶達于濟浮于濟潔達于河會通河也浮于淮泗達于河淮安至徐沛也沿于江海達于淮泗國初海運沿于江海也永樂初中樂之運達于淮泗也浮於江沱潛漢

今言卷之二

三七

江西湖廣之道也未必盡同大勢若此劍閣雲棧通於秦始皇時故梁州貢道西傾因桓是來浮潛逾沔入渭亂河也其下浮潛沿江從今儀真出淮安者蓋吳城邗溝以通江淮之道禹時未通又須入海遡淮太遠故也浮于積石至于龍門西河今蘭州北折而東為河套轉入中國山西之西陝西之東之河道是也然禹時可通貢今

今言 卷二

皆不可行何也漢儒亦云此不能通舟倪文毅公嘗疏乞復漕運以足兵食而紓民力畧曰今關陝所需皆山西河南所給而三方之地俱近黃河其間雖有三門析津龍門之險然昔漢唐糧餉由此而通即今鹽船木筏往來無滯今令戶部所計山西米豆必運貯榆林及保德州縣諸倉河南米豆必運貯潼關衛及陝州諸倉其諸州

今言卷之二

三八

衛地皆瀕河可通舟楫踵往古故迹而行免當今陸運之害公私之利奚啻萬萬况今河道當潼關之北數十里接連渭河可通陝西及鳳翔鞏昌渭河西流數千里接連洛河可通延安及北源可通邊堡渭河西流三百餘里接連涇河可通慶陽又龍門之上舊有小河徑通延綏倘加脩濬必可行舟此宜簡命水部之臣示以必行

三三五

之意相度地形按求古跡某處避險可以
置運某處可以立倉倒運某處可以造船
裝運淤塞悉加導滌漕河務在疏通毋憚
一時之勞而失永久之利如是則不但三
方之困可紓雖四方之物無不可致矣

一百二十三

洪武三年置大宗正院正一品二十二年
改為宗人府以秦王為宗人令晉王 燕

國公言卷之三 二十九

王左右宗政周王楚王左右宗人掌皇九
族六親之屬籍以時修其玉牒書子女適
庶名封生卒婚嫁謚葬凡宗室陳請為聞
上達材能錄異過比建都址京永春侯王
寧洪歷宣德武定侯郭玟署事正統三年
始建府如南京西寧侯宋瑛嘉靖中京山
侯崔元著事寧瑛元皆駙馬補尉玟 仁
嗣貴妃弟

一百二十四

嘉靖己丑二月禮部言 悼靈皇后正位
中宮上佐宗祀者七年禮宜祔享 太廟
但今九廟已備唐宋故事后於太廟未有
本室創別廟祀之禮喪服小記婦祔於祖
始祖姑三人則祔於親者 孝惠太皇太
后實 皇考獻皇帝生母 悼靈皇后主
請祔奉慈殿 孝惠太皇太后之側 制

國公言卷之三 三十

日可丙申八月 孝惠神主遷於陵殿禮
官言初擬奉遷 悼靈皇后於奉先殿旁
室今殿無旁室惟斜廊兩廡似非奉安
元后之地且不足以容鼎俎惟殿盡西一
室空虛清闕所宜遷奉歲時享祀或有事
祭告 祖宗 列聖宜一體設饌但不啓
匱不定祝稱斯為合禮 制日可又言謚
稱 悼靈考之謚法類非全美宜更定褒

稱是月改謚 孝潔皇后

一百二十五

太祖陵不知附葬幾妃今陵祭旁列四十
六案或坐或否大抵皆妃嬪也 成祖十
六妃謚葬皆不可考然皆祀於陵 仁宗
諸妃陪葬惟三妃別葬金山 宣宗諸妃
陪葬別葬金山者一妃 英宗遺詔皇妃
他日宜合葬惠妃亦須遷來以後諸妃次

本言卷之三

三十一

第附葬今止 睿皇后合葬裕陵諸妃皆

葬金山惠妃尚葬桃山竟無陪葬者 憲
宗十二妃皆葬金山惟恭肅端順榮靖皇
貴妃葬天壽山永陵諸妃陪葬不由隧道
列於外垣之內寶山城之外明樓之前左
右相向以次而附然 孝潔皇后亦不入
永陵諸妃亦如之

一百二十六

蜀有邵道人年七十餘始至慶陽慶陽前

事不能知道人館慶陽周家築土被衲晝
夜露坐郡中諸少年爭事道人為弟子道
人不開口言率願指色授人人見道人願
指色授亦輒心解為奔走輒當道人意道
人喜視人病令病人張目又令張口噓即
知病人可活目諸弟子諸弟子置飯病人
前道人出袖中鐵尺橫飯上誦大悲呪已

本言卷之三

三十二

起尺摩病者曰瘥矣不可活道人移出病
家問死期出指示日數輒念道人不取謝
錢每歲正月始活一人取尺布裹衲衲完
弗復取病家有見飯飯道人列椀案上不
問多少盡飯若加飯更列椀不食飯草惡
道人顧喜更謝造美食不食飯雜葷物第
擇去葷物終不欲更造道人又喜飲水鄉
野人聞之爭入城願觀道人飲諸弟子令

鄉野人梳水案上無問多少飲輒盡冬月
 水冰聞道人齒間窸窣聲頃之肩踴面紅
 汗下如雨慶陽李患脛瘍久不愈問道人
 曰此崇也汝往聘某氏謂其女醜將更聘
 女慚死此其崇汝李大驚伏地頓首請柰
 何道人曰今遇我三日解矣瘍果瘥卒之
 日設几三層坐其上諸弟子夜登几旁守
 道人夜半霹靂隱隱起屋脊俄有戈甲士
 馬戰鬪聲諸弟子懾伏地天明起視道人
 死矣

一百二十七

吾鄉入 國朝名臣輩出開創特文成文
 憲籌畫軍旅與制禮樂未四十年而有靖
 難之事則遜志効夷齊之節又五十年
 而有岳狩之事則肅愍收宗李之功又未
 八十年而有南昌之變則端敏發其奸忠

烈死其難陽明平其亂此皆焯焯在國史
 者內閣今纔七人文簡文懿文毅文正文
 忠皆能稱其職矣若章文懿純心正學師
 表海內稱為大老又不可以功名論也

一百二十八

邵文莊公言運法五變一曰海運二曰海
 陸兼運三曰支運四曰充運五曰改充恐
 未然予謂運法凡三變初海運再海陸兼

運三漕運已而漕運之法又二變初轉運
 再充運已而充運又有支充改充遞洋一

總猶海運但不自太倉開洋遠出登萊大
 洋只從天津入海運至薊州耳轉運雖變
 為充運而淮徐臨德四倉尚存改充即改
 支充者為充運其為充運一也非變也今
 考洪武末及永樂初蘇松浙江歲糧俱輸
 納太倉由海道達直沽洪武中航海侯張

赫輔轅侯朱壽永樂初平江伯陳瑄皆督海運及建北京江南糧一仍海運一渡江由淮入河抵陽武陸運至衛輝沿衛沂潞達通州永樂五年議者言北京軍餉河運不能給須兼海運今海船少歲運不過五六十萬石且未設官專領事不歸一請於太倉設海道都漕運使司擇文武大臣中公勤廉幹者充使行移如布政司提調各

今言卷之二

三五

衛所海船并出海官軍 文皇令再議九年始命工部尚書宋禮都督周長等發山東十六萬五千人濬元會通河自濟寧至臨清三百八十五里以通漕舟十年禮言海船造辦太迫請造淺船五百由會通河運淮揚徐兗諸郡糧百萬石補海運一年之數十二年瑄等始議轉運蘇州等府并兗州送濟寧倉河南山東送臨清倉交收

今言 卷二

浙江并直隸官軍於淮安運至徐州京衛官軍於徐州運至德州山東河南官軍於德州運至通州名為支運一年四轉十三年增造淺船三千餘乃罷海運遮洋船兌三十萬石內六萬入天津倉二十四萬直沽渡海入薊州倉江南巡撫周文襄議裏河民運多失農月始令民運於淮安瓜州補給腳價兌與運軍衛所出通關付繳宣

今言卷之二

三六

德八年參將胡亮言江西浙江湖廣江南船各回附近水次領兌南京江北船於瓜淮領兌其淮徐臨德諸倉仍支運十之四浙江蘇松等船各就本司府領兌不盡者仍於瓜淮交兌其北邊一帶如河南彰德於小灘山東濟南州縣於濟寧其餘水次倣此成化七年都御史滕昭議罷瓜淮交兌裏河官軍將江船於江南水次交兌民

三三九

加過江之費視遠近為差十年議准徐臨德四倉支運糧七十萬石改就水次兌軍名為改兌

一百二十九

宣德三年勅南京刑部侍郎段民考察在京百司以民廉介端謹也民字時舉武進人永樂二年進士庶吉士與修永樂大典除刑部主事又與修五經四書性理大全

今言卷之三

三十一

進貢外郎郎中十九年陞山東左叅政當是時索唐賽兒急盡逮山東北京尼既又盡逮天下出家婦女先後幾萬人民撫定緩輯曲為解釋人情始安 上再征虜勅民舟車轉餉節約曲筭省財力民不擾事集 上在道中勅民與巡按御史考所過郡縣吏宣德二年召克會試考官三年召入南京戶部為右侍郎尋改南京刑部九

年卒官貧不能喪吳文恪公力為經紀始克殮成化間葉文莊公請褒民不果

一百三十

孝皇召見劉忠宣公諭曰事有不可每欲召卿商量又以非卿部內事而止今後有當罷者卿可寫揭帖密封進來對曰不敢 上曰何曰先朝李孜省可為鑑戒 上

今言卷之二

三十一

曰臣下以揭帖顯行是亦前代斜封墨勅之弊 陛下宜遠法帝王近法祖宗事有可否外付之府部內咨之內閣可也如有揭帖日久上下俱有弊且非後世法臣不敢效順 上稱善久之

一百三十一

馬鈞陽嘗上疏言國制僧道府各不過四十人州三十人縣二十人今天下百四十

七府二百七十七州千一百四十五縣額
該僧二萬七千九十餘人成化十二年度
僧十萬成化二十二年度僧二十萬以前
所度僧道又不下二十萬人共該五十餘
萬人以一僧一道食米六石論之該米二
百六十餘萬石足當京師一歲之用况不
耕不織賦役不加軍民匠灶私自披剃而
隱於寺觀者又不知其幾創修寺觀徧於

古今言卷之二

卷九

天下自京師達之四方公私之財用於僧
道過半乞嚴加禁約

一百三十二

嘉靖十年三月朔勅諭朕仰惟 太祖肇
創洪圖奠清宇宙掃除腥穢復我文明克
享天心君臨億兆必自上世之積乃出中
夏之元聖顧追報之典未舉而昧幼之懷
罔遂朕躬承 祖鑒恭行大禘禮今孟夏

之吉祀始自出之祖于太廟奉 皇祖配
每逢辛丙之年一舉著為成範欽哉親撰
祝文定擬神牌冠服陳設圖儀凡祭書神
牌于太廟曰 皇初祖帝神南向 太祖
配位西向

一百三十三

孝陵奉祀禮專勅皇親如西寧侯駙馬都
尉宋琥是也成化十五年專勅魏國公徐

古今言卷之二

卷一

備弘治九年備改守備南京專勅駙馬都
尉楊偉正德八年偉卒協同守備西寧侯
宋愷兼掌行祭禮正德十六年愷還京禮
部請 命南京協同守備豐城侯李旻奉
祀 上曰孝陵奉祀先年有專官奉勅行
禮恁部裏還議擬來說改勅魏國公徐鵬
舉令掌南京中府事蓋琥備偉愷鵬舉皆
皇親也然自愷以協同守備兼掌祀事而

官無專設矣亦或暫令守備代行不為常典嘉靖十三年鵬舉解守備仍奉祀行禮

一百三十四

弘治二年徽王乞升鈞州為府王端毅公上言今肅府在蘭州滄州在潞州荆府在蘄州岷府在武崗州立國多者八九十年少不下四五十年未嘗政府徽府乞將鈞州升為府治割汝州郟縣魯山寶豐商州

卷之三

十一

許州襄城長葛臨潁鄆城鈞州密縣新鄭改隸所轄不惟異乎前四府仍舊之典且啓前四府改為之端况今各處災荒軍民凋敝欲與此役實非所宜兼且州之與府於王頗無所與改與不改於王似無輕重

上是其言移書諭王

一百三十五

成化中太監張敏卒姪太常寺丞苗傾貲

上獻乞侍郎 上曰苗本由承差若侍郎

六部執政不可可授南京三品左右急持

官制請竟得南京通政使是時四方白丁

錢虜商販技藝革職之流以及士夫子第

率黃緣近侍內臣進獻珍玩輒得賜太常

少卿通政寺丞郎署中書司務序班不復

由吏部謂之傳奉官閣老之子若孫甫髫

鬣已授中書冠帶牙牌支俸給隸但不署

卷之三

十一

事朝參大抵多出於梁方之門弘治間馬

端肅公言京官額一千二百餘人傳奉官

乃至八百餘人內實支薪俸者九十一人

冗官莫甚於今日請因災汰罷 上從之

一百三十六

參贊軍務者始於洪熙元年以武臣疎於

文墨選方面部屬官於各總兵處整理文

書商確機密於是參贊參謀軍務總督

邊儲景太中大同參政丹陽沈固宣府參政崑山劉璉山東參議會稽周頤廣西副使劉紹如劉清輩又以郎中給事中稱參贊軍務也

一百三十七

王文恪公曰予在翰林與陸庶伯語及楊文貞庶伯曰文貞功之首罪之魁也予問為何庶伯曰內閣故有絲綸簿文貞晚年

八公言卷之三

四十三

以子稷故欲媚王振以絲綸簿付之故內閣之權盡移中官余亦不知其然否及余入內閣見歷朝詔誥底本皆在非所謂絲綸簿乎不聞送入况中官之專與否不在一簿之存亡也顧人主信用何如耳庶伯之言不知何所從授天下皆傳之

一百三十八

永樂元年冬定軍功襲替例自後洪武永

樂宣德年軍職絕不論堂兄弟姪並襲成

化十七年以都御史何喬新言凡軍職絕

非立功人子孫不得襲弘治十八年又稍

許立功人親姪孫已襲者得沿襲正德十

四年兵部尚書王瓊又請堂兄弟姪並得

襲十六年兵部尚書彭澤言瓊議非是復

不許襲會兵部大群失職者流言得復襲

嘉靖十年兵部尚書王憲曰不可稍酌議

八公言卷之二

四十四

立功人絕同時親弟姪得襲其姪孫以下及堂兄弟姪除親祖例前相沿人自立有軍功者扣襲其無功姪孫以下至堂兄弟姪等及沿襲後別無立功者不許襲旁子孫革職者俱收總旗

一百三十九

徐王宿州馬公 高后父也配鄭氏無子

初立廟 太廟東洪武四年即王居立廟

滁陽王定遠郭子興首事濠梁徐王避兵以高后托之遂育為已女卒於和陽葬滁州夫人張氏三子長戰沒次陷沒幼以陰謀伏罪次夫人張氏一女為皇妃生蜀王豫王如意王豫王即代王洪武元年建廟滁陽楊王高皇外王父也墓在盱眙王姓陳楊州人卒年九十九無子長女即淳皇后廟初在太廟東後即墓立

今言卷之二

四五

廟三王皆有歲時祭時鳳陽又有以功封鞏昌侯贈陝國公謚宣武者與滁陽王同名武定侯英同母兄弟也

一百四十

洪武十一年封周王於河南開封一郡惟一王府今則郡王三十九府輔國將軍二百一十二位奉國將軍二百四十四位中尉而下不計矣洪武年間軍職二萬八

千有奇成化五年軍職八萬二千有奇成化迄今不知增幾倍矣洪武初年錦衣衛官二百五員今一千七百餘員此祿俸所以不足也嘉靖八年春詹事霍韜奏云

一百四十一

嘉靖己丑夏勲臣六十五人公六人侯二十二人伯三十七人開國者三人而已南京魏公滇南黔公暨武定侯也餘皆靖難

今言卷之二

四六

征虜平蠻捕倭討賊擒叛之功而外戚恩澤封者乃十有六人文臣封爵如李善長韓罔公汪廣洋忠勤伯劉伯溫誠意伯茹瑄忠誠伯徐有貞武功伯楊善興濟伯王越威寧伯王守仁新建伯或沒世而革或再傳而罷甚者戮及其身惟王驥以麓川功子孫尚襲靖遠伯劉瑜近得嗣誠意伯

一百四十二

和寧王阿魯台 文皇封之卒宣德間子
阿卜只奄率其家屬部落來降授左都督
其子後陞錦衣指揮使 英宗賜姓名和
勇以紫荆香爐功擢至都督同知勇子忠
忠子誠襲錦衣使

一百四十三

宣德三年五月蔡福朱廣薛聚于瓚魯貴
李忠伏誅福都督廣聚瓚皆都指揮貴指

今言卷之三

四七

揮忠千戶福等在交趾守又安被賊圍福
不戰率廣等降賊且教賊造攻具攻東關
我兵九千餘人憤欲焚賊營福等又令百
戶牟英告賊賊殺盡九千餘人遂攻昌江
等城福又歷說各城人降嘗至清化馳馬
城下大呼曰守城者可見幾全首領不然
肝腦塗地為和州羅通等大罵而去至是
則送福等歸京師悉棄市籍其家

一百四十四

寅鑄之亂本仇鉞反正之功封咸寧伯巨
鐙張永攘為已功一時惡黨如谷大用馬
永成陸閭魏彬冒以運籌獲封永兄弟富
泰安伯容安定伯谷大寬高平伯大亮永
清伯馬山平涼伯陸永鎮平伯魏英鎮安
伯

一百四十五

成化辛卯十二月 悼恭太子薨 茂陵
方以國本為憂 泰陵在西宮已二歲顧
左右莫敢言者既正位 東宮 孝貞王
后恩勤如已出而 貴妃萬氏者名保護
之是時輔臣疏云外議皆謂 皇子之母
因病另居久不得見人情事體未順請令
就近居住得 皇子便於接見庶遂母子
至情逾月而 孝穆紀后崩矣輔臣舉宋

今言卷之三

四八

李宸妃故事歛葬皆如禮弘治初始建奉慈殿供養

一百四十六

孝陵長陵皆中宮先崩不立繼后 獻

陵至 康陵皆后後帝崩 裕陵二后

茂陵三后蓋 孝肅 孝穆 孝惠皆母

以子貴尊稱之號也成化戊子季夏 孝

莊崩廷臣議葬事云合葬 裕陵祔食

英廟宜如漢文之於呂氏宋仁之於劉后

茂陵重違 孝肅意未允彭文憲公姪

文敏公率群臣伏闕號哭竟得如請

一百四十七

國初偽漢陳友諒為勅敵偽吳張士誠次

之吳能西擾建業我則不敢越鄱陽而取

武昌矣是時以長興侯耿炳文守長興江

陰侯吳良守江陰長興守則陸騎不能出

徽歛所以斷平江之掌股江陰守則師舟不敢窺通泰所以扼平江之襟喉吳不我擾而陳氏滅張氏繼之矣

一百四十八

小說云永樂二十二年雷震 奉天殿下

詔求言主事蕭儀首言徒都北平非便

長陵震怒加以極刑時科道亦多云 朝

廷不宜輕去金陵以致此變因劾與議諸

大臣 上命言官與大臣俱跪午門前對

辯都御史陳瑛言言官白面書生不知大

計宜加重罪 旨令侍臣詰問再三得夏

忠靖公解之遂令各回衙門辦事否則又

有蕭儀之禍矣陳瑛已於永樂九年有罪

下獄死

一百四十九

康陵時司禮鑑王岳范亨忠義果直為逆

璉所忌亨以正德元年十一月二日充南京淨軍瑾黨長隨王成等追至臨清小沙灘縊殺之十六年四月二十六日 詔旨贈官祭葬亨兄璋授世錦衣百戶

一百五十

開國功臣封公侯世襲者券云謀逆不宥其餘若犯死罪爾免二死子免一死若封公侯而子孫世襲指揮使者則云其餘死

罪免二次

一百五十一

明氏據蜀東阻瞿塘北恃金牛自謂我師不能克洪武四年春湯中山為水師率廖永忠輩以舟師由瞿塘趨重慶傳穎川為陸師率領時輩以步騎由秦隴趨成都瞿塘堅守中山不能進而穎川已直擣階文破綿漢矣所謂出其不意攻其不備者

也穎川既圍成都中山方有重慶之捷

一百五十二

國初駙馬多功臣子弟如韓國公李善長子祺尚臨安東川侯胡海子觀尚南康西寧侯朱晟子琥尚安成瑛咸寧吉安侯陸仲享子賢尚汝寧汝南侯梅思祖姪殷尚寧國鳳翔侯張龍子麟尚福清武定侯郭英子鎮尚永嘉長興侯耿炳文子璿尚江都西平侯沐英子昕左都督袁洪子容皆尚公主

一百五十三

貞惠安和景皇后汪氏金吾左衛指揮使泉之孫女正統中冊為郕王妃父瑛銓兵馬指揮已巳 景帝即位立為皇后祖泉兩進左都督瑛右都督尋以無子廢冊皇太子見濟母杭氏為后 復辟之歲改稱

郕王妃瑛亦仍為兵馬指揮三月進瑛錦衣僉事成化中復皇后位號

一百五十四

弘治甲子六月虜中走回人云聞虜中欲擄黃裏黃裏者京城也時北虜小王子求貢朝廷既許而不至且聞有異謀又走回人云朶顏頭目阿爾乞蠻領三百人與北虜通和小王子與一小女寄養引誘入寇

卷之三

五十三

而大同亦告急於是 恭陵欲出軍召劉東山面議東山方言京軍不可輕出 上曰 文皇朝頗年出兵逐虜數百里未嘗失利對曰 文皇時何時也有糧有草有兵有馬又有好將官所以得利今糧草缺乏軍馬罷弊將官鮮得其人軍士玩於法利不能殺賊且又因而害人徒費財物有損無益師遂不出

一百五十五

曲靖雲南之襟喉也洪武十四年九月朔傅友德藍玉沐英三將軍率甲士三十萬南征偏師由永寧趨烏撒大軍由辰沅趨貴州大軍遂克普定進攻曲靖偽梁司徒達里麻果悉精兵十餘萬屯曲靖拒我師我師急趨渡白石江遂平曲靖而潁川復城烏撒以通永樂之兵克七星關以通畢節之道雲南亦破而偽梁王走死滇池

卷之三

五十四

一百五十六

洪武三十一年六月武官選簿齊泰由兵部左侍郎進尚書至建文元年十一月二十三日附選齊公已不僉名十二月初七日選則茹瑺為尚書并公姓亦不載矣豈北平事急公有軍旅之役耶近見新官供詞往往有云鄭村埧殺敗齊尚書軍馬者

豈公時輟部事理戎務耶或謂公倡鼎錯之議及北平兵起復偃然居守令庸懦如景隆者爲元帥卒以誤國豈公固未嘗居守耶據選部如此附之備考

一百五十七

唐虞時天下分九州又析爲十二州夏九州分爲五服商謂九有周九州六服秦三十六郡兩漢十三部西漢之衰也縣邑道

今言卷之二

五十五

侯國一千五百八十七東漢則一千一百八十矣晉十五道唐十道宋三十三路元十一省二十三道 我朝洪武初都建康鳳陽爲中都分天下爲十三布政司永樂中以北平爲北京建康遂爲南京又平安南爲交趾布政司割川湖廣南地爲貴州布政司宣德中棄交趾今兩直隸十三布政司統府一百五十二州二百四十縣

千一百三十四百九十三衛二千五百五十四所宣尉司十二宣撫司十一招討安撫司十九長官司一百七十七朝鮮安南來朝者五十六國速溫河等地百五十八奴兒干烏思藏等都司所領衛所二百三十八

一百五十八

撫州吳與弼天順中石亨薦之 命行人

今言卷之二

五十六

賚勅書束帛造其廬以伊傅禮聘之與弼拜使即言朝廷厚意當赴闕謝恩但本意不受官職就辭幣比至授左諭德引見文華殿 上問曰久聞高義特聘爾來如何不受官職對曰微臣草茅賤士少嬰疾病不能出仕今年六十有八衰朽實不堪供職 上曰官僚亦從容優閑不必辭對曰朝廷之職臺諫之次官僚爲重 上曰

宮僚亦衆不專勞先生不允所辭終不敢
應於是賞文幣四表裹羊酒柴米遣太監
牛玉送至館 上顧謂李賢曰此老非迂
闕者務令就職與弼終不就三辭後稱病
上謂賢曰與弼既來如何不受職若受
職亦不相拘聽其自在候秋涼欲歸亦不
固留以俸祿養其終身不亦可乎復命賢
諭意亦不受留京兩月具本再辭 上曰

今言卷之二

五十二

既以行人聘來還以行人送歸再與 勅
書令有司月供食米以贍終身與弼感激
無以報稱條陳十事上之復上表謝恩而
去

一百五十九

新會舉人陳獻章屢試禮部不第成化五
年遂還山養母十五年彭惠安公為廣東
左轄朱中丞英總兩廣軍事交薦 旨下

吏部移文藩司趣令赴京以舊疾未平母
年加老辭不赴郡縣促駕不得已十九年
三月造朝五月吏部奉 旨恁部裏還考
試了量授職事來說時獻章方病七月赴
考俄疾作復歸寓八月上疏言母老病求
歸甚切九月 上旨陳獻章既巡撫等官
薦他學行老成可用今懇切求回養母吏
部還查聽選監生願告回家的例來說吏

今言卷之二

五十八

部覆請 上旨陳獻章既係巡撫等官薦
他今自陳有疾乞回終養與做翰林院檢
討去親終疾愈仍來供職獻章上疏謝去
一百六十

北邊有戎警則設總制大臣或都御史或
尚書侍郎兼憲職自巡撫以下皆稟受節
度東路宣府大同一員西路陝西延綏寧
夏甘肅一員蓋黃河自金城出中國經戎

地東行南入中國在大同西界偏頭河曲延緩東界府谷神木之間故西路有警則宣大遊兵駐河東濱東路有警則延寧遊兵駐河西濱戎入套則西路之警出套則東路之警西路總制治固原在延慶涼洮之中東路則往來於宣大嘉靖中改總制為總督

一百六十一

今言卷之三

五九

正統十四年虜至京城榜購能擒斬也先者賞萬金封國公景泰元年購殺也先者賞銀五萬兩金萬兩封公官太師殺伯顏帖木兒喜寧等賞銀二萬兩金千兩封侯

一百六十二

祖訓內府禁密不許蓋造離宮別殿正德間左右近侍獻諂希恩內起新宅佛寺神廟總督府神武營香房酒店外起鎮國府

總督府老兒院玄明宮教坊司新宅石經山祠廟店房嘉靖改元詔令在內內官監工部錦衣衛科道官在外撫按查勘折毀改正或存留別用變賣還官官匠因是陞官查革

一百六十三

永樂六年十一月 勅太子太師淇國公丘福吏兵部尚書兼詹事蹇義金忠學士

今言卷之三

六

兼左春坊大學士胡廣右春坊大學士兼侍講黃淮右庶子兼侍講楊榮左諭德兼侍講楊士奇右諭德兼侍講金幼孜輔導皇長孫

一百六十四

正德二年逆瑾矯勅戒諭百官勒罷公卿臺諫數十人又指內外忠賢為奸黨矯旨榜朝堂畧曰奸臣王岳范亨徐智交通內

閣劉健謝遷尚書韓文楊守隨林瀚都御史戴珊郎中李夢陽主事王守仁王綸孫槃黃昭檢討劉瑞給事中湯禮敬陳霆徐昂陶諧劉蒞艾洪呂紳任惠李光翰戴銑徐蕃牧相徐暹張良弼葛嵩趙仕資御史陳琳貢安甫史良佐曹蘭王弘任諾李熙王蕃陸崑張鳴鳳蕭乾元姚學禮黃昭道蔣欽薄彥徽潘鏜王良臣趙佑何天衢徐

全書卷之三

六十一

鉦楊璋熊倬朱廷聲劉玉玄云遂停日講而尚寶司卿崔璿御史姚祥主事張瑋何校兩長安門及張家灣謫戍邊

一百六十五

正德年間親王三十位郡王二百十五位將軍中尉二千七百位文官二萬四百武官十萬衛所七百七十二旗軍八十九萬六千廩膳生員三萬五千八百吏五萬

千其祿俸糧約數千萬天下夏秋稅糧大約二千六百六十八萬四千石出多入少故王府又缺祿米衛所缺月糧各邊缺軍餉各省缺俸廩今宗室王二等將軍三等中尉三等主君五等及疏廢人罪廢人凡五萬餘文武官益冗兵益竄名投占徒煩抽補召募名數日增而實用日減加以冗費無經財安得不盡民安得不窮哉

全書卷之三

六十二

一百六十六

正統初建文君出滇南至廣西一日呼寺僧謂曰我建文皇帝也寺僧大懼白官府迎至藩堂南面跌足坐地自稱朱允炆曰胡濙名訪張儼備為我也衆聞之悚然聞於朝乘傳之京師有司皆以王禮見比至入居大內以壽終葬西山不封不樹提學鄞黃潤玉嘗見之言其狀貌魁梧聲如洪

鐘云帝嘗賦詩曰半落西南四十秋蕭蕭
華髮已盈頭乾坤有恨家何在江漢無情
水自流長樂宮中雲氣散朝元閣上雨聲
收新蒲細柳年年綠野老吞聲哭未休或
曰帝頂顛偏頗 高皇知其必不終嘗匣
髡緇之具戒之曰必嬰大難乃發此以故
遂爲僧去又曰帝性穎敏能爲詩 高皇
命賦新月曰誰將玉指甲抓破碧天痕影

今言卷之二

李士

落江湖裏蛟龍不敢吞曰必免於難又嘗
賦金陵詩曰是日乘輿看晚晴葱葱佳氣
滯金陵禮樂再興龍虎地衣冠重整鳳凰
城後至貴州金竺長官司羅水菴嘗題詩
壁間其一曰風塵一夕忽而侵天命潛移
四海心鳳返冊山紅日遠龍歸浴海碧雲
深紫微有象星還供玉漏無聲水自沉遙
想禁城今夜月六宮俯望翠華臨其二曰

閱罷楞嚴磬懶敲笑看黃屋寄雲標南來
瘴嶺千層迥北望天門萬里遙款段久忘
飛鳳輦袈裟新換袞龍袍百官此日知何
處惟有群鳥早晚朝

一百六十七

正德五年八月寧夏獻俘入東安門 上
親賜宴勞頌繫寘鑄於諸王館錦廣等下
錦衣獄廷鞠奏上皆伏誅寘鑄弟寘銑寘

今言卷之二

六四

錫坐黨廢庶人太監張永初見 上乘間
出懷中疏奏逆瑾十七事且言其將爲不
軌 上怒夜縛瑾坐謀反凌遲三日諸被
害者爭拾其肉嚼之須臾而盡九月吏部
尚書張綵錦衣指揮楊玉石文義坐瑾黨
伏誅內閣曹元削籍盡革瑾所行亂政害
人事焚與瑾往返書劄文字論平寧夏及
誅瑾功封仇鉞爲咸寧伯內閣進勳廢子

又封諸太監兄弟為伯者七人以楊一清為戶部尚書南京御史張芹劾李東陽當瑾擅權亂政時禮貌過於卑屈詞旨極其稱讚及他人奏誅瑾則攘功受賞不顧名節東陽引疾辭不允

一百六十八

楊文襄公與太監張永西征也嘆息泣謂永曰藩室亂易除國家內變不可測奈何

全書卷之三

六五

永曰何謂公曰公豈一日忘情願無能為公畫策者遂促席手畫瑾字永曰渠日夜在上傍 上一日不見渠不樂今其技附已成耳目廣矣奈何公曰公亦 天子信幸臣今討賊不付他人付公 上意可知公試班師入京詭言請 上間語寧夏事 上必就公問公於此時上寘鑄偽檄并述渠亂政凶狡謀不軌海內愁怨大亂將

起 上英武必悟且大怒誅瑾瑾誅柄用

公益矯瑾行事呂強張承業暨公千載三

人耳永曰即不濟奈何公曰他人言濟不

濟未可知言出公必濟顧公言時須有端

緒且委曲 上萬一不信公頓首請死願

死 上前即退瑾殺奴餵狗又涕哭頓首

得請即行事無緩頃刻漏機事禍不旋踵

永勃然作曰老奴何惜餘年報 主于已

全書卷之三

六六

而永入京請見如公策竟誅瑾

一百六十九

或曰今內閣一人兼四官非禮此不然顧其人稱否耳唐虞三代盛時大禹嗣崇伯為司空加百揆三官也其帥師征苗又兼士師蠻夷猾夏之職伊尹為冢宰領阿衡又兼師保太甲稱為師保高宗稱為阿衡意當時亦有封爵非四官乎周公以魯侯

代太公爲太師兼冢宰領東伯召公以址
燕伯入爲太保代周公爲冢宰領西伯司
馬畢公以列侯代周公爲太師領東伯皆
四官也景泰時陳芳洲一人領五官矣

一百七十

正德中吏部三尚書張綵坐瑾黨死陸完
坐宸濠黨王晉溪坐奸黨亂政皆論死減
謫戍石文隱公代晉溪有匿名書帖吏部

今言卷之二

三二一

門云莫做莫做莫賀莫賀十五年間一連
三箇

一百七十一

嘉靖十五年九月 上奉 章聖皇太后
率 皇后妃嬪謁天壽山七陵又謁 恭
讓章皇后 景皇帝后陵於西山 上拜
長陵六陵陳后陵西山二陵各遣官行禮
孝陵顯陵亦如之

一百七十二

大同初叛之歲失總兵官所佩征西前將
軍印職方請給新印余爲主事白郎中總
兵印文柳葉篆請改印文或稱別將軍或
增減其字恐原印在叛軍處有事時行文
奏報真僞不可辨誤事非小往年胡忠安
公在禮部失行在禮部之印改鑄行禮部
印此在內衙門尚然况邊鎮兵權又反側
不靖時乎郎中不以爲然

今言卷之二

本八

一百七十三

永樂甲午十一月 上諭行在學士廣侍
講榮幼孜曰五經四書皆聖賢精義要道
其傳註之外諸儒議論有發明餘蘊者爾
等采其切當之言增附于下其周程張朱
諸君子性理之言如太極通書西銘正蒙
之類皆六經羽翼然各自爲書未有統會

儒等亦別類聚成編務極精備庶幾垂後
廣等總其事舉朝臣及教官有文學者同
修開館東華門外明年九月書成 上御
殿受之群臣表賀蓋未及一年而成可謂
太速矣時文貞輔 獻陵南京監國故不
預

一百七十四

歷代名臣奏議 成祖勅纂之書也永樂

丙申十二月成進覽刊布先是

上以璽

書諭 皇太子令翰林儒臣採古名臣如

張良對漢高鄧禹對光武諸葛孔明對昭
烈董賈劉向谷永陸贄奏疏之類彙錄以
便觀覽云今此書無序亦無監纂編纂官
職名是時西楊在南京佐 太子監國正
危疑之際也

一百七十五

中山王初夫人張氏繼夫人謝氏王出師
歸孝陵諭王曰卿夫人好鞭撻人至死此
不足佐卿朕為卿擇一佳婦謝夫人是也
謝夫人生四子四女女長即仁孝皇后次
代王安王妃又次未聘永樂丁亥仁孝皇
后崩長陵諭謝夫人朕欲得夫人季女繼
中宮夫人曰妾女不堪上配聖躬長陵曰
夫人女不歸朕更擇何等婚耶季女竟不
敢受人聘從佛氏為尼於南京聚寶門外
所謂王姑庵者是也嘉靖中霍文敏公為
禮書毀之

一百七十六

宣德五年二月上奉 皇太后率 皇后
謁長陵獻陵駐天壽山 上請皇太后令
輔義士奇榮幼孜溥六臣見行殿 皇太
后曰 皇帝數言卿數人贊輔多用心今
國家清寧生民無事固 祖宗垂佑亦卿

等之力輔等頓首對曰 皇上聰明睿智
敬天法祖仁愛兆民以致康濟之功此皆
皇太后聖德大訓臣等實無寸補 皇
太后曰我有何德上由 祖宗積善垂慶
卿等皆先朝舊人自今更須協力一心非
但國家蒙福 祖宗神靈昭鑒在上亦必
敷祐卿等俾卿等子孫安榮永世命 上
賜六臣酒饌白金文綺

今言卷之三

七十一

一百七十七

山西三傑喬公宇王公鳳雲王公瓊白岩
以德量勝虎谷以節槩勝晉溪以才畧勝
然而晉溪有功於民社矣

一百七十八

嘉靖庚子辛丑虜吉囊俺答連入太原
直至平陽潞安大同將士不用命山西諸
將望風潰散不肯力戰總兵王陞白爵李

綦張達及巡撫龍大有劉臬相繼下詔獄
四總兵論死兩巡撫戍邊已而四總兵千
方營解得脫死立功自贖輒以功報得復
舊物兩巡撫尚未脫士伍

今言卷之二

今言卷之三

三十二

全言卷之三

海鹽鄭曉

一百七十九

初設內閣楊文貞公歷二十三年官止五品后加至少師止兼兵部尚書華蓋殿大學士三官蹇忠定公以少師兼吏部尚書掌部事不欲文貞班在忠定上以存冢宰統百官均四海之職陳芳洲雖五官亦止

全言卷之三

戶部尚書此後惟李文達公以吏部侍郎

後領吏部尚書而彭文憲商文毅萬安相

繼領吏部尚書自後遂為首相故事正德

嘉靖間遂有一內閣皆領吏部尚書者

一百八十

景泰四年九月以太常少卿兼侍讀學士陳詢為太子祭酒特祭酒王恂卒監永安貴言太子少師侍郎學士蕭鑑任祭酒諸

生悅服乞照胡儼例不妨內閣職務時來提督儀刑後學上不許以詢代恂永樂中儼寔出為祭酒不復入內閣也

一百八十一

景泰四年六月戶部尚書金濂上京官折俸銀除公侯駙馬伯武臣每季十二萬四千三百十二兩奇文臣三千五百八十九兩奇

全言卷之三

一百八十二

景泰四年刑科給事中曹凱言比者戶部請聽軍民官吏輸豆如輸豆四千石以上授指揮歷俸十六七年償彼豆倍半矣又令管事世襲以生民脂膏養無功之子孫於無窮也有功者必曰吾累世忘軀獲此官彼輸豆亦獲此官朝廷以吾軀命同於菽粟其誰不解體起端雖微弊流甚大乞

勃輸粟豆授武職者帶俸不任事不世襲
犯贓罪如文職止許原籍衙門帶俸終身
上曰凱言有理已授職者仍舊管事承
襲今後悉如凱言

一百八十三

宣廟坐左順門少保原吉等侍因語及古
人信讒事 上曰讒慝小人真能變白爲
黑誣正爲邪聽其言若忠究其心則險是

今言卷之三

三一

以帝舜聖讒說孔子遠佞人唐太宗以爲
國之賊朕於此等每切防閑有萌必爲杜
絕不使姦言得入枉害忠良齊殺斛律光
國遂以弱朕常爲恨汲黯正直姦邪寢謀
卿等所宜法也原吉等頓首曰幸遇 聖
明臣等敢不竭盡愚直

一百八十四

嘉靖甲申大同伍堡軍叛殺巡撫張文錦

參將賈鑑時總兵江桓坐視不能討賊朝
廷罷桓以桂勇代之令桂疾驅入大同誅
首惡撫脅從且遣都督魯綱總兵侍郎胡
錠提督軍務率兵屯陽和堡候勇誅首惡
撫定即班師勇已誅郭巴子等首惡十七
人錠綱以爲功非已有起營而西大同軍
復閉門及罵勇倒鬼誑我縛勇欲殺之勇
不屈言汝等再殺我闔城無噍類矣乃釋

今言卷之三

四

勇盡殺勇家丁代王微服走宣府錠等又
妄言功奏捷中朝皆知之不得已召還京
是時內閣費宏不欲再用兵幸無事余及
甌寧李默各上疏乞討賊李疏報聞余疏
乙酉正月十七日進留中薊州總兵馬永
亦請自率兵討賊不聽以故大同叛軍至
今爲邊鎮大禍

一百八十五

河套古朔方我朝自正統後漸棄東勝於是河套遂為虜巢然亦時去時來近年吉囊俺答二酋連歲殘破秦晉久駐套中先朝大臣屢有復套之議成化八年遣吏部侍郎葉文莊公行視文莊以為未可輕議特繕障增戍謹備之便九年遂移延綏鎮城於榆林此余肅敏經畧之功也王恭襄公又以肅敏為失策嗣後楊邃庵亦屢議

今言卷之三 五

及河套然亦財力不給不敢力主其事旋議旋罷嘉靖丙午侍郎曾銑自山西移為陝西總督上言復河套事內批嘉獎然中外皆知兵弱財窘且無文武將吏恐撻強胡禍不可解然亦顧忌莫敢言者銑區畫兵食關中騷動人有怨言又請戶部銀多至四百萬兩人益不喜銑又劾河西總兵威寧侯仇鸞鸞被逮會丁未仲冬澄城山

裂而移者相去四五里有分崩離析之象是冬臘月辛未京師大風霾 今皇帝敬天疑畏以套議問輔臣分宜言貴溪左右銑為此議者臣不得預臣亦不能止不敢言 上遂大怒逮銑奪貴溪輔弼官以尚書致仕而威寧侯又發銑匿出塞喪師諸事賄貴溪得解及河套不可復狀 上益怒貴溪行至丹陽逮繫入京銑事下錦衣

今言卷之三 六

訊上又下法司會官擬銑罪法司言銑犯無正律 上怒令再議竟論死銑為御史時計擒遼東叛軍有功陞大理寺丞又尋陞僉都御史巡撫山東時山西被虜數寇殘移銑山西山西二年得無虜患又寇陝西時陝西總督尚書張璠請戍銑代之貴溪至京論死 交結近侍律也

一百八十六

王虎谷爲祠祭郎中疏請嚴試僧道精通
玄典者始與度牒王晉谿問之曰兄謂此
可塞異端乎若如兄策此輩欲得度必有
精通玄典者出於其間今二氏之徒苟且
爲衣食計尚不可遏塞與吾儒爭勝負若
使精通玄典又可奈何虎谷嘆服

一百八十七

團營始於景泰三年于肅愍公建議也兵

今言卷之三

下

制本三營一曰五軍肄戰陣一曰神機習
火器一曰三千備宿衛此三營中選健銳
者合營團操故曰團營然原營之名終不
改如軍選自三千營團操於立威營即名
爲立威三千營五軍神機亦如是是三營
之有團營即選鋒也今又於團營中選官
軍別名東西官廳操練各聽征而聽征者
亦不足用兵部尚書提督團營將校以黜

陟所在乃肯奉法若別設一尚書專領營
務彼知其權輕不肯受約束掌印尚書又
恐一旦有警督營尚書便當統兵四征又
力辭營務耳

一百八十八

紫荊之有提督都御史自孫祥始也薊州
之有邊備都御史自鄒來學始也皆景泰
初事嘉靖庚戌俺答犯京城畿內設官多

今言卷之三

八

矣紫荊有艾希淳又有侍郎翁萬達經畧
薊州有吳嘉會又有侍郎何棟提督通州
有都御史王忬天壽山有都御史許宗魯
坐院都御史商大節經畧京城內外若景
泰時都御史又有河間蕭啓真定陸矩保
定祝暹居庸王竑巡關侍郎江淵紫荊白
羊倒馬大理卿孔文英少卿曹泰寺丞段
信泰尋改參贊京圻涿易真定通五路軍

務

一百八十九

沿邊諸鎮惟遼東最易治虜寡亦弱又
我官賞交市且地饒魚米鹽馬近年撫
於赦減賜物又計殺虜酋遂失虜心嘉靖
丁未撫臣胡宗明因虜屢來侵掠撲殺虜
百八十人虜大恨戊申春結衆深入遼西
殺掠人畜萬計宗明及總兵戴廉罷任聽

金史卷之二十一

九

勘起李珏代宗明珏未行被劾得留用珏
素有才操履亦慎大獄謫戍後起撫山西
遂不及曩時

一百九十

永樂十七年十二月勅五軍都督府北京
留守後軍都督府兵部邇來軍伍空缺器
械損敝互相蒙蔽欺誑百端豈欲實朝廷
危社稷乎其急整飭違者必殺無赦

一百九十一

廖均卿江西人精地理 成祖擇壽陵久
不得吉壤永樂七年 仁孝皇后尚未葬
禮部尚書趙玘以均卿至昌平縣徧閱諸
山得縣東黃土山最吉 成祖即日臨視
定議封為天壽山命武義伯王通等董役
授均卿官或曰定長陵者王府尹也亡其
名亦不知何許人

金史卷之三

十

一百九十二

新建伯王公為汀贛都御史據江西上流
意藩府久蓄逆謀恐一旦變起先事預防
以討山賊為名請得提督軍務兵書王晉
溪知公意請如公言正德十四年六月宸
濠反公適勘事福建道經豐城縣令顧泌
告公宸濠反狀公急走小舸返至吉安與
知府伍文定起兵討賊發檄召江西諸知

府邢珣等兵又密遣謀四出投檄言京師及湖廣廣東西南南京淮安浙江各發兵討賊以疑宸濠使不敢出南昌又致叛臣家族謬託心腹云吾直應 勅旨且聚兵耳又曰寧王事且成敗未可知吾安能遂進兵賊果疑四路兵且至不敢直趨南京又喜公或不進兵遲回數日出南昌攻南康九江安慶公兵大集始傳檄罵宸濠賊又遣人致書與賊心腹李士實劉養正及閔廿四吳十三若約內應者書既發故令人洩賊黨書所過處賊黨以告宸濠宸濠盡得致書人及書遂疑士實等士實等勸宸濠去安慶直趨南京否徑出蕪黃趨京師宸濠不聽公進兵攻破南昌擒其居守宜春王拱條等及宸濠子三哥四哥宸濠時攻安慶聞之解圍反顧巢穴公迎戰樵

八言卷之三

十一

舍縱火攻之大破賊擒宸濠及其子大哥當是時南京大震非公牽制上流疑賊賊不犯南京必走蕪黃矣公既擒宸濠諸奸江彬等導 上南巡下詔親征諸奸欲攘功忌公危言巧譖百方欲去公當是時宸濠未死諸奸素通宸濠得金錢者多在上左右頗有異謀畏公不敢發公深機曲筭內戢奸倖外防賊徒撫定瘡痍激勵將士日夜如對勅敵宸濠竟得伏誅內閣大臣素惡晉溪亦忌公而公以提督軍務故得專制召兵平賊歸功晉溪內閣不說久之不論功 今皇帝即位詔錄公功封新建伯兼南京兵部尚書參贊機務遣使迎至京宴勞諸忌者又以晏勞費為詞嗾言官論阻公不得至京外艱去服闋竟不召讒謗益起屢形奏牘雖封爵賜號竟不與

八言卷之三

十二

鐵券歲祿一時勤王有功諸臣中傷廢斥殆盡惟文定得陞副都御史蔭一子千戶邢珣徐璉戴德孺陞布政使德孺死於水珣璉亦被斥陳槐削籍紀功御史伍希儒謝源以考察去官公不自安累疏辭封乞錄諸勤王者功竟格不行

一百九十三

麻陽之役師老財匱言官論奏竟爾中輟

今言卷之三

一三一

初廣貴二省撫臣謀議不合起萬治齋鏜勸處治齋不欲用兵力言撫便已有端緒遽召還京已而賊復出抄掠湖撫姜儀貴撫王學益請合兵進勦楊參將赴湖過辰州為賊所縛姜畏罪上言王兵失期不至內批切責務期盪平四川巡按袁鳳鳴遂劾王逮下詔獄以李義壯代王用兵數月日費千金官軍頓挫人畜殘破遂罷兵姜

降三級外任蓋勦既無功撫又失策矣自古南蠻與北狄不同四夷經見者自三苗始干羽兩階今可鑒也本朝累有征蠻之役未有得全勝者蓋寧河武順王時然矣

一百九十四

謚端者惟三太宰謚文端端毅端肅一司徒文端一司馬端敏近日秦鳳山亦端敏吳白樓亦文端

今言卷之三

十四

一百九十五

陝西脩邊正德初楊文襄公建議經理為逆瑾所惡被逮去兵部以修牆議是上文貴張孫曹元三人乞簡一人繼成其役瑾不肯盡取修牆銀鎔為大鐘入瑾私室至嘉靖八九年王恭襄公起督陝西修花馬池一帶邊牆三百里甚堅壯可恃先是寧夏巡撫徐廷章延綏巡撫余子俊皆有脩

邊之功史琳亦嘗請經畧花馬池邊塞而
秦襄毅公爲總制不以爲然止築肆伍小
堡弘治甲子乙丑虜大入花馬池塞殘破
陝西以是簡用文襄竟爲權奸所沮

一百九十六

越國公守蘭溪獲月庭和尚檢囊中有天
文地理書越公留之帳下 上征婺州越
公與月庭見 上并上其書 上喜問月

今言卷之三

十五

庭師何人曰師龍游朱德明德明精於天
文及得婺州立觀星臺 上與月庭夜登
臺觀乾象令長髮爲取妻月庭與鐵冠道
人議論時不合又出語犯 上安置和州
參軍郭景祥奏和尚怨謗遣人至和州杖
之死又有復見心者能詩文 上時召見
賜食見心本名天淵髯長尺許仕元爲學
士元亡削髮爲僧髯如故 上怪而問之

日削髮除煩腦留鬚表丈夫

一百九十七

大禹治河易今治河難大禹時直欲除害
今併欲興利以故甚難旣欲順其流不逆
水性必難得其濟漕運旣欲濟漕運難保
淮西陵寢無衝決之患大名張秋濟寧徐
州處處畏河患又必須引之東南流雖大
禹治之恐亦便無長策以故中灤之運及
膠河故道皆不可不早啣之膠河即今所
謂南北新河不出登萊大洋之險直自安
東至海倉三百里耳

今言卷之三

十六

一百九十八

嘉靖壬寅北虜孔棘兵書張瓚恐統兵出
禦於會推總督文臣疏中歷舉往年禦虜
皆遣都御史故事奏下吏部時文選郎中
謂余曰往時邊事急推總督文臣皆兵部

會府部議衙門議上今乃移吏部又必欲
推都御史奈何余曰渠負 國恩邊事大
壞今猶為此奸巧渠獨不知虜棘本兵自
出乎天順五年李來寇陝西馬昂統兵木
麓川之役王驥嘉靖初河西之役金獻民
皆本兵也景泰時于少保自請行邊嶺南
蠻反用兵久無成功議設兩廣總督于少
保亦自請行此獨非故事耶已而廷推首

國公言卷之三

二十一

上瓚次毛伯温劉天和三人皆兵書毛掌
院劉督團營又次起用翟鵬 內批用鵬

一百九十九

張三丰遼東欽州人名君實字全一又字
玄玄別號保和容忍三丰子不飾邊幅入
號張儼儼日行千里靜則瞑目旬日一啖
升輒盡又或辟穀數月洪武初至太和
往來長安隴西岷州甘肅又至揚州

成祖遣禮科都給事中胡濙名求儼儼寔
訪故君云或曰三丰死於勝國歟矣臨窆
復生入蜀遊行襄漢間

二百

嘉靖癸卯王湛泉與齡為文選郎中起用
周恭肅公以工部尚書總理河道忌王清
勁者倡言河道無用尚書故事王以問余
余曰永樂初開會通河尚書宋禮實始其

國公言卷之三

二十八

事西涯詩所謂幾度會通河上過竟無人
說宋尚書者是也景泰時河決張秋尚書
石璞治之正德中李燧亦以尚書治河嘉
靖初年江南白茅港之役李充嗣亦尚書
也

二百一

許紳南京人質實謹厚不喜交遊大抵有
恒人也以鑿術仕至工部尚書掌太醫院

事嘉靖西苑宮人之變 聖躬甚危得紳
藥始蘇余嘗造問 聖躬安否紳曰此變
禍不測論官守非余輩事切念受 聖主
深恩當以死報只得用桃仁紅花大黃諸
下血藥藥進余自分不効必自盡賴天之
靈辰時進藥未時 上忽作聲起去紫血
數升申時遂能言又三四劑平氣活血
聖躬遂安天地廟社之靈也以故加紳宮
保後數月紳病余視之曰余必不復起曩
西苑用藥驚憂所致至今神魂不寧百藥
不效余即死 主上萬壽死無憾竟以此
病卒 上憐之卹典甚厚

二百二

景泰元年五月漕粟十五萬石自丁字沽
舟行抵雄縣分給軍餉

二百三

國初湖廣有所謂靈通侯者鄱陽之役有
所謂捨命王者二人竟莫可考

二百四

袁珙字廷玉鄆人少遊海上遇異人授相
術論人吉凶輒驗 成祖聞廷玉名洪武
二十三年九月密召至北平一見伏地叩
頭仰對曰殿下龍質鳳姿天高地厚大明
麗中神畧內蘊真太平天子 成祖問度

今言卷之三

二十一

在幾何時對曰年踰四十紫髯過臍當是
時撥亂反正萬邦一統 成祖喜留府中
久之已而乞歸靖難後召為太常寺丞子
忠徹序班出金錢幣厚賞珙巡狩北京召
珙父子至行在出入禁廷未幾珙請老歸
卒贈太常少卿忠徹能傳父術建文初
文皇召問忠徹對曰天命有之無憂也獻
人象大成書靖難後除忠徹戎籍曾有言

楚王子重瞳者遣往視還奏無他異宣德中嘗侍上言天顏慘肅恐宗人有急變謀上者未七日樂安反書至官尚寶少卿致仕卒年八十三

二百五

林見素劾繼曉下詔獄茂陵怒甚事且不測司禮太監懷恩叩首諍不可曰殺俊將失百官心將失天下心奴不敢奉詔

今言卷之三

二二

上大怒曰汝與俊合謀訕我不然安知宮中事舉硯擲恩恩以首承硯不中又怒仆其几恩脫帽解帶伏地號泣曰奴不能復事爺爺矣叱恩出至東華門使人謂典詔獄者曰若等語梁方合謀致俊死若等不獨生乃徑歸計稱中風不能起上怒命醫治疾屢使勞問俊得不死時星變無傳奉官御馬張敏請馬坊傳奉者得勿

黜持疏謁恩跪庭下恩徐曰起起病足不能為禮問何為曰得旨馬坊傳奉不必動恩大聲曰星變專為我輩壞國外臣何能為今甫欲正法汝又壞之他日天雷且擊汝首指其坐曰吾不能居此矣汝兄弟一家徧居權要又欲居我位乎敏素驕貴又老輩聞其言不敢吐氣歸家憤恨死章瑾進寶石求錦衣鎮撫命恩傳旨恩曰鎮撫

今言卷之三

三三

掌詔獄武臣極選柰何以貨故與瑾上曰汝違我命乎恩曰非敢違命恐違法耳改命單昌傳旨恩曰外廷倘肯諫吾言尚可行因諷余肅敏執奏吾且從中贊之余謝不敢恩嘆曰吾固知外廷無人王端毅為都御史屢上疏論事言甚切直恩每嘆曰天下忠義斯人而已力左右之卒免於禍弘治初大開言路言者輒指內臣為刀

之之餘單昌大怒恩曰吾儕本刑餘之人又何怒為

二百六

王士寧生元至正甲辰至成化癸卯年百有二十士寧少慕養生不受室飲酒食肉走蜀入雪山投見一老人披氈衣卧深洞中石牀上長三尺餘耳目口鼻手足皆類小兒士寧頓首拜不答因執役左右老人

今言卷之三

二十三

不飲食坐側懸一囊中類乾麵飢輒取啖渴手掬飲礮水壹貳升士寧飢跪乞食老人與囊中物苦澁不能下咽士寧拾啖山果野菜居三年老人憐之忽曰吾語子術子識之宜出山非其人莫授士寧出雪山後事不可知其在濟寧居城東深巷敗屋中已六十年濟寧人竊旁伺士寧久絕火食唯日啖棗數枚或菜數莖飲水少許人

覬遺輒不肯受濟寧指揮王宣者海州人往見士寧駭曰吾上世有叔祖士寧好道棄家去竟不知所終翁得無是扣家事皆合宣因日與來往成化七年朝廷下山東徵士寧俾乘安車來楊文懿公道濟造士寧問但曰靜坐寡慾坐久瞑目閉息曰我老無能 朝廷過聽召我我未聞道但習靜已久近乃日與人接大敗吾事文懿因

今言卷之三

三十四

問元末國初事曰一身之外百無所知

二百七

遼東之不隸山東先朝有深意遼山多苦無布山東登萊宜木綿少五谷又海道至遼一日耳故令登萊諸處田賦止從海運運布遼東無水陸舟車之勞遼兵喜得布回舟又得販遼貨兩便之後以來帶私貨故禁止海船遂廢今布運者又不得由遮

洋運船海道須經京東出山海關入遼苦勞視登萊海道何啻百倍此以人事言若論地利遼東須直隸京師為東輔

二百八

洪武初設太倉黃渡市舶司至今稱為六國馬頭尋以海夷黠勿令近京師遂罷之已復設於寧波泉州廣州七年九月又罷後乃復設提舉一人副提舉二人屬吏目

今言卷之三

三五

一人驛丞一人三提舉司皆然

二百九

嘉靖庚子虜破大同塞深入山西時兵部三尚書張瓚掌部事毛伯溫掌都察院事劉天和提督團營皆不肯帥師禦虜起都御史翟鵬於家總督宣大偏保山東河南等處軍務駐大同境上鵬質直端勁外若惴惴內有經緯不善附權貴通賄遺有

前輩大臣風節柄臣惡之虜退拮據細故閑住明年虜又至諸大臣益畏懼莫肯出大同復起鵬提督如故以防禦功歷陞兵部尚書甲辰兵部議掣防秋兵太早虜直犯紫荆上大怒逮鵬詔獄謫戍邊行至河西務借宿民家不納告之鈔關主事主事捷民家留鵬宿民家告之東廠以聞遂復逮鵬瘦死錦衣獄先是樊繼祖為總督喪師失律且殺良民報功侵費帑金數十萬以厚賂巧媚得無罪

今言卷之三

二六

二百一十

西南夷自國初為梗洪武已巳征南將軍傅友德帥二十四將軍分駐湖廣四川練兵防西南夷友德尋召還時中原既定而西南夷屢叛用兵無虛歲

二百一十一

正德庚午逆瑾既縛治黨與長沙欲逮內閣曹元太監張永曰老先生勿開此路當為日後計元得削籍去正德辛巳新都因言官論晉溪擬下詔獄且將殺晉溪司禮曰萬歲今纔年十五王天官左班大臣一日至此恐日後事不可料大禮議時永嘉欲逮新都司禮亦不肯

二百一十二

今言卷之三

七

劉千斤者荆襄大盜景太天順間河南北襄南湖北流民聚劫房山中者數十萬四出行劫急或拒相賊脫官府捕之輒匿未敢公然格鬪成化元年流劫鄧州李家李家豪有力盡聞諸上官云不捕且入秦官府集兵圍捕急遂糾眾反擊大王將軍國老軍師先鋒推千斤為主劉長子苗龍虎副之石和尚為謀主勢甚猖獗攻掠河南

南陽鄖陽西至漢沔東及蘄黃尚書白圭撫寧伯朱永督諸軍進討至漳南湖廣總兵李震以土兵來會議進兵方略千斤等懼遂擁眾出戰屬永病圭督震分兵截勦破賊賊退保巢寨我兵乘勝進攻破之擒千斤龍虎等和尚長子脫走益深入萬山中永病起帥諸兵入山搜捕襄陽文總旗者隸都督喜信指揮張英下頗驍健遇長

今言卷之三

二八一

子相搏不勝長子欲殺文總旗總旗曰榜急石和尚汝無主名汝能縛和尚獻軍門陞賞有榜例遂與俱見英英撫勞長子遣去果誘獲和尚諸將忌英功大譁英匿賊賊英俱不敢爭長子和尚竟以俘獻并千斤等伏誅未幾千斤餘黨李胡子及野王剛小王洪亦反都御史項忠討平之成化年設湖廣行都司於鄖陽都御史一人

撫治寇盜稍息

二百一十三

方遜志在翰林寵任時薦西楊西楊修實錄乃謗方叩頭乞餘生西楊薦陳芳洲不薦東西兩王芳洲嗾人訐西楊之子稷稷竟坐法論死西市芳洲令徐武功更名以圖進用又力薦武功武功竟置芳洲於鐵嶺武功為石總兵畫奪門之謀石總兵又

今言卷之三

二十九

置武功於金齒近日永嘉貴溪亦頗類此

二百一十四

洪武十一年令考績殿最分三等稱職無過為上賜坐宴有過稱職中宴而不坐有過不職下不預宴敘立於門宴者出然後退十七年令方面官無侵郡縣之職

二百一十五

嘉靖壬寅起故右都御史萬鏜為副都御

史勘處湖貴蜡爾山夷情明年萬疏有曰此夷先是宣德七年用兵十二萬攻圍九箇月勦賊過半正德七年用兵伍萬攻圍四箇月勦少撫多今初擬用兵陸萬期以半年臣博訪各賊巢穴如蜡爾等山接連三省當其險絕之處晦冥之時一夫拒守百夫莫前與其多兵以冒險而犯欲速之虞不若減兵以存糧而圖持久之効乃減

今言卷之三

三一

兵三萬大抵以勦之威行撫之恩今雖平定但地方大壞極敵苗夷易動難安目前雖已寧帖而後患所當預防遂條上方畧專意防守不事征進後至丁未遂大用兵兩省騷動迄無成功萬又嘗有書與中朝人士其畧曰苗賊巢穴如蜡爾雷公等山峒接連湖貴四川周回千數百里徑狹所居人跡罕至其懸崖鳥道莫可躋攀狹路

羊腸不容並足且竹箐叢生彌望無際幽巖曲澗在在皆然鱗次櫛比殆無空隙人非側有僂背莫能入也賊從內而視外則明每以伏弩得志我從外而視內則闇雖有長技莫施審據軍前漢上官貞曾經兩廣滇蜀等處征進者皆云山峒之險峻各省亦有之至於竹箐之深阻則所未嘗見也其地利之難如此苗巢所居率皆險僻

今言卷之三

三十一

幽翳天晴之日亦將午而後開朗未晡而已晦暝但遇稍陰即霏霧迷濛尋丈莫辨計其陰雨十常六七蓋山嵐瘴濕氣候鬱蒸之所致也其天時之難如此先年上官守法易以駕馭苗夷確魯易於牢籠自正德以來邊方多故土官征調皆顧倩此苗以爲前鋒用能克敵稱強及至近年土官構讐各厚餌此苗以助攻殺因而啓釁生

亂由是土人與苗互結姻親情多牽制且其技倆亦爲賊所窺破無復畏憚今用土兵不免前弊欲擯而不用彼以切近之地素稔之情不但引誘窩藏在所必有甚或借兵齎糧豈能盡防况湖貴官軍皆不足用湖廣除永順保靖之外其餘土酋可調之兵能出千數者無幾至於貴州舍酉陽平茶之兵愈少而愈難矣必欲別省調兵

今言卷之三

三十二

則又不諳地理成功難必而其沿途擾害尤不可言決難輕調其事勢之難如此苗賊常言朝廷有千萬軍馬我有千萬山峒又云諸葛亮有七縱七擒我苗有三緊三慢所謂緊者軍退則突出劫掠所謂慢者軍臨則散漫潛藏又云不怕官府軍多只怕官府糧多蓋以軍雖多而山箐深險力未易施糧若多而圍困久長勢將自斃然

彼明知道路便難運甚難料不能多故
為此言其狹夷巨測之難如此歷觀史牒
所云大率皆然故昔人云自古用兵未有
大得志於南夷者誠有以也前此兩省官
司非不知地方之害亦非無滅賊之心然
而莫肯以勦賊為已任者蓋亦畏其難耳
况遠得於傳聞者恒失其實旁觀於閒暇
者每易其言不以為邀功生事則以為勞

言卷之三

三十三

師費財人亦何苦冒地方之利害而招已
身之艱危乎積習有年稔亂斯極其獨力
任事之難如此

二百一十六

京師在北平宣府大同視周漢唐朔方近
者言止守碯庸鴈門此乃誤國之賊又或
言蓋撤山西兵專力并守大同亦非良策
大寧碯離鴈門門戶藩籬以禦外侮門戶

以固內防二者皆不可缺

二百一十七

近日士人知天文者多有其人惟光祿少
卿樂護鳴殷華湘原楚為精二人共上五
星聚營室疏甚明暢懇切禮官覆疏亦直
言規戒皆可傳

二百一十八

景泰四年八月工科給事中徐廷章條上

言卷之三

三十四

七事一重官爵部增尚書一人左右副僉
都御史至三十餘人人加師保名器猥濫
二慎師儒今教官多歲貢監生及山林儒
士素無問學輒為人師授經且句讀不明
問難則汗顏莫對宜用副榜舉人便三嚴
科貢近科舉開額陝西山西百名三倍於
昔會試禮部百無一中歲貢亦四倍於昔
比及入監即以存省京儲悉遣還家請依

宣德正統例四部珍奇蠻夷屢貢金銀寶石火鷄白鹿諸物未爲國瑞而傳道病民納侮夷狄請一切謝絕五固封守河南山東湖廣浙江內地可省巡撫官遼東永平紫荊諸邊鎮不可缺宜定選二人更代無使熟情債事六禁誦瀆京師每節序男婦雜沓寺觀淫穢敗倫乞懸榜禁約七誅阿附吏部尚書何文淵以奸邪免官許資王

今言卷之三

三十五

魏汪庭訓陳鈍何澄王遠皆依附文淵並宜治罪上曰朕即位初加秩舊臣資匡輔其如故餘下有司議報聞

二百一十九

大同古雲中宣府古上谷虜入大同塞必犯紫荊倒馬入宣府塞則犯白羊居庸自鎮石邊外順潮河川南下則古北口黃花鎮不能禦矣大同宣府有重兵古北口黃

花鎮兵最弱

二百二十

景泰三年沙灣堤壞遣訓導陳冕修築先是冕以沙灣功陞教授比沙灣復決冕奏言欲息斯患在用人工部惡冕請送冕山東巡撫責其成功否械赴京師既得旨給事中陳嘉猷言朝廷嘗榜求治河之畧竟未有言冕嘗有修河績今更進言而工部

今言卷之三

三十六

嫉之必欲置諸有罪之地人人皆將緘口不言其他利病甚於此者孰肯復言冕不足卹而國體所關甚重乞令冕協同巡撫等官修築便上從之

二百二十一

南京城大抵視江流爲曲折以故廣袤不相稱似非體國經野辨方正位之意大內又迫東城且徧坡卑窪太子太孫宜皆

不祿江流去而不留山形散而不聚恐非帝王都也

竟遷北平

南京大內近多圯壞以王廷相建言故也今端門樓已毀承天門樓將傾數年之後當大壞宗廟火亦當復建神所棲也不知其神在彼乎在此乎故成王在鎬京而文

今言卷之三 三十一

武王廟豐及洛都皆有之夏言 九廟議 誣甚

二百二十三

永樂壬寅 上北征五月駐獨石大閱將士英國公輔安遠侯升寧陽侯懋武安侯亨陽武侯祿隆平侯應城伯亨新寧伯忠興安伯

亨陽侯稱疾不至降辦事官

二百二十四

戴元禮名思恭以字行金華人學於丹溪朱彥脩初仕御醫事 太祖藥餌輒效風雨即免元禮朝洪武三十一年五月 上病少間輦出御右順門召諸醫官治疾無狀者盡付獄獨召元禮至榻前曰汝仁義人也事無預汝無恐太孫即位誅諸侍醫者獨拜元禮太醫院使遼簡王肅莊王慶靖王皆奔喪至京聞太孫道 太祖語哭

今言卷之三 三十一

問勞元禮簡王題仁義字大軸莊王靖王為贊詠賜元禮或曰 文皇以舊恩陞元禮院使者誤也初洪武丙寅 文皇患瘕韓公懋治久不愈請元禮至問所用藥曰是也又問 文皇嗜何物曰生芹元禮曰得之矣投一劑夜暴下視之皆細蝗也晉恭王病亦請元禮得愈病已復發卒 太祖怒遣治王國諸臣元禮侍日臣嘗奉命

療王王飲臣藥數矣臣對王病毒在膏肓
即復作不可治今果然 太祖遂釋晉王

諸臣尚書嚴震直病 上令元禮好治之

否且償命一劑而愈有妃嗜燒酒腹痛治

之愈曰十年必復發發不可治後十年竟

病腹痛死王賓者吳中高士願受元禮方

書元禮索賓拜師事我我與方書賓不肯

一日詣元禮值他出有書八冊案上賓袖

今言卷之三

三十九

去元禮歸驚嘆自失賓不娶臨終以其書

授盛啓東韓叔暘

二百二十五

嘉靖壬寅七月朔日食逐貴溪去時諸城

一人在內閣中秋分宜入內閣甲辰諸城

以二子舉進士爲言官所劾父子並削籍

數月後靈寶許太宰石首張宗伯二人同

入內閣丙午許乞致仕閑住去張病卒是

冬復召貴溪貴溪至而壽寧疾張延齡死
於西市戊申冬貴溪亦如之

二百二十六

溥洽字南洲浙江山陰人洪武初薦高僧

入京歷陞左善世靖難兵起爲建文君設

藥師燈懺詛 長陵金川門開又爲建文

君削髮 長陵即位微聞其事囚南洲十

餘年榮國公疾革 長陵遣人問所欲言

今言卷之三

四十一

言願釋溥洽 長陵從之釋出獄時白髮

長數寸覆額矣走大興隆寺拜榮國公床

下曰吾餘生少師賜也仁宗復其官卒年

八十二

二百二十七

南京吏部題名記首高嵩洪武三年任次

張銘善次郎本中次陳脩又次滕毅毅註

洪武四年任今考毅於初設吏部時與楊

士義等六人為六部尚書入見奉天殿受

面諭毅後趙瑁瑁後高嵩李信詹同同

洪武四年為尚書兼翰林學士承旨七年

出吏部為翰林學士承旨呂熙代之題名

乃云洪武七年任張郎陳三人亦非相繼

並在革中書省後為尚書洪彝在翟善之

前劉崧在傑斯之後題名以傑為揭乃後

有洪彝而無劉崧崧署尚書陳敬余焮皆

卷之三

四

試尚書尋為真翟善驗封署郎中事主事

署部尋為真

二百二十八

嘉靖丁未秋兵書陳經被勅王以旂代陳

未幾以河套議出陝西總督邊務劉儲秀

代之劉循例疏辭 上怒削籍去趙廷瑞

代之不半年兵部更四尚書近年兵書最

久者張瓚邊事大壞自瓚始瓚有才畧無

柰其好貨何

二百二十九

洪武辛亥禮官崔亮定外官慶賀禮以武

臣為班首壬戌廣東布政司請慶賀班秩

孝陵曰禮行於藩司班首以品秩敘今

都司無實授者惟實授都指揮使正二品

乃得為班首

二百三十

卷之三

四

吳元年選郡縣官二百三十四人賞綺布

道里費及其父母妻子有差著為令曰以

養汝濂奉公無漁民也洪武元年詔中書

省自今除府州縣官賜銀十兩布六疋徵

天下賢才為守令厚賜而遣之

二百三十一

蒲四固原土胡也驍健好殺時出劫行人

掠牛馬聚惡少食飲叅將劉清指揮馬傑

稍法繩之四賂掠資即解即數日又復中
他事收捕捕至輒得賄賄已又捕四大恨
曰必殺此二人者成化四年四月遂反不
數月有衆二萬廷議請勅鎮守問激變故
勅未至清進與賊戰大敗寧遠伯廣義伯
巡撫陳价都指揮費良皆敗或死兵部請
合陝西延綏寧夏三鎮兵進勦賊益肆行
劫攻城殺掠吏民羽書交至以都督劉玉

今言卷之三

四三

爲總兵副都御史項忠提督軍務會巡撫
馬文升討賊忠未至陝陝西寧夏兵先至
不俟延綏兵輒進大敗四盡奪兩鎮軍器
開大兵且至退保石城山忠等分兵七屯
合圍之戒勿戰困賊伏羗伯毛忠違命先
登敗死賊益張言且攻西安兵部尚書程
信請改命撫寧侯永總京邊軍四萬往討
大設賞格擒四者賞金五百兩銀倍之官

世指揮使四八共亦如之十一月忠圍賊
益急度必破賊又聞別命將不敢輒止奏
言宜令新總兵星馳赴援倘不日破賊別
奏止兵 上手忠奏付太監懷恩等召兵
部議內閣信曰兵行不可緩彭時商輅曰
賊不能出入山自保我兵困之甚固觀忠
疏賊不足憂也信曰不然忠且退至平涼
未可知敢必其能困賊耶尚書白圭侍郎

今言卷之三

四四

李震相視不言時曰然則度京軍當何時
抵固原信曰明春二三月時曰勝負決今
冬奈何至明年觀忠奏賊憊矣止京軍便
太監曰然然則邊軍去乎時曰亦不去便
輅曰留京軍而遣邊軍便信大不平謂人
曰忠敗陝西動搖內閣不得辭其責內閣
又輒言忠足辦滅賊觀其疏歲終賊平矣
是月丁丑忠計擒四十二月捷音至明年

正月檻送四等三百人至京師太監問四
及故曰無柰清傑侵剝我也四等凌遲亦
斬清傑

二百三十二

皇祖製太廟祭器曰今之不可為古猶古
之不可為今禮順人情可以義起所貴斟
酌得宜必有損益近世泥古好用籩豆之
屬以祭其先生既不用似亦無謂其製祭
如生儀

人言卷之三

四三

二百三十三

宣德九年 上與侍臣論兩晉侍臣曰晉
武懲魏氏刻薄奢侈矯以仁儉平吳後頗
事遊宴怠政事掖庭將萬人外戚用事勢
傾內外曾不一傳禍至閭閻致戎羯之
亂元帝繼統江右恭儉有餘明斷不足大
業未復禍亂內起明帝明敏有機斷故能

誅剪克臣惜其享年不永成帝以後類皆
孱弱寄命強臣奄奄百有餘年亦為幸矣

上曰晉武創業不為遠圖樹立失宜託
付非才况羗胡鮮卑雜處內郡不能先幾
區處以致國禍方殷戎寇遽至東晉僅能
立國逆臣接跡朝政陵夷尚傳數世由賢
人為之用也又曰帝王維持天下以禮教
為本兩晉風俗淫僻士習浮薄先王禮樂
教化蕩然掃地豈久安之道

人言卷之三

四六

二百三十四

嘉靖十八年五月夏言落職致仕尋復入
內閣以梁材為戶部尚書六月丁酉震奉
先殿鼓樓災山西地震有聲如雷南京禮
部右侍郎呂柟致仕理河副都御史朱裳
卒七月遼東兵變庚寅震武功坊江浙大
水庚申葬 獻皇后顯陵閏七月木火水

金四星聚東井河南大疫辛未 獻皇后

祈廟 中宮亞獻咸寧侯仇鸞總督軍務

兵部尚書兼右都御史毛伯溫參贊軍務

討安南九月虜數入宣府塞辛酉 上行

祝長陵癸亥還宮十月大同總兵都督梁

震卒十二月虜入宣府塞

二百三十五

洪武十一年秋享太廟太常奏粟未熟請

今言卷之三

四七

以桃代 上曰諸祭果實不必常品有即

用之著為令

二百三十六

宣德九年罷築西教場先是教場在德勝

門外欲移西直門 上命都督武興視可

否興還奏可但徙民家三十六既而有言

其地皆民種麥苗棗果樹及古墳墓並

須剷夷又白雲觀傍地皆民納稅蔬圃

上曰勿病民事遂寢

二百三十七

正德十四年二月乙酉司禮蕭敬傳旨

上自稱總督軍務威武大將軍太師鎮國

公朱壽巡幸南北直隸泰安神州丙戌又

傳旨南巡武選郎中黃鞏車駕負外郎陸

震上疏極言江彬帝寵擅權迷朝誤國乞

誅彬罷巡幸 上怒上初議以三月壬子

今言卷之三

四八

警道東巡祀岱宗歷徐揚抵南京下蘇杭

復浙江浮漢登武當人情洶懼將相大臣

多從諛不敢諫是月己酉翰林脩撰舒芬

等亦疏諫各部及行人司皆懷疏集闕下

吏部尚書陸完沮之曰無歸惡於上衆退

是日吏部負外郎夏良勝禮部負外郎萬

潮太常博士陳九川明日吏部郎中張衍

慶等刑部陸俸等又明日禮部姜瓖等兵

部孫鳳等行人司余廷瓚等俱連疏入又有醫士徐鏊獨疏以醫諫 上遂大怒不果出癸丑鞏震良勝湖九川鏊下錦衣獄芬衍慶倖龍鳳等百七人跪午門外五日甲寅廷瓚等下獄明日同鞏等六人亦跪午門外五日械繫是日工部林大輅等三人大理寺周敘等十人連疏入明日俱下獄亦械繫跪五日金吾衛指揮張英憤曰是大變故明效駕出必不利肉袒囊土手持刀欲自刎死上疏諫數日天色陰霾京師震駭公卿被唾罵瓦礫擲晨夕出入不敢待辨色至請命禮部禁言事者通政司遂格不受疏又有貢諛叅劾屬吏妄言者上怒遂不可解戊午水溢內海子不了橋高四尺鐵柱七斬折是日繫芬等一百七人午門外撻三十疏首調外任餘奪俸

年四月巳卯鞏等六人午門撻五十
鏊戍邊

二百三十八

宣德五年十二月巡撫浙江侍郎成鈞奏海鹽縣民言縣並海舊置石墩土岸延袤二千四百四十餘丈備海患比因風潮衝激壞者一千一百餘丈有司雖常修築然舊石為水所齧皆剝弊無廉隅暫用累砌

今言卷之三

五十一

終不堅固今議於舊岸內別砌石岸而存其舊者以為外障庶可久遠乞如洪武中令嘉興湖州嚴州紹興等府發夫匠協助為便 上從之

二百三十九

近日東南倭寇類多中國之人間有膂力膽氣謀畧可用者往往為賊蹀路踏白設伏張疑陸營水寨據我險要聲東擊西知

我虛實以故數年之內地方被其殘破至今未得殄滅緣此輩皆麤豪勇悍之徒本無致身之階又乏資身之策苟無恒心豈甘喙息欲求快意必至鳴張是以忍棄故鄉幡從異類倭奴籍華人爲耳目華人藉倭奴爲爪牙彼此依附出沒海島倏忽千里莫可蹤跡况華夷之貨往來相易其有無之間貴賤頓異行者逾旬而操倍蓰之

古今言卷之三

五十一

羸居者倚門而獲牙儈之利今欲一切斷絕竟致百計交通利孔既塞亂源遂開驅扇誘引徒衆日增若不包荒含垢早爲區處恐數年之後或有如盧循孫恩黃巢王仙芝者益至滋蔓遠難撲滅矣洪武年間倭奴數寇東南傍海州縣其時浙江一省既遣信國公湯和築城又遣魏國公徐輝祖安陸侯吳傑練兵又遣都督商嵩楊文

劉德出戰又遣都督於顯出海巡倭此皆上公元矣謀臣宿將尤且遲之數年未得寧息復遣南雄侯趙庸招撫沿海漁丁島人鹽徒蠻戶藉爲水軍至數萬人又遣萊州府同知趙秩禮部員外郎呂淵 宣諭倭奴迨至洪武二十五年以後而海上始得安靖則凡可以解散賊黨者宜亟爲議處也

古今言卷之三

五十二

二百四十

孝陵平漢封漢主陳理爲歸德侯友諒父普才爲承恩侯兄友富歸仁伯友直懷恩伯弟友仁贈南康王又封蜀主明昇歸義侯洪武五年遣元樞密使延安答理送理昇於高麗普才徙滁納哈出者木華黎裔孫也既降遣歸數侵遼東宋國公兵出塞降之封海西侯卒葬南京其子察罕改封

潘陽侯坐黨死

二百四十一

長陵北征命侍郎師達督餉達以道險車載民疲糧乏乃擇平坦之地均其里路置站堡每夫一人運米一石此送彼接朝往暮來民以不困食亦旋足

二百四十二

成化末年宦者尚銘坐東廠陳準繼之甚

今言卷之三

五十二

簡靖令刺事官校曰反逆妖言則緝餘有司存非汝輩事也坐廠數月都城內外安之權豎以為失職百計媒孽準自知不免一夕縊死準廣東順德人

二百四十三

讀成布衣祭忠文詩成器餘姚人正統末聞劉忠黨死獄即邑中龍泉山頂為文祭之祭畢以餒頌諸同志其文歷述古今權

奸之禍凡三千餘言人謂之祭忠文今其地謂祭忠壇詩曰萬古興亡淚滿笺一壇遙憶祭忠年大書筆在憑誰執高調歌沈待我傳無地可投湘水裔有天應照越山顛布衣閔世尤堪弔何處松楸是墓田邵文莊公云

二百四十四

洪武三十年海運赴遼七年萬石有奇永

今言卷之三

五十四

樂六年六十五萬有奇十二年北京五十萬由衛河通州四十萬由海十六年會通河運四百六十萬有奇宣德八年五百餘萬正統二年四百五十萬景泰二年四百二十三萬七年二百九十二萬天順四年四百三十五萬成化八年以後四百萬石又有江南常蘇松嘉湖白糧十八萬八百六十餘石山東河南粟米豆麥又若干石

不在四百萬數

二百四十五

我郡守楊公承芳乞致仕疏云錢若水居樞密年四十而致仕以臣觀之臣年尤多三歲陶弘景奉朝請年三十六而致仕以臣觀之臣年尤多七歲故臣致仕死得與弘景若水遊於地下足矣

二百四十六

今言卷之三

五十五

席文襄公論漕船利害成化以前病在民成化以後病在軍

二百四十七

沙州漢燉煌郡今為蒙古衛川邊古塔赤斤即漢屯田柳中地今為罕東地爪沙赤斤等處番達本皆一種枝大族分因地異名耳

二百四十八

北狩永樂七年己丑也六曹稱行部十五年丁酉改云行在某部北京之為京師不復稱行在也蓋自正統辛酉始也

二百四十九

元皇孫買的禮八刺被擒有故符寶郎以歷代靈章四十餘顆降 孝陵以其不忠尚之山東降將百餘人貌皆魁梧李丞相奏欲用之 孝陵疑其結黨皆殺之

今言卷之三

五十六

二百五十

漕船一萬二千一百四十三裏河淺船遮洋海船十年一造免儀爪填也江南皆五年一造往回皆經填也官軍十二萬有奇

二百五十一

景泰時南方葉鄧之變文臣總理軍務皆稱鎮守浙江兵部尚書孫原貞福建刑部尚書薛希璉

二百五十二

胡忠安公致仕歸常遣子長寧謝自敘由
洪武三十三年進士任尚書歷仕五十八
年中更迎駕復辟之勞及盧忠阮浪之獄
乞將臣男量為錄用臣雖死之日猶生之
年天順改元八月十三日奉 裕陵旨胡
長寧陞世襲所鎮撫錦衣衛帶俸洪武三
十三年實建文二年

二百五十三

南贛與湖廣福建廣東相連流賊易起鄖
陽與陝西四川河南相界流民易聚故江
西湖廣既有撫憲此則又設提軍撫治之
官也南贛山深而人狡鄖陽土曠而民貧
二百五十四

莆田處士劉閔弘治中林見素言其恭慎
純粹學行高古日無二粥身無完衣而處

之裕如徐貫劉大夏每拜其門知府王弼
齋所必迎致日對劉君鄙各自去詞藻雖
不逮其為人而德宇道風人自難及乞仍
布衣入侍 東宮有奏未上

二百五十五

洪武三年庚戌開鄉試明年辛亥會試是
年天下亦舉鄉試又明年壬子連舉鄉江
西吳伯宗辛亥狀元也解學士文有曰家
君以洪武四年辛亥主考江西蓋會鄉是
歲同舉解江西人遂主江西試事壬子則
今子午卯酉例耳

二百五十六

宣德四年七月太監馬騏矯旨下內閣書
勅付騏復往交趾開辦金銀珠香時騏自
交趾召還未久內閣覆請 上正色曰朕
安得有此言渠曩在交趾荼毒軍民卿等

獨不聞乎自騏召還交人如解倒懸豈可再遣然亦不誅騏也

二百五十七

漕運有元戎間以卿亞提督整理自河州休庵王公以景泰庚午總督漕事明年兼巡撫於是或右都御史或左右副僉為常設之官矣

二百五十八

戶部尚書梁公材南京人弘治己未進士字大用號儉庵清修勁節始終不渝為翊國公郭勛所惡削籍初為縣令歷知嘉杭二府皆有惠政有儉庵奏議四冊

二百五十九

吏部尚書周用都御史宋景端明簡諒有風節不肯依附人人亦不敢干以私嘉靖丁未正月朝覲考察兩畢相繼卒善類咸

備之周贈太子太保謚恭肅宋贈太子少保吏部尚書謚莊靖吏部侍郎武城王道文學行誼表著一時難進易退晚得嚮用是秋亦病卒

二百六十

戶部尚書王杲汶上人甲戌進士素稱清謹但待屬吏稍嚴急當是時邊隅多事財用不給杲一切取辦倉庫空虛嘉靖丁未秋柄臣惡其執法又入親暱小人之言言官又妄劾杲受賄遂逮詔獄考訊誣伏謫戍卒

二百六十一

朶顏在漁陽塞外福餘太寧建州海西在遼陽塞外皆我藩籬食我乘蹏懷我好音久矣今皆通迤址為我邊患恐數年之後址虜見京東塞外水草畜牧之利將并朶

顏建州我東塞亦與北虜為隣如宣府大同矣亟諭東虜無引賊入室自受其害如景泰時事諸酋或有悔悟者不然憂未已也

二百六十二

河南何瑋字粹夫有文學行誼高古灌園自給不妄取予潔身獨行君子也王廷相字子衡少勵名節博學能文別歷中外著有聲績皆近時名臣後進好言人短謂何廷腐王晚年與朔國共督團營不能糾發其奸可謂責人無已矣

二百六十三

太宰靈寶入內閣南昌代之因論其僂不經不足崇信忤 上意削籍蘭溪入吏部病乞致仕忤 上意削籍卒於張家灣道中都御史周白川代之病卒司寇聞石塘

代之南昌首論大禮始終不附張桂朴忠自許有大臣風節數年間善類皆思靈寶南昌

二百六十四

國初召商中鹽量納糧料實邊不煩轉運而食自足謂之飛輓後因積納數多價值亦賤興利之臣遂改議上納折色行之既久習以為常彼時改折糧料有餘而價亦賤計似所入為有贏利未為不可近來糧料不足價亦騰貴徒煩轉糴邊用索矣大率鹽一引納銀五錢先時可糴米一石今多不過三四斗或二三斗故商人所納數倍於前而國初之所資以餉軍者實則無增於舊彼此虧費其弊益滋是故多得銀不如少得米省和糴之擾也杜侵剋之弊也慰待哺之望也漸墾邊地以致殷富也

一舉而四善具焉說者又謂閭閻開納本色召商不至蓋向者上納本色時商自募民耕種塞下而得穀為易又塞下之積甚多而價輕又無戎虜之患今則耕種廢矣塞下之積虛矣穀價騰湧強虜出沒勢不安若商人安得糧料應召募乎欲復本色非減斗頭利商人使商人趨利而開墾邊地不可也然必遲之四五年而後得其大利

四言卷之三

六三

二百六十五

張西磐潤自給舍歷官南史書行業無玷其當逆瑾時著風節在工部昌言正色折端國之驕悍一時大臣罕能及之嘉靖丁未尚書一考北上改太倉尚書未上言官論劾下吏部不與題覆候數月西磐自陳疏至 內批致仕王爾洲學夔文學深淳

操履廉潔嘗為文選郎中守正庇善類為張桂所惡出為南太僕少卿改太常矣復中他事降外任歷陞南禮吏二部尚書恭慎簡實不屑依比人亦有才畧顧不肯發揚人不知也其擒治鼎山中偽皇子事不煩一兵亦不奏功嘉靖己酉累乞致仕不允進南兵部尚書叅贊機務益力辭疏未下言官又上劾章 內批三疏致仕

今言卷之三

六十四

今言卷之三

今言卷之四

海鹽鄭曉

二百六十六

正德元年十月劉瑾入司禮監矯詔殺太監王岳徐智范亨罷戶部尚書韓文郎中李夢陽勒少師劉健少傅謝遷致仕以吏書焦芳兼武英殿大學士吏侍王鏊為戶部尚書兼文淵閣大學士入內閣兵書許進代芳加李東陽少師兼太子太師吏部尚書華蓋殿大學士先是上初即位瑾等以東宮內侍導上遊戲內閣上疏言皇上視朝太遲免朝太數奏事漸晚遊戲漸廣長夏之時遂停經筵并輟日講不知陛下官中何以消日奢靡玩愒濫賞妄費非所以崇儉德彈射鈞微殺生害物非所以養仁心懲大猷逸田野之畜不可育於

宮廷弓矢甲冑戰鬪不祥之象不可施於禁禦夫使聖學久曠正人不親直言不聞下情不達而此數者交雜于前則聖賢義理何由而明古今治亂何由而知民生困苦而莫伸政事弊壞而莫救宗社所繫生民所賴今日之事臣實憂之六月中旬風雨飄蕩雷霆震怒正殿鴟吻及太廟春獸天壇樹木禁門房柱各有摧折或至燒燬天心示警蓋已甚明伏願陛下惕然省悟報聞復上疏曰兩月以來日高數丈尚未視朝茲天變民窮之時正宜恐懼修省怠荒若此禍亂將至又報聞會太監王讚崔通去南京蘇杭織造乞長蘆官鹽萬二千引戶部請予半上不喜召見內閣問狀內閣對曰宜如部議上曰用不足奈何對曰寧加銀數不可多鹽引上

詰其故對曰鹽引有夾帶之弊引多則夾帶益多 上曰彼獨不畏法乎對曰彼既得旨沿途騷擾 朝廷豈得聞知 上色變語益厲曰豈獨此數人壞事譬如十人豈能皆賢亦未免有四五人壞事者時有譖健遷者 上入其言故云內閣退上疏自劾曰先帝顧命惓惓以 陛下為托臣等誓以死報未敢求退近者地動天鳴五星凌犯星斗晝見白虹貫日羣災疊異併在一時諸司弊政日益月增百孔千瘡隨補隨漏當此之際內外臣僚協心倍力猶恐弗堪方且持祿固寵任情作弊讒謗公行姦邪得計變亂黑白顛倒是非人怨於下而不知天變于上而不畏竊觀古今載籍未有如此而不亂者政出多門咎歸臣等捫心反顧無以自明展轉于衷事非獲

今言卷之四

三一

已若竊祿苟容既負 先帝又負 陛下伏乞罷黜不允又上疏曰痛惟 孝宗皇帝大漸之時召臣等至乾清宮御榻前面賜顧命諄諄數百言臣等頓首拜受不勝嗚咽彼時司禮監太監陳寬等實共聞之 陛下嗣位之初臣等尤得少盡其職近來數月徃徃旨從中出畧不預聞有所議擬徑行改易并上詔書不信政令失中數事皆不聽言官亦會疏論內侍罪狀留中戶部尚書韓公文每朝退輒泣恨不能救正部郎中李夢陽說公大臣義共國休戚徒泣何益公曰計安出夢陽曰比言官入章交劾諸閣章下閣老持劾章甚力公誠及此時率諸大臣死爭閣老又得諸大臣持劾章必益堅去瑾輩易耳公捋鬚昂肩毅然改容曰善即事弗濟吾年足死不死

今言卷之四

四

不足以報國明日早朝公密叩閣老許之
 倡諸大臣諸大臣皆唯公退具疏曰臣等
 待罪股肱值主少國疑瞻前顧後心焉
 如割中夜起嘆臨食而泣者屢矣近歲朝
 政日非秋來視朝漸晚仰觀聖容日就清
 癯皆言太監馬永成谷大用張永羅祥魏
 彬劉瑾丘聚等置造巧偽淫蕩上心擊毬
 走馬放鷹逐犬或俳優雜劇錯陳於前至
 導萬乘與外人交易狎暱媒褻有傷禮體
 日遊不足夜以繼之勞耗精神虧損至德
 遂使天道失序地氣靡寧雷異星變桃李
 秋華考厥占候咸非吉徵切緣此等細人
 惟知蠱惑君上以便已行私不思皇皇帝
 帝在陛下下一身今大婚雖畢儲嗣未建
 萬一起居失節雖將此輩蓋粉菹醢何補
 於事昔我高皇帝艱難百戰取有四海

列聖繼承傳之先帝以至陛下
 先帝臨朝顧命陛下所聞也奈何姑息
 羣小置之左右累聖德乎今永成等罪
 惡既著若縱不治將來無所忌憚為患非
 細伏望奮乾剛絕私愛上告兩宮下諭
 百僚將永成等明正典刑以回天變泄神
 人之憤潛消亂階以保靈長之業疏入
 上驚泣不食諸閣老懼太監王岳者亦與
 永成等共事素剛厲頗惡其黨初閣老持
 言官章不肯下諸閣老相對泣會諸大臣
 疏又入上遣司禮詣閣議一日三至閣
 益持議不肯下岳顧獨曰外廷議是明日
 忽召諸大臣入諸大臣或有咎公者曰公
 疏言何公故不應令吏侍蓋趨詣閣候洛
 陽語王曰事且十成七八諸公第堅持至
 左順門太監李榮手諸大臣疏曰有旨

諸先生愛君憂國言良是第奴儕事 上
久不忍即置之法幸少寬 上自處衆懼
莫敢出一語答榮面公曰此疏本出公公
云何公曰今海內民窮盜起水旱頻仍天
變日增文等備負卿位靡所匡救 上始
踐阼遊晏無度狎暱群小文等何忍無言
榮曰 上非不知第欲寬之耳諸大臣遂
旅退整前謂榮曰設 上不處柰何榮曰
我頸有裏鐵邪敢壞國事是日諸閣益窘
自求去南京安置閣議堅持猶不肯下是
夜瑾等逃 上前跪伏哭頭觸地曰非
上恩奴儕且磔餒狗 上色動瑾又進曰
害奴儕者王岳 上曰何謂曰岳前掌東
廠謂言官先生有言第言議閣時岳又獨
是外廷議狗馬鷹兔岳嘗獻否 上心所
明也今獨咎奴儕益伏地痛哭 上怒夜

今言卷之二

二

收岳及亨智瑾又曰狗馬鷹兔何損萬幾
左班官敢譁無忌者司禮監無人耳有則
惟 上所欲爲誰敢言者 上立詔瑾入
司禮監竄岳智亨南京內閣又上疏曰伏
見舊年以來龍顏清減心切憂惶傳聞每
夜戲樂有妨寢膳皇城禁門開閉無節甚
至入市交易全無扈衛皆由左右誘引以
致聖心荒怠政令乖違財盡民窮上干天
變昨者府部科道等官合詞累奏皆謂瑾
等狎昵淫巧罪大惡極乞明示典刑臣等
讀未終篇涕淚交下連日司禮太監李榮
等三至內閣傳示 聖意乃謂瑾等自幼
服事不忍遽行斥逐夫人君之於小人若
不知而誤用其失猶小天下尚望其能知
而去之若既知而不治則小人狎玩愈肆
姦邪正人危疑被其離間天下之事無可

今言卷之四

一

復為必至於亂亡而後已且邪正必不兩立今滿朝文武公卿科道皆欲急去數人而使之尚在左右非但朝臣盡懷疑懼而此數人者亦恐不能自安上下相疑內外不協禍亂之機皆自此始 宗社所關誠非細故 上不允三臣各疏求去內批徒遷致仕東陽留用東陽再乞退 上曰自陳休政臣下職也黜陟人才朝廷公論卿毋再辭韓李皆致仕言官劉蒞戴銑等俱下詔獄錦衣鎮撫牟斌杖闕下奪職岳亨智為瑾所殺死於道路

二百六十七

弘治十一年十月清寧宮災 詔行寬恤 東直言內閣上疏曰竊見頃年災異頻仍內府火災尤甚軍器庫火番經廠火乾清宮西七所火內官監火而清寧宮之災尤

為大異古先聖王遇災而懼避殿減膳責已求言修政事明賞罰然後可以轉禍為福變災為祥本朝 列聖具有故事今日急宜舉行向來姦佞熒惑 聖聰妨蠹聖政以致賄賂公行刑賞失當紀綱廢弛賢否混淆賦役繁興科派百出公私耗竭軍民困憊而大小臣僚被其協制畏罪避禍箝口結舌下情不達上澤不宣愁嘆之

今言卷之四

十

聲仰干和氣災異之積正此之由今天道昭明元惡殄喪 聖心開悟洞察前非然餘慝未除宿弊未革雖聖仁廣大姑示含容而中外人心憤鬱未釋故上天仁愛復有此異伏願大開離照獨運乾剛進賢黜姦明示賞罰當行之事斷在不疑無更因循以貽後患尤望特降綸音戒諭臣工痛加脩省廣求直言指陳時弊並垂採擇次

第施行以收人心以回天意 上悉從之
時太監李廣死乞祠額不許 熈黨周輔請
令李東陽爲廣寺碑文又不許言官劾文
武大臣交結廣者請追究簿籍 上因東
宮午講過左春坊放班後召內閣出袖中
諸大臣辯疏問處分云何內閣請治其罪
上曰然但六部尚書五人被劾柰何對
曰但查簿籍治其有實蹟者 上曰本無

今言卷之四

十一

簿籍究之恐濫及耳對曰請付臣等擬上
必不太濫 上曰此籍不知有否姑宜已
之內閣疏中所謂奸佞元惡皆指廣也

二百六十八

宣德三年 上御武英殿問侍臣歷代戶
口盛衰對曰禹平水土民莫敢居至桀而
耗湯時已不及禹至紂淫虐武王時又不
及湯成康致理遂多於禹時春秋戰國至

秦所耗尤多漢高至文景民庶大增武帝
征伐不息十數年間民數減半昭帝罷兵
務農至成帝初戶口極盛東漢承王莽後
率土之民十纔二三明章之後天下無事
人口滋殖三國六朝疆宇分裂所存無幾
隋文帝恭儉大業之初戶口極盛煬帝荒
淫役人以百萬計丁男不足役及婦人由
是天下之民聚而爲盜唐貞觀以後及於

今言卷之四

十二

永徽戶口日增至開元又極盛安史之亂
遂大耗宋承五季後自太祖至神宗戶口
日盛高宗南渡中原板蕩所存者東南之
民此歷代戶口之槩也 上曰戶口盛衰
足見國家治忽其盛也本於休養生息其
衰也必由土木兵戈觀漢武承文景之餘
煬帝繼隋文之後開元之盛遂有安史之
亂豈非恃其富庶而不知儆戒乎漢武末

年乃知悔過煬帝遂以亡國玄宗至於播遷皆足為世主大戒

二百六十九

宣宗坐文華殿召問士奇榮交趾勅去未對曰行矣 上曰朕昔聞皇考言 太祖初定天下安南最先納貢已而黎氏篡奪天討不可赦是時求立陳氏後不得故郡縣其地若陳氏有後不致勞敝方隅朕對

皇言卷之百

曰此誠帝王盛舉 皇考笑曰勿泄朕心未嘗忘今思陳氏果有後選立一人使供藩職三年一貢如洪武制用寧其民我亦得省兵戍論者將謂朕委棄 祖宗之業然繼絕興滅實 皇祖之志士奇榮頓首稱善 上曰卿二人識朕意勿言賜酒饌而退

二百七十

景泰元年七月癸亥禮部右侍郎李實及也先使臣把禿等至自瓦剌寧陽侯陳懋吏部尚書王直等言實至自虜中言虜欲和且還大駕又引實至 上皇所 上皇諭虜請和非偽慎勿疑阻朕需少物作人事汝歸為朕取來朕得南還即令朕守祖陵或為庶人朕亦甘心乞再遣實奉衣物禮幣奉迎 上不聽曰虜請巨測實歸

皇言卷之百

十四

楊善復去不必更使即以迎 上皇意勅也先附其使去便丙寅懋直等再上言往者脫脫不花阿刺遣人議和 皇上不吝一介今也先悔禍專使行成竟不一報適啓戎心後患無已下大臣再議丁卯實上言臣自瓦剌還時也先與臣約八月五日來迎 上皇臣言需歸朝請旨未敢竊定期約也先言正使即未遣須先遣一二人

同我使來報不然勿謂吾失信遂令諸小
酋借少弊羅綺收還大同宣府塞上部落
臣過懷來見官軍出郊芻牧收禾轉餉虜
言可信臣復命日蒙召對詳述虜情近在
廷大臣累疏未允臣將命講和其欲遣人
迎復定約期日臣特傳也先口語伏望俯
從群言別遣特智大臣往迎雖虜情變詐
不測亦可塞彼無詞不然直在彼曲在我

今言卷之四

十五

猶豫趨起過期失約彼欲遣使或又以命
臣臣自揣愆期夫不敢往彼此相疑和議
不成則上皇終不可復干戈終不可息
邊鄙終不可寧矣竊人復下大臣再議是
日把禿等還諭也先曰把禿等至悉議和
之意願前已遣楊善趙榮齋書幣至可汗
及太師專為迎朕兄太上皇帝朕念爾
廷自祖宗來待我朝甚厚一旦因嫌

隙連兵太師既能復脩舊好朕亦當勉從
所請繼今益宜上順天意下順人心休兵
息民以實前言把禿等回特頒賞給至可
領也所言欲送還大駕實朕至願果出誠
心即令楊善等奉迎還京朕當永保和好
太師其深省之是日懋直等復請再遣實
奉迎上曰俟善還時御史畢鑾等翰林
檢討邢讓皆疏乞迎駕不聽已巳善至虜

今言卷之四

二十八

營庚午也先引善見上皇是日定議也
先遂奉餞上皇

二百七十一

宣德六年十二月太監袁琦有罪凌遲誅
其黨陳海等十人詔天下又諭都御史佐
內臣出外有犯令所在官司奏聞重治知
而不奏罪同軍民撥置害人者罪死

二百七十二

宣德二年三月有進函風七月圖者 上喜受之顧侍臣曰此見周家立國之本周公輔成王之心當是時君民相親如父子以故周之王業歷年最永

二百七十三

李叔正者江西靖安人性聰敏年十三以能詩名既長博通諸子百家言時稱江西十才子叔正其一也友諒陷南昌其妻夏

全言卷之四

一七

投井死叔正義不再娶洪武四年徵除國子學正遷渭南陞興化知縣禮部員外郎請老不許除國子助教遷監察御史湖廣參政陞布政使召為禮部侍郎十四年春進尚書是年有司薦賢良往往以儒學訓導應詔叔正上言師範缺員生徒廢業不可 上曰朕急作人務求明師有司又薦而他用甚失朕意禁勿許

嘉靖辛亥三月吏書夏邦謨去吏部會推

都御史屠僑南吏書屠楷吏侍郎李默

上簡用李議者皆言冢宰必歷任正卿資

久望深方得轉授未聞侍郎即正位冢宰

者籍籍問余余應曰李膺簡命固 聖明

特達之知然於先朝實為故事洪武壬午

成祖即位初也蹇忠定公以吏侍陞尚

書秉銓二十七年輟部事留京師備顧問

全言卷之四

一八

郭公璉以吏侍代蹇凡十五年至正統壬

戌致仕而王文端公以禮侍代郭凡十四

年天順丁丑致仕是時 上能推誠下無

逸口蓋五十六年間吏部三尚書耳今自

弘治丙辰至嘉靖辛亥亦五十六年凡易

二十八人而晉溪松皋皆再任整庵巽庵

晉叔皆未任銓揆數易如此他可知矣成

化癸巳尹恭簡公亦以吏侍為尚書代姚

文敏公歷十三年致仕惟崔莊敏公吏侍
為尚書代李襲敏公未逾年去此五公皆
能稱其職當時未聞有超資之議逆瑾時
焦芳張綵以吏侍相繼為尚書清議耻之
即使二人不由侍郎為尚書亦豈得為善
類乎昔傳說起板築為冢宰而甘盤舊學
不以為嫌此何足異顧稱弗稱耳

二百七十四

今言卷之四

十九

國朝定鼎金陵本興王之地然江南形勢
終不能控制西北故 高皇時已有都汴
都關中之意觀洪武元年詔曰江左開基
立四海永清之本中原圖治廣一視同仁
之心其以金陵大梁為南北京方希古
懿文太子輓詩曰相宅圖方獻還宮疾遽
後關中諸父老猶幸翠華臨蓋有都關中
之議以東宮薨而中止也

二百七十五

景泰元年減中鹽芻粟先是召商于密雲
隆慶中淮鹽者引米七斗荳五斗草四十
束古北口引米七斗荳三斗草三十五束
至是減密雲隆慶米荳一斗草十束古北
口米五升荳一斗草十束

二百七十六

嘉靖八年夏五月宗室載屬籍者八千二

今言卷之四

二十

百三人 親王三十位 郡王二百三位
世子五位 長子四十一位 鎮國將
軍四百三十八位 輔國將軍一千七十
位 奉國將軍一千一百三十七位 鎮
國中尉三百二十七位 輔國中尉一百
八位 奉國中尉二百八十位 未名封
四千三百位 庶人二百七十五名
二百七十七

郡主無廢子惟固安以 景帝出順義以
秀懷王出王無嗣國絕順義育官中故其
子王道周鳳官之錦衣

二百七十八

陸愷神宮巨鎗也以 孝穆紀太后兄世
官錦衣百戶紀太后 泰陵所自出也籍
冊無為州巢縣人

二百七十九

經筵面奏近世無聞惟嘉靖甲申夏呂脩
撰柙言五月十二日 獻陵忌辰是日講
筵 君臣不宜華服巳丑夏陸祭酒深言
講官講章不宜輔臣改撮使傳自盡其愚
囚以觀學術邪正且未幾以論禮謫解州
判官陸竟以此請延平同知程正叔詞嚴
義正范堯夫色益氣和皆賢講官也今難
其人矣

二百八十

平蜀之功經西番破階文二州者潁川侯
也由瞿塘破水陸二寨者德慶侯也二州
破則北失漢水之險二寨破則東失江水
之險故 聖祖平西蜀之序云為傳將軍
廖將軍千萬年不朽之功而中山侯不與
焉

二百八十一

嘉靖丁亥田州之役寔姚東泉之功也是
年六月三日進兵兩廣漢達馬步官軍土
兵打手殺手共十萬二千七百七十七員
名分為五哨凡攻破巢砦九十五處賊猛
殞首歸順子邦彥竄死齊村馮爵死富州
岑約死逕村帝好陸綬諸惡目俱被擒斬
惟盧蘇王受未授首比東泉歸陽明以撫
處為策蘇受來降矣陽明又以八寨之討

今言卷之四

二二

今言卷之四

三二

一第... 册續修四庫全書第 16 版正身

被 旨詔責贈卹卹典停罷并平宸濠之
功皆不錄新建之封終其身耳東泉錦衣
之廢亦罷是時前勳後撫皆謂無功難乎
任事矣

二百八十二

天順五年夏季官軍俸折色銀一十四萬
至嘉靖七年冬每月米二千二百萬七千石
有零矣李文達公嘗言於 裕陵曰軍官

今言卷之四

三三

有增無減且天地間萬物皆必有消如
人只生不死無處若矣自有官軍力者雖
金書鐵券誓以永存然其功不一再傳
而犯法即除其國或能立功與其爵豈
有累犯罪惡而不革其爵今若因循久遠
天下官多軍少民供其俸必致困窮而邦
本廢矣不可不深慮也 上曰此事誠可
慮當徐爲之

二百八十三

南京諸衙門題名碑宜分別書如吏部首
書吏部某官某次書南京吏部某官某文
次復書吏部又次復書南京吏部乃爲實
錄今槩書南京未善况都察院名臺名府
不同又御史大夫御史中丞與今官名亦
不同乃槩列於今名官可乎

二百八十四

今言卷之四

三四

弘治十年八月 上召見內閣徐劉二文
靖李謝二文正於平臺議政事時太監李
廣以燒煉齋醮橫被寵賚閣疏力諫 上
嘉納以疏示廣武岡知州劉遜爲岷府所
奏逮遜至京科道疏救遜 下詔獄者六
十餘人內閣疏救得釋十一年五月 上
坐平臺召見內閣劉李謝三公議罷成山
潘王鑄遂安伯陳韶寧晉伯劉福總兵越

二日又召見議以保國公朱暉鎮遠侯顧溥惠安伯張偉為總兵弼鏞等而以溥同英國公張懋管團營蓋五軍神機三千所謂三大營六提督也六人中擇二人提督團營皆名總兵官

二百八十五

正德五年四月寧夏安化王寘鏞及都指揮何錦周昂指揮丁廣反殺鎮守太監趙

今言卷之四

三五

弼總兵官江漢巡撫都御史安惟學覈田大理少卿周東令孫景文造偽檄言劉瑾蠱惑朝廷變亂祖法屏棄忠良收集凶狡阻塞言路括斂民財籍沒公卿封拜侯伯數興大獄羅織無辜肆遣官校脅持遠近張綵劉幾曹雄毛倫文臣武將內外交結意謀不軌今特舉義兵清除君側凡我同心者且響應傳布邊鎮以錦為討賊大將

軍昂廣左右副將軍景文軍師張欽先鋒將軍魏鎮等七人都護朱霞等十二人總管反書至命太監張永總督軍務起致仕都御史楊一清總制陝西延綏寧夏甘涼各路軍務涇陽伯神英充平胡將軍總兵官統各路兵討之遂下詔寬恤以副總兵都督楊英為寧夏總兵官遊擊將軍仇鉞為副總兵與武營守備侯勛為叅將王師甫出數日鉞斬周昂執寘鏞及其子台潛錦廣報至勅英旋師永一清安輯寧夏

二百八十六

正德十六年工部言內侍巾帽靴鞋合用紵絲紗羅皮張等料成化間二十餘萬弘治間三十餘萬正德八九年至四十六萬今至七十二萬昔東漢永平中始定宦官負中常侍四人小黄門十人和帝以後中

常侍至十八小黃門二十人唐太宗詔內侍不立三品中宗時黃衣二千人員外置千人衣紫者尚少開元天寶黃衣以上三千人衣紫千人其稱旨者輒拜三品列戟于門宋初自供奉官至黃門定員一百八十人孝宗定二百人後增至二百五十人洪武二年定置內使監奉御凡六十人今自太監至火者近萬人矣

今言卷之四

二十七

二百八十七

嘉靖初錦衣旗校革三萬一千八百餘人歲省糧儲數十萬裁革冗官冗兵四萬餘人歲省京儲一百六十八萬石

二百八十八

永樂八年二月 成祖征本雅失理丁未發北京庚戌度居庸關丁巳駐宣府甲子閏武興和三月甲戌駐鳴鑾戊乙亥大閱

四月癸卯次玄石坡 上為銘刻立馬鋒日維日月明維天地壽玄石勒銘與之悠壬子次擒胡山刻銘曰瀚海為鐔天山為鏑一掃胡塵永清沙漠甲寅次廣武鎮賜泉名清流刻銘曰於鑠六師用殲醜虜山高水清永彰我武五月丁卯朔營於平漠鎮甲戌次環翠阜戊寅 上至兀吉兒札虜遁去明日追至幹難河虜拒戰 上登

今言卷之四

三十八

山布陣麾先鋒逆擊敗虜本雅失理以七騎渡河遁去壬午駐五原峯丙戌次飲馬河諭 皇太子遂下 詔班師

二百八十九

詹同徽父子吏部尚書本黃岡人寓徽州同有文行徽歷官監察都御史陞左都御史洪武十九年 上以徽奉職公勤復其家二十二年為吏部尚書蕪左都御史明

年以徽子太子洗馬綬為尚寶司丞二十四年龍江衛吏以過罰書寫值母喪乞守制徽不聽吏擊登聞鼓 上切責徽曰吏雖罰役天倫不可廢使母死不居喪人子之心終身有歎夫與人為善猶恐其不善者若有善而阻之何以為勸徽大慚吏得終喪是年擢寧海儒學訓導閻文為燕府右長史南昌儒學訓導曾恕為周府左長

四〇四卷之四

三十一

史徽言訓導秩滿例陞教諭今授長史越資宜試職 上曰師儒職雖卑其道則尊不可以資格論遂實授仍賜冠帶文綺襲衣二十五年太子太保支兼俸二十六年詔免天下耆民來朝先是詔天下民年五十以上者朝京師訪民疾苦有才能者拔用之其年老不通治道則宴養而遣之自是來者日衆 上諭徽曰朕念來朝耆民

其中亦有年高者跋涉道途勞苦可遣人馳傳於所在止之大誥中稱徽剛斷嫉惡不容奸偽二十六年坐藍黨死驗封主事 翟善署吏部事

二百九十

正德十四年六月寧王宸濠反巡撫都御史孫公燧按察副使許公達死之汀贛都御史王公守仁及吉安知州伍文定起兵

四〇四卷之四

三十一

討宸濠檄召江西各府兵宸濠出南昌寇陷南康九江丁亥遣人寇望江己丑安慶守備楊銳指揮崔文知府張文錦力禦之時王公在吉安奏留公差還京御史謝源伍希儒紀功悉會吉安鄉官都御史王懋中編脩鄒守益郎中曾直評事羅僑御史張鰲山僉事劉藍進士郭持平驛丞王思李中按察使劉遜叅政黃繡知府劉昭議

討賊江西知府戴德孺徐璉邢珣通判胡堯元章琦談儲推官王晞徐文英知縣李美李楫王天與王冕各率兵至吉安進賢知縣劉源清斬賊黨數百餘于知縣馬津率兵遏賊七月壬辰賊圍安慶銳等擊却之宸濠遣江西僉事潘鵬誘安慶降銳等殺鵬家人投尸城下誓不降賊丁酉宸濠至黃石磯戊戌宸濠攻安慶銳等力禦之今言卷之四 三十一庚子以雲樓攻銳縋人焚其樓甲辰以天梯攻文錦投荻焚之丙午宸濠聞王公攻南昌解安慶圍遁還辛亥王公破南昌擒宜春王拱櫛甲寅宸濠至樵舍明日王公進兵黃家渡宸濠戰敗又明日戰又敗丁巳王公擒宸濠及其世子邵王將軍儀賓僞太師國師元帥叅贊尚書都督指揮等官李士寶劉養正劉吉詹欽王維熊履吳

十三凌十一等數百人被執脅從御史王金主事金山按察使楊璋僉事王疇叅政陳杲布政使梁辰都指揮葉文馬驥白昂等八月癸未 上親征詔天下遂至南京駐太監王洪家十五年十月 上還京駐通州宸濠伏誅今言卷之四 三十一二百九十一六部主事列銜御史上永樂中脩五經四書性理大全時尚然其後郎中皆列科道官後不知起自何時都左右給事中列御史上自景泰三年始二百九十二景泰三年御史練綱等言舉用方面事例有旨令禮部集議吏部不俟議定即奏陞福建僉事李顯為叅政楊珏為按察使蓋吏部恐議定莫遂其奸爾夫所舉縱皆得

人亦得避嫌况楊珏見為副使曹祥發其
賍私且吏部推選多不公如向舉陝西按
察使何自學不能檢身齊家為家奴所殺
山東按察使張清今為尚書薛希璉所黜
副使張哲未任為都御史韓雍所黜戶部
主事楊愈考平常例不當陞乃陞河南知
府湖廣副使陳質九年例陞二級止陞叅
政一級僉事曾蒙簡未及一考以殺賊功

今言卷之四

三十三

陞一級越陞左叅政三級臣等非不効奏
但給事中御史有以直言觸其同類大臣
者吏部尚書懷猜忌往往退其見任之職
鉗其欲言之口所以居言路者以言為諱
職風憲者以言自保寧負朝廷之恩不敢
犯大臣之怒今吏部復爾專權鬻爵肆行
欺罔臣等如不直言皇上深居九重何
由知其弊之若是臣等非不知觸犯權臣

禍不能免但朝廷耳目所係甚重豈可知
有權臣不知有陛下知有身家不知有朝
廷請下太子太保兼吏部尚書何文淵右
侍郎兼少詹事項文曜于法司明正其罪
文曜陰險奸邪群臣共知比之文淵情罪
尤重難佐天官少保兼太子太師吏部尚
書王直太子太傅兼吏部左侍郎俞山素
行本殊於衆今亦為文曜等所愚失於舉

今言卷之四

三十四

覺亦宜究問乞俯從臣言命吏部但遇三
品以上大臣舉用方面等官每置二簿鈐
印備書舉主與被陞者一封進司禮監便
御覽一送翰林院備顧問俟一考政績卓
異者賞舉主政績無聞及犯賍舉主同罪
上曰御史職居言路凡事當言今所言
俱是但知人之難從古為然已陞除者置
不問文淵文曜等亦姑宥自今選官務洗

心滌慮廣詢博訪必從公道毋得徇私四
年以御史錢昕爲真定知府御史給事中
乞留昕御史王直遂請老上不許昕竟
去真定爲知府

二百九十三

成化二年東虜董山糾衆入寇三年武靖
伯趙輔充總兵都督王瑛封忠爲副左都
御史李秉督軍卒漢番京邊官軍五萬討

今言卷之四

三五五

之山降送京師放歸廣寧輔秉曰山不可
宥請誅山九月分左軍出潭河柴河越石
門土木河至分水嶺右軍由鴉鵲關喜昌
口過鳳凰城黑松林摩天嶺至潑猪江中
軍自撫順經薄刀山鮎魚嶺過五嶺度蘇
子河至虎城期日會兵進勒朝鮮亦遣中
樞府知事康純魚有沼南怡率兵萬人過
其東走我兵擣賊巢虜遁擒斬俘獲虜指

揮若女等千人班師指揮張額的里率妻
子乞降朝廷憐而釋之明年留韓斌爲副
總兵防守築撫順清河豐陽諸堡

二百九十四

弘治中台人繆恭學古行高晚年走京師
八事其一紀絕屬請封建庶人後爲王
奉祀懿文太子通政司官見恭奏大駭
罵恭蠻子何爲自速死繫恭兵馬司獄劾

今言卷之四

三五六

上待命賴敬皇明聖詔勿罪放恭還鄉

二百九十五

仁宗即位之歲十一月召禮部尚書呂震
與御劄曰建文中奸臣正犯悉受顯戮其
家屬初發教坊司錦衣衛浣衣局習匠功
臣家奴今有存者既經大赦並宥爲民給
還田土仁宗撰長陵神功聖德碑文
稱建文君雖追廢猶書其沒曰崩當其在

位猶尊之曰朝廷又諭群臣曰若方孝孺輩皆忠臣詔從寬典於是天下始敢稱孝孺諸死義者為忠臣云

二百九十六

先朝用人惟賢惟材雖內閣輔臣不專翰林初開內閣七人用王府審理副中書舍人給事中知縣改翰林官入直文淵閣此後如文達起吏部主事文清起御史功業

言行錄卷之四

三十七

道德有過二公者乎近日但有改入翰林及宮察者千萬指摘十無一完即有才行出羣之士亦深避峻却惟恐一旦改官徒增多口耳且往時忌人官祿至於死後定謚尚有公論今亦大異于昔矣

二百九十七

留都諸司無事時似閑有事則參贊機務守備武臣操江都憲總兵最為要職不可

不擇其人南都水軍勝於陸卒營馬壯於江舟然戰守皆不得地利 孝陵再三欲徙都不果 成祖決遷北平萬世之慮也

二百九十八

戶部尚書王杲簡諒廉平兵部尚書劉儲秀清貞恪慎山西巡撫孫繼魯清修苦節文行卓然皆一時人材嘉靖丙午丁未二年相繼去位孫繫死詔獄王荷戟南荒卒

言行錄卷之四

三十八

劉削籍非出內閣之意即言官之口其貪墨奸佞依阿卑諂者安享榮祿即有論劾行賄得解職任如故旋復陞轉以故今之大臣實難展布上為內閣劫持下為言官巧詆相率低頭下氣者以為循謹千金雙壁絡繹道路即以雄才大器著聲矣

二百九十九

嘉靖丙午京城大水明年歲星守營室西

內災澄城山分崩離析都城隍廟災又明年二月日有異常之變三月朔日食於夜是月望月食煖閣又災尋有孝烈之喪又明年有莊敬之戚春秋傳云王一歲而有三年之喪二焉謂后及太子也

三百

近記時事小說書數十種大抵可信者多惟雙溪雜記蹇齋瑣談二種好短人似其好惡亦欠端然雜記中言哈密事却是彭幸庵忠孝剛方有大臣風節其處哈密不能無遺憾也

二百一

嘉靖年來浙中儒臣可為輔弼者王文定公瓚董中峯先生玘張文定公邦奇皆不得用中峯文學蘊籍行誼修潔竟為永嘉中傷一廢不復起善類甚惜之王官至禮

部侍郎張南京兵部尚書中峯及張余嘗接其言論正人君子也

二百二

我朝內閣以私喜進用人者有之未嘗有以私怒殺人者萬安焦芳劉宇曹元亦未嘗至此

三百三

父子天官新安詹同同子徽徽才敏達同有文學修行皆仕洪武中靈寶許襄毅公進進子松皋讚襄毅天官正德初松皋嘉靖中松皋恭慎小心余為屬吏未嘗見其以私怒中傷人平居簡易至大黜陟秉正不阿以故內閣嫉之襄毅文武全才清勁諒達近世名卿鮮能及之松皋與兄誥同時為兩京戶部尚書誥博學沉思卒謚莊敏論者曰襄毅弘毅莊敏毅而不弘松皋

弘而不毅余見松皋儘有毅

三百四

宸濠之役王陽明不顧九族之禍賊擒奏
凱彬忠諸佞倖導 康陵南征罪人未就
甸師之戮中外危疑洶洶視行陳間尤費
心力媚嫉之徒肆為誣詆天日鑒之而已
其桶岡橫水泖頭之賊連穴數省寇叛數
十年國無大費竟爾盪定此功豈在靖遠
威寧之下其學術非潛心內省密自體察
者慎勿輕訾也

三百五

威寧出塞俘馘甚多虜自永樂以來惟此
奪其氣一時羣臣忌功百方誣訕皆非實
事汪直自敬憚威寧威寧不峻拒之亦未
為過後人乃以威寧比陳鉞何其忍也

三百六

蘇川之役大費財力騷動半天下比再出
兵益復虛耗苟且奏捷鐵券金書至今不
絕威寧新建止終其身豈不舛哉

三百七

論大禮入內閣者席文襄張文忠桂文襄
方文襄四人霍文敏以禮書掌詹事府事
若楊文襄再入閣以稱張疏李文康以諭
德是張說入閣

三百八

嘉靖中議文廟祀典進文中子后蒼胡瑗
歐陽修四人從祀文中之學得孔顏正傳
后以明禮胡以善教歐陽以濮議故永嘉
以比韓退之也

三百九

今人專指斥陽明學術余不知學但知大
學恐不可直以宋儒改本為是而以漢儒

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十

舊本爲非此須虛心靜思得之若寧藩反時余時年二十一應試在杭見諸路羽書皆不敢指名宸濠反或曰江西省城有變或曰江西省城十分緊急或曰江西巡撫被害重情或曰南昌忽聚軍馬舡隻傳言有變惟陽明傳報明言江西寧王謀反欽奉密旨會兵征討安仁謂陽明學本邪說功由詭遇又曰王某心事衆所共疑何其不諒至此

今言卷之四

四十三

三百一十

江西入內閣者解大紳胡文穆楊文貞金文靖胡若恩陳德遵彭文憲蕭孟勤陳莊靖劉文安彭文思尹文和費文憲佳文襄近日貴溪分宜凡十六人

三百一十一

東南海寇日甚一日丙午秋遂至浙西

邑亦被其害此事皆緣勢要之家通番獲大利以貽國家東南之憂國初設官市舶正以通華夷之情遷有無之貨如西邊茶市北邊馬市亦然觀其官以市舶爲名意可知矣聖祖特起信國公於衰暮之年令其築城海上自山東至浙專防倭寇而乃有市舶許海夷進貢豈無深意今徒禁絕番夷入貢遂使勢豪得侷其利禁愈嚴則勢豪之利愈重而殘殺之害愈酷矣

今言卷之四

四十四

要之勢豪之家亦必有殞身滅族之禍蓋緣其始欺官府而結海賊後復欺海賊而併其奇貨價金百不償一積怨既深一旦致毒禍不遠矣

三百一十二

浙人入內閣者今七人黃文簡王文通呂文懿商文毅謝文正張文忠李南渠文毅

相業不在文貞文達之下文貞始嫌於君
臣文達終嫌於父子文毅當易儲之際微
言諷止而位在第六以故丁丑之難僅削
籍歸田茂陵固知之竟復召用俞綱入閣
甫十餘日仍理部事

三百一十三

王陽明初見宸濠佯言售意以窺逆謀宴
時李士實在坐宸濠言 康陵政事缺失

今言卷之四

四二一

外示愁嘆士實曰世豈無湯武耶陽明曰
湯武亦須伊呂宸濠又曰有湯武便有伊
呂陽明曰若有伊呂何患夷齊自是陽明
始知宸濠謀逆決矣乃遣其門生舉人龔
元亨往來濠邸覘其動靜益得其詳於是
始上跡請提督軍務言臣據江西上流江
西連歲盜起乞假臣提督軍務之權以便
行事意在濠也司馬王晉溪知陽明意覆

奏稱王某有本之學有用之才今此奏請
相應准允給與旗牌便宜行事江西一應
大小緩急賊情悉聽王某隨機撫勦以故
濠反陽明竟得以此權力起兵擒賊捷奏
中歸功本兵新都故不喜晉溪見陽明奏
遂怒故封爵久不行至 今皇帝登極詔

中及之議者遂謂新都自為已定策地也

濠反書初至諸大臣驚懼以為濠事十成

今言卷之四

四二一

八九晉溪一日十四奏調兵食且大聲對
諸大臣曰王伯安在汀贛據南昌上流日
夕且縛宸濠諸公無恐曩請與伯安提督
軍務正為今日已而濠平職方郎中論功
超陞晉溪乃不得脫戍籍豈不大舛晉溪
後以張桂薦起復為吏部尚書卒謚恭讓
三百一十四
北虜凡求貢必糾諸部落在塞上挾我我

邊臣幸其緩入許奏聞入貢轉展二三月虜必深入往歲鴈門太原之禍皆然總督撫鎮所奏番字文書往往誇述也先之事中間又多不遜語通事人不敢譯聞止云內多番字不能盡譯豈四夷館分地專業而不解番文乎

三百一十五

張正常者世貴溪人我兵取江西正常以

今言卷之四

四二

天師四十二代孫號正一主教天師遣人朝見正常亦屢朝京師洪武初上謂羣臣曰天至尊豈有師以此為號甚褻瀆遂革舊號號真人正常有術投符故永壽宮井中有疾人飲井水輒瘳詔作亭井上名太乙泉十三年子宇初嗣上言前朝嘗給有正一玄壇符籙之印印之符籙今欽給真人銀印止敢用上表箋乞別賜賜龍山

正一玄壇之印印如六品制宣德中宇卒無子姪懋承嗣弘治中子玄慶病子彥頤嗣

三百一十六

正德庚午逆瑾既縛有旨降南京奉御長沙謂諸大璫曰如此彼若復用肆毒當益甚柰何太監張永曰有我輩在無慮已而瑾上白帖言奴縛時封奴帑奴赤身無

今言卷之四

四八

一衣乞與一二敝衣蓋體康陵見瑾帖憐之令與瑾故衣百件永等始懼謀之長沙令科道劾瑾劾中多指阿附瑾文武大臣永持疏至左順門付諸言官曰瑾用事時我輩莫敢言况爾兩班官今罪止瑾一人可領此疏去易疏急進勿動搖人比疏入坐瑾奸黨律永輩又不欲止罪內臣一人乃連及文臣張綵一人武臣楊玉等六人

獄詞具上紙疏稱冤盡發長沙阿依瑾事
長沙大怒又與永輩謀不重法誅鋤此輩
後受其亂乃改謀反律然亦不盡本律

三百一十七

六部都察院通政司大理寺名九卿相頡
頡不得相壓實自我朝始始于洪武十三
年

三百一十八

嘉靖初浙江按察使陳鼎山東人才器卓
犖廉明有風裁貪污之吏望風走去不久
卒於官戊申茶陵廖希顏自浙參政陞按
察使未上任卒廖有文學修行檢為屯田
郎中當劾國橫驕時力摧其勢江南得不
加賦南巡行宮亦廖疏得撤吏才精敏又
平恕不盡法惜未盡其用

三百一十九

鐵冠道人張宇景和臨川人 孝陵登
鍾山詞臣在後擁翠亭給筆劄賦詩鮑尚
綱朱升張以寧秦裕伯單友中李某暨道
人並應制道人初舉進士不得遇異人授
以太極數學談福禍多驗狷介寡言嘗戴
鐵冠自稱鐵冠子人皆呼鐵冠道人孝陵
嘗微行至一寺中群僧伏門道傍迎 上
曰何以知朕至對曰聞鐵冠道人云即召

今言卷之四

五

道人至 上手餅食未半即賜道人問道
人能先知我至試言我國事顧直述無我
諱道人訊口誦數十句中有曰戊寅閏五
龍歸海壬午青蛇火裏逃至洪武建文間
始驗餘不敢傳先是兵亂歸隱幕府山間
至城市與人言避兵處從之者多獲全壬
寅參政鄧愈薦召至 上問曰予定南昌
兵不血刃市不易肆生民自此蘇息否對

曰天下自此大定但此地旦夕當流血盧舍焚燬必盡鐵柱觀亦僅存一殿耳後指揮康太反果如其言他日龍馬兩重之對省署震擾之占剪燈花平友諒類多奇中

三百二十

洪武元年始設六部以滕毅為吏部尚書正三品屬中書省十三年罷省以山西叅政併斯為吏部尚書改正二品自併至張

今言卷之四

五二一

統皆在南京蹇忠定公以後皆在北京

三百二十一

吳元年始封宣信鄂三國公洪武三年冬大封功臣封公二人侯二十八人是年又封伯二人侯一人四年又封侯一人十年進封公一人侯一人十二年又封侯十二人十九年論雲南功進封公一人侯四人十七年定功臣次第建文四年九月長

陝封公二人侯伯各十三人加祿一人贈公二人侯二人已而又封侯三人伯六人徐增壽先贈武陽侯永樂二年贈定國公詳見異姓諸侯傳

三百二十二

洪熙元年三月十五日詔畧曰若朕一時過於嫉惡律外用籍沒及凌遲之刑法司再三執奏三奏不允至於五奏五奏不允

今言卷之四

五二二

同三公及大臣執奏必允乃已永為定制

三百二十三

正統四年四月災異修省勅諭公侯伯府部院等衙門官寬恤事宜第一條吏部擢用官真宜精選賢才任之或罷輒無能者或老疾不堪平昔行止不端謹者悉皆罷去承差知印吏典人等亦宜精詳考察賢否貪污及庸懦無能并不諳行移者悉皆

罷去不許徇私濫用糜廩費祿蓋先時皆因事因灾考察也

三百二十四

廣寧遼陽間中有三岔河皆閒田我戍兵逃而守之若取而屯牧焉我地益廣邊備益省馬端肅李康惠二公皆嘗議復此地不果蓋三河匯流土地沃衍草木茂密又多魚蝦之利三衛夷人牧馬其中若奪其生業兵隙必開且地多沙陀土亦疏惡三河並趨時遭墊沒不若守我封疆之為愈也

三百二十五

周顛仙不知其名自言建昌人長壯奇崛舉止不類常人年十餘病癩嘗操一瓢入南昌乞食久之至臨川未幾復還南昌日力於人夜卧間簷間祁寒暑雨自若嘗

趨省府曰告太平人皆異其言遂呼為顛仙不數年天下果亂陳友諒入南昌顛仙隱跡不見及孝陵自將定南昌將還顛仙從道左拜謁潛隨至金陵每遇上出輒趨進曰告太平間見或捫蝨而談擊節而歌詞多隱語上頗厭之命飲以燒酒酣暢不輟衣帶常繫苜蓿三寸許日細嚼飲水又自言入火不熱上命巨甕覆之

全言卷之四

三四

積蘆薪五尺許燔甕四旁火盡滅發而視之端坐如故如是者三寓蔣山寺月餘僧言顛仙與沙彌爭飯怒不食半月矣上幸翠微亭召之步趨如常因賜食乃食上問曰能不食一月乎曰能乃坐之密室中不食者二十三日上將幸寺賜食京師將士聞之爭持酒肴往食之既食而盡吐之須臾上至與之食乃復食如常既

醉 上將還顛仙於道側以手畫地作圖
 曰破一桶成一桶是時中原尚未定友諒
 復圍南昌 上欲勒兵往援問顛仙曰陳
 氏已僭號吾此行何如顛仙仰視良久曰
 可行上面無此人分曰與汝偕行可乎曰
 可踴躍持杖搖舞如壯士揮戈狀舟次皖
 城無風不能進顛仙曰行則有不行則無
 既而行不數里風果大作至馬當見江豚
 戲水曰水恠見前損人必多 上曰顛者
 言何妄復爾投之江中周曰吾入水不濡
 遂命投之江久而復來謁見求食命賜食
 食已正衣襟前引項曰今可殺矣 上笑
 曰殺爾何為乃縱其還廬山及友諒敗死
 遣人往廬山求之至太平宮側有言一老
 人止民舍曰我告太平來不食且半月今
 去不見洪武癸亥秋有僧名覺顯者自言

今言卷之四 五十五

廬山巖中老人使來見 上以其虛誕却
 之會 上不豫飲藥未瘳前僧復徒跣至
 云周顛仙遣進藥 上不納僧具言前事
 乃餌其藥覺有言蒲丹沙氣是夕疾愈僧
 亦去不知所之遂親為文勒石紀其事命
 善應等往祠焉
 三百二十六
 洪武二十四年河決武原黑洋山東經汴
 城北五里又南至項城入淮而故道遂淤
 正統十三年決張秋沙灣東流入海又決
 滎澤東經汴城歷睢陽自亳入淮景泰七
 年始塞沙灣而張秋運道復完自後河勢
 南趨而汴城之新河又淤弘治二年以後
 漸徙而北又決金龍口等處直趨張秋橫
 衝會通河奔流入海而汴城南之新河又
 淤六年命副都御史劉東山治之施功未

今言卷之四 五十六

竟伏流潰溢人皆言黃陵岡塞口不合張秋護堤復壞河不可治運道不可復且有為海運之說者蓋滎澤孫家渡口舊河東經朱仙鎮下至項城南頓猶有河流淤淺僅二百餘里若多役夫力疏濬深廣使由泗入淮可殺上流之勢黃陵岡賈魯舊河南經曹縣梁進口下通歸德丁家道口足以分殺水勢然梁進口以南滔滔無阻以

卷之四

五十一

三百二十七

洪武甲寅二月丁酉朔日食下禮部尚書

給事中等官議文廟祀禮請改用仲丁制曰可

三百二十八

洪武三年 上幸後苑見巢鵲外翼嘆曰誰無母子今羣臣親老得歸養是年賜朝臣袍帶賜庶吏嵩縣劉典史布帛擇文儒性行清潔者充學官賜文武官朝服公服又賜冬衣

卷之四

五十二

三百二十九

滁陽王 長子郭大舍張夫人出戰沒一女惠妃生蜀豫如意三王汝陽永嘉二公主次張夫人出又次李夫人生郭老舍洪武四年 旨云說與郭老舍再三留你不仕實要回鄉守祖你舊有二所庄田我就賜與你耕種教戶部官開除糧草十一年鄰人貢童兒誑誤出走十七年 上諭張

儀誤王廟碑文遂云王無後今滁州衛
千百戶王傑等二十二人供祀事廟首宥
日與率而祀之又令 蜀王往來修祀比
王之國改令滁州衛掌印官致祭宥氏分
獻二十八年老舍還鄉為費謙所發解黑
窰場做工 上面諭放回令一年一朝京
師老舍卒諭葬立石老舍生謙謙生昇昇
生信信生琥皆一歲一朝有籍於禮部鴻
臚寺弘治癸丑琥奏得旨冠帶守祀辛酉
復奏下該部看了來說馬鈞陽行巡撫查
明覆奏壬戌奉 旨是郭琥與做奉祀正
德癸酉琥又求印信王傑裔孫璽奏琥詐
冒吏部亦惡其求皇漸多覆請奉 旨是
滁陽王祀禮悉遵 皇祖舊制行郭琥近
授職銜革了仍照 皇考前旨止與冠帶
榮身再來奏擾不饒辛巳琥復奏吏部議

今言卷之四

五十九

送法司問罪嘉靖元年五月朔奉 旨你
部裏再查議了來說復奉 旨是郭琥准
與原授職銜以榮終身不許干預祀事琥
生厚滁陽散財集眾以啓 皇明萬世之
業而 子孫曾無一命可乎弘治時與奉
祀正德時革職 今上新政特旨查議所
司不能奉揚 再議革職而 聖心未憚
勅令再議使遇馬鈞陽郭氏當有祿矣

今言卷之四

六一

三百三十

劉文安公陳十事其八言賞罰曰石亨于
謙等將兵禦虜未聞摧陷腥羶迎回鑿輅
但迭為勝負互相殺傷而已雖不足罰亦
未足賞今亨自伯爵陞為侯爵謙由二品
陞為一品天下之人未聞其功而但見其
賞豈不怠忠臣義士之心乎今宜使亨等
但居舊職勿授新陞以崇廉耻之節以作

敵愾之氣夫既與而不忍奪者姑息之政也既進而肯退者患失之心也上不行姑息之政下不懷患失之心則治平可計日而望矣時羅通亦以為言然自德勝之役之後也先再不敢窺我若廣紫荊者誰之力也

三百三十一

洪武初建大本堂聚古今圖書 上為大

今上言卷之四

本二

本堂記延四方名儒教 太子親王分番夜直才俊之士充伴讀時時賜宴賦詩商確古今評論文學無虛日 仁宗在東宮教令長至燕勞 東宮之臣如家人父子又從學詩學為表至有以暗逐明之喻 英宗冲年就學大臣不能引故事徒循舊好務尊君卑臣非 祖宗之法矣王文恪公言言今既未能如古禮亦宜稍異若臣

之儀敦師友之分使官寮日侍左右從容講讀講讀之暇宴飲出入居處皆得周旋其間至暮乃退或有剪桐之戲隨事諫止官僚有不法從三師糾正甚者斥逐不使邪人得預其間如此所謂一人元良萬邦以貞三代所以久長者用此道也

三百三十二

大同人趙小挨者極狡黠通虜嘉靖己酉

今上言卷之四

本三

夏以守臣差至京覘我虛實庚戌春小挨去虜中久之回言虜強盛請撫鎮用一妓詐稱總兵女送虜酋俺答求和撫鎮大怒杖之四十小挨遂走從虜墩軍數招之答曰直至北京正陽門外始與爾等再相會是夏大同總兵張達副林椿皆死於虜總督侍郎郭宗臯巡撫陳燿被逮廷杖謫戍邊起復尚書翁萬達代宗臯未至兵侍蘇

祐出總督趙錦代燿時薊州巡撫王汝孝憤喜峯口外夷人猛可等索賞無厭兩出境撲殺諸夷恨我亦數入塞遂通虜七月大同仇鸞總兵報俺答糾河套吉囊子狼台吉部落及遼東達子入寇又報虜東行將犯獨石八月萬壽聖節前二日己巳虜自獨石邊外東行甲戌至大小興州乙亥巡撫為口外陳通事所詐報虜自大

今言卷之三

六十三

小興州往西北去且曰請寬主憂臣辱之慮坐收安內攘外之功是日虜遂至古北口外丙子王巡撫又報虜到古北口外被我軍射退及奪獲馬匹數多必不能入是日申時虜已入古北口二鼓報至京城戒嚴丁丑黎明陸錦衣炳分布官校於皇城四門兵書丁汝夔發勇字四營兵分駐城外威字四營及三大營兵守城令九門各

文武大臣一人監督甘肅巡撫王儀駐守通州吏部侍郎王邦瑞提督城守軍務會都御史商大節提督巡城是日未時保定巡撫楊守謙統副總兵朱楫參將祝福兵駐東直門外參將馮登兵駐安定門外守備井田兵駐崇文門外戊寅仇總兵統副總兵徐珏遊擊張騰兵駐朝陽門外己卯虜在白河東岸仇總兵諸軍迤邐移營東

今言卷之四

六十四

行是日宣府副總兵孫勇遊擊賀慶兵駐德勝門外上賜仇總兵平虜大將軍印賞銀千兩蟒衣一襲陞楊巡撫兵部左侍郎提督內外官軍截殺賞銀四十兩紵絲三表裏時京城諸惡少凶徒往往群聚言內外文武大臣家積金銀數百萬虜即近城我等放火搶諸大臣家諸大臣懼言城外有邊兵可恃宜移京軍入護皇城勿驚

關廷於是邦瑞請九門各添兵千人巡捕
官軍分營東西長安街大節請九門城上
各添兵千人丁尚書請於十王府慶壽寺
各駐一營營三千人於是城外之兵掣入
城者大半是晚宣府總兵趙國忠統參將
趙臣孫時謙表正遊擊姚冕山西遊擊羅
恭兵駐小榆河遼東參將楊應奇總兵李
琦山西守備劉潭遊擊柴縉兵皆相繼至

今言卷之四

六十五

郊畿是時虜在白河東岸殺掠人畜庚辰
至河上辛巳渡河西址行結陣東郊散遣
三五騎或十餘騎旁都城殺掠焚廬舍日
夜火光不絕直至東直門外馬房執內臣
八人去俺答縱歸上番書言求真及朶顏
引路事城外居民被傷千萬成羣奔京城
城門閉不肯開萬口號慟聲徹西苑 上
令開門聽民出入是日虜掠我婦女酣飲

大教場中是夜宣府趙總兵等兵在小榆
河與賊前哨對壘仇總兵等亦還兵駐京
城東北壬午零賊往來京城後六門外殺
掠人畜癸未虜至鞏華城西北益出輕騎
近京及西山口殺掠甚慘 上震怒御奉
天殿宣諭羣臣是夜逮王儀參將劉錦下
詔獄甲申逮丁尚書楊侍郎廷訊是日虜
住西北郊乙酉逮汝孝希韓革兵侍謝蘭

今言卷之四

六十六

職方郎中王尚學戶書李士駒十三司郎
中周魯等職與工書胡松俱戴罪冠帶管
事候事寧處治是日虜至白羊口丙戌
上怒甚急欲殺丁楊索法司奏當急法司
持未肯上 上益怒夜逮刑侍彭黯左都
御史屠僑大理少卿沈良才等廷杖五十
降俸五等法司遂上擬丁楊死律是日虜
半從橫嶺口出懷來張家口丁亥丁尚書

楊侍郎死於西市是日張家口虜落川去半自白羊口復回東行趙總兵夜遣健卒八十人往天壽山四面放銃賊疑我有伏不敢入紅門已丑仍出古北口去勘奏者言虜殺我男婦六萬擄去四萬掠雜畜數百萬焚廬舍萬區通計男婦死且掠者蓋六十萬當是時城外京邊軍竟不曾與虜一戰儀士翔閑住蘭降南太僕卿魯外任

今言卷之四

六十三

三百三十三

莊渠言 皇子之國 皇后子其儀制用上十王禮妃所生子用中十王禮嬪所生子用下十王禮降殺以母為差此不知出何令甲 孝陵封諸王不然

三百三十四

嘉靖已亥葬 慈孝睿皇后 今皇帝甚孝順敬慎建言者遂上言姜嫄生后稷慶都生帝堯事於是武功有姜嫄之祠慶都有堯母之祠

今言卷之四

六十八

三百三十五

嘉靖庚戌鄭王厚烷為盟津恭懿王子祐權所訐奪爵降庶人安置高墻其長子載堉封爵如故辛亥祐權又欲奪理府事奏下禮部議禮官徐階議言親王因事奪爵未經奉旨立郡王承繼國祀其子雖未見罪始則降封後乃得嗣其父始封之爵者

遼庶人貴烜長子豪熜之封長陽王是也
父子並有罪降庶人不得請封者見瀟與
其子祐柄是也罪止其身子得襲爵但未
封世子擇郡王署府事已而彼此相訐仍
封其子為世子勅令管府事者慶庶人世
子膏櫬是也父既坐罪即命其子管府事
者岷庶人彥沐世子舉榮是也至於親王
冊寶自非罪干大逆國除如寧庶人宸濠

卷之四

六十九

父子殲滅者例不進繳今鄭庶人仰荷
聖恩罰止其身其子載堉封爵如故比之
貴烜見瀟奉旨改令旁支承繼者不同載
堉於厚烷所犯情罪無干幸保封爵比之
豪熜先為庶人及佑柄有罪降革者亦異
本部不敢輒援岷世子舉榮慶世子膏櫬
例請命載堉管理而援華昌王例請令河
南撫按奏保倫序應賢能素著者二人

以俟簡命蓋以予奪之柄宜出自朝廷其
人之賢否當稽諸公論也祐樞累奏固快
私忿相應罰治仍如前擬施行祐樞無得
脇制撫按肆行奏訐 制曰可祐樞且不
問先是巳酉秋鄭王嘗疏請上講學勤政
任賢未幾而祐樞遂訐王也貴烜遼簡王
子初封長陽王已而嗣遼王正統元年府
臣為乞加祿裕陵言簡王得罪朝廷 太

卷之四

三

祖特加原賚削其祿衛止與校尉三百人
仁宗命今王嗣王倍加祿得支二千石
宣宗又與旗軍三百人朝廷親親已至
王於庶母諸弟寡恩多行無禮府臣不聞
匡直為王請加祿不允四年坐滅絕天理
瀆亂人倫廢為庶人而簡王第四子貴煖
以興山王嗣遼王貴烜子豪熜得封長陽
王也荆靖王三子長見瀟天順中嗣王弘

治五年人告王有異謀命太監蕭敬駙馬
都尉蔡震都御史戴珊召王至京并其長
子祐柄降庶人還置武昌見瀟弟見溥成
化二年封都梁王十三年卒謚悼惠其子
祐攔弘治七年以都梁王進封荆王也慶
恭王子台浚弘治十六年嗣王時虜數入
塞賊發恭王墓嘉靖四年謀不軌法司請
如代王聰沐例徙西安 上不許降庶人

今言卷之四

十一

留邸歲與米三百石已又不俊徙西安其
長子高樞封世子攝府事十二年世子及
懷王妃王氏乞留台浚故邸禮官執議不
可十五年兩宮徽號詔許台浚還邸與冠
帶也岷王彥汰簡王子與弟南安王彥泥
許陰事彥泥廢為庶人彥汰坐荒淫敗度
抗制擅權幽囚嫡母焚死迫逼多官稱臣
亦革爵為庶人令其子世子譽榮攝理府

事嘉靖十年譽榮為父乞恩辭攝府事禮
官以見瀟鍾鍍比奏授彥汰冠帶理府事
十二年彥汰乞復爵不許十五年兩宮徽
號詔復彥汰王也鄭之初王諱瞻竣獻陵
第二子母李貴妃永樂二十二年封漢庶
人反王與弟襄王居守宣德四年之國鳳
翔王請安王竹園時韓王以安王舊邸得
竹園矣 上曰園在鳳翔去平京遠與鄭

今言卷之四

十二

王便正統八年乞徙懷慶留京邸明年之
國成化二年卒謚靖子邾鉞成化四年嗣
乞河壩地弘治八年卒謚簡世子見滋卒
孫祐杓弘治十年以世孫嗣贈其父世子
鄭僖王正德二年卒謚康無子僖王弟東
垣端惠王見湏之子祐擇正德四年嗣王
贈其父鄭定王十六年卒謚懿子厚焮嘉
靖六年嗣時又有周府宗人鎮國將軍勤

熨上言時事降庶人放高墻

三百三十六

洪武十五年命翰林侍講火原潔等編類
華夷譯語 上以前元素無文字發號施
令但借高昌書製蒙古字行天下乃命原
潔與編脩馬懿赤黑等以華言譯其語凡
天文地理人事物類服食器用靡不具載
復令元秘史參考以切其字諧其聲音既

李言卷之四

七十一

成 詔刊布自是使臣往來朔漠皆能得
其情

三百三十七

永樂七年遣太監鄭和王景弘侯顯率官
兵三萬下西洋比西洋功次即非斬首選
法不得減革永樂十三年吏部員外郎陳
誠上使西域記凡十七國

三百三十八

四夷何以首安南也我郡縣也次兀良哈
何我武衛也哈密女直非歟羈縻之虜非
我官長也兀良哈之有三衛以靖難歟非
也大寧之比有三衛也蓋自洪武始也其
南據大寧也乃永樂始也將復交趾而收
大寧乎都統之議夷且嗤我革蘭台以來
駸駸乎我貳矣棄哈密而撫女直乎哈密
罷我河西女直扞我遼東也土番入哈密

李言卷之四

七十四

而嘉峪不驚胡虜通女直而山海弗靖矣
朝鮮何以次兀良哈也知禮教也大國也
琉球小夷何以次朝鮮也學于中國也何
以終韃靼也非勅寇乎我勝國也盛衰之
運中國有安危焉以故別考而存之戰守
之畧可幾而得矣 高皇何以有海外之
使也更始也 成祖西洋之艤不已勞乎
鄭和之泛海與胡濙之頒書也國有大疑

焉爾卷三王胡四王我履屨焉西番五王
世優之何也不能爲我深創也苟因俗而
治之得相安焉可矣西域何以不得浮南
海也王公設險假樹渠焉如之何使其縱
橫出入幾徧宇內也海島之夷勤我封使
往來之禮歟夷不言往來往來言諸侯也
四夷來王八蠻通道未聞有報使焉然則
領封可乎奚爲而不可也陪臣請命于京

今言卷之四

三五

師王人致命于海上非往來乎嗚呼均覆
載者天德也辨華夷者王道也昔也夷人
入中華今也華人入外夷也喜寧田小兒
宋素卿莫登瀛皆我華人雲中閩浙憂未
艾也是故慎封守者非直禦外侮亦以固
內防也池魚故淵飛鳥舊林人情獨不然
乎彼其忍於捐墳墓父母妻子鄉井而從
異類者必有大不得已也嗚呼德惟善政

政在養民盍亦反其本矣不然而欲郡縣
我子弟武衛我干城烏可得哉

三百三十九

洪武三十一年七月建文君以張鳳李衡
趙福張弼汪濱孫瑞王斌楊忠林良李成
張敏劉政爲錦衣衛千百戶有差鳳等皆
西宮殉葬宮人父兄所謂朝天女戶也官
得世嗣

今言卷之四

三六

三百四十

近日武臣如梁震馬永皆不易得邊事日
踈勞 聖明拊髀之思爲之頌曰赴赴梁
公行間奮迹豸面爲肩鷹背虎額氣擁雲
雷機深几席士戢其武亦甘其澤移鎮雲
中兵驕將猥旌旄一麾聲靈頓改夜蹴黑
山晨搜青海奪彼草泉繕我溝壘紫韁千
羣蒼頭百隊禍讐唐藩威行漢塞胡隕干

城憂我恒代寵贈上公增此敵愾 馬公
特起明慈信劫說禮敦詩跨馬穿札守督
漁陽心懸大寧曾是旣脫薄我郊坻乃餌
其首乃攜其羣百里未關三捷來聞密章
獻忠收攬賢傑義滅坤囊譴深需穴全遼
喁喁載乘符旂涉河陷陣逾山毀巢疆陲
外靖伍卒內翬腹心弗潰掌股斯調

三百四十一

四夷館分十人所設通事六十人大通事

三三

有都督都指揮等官統諸小通事總理貢
夷降夷及歸正人夷情番字文書譯審奏
聞

三百四十二

土魯番一名土爾番在火州西百里古交
河縣安樂城也城方一二里地平四面皆
山氣候多煖少雨雪土宜麻麥有瓜果等

馬之利人皆羣居信佛法多僧寺城西二
十里有崖兒城城僅二里居民百餘家相
傳故交河縣治又云古車師國永樂十二
年行在驗封員外郎陳誠使至其國誠言
西北百里有靈山最大有夷人言此十萬
羅漢涅槃處也近山有高臺臺伴有僧寺
寺下皆石泉林木從此入山行二十里至
一峽峽南有小土屋屋南登山坡坡有石

今言卷之百

三三

屋屋中小佛像五前有池池東有山山石
青黑遠望紛如毛髮夷人言此十萬羅漢
洗頭削髮處也循峽東南行六七里登高
崖崖下小山纍纍峯巒秀麗羅列成行峯
下白石成堆似玉輕脆不可握堆中有若
人骨狀者甚堅如石文縷明析顏色光潤
夷人言此十萬羅漢靈骨也又東下石崖
崖上石笋如人手足稍南至山坡坡石瑩

潔如玉夷人言此辟支佛涅槃處也周行
群山約二十餘里悉五色砂石光焰灼人
四面峻壑窮崖天巧奇絕草木不生鳥獸
鮮少云甘肅大抵無比虜患專鎮防西夷
夷種中土魯番最奸狡宣德五年始遣使
來貢正統以後亦嘗來貢成化弘治間番
酋阿力阿黑麻父子擾我西鄙虜我哈密
忠順王罕慎陝巴拜牙即是時專伺哈密
至正德遂數犯我甘肅語在哈密傳中嘉
靖十一年西域貢稱王者七十五人貢使
至二百九十人禮官夏言請國稱一人王
內閣張孚敬言西域稱王者多恐彼自封
授或部落相稱先年入貢稱王亦有三四
十人者答勃並稱王今盡裁奪恐夷情觖
望下禮兵部議言言西域諸國稱王者惟
土魯番天方撒馬兒罕三國如日落諸國

今言卷之四

三九

名甚多朝貢絕少且與土魯番諸國不相
統弘治正德間土魯番十三入貢天方正
德間四入貢稱王者率一人或二人三人
餘稱頭目親屬嘉靖二年八年稱王者天
方至六七人土魯番至十一二人此兩年
間撒馬兒罕至二十七人內閣言先年亦
有稱王至三四十人者併數三國耳乃今
土魯番十五王天方二十七王撒馬兒罕
至十三王併數則百五六十王前此所未
有况所稱王號原非舊文即有同者地面
又異弘治時回勅書國稱一王若循撒馬
兒罕往年故事類答王號人與一勅恐非
所以尊中國而嚴外夷也自後各執賜勅
率其部落貢不如期使不如數任意往來
勢難阻絕驛傳勞煩宴賜頻數竭我財力
以役遠夷計亦左矣 上從言言當是時

今言卷之四

四

土魯番強殘破我嘉峪關外七衛及城郭諸國地大人衆非復陳驗封奉使時矣

三百四十三

直文淵閣入內閣預機務出納帝命率遵祖憲奉陳規誨獻告謨猷點檢題奏擬議批答以備顧問平庶政不得專制九卿事九卿奏事亦不得相關白凡上所下一日詔二日誥三日制四日勅五日冊文六日諭七日書八日符九日令十日檄皆審署而調劑焉平允乃行之凡下所上一日題二日奏啓三日表箋四日講章五日書狀六日文冊七日揭帖八日會議九日露布十日譯皆審署而調劑焉平允乃行之凡東官出閣講讀領其事敘其官而授之職業凡脩實錄史志諸書充總裁官實錄成呈上焚其草禁中凡宗室請名請封及

諸臣請謚並擬上焉凡圖書繕寫讐校皆課而察之凡郊祀巡狩親征扈行凡累朝御文實錄寶訓玉牒之副古今書皆籍而藏之凡會勅稽其由狀而敘述上請焉凡禮部會試廷試貢士國子生月課歲貢生廷試夷館譯生皆總領之其屬制勅房書辦制勅詔旨誥命冊表寶文玉牒講章碑額題奏揭帖一應機密文書及王府勅符底簿誥勅房書辦文官誥勅番譯勅書并夷書揭帖紀功勘合皆稽按典故起草進畫若漏洩稽緩遺失妄誤皆有罰蓋罷中書丞相此直文淵閣者即虞揆殷衡周宰之職也治亂安危恒係於斯可不慎哉可不慎哉

三百四十四

國初設中書省左右丞相黨獄起罷詔五

府九卿分理庶務翰林春坊官看詳諸司
奏啓署翰林院兼平駁諸司文章事某官
某 成祖靖難後召解公縉黃公淮胡公
廣楊公榮楊公士奇金公幼孜胡公儼入
直文淵閣時洪武壬午寔建文四年也自
後楊公溥張公瑛陳公山陳公循曹公鼎
馬公愉苗公衷高公穀張公益彭公時商
公輅江公淵王公一寧蕭公鑑王公文徐
公有貞許公彬薛公瑄李公賢呂公原岳
公正陳公文劉公定之劉公翊劉公吉彭
公華尹公直徐公溥劉公健丘公濬李公
東陽謝公遷焦芳王公鏊楊公廷和劉宇
曹元劉公忠梁公儲費公宏靳公貴楊公
一清蔣公冕毛公紀蓋自壬午至正德辛
巳凡百二十年五十一人內有再入三入
閣惟西楊起布衣歷幽朔四十一年

四卷

名山藏序

少司空晉江何公穉孝起家萬曆中衛德洽聞蔚為大儒慨國史之無成書也敷推典謨勾稽掌故發憤盡氣編摩數十年遂告成事公既歿其書始大行於世仲子南戶部郎九說詒書謙益使為其序謙益竊謂公之為是書也有三難焉亦有三善焉東漢以後之史皆成於異代今以昭代之人作昭代之史忌諱弘多是非錯互

名山藏

序

一

公羊託指於微詞韓愈戒心于顯禍一難也遷固之書討論於再世晉唐之史假借於衆手今以一人一時網羅一代之事既非端門服習之學又無史局纂脩之助二難也龍門之採世本也涑水之脩長編也述作之源流筆削之先資也今之紀載紛如其可資援据者或寡矣遠無徵於杞宋近或指乎隱桓三難也公之為書也果斷以奮筆采毫貶芥不以黨枯讐腐為嫌此

一善也專勤以致志年經月緯不以頭白汗青

為解此二善也介獨以創始發凡起例不以斷爛蕪穢為累此三善也公盛年遷謫讀書講術無聲色貨利之好無榮名膺仕之慕頡精專思窮年繼晷故其著作之成就如此嗚呼本朝學士大夫從事於史者衆矣以海鹽之志焉而弗史以太倉之力焉而弗史以南充之位與局焉而弗克史國家重熙累洽度越漢唐而史事闕

名山藏

序

二

如此亦士大夫之辱也後有徵明史者舍公何適矣雖然書成而署之曰名山藏隱史名也其總而稱記也則本紀志傳闕焉記大事則年表闕焉終篇則敘傳闕焉削史體也一再登庸官至卿貳藏棄篋衍不敢繕寫進御避史職也公益未嘗自以為史也謙益竊取其書讀之開天之創業月表具在其可委諸陳跡乎開國之重典丹書未亾其猶問諸故府乎朱墨之秘錄豈

無取於是正而丹青之俗說豈無待於刊削者乎公之史既有成書而不敢以史自命豈廷也哉蒐啓中余承乏右坊公與祥符王損仲皆官禿祿時皆過從商略史事損仲告公曰古之爲史者記剔記書剔書史剔史公之稱斯名也何居公蹴然起謝曰喬遠固陋守其樸學藏諸鏡山之下傳諸家塾僭矣敢冒國史之名詒本朝三百年史局之羞乎余與損仲歎此達言以爲

名山藏 序 三

美譚繇今觀之非公之道德洽聞具有三善者不能史非公之好學深思信而好古不能不自以爲史也然則今之大書深刻發名山之藏而傳諸通邑大都者以徵于後世則可矣其無適非公之志也歟

崇禎十三季庚辰閏正月舊史官常熟錢謙益 捧手誤

序

古今逸矣孰綱維是宇宙遼矣孰櫟括是史爲之也慨自左辨乎寧馬諂于班荀袁及范史而作漢紀鑿齒正陳志以續春秋繇是而降人我互異彼此交譏縱抑一家之事使典故參差法守無據斯人其辜可比于不道無法之律而三長五難之說猶未減之餘論也第世所稱良史才恒不獲處史局如韓昌黎陳同甫輩當時已有不盡其才之歎卽 本朝弁州北地諸公亦僅僅充簿書奔走蘭臺石室不得一託足焉有識者惜之因慨然于 國家歷禩幾三百

名山藏 序

年迄今成史無聞問其所用傳信者不過曰 累朝之實錄至攷實錄所紀止書美而不書刺書利而不書弊書朝而不書野書顯而不書微且也序爵而不復序賢避功而巧爲避罪文獻之不足徵久矣維余視草禁中學識未充心手相迂轉喉觸諱更有隱憂余 師大司空何匪莪先生資詣絕倫質文相副誠三代以上人歷官最久則隨地赴功著作日充而立言合度仕耻躁途家無私廩間嘗班窺師之爲人輒鯁然生克見不克繇之懼生平以正 王道明 大法爲已任上取 列聖之典謨旁及六曹九

鎮臣僕士女殊方羣藝之有補益者分事別類細大必稽爲記三十有七於是師歿矣余得從次君舅悌索而讀之讀典謨諸記可紹衣 祖考讀天因諸記可寅畏 上帝讀禮樂諸記可陶淑性情讀刑法諸記可明慎出入讀河漕諸記可協國而安民讀兵馬茶鹽諸記可興利而蠲害讀臣林諸記可進君子讀雜林諸記可退小人讀列女高士諸記可揚幽貞而獎廉靜讀方外貨技諸記可抑淫巧而服要荒篇終輒稱即以衡量焉郎者云何不敢失厥官也儼若奉 天主于上書外令掌方志凡辨法者考

名山藏序

二

之詔治者登之以竊附于姬官外史之職不爲越冠而典衣雖然懼矣而勞實甚積累思惟編之一手較彼十志成于馬續十志補自中郎者不猶百里之聽與千里之聽乎哉師之疏大學商誥俾聖道沛若江河記名山藏俾 王章炳如星日雖詩文奏議相輔以行而名山一書更屬深切而著明一時大觀察爲峽江曾公講性命學爲八閩所宗而大中丞則雲間沈公直指使則曲周路公悉同心齊德一道生風知是書足不朽相與捐俸而剞劂之欲藏之名山者倏忽懸之國門矣其藏之者師之志其不終藏者詎

名山藏序

非數君子之功與昔裴駟之注史記劉昭之注漢書皆以後人而操弟子之業其果爲弟子者何似蘇端明恨不及親事魏公幸載名籍中以附于門下士列其果爲弟子者又何似此余序之之職也至若綱維古今櫟括宇宙盡性以明道述史而翼經則自有一代之鼎鐘千秋之俎豆在泰曷敢知左春坊左諭德 經筵 日講官門人曲沃李建泰頓首 拜撰

名山藏序

三

四維張于萬斯年聖統王猶弗之有逾也而從事寥寥醒寤者無論已卓焉者酣興墨醕恣毫雲露腸厭其蠹梨涕其穴日憧憧髻枯頭皓而不知底究于身若世絲髮馬裨吾 師鏡山先生則可謂終身于斯而已余出其門讀其書已得其名山一集更孳孳嘆備美無以加而誠服夫子之脩詞居業非無本而然也大都士大夫之病在親利名遠經史故躋通懸有術而決帷幄無術推異已有據而權古今無據或驕語述稽而當代替如或哆口寅恭而救時束手爲問我 國家祥濟何源祐秩何派 二祖

列宗沿革幾何法世守幾何事應斟酌幾何事

后嬪嗣徽幾何氏 諸王封建幾何國名臣芳

蹟疇最其貽穢者疇最九夷八蠻種落奚狀馴悖奚

情版章之大山川險夷奚扼要禮樂政刑弛張棘徐

孰中漕輓錢鹽諸制兵農凋牧諸大務孰弊孰善窮

變通久孰與時宜有卓然掌畫應聲而熟數者伊何

人歟况乎巷寺之佞忠方技之遊見以及女流之幽

芬奇幹并其名耳食罕矣過而問焉者誰噫八股梯

禁律令導主誤 社稷蒼生者職是咎也吾師之

學根抵誠正而得力於洗心退藏居多終其身出山

名山藏序

四

日少家食時餘無一念實國郵實無一念繁簪組其

立朝也請定 册有疏止東封有疏守廣寧散蓮賊

有疏留都之浮費漕艘之節裁各有疏鑿鑿然經濟

訐謨無不頌文靖早見而欽仲淹之先憂者至于海

濱巨鱷勢已滔天乃以整棲逸叟綸羽一揮稽首歸

命脉小邦在春秋不敵大國之血願季路一言而無

盟者乎格之神幾幾過之使其時汲引有人而得畢

其論思匡弼之作用十堯九舜于舞鳳儀于親見乎

何有惜也逆熖如燎典刑抱蔓南阜少墟聯翩霞翔

而師遂以鏡山老矣要以經術經世方之古人又多

讓哉余鄙人也鄰孤聞訃弗克稟師傅表章師學惕

吾師未竟之業于方來而斌斌繼師體者亦清白世

堅手遺編無策授梓相對歎歎忽參藩曾二雲其人

者蒿睥世蹇軒志千秋式師虛而氣焉獨祿鳩工勒

厥編以行世噫吾道其有慶乎吾不敢謂天下無吾

師其人亦不敢苛望士大夫必如吾師之清如吾師

之和如吾師之進難而退易但願讀師集者虛叅確

證揚休表徵毋世說比之而經史求之于以攷 國

典識時務標轉否亨屯之偉伐而光輔 聖天

子中興之大成師將不沒也夫且好問學孰如我

名山藏序

五

后每從侍從之餘竊見 采菟批答樂之忘

勞 宸翰天言霏霏式玉頃復 加意 元

良就將蚤計昭昭乎揭帝王大學傳示來茲是編也

約而該贍而不靡上下二百七十年脩齊治平之道

包舉無漏卽以繕呈 乙覽附列 講筵備藜

閣之引陳分 前星之餘照繹 祖啓后之

功行得與 大本寶訓諸書並垂石室而奕世不

朽不亦可乎曰可矣翰林院簡討太原門生王仰沐

手書

名山藏目錄

典謨記

坤則記

開聖記

繼體記

分藩記

勳封記

天因記

天啟記

輿地記

名山藏 目錄

典禮記

樂舞記

刑法記

河漕記

漕運記

錢法記

兵制記

馬政記

茶馬記

鹽法記

臣林記

臣林外記

關析記

儒林記

文苑記

倂賢記

宦者記

列女記

臣林雜記

宦者雜記

名山藏 目錄

高道記

本土記

本行記

藝妙記

貨殖記

方技記

方外記

王享記

較刻名山藏姓氏

巡撫福建右僉都御史華亭沈猶龍

巡按福建監察御史曲周路振飛

福建右布政使吳縣申紹芳

分巡興泉道右參政峽江曾櫻

分守福寧道副使黃岡樊維城

分巡興泉道右參議武進陸卿正

泉州府知府常熟孫朝讓

同安縣知縣餘姚熊汝霖全梓

鄞縣沈延嘉

名山藏

同郡蔡復一

門人李建泰

王邵

林欲楫

蔣德璟

鄭之玄

李焜

傅元初

後學湯有慶

蘇琰

林胤昌

黃景昉全較

不肖男九雲

九說

九祿

九戶

孫希慎謹錄

名山藏

二

名山藏卷之一

臣何喬遠恭輯

典謨記

太祖高皇帝上

太祖高皇帝御諱元璋字國瑞濠州人也姓朱其先
句容人世農桑皇祖始渡淮家泗皇考徙鍾離皇妣
陳生四子帝季也日章天質鳳目龍姿聲如洪鐘奇
骨貫頂元時太史言聖人生江淮帝實應之當皇妣
娠夢黃冠授一丸有光吞之覺而口尚聞香明日生
於土地神祠中白氣貫空異香經宿祠中神驚避數

名山藏

卷之一

典謨記

一

里時元大曆元年戊辰九月十八日也浴汲河水水
浮紅羅遂取為衣所居尚有神光里人競呼朱家火
往視無有帝所生神祠地至今丈餘草不生浮羅之河水判二色一紅一白已數日
不乳皇考出求醫有僧坐門告之愈期良久不見皇
考心捨帝出家年十七歲饑疫皇考妣同月沒三兄
亦先後棄世帝孤無依託身皇覺寺為寺僧養鷺溺
圍之他遊戲鷺終日不敢出圍別鷺色為隊鷺
皆分隊立居兩月歲荒僧散帝遊食江淮金斗光息
閒至穎道病有二紫衣同寢食病已辭去莫知所在
夜陷麻胡中遇羣童言迎駕叱之不見三載仍還皇

覺寺元至正十一年辛卯歲妖言生徐穎斬黃兵

徐李芝麻斬黃徐壽輝穎劉福通與其黨杜遵道而

泰州張士誠台州方谷珍皆相煽動惟福通士誠為

盛元人發兵討士誠士誠自泰高郵走渡江據蘇杭

湖江陰長興常諸州縣號周王而徐壽輝據江池斬

黃瑞漢興國武昌饒信徽諸州縣號斬王李芝麻據

徐泗武安沔陽蕭諸州縣號沔陽王劉福通則立韓

山童為宋王號紅巾軍據汴梁穎安豐廬確陽羅山

真陽武陽葉諸州縣是時羣盜四起鍾離定遠間皆

棄農趨凶定遠人郭子興與其黨孫德崖率賓客子

名山藏

卷之一

典謨記

二

弟閉濠守之元丞相脫脫攻福通於汴梁韓山童出
走竟死進擊徐州李芝麻亦遁入沔陽脫脫則使其
將攻子興將掠俘良民絳其首民驚恐皆奔入濠帝
在皇覺寺欲出從將慮絳以俘不則紅巾軍入傷命
祝琰伽藍神數祝皆陰帝曰莫不容予舉大事否請
復陰筮陰帝曰舉大事恐凶請陽筮筮仍陰再決之
筮躍然立則再決則復陰乃叩濠求入門者欲兵之
子興免焉召與語大悅取為親兵妻以所育馬氏女
是為馬皇后郭氏軍中呼帝曰朱公子至正十二年
春也歲為壬辰脫脫被讒去繼者賈魯魯以其明年

死城圍解公子歸收里中殘健七百餘人獻子興子興以屬公子授公子鎮撫先時李芝麻餘黨有彭早住趙均用來奔子興納以為帥二帥暴公子屬七百餘人於他將率其二十四人南畧定遠定遠人毛麒掖令降二十四人者徐達湯和吳良吳禎花雲陳德顛時費聚耿再成耿炳文唐勝宗陸仲亨華雲龍鄭遇春郭子興郭英胡大海張龍陳植謝成李新張赫張銓周德興皆濠種也復有義旅來歸三千率練之又明年降義兵秦把頭於豁鼻山繆大亨於橫澗山得精兵餘二萬遂取泗及滁迎子興於滁率兵取鉞

名山藏

卷之一

典謀記

三

佛岡攻三汊河口破張家口堡收全椒六合大柳樹諸寨元人來圍六合公子與耿再成壘瓦梁禦之以覆兵破元攻滁之師是為甲午歲明年乙未擊羣盜於雞籠山與韓把頭戰直搗烏江湯和張天祐從取和陽子興使公子總和陽公子悉取軍中所得婦女還人人悅遂城焉元兵十萬來攻公子與天祐以萬人拒卻之復與諸將擊走元太子禿堅及樞密副使絆住馬民兵元帥陳瑛先於高望新塘青山雞籠元乘公子出則復來李善長擊却之元兵皆走渡江蓋戰三月乃解於是趙德勝等乘勝取真州略平含山

諸縣是春子興卒劉福通杜遵道等復求得韓山童子林兒迎立之為小明王國號宋改元龍鳳署子興子為元帥張天祐為右副元帥公子為左副元帥公子不受許用其年紀是時鄧愈自虹來常遇春自懷遠來公子喜遇春勇以為先鋒公子駐和陽久謀東渡江無舟左君弼據廬州巢人廖永安俞通海合肥人張德勝無為人桑世傑舍人華高方結水軍巢湖與君弼戰不勝五月使韓成求附於是公子得舟乘漲與元將中丞蠻子海牙戰黃墩及峪溪口敗之遂還和陽

名山藏

卷之一

典謀記

四

六月公子率諸將乘舟渡江常遇春奪采石磯先登乘勝取太平路豫書禁士略入其城遂張禁者儒李習陶安率父老迎改路曰府置太平興國翼元帥府諸將奉公子為大元帥公子以李善長為帥府都事以陶安參幕旗志及將士戰衣皆上赤元將用巨舟截采石閉姑孰口絕我歸路陳瑛先率眾數萬來攻大元帥遣徐達鄧愈湯和出姑孰東迎戰以別將潛繞其後轉戰至城北雙龍見障端元人愕仰視達等因夾擊之瑛先大敗大元帥釋瑛先擒使招其軍則皆降是月徐達克溧水州七月命張天祐與瑛先攻

集慶堃先陰語其故部曲毋力戰遂不克大元帥
縱堃先歸堃先發大誓固願附收其餘衆屯板橋陰
與元將御史大夫福壽合白大元帥書曰集慶左環
大江右枕崇岡不利步戰晉隋之取江左皆效於舟
師矣元人復盛兵守之聯綴三十里餘進虞斷後守
憂乏餉未可攻也莫若南據溧陽東擣鎮江絕其糧
道持久而勝之大元帥報曰歷代克江南長江限之
吾今已渡江據上游與晉隋勢異步戰足克公毋再
圖是月克溧陽州蕪湖縣九月命張天祐等復攻集
慶至方山攻破元左峇納識里管走之堃先叛歸福

名山藏

卷之一

興漢記

五

壽拒戰秦淮我師失利天祐與子興子皆沒堃先追
我溧陽溧陽民兵百戶盧德茂佯降以殺堃先是冬
元人圍亳劉福通以韓林兒奔安豐元將蠻子海牙
復大扼水軍于采石堃先子兆先繼爲將屯方山與
海牙相望龍鳳二年丙申二月大元帥率常遇春擊
蠻子海牙破碎其舟大破之盡得所扼軍蠻子海牙
走集慶三月進攻兆先復大破之降其衆三萬六千
大元帥召其驍健五百人夜置帳下獨使馮國用執
寢戈大元帥解印軒寢三萬六千人皆安庚寅進兵
集慶未及五里大鼓譟元人皆驚福壽出督戰擊敗

之反閉城大軍傳城遂克之巷戰兵潰或謂福壽曰
公且遁福壽叱殺之遂死元平章阿魯灰參政伯家
奴集慶路達魯花赤達尼達思等皆戰死獲其御史
稷等三百餘人蠻子海牙遁歸張士誠元帥康茂才
等率衆降召官吏父老曰元失其政所在紛擾兵戈
竝起生民塗炭吾爲民除亂耳各守生業賢人君子
吾禮用之舊政不便吾除焉名集慶路曰應天府置
天興建康翼統軍大元帥府以廖永安爲統軍元帥
置上元江寧二縣錄用儒士夏煜孫炎楊憲等十餘
人孫炎字伯融句容人跛而雄辯常病一廬人人莫
不畏其口長於歌詩雅好飲酒常與夏煜對飲賦

名山藏

卷之一

興漢記

六

詩各務出奇相勝每得一倚語絕案大呼譁聲撼四
鄰所與交皆當時豪傑輕視章句儒衆中常自許曰
孫炎登獻獻輩任耶處下公以處付矣聽炎自陳一
時天下方戰爭秀民伏匿山谷中不肯出炎約致一
二人問有才者爲誰今皆安在錄其姓名以書招之
而爲劉基章益於帝使者再往還基不起復爲書數
千言開陳天命論基基無以答遂延就見炎炎置酒
與飲論古今成敗基深歎曰基始自以爲勝公觀公
論議乃大不如上方征伐無一兵與炎炎以口舌安
反則耶壬寅二月苗將黃仁德李祐之叛襲炎而所
練卒亦慮之炎無援被擒幽空室中列卒環守炎心
降炎給之曰若生吾能成若事負李知非其本心
恐爾自遺患遇夜以燭照斗酒饋炎曰嗟乎大夫乃爲
炎拔佩刀割鴈舉厄酌酒仰天歎曰嗟乎大夫乃爲
此舉會然我死義爾賊死肉臭且不解衣食奉怒
持劍與目擬之炎飲酒自如卒叱其解衣炎大罵曰
此紫衣衣乃主上賜我者賊勿解我當服以死賊遂
害之年三十又事關上爲嗟悼土即帝位追封舟
陽縣男 用元御史大夫禮葬福壽徐達湯和張德

麟廖永安等攻鎮江克之洛陽人秦從龍避亂鎮江
大元帥幣求之既至大元帥郊迎洽館召與謀謀筆
於漆方從龍薦陳遇亦召禮之稱先生而不名秦從

元江南行臺侍御史 陳遇字中行金陵人沉粹
約篤于學問元末為溫州路教授棄官歸自名靜
以稱試靜元生太祖既得遇欲官之遇辭為太祖
薄欲任賢不皆致人一奉密命至浙江還奏稱旨
金疾醫頓來愈人謝太祖望見連呼君子屢官屢
不強也命其子充宿衛亦辭時時見賜坐侍食予
肩輿旗尉十人賜資甚厚遇於上前稱說正誼往訓
軍至被遣者幸為救解年七十餘卒遺姪及聘賜東
園秘器葬之鐘山季子恭累官通政贈遇大理卿遇
命中後水樂初為翰林待詔繪事精雅中復子孟顯
善改鎮江曰江淮府立淮興鎮江翼元帥府以徐達
湯和為統軍元帥是月克金壇縣六月鄧愈邵成湯

名山藏 卷之一 大祖一 七

呂克廣德

七月己卯朔諸將奉大元帥為吳國公置江南行中
書省以李善長宋思顏為參議李夢庚郭景祥為左
右司郎中侯原善楊原果陶安阮弘道為員外郎孔
堯仁陳養吾王愷為都事王濤為照磨樂鳳為管勾
夏煜韓子魯為博士置江南行樞密院以湯和攝同
僉樞密院事置帳前總制親兵都指揮使以馮國用
為之置左右等翼元帥府以華雲龍唐勝宗陸仲亨
鄧愈陳先張彪王玉陳本等為之置五部都先鋒以
陶文與陳德等為之置省都鎮撫司以孫養浩為之

置理問所以劉禎秦裕為之置提刑按察使司以王
習古王德芳為之置兵馬指揮司以達必大為之張
士誠來攻鎮江徐達湯和禦之敗其軍龍潭吳公益
達士三萬使與和攻士誠之常州達鹵其弟士德已
四十餘日不能下達與諸將金降一官九月公如江
淮謁孔子廟勸耕桑治城塹十月以常遇春為統軍
大元帥十一月更益徐達士二萬圍常張士誠攻達
和壘常遇春廖永安胡大海自其壘來援夾擊大破
之虜其將士誠將珍閉城拒守達進師圍之十二月
復名江淮府曰鎮江三年丁酉二月耿炳文劉成取

名山藏 卷之一 大祖一 八

呂克廣德

長興改曰長安州立永興翼元帥府以炳文為總兵
都元帥守之克常置毘陵翼以湯和為樞密院同僉
總管張赫為元帥守之改路曰府置京臨永定二縣
以濟南人高復知府事復有惠政能安常人四月公往攻寧國
常遇春中流矢暴創戰克之太平旌德南陵涇以次
下五月張士誠遣將原明寇長興耿炳文擊敗之江
淮分樞密院副使張鑑等克張士誠之泰興常遇春
遣將趙忠王繼祖攻徐壽輝之青陽縣破之繼祖為
寇功銅陵降六月趙繼祖郭天祿吳良取江陰徐達
宜興取常熟擊張士誠兵敗之鄧愈胡大海等取

績溪進取徽州拔之追擊元將於遂安改徽州路曰興安府立雄鋒翼元帥府命鄧愈守之黔祁門皆降十月常遇春與廖永安克池州繆大亨克揚州十二月令曰干戈未寧人心初附犯者縲有司吾甚憫焉其自今月二十日昧爽前無輕重皆釋之四年戊戌正月樞密院同僉廖永安判官俞通海桑世傑攻張士誠將瑞於江陰克之世傑戰死鄧愈遣部將王弼汪同孫茂先取婺源州克之二月以吳禎為天興翼副元帥使與其兄良守江陰以常遇春為江南行中書省都督馬步水軍大元帥三月鄧愈朱文忠胡大

名山藏

卷之一

太祖一

九

海克建德四月徐壽輝平章陳友諒遣其將趙普勝自樅陽寇池州陷之及建德六月左副都指揮朱文忠下浦江元江浙左丞楊完者為浙江行省丞相達識帖木邇所害八月其苗兵部將員成等與其桐廬部三萬餘人來降使朱文忠往撫之十月樞密院判胡大海取蘭溪進攻婺徐達邵榮克宜興雄鋒翼統管胡天福取開化元帥羅友賢復取建德胡大海攻婺久不下十二月吳公親征途次召問宣徽間故老若儒賜布帛前學正朱升對曰高築牆多積糧緩稱王吳公悅

學以元都貢進士馬池州學正秩滿歸美其元翰林學士禮樂征伐之議多所贊畫一日延陳宗器上手擊磬命升辨五音升對曰君上大怒起居注熊鼎從傍論救上乃解升出謝曰微君吾命危矣禮記四書孝經小學旁註所著有易詩書周官儀禮傳于世學者稱風林先生子同為禮部侍郎至婺約降不聽圍焉胡大海與其子德濟縱擊元將石抹宜孫於梅花門大破之元將安慶開門納師遂入婺斬取民財者以徇先一日城中望見城西有五雲縹緲如車蓋及是乃知公所駐兵地置中書分省于婺州設官屬立金華翼元帥府改曰寧越府以王宗顯知府事賑貧民禁酒辟儒士范祖幹葉儀名儒士許

名山藏

卷之一

太祖一

十

元葉瓚玉胡翰吳沈汪仲山李公常金信徐孳童冀戴良吳履張起敬孫履等十餘人會食省中日令二人進講范祖幹字景先金華人少從許謙學與葉儀不出此書因命為太學進見高帝問治道何先對曰幹父母皆年踰八十卒家貧不能葬鄉里為管塚悲哀三年如一日帝表其所居曰純孝胡翰字仲申金華人博覽經史登許謙之門南北士在講下者皆願與交復以所著文呈黃籍柳貫皆稱讚不容口其於當世名公卿多所交接惟余闕貢師秦號知已遺府多虞避地南華山中著書自樂太祖駐兵金陵遣使聘翰授新州教授洪武乙酉春奉旨纂修元史事竣賜白金文幣以歸翰文章簡潔清峻性嚴毅寡酬應未嘗輕有所發嘗暮年請文者踵門不苟也二吳沈字濬仲金華人博學能文被薦至京授翰林侍制未幾以事降編修久之復侍制以奏對誤左遷涓涓精誠錄未行改與籍洪武戊午進東閣大學士受命

請上覽之大悅仍命議序又譔千家姓以進見一統
 之盛以進講後期考功劫其急事降侍書尋改國子
 博士是時文治大興沈麟謂兵不可廢因言武經七
 書多依托之言惟司馬法與孫吳為可信昔者齊
 王使其大夫追論古司馬兵法附以田獵並之說今
 行傳者非齊之全書矣宜孫吳之盛行也聖人之兵
 昭也非為亂也尚義也非尚詐也孫曰兵說道也吾
 恐非聖人意也周官以易詩書禮論孟諸經詞義
 涉於師征者輯而類之定為五篇曰兵象曰兵用
 一論尤確十九年卒沈富著遠覽志負經濟三仕
 己無喜愠人 浦江州民可大以民兵降雄鋒翼元帥
 以此多之
 王遇成狗下昌化五年己亥正月諭諸將曰今雖得
 婺浙東諸郡尚多未下吾破建康秋毫不犯遂以大
 定克城以武安民以仁諸將勉之平章邵榮破周餘
 名山藏 卷之一 太祖一 七
 杭方國珍奉書獻金繪願比而攻周許之僉院胡大
 海取諸暨以為諸全州命王宗顯開郡學宗顯聘葉
 儀宋濂為五經師戴良為學正吳沈徐源為訓導喪
 亂之餘聞絃誦焉周士誠復寇江陰吳良與其弟禎
 破之三月宥獄囚陳友諒將趙普勝寇太平總制胡
 惟賢使萬戶程允同義士汪炳叔擊敗之四月徐達
 使俞通海與普勝戰復池立樞密分院于寧越府以
 常遇春為鎮國上將軍同僉樞密分院事守之張士
 誠寇建德朱文忠兩破之六月吳公還使胡大海守
 寧越與常遇春規取衢處紹興八月元帥朱文遜素

友諒取無為州九月常遇春克衢十一月胡大海克
 處六年庚子正月復名寧越府曰金華三月徵宋濂
 劉基章溢葉琛至建康陳友諒以舟師攻太平太平
 陷守將花雲朱文遜王鼎知府許瑗皆死之 文遜上
 王鼎儀真人 許瑗樂平人上取婺州瑗以儒士進
 謁因言于上曰方今元祚垂盡四方鼎沸豪傑材勇
 之士勢不能獨安夫有雄畧者乃可馭雄材有奇謀
 者然後能知奇士閣下欲掃除僭亂平定天下非獲
 拔英雄難以成功上然之授博士置帷帳中 友諒遂
 弒徐壽輝自稱漢王與周士誠合謀圖建康吳公使
 指揮康茂才誘致之龍江公總大軍盧龍山諸將夾
 擊大敗之追擊又敗之友諒棄太平遁去余元帥進
 名山藏 卷之一 太祖一 七
 取安慶守之胡大海克信州六月樞密院判官耿再
 成擊元將石抹宜孫於慶元縣石抹宜孫力戰死吳
 公曰忠臣也祭之處州民祠宜孫吳公命母毀七年
 辛丑春二月改分樞密院為中書分省三月改樞密
 院曰大都督府命兄子文正為大都督節制中外諸
 軍事七月公視事東閣汗更衣衣皆故參議宋思顏
 曰主公儉德儷禹臣願始終如此以示子孫公曰善
 賜之幣思顏更進曰句陽虎主公捕獲之日食一犬
 此益費也公欣然殺一虎二熊分肉於諸將漢將張
 定邊陷安慶八月庚寅公御龍驤巨艦率師伐漢建

弔民伐罪納順招降之旗於艦中有鳥數萬翼檣以
飛蛇蟠于舵辛卯龜來牛渚與蛇會戊戌克其安慶
水寨壬辰常遇春擊退漢舟於湖口追至江州公與
友諒遇大破之友諒夜遁武昌公使徐達追扼於漢
陽之沌口遂克南康康茂才等引兵徇下斬黃興國
沔陽廣濟饒瑞建昌諸郡軍聲大振十月周士誠以
公在江州使其將伯昇寇長興耿炳文兵少被圍月
餘公使常遇春往擊走之鄧愈取撫州八年壬寅正
月漢丞相胡廷瑞與其平章祝宗同僉康泰以龍興
降上入龍興拜廷瑞母已謁孔子廟過鐵柱觀宴勝

名山藏 卷之一 史記 志

王閣諸儒咸賦存恤無告名父老子弟日爾輩苦陳
氏久矣人自為生軍需供億吾不相勞皆大悅改龍
興曰洪都府以葉琛知府事守吉安土軍元帥孫本
立曾萬中與其弟粹中來降袁州龍泉諸郡縣次第
降二月以鄧愈為江西行省參政留守洪都公還三
月士誠圍諸全守將謝再興與胡德濟破之祝宗康
泰復以洪都叛葉琛死焉葉琛水人博學多才與
司鄧對基章盜抗名上下
葉州廷見宋漢因既琛與基盜皆國士也
琛與基盜廉四人同至建康處之禮賢館講明經史
討論治道時有神益土嘗問左司郎中陶安西人者
如安對曰臣謀略不及劉基學問不及宋濂治民
才不如章濂葉琛擢琛為管田
會事上置洪都府以琛知府事 四月徐達從漢陽

還追斬宗泰復其城命大都督朱文正統軍元帥趙
德勝等同鄧愈鎮之苗帥李祐之賀仁德據處州叛
平章邵榮及王祜胡深攻復之六月復名永定縣曰
武進七月公閱兵三山邵榮與參政趙繼祖欲為變
有疾風吹旗觸公衣公易服從間逆事覺皆伏誅漢
將熊天瑞寇吉安守將孫本立戰死于永新十一月
朱文正還取之元將擴廓帖木兒使人通書獻馬九
年癸卯正月遣中書省都事汪河往報被留汪河龍
舒人
備有大志行省豫史事高帝屢陳時務帝高其才議
參謀雅惟贊贊書兵政大有規模擢為大都督府都事
元察罕帖木兒先圍福通於汴梁復之兵威甚振其
明年察罕子擴廓帖木兒自河南遣使尹煥章來通

名山藏 卷之一 史記 志

好帝遣河與俱往谷其意河至擴廓帖木兒拘留之
高帝馬河故三遺書擴廓帖木兒而三不報高帝既
定天下常遇春追擴廓大同年擴廓懼西走定西遇春
始以河還河自歸元凡六年既歸帝嘉重之歷吏部
侍郎河備陳虜中事上方器選御史臺侍御史數犯
天威陸陳諫論內外諸政補益甚多久之拜為晉王
相居數歲 二月張士誠將珍與左君弼攻殺劉福通
于安豐公往抹大破之使徐達常遇春還圍廬四月
諸全守將謝再興叛漢友諒大舉圍洪都復分遣其
將攻陷吉安五月置禮賢館漢兵陷無為州知州童
會不屈縛而沈之江徐達常遇春攻廬三月不下公
命罷兵從征漢以解洪都圍七月公率舟師二十萬
征漢有大魚二夾公舟自新河口過小孤丙戌友諒

東出鄱陽湖迎戰丁亥遇於康郎山大戰五晝夜八月友諒大敗死公入洪都幸學見諸生與諸將登滕王閣飲酒賦詩宵張燈縱旄倪聚觀改洪都府曰南昌九月公還告廟飲至賜常遇春廖永忠田餘將士論功有差是月友諒子理奔武昌襲位公復征理于武昌張士誠稱吳王十月公至武昌湖北諸郡皆降十二月公還十年甲辰正月丙寅朔諸將奉吳公為吳王建百司官屬以李善長為中書右相國徐達為中書左相國常遇春俞通海為平章政事汪廣洋為右司郎中張昶為左司郎中上曰卿等共推戴予今

名山藏 卷之一 興漢記 太祖一 五

當協心成治建國之初先正紀綱紀綱先禮元氏之亂主荒臣專今儀鑒之汪廣洋字朝宗高郵州人少從余闕學游寓太平上渡江首召儒士廣洋入見與語大悅爾幕下洪武元年自天西行首參政召拜左丞右丞楊憲專權嗾侍御史劉炳等奏廣洋事母不孝上切責令還鄉憲恐其復入悲願奏還之海面上竟憲奸誅憲召廣洋還冬進封忠勤伯誥辭比之子房孔明四年命代李善長為右丞相在位畏懼迂腐公務廢格六年命代李善長行省參政七年復召為左御史大夫二年復進右丞相上遇廣洋甚厚廣洋沉湎不事事與胡惟庸同相知其奸而不言浮沈守位而已尋以不對惟庸毒死劉基狀貶居海南舟次太平賜劍死廣洋善篆款大書工於詩歌為人寬和自守而無所建明二月以陳理久不下復往視師理降漢沔荆岳郡縣相繼降王謂諸將曰諸公久從吾勞苦矣勞者逸根若為甘機若農耕田以庸有秋

必先懲乎暇豫三月吳王至建康封陳理歸德侯起居注給事中悉罷諸翼統軍元帥府置十七衛親軍指揮使司江西行省進漢金鏤床王曰此何異孟昶七寶溺器亟毀之侍臣曰未富而驕未貴而侈所以亡也上曰此覆車也富亦豈可驕貴亦豈可侈四月像祀戰漢死事之臣三十六人于康郎山故樞密院同知丁普郎普郎初為陳友諒將守小孤王師征院同知至是戰死身被十餘創故樞密院判張志雄首脫奔魏兵若戰狀植立不仆故樞密院判張志雄志雄趙普勝故將善戰號長張陳友諒善勝志雄為友諒將庚子從友諒犯龍灣上命將擊敗友諒志雄遂降志雄當怨友諒故龍灣之戰無關故左副指志既降盡獻取安慶之策王師遂克之

名山藏 卷之一 興漢記 太祖一 六

揮韓成故統軍元帥宋貴陳兆先兆先元將也先故之子韓成有傳左副元帥俞相昌文貴故右副元帥王勝李信陳炳劉義徐公輔故同知元帥李志高故元帥副使王咬住故萬戶程國勝故千戶姜潤后明王德朱鼎汪清常德勝王鳳顯丁宇王仁汪澤王理陳冲裴軫王喜先袁華史德勝故鎮撫常惟德曹信遠德山故都尉鄭興羅世榮皆贈勳爵有差復像祀守南昌者于南昌府故平章趙德勝故樞密判官李繼先故左副指揮使劉齊故統軍元帥許圭故右副元帥趙國昭故同知元帥朱潛故元帥副使牛海龍故千戶張子明

張德山故百戶徐明故總管夏茂成故江西省都事
葉思誠故洪都府知府葉琛故臨江府同知趙天麟
凡十有四人皆有贈覈諸將所部兵有五十人者為
指揮千人者為千戶百人者為百戶五十人為總旗
十人為小旗悉罷樞密平章元帥總管萬戶等名征
商三十而稅一七月徐達常遇春克廬州命常遇春
會鄧愈及金大旺兵討江西上流未附郡縣徐達按
行荆湖等處九月繪塑功臣像于十壺蔣子文廟改
長安州曰長興州立死戰故守將劉成廟於州中十
一年乙巳正月常遇春克漢故將熊天瑞於贛州賜

名山藏 卷之一 興漢記

書獎其不殺遇春進師南安招諭嶺南諸郡南韶皆
降王閱將士將經理淮甸焉二月參軍胡深下浦城
徐達降下湘潭辰衡寶慶諸郡及靖州安撫司諸長
官司命班師張士誠遣其將大圍新城李文忠率諸
將大敗之三月胡深克松溪命常遇春日安陸襄陽
跨連巴蜀控扼南北古必爭地汝其往取夫堅城之
下緩則頓師急則驅死相機招輯是在賢將軍復召
江西行省右丞鄧愈為湖廣行省平章政事使謂之
曰今遣遇春取安陸襄陽汝兵繼之所得州郡撫其
降附近聞擴廓帖木兒集兵汝寧以若所為如防壅

水惟恐滲于外汝往愛軍恤民仁聞而人歸猶水奏
下若穴滲其防惟爾念之命廣信衛指揮朱亮祖絲
鉛山建昌右丞王溥絲杉關會胡深取崇安以圖閩
中常遇春克安陸執其將至襄陽其將張德山以城
降六月元帥王國寶等克安福州胡深克樂清朱亮
祖克崇安進攻建寧胡深死焉以儒士滕毅楊訓文
為起居注命曰諸臣有言予雖信宿切磋商之况若
職左右若母苟容若母改守譬之馳驅戒險則不顛
肆夷則驟蹶予常自警故以勗若復命毅訓文集古
暴君之行曰政龜鑑也可以知喪亂之絲 滕毅莫詳
何處人元

名山藏 卷之一 興漢記

未亂流寓江南太祖征偽吳以儒士入見言事稱旨
留徐達幕下嘉其久而無過命毅與宋濂等日侍左
右甚見眷遇吳元年以湖廣重地陞按察使又命與
李善長等定律令洪武元年陞吏部尚書掌一切選
除奉出為江西參知政事卒官 楊訓文四川產
州人故元淮海書院山長乙巳年以儒士見留侍
左右五月拜起居注上嘉其謹厚尋遷中書省左司
郎中洪武元年陞太常卿二年出知湖州三年移知
汀州四年陞 七月命元降將德山還歸招徠未附山
寨賜鄧愈書汝成襄陽法度已定宜謹守之未附者
業遣德山招徠舊籍民兵悉如其故軍人一較令其
屯種戰且耕爾所成地鄰擴廓帖木兒若爾愛加干
民法行於軍彼之脇從脫虎就乳惟我賴汝實如長
城成事甚艱債事甚易嗚呼念哉以劉基為太史令

八月指揮李琛取竹山縣降之九月置國子學

命左相國徐達平章常遇春胡廷瑞知樞密院馮國

勝左丞華高等率馬步舟師並取偽吳士誠之淮泰

閏十月平章湯和克漢故將周安於永新指揮副使

王宗寶取餘干州徐達圍泰州敗偽吳湖北之援兵

偽吳以舟師出大江次范蔡港小舟別往來江中王

至江陰水寨觀之既還達遇春遂克泰安分置泰伴

五千人於潭辰二州賜男女衣履布帛鍼線室家完

皆大悅呼萬歲十一月徐達進攻高郵王恐其深入

命馮國勝帥所部節制諸軍援之達還軍泰以圖淮

名山藏

卷之一

典謨記

九

濠張士誠寇宜興徐達引兵渡江擊敗之還攻高郵

十二月士誠將以八萬兵寇吉安守將費子賢用三

千人擊却之十二年丙午正月張士誠駐舟師君山

復出兵馱沙以窺江陰王督軍往救寇遁命康茂才

等追之於大江大敗其兵於浮子門議按察憲綱命

按察司僉事周漬等曰神明能福鬼魅能妖風憲紀

綱之司法清弊革人則神明陰詭蠹國乃鬼魅矣禁

種糯以塞酒源徐達拔高郵使乘勝取淮安四月淮

安降遂取興化王謂劉基王禕曰四方凋瘵吾欲紓

之基曰方今用武殆未可王曰吾將定賦焉定賦則

用節節則民不困定賦則末兼兼則國常裕皆對曰

善濠州李濟以城降元守將陸聚以徐宿降以聚為

江淮行省參政守徐如故諭其吏民曰胡元失政亂

起汝穎開天下皆謂豪傑奮興太平立見乃惟妖言

是庸元之將舊師行甚寇中原板蕩十餘年矣咨爾

士民勞苦日深自歲丙午始賦役軍需參政聚議於

有司毋繁以苛爾安無悻聚遣將攻魚臺之下邳蕭

宿遷睢寧諸縣皆降王如濠州素冠白纓衫經而朝

墓濠父老皆來見勞苦如平生宴罷且別王曰濱淮

諸郡尚有寇兵鄉人耕作交易且無遠出徐達取安

名山藏

卷之一

典謨記

十

豐克之五月王還王讀魯論節用愛人使民以時愛

其語與侍臣誦之王召諸臣計討士誠右相國李善

長對曰張氏勢雖屢屈兵力未衰土沃多儲殆未可

也王曰長淮東北吾皆有之臨以勝師何憂不援徐

達曰張氏橫暴侈汰此天亡之時也其將李伯昇呂

珍輩齷齪亡數黃蔡葉三參軍居中書生耳臣奉威

德可計日定王喜曰惟達與我意合八月出兵將以

舟師繇常入江委曲通太湖王告大江曰伏聞民欲

安聖人一民欲愁伯主多予心在安民決戰于張氏

請天判聖焉惟神奉天告神鑒之遂命徐達為大將

軍常遇春爲副將軍帥師二十萬往晉戒曰母虜掠母安殺母發丘壟母毀廬舍張氏母葬城外母傷之已問諸將曰是行也師孰先常遇春曰先姑蘇上曰不然張氏杭湖皆有守將先姑蘇必來援莫若先湖遇春曰臣聞逐梟者覆巢去鼠者熏穴王作色曰攻湖失利吾自當之攻蘇而敗固不貸汝己巳常遇春擊敗僞吳兵湖州港遂次洞庭山癸酉進至昆山擊擒其二將又進敗之三三橋進圍其城絕其援道於舊館士誠身與達戰皂林之野虜其帥及甲士三千人九月命朱文忠攻杭以疲其應戰常遇春焚其赤龍船於平望十月遇春攻其將於烏鎮追破之昇山顧時薛顯奮擊之降其五太子及朱暹呂珍等得兵六萬十一月湖州守將李伯昇出降朱文忠攻下桐廬富陽餘杭杭州將潘原明以城降紹興嘉興海寧皆降改路爲府名諸全州曰諸暨縣遂開浙江行中書省于杭州以文忠爲平章政事賜復其故姓曰李修公子書以教公卿貴人子弟務農技藝商賈書以教四民羣臣請營建廟社立宮室許之營繕進圖王去其奇麗者曰茅茨而聖彫峻而亡以明年爲吳元年

名山藏

卷之一

典謨記

三

元年正月有一老人告省局匠曰吳王卽位三年嘗平一天下匠驚問之曰我太白神也去不見王曰吾昔在軍中嘗空腹出戰歸得一食卽粗糲甚甘今飲膳豐美未嘗忘之太平應天宣城諸郡吾渡江開創地供億先勞其免太平府租稅六年應天宣城諸郡一年元嘉定二州降二月元將擴廓帖木兒遣其左丞李二侵徐指揮傅友德破之王曰餌我也謹備之母情左君弼自廬州歸元元使守陳王以書招之足下予鄉人幡然而來當與更始君弼猶豫不決君弼之母質於王所王歸之於陳勅徐達曰帝王之興必有命世將軍有謀有武遏絕世界消弭羣兇今尅期稟命不違造次此賢臣事君之道吾甚嘉焉夫將在外君不御自後便宜行之澧石門降三月設文武科取士錢塘衛指揮同知袁洪取崇德州五月下令曰予本布衣因天下亂集衆渡江撫定江左十有三年中原之民流離顛頓尚無所歸吾乃積粟而控弦徐濠泗壽邳東海安東襄陽安陸郡及今後新附人民中書省其命有司免賦徭三歲六月丙午朔日有食之晝晦久旱及戊辰大雨下令免今年田租命朝賀母女樂七月除郡縣官定賜予道里之費賜及其父

名山藏

卷之一

典謨記

三

母妻子甲申羣臣勸即皇帝位不許皆力請吳王曰
 吾常笑陳友諒未也而稱帝天命在我有時也已丑
 雷震宮門獸吻得物斧形而石質王燕之出負駕前
 朝置儿以恭天戒遂赦中外獄囚論羣臣曰古之賢
 君常憂治世其臣亦憂治君然賢臣之憂治君者君
 常安賢君之憂治世者世常治今土宇日廣人民雖
 蕃久困未蘇予心未嘗忘憂卿同吾憂國福至矣不
 然禍敗隨之不可揀藥八月圓方二丘及社稷壇成
 定樂律乙丑大風雨丙寅吳王祀山川畢將還宮顧
 世子曰國家初定民始息肩汝知人勞乎夫人貴則
 名曰燕 卷之一 太祖一 三五

驕逸則忘勞若夫貴而不驕逸而知勞心體衆情能
 為君者也今將士中夜扈從至此皆未朝食汝可步
 歸徵江西儒士顏六奇蕭飛鳳劉于等欲官之俱以
 老病辭賜帛遣還九月命參政朱亮祖討方國珍於
 台州諭之曰國珍皆竊倫生往討必下顧其民疲困
 已甚下之日毋殺一人太廟成命民有犯毋連坐大
 將軍徐達克姑蘇執張士誠通州狼山降朱亮祖進
 攻台州方國瑛出拒戰擊敗之製磬琴瑟取石磬於
 靈璧采桐梓於湖論平偽吳功封李善長宣國公徐
 達信國公常遇春鄂國公諸將皆賞賚有差謂之曰

破漢滅吳皆公等功公等何忝古名將今當北定中
 原矣各努力明人謝吳王曰公等還家皆置酒為樂
 否對曰荷上恩有之王曰吾亦欲置酒一歡中原未
 平尚非其時張氏君臣飲食宴樂今竟亡公等所知
 也朱亮祖克台州遂徇下僊居諸縣王謂偽吳諸故
 將曰今列爾等將較無異顧爾等為張氏將多取子
 女玉帛加以湖饒雅富貴吾所用諸將皆濠泗汝穎
 壽春定遠諸州人勤勞而苦約今當如我將革去其
 舊習命博士熊鼎編類古人行事可鑒戒者書壁間
 熊鼎見臣 林小註 又書大學行義於兩廡將斃地有請琢文
 名山報 卷之一 太祖一 三五

石於瑞州王曰作宮厲民矣更琢石於遠耶王謂太
 史令劉基學士陶安曰南方既平今宜致力中原以
 一天下基曰土廣人衆正可席卷王曰惟廣與衆不
 可恃也吾起兵以來臨小敵若大以有成功今雖垂
 就一或不戒成敗關焉基曰近滅張氏乘勝長驅此
 其時也王曰彼方自相犄角豈得遽云長驅必吾持
 勝道俟彼亡機加慎重焉十月出幣帛求遺賢于四
 方徒蘇州富室以實濠王語給事中吳去疾等吾以
 布衣起兵李徐及湯皆居相近君臣相遇殊非偶然
 今掃除羣雄撫有江南終夜思之恒不安枕人心易

勤事機易壞撫之失宜施之失當亂今方生命百官
禮儀俱尚左勅禮官曰元右丞相余闕守安慶屹然
當南北之衝援絕力窮舉家皆死江州總管李黼身
守孤城力抗強敵與闕同義自古忠臣義士見褒後
代以勵風也宜令有司建祠肖像歲時祀之置御史
臺以湯和爲左御史大夫鄧愈爲右御史大夫劉基
章溢爲御史中丞諭之曰國家新立三大府總天下
政中書政本也都督府掌軍旅御史臺察百官詩不
云乎剛亦不吐柔亦不如諭和曰今居文職宜親近
儒生再命湯和爲征南將軍吳禎爲副將軍討方國

名山藏

卷之一

典漢記

太祖一

三五

珍于慶元吳王曰毋殺當如徐達下姑蘇定律令宴
功臣于西樓既罷諭之曰吾賴諸將以有今日顧勞
甚矣大將軍達平章遇春等出死力成功一代元勳
也張氏之滅惟大將軍財寶無所取婦女無所近心
謂中原未平不敢安志爾等皆當學大將軍皆頓首
謝考正四廟雅樂定樂舞之制是時元將在中原者
山東則有上宣宣子信河南則有擴廓帖木兒關隴
則有李思齊張思道吳王將伐之問計徐達常遇春
遇春對曰擣元都王曰都焉必固逾越州郡頓師堅
城下如無後繼何吾欲先取山東旋師河南拔潼關

守之然後進兵元都鼓行而西雲中九原以及關隴
可席卷也諸將皆曰善甲子命達爲征虜大將軍遇
春爲征虜副將軍率甲士二十五萬與諸將絲淮入
河以取中原命中書平章胡廷瑞爲征南將軍江西
行省左丞何文輝爲副將軍率軍絲江西取福建以湖
廣參政戴德隨征命湖廣平章楊璟左丞周德興參
政張彬率軍取廣西王曰今諸將非不健固然持重
有律莫如大將軍達至當百萬之衆推鋒陷陣所向
披靡則遇春也顧吾弟患遇春輕吾向見遇春武昌
跳而赴數騎非大將體今達主中軍毋輕動遇春領

名山藏

卷之一

典漢記

太祖一

三五

前鋒趨大敵敵強即與馮宗異分擊之諸將若薛顯
傅友德皆勇略冠軍此可當一面諭達曰茲始山東
次第進取山東古云山河十二師行毋輕主威者勝
任勢者強威立則士用命勢重則敵難攻夫將三軍
司命也命廷瑞曰汝故從陳氏嘗爲陳攻福建知其
形便故命汝往文輝德皆吾故人也然不可以故廢
吾法命楊璟曰使胡廷瑞取閩閩平就以其師航海
趨廣東爾率荆湘之衆進取廣西兩軍合勢何征而
不克是日祭上下神祇於北門七里山祝畢大諭諸
將士曰城下勿妄殺人勿奪民財毀民居勿廢農具

勿殺耕牛勿掠子女獲有遺孤幼還之

字改今名漢河人太祖稱王命為征南將軍

江西北承何文輝為副湖廣參政德勝

克定之功全賴於汝十一月利可否為

下之十二月至都武元守將李宗茂以

美以榮祿大夫中書平章兼同知唐院

午率師至建寧元守將同會達里麻

條佐謀不可當今吾城中軍士亦不下

富可以拒守不可與戰彼攻吾城不克

因而乘之或可得志乘皆固守不出我

進兵數與挑戰連里麻等固守不出我

之壬辰克建寧時美督兵攻城益急達

夜潛至文輝營納款詎且總管程也先

名山藏 卷之一 太祖 三

請降美乃整軍而入申嚴號令秋毫無

送京師獲將士九千七百九十餘人馬

正銀一萬六千三百兩糧九萬八千六百

指揮費子賢領兵守之二月克興化建

後納款泉州即縣相繼降附時王師已

諸路福建悉平統兵守禦後封為臨川

除人年十三大祖取養鞠之賜姓未其

二人不先詣已送欲屠城文輝止之日

觀小民業作以知依生之艱察民好惡以知其情

日命汝遊歷旁郡縣因道途險易以知鞍馬之勤勞

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

濠陵墓擇輔行以少牢祭所過郡邑城隍山川諭之

祖宗陵墓訪見父老問吾起兵渡江時事知吾創業

不易也檄齊魯河洛燕薊秦晉人曰自古帝王臨御

天下中國居內夷狄居外未聞夷狄治中國也宋祚

傾移胡元踐位其初君明臣良維綱天下然寇履倒

置志士尚或羞之自其後人蔑厥典常有如大德廢

長立幼泰定以臣弑君天曆以弟斃兄至於弟收兄

妻子丞父妾瀆亂甚矣延及嗣君沈荒失道加以宰

相專權憲臺報怨有司毒虐人心叛離天下兵起使

我中國民死者肝腦塗地生者骨肉不相保雖因人

事實天厭其德而棄之之時也天運循環中原氣盛

億兆之中當有聖人出而棟之一紀於茲未之有聞

今河洛關陝雖有四雄忘中國祖宗之姓反就胡虜

禽獸之民其始皆以捕妖為名用得兵權怙權相吞

反為民害予本淮右布衣因天下亂為眾所推率師

渡江居于金陵十有三年西抵巴蜀東連滄海南控

閩越湖湘漢沔兩淮徐邳皆入版圖奄及南方盡為

我有目視中原赤子茫無歸依深用疚懷予恭天命

用率羣英廓逐胡虜慮民未知反為我警挈家北走

陷溺尤深兵至勿避予無秋毫之犯惟我中國民則

中國之人君安之夷狄焉能用為治宋亮祖自黃龍

中國之人君安之夷狄焉能用為治宋亮祖自黃龍

進擊方國珍部將於溫州克之王宣宣子信以沂降十一月湯和克慶元方國珍遁入海王宣降復叛徐達進克之嶧莒海沐陽日照贛榆諸縣皆降命中書平章廖永忠爲征南副將軍帥師自海道會湯和討方國珍於海上國珍降使諭徐達曰聞將軍已下沂未知勒兵何向如向益都當扼黃河之夏斷其援兵若益都未下宜進取濟寧濟南吳王沐浴觀于園丘世子從使導之農家觀其居處飲食器用還謂之曰汝審農勞乎終歲勤動居不過草茅服不過練衣食不過羹糲國家經費皆其所出故令汝知復指道傍

名山藏

卷之一

典漢記

三

至邵武邵武降張興祖取濟寧諭徐達常遇春曰將軍已下齊魯諸郡矣屢勝之兵易驕久勞之師易潰尚慎戒之又諭曰元省院官來降者今俱遣來處我官屬閒習而後用之夫人藏其心不可度也吾慮或晝敵而夜盜密州安東蒲臺鄒平降吳王夢人置壁于項項肉隱起有異骨焉癸巳羣臣勸進吳王辭固請固却之明日又請許之胡廷瑞至建陽建陽降勅湯和廖永忠吳禎帥舟自明州海道以取福州廣信衛指揮沐英破分水關畧崇安克之甲子祭告上帝皇祇于新宮曰惟我中國人民之君自宋運告終帝命真人來自沙漠百有餘年今運亦終天下紛爭于豪傑惟帝賜臣英賢遂戡定之今輿地周廻二萬里臣下曰生民無主必推臣帝臣不敢辭亦不敢不告是用明年正月四日設壇鍾山之陽惟帝祇之簡在如臣可君祭日天澄氣和臣若不可當示異焉賜諸子麻履行滕令出城稍遠馬行三步行一參政傳友德取萊徐達自濟南還益都登萊福山諸州縣皆降湯和克福州命官往撫山東郡縣曰新民望治猶疾望醫醫有攻有保攻者伐邪保者扶衰民脫喪亂外邪已去今望扶衰休養生息在賢守令分三等以定

名山藏

卷之一

典漢記

三

縣

名山藏

卷之二

典謨記

三一

名山藏卷之二

臣何喬遠恭輯

典謨記

太祖高皇帝二

吳二年正月乙亥祀天地南郊卽皇帝位郊壇南定天下之號曰大明建元洪武遂以是年爲洪武元年追帝四代考妣立妃馬氏爲皇后世子標爲皇太子以李善長徐達爲左右丞相功臣進爵有差爲皇太子置官屬皆兼職元萊陽守將世家實詣徐達納款楊璟擊永州敗之諭湯和曰服人以德負固乃威凡

名山藏

卷之二

典謨記

一

推德先邇者凡示威先大者又曰欲人不違當使以信欲人成功當任以專不信不專爾之所短故用爾戒大宴羣臣奉天殿上曰朕賴諸將有今日然念天下之廣生民之多憂懸於心夜不安枕劉基對曰大業已定仰惟聖慮稍紓上曰堯舜處治尚猶憂之况海內人民脫創殘而方新自舊內遷于新宮元海寧文登守將皆詣徐達降胡廷瑞何文輝師至建寧不下圍其城降之徐達復自益都至濟南命鄧愈爲征戎將軍將兵取南陽以北未附州郡府州縣來朝官陞辭上曰初飛之鳥不可拔其羽新植之木不可搖

其根天下始定才力俱困夫惟廉者能約已而利人
興化州詣降湯和和移師延平降之執元平章陳友
定送京師伏誅二月悉定閩中郡命和還造海艘於
明州將漕而北征使李文忠繼和定諸未附山寨命
廖永忠為征南將軍以參政朱亮祖副率舟師繇海
道取廣東以太牢祀先師國學遣祭曲阜以上尊賜
徐達軍中頒諸將士翰林學士陶安進宗廟時享薦
新禮儀上覽畢悲歎久之曰嘗聞為人子者願為兄
朕為弟養日不長祭徒悲耳詔衣冠如唐制上諭侍
御史文原吉等曰日月之行猶有薄蝕朕凡事豈必

名山藏 卷之二 典謨記 太祖二 二

盡善臺臣久無諫諍抑朕不能聽受耶常遇春自濟
南取東昌克之降其屬縣楊璟下寶慶命贛州衛指
揮陸仲亨繇韶州直擣德慶三方進師與楊璟廖永
忠犄角取二廣樂安將俞勝降復叛徐達討平之議
役法驗田而出夫三月修女戒全道寧遠諸州皆降
元廣東將何真以所部降賜詔褒諭驛召之徐達繇
鄆城趨汴梁至陳橋左君弼竹昌以汴降四月蘄州
進竹篔上却之曰無徵先進啓獻門自今毋輒進
繪古孝行及身所歷艱難為圖示子孫徐達繇汴進
取河南元將戰敗奔陝河南降陸仲亨畧定英德清

達得江連州肇慶等郡縣進攻德慶遂引兵會廣州
廖永忠亦至廣州守帥納款常遇春至嵩州其守將
迎降楊璟克永州徐達遣都督同知馮宗異康茂才
等分兵取陝州入之又遣其麾下及降將招諭諸山
寨福昌均許陳諸州皆納款常遇春下汝遂徇下陝
諸父老言君天下者宜居中土勸上都汴甲子上往
視之馮宗異進攻潼關元將李思齊宵遁入之引兵
西至華州元守將皆潰裕州詣徐達納款五月廖永
忠朱亮祖至梧州元達魯花赤迎降潯貴梧州諸州
郡次第降庚寅車駕至汴以為開封府置中書分省

名山藏 卷之二 典謨記 太祖二 三

焉改歸德府為州隸之六月大將軍自河南入見上
勞之因問北取元都之計上據圖示達令選偏裨為
先鋒督水陸師繼其後下山東粟以給餉繇鄆趨趙
轉臨清而北然後擣其都達頓首受命因辭行在還
次河陰元海南海北道元帥遣使來降楊璟朱亮祖
合攻靖江克之以馮宗異為征虜右副將軍陳友定
故將金子隆陷將樂遂寇延平指揮羅德聚擊却之
故將陳總管復攻陷同安指揮僉事周淵擊敗之遂
命李文忠率兵往討廖永忠進師南寧降之七月上
繪征進元都陣圖授徐達召山東諸將悉以兵會

東昌勅諭北方新授守令給賞賜以勵其廉廖永忠使指揮耿天璧擊敗元將於象州降之廣西悉平賑恤中原孤貧老稚上將發開封大將軍達率諸將自陳橋入辭上曰元君不德民復何辜諸將克城之日毋虜掠毋焚蕩毋妄殺人凡元宗戚皆善待之康茂才自陝州渡河安邑夏縣皆降丙申上還京命征虜右副將軍馮宗異留守元郴州守將左丰楊詣楊璟降山東諸將來會大將軍達達與領軍渡河閏七月發汴梁徇河北州縣右丞薛顯取衛輝丁未上至自開封大將軍達師至彰德降之復自磁州渡邯鄲至

名山藏

卷之二

典談記

四

宅中國大則立國之規模重建邦啓土則興王之根本先其以金陵為南京大梁為北京朕春秋巡狩焉徐達進師元都執其監國王子大臣戮之悉封府庫圖籍寶物使指揮煥守元宮下士無侵暴上曰京師四方水旱相仍朕夙夜不遑中書省臺部其集耆儒講議便民事設六部湖廣行省平章楊璟等還自廣海己卯大赦天下羣臣賀平元改大都路為北平府遂命徐達常遇春取山西以湯和為偏將軍與副將軍馮宗異平章楊璟俱從征壬午駕幸北京詔曰長與安吉歸附以來連歲勞供億其特免明年秋程指

名山藏

卷之二

典談記

五

廣平悉下之進次臨清參政傅友德游騎獲元將李寶臣都事張處仁遂以為導達因遣友德開道以通步騎都督副使領時浚開以通舟師常遇春取德州克之大將軍達率舟師馬步至德諸將皆來會下長蘆青獲其海舟七於直沽作浮橋以濟令常遇春張興祖率舟師並河東西進令步騎陸而前至河西務大敗其守將達進營通州河東岸常遇春營河西岸元知院卜顏帖木兒等出都城來禦戰遇春擊敗擒之遂入通元主及其后妃太子夜北走八月詔曰頃幸大梁大梁父老皆曰聖人昔居中原道理適均夫

揮曹諒等克裕州執泉白寨元平章郭雲送行在上嘉其堅守賜襲衣衾禡授深水知縣其子皆有賜癸己車駕至北京放元宮人乘輿服御應用黃金塗者以銅代九月張興祖徇永平下之詔曰天下之治天下之賢共成之向以疆宇彼此致賢養民未之深講懷才抱德之士尚隱巖穴今天下甫定朕與諸儒講明治道期古哲王有能以賢輔世以德濟民者尚不吾棄徐達遣常遇春傅友德等發北平取未下州郡常遇春下保定中山真定三府十月馮宗異湯和下懷慶至太行碗子城破其關取澤及潞丁丑上至自

北京詔平元於天下上諭宿衛武臣曰元君臣驕奢
佚樂今如此朕日慎一日卿等亦思曩在民間視元
將帥輕肥談赫何敢望之當常勿忘貧賤時司天監
進元水精宮刻漏有機命碎之十一月己亥告于太
廟曰自古有天下者皆以祖配天臣尚未敢誠以功
業猶有未就政治或闕懼帝責焉帝若問祖祖告臣
所行事善惡帝鑒之庚子冬至祀圓丘還詣告太廟
御奉天殿百官行慶成禮翼日宴羣臣奉天殿敕天
下有司凡災異以實聞遣文原吉詹同魏觀吳輔趙
壽等求賢於天下辛丑上宴東宮官僚置酒歡甚命

名山藏

卷之二

典誤記

六

諸臣作龍蟠鍾山賦自作時雪賦賜冠服封孔希學
為衍聖公希大為曲阜知縣上曰將士相從有征戰
死者天下已定父母妻子可念也遇時節中書省其
預給薪米錢徐達自保定會常遇春于真定柳亭使
左丞趙庸以諸未附山寨使薛顯傅友德略平定州
康茂才克河中府徐達發真定度關至平定州與常
遇春分兵進扼榆次督馮宗異嚴師以入太原十二
月克之擴廓帖木兒宵遁降其將上指宮中隙地謂
皇太子諸王曰此非不可亭館臺榭今使內使種蔬
而已馮宗異克平陽及絳

二年正月丙申朔上受朝賀大宴羣臣羣臣進退有
禮上悅立功臣廟雞籠山享太廟以功臣七人配詔
口朕本淮右布衣因天下亂率衆渡江十有四年荷
天眷祐西取荆楚東平三吳遂至八番直抵交廣以
極于海重念華夏入據胡人是用命將北征兵渡大
河齊魯之民歡然來迎饋餉給軍不辭千里朕思元
末民疲供給茲既效順何忍復勞山東洪武元年稅
糧已行免徵不期天旱再免今年夏秋二稅近平燕
都下晉冀其民久被兵困徵斂尤甚可免北平燕南
河東山西今年稅糧一年河南諸郡久欲惠之奈晉

名山藏

卷之二

典誤記

七

冀未平則出師所經今西抵潼關北界大河南至唐
鄧光息今年稅糧盡行蠲免以遂朕意秦隴新附之
人亦如一體詔曰朕自淮右渡江駐兵太平開基建
業繼克鎮江下宣城賴天之靈西征北伐罔不平定
朕念創業之初取辦四郡供億繁重未嘗忘之今天
下十定其九太平應天鎮江已免糧稅一年寧國府
亦如之詔曰朕肇丕基鎮江太平宣城廣德為京師
翼郡供億浩繁足我興師飽旅六合一家我子孫百
世何忘江左民舊歲曾免稅糧忽遇天旱免無可收
縱使不免亦無可徵惠而不及朕心缺焉已行宣州

免今夏秋二稅應天太平鎮江及廣德滁和無為亦
 免之傳友德屯朔州敕諭太原諸將曰大軍所至敵
 人如摧枯拉朽上天眷祐可不敬乎唯諸將軍爾功
 天授爾生天也孟子曰五百年必有王者興其間必
 有名世者古人功高如常常功如無若國家賞功常
 乃常高乃高也近者大夫湯和定浙左平閩中平章
 楊璟靖湖湘定廣西班師還朝以大將軍等滅胡未
 還未及賞今再使湯和楊璟從大將軍征進太原之
 捷互為倚掇不亦奇乎偏將軍璟其居偏將軍和下
 偏將軍和其居右副將軍宗異下右副將軍宗異其
 名山藏 卷之二 二 典 譚 記 八

飯與妻妾共食先答天譴敢告知之諭京衛將士曰
 暇當練武不可宴安者危機又曰成功非易保祿
 尤難國家用人正如用車苟有齟齬便移載矣諭諸
 將較曰朕昔下金華有館卒能言元時點兵事使者
 問其主將曰兵有乎皆安在將舉佩囊片紙指名曰
 在此矣及天下亂以農夫市人戰汝等娛樂不練士
 有急安使徐達師次櫟陽遂趨鹿臺入奉元路父老
 子弟皆迎降改曰西安府陝西既附民饑命戶賜米
 一石常遇春馮宗異等發陝西進取鳳翔元將李思
 齊西奔臨洮遇春勒兵入之徐達使耿炳文守陝遂
 名山藏 卷之二 二 典 譚 記 九

居副將軍遇春下協翦餘虜焉常遇春自太原至大
 同入之還師太原二月立皇陵碑上仁祖淳皇帝陵
 曰英陵上諭羣臣曰元不重名爵官及私昵吏不恤
 民惟酒色財貨朕在民間心怒之今考官事之治重
 貪吏之禁何以故天祿不可虛也夫廉公當官猶行
 坦途苟貪賄罹法如入荆棘中即出無完體徐達常
 遇春馮宗異等率師發太原三月自蒲州渡河蒲城
 寨守俱遁去鄜降告皇考皇妣曰兒為民牧惟恐弗
 勝伏見去年四方旱災今春風雨不調凶稔未卜惟
 微時荒艱皇考妣茹草雜炊今何敢忘旬日草蔬糲

發兵趨鳳翔遣楊璟還師征唐州之降復叛者四月
 編祖訓錄定封建諸王之制徐達降鞏昌李思齊以
 臨洮降五月甲午朔日有食之更英陵曰皇陵徐達
 下平涼克延安張良弼之弟良臣以慶陽降已復叛
 圍其城斬之造玉璽一其文曰奉天執中上幸鍾山
 見農勞遂絲獨龍岡步至淳化門始騎而歸六月徐
 達降寧州廟塑功臣生者虛其次先是蘭山崩西征
 軍士多壓死上聞恤其家命常遇春自鳳翔趨北平
 征迤西餘寇以李文忠輔之遇春抵開平復追逐元
 主數百里外俘其宗王大臣斬之薊北悉平七月遇

春卒詔文忠領其衆八月定內侍諸司制論吏部曰

周禮闈寺未及百人後世踰數千卒為患夫求善良

於此輩千百無一二朕今備使令耳雖未能如古亦

當與防微元史成復遣使行天下求其近事而將續

修之是後也學士宋濂待制王禕總裁編摩之臣則

汪克寬海徐尊生黃笈傅恕王鈞傳著謝徽高啓

采山履空晏如修史畢以老疾辭歸 胡翰奇邁卓

學一為教長山先生前已見 陶凱臨海人博學善屬

文之元為教長山先生前已見 陶凱臨海人博學善屬

大之意 陳基語海人元時 從黃潛學名侍講 龍

名山藏 卷之二 典謨記 十

上大作欲罪之遂引避於吳為人講授屬亂作轉之

之士誠以基領學士院凡軍機文符書檄悉委之士

能指九種長博極繁書成後 曾魯新塗人七歲

修元史起魯于家既成乞還 山會編類書與論以會

禮宜據某書則是從某說則非是 不服者爭相辯詰

二人宋公濂以筆為古會 公魯以舌為筆復授祠部

志聖賢之學醫其恒產 禮求師請益于九江黃楚

之旨歸宿程朱之學 東山精舍以木學問雞鳴而

起卷心靜坐涵養本原以為 致思之地而後漸所授

學若等之為東山先生國初有 司奉命徵辭繼以榮

事而還未幾疾作年五十六 餘卒年六十年臨安

人載籍兼該辭藻豐縟有名浙東西史成將命之官

以信宗辭去 謝幾字元登長洲人長訓詰清高多

于學者國子 命徐達班師九月造御寶六白玉三青

玉三文曰天子行寶天子信寶天子之寶皇帝行寶

皇帝信寶皇帝之寶禮部定四方獻瑞之節上曰災

異尤重其令有司無大小即飛奏上問建都於諸老

臣有言關中洛陽者有言汴者有言北平元之完官

者上曰長安洛汴雖古帝更都民之初定未可重勞

元宮雖完難仍舊貫建業江南形勝真足立國臨濠

前江後淮以險可恃以水可漕朕欲為中都焉羣臣

皆曰善遂定中都 以泗壽二州隸中書省製鐵券十

名山藏 卷之二 典謨記 十一

月高麗國王頌遣使上表謝封并賀天壽節辭歸論

書曰使來朕問王政俗城郭甲兵居室言無城有甲

兵不嚴有居室無聽政所王好釋氏民擾於倭去海

濱五十里或三十里始有定居者朕雖德薄王已稱

臣入貢合古諸侯夫治亂持危王者所以保諸侯之

世也古者王公設險守國王無城郭人民何依國雖

治不可去兵王侍衛不嚴國威何張王無聽政所何

以示嚴民五十里或三十里始有定居者則瀕海不

耕何以不艱食若無夷夏唯脩仁義禮樂則民化王

所以王莫不絲先德王行先王之道則國永長王好

釋氏何能求福脩德致福王何不為國之大事在戎與祀又聞王國犧牲不育何以供境內山川城隍之祭今胡運既終沙塞靡統朕兵未至遼瀋或有強暴來患况倭久擾王可不禦王欲禦之非雄武之將猛勇之兵不可遠戰王欲守之非深溝高壘內儲外援不能為備圖患未然轉危為安朕言甚悉王審圖之錄平章廖永忠所部征南將較功既入謝上曰論功行賞常典也第府庫之積皆出民供是謂天財君特主以待有功者耳不敢分毫妄與也甲戌甘露降鍾山羣臣稱賀請告宗廟頒示史館上曰朕慮忘戒而名山藏

名山藏 卷之二 大典二 十一

生驕頑祥化為妖孽告宗廟頒示史館非所以垂示天下也翰林學士宋濂曰受命不干天子其人休符不干祥于其仁是以春秋不書祥而紀異上曰善圖諸將戰功于雞籠山之廟命郡縣立學校十一月徐達還入見上撫勞之乙巳冬至祀園丘始奉仁祖淳皇帝配賑應天蘇松杭湖諸郡貧民人米一石布一匹十二月征虜左副將軍都督同知馮宗異不俟命班師還京責而宥之己丑大賞功上曰大將軍右丞相信國公徐達攻取山東河南燕冀秦晉諸州郡克敵制勝撫綏軍民賞白金五百兩文幣五十表裏開平

王常遇春副大將軍攻取山東河南燕冀秦晉諸州郡自率師繇陝西攻取開平諸處薨于軍與大將軍功埒賞如之右副將軍都督同知馮宗異澤州之役與平章楊璟安分彼此以損士及代大將軍總制檀班師不在賞念其初與大將軍平定山東河南陝諸郡量與白金三百兩文幣五十表裏御史大夫湯和總兵征南與浙江參政朱亮祖克取溫台諸郡抵明州方國珍遁逃再調取福建過姑息放散陳友定餘黨重勤興師及班師又不申明號令致蘭秀山賊窺同叛失陷指揮琇等量與白金二百五十兩文幣二名山藏

名山藏 卷之二 大典二 十三

十表裏平章廖永忠先充征南副將軍克平福建後寨總兵取廣東納降何真克平三山邵宗愚等山寨調遣副將軍朱亮祖平定海南招諭兩江溪洞宜全賞然在福建不能贊湯和致陳友定餘黨叛入山與湯和功過並相准賞如之都督僉事吳禎先充征南副將軍與湯和克取明州復平定福建航海而還軍容整肅又能勦捕蘭秀山餘黨全師還京賞如和永忠左丞相趙庸從大將軍克平山東河南燕冀秦晉諸州郡從開平王自陝西復取上都諸處充副將軍同平章李文忠總兵山西應接大將軍乘勝捕勦生

擒脫列伯賞白金二百兩文幣十九表裏平章曹良臣右丞薛顯參政傅友德參政平章俞通源右丞俞思祖參政陸聚都督副使顧時右丞王溥參政陸仲亨等從大將軍克平山東河南燕冀秦晉諸州郡屢有戰功良臣賞白金二百五十兩文幣二十表裏薛顯傅友德人賞白金二百兩文幣十九表裏韓政賞白金二百五十兩文幣十七表裏俞通源梅思祖陸聚顧時人賞白金百五十兩文幣十五表裏王溥文幣七表裏陸仲亨文幣二表裏守禦有功平章楊璟胡廷美人賞白金二百五十兩文幣二十表裏左丞

名山藏

卷之二

典謨記

古

太祖二

紵絲片縫如袷示近臣曰此表箋袂盤龍金令宮人條銘得之雜紵絲片製衣所遺用緝為被吏部奏徙庶官有罪者於儋崖上曰儋崖之民何睽焉更當擇長吏教導之命戶部主事亨急傳賑西安鳳翔二府二月上行後苑見巢鵲卵翼之勞喟然而歎命羣臣親老許歸養製四方平定巾頒天下召江南富民赴闕上口諭數千言因刻而頒之曰教民榜追封郭子興為滁陽王指揮金朝興取東勝州詔曰朕惟六部繁重在位未盡得人豈用才未廣歟抑賢智抗志甘巖穴歟詔下有司悉心推訪禮遣之三月詔曰朕即位以來思同民樂奈守將新成邊陲大將率師吐蕃轉運未已所在郡邑供給有後先豐斂有彼此雖嘗蠲免猶思凋弊未蘇應天鎮江太平寧國廣德滁和我軍士渡江之初至於平定朕無時忘之徽嚴金衢處廣信池饒廬以次歸附供給亦勞河南北平民久苦兵山東河南壤相接亦宜培養庶得相率為生其皆免今年夏稅秋糧有司尚謹承朕意置察言司受四方章奏四月詔曰蒙古諸色人等朕皆許之入仕比聞多更姓易名以就中國朕慮其子孫久而昧厥初非古聖王審本始別婚姻之意中書省告諭之

名山藏

卷之二

典謨記

三

太祖二

更者皆聽改封子棧為秦王櫛為晉王棟為燕王
 為吳王楨為楚王樽為齊王梓為潭王杞為趙王
 為魯王從孫守謙為靖江王徐達擊敗擴廓帖木
 儿於安定甲戌月食勅諭大將軍曰朕命將出師悉
 絲節制將軍備知之浙江左丞德濟從征定西壘中
 驚擾將軍不軍法從事械送京師將軍欲效衛青不
 見穰苴德濟昔抹溫州守諸暨朕業念功赦不治慮
 將軍絲此緩軍法諭將軍知之置磨勘司五月徐達
 分遣左副將軍鄧愈招諭土蕃自將取興元遣使訪
 歷代帝王陵寢論中書省臣曰今人書劄多稱頓首
 名曰飛 卷之二 典謨記 太祖二 一六

再拜再拜殊不誠小人取名字往往犯先聖賢或國
 號禮部定書式示四方所犯名字禁之置司農司領
 墾田嚴宮政詔天下守令詢舉學識篤行之士禮送
 京師詔曰成周取材貢士漢唐及宋各有定制前元
 依古設科待士甚優其後權豪勢要引納奔競所得
 資品或高於舉人士耻與並進甘隱不起朕統一中
 夏建官惟賢自今年八月始特設科舉之制士經明
 行脩博古通今名實相稱者朕將親策于廷使中外
 文武皆繇是選非是毋得出身因許高麗安南占城
 諸國以鄉貢赴試于京師李文忠克應昌元主殂其

太子遁獲其嫡孫買的里八剌以歸行大射禮定服
 色尚赤是月不雨上命皇后與諸妃執爨為農家食
 太子諸王躬饋于齋所六月戊午朔夜四鼓上素服
 草履徒步山川壇席藁露坐晝曝夜卧地皇太子捧
 楹進蔬食雜麻麥菽粟凡三日庚申暮還宮齋宿廡
 下出內帑紗綵萬餘匹賜將較例外給軍士薪米令
 法司決獄下有司訪求天下儒術深明治道者壬戌
 大雷雨徵江南富民詣闕既至親諭之以生人處世
 治家持身之道恐其言久易忘刻書摹本分賜之翰
 林諸臣奏事畢賜坐從容問曰卿等知朕訓民意乎
 名山藏 卷之二 典謨記 太祖二 一七

王禕對曰三代而下人主知政不知教自古帝王身
 兼君師陛下訓民天下師也詔曰朕考嶽鎮海瀆之
 封起自唐世崇名美號歷代彌隆夫是皆高山廣水
 自天地開闢至今英靈之氣萃而為神必皆受命上
 帝幽微莫測豈國家封號可加忠臣烈士可以加矣
 亦惟當時為宜夫禮明神人正名分者也今依古定
 制皆以其神稱府州縣城隍第稱其府州縣城隍之
 神歷代忠臣烈士如其當時名爵後世稱諡皆與革
 去惟孔子如舊天下神祠不應祀典者有司毋祭制
 曰古者天子祭天地諸侯祭山川大夫士庶各有所

宜普天之下民庶繁多人人祈天瀆僭莫甚民間合祭之神禮部定議之定五等勳爵左副將軍李文忠來奏永昌捷諭元主曰順帝命故元臣毋賀頃之中書省臣進榜諭之文上曰元雖夷狄君夏百年朕與卿等父母皆賴生養天訖其終於朕何與捷音誇詆非所以示四方速改之已中書省臣請以買的里八剌為俘上曰武王克殷有之否對曰遠不能知唐太宗行之矣上曰以待王世充恐不加隋孫子其令服本服以朝朝畢賜中國衣冠母妃朝中宮亦如之母

名山藏

卷之二

典謨記

六

居第命適其土之故詔曰庚申之君不能有元天也其始首禍之徒欲為王伯卒皆滅亡亦天也朕時年二十有四盤桓求生而已不謂遂有天下維元遺孽時犯邊場勞我師旅今年五月十有六日左副將軍李文忠兵至應昌庚申君已殂獲其嫡孫以禮送至中書省臣請俘朕心不忍朕本元民天下之亂實非朕致今定四海與之休息亦非朕能皆天也於戲君舟民水載覆不常敢不畏哉立義塚聽蘇松杭嘉湖五郡民徙臨濠耕種七月續修元史成

是役也學士宋濂待制王禕總裁編摩之臣則趙壘朱右具璣朱伯清王康王

病 王彝字常宗嘉定人師事孟長文為金履祥弟子故彝學有端緒若文則精嚴縝密自得為多會稽楊維禎以文雄吳越間彝獨以為文妖作文詆之史成以母老乞身後與高啓同坐魏觀事誅貝瓊宗德人元末隱居山無邊幅博通經史百家有文譽雖武夫將較皆知愛禮中益國子監助教終官朱伯清清名漢以字行義烏人幼從元侍講學士黃縉學洪武三年用薦預修元史及大明曆日授翰林編修官自是屢遷途中作紀行詩以獻上覽之嘉歎尋和其詩賜之陞楚府長史居官恭謹自持所著有文集及理學纂言二卷

立亭午門外凡政事可式及詔令善者書而鐫之碑天下學識篤行之士應詔送上曰此唐太宗一代之選朕得之一日皆以為御史

中書省左丞楊憲以罪伏誅

名山藏

卷之二

典謨記

九

與語悅之令居幕府憲美姿儀通經史有才辨嘗使蘇州張士誠還稱旨除博士詔議擢江南行省都事時軍國多事征調日繁文書填委憲裁決明敏然為人深刻常以計中傷人久之出為浙東行省郎中還陞按察司使遷中書省參議又出為江西行省參政召入為司農卿未幾參政中書省尋改河南行省參政政洪武二年調山西是年召為中書省右丞至是選左丞憲在左右既久熟于典故而市權要寵輕視同列同官張景故元臣也憲忌其才出己右欲搆害之景嘗居間與憲言吾勉留于此意不能忘故君而吾妻孥又皆在他方存亡不可知憲因鉤摘其言謂景謀叛且出景手書証之景遂坐誅憲自是專恣日甚喜人使己徇利者多出其門憲為司農卿憲民皆平憲以其民富貴欲厚斂以資國因增其賦歲民皆怨之其自山西入中書也凡籍中書吏一切罷去更用己所親信者乃創為一統山河花押示吏以觀其誣違一曰翰林編修陳樞入請憲以樞字示之樞即買日押字大費憲大喜後數日即奏樞翰林待制既又制朱丞相汪廣洋陰事令侍御史劉炳奏之遂廣洋坐死官憲又使炳奏徒之海南又教炳誣奏

刑部侍郎左安禮八人罪上覺其誣下炳獄太史令劉基併發憲奸狀上大怒命羣臣按問辭狀與炳等皆伏

八月定官民房舍車輿器用衣服之制改應天府知府為府尹上曰中原爭鬪白骨在野中書省其遣人循歷水陸收瘞之九月大明集禮書成十月勅臺省延聘儒士番直午門與諸將講說經史上朝退見二內使靴而行雨中杖責之曰皆民力也暴殄若是因勅百官朝而遇雨雪衣雨衣十一月徐達李文忠等班師還京車駕出勞于江上達等奉車駕還宮明率諸將上平沙漠表羣臣皆賀告武成于郊廟丙申大封功臣上曰朕論功行賞皆倣古帝王籌之二

名山藏

卷之二

典說記

下

年以征討未暇故至今今爵賞次第皆朕自定若御史大夫湯和朕里開結髮相從功屢最然嗜酒妄殺不絲法度趙庸從李文忠取應昌功不細而私其奴婢廢國法廖永忠戰鄱陽奮勇忘軀朕親見之奇男子也使所善儒生窺朕意徵封爵僉都督郭子興不奉主將命不守紀律雖勞不足準四人封為侯平章李文忠總兵應昌逐前元太子獲其皇孫妃嬪重寶悉歸功最大御史大夫鄧愈幼相從任使屢挫抑無怨二人宜列公左丞相善長雖無汗馬勞事朕久給軍不乏右丞相徐達朕同里從征自起兵時功最高

二人已公宜進封大國餘悉據功定封公無私如不酬稱廷論之無後言皆頓首悅服遂班爵行賞封公者六人李善長韓國公徐達魏國公故常遇春子茂鄭國公李文忠曹國公馮勝宋國公鄧愈衛國公封侯者二十八人湯和中山侯鄭遇春榮陽侯費聚平涼侯吳良江陰侯吳禎靖海侯趙庸南雄侯廖永忠德慶侯俞通源南安侯華高廣德侯楊璟營陽侯康茂才子鐸斬春侯唐勝宗延安侯陸長亨吉安侯周德興江夏侯華雲龍淮安侯顧時濟寧侯耿炳文長興侯陳德臨江侯郭子興鞏昌侯王志六安侯朱亮

名山藏

卷之二

典說記

下

祖永嘉侯傅友德潁川侯胡美豫章侯韓政東平侯黃彬宜春侯曹良臣宣寧侯梅思祖汝南侯陸聚河南侯將較軍士皆行賞有差丁酉詔曰朕本農夫托身緇流遇時多難入於行伍觀羣雄之無律遂率眾以渡江東征西討幾二十年荷天地祖宗之靈山川百神之助遂致強殞弱服華夷一統其何以答諸將六軍委身暴露之艱薄取輕收非古人中正直道厚斂以重賞則損於民是用倉庫錢糧均其等第以謝軍士崇爵祿頒金幣以勞功臣昭告中外咸使聞知戊戌大宴宴罷上曰創業之謀與卿等勞心苦力艱難

多矣艱難得之當艱難守之朕今不敢逸卿等亦不可忘前事明入謝上退御華蓋殿賜坐從容歸功諸將達等稽首曰臣等起獻畝從陛下每奉成筭如指諸掌事定不爽毫分天錫陛下聖智非臣等能也上曰曩四方紛亂朕與卿等圖生而已渡江以來觀羣雄所爲非淫卽貪奢侈者溺剽賊者鬪朕始有抹民之心當時張士誠恃財陳友諒恃兵朕獨無恃恃不殺人布信義守勤儉而已又恃卿等同心共濟其時二寇相持人有言士誠切近勸朕先擊之擊友諒士誠必乘後朕謂友諒剽而輕士誠狡而懦擊友諒士誠必不能援擊士誠友諒空國來矣此朕所以取二寇之先後二寇旣除或勸朕盪平羣盜乃取元都或欲直趨元都兼舉隴蜀皆未合朕意夫先聲旣震幽薊自傾朕所以命卿等先取山東次及河洛且朕親至大梁止潼關之兵者張思道李思齊擴廓帖木兒三人皆百戰之餘未必遽降是以出不意反旆北行元都旣舉然後西征張李望絕勢窮以故不勞而克然擴郭帖木兒猶能力戰相拒嚮令未平元都先與角力彼人望未絕勝負未可知矣事勢與二寇又正相反達等皆頓首稱善祭戰沒諸臣上朝罷坐東

名山藏

卷之二

吳漢記

三

關召諸武臣曰往在戰陣以力爲能以勝爲功今當講求古名將功成後事若何道持身何禮所能保全功名者何人常以爲鑑覈民數給戶帖封中書右丞汪廣洋爲忠勤伯御史中丞兼弘文館學士劉基爲誠意伯十二月大明志書成上諭諸將曰自古帝王爵賞酬功刑罰懲惡故能上下相安以致治也漢高帝非功不侯終不免誅侯君集有功犯法唐太宗欲宥之執法不可非二君之忘臣勞其臣自冒之也薛顯始自肝貽來歸從朕征討皆著奇跡破慶陽追擴郭帖木兒戰賀宗哲勇略意氣朕甚嘉焉惟其剛忍屢戒不悛至妄殺胥吏殺獸醫殺火者殺馬軍殺天長千戶富奪其財師還富妻子衰經途次牽衣哭罵訴冤於朕朕欲刑之人將謂天下初定卽殺將帥今仍封侯爵謫居海南三分顯祿一以養其父母妻子一贍富家一贍所殺馬軍家庶功過不相掩國法無廢卿等皆宜戒顯所爲皆頓首謝始令祭無祀鬼神遣祭歷代帝王陵寢上諭魏國公達等曰卿等決死生從朕有年今宜少休可三日或五日一朝有大事召議之達辭不許固辭又不許禮部尚書陶凱請選東宮官屬罷兼職以專責輔導上曰朕慮廷臣與東

名山藏

卷之二

吳漢記

三

宮官屬不咸甚至嬰際萌奸漢之江充可以為鑒設
兼職父子一體君臣一心之美也甲申享太廟行家
人禮百官免陪享畢上諭禮部尚書凱曰鬼神享
于克誠心有警乃不放其鑄銅人高尺五寸手執簡
書曰齋戒致齋之日以致朕前

四年正月詔曰天下已定有功盡封大將收戈解甲
於武備之庫息馬家庭從善樂遊功名兩全古何過
哉中書左丞相李善長事朕十八年寅至戌歸勤勞
多矣漢之何參無以尚也其年既高驅馳侍立朕心
不忍業許致政今以中書右丞相汪廣洋為中書左

丞相參知政事胡惟庸為中書右丞相總理軍國重

事焉命中山侯和江夏侯德興德慶侯水忠穎川侯
友德濟寧侯時出兩道伐蜀建圓方二丘日月社稷
山川壇及太廟于臨濠二月以臨濠傍近州縣通水
漕者隸中都凡十州十八縣甲戌上如中都壬午還
京召還薛顯於海南閏三月刑部搜繫囚得吳興人
王升所遺其子平涼知縣瑱書以奏聞升所遺瑱書
曰當官先廉貪士常也以仁慈撫民以忠勤報國以
謙敬處已暇日玩味經史則自然無私無邪又熟讀
律令則守法不惑蓋仕學不可偏廢人便附附子二

三枚川椒一二斤經稅乃來母致餘物上覽書賜
曰昔元之初人務實學其後尚虛名干權勢朕習見
世情貪吝有如蠅蟻是慈父失教耶抑教而子不從
也爾升庭有善訓朕甚嘉之賜爾白金百兩絹千匹
附子五枚川椒五斤以旌爾賢仍復爾家四月徵天
下儒士下第貢舉及山林隱逸農而志仕者給廩傳
遣之上曰朕渡江來元守臣如御史大夫福壽無甲
兵之援以身殉國可謂忠臣其祠祀之五月詔曰朕
本農夫深知民間疾苦及親率六師南征北伐備悉
將士之勞天下一統東戍遼海南鎮諸番西控戎夷

北靖沙漠皆以中國精銳屯守邊要艱難萬狀朕不
忍言然欲鎮安黎庶必資守邊之力其於科徵轉運
事豈得已念惟江西之民土豪割據狼驅蠶食貲財
一空歸附之後供給繁重已九年矣兩浙歸附以來
貪官污吏害民肥己亦四載于茲今雖掃除尚未蘇
醒其皆免今歲秋糧於戲四海蒼生旦暮念之事有
緩急故恩有先後唯爾下民體朕至意七月命侍臣
編次存心錄成命中書省毋奏祥瑞災異蝗旱即時
報聞蜀平封夏明昇歸德侯羣臣賀定科舉制唯吏
胥毋應試八月上謂侍臣曰孫武論將使愚使貪其

言殊謬夫武臣當量敵制勝智勇兼盡不可使愚捐軀殉國以廉養士不可使貪關中饑賑之九月庚戌朔日有食之乙丑月食十一月命官吏犯賊者毋貸十二月賞平蜀將士

五年正月詔犯罪當謫戍兩廣者發臨濠屯種元王子把刺瓦爾據雲南未服遣翰林待制王禕招諭之元王子欲屈禕禕不屈死之賜徐達李文忠馮勝交趾弓五十彤弓百曰古者諸侯有四夷之功則賜弓矢卿宜此賜以魏國公徐達為征虜大將軍出鴈門曹國公李文忠為左副將軍出應昌宋國公馮勝為

名山藏

卷之二

興讓記

太祖二

美

征西將軍出金蘭征擴郭帖木兒於沙漠命衛國公鄧愈為征南將軍江夏侯周德興江陰侯吳良為副將軍討古州田州澧州諸處洞蠻二月上謂羣臣曰朕夜不安寢未明視朝常恐怠政卿等當體朕懷立申明亭於府州縣及鄉之里社人民有犯書其過名而榜之三月壬戌月食四月詔天下舉行鄉飲酒禮五月置諸司齋戒牌祭則設之文曰國有常憲神有鑒焉不兩命宮中自后妃以下蔬食遂兩詔曰朕本草莽之士失習聖賢書推強撫順無常寧處一槩粗疎民不見化鄉市里閭尚染元俗天下大定禮義風

俗可不正乎曩時兵亂民散因為人家奴者詔書到日即放為良民有家貧殘疾并老幼少壯不得已乞覓者本里里長及同里人戶助給之工商農業皆聽其故俟有餘贍然後償還有時察焉不資給者驗存其家糧糗可以足用餘沒官賑濟里有出物周給者有司具奏聞孤獨廢疾養贍之孤老院聽出乞覓圖剩餘筆楚者以鬪毆論誣告者抵罪民間歲時宴會拜揖坐次皆序齒治父母喪富母偕奢貧母安費若信惑風水暴停棺柩婚姻論財夷虜之道蒙古色目人既居我土許與中國人往來嫁娶人民避兵散

名山藏

卷之二

興讓記

太祖二

美

之四方今復故里有丁少田多不許依然占護若去時丁少歸則丁多許於附近驗官耕種僧道本以誘俗若修齋誦經男女混雜飲酒食肉有司嚴治之福建兩廣等處有豪戶閹割人驅使者以閹割抵罪沒官為奴於戲以朕德薄恩澤未孚倉庫未盈六軍四戍尚慮未悅下民之心恐貽天怒夙夜淵冰咨爾臣庶期臻禮義之風永底昇平之治六月置遼東金復海蓋四州句容民獻嘉瓜二賜錢千二百鑄戒后妃之辭於宮中作鐵榜申戒功臣母縱奴僕倚勢作非稱保全終始之意八月上日正旦稱賀禮固宜然冬

至亦賀於文多矣朕考妣早逝生日不勝悲痛其皆
罷賀九月聖壽節齋居素食自是歲為常十一月建
公侯第宅于中都詔將士戰衣旗幟用黃赤二色召
徐達李文忠還京十二月詔曰農桑衣食之本學校
理道之原朕頒降條章使敦篤教化民農衣足食理
道暢焉有司不遵朕命給絲赴京往往無桑株數目
學校緣絲甚違朕意今後敢爾論違制杖降罰歷三
年後注吏民有不奉者如律究之上觀浚河三山門
見夫卒裸行水中命罷役曰今日重裘猶寒卒苦乃
爾遂併遣工匠之營中都者

名山藏

卷之二

史記

天

六年正月來朝守令陞辭上諭之曰慈祥愷悌身德
也刻薄殘酷身賊也君子成其德而去其賊故惠及
於人人朕之任官取用惟賢舉廉與孝惟欲厚俗崇
德勸善惟欲成風偽慈祥者必不愛偽愷悌者必不
誠命李文忠徐達防邊山西北平已召還擇天下少
儒舉人擢編修賜冠帶衣服讀書文華堂詔太子贊
善宋濂等為師光祿寺日給酒饌皇太子親王迭為
主冬夏賜衣時賜白金弓矢鞍馬上政暇評定其文
焉諭御史臺臣曰古云不剛不柔剛則傷物柔則廢
事常見貪者執謙謙貶為佞廉者尚氣氣增為激夫

處剛剛則不激以正處柔柔則不佞二月甲午
教坊司及天下樂人以古帝王義士為優戲丁亥月
食增築國子學舍諭中書省臣曰有司科舉所進能
以學問措行事者絕寡虛文相冒自今罷之其察舉
賢才先德行次文藝庶學者知嚮焉三月癸卯朔日
有食之昭鑒錄成上序之曰人雖至明不免過誤若
覺前誤脩德消愆子孫福也已不省改加之子孫焉
器不律好還有日矣靖江王守謙跡父之惡雖未盡
彰彷彿如之朕特命儒臣撮歷代藩王事跡使目朝
夕書編未成是子不悛今示吾諸子朕自平禍亂以

名山藏

卷之二

史記

天

來憂懼萬千豈無前誤深懼積愆德薄才疎不足補
過熟察慎戒必我子孫命徐達為征虜大將軍李文
忠為左副將軍馮勝為右副將軍鄧愈為左副將軍
湯和為右副將軍備山西北平諸邊上曰同艱已久
今宜少休故往者命卿已復召還今聞胡人窺塞事
不可已卿等至邊圖上方略俾朕覽之覽臨濠皇城
四月賜廖永安俞通海耿再成胡大海趙德勝桑世
傑諡號命有司春秋致祭元御史大夫福壽廟日疾
風草勁板蕩臣忠所以勸也命天下州郡繪山川險
易圖以進命吏部訪求賢才五月御製祖訓成七十

三篇序曰自古國家建制立法皆在始受命之君夫其備嘗艱苦閱人多而歷事熟比長深宮甚相遠也朕起孤貧委身行伍繼而收覽英俊並驅羣雄勞心焦思慮患防微近二十載乃能翦除強敵統一海內人之情僞亦頗知之蓋自平武昌以來即與羣臣議定律令損益更改不計遍數茲復為祖訓一編開導後人首尾六年七更乃定豈非難哉俗儒是古非今姦吏舞文弄法自非博采衆長即與果斷莫就是書凡我子孫無作聰明亂我成法命省臺六部教屬吏經史時務年終考之六月嘉瓜生句容獻太廟七月

名山藏 卷之二 太祖二 非

黜左丞相汪廣洋以胡惟庸為左丞相八月甲申月食勅諭大將軍徐達等曰卿等與朕平定天下而瑣瑣殘胡不能盡討孰任其咎朕為爾言今駐師處皆有家室一也肥馬輕裘不知下人饑寒二也玩愒因循三也昔田單攻狄久之不下魯仲連以為將軍有生之樂無死之心今殆類歟翰林臣言日曆秘藏天府人不得見請如唐太宗貞觀政要編集以傳許之自唐天至制變 夷登焉五卷九月改臨濠府為中立府十月徙山西諸州縣邊胡民實之十一月諭皇太子諸王曰用人之道當知奸良奸良之知受事自見知良不用知

奸不去誤之始也既知奸矣去復何難所得侮惑多緣姑息潞州貢人參上止其後進日聞參難得因謂省臣往年金華貢香米朕止之開畝苑中觀其耘耔割穫亦足自適太原歲進葡萄酒今亦止焉君以養民豈累人口腹哉十一月詳定大明律十二月併省僧道寺觀禁為尼

七年春正月二月丁酉朔日有食之是時上謀建閣江樓既日食欲罷工先以記試羣臣羣臣皆進記上乃為文曰朕聞昔聖君之作必詢賢而後興朕自謀心欲役囚徒建閣江樓于獅子山朝無諫者上天垂

名山藏 卷之二 太祖二 註

象責朕不急朕心惶懼即日念罷聊試諸臣為記獻者比比終無異趙朕特假臣言而自尊不覺迷而滿章曰洪武七年二月二十一日皇帝坐東黃閣詢臣某曰京城西北龍灣獅子山扼險拒勢朕將樓之名曰閣江雖工未命爾先為記臣某拜首稽首言曰臣聞古君天下作宮以居高城深隍以防皆設險之當為非有益而不興獅子山扼險拒勢之詔臣請較之而後舉且夫金陵形勢豈不魁哉昔孫吳居此以南南土奸操忠亮卒不能取論所繇然一絲長江天塹次絲吳德以沾民豈假樓閣江扼險而拒勢者歟去

宮室之廣臺榭之崇不急之務土木之工聖君不為
皇上撥亂返正新造邦國聲教遠被守在遐荒為民
父母使愚夫愚婦無有譴謗臣之願也臣雖違命文
不記樓謹拜手稽首頌陛下納忠款而斂興造息元
元於市鄉是庸作歌天運循環百物禎頌真人立命
四海咸安臣歌聖德齒豁髮斑億萬斯年君壽南山
設孔顏孟三氏子孫教授訓其族人三月召徐達等
還京詔高麗國三年一聘海外之國以世朝五月大
明日曆成六月上命吏部臣曰古稱任官惟賢北方
郡縣有民稀事簡設官與煩劇同者量減之母疲民

名山藏

卷之二

典謨記

太祖二

三

供七月勅中書省臣曰甲冑之成勞民矣其初剗山
取礦鍊石成汁凝精為鐵然後鎚鍊剪製聞陝西甲
甚多當繡蝕零落使視而修整之西番獻葡萄酒上
曰中國有林釀其却之賜文綺襲衣遣還八月改中
立府曰鳳陽詔曰咨我軍士為朕開疆拓宇歿於戰
場屍不至家魂無所棲父母年高妻寡子幼不能存
恤民開避兵者亦有至今父子分離或子歿親老或
親歿子幼靡所怙依此皆朕過有司具名聞朕安居
存養之增列侯武臣祿秩上曰崇禮侯買的里八剌
南來五載今既長成豈無父母鄉土之思厚禮而歸

之復遣其父愛猷識里達臘織金文綺及錦衣各一
襲選元時宦者二人送之九月貴妃孫氏薨命周王
橐服慈母斬衰三年主喪事皇太子及諸王皆替十
一月勅禮部定服制尚書牛諒等奏周禮儀禮父在
為母服其庶母無服上曰父母一也等殺至是乎因
勅翰林學士宋濂等曰養生送死聖人大政三代喪
禮節文甚詳散於衰周阨於暴秦漢唐以降諱亡忌
疾莫能稱議夫人情有無窮之變而禮者適變之宜
古來成禮其考定之濂歷考以奏上為書曰孝慈錄
序曰朕貴妃薨逝勅禮官定儀翰林稽古典人以周

名山藏

卷之二

典謨記

太祖二

三

儀二禮為信云父在為母服其庶母無服又引子游
問孔子對魯昭公之服有二以孔子不許為必然朕
思再三孔子之說有大義焉宰子問期可已以為不
仁與昭公事何異也蓋當是時諸侯自尊不有天王
矣喪禮久出於天王昭公諸侯也問孔子欲更之可
乎孔子必不教人不忠及宰子問居乃始諭其非
可見為母服其不近人情矣夫禮出天子上行下効
今天子皇子母服其庶母則無服五服之外則不服
若謂必然將堯德靡耶堯乃親九族而平章百姓乃
再命諸儒考索羣書以報數日來奏古今論喪服者

四十有二人願服其者十四人服三年者二十八人
絲是觀之三年之禮豈不合人情者哉夫父母一也
父服三年在則其母其於人情何如且古人新喪飲
食不入口者或五日或三日或六日七日或朝抵暮
而悲號或三年不語焉服內生子謂之不孝朕覽書
度意皆太過不近於人情果然孝子之家爲已死者
傷見生者十亡八九矣在民人則生理罷在王家則
國事紊非萬古不易法且夫庶母無服則父死而子
可乘之耶朕觀宮生之君好任山林之士爲股肱致
牽制文義徒非今是古非天子不議禮朕立爲定制

名山藏

卷之二

典義記

三

子孫爲父母庶子爲其母皆斬衰三年嫡長子衆子
爲庶母皆齊衰杖朞五服喪制並著于書使內外遵
守之詔曰釋愆宥罪昔君未嘗輕發發則精詳至慎
恐有罪重而僥倖自脫者昔災肆赦怙終賊刑書明
載焉漢唐及元儒君承業權絲奸佞因有大赦雖脫
君子之微差善良之誤失則奸頑漏網鬱抑多寃日
者五星紊度黎庶匪寧乖仁悖理非朕而誰特令條
陳諸罪若果真犯雖皆不原其餘註誤因人致罪者
盡在赦下詔中書御史臺官吏有罪先發鳳陽屯田
者選其年及四十之上復用之年未及者仍畱屯田

故犯公罪經宥免者亦復錄用十二月御註道德經
成序曰朕卽位以來罔知前代哲王之道皇皇宵晝
訪究諸人人皆我見試簡羣書得道德經文淺意奧
莫可知通遂罷觀之旬日又獲他卷註家復異朕悉
視盤桓意欲試註恐今後笑一日見經云民不畏死
奈何死懼之是時天下初定民頑吏弊雖朝有十八
棄市暮有百人而仍爲豈不應歟朕乃罷極刑而囚
役之不逾年而朕心減恐斯經之文外虛內實貌態
彷彿若不知其意如入混沌鴻濛之中方乃少知則
又若皓月之沉澄淵鏡中之覩實象雖形體之如然

名山藏

卷之二

典義記

三

欲捫撫而不得故云吾言甚易知甚易行天下莫能
知莫能行豈不信哉夫仰天則水月象明棄鏡捫身
則知已象之虛物外求真乃能探其一二之旨朕
雖非材惟知斯經萬物之至根王者之上師臣民之
極寶故悉丹衷利於後人

名山藏卷之三

臣何喬遠恭

典謨記

大祖高皇帝三

八年正月增祀功臣華雲龍等百八人于雞籠山廟
上曰吾在民間目擊鰥寡孤獨饑寒困踣之徒常自
厭生亂離遇此此心惻然誓清四海以同家安若天
下民有一失所非惟代天之工不盡亦昧朕初志郡
縣其訪求無告者給屋舍衣食山陽縣民父得罪當
杖請代上曰朕為孝子屈法勵天下釋之丙子月食

名山藏

卷之三

典謨記

一

命天下立社學二月命雜犯死罪者免死輸作終身
徒流罪限年輸作官吏受贓及雜犯死罪當罷職役
者謫鳳陽屯種民犯流罪者鳳陽輸作一年然後屯
種御製資世通訓成其文曰朕幼家貧親老無資求
師兄弟力就畝間更入緇流昧聖賢道然當時善人
之言彼雖不教我嘗聽之忽遇羣雄竝起命如履冰
不數年間獲衆保身又數年衆廣大興以統天下時
乃尋儒問道微知其理日攻詢訪博采志人中積羣
言加以比較其言當者非斯人自能乃上古哲人之
善行上古哲王道與天同是以能統寰宇之大負教

民之重今朕匪才薄德乃握乾符而代理宵書弗寧
念古有聖經賢傳立意深長為先儒註釋繁詞愈愚
後學特總確論託謁者評之述厥直意利今後人有
謁者來見謂朕曰元君否政豪傑競生民不保命今
羣雄盡廢君主億兆政令可得聞乎朕曰罔知謁者
曰堯舜之道其觀之乎曰觀其道何如曰儉曰素曰
勤曰敬曰紀曰戎曰親曰內曰外曰孝曰慈曰信曰
仁曰智曰勇曰嚴曰愛曰以時謁者曰請細名之曰
夫儉勿過用物素不華所居勤者晝夜不忘於事不
息於當為也敬則不違暇食以措諸安祀謹百神之

名山藏

卷之三

典謨記

二

祭戎乃張皇六師以禦敵侮親則親九族內曰內宮
分定而不紊外曰外政內庭不以干孝孝於父母慈
慈於為父信信於始終不變仁仁於善良不罪智智
於無道可誅勇勇於當為者為嚴嚴於威儀以正百
官愛愛民如子以時者使民不奪之謁者曰備矣何
謂罔知曰聖人之道也朕欲倣之欲妄相博苦志以
戰猶未得退朕謂謁者曰爾士耳亦學帝王之政耶
曰士學帝王政者欲為帝王師也臣年七十有五矣
壯不逢君老矣乎空懷之自謂卒世無可陳上帝垂
福得逢陛下臣雖衰朽尚欲為陛下思之五荒不可

作微行可絕游是臣所以爲陛下思也朕謂謁者曰嘗聞歷代之臣多始無終者何曰非仁不終非忠不終非知三報一祀者不終何謂仁仁愛於善人及萬物何謂忠竭己以奉君何謂三報一祀三報一曰報君格君之非美君之政助君以仁此報君也二曰報親孝奉父母溫清甘旨勤敬不怠懇切幾諫沒身而不陷父母此報親也三曰報民天生民無主必亂故生君主之君設百官助理之民恐有衆暴寡強凌弱所以樂供稅於君君得稅而分給百官特高其位而祿其家使公正於朝堂若果受斯職行斯道證民以

名山藏

卷之三

典漢記

三

是非問民以疾苦則福壽無窮此報民也一祀曰祀鬼神也臣受職於外君托以其方隅事無有不可舉當欲政令興鬼神祀何但樂其身而充其腹忘其所祀民若不憂是人神所共怒也故夫有一於此不得其死朕謂謁者曰世有丞民多貧而不富多罪而不寧累化而不從奈何謁者曰有自來矣父母生其身國王育其命民愚失所報鬼神折磨之是有貧罪不寧之患終世而不免朕曰民人父母保養之君何有哉曰父母所養身君所養命何謂君養命玉綱振而強暴息父母妻子各得性命所有家資能保守之母

敢有盜母敢有殺是謂非君民不可得活愚民不知所以役而不赴賦而不共甚有誹謗因此獲貧獲罪不得寧也朕曰方今亦有富而頑貧而良者鬼神何不顯報之曰陰法遲而不漏陽憲速而有逃非身即子不可免者朕曰民生而事父母朝出必告暮歸必見歸必告吉凶使父母樂無疑或有不道諫之以正若是孝子也其能親親鄰鄰者堅守其義若是者卒世而不貧何也六親九族鄰里之中必有富者人能富不嫌貧他日子孫或貧親鄰必養之是爲不貧若見饑寒下賤能不欺侮又給衣食其將大昌見親鄰

名山藏

卷之三

典漢記

四

有財其人愚若詐而取若欺而盜竊者鬼神禍焉若生子而教不爲非有女則教以善事夫爲人夫教妻以柔爲人妻諫夫以良爲人弟兄所言是從之言不是則諫之處朋友見善者習之見惡者去之豈不志人者歟朕謂謁者曰士能矣有不得位者何謁者曰古今稱能士者名而已非識時務安得位焉若夫尹出有莘說起版築望來磻溪竊戚扣角百里奚牧牛諸葛亮耕南陽此皆善士善賢也曰數賢者未得位則何事曰有志於爲造趨艱難而求日用別是非以蓄其衷未嘗忘所操棄所慮曰何施而可曰在格物

之至精慮人事之過熟將大矣哉安得不為君用若夫不識時務者聽世俗之諛譽咬文嚼字以妨後學詢及行事茫然矣徒高談而闊論若是則君安用之朕謂謁者曰農勞矣有足食有不足食者何謁者曰有勤有情日出而作日入而歸因地而耕以時而種勤除狼莠以時收之儉用不奢酷暑無午嚴寒不爐忘身捐工身絕奢侈厚奉父母誠信親鄰聞王令而不違此勤農也天地鑿禾苗茂於斯順昌而歲登日出而眠日在而歸不察地利失時而種狼莠怠除時至無收微得不足身用過之父母薄奉親鄰誠失聞

名山藏

卷之三

典謨記

五

王令不畏此情農也天地鑿禾苗不成於斯否昌雖通天下之豐年穀乃不登朕謂謁者曰工巧矣不能昌其家云何謁者曰雖伎精小人而已又無高見遠識而正己曰小人矣見識正己又安用之曰貴者工其貴賤者工其賤依國命以施巧無知者不得犯分此正己者也今也不審國所命富貴貧賤所合得僭侈踰制主者欲之伎藝者從之行與主者兩亡其身家不昌乎哉朕謂謁者曰商繳矣不能昌其家云何謁者曰重利無厭詐取者甚多兩平者間有鬼神鑒見所以或貧加於詐或富加於兩平者或又貧者富

富者貧蓋各彼心之不同貧者獲富以其革詐而用誠富者貧之因棄兩平而尚詐若用兩平利本俱長且無禍矣朕謂謁者曰古者四民今有僧道加此二流民業六矣既終其身果佛僊歟抑罪愆歟曰皆有之曰何為而達佛與僊何為而受罪與愆曰去貪嗔而不妄想閉真陽而密靈神其為僧也佛其為道也僊貪嗔妄想放真陽張靈神墮落彌深永劫尚苦曰縱未達佛與僊有罪深者乎曰本性不悟久處其中罪一也家貧親老終無歸養罪二也道不成絕後嗣罪三也酒色罪四也曰可使無乎曰不可曰何故曰

名山藏

卷之三

典謨記

六

益王綱而利良善凶頑是化世所不知其功以其理道之幽微王臣無憎愛其教或憎或愛皆非王臣之所為若烝民樂從者世道昌王臣仁矣朕謂謁者曰世人愚多賢少云何曰父母蠢而愚其子夫何故曰幼不師人所以子愚曰愚有幾曰有七一日不知理二曰不孝三曰不知耻四曰非理傷人五曰賊六曰妖七曰癡曰愚癡異乎曰愚者不知古聖之理其初未必與俱生癡因愚久當為不為不當為而為非寒暑所侵患五臟者也朕謂謁者曰有父母不賢不愚子無師而乃仁和六親孝父母弟於兄信朋友睦曰

鄰農者勤農士者博精於人事其源云何曰父母不賢不愚淳心之人也雖不外張內必有理其子不見師必父母為之以自訓或子能詢衆雖無常師聽衆所長積之於心甚於一師之學夫一師之學一人之見也聽衆所長不博精歟朕謂謂者曰曩者天下安樂矣何故小民羣然趨凶擅倡號首初皆雄猛不數年月如冰日雪湯是則云何謂者曰愚昧之徒自古有之往往被殺久之又生云何不學昧理與小人處奸頑積心是為無道之若禍是為新興之君福秦之陳勝吳廣漢之黃巾張角隋之宋子賢唐之王懷古

名山藏

卷之三

七

宋之王則皆不得死可不戒歟謂者謂朕曰世有民禍者曰何謂民禍曰如一村有百家一城有萬家或千家其間若有一男子一婦人或造妖言或作頑奸或為強盜或為小賊此民禍也朕謂謂者曰自為自禍何及於民曰彼或誣指鄰里良民或鄰里良民被貪官污吏詐而挾之輕則廢身空家甚者喪身如此之人可得昌乎曰罪之又罪禍之又禍且安得命嗚呼天之鑒人可不畏邪願陛下明政刑以蒞之謂者謂朕曰世有民福者曰何謂民福曰如一村一城或千萬家為隣中有一男子一婦人父母有教當身有

名山藏 卷三

德家道昌百事順鄰里若有頑愚幾壞事將作惡者能先知之隨教而改往往如是一村一城人被其教終無禍及此民福也曰如此之人可終世及子孫巨富乎曰上天鑒之福之又福其將大昌願陛下脩教化以廣之三月造寶錢鈔計田均工役命皇太子祭皇陵選國子生分教北方諸郡廟張巡許遠于歸德州洪武正韻成先是上諭召翰林侍講學士樂韶鳳有獨用當併為通用者如東冬清青之屬有一韻皆折為二韻者如真模麻遮之屬若斯之類不可枚舉總等廣譯刊定之至四月辛卯上幸中都丁巳還京是書成勅宋濂為序五月初上擇國子生年少聰敏者讀書文華武英二

名山藏

卷之三

八

堂謂之小秀才至是竝命為御史七月己未朔日有食之詔百官聞父喪者不待報即解官命李文忠為征虜左副將軍額時為左副副將軍整棚軍馬於北平十月上謂中書省臣曰古入立賢無方孟子曰有恒產者有恒心今郡縣富民多有素行端潔通達時務者有司審擇之遂命戶部第民租之上者下其姓名諸道訪覈以聞命太子諸王出游中都講武事是年劉基卒九年正月丙辰朔取有罪官吏謫鳳陽屯田者五百餘人命中書量用之三月詔曰朕建都江左于今九

四七五

年西征燉煌北討沙漠需軍甲仗皆資山陝且外有轉運之艱而內有秦晉二府宮殿之役民勞未息比稽儲蓄已有餘矣夏秋稅糧其盡蠲之河南福建江浙北平湖廣及直隸揚淮安池安慶徽亦與豁免五月以宮殿匠作有乘危負重不幸死者令工部給槨積國子生送致其家賜鈔以葬蠲其家徭役三年復為文遣祭之六月改行中書省為承宣布政使司重建奉先殿成七月癸丑朔日有食之八月遣視歷代帝王陵寢禁樵牧百步內設守陵戶二人摧崩者封培之三年一遣祭諸郡邑所祀忠臣烈士祠宇不治

名山藏

卷之三

六祖三

九

者時葺焉分遣國子生修岳鎮海瀆祠宇賜巾衣靴襪所至齋沐行事九月諭大將軍徐達曰七月火星犯上將八月金星又犯之占云當有奸人刺客陰謀事當謹備可遍諭諸將雖左右將較勿令相近故元闔官尤宜防之賜福建參政魏鑑瞿莊書曰朕觀自古天下治亂在君臣能馭與不能馭耳君者馭臣臣者馭吏夫胥吏小人何預治亂吏詐則憲政墮則民不安故亂繇此成朕欲上官馭吏禮而嚴之法奈何貪官動為下持莫敢誰何丞相奏福建兩參政致極刑於一姦吏朕聞當哉唯仁人能好能惡故往

諭爾尚終始能其官閏九月詔曰欽天監報五星素度日月相刑靜居自咎唯冀臣民直言朕過於戲惟忠且仁能鑑斯道十月新太廟成詔諸王練兵於鳳陽十一月上與侍臣論及古女寵宦官外戚權臣藩鎮夷狄之禍因曰人君不惑聲色宮闈禁嚴貴賤有體恩不掩義則無女寵禍不牽私愛裁以至公則無外戚禍掃除供給不假兵權則無宦寺禍上下相維小大相制防壅蔽謹下移則無權臣禍修武備謹邊防則無夷狄禍靖江王守謙之國乙未月食而暈十二月頒建言格或序之曰嗚呼為君難為臣不易如

名山藏

卷之三

六祖三

十

太素是也朕見災異萬端特布臣民許言朕過既出逾月藩臣上書者山東布政使吳印參政宋善閻鈿山東按察副使余奎海州學正曾秉正崇信知縣潘自監察御史孫化海寧縣丞方仲容福山縣丞徐謙山東布政使司簡較傅奎黃巖縣徐季清安吉衛軍丘紱守禦莊浪指揮僉事李景山西分教國學生余懋台州府民鄭士利一十五人准其言者印善鈿奎秉正化奎景八人不可行者六人自仲容謙季清紱懋假公營私而罪者一人鄭士利是後近臣刑部主事茹太素上書萬七千言言五事朕命中書郎中

敏立誦之至六千三百七十言不當朕怒朴之次日中夜朕卧榻上令人復誦直至萬六千五百言方有五事言僅五百餘而已而四事可施行吁難哉上書陳言者未嘗不為君君亦常反責臣以難為臣不易至斯而見故立上書陳言式繁文過式者罪之太

名山藏

卷之三

典謨記

十一

後皆予道里費有司差品給舟車送之著為令勅兵部臣曰天下衛所軍士皆四方之人月給足自支而已死亡棺斂曷所出自今予樽葬之著為令

十年三月詔官員亡故者免其家徭役三年子孫才可任者聽赴京勅國子監助教錢宰曰爾積學訓士士方有矜式引年而歸朕甚念焉特授文林郎國子博士致仕尚師表一鄉開誘後進不愧古者鄉大夫

錢宰字子中會稽人洪武一年舉為國子助教時郡

大悅復論旨諸儒有老願歸者先遣之宰齒最高與之書成賜宰等宴鈔命馳傳歸又三年宰乃卒壽九十六初宰嘗病近代新聲太繁刻意古調擬漢魏而下諸作及古詩十上與翰林諸臣論日月五星之行皆以蔡氏左旋之說為對上曰天左旋日月五星右旋蓋二十八宿經也附天體而不動日月五星緯乎天者也朕自起兵以來與善推步者仰觀天象二十三年矣嘗於清夜指一宿為主太陰居是宿之西相去丈許盡一夜太陰漸過而東矣繇此觀之蓋右旋也曆家亦嘗論焉五月誅戶部主事趙乾之稽賑者曰荆蘄水朕寢食不安乾坐視民死不在念有內侍

名山藏

卷之三

典謨記

十二

以久事內廷泛言及朝政即日斥還鄉終身不齒六月令天下臣民言事得實封直達御前命中外政事先啓皇太子然後奏聞曰使練政七月初置通政使司以曾秉正為通政使八月屋園丘為大祀殿而將合祭焉改建社稷於闕右亦定合祭禮九月上謂侍臣曰荒君怠主莫不藉口無為孰知無逸乃逸不則帝舜何曰倦勤大禹何曰惜陰文王何曰不遑食朕未旦臨朝哺後還宮夜披衣數起仰觀天象一星失次即為憂惕量度民事次第筆記待旦發遣非不欲暫安惟祇畏天命恐羣臣以天下無事便欲逸樂股

肱既憐元首叢勝故言及此十月觀心亭成召學士
宗濂曰人心出入操存定難朕固敢遐逸如井中魚
雖不越範圍未免跳躑茲有事天地廟社之日於此
致齋庶幾凝神體道上契冲漠將事之時對越在天
即為朕記之傳示來裔咸知朕志俾弗懈愈虔封都
晉沐英為西平侯上曰十月乙卯發惑犯輿鬼占云
主冢宰凶貴人下獄死不爾則火災上帝好生故愛
德人而象之特勅中書使諸大臣知改愆省過焉制
賜百官公田以供祿俸十一月改作大內宮殿成上
悅其不侈謂侍臣曰朕夙夜慮驕盈凡有興作量度

名山藏

卷之三

史記

古

再三不獲已乃為亦未嘗敢侈皇后宮中亦能儉以
率下躬服浣濯皆非矯飾實恐傷民財殄天物皆對
曰善上曰爾等歲祿有限日費無窮儻或過度侵牟
剝削皆原於此須體朕懷與共寶之丁亥冬至始合
祀天地于南郊大祀殿己丑月食江夏侯周德與有
罪當下獄特赦之召諭將相大臣曰昔廖永忠犯罪
屢宥不悛又復僭侈朕甚惜焉朕祭祀之時一心奏
格及遣爾輩輒多私利慢神國家宮室之外未嘗築
一臺榭汝輩私取材木自廣結構念昔相從皆赦不
治夫法度者朝廷所以一天下也為功臣誅之再三

難矣智人君子既自守法又能訓子孫是以爵位傳
無窮十二月乙巳朔日有食之命諸司啓事東宮者
二三大臣參決然後以奏更定外官九年為任論來
朝按察司官曰爾等庸秩受祿民隱未盡知恤非耻
歟新制考績必待九年其各還司慎乃憲度毋玩民
事而干天紀後能復見朕則為奉職矣

十一年正月冊皇子椿為蜀王柏為德王桂為豫王
樞為漢王植為衛王改封吳王樞為周王進封中山
侯湯和為信國公徵天下布政使司官及各府知府
為三等稱職無過者賜坐宴有過稱職者宴不坐有

名山藏

卷之三

史記

古

過下稱職不預宴立于門宴者出乃退命庶官有材
能者不次擢之始製牙牌給文武朝臣四月安東沐
陽二縣有野鬼數百夜持炬遺致牲醴而勅問之曰
有元之亂民死莫計爾豈無主欲人祀歟親屬永隔
有遺恨歟訖於非命冤未伸歟有司怠恭怒之忿歟
朕於正直之鬼未嘗缺祭非所當祭則不敢佞爾宜
福其當福而禍其當禍者勿驚動吾民建皇陵碑
十一年夏四月命江陰侯吳良督工新造皇堂于時
梁繼覽形但見若類時首忽思往日之艱辛况皇陵
碑記皆備臣物歸之文恐不足為後世子孫戒持建
皇堂明昌運傳世代見之其辭曰昔我父皇高皇帝
考終於六十有四皇紀五十九而亡五兄先死

家守其德不我德呼此昂昂不與地鄰里悽
三尺食何有乘既葬之後家道無惟仲兄少弱主
計不乘益發幼弟歸故鄉值天無雨道途艱難
人缺食草水為難予乃何有心驚若狂乃與元計如
何是常凡云去此各度凶荒兄為我天我為元傷皇
天白日泣血心腸兄弟路京動遙蒼蒼氏老母為
我等量遺子相送備體馨香空門禮佛出入僧房居
無所長衣親自辱仰天茫茫非可倚何作爲百
朝朝而急進暮投古寺以趨幽僻而免父母無志
聽猿啼夜月而淒涼魂悠悠而竟父身如蓬逐風
而快涼西風鶴浪依漸瀝以飛霜身如蓬逐風而
乃長淮盜起民生操獲於思親之心昭著日進時
手家邦已而既歸仍復業於皇位方三載而日進時
者跳梁初起汝穎次及鳳陽之南廂未幾陷城深高
賊無可守不夫號令彰彰友人寄書云趁隙既愛且
無已誠與知者相商乃告之日果束手以待罪亦奮

名山藏 卷之三 六祖三

臂而相識知者為我畫計且禱陰以默相如其言往
卜去守之何祥神乃陰陰乎有警其氣節而平洋
後被無守則不吉將就凶而不妨即起趨降而附城
戎行元兵計罪特少須獲釋身獲安從再朝暮日
易壘旌旗相望已而解去棄戈與鎗予脫旅隊移營
控壘出遊南上氣舒而光倡農夫以入伍事業是匡
不逾月而乘集赤微蔽野而盈嗣率度清流戍守滁
陽思親詢舊終日慨慷知仲姊已逝獨存驛馬與
雙騎馬引兒來我樓外甥見姊如見娘此時孟嫂亦
有知攜兒挈女皆從傍次兄已歿又數載獨遺寡婦
許持以難當於是家計忙忙一時會聚如再生牽衣
食不遑暫成和州東渡大江首熱始熱禮儀是尚送
定建業四守關防兵馬不廢始熱禮儀是尚送
聲義之不天下冠冕元綱不廢始熱禮儀是尚送
何自乎良方子乃張皇六師飛旗角元勇者効力
皆贊襄親征荆楚將平湖湘三苗盡服廣海疆命
六將軍東平子吳楚齊魯獲手莊獲虎臣露鋒乃而
凶地險河滙入胡都而市不易肆虎臣露鋒乃而

名山藏 卷三

若星鉉已而長驅平井陘河山之內外民庶咸仰
中即定市巷笙簧玄菟樂浪以歸版籍南藩十有三
國而月輝滄海鐘山鎮嶽而密接乎銀漢欲厚陵之
徵莽上者乃日不可而地且藏於是祀事之禮已定
每精潔乎丞管推助榮同極之恩難報勒石銘於皇
堂世世承運而務德必彷彿於殷商漢筆以
迷難論嗣以撫昌籍首再拜願時時而來饗五月丙
戌月食存問蘇松嘉湖民之被水災者戶賜米一石
免其逋賦元嗣君愛猷識理達臘殂六月遣祭之日
當宋末造中原豪傑故非一人君祖宗起沙漠而遂
有之及君父子垂衣何期失焉朕托身縑流又何期
得之天也嗚呼曩者因君與羣臣之固志是用鄰好
不修我不敢多使進比聞君長往念昔元孫安忍不

名山藏 卷之三 六祖三

帝行人致奠唯靈如在八月詔曰興王定亂肇福天
下唯思民之勞先朕率兵渡江姑熟金陵京畿宣城
廣德徽州長興安吉宜興江陰相次版圖六州四縣
久勞於前朕不忘于我子孫今年秋糧特盡蠲免勅
李善長等曰卿等董大祀殿工有日矣善撫梓人速
成之來日實朕父母劬勞辰勿離作所而慢重事十
一月以西番屢寇邊命西平侯沐英為征西將軍率
都督僉事藍玉王弼往征癸未月食賜布政使魏鑑
臧哲徐中前知府李亨米及鈔勅曰卿等守服朕未
嘗忘也恐艱日給特賜家用服滿來朝共圖至理弛

蘇松嘉湖杭五府漁課

十二年正月始以是月合祀天地於大祀殿先齋三日風和日暖夜升壇澄霽尤甚上大悅祀成勅曰有國先祀禮起聖王所以有周旋上下稽首鞠躬或進或退獻牲致帛酌酒奉羞甚慤懃矣先敬後怠亦人情也禮繁時久必至褻焉孔子不觀既灌而往者也朕周旋神所十有一年慮恐不誠更社稷而合祀之既神乃歡今合祀天地上下欣悅若不令儒臣紀而文之何以知上帝皇祇來歆來饗福及黔黎者也命征西將軍沐英移兵討洮州諸番之叛服不常者詔

行山藏 卷之三 典記 太極三 七

丁憂官在任三年之上無賊犯者月如品級予半俸在任三年者如品級予全俸三月以養其廉者為令命國子生居京師久有父母俱存或父母亡伯叔父母存者歸省人賜衣一襲鈔五錠為道費其父母或祖父母伯叔父母存者賜帛二疋二月勅曰雨雪經旬嚴凝切骨朕思微時此際衣單食薄艱苦特甚今重居襲裘猶覺寒體京城孤老不知作何度日爾中書下府尹三等給鹽以十觔上母稽如勅三月勅諭國子師生曰師也者模範其志竭胸中所有發世之良能不隱而訓昔仲尼入周廟閱三緘於西階戒妄

言者也如其法異何嘗禁拘國子學正李思迪馬驥朕日召同遊望時開朕乃非有所問終日不語遣侍東宮亦復如之或因傍言問及不過就他人言以對畢後未嘗効誠此深其所學秘而務獨善者耶故勅師徒必達模範之所以勅曰朕暇中觀幼儒權官人讀書少解作字無法束手閒目一日一日而已嗚呼光陰不待人逸也自幼漸壯自壯漸老自老漸衰從衰至歿終無立行名身之道矣朕給之紙筆今日講四書一章先儒古文一篇明日皆來其先儒古文多以韓柳將至朕聽觀問難尋行數墨者有之粗知大

行山藏 卷之三 典記 太極三 六

意者有之尋行數墨是愚夫也粗知大意不究精也夫土木之功非勞人則弗成既成無益是害民也柳子厚之兄司牧邕州構亭馬退山巔斯逸樂也柳子不規乃詠亭美夫令是山突然倚天自然挿淵巖深谷迥日旭霞飛亦神僊之宅於民何利予見馬退山茅亭記文之無益也幼學亦以將至空逾日月此其一端可不戒哉四月勅李文忠沐英曰四月庚申日交暈在秦分主戰鬪己未太白見東方甲子順行而西西征大利宜順時追擊番寇諭吏部曰朕思創業以來文武羣臣宣力効勞皆天之賜今多年高宜令

一五二下冊 續修四庫全書 2 史部

致仕樂其壽考秩三品以上者仍舊四品以下各陞一等給之勅誥以示寵章六月命東宮傅藻等纂春秋本末類分列國附左氏傳之後首周次魯先晉齊後吳楚八月勅宋國公馮勝曰命爾督建周王宮室聞將以九月興工夫中原之民所恃二麥此其播種時勅至放還之十月戊寅月食十一月封仇成安慶侯藍玉永昌侯張龍鳳翔侯吳復安陸侯金朝興宣德侯曹興懷遠侯葉昇靖寧侯曹震景川侯張溫會寧侯周武雄武侯王弼定遠侯十二月命中書禮部曰在昔聖賢耳聰目明口究方寸乾乾不息無不及

名山藏

卷之三

與談記

太祖三

匿不言奸狀觀爾爲也君之利害乃坐視之民之興除莫知所計安享大祿無忠無功追斬其首用示柔奸肆侮之臣爾自舒心量己以歸冥冥勅曰朕觀孟子對尚志所以志也謂人處世同隊斯常民也故超出之所以超者去諸不善行衆所善猶謂尋常必求諸無上以斯之爲尚朕設官分治但見官吏懷私賄賂公行不知身名之重祿俸之優以殺其身書不云乎人心惟危道心惟微道之說也日行月紀終身不忘匡君之政兼善之德崇功廣業務欲出超行斯數者其身名世其家厚祿故昔聖賢以爲無上以爲其積似薄其達似遲小人見也今茲官吏舞文弄法紊亂條章何有孟氏教改爾勅諭勅遼東守將潘敬葉旺曰聞高麗屬夷龍州土官鄭白等率男婦求附可盡却之夫人情莫不安土重遷豈有舍桑梓求居異鄉者中國初寧爾與東夷接境慎勿妄開小釁使得藉口構患是時天下博學老成之士皆應詔至京師十三年正月申書左丞相胡惟庸御史大夫陳寧伏誅黨與皆連坐故學士宋濂在坐中安置之茂州遂罷設丞相任六部改大都督府爲五軍都督府分理事務自是奸臣貪吏益嚴誅責命吏部選官以北平

名山藏

卷之三

與談記

太祖二

山東西陝河南四川之人用于浙江江西湖廣直隸
浙江江西湖廣直隸之人用于北平山東西陝河南
四川廣東西福建廣東西福建之人用于山東西陝
河南四川考覆不稱及為事罷降者不分南北悉于
廣東西福建汀州江西龍南安遠湖廣郴州之地遷
用以示勸懲賜儒士監生孝廉人材初入仕者衣人
三襲鈔各有差二月詔郡縣舉聰明正直孝弟力田
賢良方正文學之士及精通術數者上諭皇太子諸
王曰吾平日無優伶贊狎無酣歌夜飲正宮無自縱
之權妃嬪無寵幸之昵朝政稽叅決惟善是從燕

名山藏

卷之三

五世三

三

間之際一人之論尤加維審每旦星存而出日入而
休非疾弗惰以此自防猶恐不及與爾言之使知持
守之道以故元國公脫火赤樞密知院愛足大屯和
林命西平侯沐英率陝西兵討之遣應天府官祀漢
蔣子文晉卞壺南唐劉仁瞻宋曹彬元福壽五廟命
舉至賢良方正孝弟力田文學之士月給廩餼禮部
主事一人掌之三月減蘇松嘉湖四府賦額定六部
官制西平侯擒脫火赤愛足等於亦集乃路盡獲其
部曲四月御製詩文賜翰林應奉陳溥編修楊美和
致仕命羣臣各舉所知改封楚國公廖永安為鄖國

公豫章侯胡美為臨川侯五月詔曰朕以菲德託萬
姓之上不期宰輔失寄肆奸擅權使賢愚陷罪朕思
創業之初念生民之不易首誅奸惡鋤根剪蔓及其
餘黨錄刑之際不無過焉甚非上帝好生之德五月
甲午時及申雷震謹身殿朕甚懼焉天下有罪自十
惡外咸赦除之釋在京及臨濠屯作者命韓國公李
善長理御史臺事蠲天下今歲秋糧令坐事免官者
自思無情則身來朝仍授以職命吏部銓次舉到人
才皆授官人賜夏衣一襲勅諭之曰朕非村宵晝自
思不制奸頑故勅有司求士何期任官忘修當犯之

名山藏

卷之三

典謨記

三

日律如條章終不可禁天下布政司以貞士至朝有
日矣朕特勅問是皆來民庶朝廷得失有司利病
宜莫不知既得授官當匡朕失去有司病然後利焉
命羣臣各舉所知大召天下賢士六月雷震奉天門
上避正殿罷諸王府造宮之役置諫院官左右司諫
各一人答太師李善長等制曰朕弗克行仁乖上帝
后土之好生負海岳之呵護累祖宗於地下致五雷
奉命著跡殿廷雖不寧於此時恐忽忘於永久卿請
朝正殿朕不違羣情賴爾臣民母隱輔匡羣臣請今
年天壽聖節受百官朝賀不許又請制曰父母劬勞

罔極昊天當生之日痛心無已所以奉祀靜居無敢
歌歡卿等數云天下太平及朕年高固請稱賀今不
違羣情毋致過奢惟儀肅禮當自是在外諸司五品
以上者聽表賀明歲為始八月置應天府儒學設教
授一員訓導四員主員六十人制天下學校諸生廩
膳人米日一升給魚肉鹽醢九月徵儒士王本等至
京勅曰朕興艱難朝無良佐道乖政靡弗獲泰安四
凶雖誅賢士未至今得爾諸儒旬有餘日厥志未知
特爾勅問果志秉忠誠可交神明與朕同遊以康天
下癸卯月食乙己天壽聖節上御奉天殿受朝賀宴

名山藏

卷之三

皇朝二

三

羣臣謹身殿自是歲為常始置四輔官分職四時責
以燮理陰陽之政官兼太子賓客位列公侯都府之
次告于太廟而後命之以王本李佑龔敦為春官杜
學趙民望吳源為夏官秋冬官未得其人使兼攝命
坐講圖像賜襲衣若待漏院記勅曰有莘為政咸有
一德傅巖在朝用佐思道朕命爾四輔必欲均調四
時合德人天卿等慎之

王本不知何許人以吏部尚
書充敦敦至王本問所志本
以報稱對上悅尋為博士張叔廉陳貞宋謝教諭石
璞楊盤訓導曹文壽張我李睿上皆名用之其年尋
以范敏萬至後以老疾還鄉龔敦給山人學問該
通德行敦實為四輔之明年以春夏不若與源等皆
遲歸後用起學園子監祭酒有監生言假還家不以

善屬文長通五經尤深於易元未省院屢辟不起按
四輔官舉宋謂為祭酒上稱其得人每入見賜坐
訪累錫珍饌衣賜遊東苑親與廣詩事以老病告
歸卒趙民望董城人後以老致仕吳源字性詔
博甫田人以興化府學教授舉至後歷國子司業詔
曰曩奸臣弄權百職罔忠遂致刑典邇所授有司皆
出編氓宜知稼穡艱難民生疾苦舊任未代者若仍
前非則國有常憲復諭王本等曰卿受斯任民生繫
焉可不重乎卿等昨為庶民今輔朕掌茲二儀敬事
不可有乖十月勅王本等曰是春徂秋天災疊見惟
秋之暮天氣尚暄諭爾齋沐精勤爾等奉命盡誠候
及立冬朔風醜寒以成末令嗚呼感應如響古者三

名山藏

卷之三

皇朝三

十四

公四輔論道經邦理陰陽順四時乖戾則曰失職卿
等尚竭忠勤用佐厥終申論有司舉士非人者罰無
貸是時朝臣所舉賢能莫不徵用因再諭天下有司
加意詢訪必求真才吏部引見國子監生二十四人
命為府州縣官面諭之以撫民事君之道十二月勅
曰朕聞士有五患焉患同庶人不同庶人矣患無學
學六患不齒於志學者齒於志學者矣患無官官矣
患不忠忠矣患不孝承勅郎儀等以生員選入國學
異庶人矣未及數年授以官出同學者矣今各言歸
有云省親者有云家無尊長將歸祭者亦斯知孝矣

惟志學忠君未審何若若患不出於志學而忠君則當思孟軻三鼎五鼎之厚薄也民之享也無鼎乃微士之享也有鼎乃貴貴有厚薄以三五鼎者則必思志學而忠君矣是月天下郡縣所舉聰明正直孝弟力田賢良方正文學才幹之士八百六十餘人悉授官封李新為崇山侯

十四年正月故元平章乃兒不花等寇邊命徐達為征虜大將軍湯和為副將軍傅友德為右副將軍討之命新授官者各舉文學賢良方正聰明正直孝弟力田及才幹之士凡五等命吏部凡郡縣所舉至諸

名山藏 卷之三 典謀記 太祖三 三

科賢才日引至端門廡下令四輔官諫院官與論議以觀其才能命諸公侯武臣遣子弟授經國學詔曰哲士幽潛而闢世天道動忍以增能士隱耕釣因羈旅高才至智不能伸者有司以禮敦致朕將尊顯之命刑部聽兩造之辭果有罪驗正以五刑議定入奏既奏錄所被旨送四輔官諫院官給事中覆覈無疑然後覆奏行之有疑讞四輔官封駁著為令二月以諫院右司諫石中判祿司左司副夏守忠公直敢言人賜鈔千錠諭禮部申明鄉飲酒禮更設承宣布政使司布政使分兩人口左右三月詔曰唐虞三代刑

措不用朕夙夜究心未臻斯効良繇委任非人其大赦天下與更始復置諸道提刑按察司并定諸道分司詔刑部犯流徒罪者毋處以荒地定道里遠近居之生聚之處以全其生勅內外倉庫司旬官各舉賢良方正文學才幹之士一人勅致仕刑部尚書李敬禮部侍郎劉崧曰古賢能之士人君不忍其去以益國也朕用非人賢才避位卿忍去朕特召爾敬為國子祭酒崧為司業其來母稽乙亥月食賜宋國公馮勝命節制河南息民練士佐大將軍征虜勅刑部官吏受賂者必求通路之人併罪之家徒邊命郡縣訪

名山藏 卷之三 典謀記 太祖三 三

求明經老儒士為儒學訓導勅致仕四輔官龔敷曰曩官卿四輔卿乃告老今司業缺員為朕一來坐以教道無奔趨筋力之勞而有成就後學之美亦儒者素志也四月改建國子學于雞鳴山下諭祭酒李敬曰劉向說苑多載前言往行朕時觀省深有勸戒律今國家法制參酌古今可遠刑辟宜令諸生相兼讀講大將軍徐達等征胡克之上謂刑部臣曰惡名人所耻仕者孰不欲保爵祿彰善譽或差或誤雖悔無及自今犯者宥罪復職榜過門端改則除之五月五溪蠻作亂賜江夏侯周德興手書曰忠武之臣盡

筋力禦災捍患身終乃己朕史書見之常歎羨焉溪
變爲盜方命壯帥卿時侍傍卽願請征朕不覺與歎
豈謂古有今無朕憫卿年邁卿必固請凱旋之日賜
田一莊以爲世祿嗚呼勤忠不怠非卿者誰六月賜
國子生布帛各一匹時於諸生中選才學優等聰明
俊偉之士得三十七人命之博極羣書講道德經濟
之學以期大用曰老秀才累有羅綺襲衣巾靴之
賜九月元遺孽把匝刺瓦爾密據雲南未服命潁川
侯傅友德爲征南將軍永昌侯藍玉爲左副將軍西
平侯沐英爲右副將軍率軍士三十餘萬往征師行
名山藏 卷之三 典誤記 六祖三 三十一

秋糧遣御史分按諸道罪囚重者送京師從大理寺
詳讞賜國子學官冬衣十一月復置大理寺審刑司
賜國子生冬至節儀十二月賜明年正旦元宵節儀
命翰林院官考駁諸司奏啓潁川侯等率大軍緜貴
廣轉普定下祥柯奇軍緜羅佐關擊烏撒攻可渡河
大會于曲靖未至雲南十里許大霧霾兀將達理麻
拒烏白江爲陳我師泗水奮擊之生擒達理麻遂分
兵逆可渡河把匝刺瓦爾密遁至普寧率妻子死之
雲南平
十五年正月曲靖諸路故元官皆詣永昌侯降始置
名山藏 卷之三 典誤記 六祖三 三十二

上饒諸將龍江命徐達鎮北平建滁陽王廟滁州勅
刑部曰唐虞之世罪疑唯輕四凶之誅止于流竄有
司旣不能宣明教化使民無犯及小過或加苛刻朕
甚憫焉自今十惡真犯決如律餘皆減死論上謂四
輔官王本曰天於君猶父於子有警敢不懼朕與卿
等皆當謹慎無違周德興征五溪蠻蠻人皆散走復
命討諸洞長官之作亂者十月壬子朔日有食之命
法司論囚奏聞從翰林院給事中及春坊正字司直
郎會議平允然後覆奏論決詔曰朕思創業之初勞
苦應天太平廣德鎮江寧國五郡特甚其盡免今歲

諸司勘合編類華夷譯語置貴州都指揮使司命平
涼侯聚汝南侯思祖署事命天下朝覲官各舉所知
一人閏二月遣使賜雲南諸土酋冠帶給誥勅任本
州知州等官勅征南將軍友德取大理藍玉沐英進
攻克之分兵取鶴慶畧麗江破石門關下金齒車里
平緬等處相率來降諸夷悉平諭刑官曰笞杖雖輕
亦傷肌膚自今犯者送滁州種苜蓿笞十者十日杖
十者二十日三月改國子學爲國子監定征南將士
戰功賞格遣使入雲南給勞之置雲南布政司選致
任武臣署其事四月詔天下通祀孔子詔曰上帝眷

我生靈統一以來時愆雨暘終未凶荒江左民減衣
 薄食助我興王之供朕首定中原江西浙西為我越
 大江入河淮抵北平而漕河南山東民東供遼左北
 給北平關內民北供山西西入關中二省之民又皆
 淳實力田無巧取愚無強凌弱今年夏秋稅糧盡行
 免之令國子監生病故者有司給棺具歸喪其家五
 月給囚米人日一升新建國學成乙丑上皮弁釋某
 頒學規於師生遂頒釋奠儀注于天下府州縣遣行
 人賁勅諭天下有司訪求經明行脩之士年七十以
 下三十以上聘送至京上曰遼陽早寒土曠人稀朕
 不欲置行省勞百姓衛戍之歲餉海上非得已也每
 聞一夫當航海之行家人懷訣別之意近復有溺死
 者朕通夕不寐爾等其議屯田法六月詔國子監教
 官年老者遇暑月及雨雪朔望免朝參命各道選府
 縣學生員年二十以上願入國學者送京師貴州諸
 番長皆來朝烏撒諸蠻復叛穎川侯西平侯進擊大
 敗之八月設科舉取士以三年為制勅勞穎川侯等
 曰命爾等南征諸夷兵臨普定如風行草上風去草
 仰致有小疵及入雲南擒首帥曲靖之西敗烏蠻可
 渡之北席捲金馬碧雞摧堅敵於點蒼山下金齒不

名山藏 卷之三 典讀記 三九

戰率土而降雕題聞知獻生遣貢檄從百夷之種威
 來八佾之邦將軍勞至矣欲勞飲用奈山川險遠特
 出朕心是訂其然先是民減死罪戍邊者多艱衣食
 上聞而閱之命還家取資斧與為期至是五十三人
 先至上喜宥之與道理費放還頒學較禁例十二條
 於天下鐫石碑明倫堂左上曰郡邑申明亭勒犯罪
 姓名故以示戒鄉里有司繫書雜犯小過良善一誤
 遂累終身自今書犯十惡奸盜詐偽有傷名義賊至
 往者非干風化一切除之丙戌馬皇后崩丙申諡曰
 孝慈以七條考試徵至秀才九月吏部以經明行脩
 之士鄭韜等三千七百餘人入見上曰卿等固皆賢
 人君子山林之下又豈無如卿者其悉告朕於是單
 縣儒士張寧以董倫等薦復遣使徵之董倫字安常
 以張寧薦授春坊右贊善大夫侍讀文太子陳說
 切太祖嘉之陞左春坊大學士賜文綺鈔錠東宮晏
 駕南初開學倫用變夷習遠人嚮慕建文元年召入
 為禮部左侍郎賜之紫几玉鶴杖各一解縉諱河州
 諸召選之庚辰年命主會試得楊榮楊溥金幼孜
 甚厚屢懇言當務朕親不報壬午年成初入正大統
 年八十餘矣命天下儒士有病卒者有司給槨具
 致仕數月卒 命天下儒士有病卒者有司給槨具
 舟車送至其家鑄御史印文曰經愆糾繆特置提刑
 按察分司以儒士王存中等五百二十一人為試僉

名山藏 卷之三 典讀記 三九

事人按治二縣期以周歲轉官陸辭論之曰吏莫甚
貪庸鄙次之廉問糾舉勿蹈因循庚午葬孝慈皇后
勅儒士沈士榮曰昔周舍欲載筆操牘隨君之後日
記月效其君悅之卿八閩志士久守儒道應召而來
傑然誠忠欲罄所懷非但朕愛卿聞卿皆勸矣守此
不變與古同名卿宜勉之雲南諸夷復叛右副將軍
英等討平之十月詔來朝官各舉茂才一人十一月
倣宋制置殿閣學士者儒鮑恂年八十餘余詢張長
年亦皆七十餘被徵至上賜坐顧問欲以為文華殿
大學士皆以老疾辭上曰煩輔導東宮免卿早朝從

名山藏

卷之三

太祖三

手

容待對不久聽還庶不負卿平生恂等復固辭皆放
歸向崇德人授易於吳澄所著有易大
論通政使曾
詢吉安人長年高都人
秉正曰朕觀昔帝王之用臣也無疑而臣懷奸者奉
君多智是有作聰明探主嚮是非喋出斯古人所以
歿姓陷身爾秉正聰敏幹辦凡有言慮朕常聽從何
其計出多端自欲深根後程乃有效古殺身之奸夫
鯨寡孤獨聖王先恤爾誦古聖是非曉然矣朕憐爾
才能免死免竄使還鄉里爾鬻四歲小女聲曰為資
昔人有云忠臣去國不潔其名爾何如也既不能父
難種於世朕命爾爾是其罰矣

十六年正月翰林學士吳沉進精誠錄上覽稱善命
天下學校歲貢生員一八于京師四月贈從征雲南
戰沒者故龍虎衛指揮使胡錢塘衛故千戶袁興
官免應天太平鎮江寧國廣德五府州稅糧六月命
刑部議五六月旬時三審五覆之法以盡獄情七月
更定冕服制八月諭僉都御史詹徽曰比者政事苟
且上下相蒙閭郡連歲不聞有所激勸或乃云吏稱
民安其令御史及按察司巡歷訪察之十月頒鄉飲
酒圖式于天下十二月賜國子監生讀書燈油
十七年正月命優給故官家屬甲寅月食命官員微

名山藏

卷之三

太祖三

三

罪罷免者悉送京師用之三月頒科舉成式穎川侯
等自雲南班師西平侯留鎮焉甲子大赦四月頒八
事於州縣為絜命論平雲南功進封穎川侯傅友德
為穎國公予世永昌侯監玉安慶侯仇成定遠侯王
弼予世爵封後軍都督僉事陳桓為普定侯右軍都
督僉事胡海東川侯前軍都督僉事郭英武寧侯張
翼鶴慶侯命重從征之賞死者斂骸而丘之五月上
日海運軍士溺死幾二百人骨肉分離遂至永隔悲
痛何堪禮部即下所司厚恤其家六月詔天下官吏
來朝正者書功于冊圖土地人民俱以臘月臨盡五

日畢至唯雲南遠徼免之命擇審音之人製孔子廟樂器於天下七月勅內官毋預外事諸司毋與內官監移文往來命吏部簿錄朝覲官所薦屬官及儒士人材記其舉主姓名任滿考當否為黜陟免應天太平鎮江寧國廣德滁和今年官民田租之半八月河決開封蠲被災者賦稅九月籍征南軍士渡江以來隸兵者悉為小旗命布政司儲備兵食邊衛足三年內地足二年十月河南北平水命駙馬都尉李祺歐陽倫王寧李堅梅殷陸賢往賑勅河南布政司及府州縣官吏曰大河之水天泉也所在牧守仁心吏行

名山藏

卷之三

典謨記

三

乃決之上御東閣謂侍臣曰責難之辭人所憚聰明君受之無難諂諛之語人所易從昏主信之尤入右春坊右贊善董倫對曰唯明主能慎擇之上曰責難不入於昏君而諂諛難動於明主人臣事君在守正詔交職官年七十者聽致仕給誥勅置遼東都指揮使司及金復海蓋四州儒學以教武官子弟皆立孔子廟十二月定官民居室器用之制左都御史詹徽奏民有毆傷孕婦至死當斬其子乞代請裁決詔大理寺詳議大理卿鄒俊議曰死婦繫二人之命犯人當三死之條與存犯法之父孰若全無辜之子詔從

名山藏

卷之三

典謨記

三

其議

名山藏卷之四

臣何喬遠恭輯

典謨記

太祖高皇帝四

十八年二月以陰雨久晦雷電閒作詔中外百司下至編民卒伍苟有所見皆得盡言丁巳太傅魏國公徐達薨追封中山王賜諡武寧三月壬戌朔上御奉天殿策士甲子傳制唱名時廷對者四百七十二人擢丁顯第一自是始重進士之科命內外羣臣有親歿官所者有司給舟車歸葬著為令命內外諸司官

名山藏

卷之四

典謨記

一

有善績著聞者禮部揭其鄉之旌善亭有顯罪者刑部揭其鄉之申明亭六月丙午月食上曰天丁府州縣官歲一朝勞且費其令與布政按察二司皆以三年詔曰天道以有餘補不足人乃以不足奉有餘嗚呼罪盈自己惡怒人神天譴既臨尚造多非如戶部侍郎桓闔部等刑部尚書惠迪侍郎脩闔部等兵部侍郎志闔部等工部侍郎至德闔部等禮部侍郎瑁闔部等職貪亂政賄賂屯集罪已分明尚掩殺身之計妄指善良為寄賊所朕設官造民業不勝任又且罪盈法占天討以除民害愈加害民必欲除奸復生

奸甚實朕不才之致凡我天下良民憐朕不敏書不云乎天位艱哉仰觀俯察寢食不安惟圖康民人心若此自詔以後大赦吾民所有不赦唯是奸貪七月丹徒縣知縣胡孟通縣丞郭伯高金壇縣丞李思進坐事當逮縣者民棟等詣闕舉留特釋之人賜勅書勞酒一尊復賜棟等酒而諭之曰朕孜孜求賢分任方隅多失厥職方欲窮罪而更張之爾等列爾令丞善狀嗚呼昔人君巡狩四方詢民知政朕今坐而得縣官之賢官得其人朕復何憂特勞爾酒爾其合享之時州縣官有當去其父老詣闕乞留者皆賜勅獎

名山藏

卷之四

典謨記

二

畱加賜衣幣命禮部國子生患病者官給藥醫久不治者行人送還其家八月載邠州姜嫄公劉之廟於祀典上曰諸功臣京師既有賜宅鄉里尚仍故居老而歸於禮不稱禮部其人賜鈔萬錠俾還家治第九月上聽文淵閣大學士朱善講易家人卦曰齊家治國一而已矣要在誠實而有威嚴誠則篤恩嚴則無失上諭戶部臣曰先王之世民耕婦蠶無異物之遷是以水旱不虞饑寒靡困自什一途開淫巧技作而後農桑業廢朕思足食在禁末作足衣在禁華靡其申明天下各守本業毋得游食庶民毋得衣錦繡上

月御製大誥頒示天下翰林院待詔孔希善言孟氏子孫有以罪輸作者二人上遣還諭工部臣曰孟氏後甚微脫或死亡行凋盡矣凡在輸作者爾等詢問有出自聖賢即便釋遣陞宜興主簿王復春為常州同知遣吏科庶吉士楊靖勅勞之曰爾羞朕下民之膏希狗上官之欲方今鮮此尚竭乃心用光初志十一月河南水山東北平雨澇皆免今年田租十二月詔曰向令有司舉聰明正直之士至者多孤朕望朕聞古者選用孝廉孝者忠厚愷悌廉者潔已清脩如此則可以從政矣其令州縣凡有孝廉聞鄉里者正

名山藏

卷之四

典謨記

三

官與耆民以禮遣送京師遣行人王本勅諭建陽知縣郭伯泰縣丞陸鎰曰曩古人臣立志忠君在內則和而不同在外則不避權勢所以上昭主德下福民生邁政司言爾伯泰鎰持法愛民靡所撓怠嗚呼忠志之道朕今見之特命行人勞爾酒醴陞爾伯泰為泉州府同知鎰福州府通判尚堅乃心厥有終始十九年上坐東閣與侍臣論天人之際上曰天人無二人當以心為天論儉上曰不可儉者祭然不可瀆不可儉者賞然不可濫三月御製大誥續編及省躬錄成令曰民各守本業醫卜者士者不得遠遊遊惰

不業若舍匿他境遊民者皆遷之遠方五月命光祿寺買辦物料視民間交易價錢每多十文為民利息嘉興縣知縣畢輝縣丞齊搏執法當官不容奸惡賜勅書酒醴行人王良承遣贖貨常州府官范好古言於上勞好古酒醴械良罪之六月詔曰朕有天下十有九年方域蠱安奸臣間之恩本施而弗及德將布而阻行舊歲大誥頒行民從朕命奸擾吾民者循治而斂跡監生職任於諸州想吾民樂生有漸矣特命有司存問高年撫恤無告篤疾殘廢者收入孤老院歲給之民八十九十無公私之辱非隸卒娼優貧無

名山藏

卷之四

典謨記

四

產業者八十以上月給米五斗肉五斤酒三斗九十以上歲加賜帛一匹絮十斤田業僅自贍者給酒肉絮帛如之富實人戶應天鳳陽二府民八十以上賜爵社士九十以上賜爵鄉士天下民人八十以上賜爵里士九十以上賜爵社士皆與縣官平禮免其雜泛差役正官歲一存問月遣教為生員詣門送賜給粟毋得陳除約民誠敢有冒年受禮尚者家族誅曾被公私辱慝者如之所在鰥寡孤獨果有田糧有司即與除去差撥無者歲給米六石孤無依者責令親戚收養無親戚者責令鄰里累年開邊有勞或矢石

傷殘或因傷身亡兒女見存者優免三年塚集上軍
因傷殘疾者優免軍役三年因傷死者優免十年入
爲民籍雜泛差役更免三年官軍從征戰歿者恤賞
其兒女襲父職者陞一等勅曰爲官蒞政非權無以
馭下迂儒俗士官名而已若中正有豪傑氣者當設
施公道健卒奸胥毋敢褻侮不則治以刑蘇州知府
王觀同知曹恒經歷王昉當廳捶死猾吏錢英如此
甚當則政行令止境內肅清美哉有爲安民有日矣
特遣行人白思中齎勅勞禮尚篤斯志共未高明以
都御史詹徽通政使蔡瑄左通政茹瑺工部侍郎秦

名山藏

卷之四

典謨記

五

憫今後亡故軍官子女幼者給全俸贍其家子襲職
女嫁人乃罷父母老者亦給全俸終身著爲令頒垂
戒錄於羣臣其書采古之悖臣以爲戒十二月癸未
朔日有食之詔自今應死重囚俱令大理寺覆奏聽
決造通濟聚寶三山洪武等門修五勝渡起社家庫
白水橋雙橋高橋置象房崇熙改建崇山侯新等第
宅築後湖城及中山岐陽二王黔國公舊營六部圍
牆廊房街道金用罪人輸作御製大誥三篇成頒天
下詔武官謫戍雲南遼東者縣次資給之
二十年正月命宋國公勝爲征虜大將軍穎國公友

名山藏

卷之四

典謨記

六

遠戶部侍郎楊靖在職公勤獲其家詔郡縣舉經明
行脩績遠特務之士年七十以下者禮送京師禮部
郎中居貞奏人三十六歲不請母送上古之
者人雖不任以政至其多聞而廣聞政當詢之謨謀
蓋六十以上七十以下者可置翰林備顧問四十以
上六十以下者可用于六部及布按二司八月命吏
部選近畿富子命赴京補吏製德懿熙三祖帝后袞
冕冠服命皇太子修肅胎之陵裝而瘞之十月諭兵
部臣曰大小有功武臣子孫令世襲食報然有身沒
子幼者或亡子有幼文又有父母老無依者此皆可

德爲左副將軍永昌侯玉爲右副將軍南雄侯庸定
遠侯弼爲左參將東川侯海武定侯英爲右參將率
師二十萬征故元將納哈出於金山焚錦衣衛刑具
日訊鞠法司事也時令錦衣衛審重罪者欲先得情
耳豈令煅煉耶已未修闕里孔子廟甲子大郊祀禮
成天氣澄朗上悅二月命將軍衛士日習射于午門
御註洪範成三月上日進士國子生皆朝廷所培養
初仕卽有屢法者雖欲改過亡繇自今雖犯死三宥
之五月諭兵部臣曰軍士月米一斗身後罷給或父
母老兒女幼曷自存是皆效力國家因可不恤勞可

不報自今身亡父母兒女無依者並優給之上謂刑部尚書唐鐸曰有司犯者欲盡法治之人謂刑重不則靡所忌古云書用識哉欲並生哉自今犯輕者悉宥之徒流及雜犯死罪皆令戴罪復職有至再三亦錄其罪而復其官六月大將軍馮勝諭納哈出降之閏六月申養老之政於天下令民間講習大誥三篇七月詔內外武臣有子孫襲替而亡再無應襲者給全俸贍之有子孫坐事謫戍亦有其罪令自立功給俸如故八月銷文籍關防印記曰故以防欺偽若果正人君子又焉用是詔民年二十以下者方與落

名山藏

卷之四

典謨記

七

髮為僧試事京師寺三年考其潔脩而後度之詔陣亡小較雖無功亦給其家原俸百日九月封納哈出為海西侯置大寧都指揮使司及大寧中左右三衛命永昌侯玉為征虜大將軍延安侯勝為左副將軍武定侯英為右副將軍進討殘胡十月封朱壽為舳舻侯張赫為航海侯重建歷代忠臣廟成詔軍士置營居各從其衛所毋越伍離次辛酉月食遷南方學官之有學者往教於北方增廣北學生員復其家召馮勝班師罷就第十一月上曰蠻夷遣子朝學慕禮義也羅羅生阿累等三人宜令歸省所以教之孝

第賜而遣之十二月大誥武臣

二十一年春正月上曰為國以任人為本奸者才不恕賢者疵不棄故諸城縣知縣陳允恭以簿書過謫成比有言其治縣時能愛民吏部其召還復其官有自青州還者言青州饑雖已賑尚艱食上驛張之速其官吏之不以聞者二月命有司犯死罪者雖未入流品必奏聞而後得逮治以歷代名臣從祀帝王廟三月乙亥上親策舉人賜任亨泰等進士及第出身有差建題名碑于太學上謂侍臣曰驕凶德也田子方所論朕謂不然蓋君子以恭敬為本西平侯沐英

名山藏

卷之四

典謨記

八

討百夷思倫發平之四月蘭陽縣民陳濟樵等二人年百歲賜里仁冠黑角帶員領衫月給酒三斗肉五斤歲加帛一疋絮一斤南皮縣民李敬先等年九十餘月給酒肉如之皆復其家詔縣官時加存問自是以為例藍玉逐虜捕魚海敗之降其衆獲其王子妃等若而人已未月食五月甲戌朔日有食之六月賜安慶侯仇成書曰朕創業以有天下唯卿勤勞邇年海宇雖寧尚有弗庭之夷累卿高年久鎮邊陲東西攻守無寧歲近喜廓清方將偃師修文同卿華居美食忽聞感疾實朕心是用遣人存問嗚呼征討之

時櫛風沐雨所自疾也尚慎藥節者副朕至懷勅諭武臣曰朕觀國初諸將收撫士卒或一二十人或百人至四五人皆視如兄弟愛如骨肉以故爭先効功所向克捷人稱善戰不知絲其善撫士今爾等居位食祿豈爾能皆爾祖父貽爾慶爾則不念祖父富貴絲士卒時或苦虐使不傳心敗國喪身職此之絲夫虐下不仁敗國不忠亡先人積不孝曷不思之因頒賜軍士護身勅述始終之際艱難之故秋七月頒賜天下武臣大誥令其子弟誦習使它日知撫教軍士以稱保全功臣意八月罷天下府州縣耆宿遷澤潞

名山藏

卷之四

典漢記

九

身勅二十二年二月禁武臣預民事賜平陽縣知縣張礎勅曰乃者金鄉衛造軍器擾民爾礎執法即具聞朕深嘉歎特遣齎鈔三十錠內酒一封至爾領焉東川蠻越州阿資曾叛命賴國公傳友德為征南將軍與西平侯沐英討之既平三月友德還軍使與諸將分駐湖廣諸要地休士且示控制於諸蠻改給事中魏敏卓敬等八十一人為源士四月命杭湖溫台蘇松諸郡民無田者就耕淮河南及滁和諸州給鈔二十錠免賦役三歲賑萊充九江湖廣諸郡貧民起

名山藏

卷之四

典漢記

十

有因小過罷者此皆昔日久居學校教養已成之士
 成才至難其悉錄用之增建國子號舍以居諸主之
 有家室者十一月上與翰林學士劉三吾論治民之
 道三吾言南北風俗不同有可以德化有當以威制
 上曰地有南北民無兩心帝王一視而已矣蓋德以
 化君子威以制小人海州同知陳夔福坐事當戍上
 念其故元御史大夫福壽子宥而擢之官仍賜鈔上
 與侍臣論進君子退小人兵部尚書沈潛對曰君子
 小人猝未易識上曰良玉委泥色澤不變君子在衆
 德操自異今州縣里選者年有德民人以次來朝既
 名山藏 卷之四 兵部記 十一

至隨朝觀政三月遣歸
 二十三年正月肅清逆黨榜列勳臣凡五十七人二
 月命六科給事中父兄伯叔來朝觀政歸以告諭其
 鄉里子弟使為善無犯法人予鈔遣還詔自今有司
 過誤犯者至三犯亦紀罪復職沅陵縣主簿張傑坐
 論作日陳有老母守節乞宥罪歸養許之命禮部榜
 母節於天下加僕祿秩為養資三月燕王與征虜前
 將軍傅友德等率師出塞至迤都降故元太尉乃兒
 不花丞相咬住忽哥赤等及其名王酋長男女數萬
 索賕數千羊馬亡筭閏四月悉徙其部落入關乃兒

不花等入朝授指揮等官其故部下家屬皆賞賜之
 除百官募年奔喪之制五月上念諸將老悉遣還鄉
 賜黃白二金鈔若綺太師韓國公李善長賜死西南
 夷上官皆遣子入學命擇天下隨朝老人有幹局者
 齎鈔諸府縣同所在老人糴穀備凶六月先是賜公
 侯伯入卒百十有二人曰奴軍至是遣還鄉設百戶
 一人統之護衛其家盡公侯之世給屯戍印俾自耕
 食復賜之鐵冊名鐵冊軍右軍都督僉事王庸坐事
 當死自訟于上前上曰知自訟其將復為善貸之七
 月河南決賑恤被災家萬五千七百餘戶勅法司在
 名山藏 卷之四 兵部記 十二

外死罪真犯者具狀申刑部議定遣官審決免死者
 輸作京師八月給事中有薦士者上問宜何官對曰
 宜牧民間所長對曰年少才高勇於敢為上曰才高
 者多過中勇敢者少循理其養於學而後用之詔毋
 以吏卒充選舉九月庚寅朔日有食之命開國功臣
 死後皆追封三代賜布政司都司衛所府州縣公宴
 節錢凡天壽聖節正旦冬至節日皆有宴賑湖廣饑
 十月刊行韻會十一月選者民授府州縣官上諭兵
 部試尚書茹瑄等曰朕虚心待人汝等當思盡言不
 宜容默苟順無利於天下十二月諭刑部自今犯十

惡并殺人者論死餘皆輸粟北邊贖罪力不及者為併輸予還家備資以行罷天下歲織段疋賞資用絹帛有匱乏即就織造於京師購遺書

二十四年二月上謂侍臣曰朕閱漢書以爵賜民至二級三級者聽民轉移與子甚無謂也夫爵所以命有德禮曰賢以制爵予無賢不肖賢人君子何勸焉命戶部凡武臣死罪而宥者給半祿笞杖徒流而宥者全給死而有子孫者亦給之種桐棕漆樹於朝陽門外鍾山之麓三月戊子朔日有食之上謂廷臣曰朕發庫中古鏡十餘鑑多失真召工問之皆莫能答

名山藏

卷之四

典謨記

三

最後一工曰範模不正朕惕然悟君心焉上御奉天殿策會試中式舉人制策曰昔列聖相繼大一統而御宇立綱陳紀禮樂昭明當垂衣以治何自弗寧少壯盡行內駮華夏外戍八荒北馬胎駒于行伍旌旗連歲於邊陲今欲罷器械絕遠戍垂衣如古又恐蠻貊生齒之繁不數十年為中國患及此之時當恨今日可乘之機與止未判孰可孰不可爾諸士論之時廷對三十一人擢許觀為第一上諭皇太子諸王曰天行不息君當體以孜孜怠惰侈肆而欲長保未之前聞昔元世祖西討東征以能混一華夏順帝偷淫

而遂失之詩曰殷鑒不遠在夏后之世命齊王博率護衛騎兵圍魏開平近地諭之曰山東兵皆從總兵官傅友德調發爾截關可自為隊或在其左或在其右有膽畧則當先無膽畧則繼後奏凱之時寧使諸將言功詔天下貢茶不得碾抹為大小龍團茶戶採進勿預有司茶以建寧為上曰探春日先春日次春日紫筍並著為歲額四月靈壁丞周榮以事逮繫父老赴闕舉榮善政宥之賜鈔錠衣襲與父老皆宴遣之繁峙縣奏逃民三百餘戶累招不還乞逮捕之上曰民害衣食或迫苛政耳逃固不出吾域中情而未

名山藏

卷之四

典謨記

四

作則逮捕焉冊皇子梅為慶王權為寧王榘為岷王榘為谷王松為韓王模為潘王楹為安王榘為唐王棟為郢王檠為伊王齊東知縣鄭敏坐事逮繫縣民詣闕頌能復官賜衣鈔六月詔羣臣參考歷代禮制更定冠服居室器用制度以天久不兩命刑部官及監察御史清理天下獄囚頒書籍于北方學校七月上諭工部臣曰漢高祖徙豪富於關中朕初不然之今思京師天下根本亦欲令富民居焉蓋徙至者五千三百戶上曰應天太平寧國鎮江廣德五府州縣朕念國初供億之勞民田盡免賦官田半徵民情玩

恩復爾通負朕所以全徵之今終不忘其半徵如故命犯法而誣引良善者所誣雖輕亦重坐之八月遣官行詢鰥寡孤獨令有司加卹秦王棟有過召還命皇太子巡撫陝西既行勅曰爾自幼至長未嘗遠出今命爾行陝渡江之際雷起東南爾征西北夫雷天威也爾前行雷後從其兆威震然厥陰不雨業已開占法主有陰謀者爾宜慎舉動節飲食嚴宿衛親君子遠小人威震佳兆未可恃也遣使山東河南郡縣發預備倉以貸貧民九月嘉興府通判馮安送至私鬻鹽徒以其贖賞獲者戶部奏安違例責償鹽人

名山藏

卷之四

典謀記

太祖四

三

官安言律者萬世常法例者一時旨意昔唐太宗選人許冒勅不首者死未幾有犯命殺之大理少卿戴胄執奏於法應流太宗怒曰卿言守法而失朕信胄曰勅者一時喜怒法者國家所以布大信于天下也陛下忿選人多許故欲殺之既知不可復斷以法此忍小忿存大信也夫今之律即古之法也若依例則于律內非應捕人給賞之言自相背違上是之詔論如律復以新化丞周丹為吏部考功主事丹未幾有治才初進士授新化縣丞以廉勤稱門無私親吏卒不敢欺驗民貧富及丁稅多寡第而籍之有賦役以為差賦文牘皆躬理計罷言後作民宴然安業流民歸者益眾滿考課最升考功上事時民蕭飲

等語聞言自本官去職縣政復擾民不安十一月諭天下生員兼讀誥律民閒子弟能誦大誥者賞之皇太子還自陝

二十五年春正月詔諸王赴京令歲訓將練兵周視封疆作軍器必精良以固邊圉以河決開封諸縣免今年田租二月上諭刑部尚書楊靖等曰京師之獄卿等三覆奏朕親臨決猶慮不當中外有司安能入盡職所上獄卿等詳獻之命學較生員兼習射書數法丙寅月食癸酉詔諸將杖流罪以下謫戍雲貴者復其官曰此皆從朕萬死一生不戒而犯朕不忍置

名山藏

卷之四

典謀記

太祖四

共

于法今既有年必自新矣曹縣主簿劉郁因事逮繫者民詣闕言郁廉勤上喜復其官三月勅燕王曰殘胡散處絕塞聚必為患其選北平都司并護衛騎兵精銳者聞以乃兒不花等所部列為隊伍使為鄉導命北平指揮使周興為總兵搜捕之四月皇太子薨郡臣入慰上曰朕老矣太子不幸命也古云國有長君社稷之福第四子類朕朕欲立之何如翰林學士劉三吾對曰將置秦晉二王何地大大哭罷六月上聞天下學校生員多驕縱慢師命禮部著學規俾守之七月秦王棟還國上謂侍臣曰治有緩急治亂民

不可急急則益亂撫治民不可擾擾則不治岢嵐州學正吳從權山陰教諭張恒以給絲見上問民間所苦皆對曰不知也而非職事上曰學官即勤教豈有不與人接者朔望休暇四時節序朋友往來民情世務當亦談及夫其所學皆聖賢之道固將用之君雖不問猶且陳焉槩云不知何者為教何以用之將來其竄之極邊榜論於天下八月耐葬皇太子孝陵東開諡曰懿文立允炆為皇太孫召太常寺卿許昇問祭禮昇不能對典簿劉仲實從旁代對甚詳上責昇曰國之大事而昏惰不恭遂降為刑部主事以仲實

名山藏 卷之四 太祖四 七

有所受若轉窮竟且起大獄碎不問二善也門卒無所嘉獎杜小人之倖端三善也敏才應卒四善也是歲以方孝孺為漢中教授二十六年正月免天下耆民來朝二月命晉王總馮勝等所統河南山西馬步軍士出塞代王亦率護衛兵出塞受晉王節制勝及傅友德等皆召還涼國公藍玉謀反伏誅三月勅諭燕王曰有告指揮乃兒不花有逆謀者人言夷狄畏威不懷德果然可遣人防送至京胡人反側背恩不可無備爾護衛士卒遇出獵必選數千騎披堅執銳訓練使習則臨陣不怯宋國公勝等已召還當論諸將士防禦之策舊防胡兵非出征不可輕縱恐盜馬潛遁陰泄事機若欲用禦敵常參錯之命馮勝傅友德還備北平命山西屬衛將較悉聽晉王節制北平屬衛將較悉聽燕王節制軍中事一奏聞一啓王知未著于今論晉燕二王各統所轄都司軍馬軍中賞罰大者以聞小者從宜處分諸司職掌成其書倣唐六典之制頒示稽制錄于功臣蓋攷漢唐宋功臣封爵食邑之多寡及名號虛實等第使朝夕省覽以遏奢僭四月孝感縣言民饑有預備倉糧萬一千石請貸之即命行人驛給因諭

名山藏 卷之四 太祖四 十六

天下有司自今歲饑先貸後聞以大久不雨許羣臣直言時事五月定學官考課法用科舉生員多寡為殿最詔功臣墳塋葬具皆自營備戰死者官給之六月嚴皇陵車馬過陵及守陵官民入陵者百步外下馬違者以大不敬論申禁錦衣衛毋鞠刑一付於法司開卜筮禁勅曰歷代聖君賢臣謹禮循法畏神明也一或不畏神假於人及災禍矣朕考前代勳臣受封皆屬虛號祿食給繒布而已我朝賜以腴膏土田待有功不薄尚有不知分限以速戾者業頒稽制錄而教之爾禮部尚將公侯食祿及服舍器用等級著

名山藏

卷之四

典讀記

元

為定式申朕保全之意名諸王於京師七月甲辰朔日有食之罷各布政司寶泉局選秀才張宗濟等隨春坊官分直文華殿進說民間利害田里稼穡開陳古今孝弟忠信文學材藝諸故事於皇太孫八月命吏部今後除官即與實授勿試職九月詔曰邇者朝臣不臣其無忠義者如李善長等陰與構禍事覺各伏誅藍賊為亂謀洩捉拏族誅萬五千人矣餘不盡者已榜赦之慮奸頑無知尚生疑惑自今不分藍胡二黨未犯者盡行赦宥於戲古之忠臣義士感激人神歡動祖宗其亂臣賊子歷代為患者不特不能感

動人神於當時亦累祖宗幽囚於地下特誥臣民大許自新賜河南按察司僉事王平救曰古有志之士竭忠以事君務公以福民朕夙夜孜孜鮮副朕志河南僉事平同書吏源按臨屬郡邵孟津宜陽之吏賂械人聞奏朕甚嘉焉賜平鈔百錠衣若被源鈔半之其益勵初忠則永有嘉譽十一月霑化縣典史杜護坐事當罪縣民訟其廉幹復之時天下人觀學官咸命侍朝考試文辭詢問經史及民間政事應對稱者獨泰州訓導門克新敷奏亮直紹興教授王俊華文辭優美上擢克新為左贊善俊華為右贊善召諭曰

名山藏

卷之四

典讀記

元

所以左克新右俊華重直言也克新華州人為人寬厚和易位至禮部尚書其卒也上甚嗟悼遣官祭之命有司護喪歸葬十二月永鑑錄成其書輯歷代宗室諸王惡逆者為監又輯歷代人臣善惡為勸懲名世臣總錄頒有位二十七年正月上退朝領翰林學士劉三吾曰朕歷年久而益懼者恐懈也日慎一日效尚未臻甚矣治難夫愛民之心不實則民不蒙澤民不蒙澤則衆離怨積朕常懼焉發天下郡縣預備倉貸貧民令公侯未有第者與為第于其鄉有祖宗墳墓者與為饗堂于其塋應封三代二代者封二月罷在外文武諸司

公宴繁時知縣劉英坐事被逮者民詣闕乞貸釋之
給道里費遣還三月上謂侍臣曰人主聰明不可使
壅蔽壅蔽則天下之事不達矣翰林學士劉三吾對
曰惟博采衆論任用賢能則視聽廣而聰明大上曰
善令武官子弟當承襲者五軍試其騎射閑習方許
授職不能者給俸三年而復試之又不能謫戍軍著
爲令上謂侍臣曰毀譽之言不可不辯也問君子於
小人小人未必能知鮮不爲所毀問小人於小人朋
黨阿私譽必衆矣人主能知毀中之賢則誣謗可息
知譽中之不肖則偏黨可絕命天下種桑棗有儒士

名山藏

卷之四

典讀記

主

初授知縣陞辭上曰試言范民何先對曰先教化曰
教化何先對曰獎勵之上曰先身焉以天下大定命
工部取甲兵暴藏之立唐渾源祠於乾州命民間高
年老人理其鄉之訟上謂太子少保唐鐸曰帝王體
天道順人心則國家基業自久朕思前代亂亡之故
未有不絲於遠天而逆人卿久事朕資弼良多朕有
弗逮卿卽言之徵儒臣定正宋儒蔡氏書傳八月遣
國子監生及人材分詣天下郡縣修治水利禁用錢
以重鈔法作十酒樓江東諸門之外許民爲酒坊接
四方賓旅以樂時康樓有鶴鳴醉仙謳歌鼓腹來賓

重譯諸名醉仙宴百官焉寔宇通衢書成十月命府
州縣學生員廩十年而學不就者罰爲吏十一月賜
肝胎縣知縣方素易劾曰爾素易蒞政三載內艱去
官民弗忍舍詣闕留任何以致之特遣使齎鈔二百
錠衣服被各一襲靴履各二對用旌爾能爾惟懋哉
素易入謝賜宴禮部許歸葬而後復官漢中府同知
柴甫以事下獄其僚屬與同獄者言庸廉介特有之
復其官

二十八年正月勅周晉二王各發其屬衛官軍築城

屯田於塞北勅燕王發北平遼京三都指揮使司屬

名山藏

卷之四

典讀記

主

衛精銳馬步軍命都指揮使周興爲總兵官勦捕野
人於三萬衛等處二月詔罪人罰役死者父兄免追
補令民百戶爲一里婚姻死喪疾病患難富者助財
貧者助力春秋耕獲一家無力百家代之以教民厚
四月命監生分行天下勾稽吏牘六月詔國子生日
孔子作春秋脩身立政之道備矣處事決疑其能舍
諸諸生治經鮮有明春秋繼今習讀之九月免山東
稅糧及直隸應天等五府秋糧勅曰自古國家立建
法制皆在始受命之君子孫遵守而已蓋始受命君
起自側微備歷周知恐後世守成之主未諳世故山

林初出之士自矜己長至有奸賊之臣狗權利作聰明上不能察而信任之變更祖法以貽禍敗是以日夜精思永垂典則朕少遭亂離賴天之眷翦除混一卽位以來勞神焦慮與海內勦乎治作祖訓一篇開導我後世爲家法爾禮部其頒條章於天下後有言更者以奸臣論殺無赦閏九月以子孫衆盛天下官吏軍士繁多更定親王歲賜祿米十月於東宮諸王世系預命二十字爲名首一世一字臨時足二名焉命左軍都督府左都督楊文等討龍州奉議南丹諸蠻之梗化者諸蠻皆服罷百官朝參賜食禮十一月

名山藏

卷之四

典義記

三

侍臣進講無逸篇上悅曰朕每觀是篇必反覆詳味求古人之用心乙亥月食禮制集要成其書載冠服房屋器皿傘蓋牀帳弓矢鞍轡儀從奴婢俸祿奏啓署押體式定制頒布中外十二月洪武志書成述都城山川地里封城之沿革宮闕門觀之制度以及壇廟寺宇街市橋梁之易置

二十九年二月百夷侵緬遣行人李思聰錢訓古兩諭之皆聽命征虜前將軍指揮僉事胡冕勦平柳桂山寇分遣指揮僉事宋臣等討平廣東潭源諸洞及廣西平川增益之地凡斬獲數千餘械賊首京師戮

之遣使諭曰命爾往征苗亂意在殲渠乃概行駢戮宋曹彬不殺後嗣以昌曹翰殘酷身罹窮往者不追後當爲戒寧王權言巡塞見脫輻意胡兵往來道上慮且寇邊勅燕王選精卒壯馬抵大寧全寧沿河南北規視隨宜掩擊之三月燕王遇胡兵於徹徹兒山擒其酋將孛林帖木兒等數十人追至兀良哈秃城遇哈刺兀復戰敗之命國子監學正吳啓署祭酒博士楊淞署司業學錄張毅署監丞事面諭以簡身飭行守道尊嚴使諸生敬慕而化五月壬申月食於斗宿七月上觀唐書至宦者魚朝恩謂侍臣曰漢末

名山藏

卷之四

典義記

三

雖宦官驕縱尚無兵權至唐授之太阿馴至劫脇天子廢興在握朕深鑒前轍服役使而外重者傳命四方而已但有罪罰無赦也八月免應天等五府田租改六部諸屬部爲清吏司九月召天下致仕武臣於京師而大賚之曰朕起兵時與爾皆少壯今老矣久不相見居恒思之資爾薄物還終天年朕與爾同歷諸艱天佑朕子孫則爾子孫則亦有無窮之祿爵諸臣感激有墮淚者諭兵部人陞官一級十二月頒稽古定制於功臣世祿之家加申飭焉上爲序曰昔先王制禮別尊卑定貴賤上下秩然朝代雖改禮樂制

度多相因也或有損益小過不及而已朕自定天下以來立綱陳紀頒布天下有年歲矣至若官民房屋墳塋碑碣亦嘗斟酌前代著畫一制豈期奸臣胡惟庸故紊條章俾諸功臣不遵守雖先塋碑碣亦不樹立最甚無如藍玉房屋家奴人至數百馬坊廊房皆用九五間數營店舍宅垣中招集百工與爲市易心欲背朝廷爲亂夫自古賢人君子一心公朝念所食祿不耕不蠶坐享民供又敢與販與之爭利今我文武臣往往不屬厭使子弟奴僕家人坐賈行商至出外倚勢中鹽越資撓次撓法多端今命翰林酌唐宋

名山藏

卷之四

典義記

五

制定墳塋碑碣丈尺房屋間架及食祿之家與販禁例編類成書永遵守之嗚呼敬聽朕言聿求多福己巳月食于井永州府知府余彥誠齊東知縣鄭敏定遠知縣高斗南儀真知縣康彥民岳池知縣王佐安肅知縣范志遠當塗知縣孟廉縣丞趙森懷寧縣丞蘇益休寧縣丞甘鏞坐事逮獄所治者民具列善政詣闕以請上竝嘉之賜襲衣靴鈔遣還仍賜耆民道費

三十年正月命長興侯耿炳文佩征西將軍印爲總兵官武定侯郭英爲副選精銳步騎於陝西甘肅以

備胡勅肅王拱曰古者兵出於農有寇則戰無事則耕春氣方和宜及時督軍屯種遇有征伐親率精兵與長興侯炳文進討置行太僕寺于山西北平陝西甘肅遼東以掌馬政詔郡縣貸預備倉於貧民陞翰林修撰張信爲侍讀編修戴彝爲侍講勉以唐陸贄崔羣李絳之徒雖在翰林皆當正言謹論以益時而聞後頒爲政要錄其書凡十三條載文武官屬體統及僉書案牘次第軍士月給廩餼與宿衛之禁屯田之政二月上謂羣臣曰民莫勞農朕一食一衣居常念之爾等當求所以佐朕裕民之道三月諭蜀王椿

名山藏

卷之四

典義記

五

曰制夷狄之道當賤其所有貴其所無秦蜀茶自碣門黎雅抵朶甘烏思藏五千餘里皆不可無前代重之非以專利也我國家權茶本資易馬今惟易紅纓等物蓋因邊吏不議私販出境茶爲夷賤夫使番夷坐收其利而馬入中國少豈所以制之哉其諭布政都司嚴禁焉因命曹國公景隆齎金牌勘合直抵西番與爲符契以絕奸欺申嚴私茶出邊禁上謂禮部臣曰今四夷諸番莫不臣服卽如烏思藏西天尼八刺國去中夏至遠亦三年一朝惟打煎爐長河西土魯未歸宜遣諭之四月勅晉燕二王修邊十事諭燕

王曰玉井天城皆西北要地非堅城深池莫守之山西軍已城玉井宜令北平軍城天城勅晉燕二王曰近占天象胡當寇邊朕度人事前秋山西塞外降胡逃歸嶺北數人居山西八年豈不以中國虛實謀之胡人其令都司行都司簡閱騎卒或三萬或二萬常兼步卒數萬每騎兵五百領以一將分爲五隊隊領一戰將五將咸聽一將之令步兵亦如之與騎夾攻我馬雖少步卒則多彼無步卒來可戰矣申禁人民毋出海與外國互市罷所在鐵冶上謂戶吏二部曰富民生長田里周知民事有恒產必有恒心豈無才

名山藏 卷之四 典談記 三七

人其稽名於籍朕將選用之議察私茶於川陝五月壬午朔日有食之大明律誥成詔行天下罷除卽位以來禁例榜文勅楚王楨曰近古州蠻作亂爾能此時卽率護衛軍馬往征豈不稱賢迺以都司奏兵不足請調屯軍爾護衛軍則置不用夫尊居王位安享富貴宮室衣服輿馬皆民之供不能禦其災患百姓必怨鬼神必怒福將薄矣若能奮威除殘山川鬼神將來助順亦可悠久勅至卽遣護衛精銳并統都司所屬軍馬期七月二十日進討以湘栢爲爾副庚申夜有星大如雞子尾赤有光自天厨入紫薇垣後有

二小星隨之至游氣中沒勅晉燕代遼寧谷六王曰驗之歷代天象若此者邊戍不寧雖非今應二三歲間灼有寇者胡馬計有千萬爾等所守地方不下六千里聚會爲難每處軍馬多者一二萬而已胡若南行馬勢必盛自非深機熟筭疇能制之吾老矣精力衰微籌慮多艱爾等藩屏朔土倘有失虞不但貽憂朕躬爾等安危亦繫吾今粗與爾謀或今歲或二三年歲大軍未會本護衛若都司行都司軍馬各守分地胡若入寇且無與戰或入壁壘或據險隘夾以步兵深伏待之彼見不戰必抄掠四出俟其驕驍隊伍息

名山藏 卷之四 典談記 三八

散邀截要道破之必矣若一見輒輕赴必且失利不可不審復勅晉燕二王曰今塞草豐茂山後地高夏無酷暑宜留心防禦上天垂象不可刻寧訓練士馬控弦備之天下講讀大誥師生來朝者十九萬三千四百餘人並賜鈔遣還六月諭刑部立政平訟理二藩所論囚引至奏當者行人持訟理藩傳論無罪者持政平藩傳釋之命五府六部都察院六科給事中通政司詹事府詳加審錄武臣犯罪則親決焉勅楚湘二王曰前命爾兄弟七月廿日以前進勦洞蠻今占天象太白七月三日伏兵未可行十月二十三當

夕見西方太白出高深入者勝用兵當知也指揮齊讓已歷蠻境卽遣語之令且嚴備太白出後併力討之生擒蠻人切毋輕殺兵非殃民所以安之勅晉燕二王曰知爾兄弟出開平數百里統軍深入古人論兵知己知彼若能知彼不能知己不勝無凶旣不知已又不知彼凶莫甚焉自遼東至甘肅東西六千餘里我可戰馬僅十萬京師河南山東雖云有馬猝戰難集苟事之急北平口外馬不過二萬而已胡人上馬動計十萬折衝塵戰雖古名將亦或難之所以我馬數必欲知已縱有步軍不可追北但可夾馬助

名山藏

卷之四

典讀記

手九

聲勢今爾等帥數千馬離開平三四百里無輕騎遠候駐曠塞中設胡兵數萬晝潛夜行隱柳藏荻猝然相遇何以制之卽欲縱擊疾馳奈軍士何夫吾馬數旣少全仰步軍止可常附城壘去城二三十里往來屯駐遠斥候謹烽燧設信砲若猝有急一時可知萬一不測便可固守待援今不深思熟慮提兵遠行其不遇敵則僥倖耳噫吾起寒微因天下亂不得已入行伍中不二年從者如雲猶且聽命諸雄又二年帥將士東渡建業秣馬厲兵以觀事變其時諸雄皆放恣無籍之徒元不能馭乃命中山開平總兵四征與

之並驅又不十數年乃殄滅之以有天下當並驅時張士誠稱王於姑蘇陳友定扼險於八閩方國珍擅命於甌越杜遵道劉太保僭亂於中原徐壽輝陳友諒相繼僭號於江漢元義兵李察罕輩奮起河洛劉太保莫能與敵梁地遂平察罕之兵徑入齊魯滅亂蘇毛氏之類渠帥雖能嬰城固守及與拒戰所在敗北察罕驕盈狂詐卒殞敵手其甥王保保帥兵一切作爲蹈勇之謀不能服衆以致部下聲言效忠朝廷請命加誅從是元內外爨生朕觀其機發兵討之兵渡江淮長驅齊魯席卷河南遂入潼關復遣大將蘇

名山藏

卷之四

典讀記

手

郭趨真定營通州元君棄城北歸晉冀關中相繼底平不三年而天下一統噫吾用兵一世指揮諸將未嘗敗北正欲養銳觀胡之變夫何諸將日請深入不免疲兵和林此蓋輕信無謀致傷生靈數萬所以爾兄弟提兵遠行吾甚慮之自古及今胡虜患中國久矣歷代守邊先謀爲急吾於北鄙尤加繫心爾聽吾訓能明事勢無少懈機雖未必勝亦不能患善勝敵者勝於無間慎哉慎哉駙馬都尉歐陽倫坐販私茶賜死七月上謂兵部臣曰守備邊將其初皆能戡禍定亂後乃罔嚴禦虜但逐財貨如甘肅西涼守將宋

晟莊德張文傑等多獲夷馬牧于塞上以所虜胡為奴待如親屬不思一旦變生不掠羣牧去耶其令自今毋奴胡人毋私鬻所畜馬欲用財則入馬官買之征討之日分給騎士損者償馬之直上諭羣臣曰人不能無過平心自知矣其心本公為事或繆此則局識致差若緣私而戾故為耳此君子小人之辨也然君子之過雖微必彰小人之過雖大弗形蓋君子直道而行小人巧於修飾人君不察品且莫辨又曰朕觀往昔議論於廷有忤主意必君子也其或順從必小人也忤而怒之順而悅之小人得幸君子斥矣人

名山藏

卷之四

典謨記 太祖四 三十一

主進退當取兼衆論焉申明學規教條頒示國子監生勅燕王曰用兵在明號令信賞罰少有姑息誤大計矣山海衛指揮佑故慢王令其何以齊三軍發往開平贖罪諸指揮千戶鬻所乘馬驟徒行其何以揚威武勅至即罪佑以徇繫送鬻馬驟者于京師八月勅曹國公李景隆曰天下久平兵事懈弛緩急寧濟特命爾佩征虜將軍印訓練河南兵法云用之在乎機顯之在乎權汝其慎哉都察院奏獄囚應死者上曰豈可無矜疑命羣臣審錄之合宥者成邊九月令天下民里置水鐸一選老者與瞽者月以六諭持鐸

狗道路曰孝順父母尊敬長上和睦鄉里教訓子孫各安生理毋作非為又令村置鼓農種時月晨而鼓之鼓鳴衆集及時力種里老人督責其怠惰者惰而不督里老人則罰婚姻死喪隨力相資以成仁俗十月詔曰邇年郡縣租賦因官吏不能宣布條章民愈窮困今勅戶部許收絹布金銀等物准民逋租隨土所便十一月上見散騎舍人衣殊鮮麗召問製用幾何曰五百貫責之曰農夫力耕而不息蠶婦寸織而不得勞甚矣登場下機公私逋索不能有之汝生長膏梁純綺選不知農桑之艱艱夫是衣也數口之家

名山藏

卷之四

典謨記 太祖四 三十一

一歲資也癸亥月食十二月上時不豫勅廷臣曰昔有元世治何期至正之君怠民慢神天假羣雄倡亂兵興朕潛草野不得已而從戎恐見吞併自相磨滅如此者十有七年西定荆楚東平吳越北有華夏為衆推戴得有天下三十年于茲朕壽亦七十矣自非皇天眷命得久若是古語云天不與首亂者朕無心天下而心救民殆天命之乎比失調受疾卿等頻仍問安禮也堯舜禹湯文武之世臯夔稷契伊周為臣一志匡主朕以示卿卿等竭忠修職副朕至懷三十一年三月晉王桐薨四月罷回回欽天監勅燕

王曰寒烽數警虜詐也欲誘我出縱伏邀之其令毋
近烽處卽望遠亦須去三十許里此秋或有虜騎南
行不寇大寧卽襲開平度其人馬不下數萬可調都
指揮莊德張文傑於西涼召劉眞宋晟二都督於開
平召武定侯郭英等於遼東會兵一處悉出遼王及
北平山西都司護衛軍馬以步軍十五萬布陣而待
令英眞晟翼左德文傑翼右爾與代遼寧谷五王居
中彼此相護首精而外銳已丑上享太廟畢顧立廟
門召太常寺臣指桐樟諸樹曰往年種此不覺成林
鳳陽陵樹當亦似此因感愴泣下既曰昔太廟始成
名山藏 卷之四 典謨記 太祖四 三

并護衛各衛所步軍城壕之外餘皆選鋒隨往一切
號令悉聽節制于燕王勅燕王曰周天下治矣周公
猶告成王曰詰爾戎兵海內今雖無事天象示戒可
不防胡朕諸子汝獨才智秦晉已覺繫汝爲長攘外
安內非汝其誰已命楊文郭英兼總諸軍聽爾節制
爾其統率諸王相機度勢防邊又民以答天心以副
吾意閏五月乙酉上崩于西宮上素少疾及疾作臨
朝決事如平時漸劇焚香祝天曰壽年久近國祚短
長子孫賢否簡在帝心爲生民福特持符召燕王建
文用事者矯詔却還之淮安疾劇上問第四子來未
名山藏 卷之四 典謨記 太祖四 三

遷主就室朕退休夢皇考呼曰西南有警覺出視朝
果得邊報祖考昭臨時時在上爾等加敬中使且暮
灑掃省視以時毋有不虔恭勅左都督楊文曰兵法
有言二心不可以事上疑志不可以應敵北平中國
門戶朕子燕王在焉以爾爲總兵參贊之燕王往開
平隄備爾以北平都司行都司并燕谷寧三府護衛
選練精銳馬步軍士隨往王有號令爾奉行之大小
官軍聽爾節制慎無疑志而有二心勅武定侯郭英
曰胡遁久矣萌孽未殄不可不防命爾總兵劉眞宋
晟爲副爾啓遼王至開平迤北擇險屯駐遼東都司

聞雨降喜形于色遂崩壽七十一遣命喪葬儀物一
從儉樸母金玉孝陵山川因其故諸王臨國中毋奔
喪京師天下臣民臨三日皆釋服毋妨嫁娶辛卯葬
孝陵永樂元年上尊諡聖神文武欽明啓運俊德成
功統天大孝高皇帝廟號太祖嘉靖十七年加上尊
諡開天行道肇紀立極大聖至神仁文義武俊德成
功高皇帝

臣喬遠曰仲尼聖湯武豈不以抹民哉至其慙德不
逮漢高高帝所繇起與漢高同抑不似其爲秦亭長
至神武謨竿文學之長不啻過之若夫兢兢業業不

名山藏卷之五

臣何喬遠恭

典謨記

建文君者懿文皇太子次子而高皇帝孫也懿文太子先高帝薨高帝崩君以太孫嗣紀年建文畏諸王強大用齊秦黃子澄計誅鋤之諸王皆恐燕王曰奸臣害我乃以叔父興師誅秦子澄師名靖內難四年靖難師入都君闔宮自焚臣民推燕王為皇帝擯君年紀不用以未改元之年屬之洪武令稱建文君也君名允炆生而偏頗高帝弗喜成童聰穎能詩使賦

名山藏

卷之五

典謨記

一

新月曰庶其免乎初懿文太子仁柔亡武君亦文弱好詩書不任法律太子薨高帝屬心燕王以學士劉三吾言乃立君為太孫使預政太孫時時尚寬大中外有欣欣之心高帝末年其諸子存而壯者成祖若周王橚皆與太子同出高皇后胡妃子楚王橚達妃子齊王橚郭妃子蜀王椿代王桂谷王穗胡妃子湘王柏郜妃子肅王模韓妃子遼王植余妃子慶王櫛楊妃子寧王權周妃子岷王榘始高帝王諸子多國邊陲以為陞固今置三護衛其王中原者亦皆有土大方太孫既立諸王以兄子易之太孫以為憂嘗謂

其傳黃子澄曰諸王皆尊屬樞重兵即陛下千秋萬

歲後曷制之黃子澄曰諸王雖有三護衛僅足自固

明兵滿天下其孰能當太孫曰善高帝大漸以齊秦

為兵部尚書受遺詔洪武三十一年閏五月辛卯太

孫即皇帝位以其明年為建文元年大赦天下其日

葬太祖高皇帝孝陵止諸王會葬是月也以兵部尚

書齊秦太常寺卿黃子澄參軍務七月召漢中府教

授方孝孺為翰林院侍講賜禮部右侍郎董倫孫凡

王鳩董倫字安常宛平人為儒士處山林間服雨

多忠厚之言太祖聞而善之趙遷左周王子有燭告

春坊大學士太子亮出為河南參議

名山藏

卷之五

典謨記

二

其父橚反使曹國公景隆執王及世子京師詔諸王議其罪燕王為周王請寬君語秦子澄莫若且止秦子澄出補諸縣官婦人之仁耳乃廢周王為庶人徒蒙化置世于歸安十二月朔官牲郊壇詔求直言舉山林巖穴有德之士齊府人告變召齊王還京君晏朝監察御史尹昂隆諫君曰朕過也示昌隆諫書天下與天下明知朕不德釋所在諫徒還鄉元年正月將有變於南郊奉太祖高皇帝配戊寅御奉天殿誓百官之齊於文華已卯合皇邸庚辰子夜脫鳥行禮奉喪還朝受賀詔奉老賜高年米絮帛有差命官贖

民粥子減田租告即位于天下神祇勅修太祖實錄
徵處士楊士奇二月諡太祖高皇帝孝慈皇后高皇
后追尊皇考為孝康皇帝廟號興宗皇妣懿敬皇太
子妃為孝康皇后冊妃馬氏為皇后封弟允熲吳王
允禔衛王允禎徐王立皇子文奎為太子詔曰祖宗
廟諡稱號所以褒顯功德薦之天下後世不宜諱自
今諱廟諱廟諡稱號勿諱山林巖穴有才德廉能之
士有司以實聞軍民年八十以上亡男女者賜一石
米十斤肉二斗酒九十者加一帛一斤綿犯杖以上
及嘗為諫優者不與鰥寡孤獨貧無告者歲給米三

名山藏 卷之五 典謨記 三

石親戚養之無親戚者里隣相收卹田荒不可治者
除其賦義夫節婦孝子順孫及同居五世以上者有
司以聞不能嫁娶喪葬者部伍隣族相資助民罹災
者速賑濟軍中孤兒廢疾無養及老有代者一體撫
綏還鄉自便者聽前代兵後骸骨春時揜埋毋令其
露衛所軍戶絕者除勿勾是時齊泰黃子澄言自今
親王有罪者請輒除其國諸藩猜望甚而君日與孝
孺輩稽古用周官變更高帝制定品官階勳正一品
更特進資政上卿從一品更資政卿其餘各為大夫
士有差正一品以六部尚書處之尚書以下增左右

侍中各一人位侍郎上省戶刑二部司為四戶部民
司度支司金帛司倉庾司刑部祥憲司比議司職門
司都官司罷稱司為清吏罷左右都御史設都御史
一人副僉都御史各一人更通政司曰寺使曰通政
卿通政參議曰少卿寺丞增置左右補缺左右拾遺
各一人更置大理寺曰司卿曰大理卿左右寺正曰
都評事副曰副都評事司務曰都典簿更太常寺卿
曰太常卿少卿寺丞分左右更天壇祠祭署曰南郊
祠祭署泗州祠祭署曰泗濱祠祭署宿州祠祭署曰
新豐祠祭署更光祿寺卿曰光祿卿少卿寺丞分左

名山藏 卷之五 典謨記 四

右陞少卿秩從四品省署丞二人更太僕寺卿曰太
僕卿增少卿寺丞各一人增典廩典牧二署署隸二
羣曰驛騾十五羣曰遂生三羣更鴻臚寺卿曰鴻臚
卿少卿寺丞分左右增翰林院承旨一人學士一人
省侍講侍讀學士置文翰文史二館除六科左右給
事中除左右布政使設布政一人更按察司曰肅政
按察司增親王官賓輔二人秩三品伴講伴讀伴書
各一人郡王賓友二人教授一人見王郡王坐禮焉
如賓師贊謁名不臣是月也燕王與其世子諸子來
朝行皇道登陛不拜監察御史會鳳韶戶部侍郎卓

敬上劾不報三月丁亥帝祀先師聽講太學賞師生
幣鈔有差命戶部右侍郎夏原吉等二十四人充樞
訪使行天下問民疾苦與廉黜貪得便宜行事是月
燕王還國燕世子及諸子高煦高繼留京師北平按
察使李湯宗告按察使陳瑛密受燕府金錢詞連右
御史使臣按察副使連捷繫詔獄譴削有差燕王
議衛百戶倪諒上變連府中官旗諒鐸等皆逮訊伏
誅救都督宋忠調邊軍三萬屯開平悉選燕護衛隸
其戢下召燕胡騎指揮童等還京調北平永清二衛
軍於都總順德以都督徐凱統兵歸清都督耿獻纘

名山藏 卷之五 五

兵山海關皆以備燕四月齊王告變事連湘王柏君
使讓之湘王怒焚宮赴火死遂廢齊王為庶人幽之
誅其護衛指揮真等亡何代王桂岷王棟皆得罪復
竝廢為庶人竝幽之諸王既多得罪燕王最長名最
盛亦被詰讓齊泰黃子澄與魏國公徐輝祖等日夜
謀防燕矣君因以工部侍郎張昂為北平布政使謝
賢為北平都指揮監燕燕王佯狂為溼舌稱病甚燕
指揮盧振長史葛誠常告燕陰事於昂昂貴貴人問
燕王病王重裘擁爐見之猶顛因上表臣久病無侍
子請遣臣子之留京師者齊泰曰盍收焉黃子澄曰

不可疑而備之殆也乃皆遣歸居頃之燕王使其百
戶庸詣闕奏事齊泰請執訊之庸誣服因飛符昂貴
令與都指揮張信密擒王官較昂貴等約盧振葛誠
居內都督宋忠居外舉事有日張信以為憂信母疑
而問之驚語曰不可不聞而父之言乎王氣在燕分
燕王當有天下六月昂貴圍王城柵端禮門殺王卒
矢入於城中未幾詔削燕王爵密勅昂貴等收王張
信請見王三不可乃乘輜輶入王見其白身來許之
信入拜牀下王為瘖信曰殿下猶不誠語無意乎上擒王矣當
搖首指腹信曰殿下猶不誠語無意乎上擒王矣當

名山藏 卷之五 六

就執如有意請告臣也王下拜曰一家之命皆在子
矣七月壬申王稱疾愈出會宮僚盡如中朝所坐官
較縛置庭中召昂貴曰罪人得矣則取去昂貴至門
者內之呵止其從人王杖見昂貴會進瓜王食瓜怒
且罵曰今編戶齊民兄弟宗族尚相恤身為天子令
親屬叔父旦夕莫必其命懸官待我如此天下何事
不可為乎因擲瓜於地護衛軍皆怒前擒昂貴梓盧
振葛誠等下殿王投其杖曰我何病迫於若奸臣耳
我何病遂曳斬昂貴等夜攻下九門北平指揮俞瑄
走居庸馬宣走薊宋忠自開平率兵至居庸聞事敗

退保於懷來留瑱守之燕王上書曰臣聞書曰不見
是圖又曰親遠惟明今事幾甚苦陛下畧不垂察臣
竊感之當元之末生民塗炭羣雄角逐皇考太祖皇
帝披瀝冒露東征西伐赴矢石被創痍艱難百戰然
後定天下封建諸子鞏固宗社為磐石之安不幸實
天降下嗣登大寶奸臣齊秦黃子澄輩包藏禍心為
謀以誤陛下楠樛柏桂梗五弟雖有縣愆未聞不軌
重可裁減護衛輕可賜勅誠屬乃動見削奪轉徙流
離行道嗟歎柏尤可傷不得長死今尚未厭又以加
臣臣守藩二十餘年事君之誠明于皎日奸臣跋扈

名曰藏

卷之五

雜錄五

七

蔽明害公執臣奏事之人筆榜棘藜迫其告變分布
宋忠張昺謝貴於內外圍守臣府臣之一家如臨湯
火已而貴昺為護衛所執始知其出奸臣之謀臣聞
伐大樹者必先剪旁枝危君室者必先除公族朝廷
孤立社稷危矣不待明者而後見也高帝祖訓曰凡
新天子即位朝無正臣內有奸惡則親王訓兵待命
天子密詔入誅之臣謹領鎮兵俯伏待命以遵皇祖
之訓惟陛下念之周廣同姓綿祚八百一人孤獨二
世而亡明鑒斯在詩曰价人維藩大師維垣大邦維
屏大宗維翰懷德維寧宗子維城無俾城壞無獨斯

畏易曰大君有命開國承家小人勿用惟陛下念之
書上不報丁丑燕王大諭將吏起兵靖難次通指揮
勝等以通降王使其將指揮能等攻薊指揮安等攻
居庸皆拔之生擒馬宣僉瑄走依宋忠於懷來王與
其將馬雲徐祥攻之宋忠佯言怒其將士曰公等父
兄家北平燕盡殺之矣速報仇諸軍或疑或怒燕王
使其前鋒用家幟先登城中子弟望見幟皆喜無關
心忠敗奔入城急匿廟燕軍捕出之并獲瑄兵勢大
振於是山後諸州皆不守而開平龍門上谷雲中守
將往往降附矣谷王棟震驚率眷屬奔于京師是時

名曰藏

卷之五

雜錄五

八

遵化密雲永平指揮皆以城降都督劉貞陳亨都指
揮卜萬引大寧兵出松亭關以攻遵化萬智而勇貞
巽而懦而亨有二心於燕王獲二卒遣之為書置一
卒衣中多予之金使獻書於萬若與通者而其一卒
無所賞卒志歸許於貞貞搜卒書執萬以聞君籍萬
家下之獄是月也告天地宗廟社稷削燕屬籍詔天
下以長興侯耿炳文為征虜大將軍駙馬都尉李堅
都督竇忠為左右副將軍帥師三十六萬北進安陸
侯吳傑江陰侯吳高都督指揮戚庸潘忠楊松鎮成
徐訖李文陳暉平安等益出偏師佐炳文置平燕布

政司于真定刑部尚書恭昭掌之八月炳文師至真定徐凱次河間潘忠楊松守鄴忠松使其先鋒九千餘人屯雄燕王屯樓桑脯食士度白溝夜圍雄雉人登障罵北軍連明燕綠雄屠之忠松來援燕將譚淵領兵千餘過橋蒙荻伏水中使勇士要戰於路隅伏出水據橋二將無所退保皆被擒燕王遂自將百餘騎趨鄴盡降南軍還軍白溝自引精騎直趨真定西門下破其二營炳文覺起門橋橋糾斷於北軍乃出戰王以奇兵擊炳文背炳文奔北入城卒關門不得入自相斷乃入燕騎士祿刺騎馬墜馬獲之甯忠

名山藏

卷之五

真漢記

九

手足尊陛下叔父也太祖遺體則不可使賤親之手足則不可使缺陛下叔父則不可使絕也高皇帝孝康皇帝為天子子與弟以為戮在天之靈安乎臣念至此未嘗不流涕也夫亡唇寒齒舐糠及米言者曰二叔流言周末嘗不誅也六國反叛漢未嘗不削也遂使周王播遷父子流離於是齊王廢湘王焚代王遣岷王又見告矣諸王自為計必曰兵不舉禍必結是陛下激之也燕王舉事兩月矣前後調兵不下五十餘萬有一矢之獲乎經營已久軍輿輒乏將士挺敗徒令中原赤子困於輸戰九重之憂方深帷幄之計爾爾曰言一日語曰親者謂之不斷疎者續之不堅臣恐陛下不察不待十年必有噬臍之憂伏惟興滅繼絕釋齊代岷之囚封湘王之墓還周王京師迎楚蜀為周公俾各命世子持書勸燕罷兵守藩以慰宗廟之靈明詔天下撥亂反正篤厚親親宗社幸甚不聽前斷事高魏請得自使燕說燕王君使參贊景隆軍九月景隆至德州收炳文敗卒得五十萬進營河間江陰侯吳高都督耿璠楊文以遼東兵圍燕永平燕王出師援永平而誠世子居守曰景隆來堅守毋戰也燕王猝至永平吳高不及軍退保於山海十

月燕王將出師南向慮寧王躡其後乃自永平北攻大寧時劉貞陳亨悉兵守松亭關燕王徑道卷旆登山從後攻度關至大寧城西門崩剋之獲都指揮房寬殺十萬於獄而都指揮朱鑑戰死貞等引軍還援燕王已入城平定其衆與寧王置酒高會陳亨竟夜襲破劉貞營率其衆降燕王居大寧數日欲得胡會兀良哈等助戰陰令帳下士說之與俱西諸胡會長皆喜王班師寧王餞之郊兀良哈之會擁寧王入關寧王三護衛軍皆歸於燕燕王置寧王軍中分謀諸胡若護衛爲五軍使諸將張玉朱能等將之而勢

名山藏 卷之五 革除五 十一

遂感景隆聞燕之攻大寧也自河間移軍薄燕壘其九門別遣將攻通自營鄭壩待王南軍攻麗正門急燕盡出婦女乘城轉蘭石都督瞿能與其二子帥騎千餘戰入張掖門景隆密止之退十五里而軍燕世子令夜汲水澆城水隔於壩南軍無復能登者而景隆所遣別將亦敗於通十一月燕王自大寧還景隆軍鄭壩陣而待王白迷之西白迷之河流王心禱曰河水則天相燕也其日雪河水燕王盡以其師度南將陳暉追躡之王還擊暉暉敗跳水遁水乃皆解王連破南軍七營與景隆戰于及西景隆大敗燕斬南

軍十餘萬降如之都督火真焚做羈以煖燕王鎧者趨焉楯人呵之燕王曰止是皆壯士其夜景隆遁德州燕王還攻南軍之圍九門者破其四營遂入北平是時君論岷王罪流之漳州誅其府典膳世英等燕王既還北平復上書白心傳檄天下檄曰惟父皇太祖高皇帝一統華夷爲生民主天下底定立長子爲皇太子餘子無嫡庶皆裂土封王爲子孫不拔之計豈期數年以來太子薨逝秦晉二王繼卒父皇念太子早世立其次子爲太孫不幸父皇賓天太孫卽位我諸王表奏稱賀頓首頓首百拜萬死謹言不敢居

名山藏 卷之五 革除五 十二

叔父冲年信惑邪蠱任用貪墨猾吏爲左班文臣盡屏棄典刑殘害骨肉穢德感怒于皇天京師地震山川山崩水溢火焚其土庫二月霹靂大風雨發屋拔木蝗蟲生隴畝占書曰地德至靜不宜動搖若主弱臣強則必震動臣下擅權則土不寧變怪生焉陽伏不能出陰出不能入陰陽相激地必震動動於宗廟宮殿者人君失信國無忠臣誅伐不以禮上下不相親也山崩水溢者五行失序也此公輔之象賢人退小人進則山崩山無故自崩國易政人主失位民流散也天火焚土庫者賞罰不明也燒宮室者君不思

道厥妖火燒宮也霹靂大風雨發屋拔木者讒言殺
正士也蝗蟲生隴畝者邪臣在位則蟲食苗葉君用
才不當臣不任職則蟲食苗莖佞臣在朝則蟲食田
苗任用奸賊則蟲食苗根也天戒甚明猶不恐懼此
皆齊尚書黃太卿左班文職佞君殃民專事滅親以
致於此患也父皇不豫勅召我奸臣齊尚書匿之及
大漸數數問第四子來未至涉遐又不即計我諸子
至今不知父皇得何病嘗何藥濱於大故禮三日而
斂冀復生也父皇亥時崩寅時斂不知何此速也禮
天子七月而葬父皇停棺不中殿七日葬不知何此
速也宮車宴駕遺詔一月始至是我親王與庶民同
也宮車未葬壞宮掘地五尺改移之不知父皇何過
也齊尚書奏曰凡朝几筵揖不拜小祥節祭帝不用
親行衆王遣奠京師囚繫其使者鍛鍊令誣王何禮
也高皇帝祖訓曰日月閱士或十過或七八過或五
六過王朝從行文武官吏馬步騎軍亡筭旗幟甲仗
皆上鮮明以壯臣民之觀洪武二十五年春父皇名
諸王入官親受勅王歲訓將練兵周視封疆作軍器
必精良勅尾記洪武年月日帝御奉天門口占翰林
院修撰練子寧許觀編修吳言信三員執筆書孫允

名山藏

卷之五

典謨記

五

五

攷親目之曰使奸邪不得口舌惑聽太祖皇帝令守
藩諸子歲振伍繕士豈導之他不利哉褒廣輔拂防
虜過邊今帝業萬世也奸臣齊尚書黃太卿左班文
臣不遵祖勅恣行奸宄誣陷親王以流言破滅周王
父子異竄未旋踵而罪代王出其奸娥皆配於軍譙
讓湘王賜之楮死齊王亡罪儻在囚拘私持金帛啗
岷王之人趣為飲章以禦魍魅嗚呼齊尚書黃太卿
奸臣小人昔事父皇幸追天誅備於左班恣奸用謀
殺我父皇子孫我父皇能復幾子更須幾歲月不盡
於虔劉齊尚書等又使惡少年貴曷監燕誘我長史
誠圖我蕭牆截我端禮行門殺我城卒使我坐食不
安我飲泣如弗聞上秋之旬約來攻我我懼要領之
不沒我護衛之士同心為我擒逆都指揮忠等又領
兵二萬三千次於懷來約來攻我我懼要領之不沒
我精騎八千同心助戰大敗忠軍獲馬六千生擒三
將降其餘黨奸臣又行矯詔俾長興侯炳文等領軍
三十萬次雄真定約來攻我我懼要領之不沒我軍
士同心迎敵遂以八月中旬破雄斬首九千餘級獲
馬三千生擒都督忠指揮松居九日大破炳文真定
斬首五萬獲馬五萬二千餘匹生擒左副大將軍駙

名山藏

卷之五

典謨記

五

五

馬堅右副大將軍忠左軍都督成都指揮遂餘將悉
下歸之於故伍江陰侯高都督璫都督文領軍遼左
入自永平約來攻我我懼要領之不沒我騎士三萬
九千同心并行高等開風夜遁追斬首級千餘於百
里之外我臨大寧諡以太祖皇帝善恩房寬歸命鑑
萬授首我精騎三萬襲破都督貞都督亨於松亭大
寧以平奸臣又行矯詔使曹國公景隆領兵五十餘
萬入逼北平攻我我懼要領之不沒我士同心以寡
敵衆戰敗景隆斬首一十五萬九千餘級餘衆悉下
歸之於故伍景隆夜遁去余無孫吳之畧然所向克

名山藏 卷之五 典謨記 五

捷者天地祖宗鑒予忠孝本心憐而佑之也昔靖江
王守謙其父文正身多愆違王復不改父皇篤念懿
親尚行爵出祿與同享之周齊湘代岷五王合氣同
天風聞無實齊尚書等助君為虐必欲盡劉之心將
圖天下也余太祖高皇帝孝慈高皇后親子皇太子
親弟而象王親兄禮曰父讐不共天兄弟讐不反兵
奸臣齊尚書黃太卿實讎余父讎余兄弟余用帥領
精兵三十萬誅討余父兄弟讎天下臣吏尚追念高
皇帝同心戮力共行擒捕獻俘于玄祖使我父皇子
孫基業以萬世十二月燕王間江陰侯吳高於朝前

高爵安置廣西燕王出師攻大同至廣昌降其將勝
薊州鎮撫會璠起兵攻北平死之衛官張倫等盟兩
衛軍勤王是月也從軍中加李景隆太師賜璽書專
征之鈇鉞使者失船璽書鈇鉞皆沉於江以如常為
兵部尚書罷齊泰黃子澄報燕建省躬殿藏古經聖
訓使方孝孺銘遷肅王檇蘭州法司奏今歲論囚減
往十之二使者還自西方得雪山青玉二年正月燕
王攻蔚降之轉攻大同李景隆出援紫荆關王從居
庸還甲子詔曰頃以庶獄煩興易御史臺曰都察院
分章刑部宗廟神靈民服于乎爭訟煩簡其視漢制

名山藏 卷之五 典謨記 其

更都察院為御史府御史員可省至二十八人糾會
殘舉循良匡政事宜助教化務忠厚以底治平三月
戊辰賜御史衣移御史府便朝謁四月燕王出師南
向癸丑李景隆自德州進河間郭英平安吳傑自真
定進保定合軍六十萬期於白溝燕王自固安度拒
馬河營蘇家橋兩甚王坐胡牀侍且兵端有火光金
鐵弓弦皆鳴已未燕王視天出軍有五色雀飛駐旗
竿之首遂率軍循河西北行平安與翟能出伏要戰
北軍皆却王自焚擊其後敗言軍及白溝景隆與燕
王遇自暮至暝兩軍從火光中苦戰收軍燕王迷所

壁處下馬視河流乃辨方從王者三騎庚申燕復渡河瞿能與其子擣房寬陣平安翼之擒斬北軍數百人燕將丘福以萬騎衝南軍殊堅王以精騎突入南軍左掖南軍復繞出王後連戰百餘合南軍矢如雨燕王馬三創三易王射矢盡三橐提劍左右擊劍缺瞿能迫馬阻於重堤王馳逆之伴提鞭後招能軍疑乃稍已不前平安創陳亨劍及徐忠兩指忠自斷擲之暴豔而戰高煦帥精騎數千與王合彼此相扼至日中瞿能大呼滅燕入北軍斬其數百騎越雋侯俞通淵指揮勝聚亦前會旋風起折大將之旋南軍相

名山藏

卷之五

真漢記

七

視而動燕王乃與高煦乘南軍乃斬能父子於陣平安與朱能戰乃亦不利通淵聚亦沒於陣中景隆軍大潰喪師殆三十萬人還奔德五月拔其衆奔濟南燕王入德德降使將旭守之追擊景隆濟南城下大敗之遂圍濟南堤水灌城參政鐵鉉令軍中詐降燕迎燕王入約其壯士懸鎖捷伏城上圍則使守陣之卒晝夜哭曰濟南魚矣亡無日矣乃撤守具出居民伏地請曰奸臣不忠使大王冒霜露為社稷憂誰非高皇帝子誰非高皇帝民臣其降也然東海之民不習見兵六軍壓境不識大王安云下子元元之意或

謂聚而殲之請大王退師十里單騎入城臣等具壺漿而迎大王燕王大喜如濟南民言馬過城下城下呼千歲聲聞於闔楨及王馬首王驚改馬而馳濟南人挽梁梁則堅燕王竟從梁馳去復圍濟南城六月增改詹事府增少卿寺丞各一人賓客二人增置資德院設資德一人資善二人其屬贊讀贊書著作郎各一人掌籍典簿各一人增司業各二人省博士學正學錄增助教十七人是月也以李景隆屢敗遣尚寶司丞李得成構燕燕王泣曰吾兩上書矣而不見報親王下天子一等吾何求哉直自抹耳得成不得

名山藏

卷之五

真漢記

八

書遣口報君怒其辱命囚之已乃釋召景隆還以左都督庶庸為平燕將軍右都督陳暉平安為左右副將軍馬溥徐真為左右參將帥師征燕平安出兵二十萬奪北軍之餉於單橋遺沒者五千渡河與庶庸合攻德燕將旭遁歸復有德諸縣八月燕聞德破引濟南之師還是月也承天門災詔求直言九月重成馬改曰臯門遂改午門曰端門端門曰應門前門曰路門改謹身殿曰正心殿置學士一人罷華蓋殿文華殿武英殿文淵閣大學士各設學士一人改侍讀學士為文學博士以方孝孺充之十月論守濟南

功權鐵鉉山東布政使進兵部尚書封感庸歷城侯
 李景隆還黃子澄曰景隆觀望喪師當誅御史大夫
 練子寧執而數之朝以哭請卒不問景隆闕機以應
 燕故其戰不善也平安次定州與燕將陳亨戰華山
 斬之徐凱陶銘次滄感庸次德燕王下令曰攻遼東
 至通令士皆循河南北軍疑曰征東何南也燕王曰
 夜有白氣二道自東北指西南占書曰利南乃自直
 沽疾行三百里至滄城下掩擊之凱銘皆降燕渡
 河南至德王殿軍感庸規之堅壁待師過襲之燕王
 還擊殺百餘人遂自臨清移軍館陶取糧焚舟至冠
 名山藏 卷之五 典談記 革除五 六
 向東平山西戍卒羅義扣燕投書請罷兵復詣闕上
 奏天子當篤親親厚諸父已北征之役君不悅下之
 獄而詔曰得燕王者毋傷也使朕有殺叔父名十二
 月感庸營東昌先鋒霖以軍五千營滑口燕王使其
 將朱榮劉江襲破霖遂至東昌已卯感庸推牛享士
 背城而陣前其火器精兵燕王突入其左翼旁空北
 軍鼓譟繼之感庸盡乘以火器北軍大亂庸與平安
 麾旗大戰斬燕將張玉圍王數匝燕將朱能朱長率
 胡騎從東北角奮擊南軍南軍萃東北燕王從西南
 遜去閒道還北平三年正月辛酉疑命神寶成君親

定其文曰天命明德表正萬邦 一執中 昌
 初君為太孫夢帝致寶焉既即位得青玉雪山二年
 齋郊宮夕夢若有寤乃命玉人琢為大璽至是以告
 天地宗廟下詔百官稱賀大宴奉天門賞四夷朝使
 辛未大祀南郊明日行慶成禮令羣臣賦詩頌天下
 歷城侯庸來獻東昌捷丁丑告郊廟召齊泰黃子澄
 還燕王歸而為無遮之會以薦亡士王莅會大哭解
 袍焚之曰雖其一絲以識余心乃復募士南向三月
 感庸以兵二十萬出德吳傑平安出真定自單橋進
 營夾河燕王亦從保定緣滹沱去感庸四十里而舍
 名山藏 卷之五 典談記 革除五 七
 以數騎規庸軍庸覺追之王射殪其一人又追又殪
 之及戰庸軍蔽盾自堅北軍投以木積積貫丁寧有
 旋鈞焉南軍盾胥於鈞皆棄之北軍乘之都指揮莊
 得殺燕大將譚淵及其部將數人死之楚智亦死之
 張皂旗亦死之張皂旗者常以皂旗先登北軍畏焉
 呼曰皂旗張及死猶手其皂旗壬午感庸軍西南燕
 王軍東北又戰自辰及未破坐地息起復戰忽東北
 風起北軍乘風橫擊南軍昏不辨死者十萬餘人燕
 王追奔至滹沱感庸復還德戰之夕也燕王迫南軍
 而次晨鳴角穿營徐去無敢犯者以詔毋使有殺叔

父名也是月也逐齊泰黃子澄籍其家吳傑引兵至
聞庸敗乃復還真定閏三月自真定出藁城已亥大
戰矢集王旗如蝟平安登陣譙望戰見其軍勝鼓之
燕王趨之平安下譙而遁會大風起發屋拔樹南軍
死者六萬餘人燕狗順德廣平大名君使告燕王曰
齊泰黃子澄賊臣無功雖皇帝亦惡之已竄逐籍其
家皇帝所以爲燕王足矣可罷兵燕王上書曰臣聞
虞舜首去四凶殷湯改過不吝帝王之盛美萬世所
師法也臣奉藩二紀不敢違越奸臣齊泰黃子澄懷
莽操之逆圖志傾宗社造滔天之孽窮藩輔之親屢

名山藏

卷之五

庚辰五

主

削諸王次及於臣欲陷臣家竝寘死地臣瀝懇號天
天聽甚高古云大杖則走陛下所以杖臣大矣以兵
自防非臣得已上賴天地宗廟鑒臣衷誠憫臣非辜
大軍見臨輒自摧切臣不敢爲喜輒用傷悼誠念皆
皇考之民橫被奸臣驅之白刃彼實何辜是以夙夜
控籲天地祖考之靈冀開聖明助震威斷比聞二奸
皆已竄逐臣之一家鼓舞更生臣下令三軍將士天
其悔禍可以釋憾三軍將士且恐且喜合慮同詞前
告于臣二奸雖逐大兵未退名爲格佞實用弛謀亦
人事之或然者也臣恐陛下未推豚魚之尚惑焚

棘之聽此非獨撤其藩籬抑將傾夫堂室莽操之事
前鑒甚明惟陛下力斷行之書至文學博士方孝孺
侍中黃觀曰燕終不罷兵矣暑雨方沴燕軍久駐大
名不戰自困永北二平燕王根本地若密調軍士爲
攻擾之計陽示報書往復閒度二三月號令既集燕
且歸援我大軍可躡其後矣君曰善乃使大理寺少
卿薛嵩往赦燕王罪薛嵩至燕軍中曰皇帝使臣啓
大王釋甲還燕南謁孝陵朝至暮收軍矣燕王曰噫
是不可給三尺兒而指諸將曰有丈夫者矣因連營
列隊馳射觀之遣之還而語之情嵩還報君曰誠如

名山藏

卷之五

庚辰五

主

卿言曲乃在我五月燕軍餉大名吳傑處庸平安扼
其道燕王使指揮勝入奏日有詔解兵傑等復倍先
發也君亦悔曰燕王朕叔父奈何須兵哉方孝孺對
曰兵戢難張也燕不罷兵長驅犯關胡以禦之君乃
下勝獄召齊泰黃子澄還治兵如故六月燕將李遠
領騎兵五千人衣裝如南軍入沛大焚漕船河沸魚
鱉皆浮死七月燕襲敗彰德軍破瓦尖寨平安自真
定向北平王使劉江還戰殺南軍數千初燕世子與
其季弟高燧居守王次子高煦從軍高煦高燧弗恭
於世子燕闈人儼亦數相與短世子燕王孝孺曰師

老矣漕道又絕臣聞燕父子兄弟可間也間世子燕王必疑疑必歸北平燕不得爭中原而我師通漕襲其後此一策矣因為君具道世子可間狀乃使人函世子書書至世子弗發封致燕王軍中高燧果令嚴馳見高煦其短世子語未既世子之函書來燕王驚曰幾殺吾子壬寅大同將房昭引兵入紫荆徇下保定諸邑塞西水王旋師歸援八月燕王渡滹沱次完國西水使別將榮圍定與南將花英鄭琦戰峨嶺山下大敗南軍竟破西水還十一月遼東將楊文圍燕將亮承平燕使劉江抹之南軍敗於昌黎是月也皇

名山藏

卷之五

典讀記

三三

少子文彥生十二月太祖高皇帝實錄成燕王復出師南向使駙馬都尉梅殷守淮安左右府都督僉事徐真馬溥率偏師北出以禦之四年正月召周王蒙化居之京邸命魏國公徐輝祖領京衛軍援山東燕王使其將李遠朱能規南軍德州將葛進遇李遠於藁城指揮賈榮遇朱能於衡水皆戰敗燕王軍繇館陶渡河至東阿拔之遂趨拔東平汶上降沛沛知縣顏伯瑋與主簿子清典史謙死焉晦北軍至徐徐堅壁不出燕王使軍慝之二日徐人怒渡河追北軍燕王馳斷其歸徑皆潰進攻宿平安躡之以精騎四萬

燕王伏二萬騎於泚待之燕將白義王真劉江與平安戰佯却引之入泚伏起平安轉戰圍王真數重創之十餘創真自刎馬上平安遇王於北阪賊幾及王馬驚胡將火耳灰之銳亦距王十步之內燕胡將信射蹄火耳灰馬乃擒焉戰之夕燕王夢厄於平安有白馬將自西馳斷安馬足問焉對曰臣幸之神也四月北軍斷徐餉道轉攻蕭至小河燕將陳文橋河衝守之都督總兵何福引兵循河而東遇燕王騎斬文奪所守橋燕將張武突出林間與王合乃擊却南軍南軍據橋南北軍據橋北相持累日魏國公輝祖來援陣齊着山下與燕大戰自午至酉兩軍相當輝祖斬燕將斌等十餘人還營營於是南軍再捷北軍再敗燕諸將皆懼說燕王曰軍深入矣暑雨連縣淮土蒸濕恐有疾疫小河之東平野多牛羊二麥將熟若渡河擇地休士息馬觀釁而動可持久也燕王曰兵事有進無退勝形成矣而復謀退士不怠乎公等所見拘羈耳今日欲渡河者恣公等所之朱能曰諸君勉矣漢高十戰而九不勝卒有天下蓋燕王於是不解甲者數日南軍樹碑相慶也廷臣有曰燕且北矣京師固不可無良將帝因召輝祖還何福等無援

名山藏

卷之五

典讀記

三三

乃引兵會平安靈壁平安以六萬人爲方陣果餉護
行燕王遮之平安突至殺北軍千餘矢如雨燕王麾
兵斷南軍爲二南軍大敗何福出壁與平安共殺傷
北軍北軍乃却而高煦又以其伏至王還掩擊其後
復大敗南軍盡得其餉輓福入壁壘門杉令士曰旦
聞砲三而突圍燕王望見之曰南軍其遁且使諸軍
緣壁入之發砲三南軍謂其砲也爭開門遁已知爲
北軍皆大亂平安陳暉等三十七人禮部侍郎陳性
善等百五十人皆見執燕王謂平安曰肥河之戰公
馬不驚何以遇我曰累臣不佞敢效鉞刀燕王曰壯

名山藏

卷之五

典義記

三五

士五月楊文以兵十萬自遼東南下與鐵鉉合勢絕
北軍至直沽遇燕將宋貴皆戰死燕王至泗泗守將
景初以城降王曰不戰而降何憊也景初曰泗有神
民禱焉曰降吉其日王謁祖陵將渡河盛庸軍淮南
燕王軍淮北王使士機舟編筏若涉者潛遣丘福朱
能等濟淮而西鼓出庸後庸軍大驚遂濟下揚州揚
指揮王禮執其守將崇剛御史彬降高郵通泰諸州
皆潰遂底江北詔曰燕禍日深旦夕犯闕中外臣民
能不獎予文武吏士宜剋日勤王予出於苦不忘爾
報詔下臣民聞之無不慟哭者乃遣禮部侍中黃觀

國子祭酒張顯宗翰林修撰王叔英分道徵兵而齊
泰黃子澄亦皆四出方孝孺曰事急矣許之割地猶
可以待勤王之師乃使燕王從姊慶成郡主見王軍
門王哭曰忍心至此乎我父陵土未乾我兄弟頻見
殘害讒臣之言如漆投膠懿親之言如水洒石今日
之來豈得已哉郡主亦泣下因問曰周王安在曰召
還矣未爵也齊王安在曰猶囚燕王嗟唏不勝郡主
徐以君言告王王曰凡所以來欲得好臣耳皇考所
分吾地尚不能保何望割也六月癸丑燕王軍至浦
子口盛庸等迎戰大敗之燕王幾議割地和會高煦

名山藏

卷之五

典義記

三五

搏胡兵至大喜盛庸軍緣江上下待王高資港乙卯
王渡江及岸高煦先登王麾精騎繼之庸軍大潰追
奔數十里都督僉事陳瑄以舟師降遂入鎮江鎮江
人望見海船之黃幟曰海濱應矣則皆降庚申王進
次龍潭君急而悸方孝孺曰今城中勁兵二十萬城
高池深糧食充足尚可以守請下清野之令城西南
隅崩築未竟又崩其東北方孝孺曰終無如割地郡
主婦人耳若使大臣往或庶幾焉今天下惟蜀王不
背朝廷其地四塞決死不利則收士幸蜀萬一可圖
也君乃使曹國公景隆尚書茹瑺往燕王軍命諸王

閉諸門景隆瑞至伏地叩頭而已燕王曰勤勞公等有言乎景隆稍稍及割地事燕王笑曰公等游說邪初吾無過輒坐大不韙削辱之今抹死不贍曷以地為吾故有地矣凡所以來為奸臣耳景隆瑞還報命君再使諸王與之偕曰奸臣逐矣執而得之且用釁鼓癸亥王見諸王涕泣相勞竟曰欲得好臣諸王還報君會羣臣勸哭或勸君幸湘江或曰不如從湖湘入蜀孝孺請堅守待援議不決乃遣魏國公輝祖開國公昇分道禦戰甲子出蠟書促勤王燕盡獲之軍薄都城徐增壽謀為應大理丞鄒瑾御史冕知焉與

名山藏

卷之五

典漢記

革除五

三二

同官十八人者毆增壽殿前呼聞大內君拘增壽禁中乙丑燕王至金川門下谷王穗從城上望見王鉦鼓與景隆開門迎入王馳千餘騎衛周齊二王周王曰吾死矣曰燕王之騎兵也乃喜入見拜且哭燕王亦哭已竝嚮握手登樓相慰藉君手劍斷增壽腰徘徊無所出乃火其宮與馬皇后自燔死燕王望宮燄使中使馳抹不及還白燕王哭曰小子何啖吾來輔爾耳遂為發哀治喪越三日即皇帝位是為成祖乃復周齊二王爵下令建文中所改易洪武政令條格悉如其故稱其年為洪武三十五年稱帝建文君越

四日禮葬之遣致祭輟朝三日又七日遷興宗孝康皇帝主陵園仍稱懿文太子宮之焚也太子文奎不知所在文奎方二歲送中都廣安宮降封吳王廣澤王居漳州衡王懷恩王居建昌徐王敷惠王從母呂氏居懿文園追封徐增壽武陽侯居頃之以廣澤懷恩二王不能匡輔建文俱免為庶人改封敷惠王為甌寧王或言高祖始嘗問後嗣事於劉基知建文君不終與之藏函函一僧牒一剝七一緇衣牒曰楊應能宮之火也建文君削髮披緇懷牒從御溝出郊壇亡成祖使中使抹宮中使出馬皇后之燼曰建文君

名山藏

卷之五


典漢記

革除五

三二

遂以葬之建文君既葬或言其亡或言蜀王迎之西皆參差莫實成祖亦心疑之其特有異人張玄玄者以術重已去莫知所之乃使禮部尚書浚行天下名訪玄玄實私察建文君竟莫得其要領其言建文君亡者謂羣臣多為僧而從之入湖湘四川雲南最後往來廣西貴州蠻峒八番響木瓜諸處漸會集者三十六人三十六人事建文具君臣禮人見所誦經皆尚書古文英宗中建文君年八十餘矣出自雲南直入布政司堂南向跣坐地曰我建文皇帝也朝使求張玄玄天下而實為我彼傳四朝事定矣老夫不

言一束遺骨更瘞何地耶有司驚致之朝莫辨也有
闕老矣逮事建文君知其左趾有黑子摩視之持其
踵心謂是而不敢言下錦衣不數月卒葬西山不封
不樹云



名山藏卷之六

臣何喬遠恭輯

典謨記

成祖文皇帝

成祖文皇帝御諱棣太祖第四子也

臣於南京見太常志云帝為碩

妃所誕生而玉牒則為高后第四子玉牒出當日史臣所纂既無可疑南太常職掌相洽又未如其據臣謹備載之以俟後人博考太祖分王諸王以燕元舊京近虜擇可鎮服者居之以封上洪武末年使諸王出塞捕虜燕

晉二王壯而近常被命同行獨上深入有功嘗一擒

虜酋乃兒不花再擒酋將孛林帖木兒等數十人虜

名山藏

卷之六

典謨記

一

自是不敢近塞上狀貌奇偉美髭髯英武寬仁豪傑
樂用其精熟武事老將皆謂不及也太祖以威武治
天下心柔太子注意上京國公玉時進間太子曰主
上諸子中殿下度誰最愛者太子曰莫若燕王玉曰
臣亦知之臣聞望氣者言燕地有天子氣殿下審之
太子曰燕王事我甚恭久之太子薨太祖益屬意以
學士劉三吾對立太孫太孫慮諸王太盛既即位聽
齊泰黃子澄計未改元而遷周王雲南拘齊王京師
改元而湘王自焚齊王廢代王幽岷王流遂日夜防
燕建文元年六月授密詔北平都指揮謝貴逼圍王

城柵斷端禮門四門路殺王城卒七月且逮上都指揮張信密以告上遣朱能覘之還報曰謀死於頸不可後也上乃用張玉朱能言擒謝貴及北平布政使張昂上書建文君請遵高皇帝祖訓起兵誅泰子澄二姦臣建文君不報遂起兵去其年紀但稱元年於是以前福張玉朱能為都指揮僉事擢布政司吏李友直本司右參議而布政司參政郭資按察副使墨麟都指揮同知李濬陳恭等皆從上

年進士改庶吉士授戶部主事遷北平左布政使永樂初論居守功進戶部尚書外掌布政使事賞資視伯已改刑部復改戶部仁宗即位加太子太師兼義夏原吉數短於上謂資偏執常格恩澤請罷資上問名山藏

以語楊士奇曰先皇與義族及吾昔居守皆得資力其人亦材且危而任之安而棄之吾誠不忍士奇對曰故舊不棄此皇上盛德類資疆毅人毋得干但論勳所歸資必責有司依歲類發此太過誠如二臣言上曰吾在此復有原吉與巨事彼雖偏執莫能行也已竟罷政賜璽書歸闕月上念之不已命戶部給半俸復其家章皇嗣位起為戶部尚書免朝調資視事勤雖大風雨不避僚吏敬憚所居頽垣朴舍卒之自家無餘貲年七十二

上諭將士曰我國家至親受祚以來守法循分爾曹共見少主信任姦臣殘害骨肉削奪五王又及於我高皇帝后創業艱難封建諸子以嗣以續皇天后土實則何辜吾義與姦臣不共戴天矣言已垂涕將士感動風雨四起咫尺昏昧少焉東方雲開露青天尺許有光燭地映徹上下將士

皆喜謂上得天一戰而奪九門再戰而破壩上三戰而火白溝四戰而拔滄州五戰而蹂夾河六戰而得藁城七戰而掩靈壁凡七大戰遂涉泗濟淮克盱眙下揚州渡江取鎮江至金川門谷王穗開門以迎王師上按兵入建文君燔宮赴火死四年六月乙丑也丙寅諸王羣臣請即天子位三勸進已已謂孝陵歎歎感慕攬轡回營諸王羣臣備法駕奉寶璽道迎遮擁登輦軍卒者老萬眾夾道拜頰懽呼稱萬歲遂即位初建文時有道士謂于途曰莫逐燕逐燕日高飛高飛上帝畿已忽不見至是驗云復周王橚齊王榑

名山藏 卷之六 成祖一 三

爵土政繇洪武之舊召用洪武舊人稱今年為洪武三十五年凡從征靖難之臣遷叙有差戮齊泰黃子澄方孝孺等於市秋七月壬午朔大祀天地南郊還御奉天殿告即位大赦天下以明年為永樂元年甲子享太廟楚王榑來朝遷孝康皇帝主陵園仍稱懿文太子降封其三子吳王允熲為廣澤王衡王允燧為懷恩王徐王允熾為敷惠王上曰朕初舉義用清君側姦臣數人既已伏誅嘉與萬方同樂至治比聞在京軍民未喻朕心轉相扇惑夫是皆高帝遺黎吾入城之日市不易肆今豈濫及無辜兵部急諭之賜

在京諸王書往與諸弟各一方歲一見或數歲一見
今早暮來聚甚愜于心暑可三日一朝勅諭諸將士
曰朕舉兵靖難萬幸多功所司上狀未詳以故未賞
昔中山王從高皇帝混一天下二年以後賞典方行
今踰月爾輒憤後時不已急乎向在兵間小捷必報
豈當大定乃遂忽諸業勅所司亟上誤許陳改上曰
朕居藩邸深知民艱數年兵興北方罷甚前工部尚
書嚴震直戶部尚書王鈿應天府尹薛正言其分視
山東西河陝以利病聞勅諭都督陳珪等曰朕長子
居守北平爾善輔之申明天下誦讀大誥三篇遇鄉
名山藏 卷之六 典談記 四
飲講解如舊八月詔曰朕皇考受天明命奄有四方
褒厚親親爰及異姓允攸不孝不仁立未三年骨肉
幾盡周王奉藩匡輔無愆空宮籍財害其相屬王自
歸京師竄之瘴蠻父子殊方幽囚窮窘穴牆通食謀
構湘王闔宮自焚加以惡諡執齊王於京師囚代王
於大同幽岷王於雲南宿夕思惟不盡不廢復以懿
文太子薨逝之時皇考有意立朕尤所猜忌聽信姦
臣縱兵相害朕不得已舉事自救荷天地祖考之靈
兵至畿甸索其奸頑允攸慚負自焚以死諸王臣民
尊朕為帝重念骨肉之親良深存沒之感是用復封

周王河南齊王青州治湘王墳廟賜諡曰獻脫代王
岷王囚幽封爵如故封秦愍王子尚妍興平王尚炆
永壽王尚炆定安王晉恭王子濟熿平陽王濟熿廣
昌王周王長子有燉復為周世子有燉汝陽王有烜
順陽王有熿鎮平王有熿宜陽王齊王子賢烜樂安
王賢烜長山王賢寔平原王於戲天有顯道應捷影
響衍本支于百世資磐石於萬年名秦王炳代王桂
代世子遂熾來朝晉王濟熿來朝上得建文時奏章
千餘通使侍讀學士解縉等閱其干犯者悉燔之既
從容問爾等皆宜有衆未對修撰李貫進曰臣實無
名山藏 卷之六 典談記 五
上曰爾謂無忠耶朕非惡盡心建文者惡其導之壞
祖法耳事建文忠建文事朕忠朕不必曲自覆九月
大封奉天靖難諸將丘福淇國公朱能成國公張武
陽城侯陳圭奉寧侯鄭亨武安侯孟善保定侯火真
同安侯顧成鎮遠侯王忠靖安侯王聰武城侯徐忠
永康侯張信隆平侯李遠安平侯郭亮安成侯房寬
思恩侯徐祥興安伯徐理武康伯李濬新城伯故張
玉子輔信安伯唐雲新昌伯故譚淵子忠新寧伯孫
巖應城伯房勝富昌伯趙彝忻城伯陳旭雲陽伯劉
才廣恩伯茹瑺忠誠伯王佐順昌伯陳瑄平江伯王

寧永春侯曹國公李景隆特進增祿諭卽位於安南
 暹邏瓜哇琉球日本西洋蘇門答刺諸國定功臣死
 罪減祿例申明木鐸教民之令是月肅王模蜀王椿
 慶王榘來朝第三子郡王高燧來朝周世子有燉自
 雲南來朝十月申明洪武中所定禮制度數頒示中
 外脩高皇帝實錄谷王橧之國甘州衛軍張真上書
 言事上曰戌卒能言賜衣一襲鈔千貫是月寧王權
 楚世子孟烷慶成王濟炫來朝十一月清理釋道二
 教丙戌新作奉先殿成享五廟壬辰冊立徐皇后免
 廣澤王允燧懷恩王允燧爲庶人勅諭兀良哈韃靼
 名山藏 卷之六 成祖一 六

野人諸部曰今天下一家邊將言爾諸酋長誠心歸
 向朕用嘉之特令百戶裴牙失里勅諭爾其各居邊
 境永安生業商賈貿易一從所便欲來朝者與偕至
 是月岷王榘來朝高平王濟燁長山王賢煥來朝十
 二月勅諭功臣曰古人君以武功定天下者必賴將
 臣之力厥後往往不能保全何故哉處高位者易驕
 縱犯刑法者多怙終人君代天理物豈容私其間哉
 所以罰加焉必也高皇帝立法垂憲欲世世行守功
 臣有犯罰戒再三戒之不改乃按誅之至親且舊不
 敢曲原志人君子莫不謂高皇帝英明果斷上畏天

命下畏民情也爾諸功臣昔受高皇帝厚恩今事朕
 朕欲爾等悠久共富貴若復驕縱怙終不問則違高
 皇帝成法問而實諸法必謂朕寡恩今錄高皇帝戒
 勅申明布告尚永遵之爾之不遵後悔無及上曰公
 侯歷事皇考者今皆年邁朕不忍勞非見任事者其
 令以朔望朝參詔求懷才抱德之士江西以儒士軒
 伯昂應詔卽擢爲山東布政司左參議上問兵部尚
 書劉儁天下畜馬幾何儁以數對上曰古者掌兵政
 曰司馬問國君之富則數馬卿嚴督所司用心孳牧
 是月寧化王濟渙永和王濟煥壽昌王孟焯來朝
 名山藏 卷之六 成祖一 七

永樂元年正月勅曰朕惟天德好生人君承天愛人
 而已夫與圖之廣非一人獨治自古帝王與賢共之
 我太祖皇帝受天明命勤愛保養生息三十餘年政
 教敷明近古鮮儷亦惟任天下之賢理天下之務旁
 求民隱宣通德意用厥臻茲朕靖難承統重惟天下
 皇考天下軍民皇考赤子卽位以來夙夜匪寧爾諸
 文武臣體朕斯懷毋怠毋忽毋虐毋貪毋爲掎尅毋
 縱詭隨持爾廉平秉爾正直勵爾公勤擴爾忠恕共
 守成憲毋或有違惟民出稅賦以贍軍惟軍執干戈
 以衛民軍非民不養民非軍不安惟爾文武羣臣互

為保愛無有侵害惟皇考成憲實萬世治安之具遵
之則吉違之則凶其悉心一志敬之慎之羣臣請立
太子不允甲午月食陰雨不見禮部請賀不許禮部
尚書李志剛等請遵高皇帝中都之制立北平布政
司為京師制曰可其以為北京李銅字至剛以字行
廉夫為詩文有清思洪武成化舉明經奉命侍懿文
太子授詞部試郎中坐累謫戍邊召還為虞部郎中
世河南北參議建文中陞湖廣左參議成祖即位有
言其才遠以為通政司右通政命與徐洪武實錄朝
女在左右道說洪武中事甚密其冬陞禮部尚
書時兩院諸長於朝繁益見寵遇三年為侍郎未
幾命為三院素相厚成祖御書大臣十人命品評籍
懷在言共志望中傷之後召下獄并下至剛仁宗

名山藏 卷之六 八 典謨記

嗣位念其舊官臣復以為左通政數月又念其老不
任朝參改知興化府時朝廷方需仁澤於天下至剛
勞心撫綏郡民德之再歲歿於官 二月設北京留守行後軍都督府
北京行部北京國子監改北平府為順天府北平行
太僕寺為北京行太僕寺嚴誣告法分命監察御史
巡視民瘼於天下諭韃鞬可汗鬼力赤書曰比聞北
地推奉可汗特遣齋織金文綺四端致朕意可汗能
遣使往來同為一家豈不美哉并勅諭虜太師右丞
相馬兒哈咱太傅左丞相也孫台太保樞密知院阿
魯台等賜文綺各二命三法司五日一引奏罪囚會
官覆審承天門如洪武中故事命所在官司瘞中原

江淮之被兵者三月羣臣請立太子不允令諸郡王
長成者權住王府近州縣講讀詩書習練弓馬以通
世故四月勅曰朕賴天地宗社之靈父皇母后之佑
以有天下凡更改父皇之成憲濁亂父皇天下之奸
惡悉就誅戮其餘文武官員仍用無疑陞賞黜罰從
至公而已昔唐太宗撥亂反正貞觀盛治近古罕倫
求其故則太宗善用天下之賢釋王珪魏徵之嫌怨
舉李靖尉遲敬德於仇敵用房玄齡杜如晦於異代
宋太祖起甲冑平列國與世休息開三百餘年洪基
亦惟其時信任前朝舊臣范質王溥石守信王審琦

名山藏 卷之六 九 典謨記

等夫是二君尚借異代况朕父皇之臣非讐怨他人
之比近有無知小人尚懷疑慮居閑妄生異議處事
則不盡心此不明朕推赤之意不達天命者也夫人
君代天理物故曰天子奉行天命故曰天吏若無天
命有力者皆得為矣元有天下廣土眾民國富兵強
孰得勝之天命一去羣雄並起爰統一千我高皇我
高皇又用其才釋怨錄仇所以創業垂統身致太平
今朕豈敢違天命與父皇之德法度者父皇法度朕
不敢私也盡忠於國雖仇必賞心懷異謀雖親必誅
今敢有不思高皇帝之恩妄分彼此懷疑怨謗不安

職事者事發族滅以浙西諸郡水命戶部尚書夏廉吉往治周王禴請立太子不允楚世子孟焯周世子有燉蜀世子悅燉平陽王濟熿永安王孟焯順陽王有烜長山王賢燉皆來朝賜楚王楨書曰別來思念世子至具知安好天下初定勞困未甦兼以蝗旱相仍正當養民而休之今後宮東宮燬于建文兄姑安焉賢弟言府中損壞欲求脩治豈有愛也民安歲豐乃量為之今用護衛士聊葺而已禁金銀交易以通鈔法犯者准姦惡論以代王廷擅興土木命自今王府非朝命不得擅役一軍民私斂一錢物請難之起

名山藏

卷之六

成祖一十

也北京及通州以婦人守埽至是上追念之命兵部錄姓氏行賞五月賜秦王尚炳書前令諸郡王出居近州縣練習講讀念四方水旱蝗蝻道殣相望脩葺供億勞費軍民勅至且令在國成造居室其即日罷又聞晉王濟熿令有司二十里設一火燎橋梁道路悉皆治除今何時也勞民如此乎遂書戒晉王亦如之勅北京刑部尚書郭資曰卿統長六曹悉心殫慮措置糧儲尤為樽節比聞小人或加怨謗古云省已無僇奚恤人言卿朕素知尚懋忠勤以副眷倚勅陝西都司布政司曰近令兄弟諸子出居講讀習練且

令權住衛所衙門比聞有司毀完造新採木伐石使軍民不得力耕而休伍夫天下軍民連年死戰鬪苦蝗旱疲轉輸朕甚憫之是以首詔中外申嚴所部無擅取一毫無擅役一夫即朝廷亦有用民時如城池顛闕築鑿不繼後費將大近於洛陽改造周府殊不得已蓋以河決為先事諸王權住是豈不得已重勞軍民寧助朕為治意耶勅到便罷阻者繫京處以極刑遷家於化外再封靖難諸將之未論功者袁容廣平侯李讓富陽侯李彬豐城侯陳懋寧陽伯王通武義伯王友清遠伯陳賢榮昌伯張興安鄉伯陳志遂

名山藏

卷之六

成祖一十

安伯上曰此是朝班點列在列雖朕用人新舊無間官儀未肅其下羣臣議羣臣上議請洪武中犯黨逆并黜刺及仕建文者發配所縣姦臣齊黃進者罷為民上曰過矣皇考作養人材以遺子孫雖姦臣進竟為姦臣用犯黨逆者發原配所黜刺者罷為民勅北京行部曰昔高皇帝既定天下念江南五府勞於供餽優恤絲賦朕舉兵靖難北京民出丁力以助征輸家財以益軍朕亦未嘗忘可覆實諸郡縣以其名聞六月以久雨命侍郎李文郁等佐尚書夏原吉相度被水田堪種者趣種之後時者除今年租稅丁已

上高皇帝高皇后尊諡詔天下頒諸夷外國諭翰林侍讀學士解縉等曰天下古今事物載籍極博韻府回溪二書擷摘尚略朕欲自書契以來經史百家至于孤方小道類爲一書統之以韻俾考索如探囊爾等如朕意諭兵部臣曰漢文帝時閭巷有馬千匹爲羣其聽民畜私馬賜鞮鞞可汗汗赤書曰有天下者必得天命非人力也宋失天命元世祖得之嗣後荒縱民散政乖又復失之我高皇帝削平禍亂統馭華夷豈人力也哉朕承天休入正大統重之帝王以天下爲家遣使者報書幣可汗當知天命廢興之故

名山藏

卷之六

典謨記

三

講好脩睦乃聞竊有覲覲古云順天昌逆天亡可汗博古知今寧不鑒此再書諭意并致儀物可汗審之遺繪綺表裏各二仍賜所部馬兒哈等各一辛卯月食周世子有燉來朝八月禮部言鹵簿中宜有九龍車一乘又舊有鉦紅鼓各四面魘燈紅油紙各三對今闕請增上曰先朝審禮精矣子孫遵用當自朕始豈可輒益以啓後奢蓋闕者增補無者如故始命內臣齊喜提督廣東市舶九月諭中外羣臣曰爲君難爲臣不易創業難守成不易剛柔寬猛適其中禮樂刑政有其序唐虞三代至漢唐宋率繇諸道是故舜

清問下民報虐以威誅四凶舉五官明五刑然後無爲恭已神禹承之無間可議夏桀之亂民從其暴成湯之興兼弱攻昧亂侮亡肇修人紀用革悖淫既奠四方子孫承之惟監于成憲殷紂之亂商俗靡靡周公相武王誅紂伐奄悉殷頑民滅國五十繼相成王制禮作樂垂拱仰成刑措不用漢承秦亂高祖令蕭何定律令韓信申軍法張蒼定章程法令嚴明惠帝清靜至于文景除挾書已肉刑務崇寬厚唐承隋未諂諛汰侈暴慢成風高祖定官制頒律令行祖庸調法沙汰僧尼道士勳臣犯法無所假貸太宗貞觀

名山藏

卷之六

典謨記

三

之後懲斬趾禁鞭背刪定律令變重爲輕力行仁義幾致刑措宋興承五季之亂太祖太宗頗用重刑糾繩姦慝躬自折獄務底明慎立法制嚴用法情恕咸平以後剛其緊密益務寬仁子孫承之含弘光大恭儉純誠未嘗殺一不辜此歷世守成創業之事剛柔寬猛禮樂刑政厥中厥序莫不遞用朕太祖高皇帝天錫大聖之資以當非常之變奮自布衣撥亂反正比三代漢唐宋創業之時又大相遠蓋中華禮樂化爲左袒沈浸百年陵夷已甚高皇帝服古人所未易服齊古人所不能齊兢兢業業勞心焦思晝夜圖惟

經權常變不得已而用刑特權時之宜耳及其立為典常先議定律損益更改十年乃成復惟祖訓傳之子孫墨刑則官並禁不用欽恤之意已著象刑權時之宜不為常法常法之立不易禮樂之用彌彰朕克遵成憲佩服聖謨思守成之不易念刑措之尤艱昔者唐虞三代君臣之間責難訓迪紀於詩書今朕告教爾文武羣臣爾惟聽之職曰天職民曰天民工曰天工祿曰天祿皆非朕私惟羣臣相朕以彰天命以奉天討以亮天工保茲天民以享天祿善惡吉凶實惟影響可不敬哉爾惟盡心勿謂忠有餘爾惟盡力

名山藏

卷之六

典謨記

一

勿以勞自伐為名而善善無成計利而勤勤必息廉不怨貧以廉為常行動不羨逸以勤為定分事有繁簡各安所遇位有崇卑各體所處爾羣臣當知也毋朋比朋比必淪胥毋利口利口必傾覆毋奸欺奸欺必暴露毋怙終怙終必殄絕依阿尸祿位者昧理擅權作威福者逆天貪污恣情慙者速戾讒說殄行惑眾志者自刑爾羣臣當戒也刑者輔治之具自古聖帝明王及朕皇考所甚重不敢輕不得已而用之者也輕重毫釐之間禍福死生之决也爾或不戒臨民治獄恬不加意甚至信讒說執偏言深文誤良善納

贈倒是非作威眩曲直自作聰明發摘瑕類法外求情致人以死鬼神所見甚可畏也朕為此懼申怒日勤審克之際罪疑惟輕乃有懷殘忍之私遵酷吏之軌謗朝廷之寬恤惑上下之人心所謂利口必至傾覆爾惟戒哉聖人用人不求其備誠以才有高下智有淺深事皆盡善上智所難動靜云為豈無過誤朕惟念此每加寬容乃有恃茲屢造非彝常懷幸免不知忽微之過豈可積多非分之恩豈可常得所謂怙終必至於殄絕爾惟戒哉亦有柔奸隱慝厚貌深情黃綠板結請托行私僥倖圖為附下罔上不感天子

名山藏

卷之六

典謨記

五

而感權臣寧負公門不負私室同惡相濟同勢相保邪惡同讒以陷忠良同為奸宄以匿其非同幻譎張以護其短同側媚以相師同諂諛以相悅所謂朋比奸欺必至於淪胥暴露爾惟戒哉亦有身為執法賣直沽恩誇人惑眾起險言以眩眾滅公義以濟私所謂讒說殄行唐虞所聖爾惟戒哉亦有愧赧于中自懷疑貳本無勞績妄自驕矜居寵弗畏因人毀譽從已喜怒生殺與奪陰狠自肆所謂擅權作威福貪污縱情恣爾惟戒哉其旅進旅退依違其間候朕顏色同進諂諛甘言遊志無所建明尤朕所惡所謂依阿

尸祿位亦恐獲戾于天爾惟戒哉於戲忠臣爲國至於忘身鄙夫事君但知利已朝廷機務聒給目前生民休戚略不加意債事蔽賢偷安玩日甚或微勞未報自負如山小譴或加中懷憤怨是自不恭於臣職豈能共致於雍熙朕務宵衣旰食豈爲惡逸好勞爲上帝之監臨守皇考之基業實資爾羣臣輔成治化上蒼天命迪朕之戒時乃之休至於刑罰尤悉乃心考之於書屢致其意誠以民命至重鬼神難欺譬之操刀而割尚有血指之虞當食而言或至吻傷之失事雖切已未免過違心有存視而不見毫釐之差

名山藏

卷之六

典謨記

六

生死之決一往不復雖悔何追朕寤寐思之不自知其辭之復也爾體朕心無怠於意必欽必慎惟明惟恤俾寬不至縱嚴不至殘罔罔空虛刑措不用政教修舉禮樂和平家國有萬年之安爾亦有無窮之舉子孫黎民尚有餘慶戒之勉之朕言不貳欽哉勅吏部曰任官圖治之基也求賢任官之本也高皇帝聖德光華萬邦黎獻共惟帝臣肆朕眇躬克正大統永惟萬幾不敢暇逸思欲旁招俊乂光輔邦家必明目達聰以弘視聽內外諸臣尚體朕心於羣臣百姓之中各舉所知無閒遠邇並以名聞書曰舉能其官惟

爾之能舉非其人惟爾不任古訓具存爾其懋哉上謂侍臣曰皇考功德隆盛宗廟樂章未有稱述朕甚媿焉博採名儒而議爲之稱朕稽古禮文之意上謂侍臣曰朕宮中丙夜坐閱圖籍何郡罹饑荒何郡迫邊鄙且與羣臣計議行之河南數處蝗旱朕用不寧使者省視不絕於道如斯民小康朕之願也賜禮部尚書鄭沂戶部左侍郎嚴奇良通政司右通政丘顯誥勅致仕陞辭賜宴上顧禮部曰是皆皇考舊臣自今舊臣老致仕者禮之視沂毋得有貶沂字仲與七世孫也父卒與兄漢方嚴寒祖既哀號未新命趙大納哭叩奉以草履與兄俯伏慟哭辭謝不受洪武

名山藏

卷之六

典謨記

七

三十五年宣召義門子弟年三十以上者至御前備前語曰爾家大孝大義前朝雖嘗仕宦我今大貴汝無有枉濫太祖賓天與祭禮畢卽引年致仕歸成祖思念舊臣召投前職三月憫其衰特製誥命賜歸已入朝復有賜鄉人誣告義門私造軍器朝命搜索無有以舊紅漆器生罪罪家長瀆沂曰家長瀆皆老無聞知某嘗爲禮官不能使家衆違國法罪生某兄弟再三爭事聞案有仍賜冠帶還鄉北巡召致仕老臣南京聚會同館待以優禮五日一朝東宮沂爲領袖駕還錫燕東歸將卒呼二子約榮來前日吾親天子寵光祖宗德澤白衣後以尚書今年歲七十考終幸大矣爾等當圖報效言畢忽風雨大作頃焉風靜雨止餘然 十月上謂六科給事中曰四方蝗旱民之艱食宦寺服食朝廷乃有畜養鷄牲靡費食米者此輩坐享膏粱暴殄天物論其一日養牲之費當饑民一

家之食業行禁戢爾等識之再爾不宥大理寺卿薛崑等奏天下布政司所上死獄請遣御史分決從之命都御史陳瑛授御史簡書慎刑之意臨決之時苟有可生即與辨釋上謂侍臣曰有言朕法令太寬者夫治人如醫有是病則服是藥不為也勅建昌府日正不敢傷民之時無病服藥朕不為也勅建昌府同知馮士成等二十六人曰爾等事我皇考舊矣建文中罷斥為民亦有不當罪者朕思任舊人仍召爾至方今官備爾且歸家念皆蒼頭皓首弗欲重勞特賜冠帶仍爾舊職歸尚撫爾子孫率化爾鄉人子弟

名山藏

卷之六

典謨記 六

因賜道里費有差命侍臣輯古人嘉言善行有裨君道者以授長子而諭之曰朕少寓鳳陽民間細事靡不究知受命北平經絕塞冒霜雪與士卒同甘苦身所未歷則博考載籍覽鏡昔人之言行今長子居守北平雖吏案奏牘亦令躬閱以知為臣之難他日可為君也慶成王濟炫來朝勅晉府長史龍潭等曰古人臣無私交王府與西番往來以私車遞送王年少不知古長史儒者謂不知乎廷臣欲朕法爾朕姑不問尚慎戒之兵科給事中言天下衛所官吏所進軍馬文冊或額數盈朒或姓名舛異或不用印信或名

不稱臣或不著年月日皆不敬當治罪上曰人精神有限案籍繁勞或短計數或成迫促姑條詰之更令詳進高平縣吏告知縣敏民財市馬給遞送大理寺臣言方禁斂財宜抵死上曰禁令不許為私也馬給遞送公事矣釋復職十一月頒大統曆并賜朝鮮諸番國著為令錦衣衛奏死罪一人上審其情而使宥之發屯戍興州因諭刑部曰朕矜其誤人無不可與日新且國家得一人耕亦可食數人其為例四川行都司奏越舊衛地番賊不時出沒請調軍勦捕上曰令嚴備遣撫諭之晉恭王第六子濟娘來朝初洪武

名山藏

卷之六

典謨記 六

中免直隸五府民二稅每歲歲陳籍其丁壯供役名均工夫及是內河淤塞皆來浚治上念風雨沍寒賜鈔罷歸令京衛軍士次第成之仍賜鈔充僱直諭六科都給事中朱原貞等曰天下疾苦朕恐爾曹未之能盡知也選郡縣考滿官假六科辦事名俾隨爾等在朕左右朕有問即可知彼有言即可達乃至今無一人言者夫郡邑之大無一事苦耶在朕左右而尚默默况遠千里退其申諭以表意賜山西右布政使周璟勅曰爾擢官未替聲稱著慎終始尚敬懋哉儀封縣知縣詐譽秩滿至京縣民詣闕乞留從之

賜鈔錠文綺令復任閏十一月諭都御史陳瑛等曰
國家設按察司糾察牧守無所不得問無所不得言
也河南蝗旱數歲水爲民災有司不撫字甚者股削
之按察司官不一言其移檄切責俾采察所部軍民
利病及布政司府州縣官賢否以聞并命通檄天下
按察司及按治御史之在外者上謂侍臣曰朕每當
法司奏囚未嘗不反覆思究之也毫有可生便從寬
減蓋往在軍中未嘗輕戮一人况今爲天下主南陽
縣言縣民逃徙賦役靡出乞下令捕歸上曰民誰樂
去其鄉哉河南連歲水旱蝗螟守令鮮撫字之夫其

名山藏

卷之六

典說記

三

出廬生業已廢棄捕歸益之困耳封胡奎爲安南國
王上顧侍臣曰北京山西寧夏一時地震朕心惕然
爾言其故侍臣對曰兵戈土木應也上曰比年兵旅
饑饉民困甚矣朕夙夜圖之朕避暑樓居武門端門
而已後宮墊隘不敢增修慮土木也若云兵戈政當
勅邊修備十二月翰林侍讀學士解縉等奉勅脩古
今列女傳成高皇后志也封贈靖難公侯伯三代
及妻如舊制上曰爲國教民莫切守令吏部都察院
其令巡按御史及按察司凡府州縣到任半歲以上
者具其賢否廉貪之實以奏戊子月食上閱太祖制

集頤學士解縉等曰建文燔宮皇考所遺宸翰殊不
可得朕深悼痛有散落臣民家者乎遣書諸王府遣
監生分詣天下令有收藏者皆送至錄與別本而重
齊之楚世子孟烷來朝擢鄉貢舉人王偁爲翰林院
檢討上更問吏部簡討下何官對曰博士典籍侍書
待詔曰皆已除未對曰已除曰賢何如偁對曰舊博
士中皆老成文學士偁初除未知上嘆曰國家用人
以賢以勞偁賢既未知勞亦未有乃令賢有勞者位
其下其自博士以下陞職皆與偁同詔百工技藝凡
利國益民之事皆許陳奏

名山藏

卷之六

典說記

三

二年正月勅曰今春時和東作方興天下文武諸司
各宜申明教術勸課農桑慎固封守問疾苦恤饑寒
黽勉誠心崇寬厚之政定屯田賞罰例詔自今有犯
交易銀兩之禁者免死屯戍興州禁民下海名世子
及郡王高煦於京師二月蜀世子悅嫌來朝禮部引
奏北方歲貢生員入學十年考不中試者當充吏上
曰人心志舒泰衣食溫飽乃能進於學問北方三四
年中飛芻輓粟之艱兵戈風塵之苦無怪業荒可令
還補廢學年數而後再試之母連河使來朝既辭歸
上召使者前勞之縱問及田獵生事久而退顧侍臣

曰夷狄之人萬里來朝若不稍垂顧問必不附歡侍
臣進曰陛下懷柔至矣但嚮所問皆田獵之樂未嘗
及其人民畜產臣竊未喻上曰田獵是其性俗若問
人民畜產彼必疑心朕方懷遠故不及也禁小秤交
易大理寺臣得犯者請論違制律上問工部臣明禁
否對曰文移諸司矣曰榜市否對曰未上曰未榜市
其赦之刑科奏強盜論死有年十五以下者三人上
曰老悼不刑二兒去悼不遠其勿論前軍都督府言
龍驤衛千戶妻無子妾之子代職居常見惡於妻妻
以刃傷子足妾告妻欲殺子請竝治之上曰妻傷子

名山藏

卷之六

典謨記

三

足恐無殺意使其母子嫡妾兩造獄吏之前非風化
也付夫自治三月吏部奏有千戶奏薦士武人也朝
命不及請坐違制罪上曰不及命慮其昧知人能薦
忠心也試而果才一體授官刑部奏方禁銀交易江
夏民有父死以銀買葬具者上曰禁銀交易恐鈔輕
耳詩曰凡民有喪匍匐救之其赦勿治上曰朕命御
史給事中撫安中外要以禁止奸慝導為善而已給
事中瑛至四川見無犯者乃陰遣親信用銀誘民交
易已則執之昔唐太宗以物試人待其受之則加之
罪賴魏徵諫止古人以光明正大治天下苛則不堪

偽則不信脫小民畏法反執陰誘者於官曷用治之
都察院其執瑛論罪上晚朝召後軍都督府及兵部
官皆不在列御史劾奏上曰朕命之矣有司早朝奏
事無者治事署解中不在列必其無可奏論六科給
事中曰爾職居近侍比不聞一言軍民利病何也君
資臣成治臣不輔法是不忠君可退思之條析以聞
改封允熾為甌寧王世守懿文皇太子祀論六科給
事中曰爾等疏駁奏牘一字之誤亦皆喋喋毛疵甚
矣文書委積人之精力豈無時故自今奏內有數日
月日等字錯謬者令從傍改註印蓋之不必以聞麟

名山藏

卷之六

典謨記

三

等奏言乃至有不稱臣者上曰下豈敢慢上或猝遽
漏書亦傍增之爾等在朕左右凡天下何弊當革何
利當興何所軍民未安何人奸邪未去當歷舉以言
如此細故故可略也四月勅曰朕惟天下武臣犯石
天冒霜雪累積功勤致有爵位或承祖父往有犯刑
朕不忍遽絕其世皆謫之遠方今已踰歲其令輕者
復職重者立功自贖進士李衡自訟其父洪武中受
法不當違令干進上曰不聞帝王用人殛鯨與禹朕
不爾罪爾其勉之甲戌冊立世子為皇太子封郡王
高與為漢王高燧為趙王諸王嫡長子皆封為世子

衆子皆封爲郡王冊皇太子曰咨爾朕之嫡長朕藩
于燕爾爲世子聰明純厚孝友溫恭朕平內艱爾功
居守事上恤下至仁小心茲受爾冊寶命爾爲皇太
子爾惟夙夜祇承爲善無間一念過虧大德之累爾
宜念之學勿至迂明勿至察嚴勿至猛寬勿至縱謙
卑遜志容受忠良勤儉安詳惠鮮衆庶以承宗廟以
保社稷爾其敬之諭三法司出淹獄先是命儒臣輯
古嘉言善行將以授太子至是書成賜名文華寶鑑
御奉天門召皇太子面授之其書比高皇帝所輯嗣
君昭鑑錄加廣益以高皇帝之寶訓焉有官軍誣民
名口藏 典讀記 卷之六 成祖一 三
爲誹謗者縛送刑部獄具以聞上曰諺恒言軍強民
弱必軍誣民命五府六部都察院訊實遂釋民抵官
軍罪并罪刑部官之枉民者長山王賢俊來朝上朝
罷召諭六科給事中曰朕可否庶務或有失中爾等
直言願解縉曰敢爲之臣易求敢言之臣難得勅諭
文武羣臣曰今天下雖安民未蘇息郡縣豪猾遇有
征繇竝緣爲奸細民不勝盜賊滋起爾等其悉心政
務毋橫斂一錢毋妄興一役稱朕閔念元元之意更
定天下衛所屯田守城軍士視地之夷險要僻臨邊
險要者守多於屯在內夷僻者屯多於守地雖險要

運輸難至者屯亦多於守五月國子監祭酒徐旭書
奏不謹當降上問吏部尚書蹇義旭何如對曰文學
持守寡合於人上命爲翰林脩撰上曰持守之人宜
其寡合既有文學當真近侍庚戌以高皇帝忌辰詣
孝陵先日錦衣衛請具法駕上曰用數騎前導而已
顧侍臣曰皇考升遐之日正屬感慕之時自非辟道
導騎亦可省也六月楚世子孟烷來朝乙酉月食汰
冗官蘇松嘉湖諸郡水命監察御史督有司賑之論
禮部曰天下之才不盡也落第舉人或本有學問爲
文偶劣或文故不劣試官偶遺之其再試既試得張
名山藏 典讀記 卷之六 成祖一 三
信等六十人名見賜冠帶而勉之使進學於國子命
姚廣孝賑濟蘇松命徐景昌襲公爵進封定國公七
月寧世子磐斌來朝山東郡縣野蠶繭禮部請賀上
曰使山東盡繭亦僅被一方其已大理寺言有犯者
法當黥上曰宥之人孰不可與自新墨其身且怠其
心九月福建布政司奏有番船泊岸詢是暹邏遣使
通好琉球因風漂至已籍船中物請命上曰鄉有善
人猶能振人於德夷國通好不幸漂泊可利而籍之
丹壤爲治乏食粟焉使風欲歸或往琉球卽導之去
周王楠來朝獻鴟虞百僚稱賀上罷朝謂侍臣曰適

聞羣臣之言朕烏足當之古之明主皆遇祥自警警
 怠之分安危之繫也朕敢不敬裝印列女傳給賜諸
 番謂吏部尚書蹇義等曰朕慮中外守令未必得人
 遣御史分巡考察夫入其治田野闢人民安禮讓興
 風俗厚境無盜賊吏無奸欺即守令賢矣否即不賢
 矣比聞御史至郡邑但坐公館名問諸生及庶人在
 官者輒以為信夫君子中正自守小人賂遺求譽詢
 言之弊寧足憑也自今御史及按察司考察有司賢
 否皆令其實跡聞徒太原平陽澤潞遼沁汾民一萬
 戶實北京制信符給宣慰安撫等司齊王博來朝刑
 部尚書鄭賜言比軍士初犯者皆蒙宥小人作過全
 無戒懲上曰朕戒怙終若其初犯固可恕也刑部奏
 會諸司錄囚上悉召諭之曰爾宜盡心耕去莠也心
 有不存并去苗矣十一月上錄囚奉天門已出午門
 復召錦衣指揮鴻臚少卿各一人從容審問之有辭
 入白曰囚久困獄乍至朕前久困獄則雖枉而不求
 辨乍至前則畏威而不敢言刑部言靖難諸臣有罪
 緊者請論功定議上命論如律曰刑賞治天下大法
 也功不掩過私不廢公征討之功朕酌之矣過而不
 問私孰甚焉癸丑夜京師地震召羣臣論戒之以天

名山藏

卷之六

典謨記

三

寒罷築孝陵垣牆者學士解縉等進所纂錄韻書賜
 名文獻大成復謂未備勅太子少師姚廣孝刑部侍
 郎劉季篈及縉重脩之使翰林學士王景侍講鄭紳
 副命禮部簡中外官及四方耆宿有文學者充纂開
 館文淵閣光祿寺給朝暮膳
 三年正月上朝論天下文臣曰朕惟治天下得民為
 本保民愛恤為先朕皇考太祖高皇帝混一輿圖身
 致太平其間愛養生息思至慮周故天下殷富生齒
 日繁朕即位以來仰遵成憲惟恐不逮尚慮天下之
 廣人心難一不守我皇考一定之法致陷刑辟所以
 可嗚告戒使人遷善遠罪凡我有官君子明聽朕言
 民國本也勿苟貪其財勿妄役其力則可常安民
 常安則天下無事矣是亦爾等所以令終而後聞也
 論天下武臣曰國家置武衛以禦侮不以世治忘備
 爾等當竭忠効力守法奉公士卒戰禦所資也其用
 心撫綏屯田儲畜之本也其加意督勸若夫完城堡
 脩器械勤訓練謹斥埃慎哨備皆軍政所急爾等爵
 祿富貴或繇父祖或出已勞當夙夜體念保之永遠
 免順天永平保定三府田租二年命學士解縉於新
 進士中選才質英敏者讀書文淵閣得二十八人以

名山藏

卷之六

典謨記

三

擬二十八宿司禮監月給筆墨紙札光祿寺給朝暮膳禮部月給膏燭鈔三錠工部給居宅曰漢唐宋諸賢臣皆能以文章羽翼六經垂諸後世當使儒道之盛克見於今黃河清于蒲津羣臣獻頌建碑于孝陵伎石幕府山之陽求厥趺于龍潭山發土得石龜長尺許其文玄蒼宛然如生衆工以龜來獻羣臣奉表稱賀遂獻于孝陵楚王植來朝二月蜀王椿來朝命趙王高燧居守北京四月以儒士馬巨江爲翰林院五經博士巨江江西安福人與張純同輩學行老成志尚閑遠上在藩邸聞其名及是召至將用之以老固辭遂受博士賜紗帽銀帶襲衣及墨書褒諭命致仕周世子有燉寧化

名山藏

卷之六

成漢記 元

王濟煥長山王賢煥來朝五月肅王模順陽王有烜來朝賜周楚齊蜀諸王書曰我皇考創業垂統惟欲本支各盡其道朝廷則篤親親藩國則重守法朝廷紀綱明正藩國不齟齬其閒藩國禮節不踰朝廷不苛責于上吾與諸弟姪皆宜念之夫朝廷不能篤親是謂不孝不友不慈棄仁背義咎莫大焉昔建文嘗蹈此失吾躬奉藩不深戒哉天下事繁一人精智有限藩國當體亮本誠情外相恕比代寧秦晉永興高平平陽諸王稍不順意外怏怏或聽誘爲非甚者怨謗鎮壓是皆少年寡學之過吾慮傷同氣悉忍不

問然皇考有法朝廷之公也朕復不言積過愈深又安能已繼今吾念親親之恩勿替諸弟姪念皇考之法具在特此遣書陳布悃款六月遣中官鄭和往諭西洋海外諸夷命戶部尚書夏原吉僉都御史俞士吉左通政趙居住大理少卿袁復袁復賓人賑饑蘇松嘉湖曰蘇湖被水民食他郡其令所在毋驅逐水退復業無糧食種子者官給之大理寺臣言文官犯杖近例記罪還職停俸三月蓋欲使自新乃輕玩比比請今論如律上曰其待三七月與平鳳翔二縣進瑞麥羣臣表賀上曰四方遠邇一物靡疵癘乃名太平

名山藏

卷之六

成漢記 元

覽表憎媿八月申明學校之教遼王植來朝九月谷王穗慶王楠楚世子孟焯蜀世子悅熒來朝關陝獻嘉禾羣臣應制撰詩初上爲燕王時嘉禾生北平以獻太祖太祖御製詩賜上至是摹勒拓本賜諸王近臣時四夷貢使充溢脩會同館於京師驛于福建瀾江廣東之市舶提舉司爲海外諸番館福建曰來遠瀾江曰安遠廣東曰懷遠加封張輔爲新城侯十月封宋晟爲西寧侯賜滿刺加國鎮國山碑銘以祖訓賜諸王而諭之曰皇考垂訓子孫是書最要夫朝廷藩王合本同根心祖宗之心則自然各盡朕與諸王

共勉之十一月諭趙王高燧曰朕居北京廿有餘年每聞邊報謹守而已當時中山王武寧王亦惟嚴圍以無失敗爾遇烽警輒遣出視不輕率耶今宜戒之四年正月上謂侍臣曰朕閒中肄書愛毫穎精妙稱順人意因歎匠藝如此本之素治前代大儒君子皆是積勤造極今人學力未至便謂道難豈求道易匠藝也戊戌宴羣臣奉天門與宴蠻夷酋長皆起舞稱壽曰生居絕域獲親天朝太平之盛死且有光上曰普天同樂朕心也皆歡呼稱萬歲日本國王源道義捕獲海寇以獻下璽書褒諭之封其國之山曰壽安

名山藏

卷之六

典謀記 三

鎮國之山上製文立碑焉南陽皂君山草寇竊發命豐城侯彬新城侯輔率兵捕之諭曰盜故良民有司不字更加害之不愛其生則不得已其先之撫招及彬至皆潰散遂命班師六部都察院奏劾朝覲官治事稽違上召遣之而諭曰職天職也勤慎則張怠忽則廢其歸改過自新琉球國進閩人命還之禮部請今且留但止其再進不者慮阻化誠上曰空言不若實事留而止之必有繼踵來者甲辰大郊祀上覽存心錄顧翰林侍臣曰慕容超郊壇側出異獸隋煬帝祀園丘暴風不成禮德與不德皆能動天夫德者積

躬而累行蓋非臨祭而儆福上晚朝右順門百官奏事皆趨出名論六部尚書及近臣曰早朝奏事多不得盡言午後事簡卿有欲言毋謂朕倦聽又曰朕每且四鼓與衣冠靜坐是時神清氣爽則思四方之事緩急之宜朝退省覽奏牘有邊警水旱之報即付所司暇觀經史未嘗敢逸卿等宜體朕心相與淬勵西域進舍利禮部臣請因是釋罪囚上曰天堂地獄佛亦有焉梁武元順豈可效之賞功誅罪帝王大務也二月寧世子磐斌來朝成都等府播州宣慰等司奏蠲荒田賦上命戶部并除其歲額命軍官犯罪戍邊

名山藏

卷之六

典謀記 三

立功者悉復之三月辛卯朔視學釋奠于先師立碑製文焉廣東諸處黎獯苗獠皆來朝賜賚授官勅有司免其賦諭韃靼可汗鬼力赤曰朕體天為治惟欲萬方有生咸得所欲致書可汗謂宜通好往來共為一家可汗不悟拘我使臣掠我邊境夫天之所興孰能違之天之所廢孰能舉之昔天命有宋歷十餘世而厭其德以命于元數世之後天又厭之命我太祖皇帝此皆天命豈人力也不然元之後世自愛猷讖達里刺北徙以來至今可汗更七主矣土地人民增益毫末否古稱順天昌逆天亡况爾有衆甲冑不離

身弓刀不釋手東遷西徙老者不得終其身少者不得安其居今數十年矣是皆何罪可汗聰明特達還前使者及所掠去邊境之人用寧爾衆同享太平豈不美與若果必以兵朕亦不得獨已可汗審之文綸二表裏往致遠意永和王濟煥來朝上曰宣府萬全興和皆臨邊衛未冬先寒將士備禦晝夜不解甲朕嘗歷其處勞苦特甚大小官軍其人賜鈔五錠上試禮部中選舉人朱璿等擢林環第一復親試下第舉人得文學優等二十一人賜冠帶授之官選未及者賜鈔遣還論之曰爾等當歸務學鄉里父兄所在孔

名山藏

卷之六

典謨記

三

子蓋恂恂如也尚謹子弟禮毋生驕慢以蹈德凶勅諭海島流人曰爾等播遷于虐政畏罪久徒苟活窮荒特赦所犯宜卽還鄉復業譬如春冰爲水如故四月順天府老人以優免田租入謝命光祿寺賜酒食禮部予道里費面諭之曰往者北方連歲軍旅供給勞苦故爾特免比農種何如民力復舊否朕念一來恐勞困爾爾歸各勉子弟爲善而勤生皆叩頭謝因論戶部臣北京耆老多有入謝者春作方興政當勤督子弟力於農畝况衰倦之人豈堪遠涉卽檄止之保安王尚煜順陽王有長山王賢煥來朝購遺書

於天下論使者曰勿計直惟所欲士大夫尚有戮書况天子哉因顧學士解縉曰須覽閱乃有益上諭都御史陳瑛曰御史以儆肅百僚當用清謹介直之士不能是者悉黜之因諭吏部授御史必其人又曰百官小大皆必其人豈但御史有較尉許朝臣謗毀時政者上曰其誣命鞠之果然上曰小人敢誣君子則上下不相安也付治於法司五月召論三法司曰日見刑部引奏有逮及無辜久繫不決至於病危其人無罪設若病死枉殺之矣決獄在明又在滯今天氣已熱徒流以下其皆令所在發遣上謂侍臣曰君

名山藏

卷之六

典謨記

三

人之道犯極惡則不宥有小善則不棄論小過而廢大善善將息錄小才而免大惡惡將肆故惡難容者乃不論其才才可用者乃可略其過賜鬼力赤部下阿魯台織金文綺二端而諭之曰曩者丑閭回其言爾聰明識天命有歸誠之心近忽都啄木兒至又言爾母子同心歸誠有加無替自古名世之臣如王陵陳平去楚歸漢尉遲恭李靖舍隋歸唐曹彬潘美委身事宋皆懷先見之明知天命去留之幾爾明達不下古人政當夾之朕當處爾善地與爾王封傳之子孫永世無窮命雲南車里諸宣慰使定孟弄灣甸等

府州三年一貢著為例秦王尚炳來朝六月己未
 日有食之是日陰雨不見禮部請賀不許上謂近侍
 之臣曰早在宮中偶忘一事問左右皆不能舉沈思
 久乃得之朕以一人而覽萬幾能盡無遺誤日今事
 有叢脞爾悉臆之處置有悞亦須直言拾遺補過爾
 等職也南雄府獻瑞麥薦宗廟廣東布政司言南雄
 至南安有梅嶺之隔番夷方貢請用民接運上曰貢
 無定期農少暇日其令貯貢物於南雄農隙接赴南
 安復顧侍臣曰民不失養勞之鮮怨民失其養休之
 不德雲南西南夷大古刺小古刺等部落皆來朝貢
 名山藏 卷之六 典誤記 語
 七月上視朝百官奏事退召侍臣語久之時方五鼓
 侍臣請曰聖躬勤勞請少休上曰朕在宮中嘗周思
 庶事一事未行或行未善即不寢至旦必行乃安久
 亦忘勞誠念才德不逮若不專志勤思何繇政善民
 理也命成國公朱能佩征夷將軍印充總兵官西平
 侯沐晟佩征夷副將軍印充副將軍率
 二十五將軍討安南逆臣黎季犛季犛者胡查也閏
 七月羣臣請建北京宮殿以備巡幸從之遂遣工部
 尚書宋禮侍郎金純古朴師達副都御史劉觀等採
 木於中外命泰寧侯陳珪北京刑部侍郎張思恭督

造磚瓦徵天下諸色匠作選軍民丁壯期明年五月
 赴役於北京來歲代古村陳人洪武中節貢為太
 嘉之除營部主事累武選郎中禮部文書郎尚書終
 侍郎永樂初改戶部右侍郎宣德中戶部尚書終
 官林居官臨事夙夜匪懈謹守成憲無敢損益戶部
 主事劉良羅其官林下考之良上左右求其仁宗
 可良遂誣奏林他事既就繫成祖察林誣釋之仁宗
 時吏部奏林校吏與林合謀誣奏林仁宗曰林
 龍祿位降良常誣奏大臣君子不與良竟以誠敗
 師遠字九達東阿人少孤年十五里求母得之歸
 食藤花菜地不常有遠去城南二十五里求母得之歸
 則丙夜道遇虎驚呼天虎舍遠去母食菜尋自國
 子生擢御史陝西按察使旬日問決海獄以千餘
 人下憂去官盧墓蔬食水樂初台為兵部侍郎尋轉
 吏部文皇征虜命總督饒運達請量程置使使節
 輒民不困而軍食足洪熙初進南戶部尚書兼掌
 部事宣德二年卒遷任吏部能稽詢衆論以未公當
 處從北京文皇間語左右曰處從諸臣惟師達廉
 名山藏 卷之六 典誤記 語
 上語翰林侍讀胡廣等曰朕曩守藩暇好觀易時府
 中惟武周文善為易然時有拘滯易者易也其妙在
 變又曰內君子外小人一語人君用之功效不小時
 周文以侍讀學士請致仕陛辭賜坐良久曰卿篤學
 惇德宜在左右春秋高矣故遂卿請周文頓首謝命
 賜酒饌楮幣給傳還鄉願謂胡廣等曰斯人操履端
 方上問胡廣曰中官自江西來言田家獲稻皆了此
 甚早也對曰臣鄉多早稻是以早獲上曰江西民衆
 地少農亦給否對曰勤斯給矣上曰勤之一言四民
 皆通人君尤要八月侍臣有言強盜劫人多滅死成

邊恐法寬無以示懲上曰朕憐其初非得已又冀其終能改過勅甘肅守將宋晟寧夏守將何福山西守將吳高曰朕欲馬蕃思有二策其一欲略如漠法擇水草地其外險阻數人守之縱馬其中順適其意冬寒草枯則聚而收之其一散與軍民牧養設監牧統領之二策孰善精思條畫以聞上召通政司參議賀銀而責之曰朕於民情雖微不忽四方言事皆欲悉聞今章奏非重務者通政司但送六科不聞朕如此則何以通政為賜趙王高燧書曰比聞駙馬都尉袁容怒都指揮款台過門不下筵楚幾斃款台靖難功

名山藏

卷之六

成祖一

三六

臣爾豈不知曷不聞朕自洪武來何嘗有下馬駙馬門之令所辱款台之人悉送京師王敦為晉駙馬縱恣暴橫卒用悖逆滅亡爾令毋效之免齊王榘為庶人九月晉王濟熇周世子有燉廣昌王濟熇來朝設陝西甘肅二苑馬寺北京二苑馬寺申嚴投匿名文書之禁十月免午朝上顧侍臣皆休沐一日復問寓舍無事寧觀書否對曰暇亦不廢上曰朕愛孔子飽食終日之言宮中恒觀書若等盛年切莫自逸禹惜寸陰何可不勉辛丑月食征夷將軍朱能卒龍州使右副將軍輔領其眾回回國進玉益却之命禮部賜

鈔謂尚書鄭賜曰朕宮中恒用麓盤潔素瑩然可念也十一月庚申大薦享于高皇帝后臣庶祖考咸預其列其日甘露降孝陵醴泉出神樂觀獻宗廟賜廷臣勅曰朕敬謹事天致孝皇考皇妣普及幽靈禎祥疊見爾羣臣表賀朕不敢當斯皆上天眷祐皇考皇妣聖靈垂陰及爾羣臣盡心輔朕協和神人之所感格朕觀自古有道之君祥瑞之來愈加警畏爾宜勉輔朕躬承天與朕皇考皇妣鑒臨之意刑部大理進月繫囚數上閱之凡數百人大辟十之一名尚書呂震少卿虞謙等曰非死刑者何今天寒淹禁雜犯死

名山藏

卷之六

成祖一

三七

罪以下約二日悉依贖罪例發遣之呂震字克聲臨澤人洪武中鄉舉入太學詞廷行天下累遷至學士震之兩弟震北平按察使事成祖潛邸恭願有勞及即位召震震少卿尋陞大理卿進刑部尚書轉禮部成祖數自特使虜震與吏部尚書蹇義戶部尚書夏原吉兵部尚書方賓刑部尚書吳中皆諫上不聽上怒原吉懼儲之對震震之并督實等實聞懼自縊上命震兼領戶兵二部事震諫之曰事無與卿卿但盡忠朕不為相期因令較尉十人隨震密勸曰震萬一死爾十人母生也震自劾親悟善記每奏事他尚書皆執詞本又與左右侍御更迭奏震獨曰奏具得其曲折事經震言等語口更進三語皆曰專請計三部侍御具位而罷震從行虜虜立碑沙磧中上率羣臣讀碑文而震能樂之居一年上與文學臣語及碑語禮部遣官往錄其文震請筆疏之上密使人至虜中揭其本不脫一字以此寵震甚震深中密言當其獨坐深念以手指刺眉毛則必有精思密計諸官屬相諫無敢自事而主事戶部尚書隆者故為春坊中允為東宮所重

曰震事震政獨坐不應少選復前震怒拂衣起曰君自行之何以問為昌隆不得請有語以公舊事東宮皇太子系重公何不取令旨行之昌隆從其計事得行震大怒奏昌隆假官像故類思私事不關聞奏取東宮令旨不之父而之兒昌隆潛蓄無君心上為震下昌隆獄尋赦復官昌隆丁父憂起復調震震外津按昌隆入理前奏詔繫昌隆錦衣獄籍昌隆家凡下詔獄者上北巡幸與載以從名隨駕重四昌隆與焉後數年谷王諱反以王嘗保奏昌隆為長史坐昌隆與講下公卿雜問昌隆力辨不服震折之昌隆知不可免乃服獄具上昌隆死夷其族震居禮部垂二十年仁宗朝加太子少師尋進太子太保宣德元年卒卒時病面瀆宛轉病呼曰尹相尹相家戶部人材人問故曰尹昌隆守而欲殺我震竟死

高文雅疏白時政下禮部會議都御史陳瑛以文雅疏舉建文時事劾而請寘諸法上曰草野不識忌諱言苟可採勿遽廢罷因諭尚書鄭賜明主不罪言今

名山藏 卷之六 典謨記 一

後建言者但論可用與否瑛刻薄非助朕者文雅可付吏部量才授官十二月辛卯大赦天下上聞京師民多病歎曰內府藥材甚廣咫尺不能有濟何況於外命太醫院掣施方劑復命禮部申明藥局之令

名山藏卷之七

臣何喬遠

典謨記

成祖文皇帝

五年三月工部尚書宋禮採木四川有大木數株出谷浮江賜其山曰神木祠祀之四月興平王尚炳永壽王尚虹順陽王有烜寧世子盤斌代世子遜熾來朝上謂侍臣曰朕與卿等論政不覺語久或謂傷氣非所以攝生豈知天下之大休戚利害非廣訪博詢寧能知之侍臣對曰好問好察舜所以無為也上曰

名山藏

卷之七

典謨記

一

不如是不足以盡羣情五月敕左都御史陳瑛等曰朕每歲春夏若農隙敕郡縣浚溝渠築圩岸脩陂池捕蝗螟遇饑荒卽賑卹比河南郡縣洊旱滂有司匿不聞反言稼登及遣視之有收不及四五者有十不及一者亦有撥食草實者朕亟命賑之已悉寘于法其榜諭天下自今水旱災傷有司不以聞者罪如之會都御史俞士吉賑饑還上聖孝瑞應頌上擲還之曰爾出賑歸未聞一語及民都御史固爾耶六月安南平詔天下置交趾布政司羣臣譟平安南頌上諭都察院曰朕尊我皇考舊制調發軍馬必用御寶

文書去年命內使採天花山西此朕一時過尋悔而罷近聞內侍進詐傳詔旨偽造勸令復以天花為名於彼勞苦軍民所在官都不來奏爾即遣兩御史往治械送京師有涉者皇親不貸七月乙卯皇后徐氏崩八月三法司奏錄囚命非犯十惡者皆貸死南人戍極南北人戍極北流以下姑釋之交陞已平餘寇出沒七源諸州山谷中前軍都督僉事高士文往勦至廣源州與戰死之土文咸陽縣人洪武中以小較靖難有功累陞前軍都督僉事為人質直剛果九月善騎射其征交陞多効勞勦死而人皆惜之張輔等獻黎季犛及其子蒼之俘于京師上御奉天

名山藏

卷之七

典談記

二

門受之以付獄他子孫皆赦之給衣食于有司嘉定縣奏請度民充僧不聽諭禮部曰民服田力穡養父母出賦稅供上僧何補哉十月以交陞所舉明經士人甘閏祖等十一人為諒江等府同知賜勅及御書慰免之羣臣有守衛卒自陳母病漬甚乞假省視上曰曷不早白曰告守衛官不聽也上大怒曰守衛官非人于耶黜戍邊交陞郡縣奏送所舉士上曰南不耐寒命工部賜綿花襪靴於中道上謂刑部尚書呂震曰前所赦死戍囚從南北風土便宜顧南者多死瘡癘其改發北京種田郡縣庶全活之諭韃靼可汗

鬼力赤日前遣使致書本期通好何乃拘留不報今再遣百戶早花等審求其故禍福之機天有顯道唯可汗省之甲午冊諡大行皇后高平王濟燁來朝丙申月食十一月敕張輔沐晟曰交陞反側必當勦滅然不可濫及無辜雖兇逆之家幼子童孫驅入內地為民為奴而已姚廣孝等重修文獻書成賜名永樂大典序之曰昔聖王之治天下也盡開成之道極裁輔之宜修禮樂而明教化闡至理而宣人文蓋自伏羲神農黃帝堯舜以至禹湯尚已之數聖人繼天立極皆作者之君文武相承文監二代乃始有述孔子

名山藏

卷之七

典談記

三

生周之末有德無位刪修贊序功賢作者周衰百家舛繁王者迹熄秦人燔書斯道中絕漢興六藝漸傳繼而唐宋沿習有徵我高皇帝以神聖之資廣禮樂之途博大悠遠同聖帝明王之道朕嗣承鴻基緬思續述以為混一之時必有一統之制作用以序百王之傳總歷代之典而世祀綿邈簡編顯富恒慨其難至于考一事之微汎濫莫周求一物之實窮力莫究譬淘金於沙探珠於海憂憂乎不易得也迺集文學之臣纂四庫之書購募天下遺籍上自古初迄於當世博採旁搜彙聚羣分著為奧典以氣者天地之和

也有氣斯有聲有聲斯有字故用韵以統字用字以繫事揭綱而目畢張始振而未具舉包括宇宙之廣大統會古今之異同巨細精粗粲然明備其餘雜家之言亦得附見蓋網羅無遺以存考索始元年之秋成五年之冬總二萬二千九百三十七卷名曰永樂大典聚其散漫總其條貫於以見斯道之大彌綸天地通貫古今支派蔓衍布著而紛紜也十二月頒高皇帝戒飭功臣鐵榜文及勅旨於武官面申諭之通山王孟燦來朝

六年正月勅新城侯張輔曰前以將士久勞於外今

名山藏 卷之七 典漢記 四

爾等撫安平定及時班師今春氣向暖未聞還期朕夙夜在念其有妨耶速具奏聞二月命武臣子弟襲職者試騎射初試不中罰本衛所充軍三年覆試不中謫戍遠方別選才子弟代之詔曰朕念昔南征以靖內難時皇太子居守賴軍民竭忠効力供給餽餉馳驅負輓晝夜弗寧城守戰鬪冒犯矢石父母妻子朝夕不保使朕無北顧之憂朕即位以來飲食夢寐不忘北京民其所屬郡縣數被水旱歲穀不登缺食流移朕甚愍焉永樂四年五月所逋負稅糧課程其盡蠲之諸色課程自永樂六年為始仍免徵三年少

伸朕意焉三月詔曰比者營建北京需材於下國之大事誠非得已民之勞止朕甚愍焉所司督責通負鞭笞逼迫甚失朕心河南山東西永樂五年以前悉與蠲免東安舒城二縣饑命賑之掌交趾布政司尚書黃福言交趾初平徵斂不一請酌定輕重賦稅之上曰比除交趾郡縣官朕數諭之政務寬簡以綏新附福言良合朕意戶部其輕議之

名山藏 卷之七 典漢記 五

生授項城王簿改清源皆有惠政陸金吾前衛經歷上書論國家大計太祖甚加獎異超擢工部右侍郎未幾初遷左侍郎尋陞尚書鑒建北京置行部為行部尚書交趾叛命將討之使福之南廣營辦軍門調度有方交趾平命以尚書兼學布按二司事交人安之洪熙元年福還兼詹事輔皇太子其後交趾復叛再出討之守臣再乞福往福三則將已失律夷民有執福者十則謂曰此黃公孫也故父母也解衣衣之騎乘之騎不便與昇之至其壘尋禮甚謹福厲聲叱之曰爾等負天朝厚恩天地鬼神共絕汝徐又曉譬以順逆禍福交事雖不可支而官軍竟無一人被害者既還復命董督淮泗清運調行在戶部宣德初調南京戶部先是朝廷勅襄城伯李隆守備南京至是復命福參贊正統初進少保五年卒年七十八福歷事五朝易直康恕學士揚士奇南還祭掃至南京福所病不出士奇即往見福驚曰公曠勿主可一日福左右士奇服遣給事中郭驥指揮金塔卜萬諭虜王本雅失里曰知爾自撤馬罕脫身別居失八里今鬼力赤等迎爾北行以朕計之鬼力赤與也孫台久結肺腑相倚為固未必棄親就疎况手握重兵雖或下有附爾者亦安敢與異志爾與鬼力赤不兩

立矣夫元運既訖順帝以後瞬息間六傳未聞一人善終者此亦天意古有天下者皆封前代子孫如陳杞微箕漢唐亦行之我高皇帝恤元子孫尤厚爰古思帖木兒遺還為可汗南北共知也朕愛人之誠擬之皇考前代有同皎日爾如幡然來歸朕當念爾無吝封爵賞賚居爾近塞惟爾所欲若惑下人圖擁立之虛名不顧禍機是亦惟爾特賜諭意并賜緘金文綺衣二襲綵幣二端勅新城侯張輔等曰朕命爾班師今天氣已熱瘴癘方作善撫視之有一死瘴不名全功四月永壽王尚炆來朝五月下詔赦交趾餘孽

名山藏

卷之七

典義記

六

勅文武官寬恤之悉停罷一切不急之務六月勅泰寧侯陳珪及北京行部曰今方盛夏軍民赴工者飲食作息必時有疾與醫藥斂怨為功朕所不取命軍民子弟僮奴有自為僧者并其父兄送京師輸作五臺山畢日就北京種田七月楚世子孟焮來朝論征安南功進封張輔英國公沐晟黔國公清遠伯王友為侯柳升為安遠伯瓦剌土酋馬哈木太平把禿孛羅來朝封馬哈木為順寧王太平為賢義王把禿孛羅為安樂王餘論功有差八月交趾賊簡定鄧悉等復聚眾作亂以沐晟為征夷將軍總雲貴川蜀兵四萬

絲雲南往征之命兵部尚書劉儁贊其軍淳泥國王麻那惹加那乃闔家來朝上嘉勞之親享之奉天門皆賜宴九月交趾土人莫遠莫助莫遠等來朝上嘉初下安南時率先歸順賜勅獎賚製詩賜之復遣太監鄭和等齎勅使古里滿刺加蘇門答刺阿魯加異勒瓜哇暹邏占城柯枝柯撥把丹小柯蘭南巫里甘巴諸國十月淳泥國王卒上輟朝三日厚加祭賻葬之安德門外祠而碑之臨淮縣及靖州高安靈山二縣皆言廟學當脩上曰此政首也工部其即日下有司且通行之天下勅甘肅總兵左都督何福曰得奏

名山藏

卷之七

典義記

七

欲取西平侯家所畜善馬以統孳牧昔高皇帝時勳戚貴臣皆令畜馬蓋共享富貴意朕謹遵之其止勿言十一月皇長孫出閣講學三法司言大辟三百餘人覆訊皆實請處決上令人持節諭之寬許自訴復諭五府六部及六科曰三百餘人有一不實則死者含冤爾等更從容審之一日未盡則二日三日便十日何害大抵人情難得有便言駕詞者有訥不能吐者詳悉以聽毋刑迫之十二月勅諭北京官吏耆老軍民曰朕每惟靖難之日未嘗忘爾父子兄弟功今宜安分力本孝親敬長教誨子孫輯睦鄉里有官

守者必廉必勤以為善人君子或有過愆皆行改滌夫為善獲吉為惡致凶天道也黔國公晟與交趾賊

簡定戰厥江敗績都督僉事呂毅兵部尚書劉備交

趾參政劉昱皆死之劉備字子奇江陵人

居言不出口遇事剖決有道無道皆奇之曰吳曰公

輔器也洪武中以進士擢駕部主事累進尚書張輔

征交趾備贊其軍運籌畫策夜以繼日既捷言輔釋

其軍黨凱還上深嘉之輔還交後叛成祖命備仍贊

沐晟軍抵化州夷人聞備來皆喜獨賊首抗不服至

又安海口颶風大作揚沙走石晝夜莫辨備長行日

天乎天乎口誦羅隱詩運去英雄不自謀且戰且行

畧無退意晟敗績備陷賊執之抗聲大罵賊曰

揖我縱公生備焉益烈遂遇害事聞上悼惜不已

朝賜賻祭甚厚皇太子請王皆遣祭仁宗即位數日

婦人死夫尚有旌况大臣為國捐命往者劉備死交

未贈諡禮官即議之遂贈祭祿大夫

名曰藏 卷之七 典謨記 八

子奎給事中 興平王尚焄來朝是歲設四夷館選

國子監生教習四夷譯字曰韃靼曰女直曰西番曰

西天曰回回曰百夷曰高昌曰緬甸凡八館

七年正月勅內外臣工曰文官之祿皆出民武官之

功實因軍能推緩恤庶幾示報不報而又侵之國法

不容鬼神禍焉論禮部臣曰高皇帝君天下三十餘

年法度明備朕恪尊成憲庶幾阜康思與民同樂其

賜元宵節假十日自正月十一日為始百官朝參不

奏事有急務封疏處分軍民張燈飲酒五城兵馬馳

夜禁著為令二月上將巡狩北京命皇太子監國吏

部尚書兼詹事府詹事蹇義兵部尚書兼詹事府詹

事金忠右春坊兼大學士兼翰林院侍讀黃淮左春

坊左諭德兼翰林院侍講楊士奇為輔遣使於巡狩

所經郡縣存問高年上曰朕巡狩北京思得老成列

置郡縣洪武中諸臣有引年未衰者吏部悉召之暫

任以政資薦靖難將士之亡沒者靈璧白溝東昌真

定夾河藁城凡六處命英國公張輔佩征虜將軍印

充總兵官清遠侯王友充副總兵率浙福江川三廣

雲貴及楚遼寧三府護衛兵與沐晟協征交趾寇命

行在戶部尚書夏原吉兼掌行在禮兵二部都察院

名曰藏 卷之七 典謨記 九

事賜鈔四百貫壬午上巡北京車駕發京師翰林學

士胡廣庶子楊榮諭德金幼孜扈從戊子駐蹕鳳陽

謁祭皇陵上負土益陵從官皆負遂遣祭于祖陵賜

鳳陽土民戶鈔遣官祭靈壁戰沒將士遂遣祭于東

昌蕪城夾河白溝真定壩上諸戰處祭已駐蹕徐州

祀徐王墳遣祭少昊帝堯孔子顏孟嶧山諸神壬寅

至濟寧晚至汶上漏下數刻上召胡廣楊榮金幼孜

至行殿賜坐論事夜深辭退上曰朕每日避風沙草

間且行且獵爾可隨觀早發汶上上騎射過小村蒹

葦數家桑棗藜茂雞豚雜處兒童婦女聚觀如不知

萬乘過上曰樂哉民家癸卯至東平州勉諸王羣臣樂善如漢東平三月甲辰望祭泰山辛亥駐蹕景州望祭恒山及北京山川壬子駐蹕河間府遣祭漢昭烈帝及河間獻王戊午駐蹕涿州見諸耆老追敘億之勞免其租稅壬戌至北京壇而告天地於奉天殿遣祭山川城隍之神受羣臣朝賀賜官吏軍民鈔命文武大臣從游萬歲山交趾進白象羣臣請賀不許敕行在刑部都察院北京行後軍都督府曰北京官吏軍民從靖難者除十惡強盜不原餘皆釋之發充軍者悉復其故念守城功復通政司右參議賀銀

名山藏

卷之七

典義記

十

官庚午大宴羣臣及北京耆老宴畢並賜敕勉諭四月諭行在都察院曰朕已宥從靖難者官吏軍民罪尚慮有僥倖輕憲者其以朕意示之賜皇太子書曰朕命爾監國凡事務寬大戒躁急文武羣臣皆朕所命雖有小過勿遽折辱亦不可偏聽為好惡機務之重審察而行稍有所忽累德不細敬之慎之閏四月敕蹇義金忠等曰皇太子監國所裁決庶務其令六科詳錄彙奏賞一人繇何罰一人繇何罰復有繇何夫國之儲嗣天下大本爾等輔導當使天下之人仰望風采夙夜盡心庶副朕懷行在刑部都察院奏請

錄囚命重者五覆奏五月諭北京耆老曰朕惟帝王之治教化為先朕夙夜拳拳惟圖行之凡我百姓教訓子孫明詩書通善道慈孝而友敬一坊一鄉之長教訓鄉坊之人五民守業無有淫惰貧富和睦鄰保相恤則上下相安風俗淳厚夫降祥降殃惟天善不善惟人作惡而悛亦為善類慎之省之營山陵於昌平縣之黃土山車駕臨視封其山為天壽上采輯聖賢格言為書四卷曰聖學心法賜皇太子而序之曰朕惟古帝王平治天下具有要道詔訓子孫亦有成法朕承皇考洪基仰惟締造艱難惕焉思懼明明有

名山藏

卷之七

典義記

十一

訓是式是儀夙夜孳孳莫悟突與嘗欲立言訓我孫子顧所聞者無過六經聖賢之道幾務之暇采輯為書名曰聖學心法揭君臣父子為綱分而為目有統有專惟我子孫尚慎聽之夫人君智周天下必繇學問治心脩身涵養以充之尊師重傅畜識以廣之先明諸心力求其至然後可以應天下之務無不宜矣不繇此者聖功何成治先敬天敬也者所以永保天命也法天行體天德則上天眷顧四海乂安不然天去人違不可延須臾饗祀鬼神尊祖配天所以報本反始也專精其德玉帛菜盛明信薦之神其福矣祖

宗立法佑啓我後繼世之君敬之守之則世祚延長
敗而不信衰世之主也君人好惡與人同之獨好獨
惡謂之拂天人之投閒毀譽愛憎無得而辨欲求無
殆不可得已夫禍亂生於怠豫而治康本於自強一
心之用周流天下須臾斲息不可有功大要在彊勉
而已彊勉則不懈不懈則身脩家齊國治而天下平
夫亂者生於治也生於忽也非治能生亂以其久安
而忘戒是以忽亂既亂而懼慮之無及守滿持盈居
高思危者人君所以安身而保位也道德仁義教化
之原也若夫內外者男女之位也明君為政必先正

名山藏

卷之七

典謨記 成祖二 七

內則閨門和倫理正紀綱不紊矣自古國家衰亂皆
繇內外易位尊卑倒置權溺于中言出于閨男教女
順盛德之至也聖君為治先親九族夫睦親人道之
大也唐堯之德也詩詠行葦書言展親是以周祚遠
也民國本也保如赤子未有不治也致治先育才道
也者所以化民易俗也學不至道不足以成才故養
才必素建學立師是其急也任人在擇才擇才之方
在取信於衆論一人有好惡衆論合至公取公用當
官稱事治矣藪澤之大以其能容君德之聖以其聽
諫朝夕納誨賢君之盛也謙已和顏接而受之則衆

言日聞無蔽匿之情隱伏之禍好諛而喜佞拒諫而
飾非大臣固榮下僚懼罪耳目壅蔽則敗亡也夫言
有似是而非貌有似真而偽不可不辨也君子則處
以公正表裏如一小人則用情私邪君心公正故君
子有所合而偏邪無自入故夫審其邪正而慎其用
舍惟明君也夫禮國紀也樂情統也教民敬莫善禮
教民和莫善樂治天下者先修禮樂焉夫天地者尊
卑之位也君臣者貴賤之等也義明等辨則人倫序
而名分正故聖王之於天下也不使卑踰尊賤凌貴
小加大庶先嫡君君臣臣父子子夫婦別長幼順

名山藏

卷之七

典謨記 成祖二 七

上下相維朝廷之誼明禍亂之源塞矣人君馭臣惟
禮與誠遇以禮待以誠則得賢者之心賢者之心得
而天下之士歸天下之士歸而百姓戴焉人君不以
賞私愛以待有功不以罰私惡以待有罪賞當功則
勸罰當罪則服賞吝罰弛則紀綱頽號令墮矣爵祿
不足勸刑法不足嚴故賞罰者明君所慎也刑也者
聖人所以使人遠罪改過也日欽日慎先王敬用不
敢輕也殺愈多姦愈作獄愈煩天下愈亂秦隋之君
也財者所以經用也善乎君子之言曰民邦本也財
民心也善生財者非必取民也愛養生息使其力有

餘品節制度致用而不竭庸王則不然用培剋之吏
剝膏竭髓而謂之曰能之人也欺其君者也茅茨土
堵堯所以欽明也惡衣菲食禹所以無間也賢主不
侵淫於嗜欲而戒慎於奢靡故天下靖安四陲蒙福
衰世之君極費而窮好天怒民怨欲國無危不可得
也夷狄之性無常強則叛弱則服聖王馭之以道不
威以威厚之以仁待之以信不以其歸順弛防不以
其衰微忘武來則禦之服則處之起釁傲功損力耗
財中國所以罷敝也夫兵也者所以備不虞也除暴
救亂先用武天下既平先用文文武並用長久術也

名山藏

卷之七

典謀記

古

驕則玩玩則敗聖王之治兵也教禮義焉至死而不
畏危也用以征伐則萬全若夫父子人倫之至也爲
人父止於慈教之也愛而不教敗其子也孝順德之
大也子以事親以身之孝率天下之孝則不令從不
嚴治矣善繼善述不改先志孝之實也若夫勤勵以
事上廉潔以簡身謙謹以守法正心修德責難陳善
毋矜毋伐毋妬毋賊毋市恩毋逞奸此臣道也歷觀
人臣之敗未有不繇於懈怠貪污而恣肆者也吾所
以勉爲吾之臣者也凡前諸事吾集聖賢之言爲訓
脩齊治平之要蓋大畧已具於戲自昔聖帝明王賢

士君子或生或學故其言之精微可得而用不可得
而離也吾揆德薄智淺寤寐戰兢無敢怠豫俯察仰
思匪學匪生無足垂訓是以述而不作序厥篇端吾
子孫欲觀是篇其尚先觀吾言非欲吾子孫取法吾
言吾欲子孫取法於聖賢也是日安邑縣學教諭白
威言安邑早傷民饑流徙吏科徵不已乞折收鈔帛
當租稅皇太子從之命巡按御史罪命而以威令安
邑錢塘知縣黃信中青田知縣謝子襄開化知縣夏
升爲縣得民皇太子皆擢爲其本府知府六月遣御
史行郡縣舉實長吏臧否陞黜之御史還奏汶上知

名山藏

卷之七

典謀記

古

縣史誠祖治行第一貪污不職無甚易州同知張騰
賜誠祖勅嘉勞之并賜上尊一織金紗衣一襲鈔千
貫陞濟寧知州仍掌汶上事下騰獄勅行在吏部都
察院更悉心訪吏諭靖難諸臣曰昔漢高帝屠戮韓
彭臣主皆咎尉遲敬德爲唐功首嘗有小過一聞太
宗訓言卽自飭勵宋曹彬雖有大功恒自裁抑故能
令名終始往跡昭昭也我皇考加意勸舊飭戒諄切
謹守不違中山武寧王一人而已武寧王功大心小
出則經營四方入則杜門遠勢每旦趨朝鞠躬屏息
如藍王者斗筭小人卒至覆絕又如李景隆稔凶包

愚造為妖讖天地鬼神暴厥逆謀朕念懿親曲存寬
 有不自省究忿怨益深豈自保之道爾等從朕艱難
 以臻今日朕嘗申明皇考戒飭之訓茲復錄洪武鐵
 榜及律條定制人賜一本俾永鑒焉嗚呼朕不忘爾
 艱難爾亦不忘圖自保不然有過雖有券書恐犯出
 宥外日至之時朕不能庇虜主本雅失里殺我所遣
 給事中郭驥指揮金塔卜歹且欲寇邊上怒命嚴備
 而將征虜焉命兵部尚書署吏部事方賓簡南京御
 史之才者召至北京賓奏薦御史循理等二十八人
 上聞有繇小吏出身者命黜之曰御史國司直須用
 名山藏 卷之七 典誤記 六

有學術識治體者上謂廷臣曰近日州縣數奏水旱
 朕甚不寧右通政馬麟對曰堯湯不免焉抑一二州
 郡耳上曰洪範雨暘皆本人事爾何不學因顧方賓
 等曰朕與卿等皆當修省更須擇賢守令徙青州諸
 郡民之無業者八百餘戶於薊州七月命洪國公丘
 福為征虜大將軍總兵官武城侯王聰為左副將軍
 同安侯火真為右副將軍靖安侯王忠為左參將安
 平侯李遠為右參將往征北虜勅諭曰本雅失里悖
 逆天道拘殺信使命爾往征兵重事也自開平以往
 當常若對敵至出奇兵擊之爾嘗從征備悉勝術審

勢察機不可執一既行復戒曰朕觀風雲氣候當心
 有戰占法慎則勝有言虜易取勿信之八月密雲繁
 峙二縣獻嘉禾行在禮部請賀不許是月麗水縣山
 水暴溢害民皇太子遣人撫視九月庚午朔日有食
 之遣使封甘肅總兵官何福為寧遠侯諭之曰虜人
 來歸且勿給土田令俱來北京扈從漸漸移之南行
 散於便宜畜牧之處諭行在三法司曰明刑慎罰厥
 朕本心是是非非惟爾究情昔隋煬帝殺盜二千人
 當罪五人而已其時羣臣阿不諫朕以為恨朕數戒
 爾若有冤人爾等殺之不有陽責必有陰譴丘福與
 名山藏 卷之七 典誤記 七

虜戰敗績死之王聰火真王忠李遠皆力戰死上聞
 歎息曰福不從吾言至此此朕不明遂決親征焉賜
 李遠王聰贈諡恤將士死事者家勅行在五軍厲將
 士治器械天下武職坐罪者皆令詣闕自言非殊死
 悉宥之簡備戎行令朝鮮國進馬助征至則酬直十
 月命夏原吉沿途築城為儲胥原吉請於宣府以北
 用武剛車三萬輛運糧踵軍約十日程築城一酌儲
 胥飽軍留守戍虜覺遁即躡其後上然之命其城曰
 平胡殺胡十一月是月也督河刑部侍郎張本有疾
 皇太子遣醫馳視賜鈔五百貫及狐帽狐裘初運物赴行在

者河遊舟滯皇太子遣張本督視本早暮躬勸馬方
暑立程度舟行皆通公私便之至是疾皇太子建
觀十二月上諭行在戶部臣曰自濟寧至良鄉民勞
遞運數年其免戶內糧稅名張輔王友等領交陞軍
還以從征虜進封陳懋寧陽侯是月也守京城內使
言城門郎於皇太子縱酒擅離城門郎亦言臣母
病偶歸固言之內使矣臣嘗忤內使故內使構臣皇
太子曰城門郎無疚內使上罔朝廷下誣無罪者下
錦承衛治之令今後內官內使言事不實及挾私枉
人者實重典

名山藏

卷之七

成祖記

八

八年正月諭皇太子曰朕親征虜付爾留守事無大
小審度而行尚親賢遠佞力於學問進德而明智欽
哉是月也皇太子以淮揚鳳陽至陳州去年水患遣
近臣視免其被災田有典賣子女為贖還工匠役京
師者悉罷遣之二月勅黔國公沐晟仍佩征夷將軍
印充總兵官雲陽伯陳旭充副總兵率師征交趾餘
寇以親征北虜詔天下命皇太孫居守北京戶部尚
書夏原吉輔之趙王高燧整理北京城池軍馬廣平
侯袁容泰寧侯陳珪輔之丁未車駕發已酉次龍虎
臺遣祭居庸山川庚戌度居庸關次永安甸晚雨雪
已霽日下五色雲見丁巳駐蹕宣府壬戌度野狐嶺

駐蹕興和扈從臣應制撰平胡詩於馬上甲子大閱
士是月廣德州知州楊翰坐事被逮州民詣闕頌政
皇太子復其職賜鈔三百貫三月乙亥駐蹕鳴鑾丙
子駐蹕凌霄峰地燥泉乏天忽雨雪丙戌大閱乙未
駕次清水源地鹹水涸忽湧泉扈從臣應制撰神應
泉詩是月也潁川縣饑皇太子命賑之四月庚子行
營刀戟中夜皆有火光癸卯車駕至玄石坡勒銘于
立馬峰曰維日月明維天地壽立石勒銘與之悠久
壬子次擒胡山勒銘曰瀚海為鐔天山為鋸一掃胡
塵永清沙漠賜其泉曰靈濟甲寅次廣武鎮勒銘曰

名山藏

卷之七

成祖記

九

於錄六師用殲醜虜山高水清永彰我武賜其泉曰
清流庚申次威虜鎮之水軍士遲食賜以所乘水上
尚膳日已暮令視軍士食乃膳是月也皇太子免陝
西被災逃亡民徭役一年停徵其逋負五月丁卯次
臚胸河賜名飲馬河選勇士三百專護衛不隸於諸
將甲戌次環翠阜獲虜謀言本雅失里將西奔瓦剌
已至兀古兒札之地土令諸將悉度飲馬河分追之
乙亥留清遠侯王友廣恩伯劉才統領守營兵馬於
飲馬河上築殺胡城上率精騎循河西北行以二十
日糧往丙子發聞喜岡勅諸將避山取便道毋疲士

丁丑次平虜塞用韃韃百戶為鄉導戊寅車駕至兀古兒札虜已遁駐兵河上賜名清塵河倍道夜追已卯及虜幹難河上登山先布陣逆擊破之本雅失里以七騎遁去俘獲男女輜重孳畜仍命遊擊將軍劉江驃騎將軍梁福等追之上駐蹕滅胡山釋俘遣之人予口糧羊馬皆膜拜辛巳駐五原峰命都督薛祿祭幹難河山賜名玄冥河丙戌次飲馬河班師庚寅至蟠龍山以所獲牛羊及光祿寺上供均給士是月也金州雷雨泛溢皇太子遣視之賑濟宿交趾總兵官沐晟追勦賊首陳季擴於虞江季擴遁追斬首

名山錄 卷之七 興漢記 三

三千餘級六月癸巳車駕次飛雲壑倍道行甲辰偵阿魯台聚衆山谷中命嚴陣上率數十騎乘高視地勢麾軍度山結陣行虜出沒迎且却少頃阿魯台遣人請降上已預敕出諭之既阿魯台為下所阻未決再遣其甥來上賜甥酒復使偕其下欲降者半欲戰者半上命諸將嚴而待虜遲回不發上以數百騎挑之虜迎戰右哨與敵阿魯台率數千騎當中堅上率精騎衝破之阿魯台墮馬策而遁追奔十餘里虜死且生皆亂散遂營于靜虜鎮丙午上率精騎窮追命都督黃中金玉等領馬步卒殿至長秀川虜棄輜

重牛馬雜畜彌望中等收雜畜焚其輜重丁未上追及虜四曲津斬其名王以下百數十人戊申追至廣漠城上逐虜山谷間復大敗之己酉發廣漠上命諸軍渡河而伏以輜重先上按精兵最後虜競趨輜重伏出虜亟走上兵至虜莫知所向反奔河皆陷淖生擒數十人餘盡死虜遂絕庚戌次寧武鎮餘虜多來降辛亥次紫雲谷諸將皆會賀捷壬子次玉潤山上見病卒憫之命中官周視病者悉給醫藥乙卯次清華原令昇病卒丙次長樂鎮令都督劉江殿英國公勅之就道瘞遺骸癸亥次金沙苑命恤士病餒收病

名山錄 卷之七 興漢記 五

卒一人賞鈔五七月丁卯次開平宴勞將士分所獲給軍上曰朕在塞外久素食非乏肉也念士不能甘侍臣曰比見陛下服御供具貶於將帥上曰朕往時在軍皆然此行尤念士改開平李陵驛為威虜驛壬申次盤谷鎮勅寧夏備禦都指揮王倣曰朕聞能特命鎮守之癸酉次獨石止羣臣遠迎駕甲戌次龍門皇太子使使進袍服請上更上曰將士衣久弊人關賜之朕乃更壬午至北京癸未宴羣臣從征居守皆預甲午大賞功是月也皇太子令州縣戶不及五里州一年縣二年各貢生員一人禁棄男子不育者平

陽縣風潮漂沒登州府所屬諸縣疫安慶徽州鎮江鳳陽諸郡縣饑皇太子皆命安撫賑恤之八月封安遠伯柳升為安遠侯賜扈從北征文職官鈔幣特命翰林學士胡廣侍講楊榮金幼孜同尚書之賜賑輩昌諸府饑九月幸天壽山十月上將南還丁酉發北京以務本訓賜皇太孫其書言田野農桑之勤勞舉高皇帝創業艱難次及往古人君聖賢昏亂可鑒戒者以致飭勵之意是月也皇太子賑江西饑十一月車駕至京師十二月周王橐楚王楨寧王世子盤杖永壽王尚虹來朝左都御史陳瑛劾奏隆平侯信強

名山藏 卷之七 典議記 成祖二 三

占丹陽縣之練湖及江陰縣田上曰昔中山王有沙洲一區水利所經其家僮據以厲農中山王聞而歸地於官信何敢爾命三法司雜治之論吏部尚書蹇義毋以刀筆吏為御史著為令交趾賊首陳季擴上表請降許之以為交趾布政使九年正月陳季擴外降內叛復命張輔佩征虜將軍印充總兵往會沐晟勦捕之發諸省兵二萬四千隨征二月丁未月食下詔赦交趾罪人停其徵採三月三法司奏錄因上曰論刑之際當詳君子小人君子有過如失足誤亦偶然小人有罪如饒口恣而無厭

安定王尚炆來朝刑部奏民有益勸善書者當諒成上曰盜勸善書黥比耶命去之溫州民言歲輸白碧山嶺為艱乞附載之海舶上問工部臣何用答對曰染色布上曰染布耳而勞民於遠罷之命自今製布毋染四月刑部都察院請遣官各省決囚上曰京獄有冤得擊登聞鼓在外難矣其再使審覆聞名諸王來朝長幼次至六月內官鄭和使西洋諸番錫蘭山國王不禮將劫之和俘王以歸官軍從入海者皆引見命禮部與宴鈔撫恤揚州府諸縣之被水災者賑龍游縣饑開會通河成七月浚黃河故道成陝西疫

名山藏 卷之七 典議記 成祖二 三

遣戶部侍郎王彰祭西嶽及關內山川上謂兵部尚書方賓曰物性遂則生蕃往時北京軍士養馬散牧郊坵是以驟牝成羣近聞置棚造枋繫維之當有蹄齧死者飼秣失宜死者病不治死者朕以此訓諭司牧皆不遵用爾兵部申飭之以湖州諸縣淫雨沒稼免今年田租張輔沐晟敗交趾賊黨阮師於月常江汝南王有勳永寧王有光來朝滿刺加國王拜里迷蘇刺率其妻子及陪臣五百餘人人朝宴勞之厚其賜遂御朝受錫蘭山國王之俘羣臣譏來遠人討不庭詩以進賑臨城縣饑八月癸卯月食論三法司曰

明刑慎罰朕雖面訓屬吏苟且因循自今非謀反大逆當即死者具疏情犯朕詳覽之必五覆奏命屯田軍以公事妨農者勿徵賦著為令肅王拱來朝十月遼王植來朝勅五府六部三法司所奏重囚論皆當死為之惕然特再三省諭爾等審覆之勅戶部請徒北京及充軍屯種之人免杖而徒者五年勿事免徒流而徒者三年勿事充軍屯田者一年後徵其租充軍屯種者二年後徵其租封冲城為韓王佐敬為靖江王重修高皇帝實錄增置北京行部戶曹清吏司郎中一員永平保定河開三府同知通判各一員丞

名山藏

卷之七

典謀記

詩

通霸前濼安景滄八州同知判官各一員專理屯務
 藩王模谷王德慶王櫛代世子遜熅晉世子美圭來朝丁卯命皇太子嫡長子為皇太孫冠于華蓋殿十一月免陝西逋負清獄囚遣御史巡視靖難時控師處死未盡瘞者罪所在官司十二月乙未大雨雪上名禮部尚書呂震曰寒甚昔靖難時亦當此景將士裂膚墜指朕尚念焉故從征者其各賜之鈔以水災免順天府等州縣稅糧勅三法司曰每盛寒暑朕必命恤囚比聞死獄者往往蔽不奏夫殺一微物尚有陰禍人命至重可怠肆乎自今不謹則朕不貸上諭

工部臣曰京城軍士有出征者有守衛者妻子在營雨雪連日必有寒凍抽分處所積薪不少戶給百斤出征者三之成都知府賈瑜饒州知州李益九載考滿吏部言瑜益皆得民上擢瑜福建參政益山西參政命禮部各賜鈔百貫宴勞之朕恒念得賢守自今守九載有治績者陞賞一視益與瑜安王楹平陽王濟煥來朝閏十二月勅五府六部臣曰朕任賢求言拳拳生民遣問軍民利病絡繹於道於今十年困弊未蘇未臻治効非長之者未得人歟昏懦關茸者不達政體貪黷苛刻者不恤人窮歟司理之官不

名山藏

卷之七

典謀記

詩

明其情或牽貨賄顛倒抑民歟耳目之官或拘於欲得實跡因循緘默不糾不言歟今有可以革斯弊道及軍民有所未便者條析以聞助朕奉切諭右副都御史李慶曰養民先守令守令賢否在按察司按察賢否在都御史卿等不能舉職即按察司職亦廢何論守令其察非廉明正直之士皆黜罷之諭兵部臣曰武臣子孫世襲老弱殘疾者優給之旗較有功者優給及子孫此高皇帝舊制爾等毋以四方無事恩不至焉
 十年正月刑部都察院六科劾奏天下州縣朝覲官

有勸合不完者請付治上命條上完者幾何人蓋千五百餘人僅八十人完上嘉八十人勤賜鈔使復職餘亦有而勉之復問鴻臚寺及六科比日命朝覲官言民瘼言者幾何對曰百五十上曰令盡今日言絀默者罪既命六部議行曰不當亦勿問元宵節賜羣臣宴聽臣民觀鰲山午門外三日命造作雜務勿遣正官俾專理民賑隴州饑山西諸縣饑有司不以聞械治之魯王肇輝來朝以奸民好訟緣無恒產而北京多閒田命犯者挈妻子耕種於北方二月赦武職犯罪者以楊士奇金幼孜為考官會試天下士命精

名山藏

卷之七

典義記

庚

擇之毋過百人曰取散木百不若得良材一伊王模楚世子孟烷來朝遼王植有罪削護衛及儀衛司給與軍較廚役三百人備使令三月秦王尚炳薨代世子遜熾來朝四月慶成王尚炫來朝上諭兵部臣曰朕申戒馬政有年矣蕃息未報其飭厲太僕及諸都司衛官管馬官歲終以孳牧來聞考勤怠焉勅三法司曰曩者奸惡齊黃等謀危社稷皆已伏誅復交燕去穢絕其滋蔓自今三月十六日以前凡奸惡遠親已擒在官者不宥餘皆赦之賑河南山西饑五月寧化王濟煥來朝六月增建習譯館二十楹勅戶部臣

曰朕歲遣人行郡縣欲周知其豐歉河南饑有司不以聞其速賑之凡郡縣及朝廷所遣官目擊民艱不言者追下獄永和濟熯來朝七月以水免蘇州府諸郡稅糧選在閒韃官教民牧馬鑄永樂通寶錢八月寧世子盤斌來朝令皇太孫兼講武事命兵部選北方民間子弟年十七至二十拳勇有材藝者給廩送京師充隨從名曰幼軍勅北京提督養馬官考驗軍士養馬孳生及數者人賞鈔五錠牧養失時罪不貸勅邊將於關外險要之處崇石垣深濠塹以防虜山東河南諸縣者民詣闕謝賑上諭戶部曰賑饑上

名山藏

卷之七

典義記

庚

責也遠來謝止復來其再止之並給路費還皇親徐赫匿逃民法司請治之上召諭曰疎遠小人尚相戒守法爾乃狎恩昔中山王不敢分毫越度非爾祖耶治如律以國子監學錄王讓侍皇太孫說書曰朕聞其孝九月上聞天壽山工匠有亡疫者為文遣祭命僧資薦三晝夜有司歸其骨復其家二年封志烜為秦王十月勅都察院大理寺出輕繫輪作贖罪者病順天府醫療之甲子甘露降方山獵于武崗山之陽羣臣表賀應制謨詩丁卯命皇太孫演武于方山十一月以旱免湘陰海康遂溪三縣稅糧開州民父子

三人自言願効力天壽山上曰有為乎曰無生受國恩願効寸報上曰爾意誠美爾能遵教務本不犯刑辟歸而化善于鄉即所以報見鄉老少亦諭以朕言遣太監鄭和齎勅往賜西南海上諸夷君長所鎮撫陳恭上言人主侍衛宜嚴戎翟異類非我腹心不當寘左右唐玄宋徽可為明鑒上示羣臣曰恭言甚是顧唐玄宋徽自有敗道豈坐用夷人君撫有薄海內外亦安得示人不廣夫金日磾忠於漢武史那社爾効於唐宗胡元疎外漢人南人柄用蒙古韃靼然亦不免於亡亂十二月邳州淫雨傷稼命御史傳賑之

名山藏

卷之七

典義記

天

十一年正月辛巳朔日有食之上曰朕乖治理上累三光衆陽之宗薄食元旦爾羣臣尚勉輔朕朝賀宴會其悉罷免上謂通政司曰朕令來朝有司言民利病率云田穀豐稔比聞山西民乃食樹皮草根自今悉記之境内災傷已不自言他人言者必罪徐州饑寬其逋稅天壽山陵成名曰長陵二月設貴州等處承宣布政司咨沂崇明德安豐城諸縣饑賑之置烏思藏衛命北京民分養孳生馬上巡狩北京命皇太子監國皇太孫從乙丑車駕發京師丙寅葬仁孝皇后于長陵三月皇太子賑湖州諸縣饑四月車駕至

北京上謂行在兵部尚書呂震曰有司妄言時和歲豐者業加罪有切民情知治理者宜旌賞之勅三法司慎刑行在刑部奏決囚有律輕情重者請重處之上曰民弗信其如律賑山東饑五月諸城等縣蝗命有司捕瘞之諭曰蝗苗蠹也爾不能除則亦民蠹端午節幸東苑觀擊毬射柳聽文武羣臣四夷朝使及在京耆老聚觀是日也分擊毬官兩朋駙馬都尉袁容領左寧陽侯陳懋領右自皇太孫而下諸王大臣以次擊毬皇太孫射柳三中上大喜既畢使屬對稱善賜名馬錦綺紗羅及番國布諸王大臣以下擊射

名山藏

卷之七

典義記

天

中者賜夏布綵幣有差遂命儒臣賦詩賜羣臣宴及鈔設甘肅茶馬司於陝西行都司城外定營建長陵功賞進封武義伯王通為成山侯騶虞見青兗羣臣獻詩禮部請賀不許六月上召行在戶部臣曰人從徐州來言水災民有鬻男子者人至父子相棄窮極矣即驛賑之所鬻為贖還樂亭縣水傷稼免其租壬戌月食東鹿縣野蠶繭增設順天應天二府州縣官府通判州判官縣佐各一員理馬政七月韃靼太師阿魯台來歸封為和寧王申勅交趾布政司府州縣官善綏新附之民勅鎮守大同江陰侯吳高脩諸處

烟墩高五尺堅必鐵石八月賑仁和嘉興二縣饑申

明恤刑之令九月命扈從軍士於北京城外旁近人

種麥二十畝依屯田考較毋倚閒暇而曠沃土府軍

指揮張和自南京來奏事辭歸上頗聞昶弟倚皇太

子妃兄居鄉驕橫名諭曰開平王永城侯德慶侯家

恃外戚生事皆取滅亡汝當為鑑因賜鈔六十錠曰

若爾家守法何翅萬之上謂戶部臣曰山東蝗有司

不問朝廷知而遣捕滋蔓矣各郡縣每歲春至驚整

時其即視之初發捕使絕布政按察二司失提督者

與州縣同罪十月遣副都御史李慶齋璽書於南京

命皇太子錄囚出輕罪命諸將整飭士馬十一月以

山東新進野蠶繭織帛染栢黃製衾薦太廟瓦刺馬

哈木既封復叛謀寇邊上將親征焉命諸將巡邊練

士馬

名山藏

卷之七

典謨記 年

名山藏卷之八

臣何喬遠恭輯

典謨記

成祖文皇帝

十二年正月上諭行在工部臣脩治孔子廟元官節

上觀燈午門賜羣臣及耆老宴羣臣進詩命翰林第

高下賜鈔有差并賜耆老鈔帛二月隴州饑賑之按

問長吏之不言者上退坐右順門裏衣袖垢敝納復

出侍臣有贊聖德者上嘆曰朕日十易衣未嘗無之

但念自惜福昔皇妣躬緝故衣皇考見而喜曰勤儉

如此可法子孫朕常不敢忘三月揚州水賑之張輔

使都指揮師祐尋交趾賊首陳季擴於老撾獲之上

親征瓦刺庚寅車駕發北京皇太孫從行晚次清河

諭耆老之送駕者歸督子弟務生戊戌駐蹕宣府上

從容教太孫太孫所對皆合上意上喜庚子發寧遠

鎮行間有突兔命皇太孫射之應弦而斃賜皇太孫

名馬辛丑至萬全命忻城伯趙彝建平伯高福尚書

吳中郭資都御史李慶通政司馬麟督餉日役民隨

軍苦矣朝夕慰勞無毒以刑是月也直隸河南山陝

興和大閱庚戌勅大營及五軍諸將曰軍法嚴則士一賞功明則士服今朝發一令夕不下聞此不嚴也將士効力名不上達此不明也其立傳令及紀功官丁卯發清水源上以山川險易及將士之勤勞示皇太孫馬上且曰汝知吾所以為此者乎對曰陛下豈圖其地利其資畜亦豈不自為樂虜禽獸也恩之不戴服而遂叛陛下固欲大獮蕪之永驅於絕荒令一跡不近塞為子孫臣民世福遂下馬叩頭上嘉歎良久戊辰駐蹕屯雲虜多降者已巳駐蹕玄石坡申令將士愛惜戰馬兵行毋擅離隊伍辛未駐蹕清風

名山藏

卷之八

典漢記 成祖三

二

整命藥病者五月癸酉朔駐蹕楊林戌上教皇太孫以創業守成之道曰天下之事不可不周知人之艱難不可不涉歷乙亥駐蹕禽胡山上念潛邸時嘗禽虜不花於此遣祭其山川之神辛卯駐蹕速兒溫都兒之地有海子水清冽賜名蒙山海是月也皇太子遣人撫綏高密安丘諸城三縣之流移者六月壬寅朔駐蹕清流港前鋒都督劉江等哨見虜跡東行下令五軍將士臨陣齊奮所誅惟首虜毋奪財物毋掠婦女毋虐老稚毋殺降附違者斬甲辰駐蹕雙泉海劉江等遇虜康哈里孩與戰斬其數十人上度虜且

至嚴哨瞭已獲虜謀言虜兵經此可百餘里丙午車駕發雙泉海次三峽上率師兼程進命皇太孫於寶壽同行專以鐵騎五百護衛戊申駐蹕忽蘭忽失溫是日馬哈木太平把禿字羅等率眾逆我師見陣整頓兵山巔上駐高阜望寇分為三合鐵騎挑之虜奮來戰上麾安遠侯升發神機銃砲斃虜數百餘人親率鐵騎擊却之武安侯鄭亨追擊虜中流矢寧陽侯陳懋成山侯王通等攻虜右虜堅都督朱崇指揮呂興等前薄之連發神機銃砲虜死無數豐城侯李彬都督譚青馬聚攻虜左虜盡死鬪聚被創都指揮滿

名山藏

卷之八

典漢記 成祖三

三

都力戰死上遙見率鐵騎馳擊大敗之殺其王子十餘人斬首數千級乘勝追奔度兩高山虜勒餘衆復戰又敗之追至土刺河生擒數十人馬哈木太平等脫遁會日暮皇太孫遣騎兵四覘知虜已敗走上還帳皇太孫入見語虜敗形叩首稱賀上曰虜去未遠尚宜窮追皇太孫曰以陛下之威虜破膽矣請班師上曰善已酉賜名忽蘭忽失溫地曰殺胡鎮庚戌班師虜有乘高而覘者上麾兵薄之皆潰散車駕發殺胡鎮駐蹕回流甸遣使以擊敗馬哈木等諭和寧王阿魯台戊午駐蹕三峯山之西南和寧王遣所部來

朝命中官在勞之庚申駐蹕飲馬西岸和寧王復遣所部來言疾不能自詣上賜之米百石驢百匹羊百牽別賜其部屬丙申駐蹕飲馬泉和寧王遣人謝慰諭之乙巳次墨山峪敕皇太子以班師告天地宗廟社稷頒詔天下是月也皇太子賑常熟縣饑七月丙子駐蹕禽胡山救山陝遼東臨邊諸城增烽堠謹備禦已丑駐蹕紅橋禁蹂田禾取人畜產者庚寅駐蹕興和命假軍二十日豐城侯彬成山侯通領之命與安伯徐亨等率軍扈從已亥駐蹕沙河皇太子遣兵部尚書兼詹事府詹事金忠進迎鑾表上怒其緩且

名山藏 卷之八 典謨記 成祖三 四

奏對失辭以右春坊大學士兼翰林院侍講黃淮左春坊左諭德兼翰林院侍講楊士奇及司經局正字金問等輔導不職並徵之是月也皇太子賑河南湖廣浙江諸縣饑八月辛丑朔車駕至京羣臣皆賀庚戌大賜宴張輔執送賊首陳季擴阮師至京師伏誅尼八刺國沙的新葛遣人入貢封為尼八刺國王賞從征將士九月降晉王濟熿為庶人使與世子美圭同守恭王墳封恭王第三子平陽王濟熿為晉王榜葛刺國王遣使獻麒麟羣臣獻詩禮部請賀不許孟縣獻嘉禾上聞弗提斤六城之地肥饒命指揮塔失

往治弗提衛城池令軍民居止畋獵孳牧從其便商賈欲居者聽之伊王構薨閏九月黃淮徵至下獄既楊士奇金問亦至命法司鞠治宥士奇名問東宮事士奇叩頭言殿下孝敬誠至凡所稽遲皆臣等罪上悅而罷行在諸臣奏士奇不宜獨宥下錦衣繫之未幾特出還職遂徵司經局洗馬楊溥芮善相繼下獄崇明縣水給米鈔賑之免差役二歲十一月郢王棟薨諭行在翰林院學士胡廣侍講楊榮金幼孜曰五經四書傳註雖定羣儒異同之說尚互可發明其會通採附為大全書周程張朱所著如太極通書西銘

名山藏 卷之八 典謨記 成祖三 五

正蒙諸篇亦彙聚次之為性理書因命舉朝臣及四方文學之士開館東華門外纂修而廣等總其事光祿寺給朝夕饌甲寅月食蘇松嘉湖杭五府水有司請半徵上盡蠲焉

十三年正月敕諭天下來朝有司曰朕夙夜圖治擢任賢能苟能盡心修職俾康兆庶天下未有不太平者也夫為官者以忠勤廉謹為本以公正仁恕為先忠則不欺勤則不怠廉則不貪謹則不肆公則不私正則不偏仁則不暴恕則不害毋謂民愚而心實神毋謂朝廷可欺也而上天鑒之不遵朕言罪不赦欽

哉既復榜而申戒之午門之外瓦刺順寧王馬哈木
賢義王太平安樂王把禿孛羅遣使謝罪請朝貢如
初許之壬子午門外燈山火有死者命禮部給其家
敕皇太子曰上元張燈意同民樂火及于人天戒朕
也方茲祗懼爾亦敬之停止中外進送遣監察御史
吳文等分行天下詢察吏治得失及民間疾苦以聞
郡縣官有貪刻不律者執之聞茸老病悉送京師以
春和布寬恤之令設保安州戶部言漕運漸多請發
民治倉上曰東作將與其出徒流以下定等輸作命
武職大臣出鎮諭之曰爾皆舊人寄爾腹心夫財民

名山藏

卷之八

典義記

六

心也不傷其財斯不失其心往勉之二月遣指揮斌
給事中磐等十二人分往山東西大陝西甘肅遼
東督視軍士操練屯種交趾總兵官張輔沐晟還師
京師立北京馬神祠定平安南功賞釋工作囚徒四
千九百餘人輸作贖罪既而多亡有司請捕之上曰
必其空乏之遂命見役者俱還家期秋後赴工令下有
不願去者七百餘人上併盡釋之四月命張輔鎮交
趾上既選幼軍隨侍皇太孫至是設府軍前衛親軍
指揮使置官屬焉以水賑北京諸郡五月丁酉朔日
有食之端午節上御東苑觀擊毬射柳賜文武羣臣

鈔有差文臣進詩者加賜酒席壬子月食開清江浦
河道七月諭行在都察院曰藥州知州敬代州同知
損武清知縣潛皆殘吏已置法備錄所犯榜天下以
儆民牧太監鄭和等奉使西洋諸番還命武職官犯
輕罪繫獄者有疾許出醫藥著為令賑魏瑞昌永司
射洪巴諸縣八月以北京軍民養馬者多增置行太
僕寺少卿各一員寺丞八員戊寅壽星見賑山東河
南順天等府饑九月占城貢獅子羣臣請賀上曰元
順帝時兩都桑果葉皆五色黃龍文嘉禾有一莖至
八穗者五色雲常見朕與卿等祇敬無怠而已五經

名山藏

卷之八

典義記

七

四書大全及性理大全書成上親序之十月令郡縣
凡選發種田者能用心養馬悉除其罪大城縣水免
其租甲申上獵近郊經白河念靖難時冰合濟師遣
特牲祭告法司奏冒支官糧者上怒命戮之刑科覆
奏上曰朕過矣其如律中官李達吏部員外郎陳誠
等使西域還十一月麻林諸國進麒麟天馬神馬諸
物上御奉天門受之羣臣稽首稱頌上曰此皆皇考
威德卿等輔相功繼今益勉之蘇林荅刺古里柯枝
麻林諸番使將歸命行在禮部臣豫遣官於福建俟
其至宴餞之無簡敕周肅奏晉諸王選護衛步騎五

一五七二册 續修四庫全書 史部 雜史類

千以明春赴真定操練勅西北邊及中原江北諸都
司武衛選所屬步騎兵以明春赴真定德州二處操
練候比試於京師如洪武中故事賑湖州諸縣

十四年正月賑北京河南山東饑免其逋租停官買
不急之務以水免河南諸府去年租稅二月改趙王
高燧封國于彰德命漢王高煦居青州四月禮部郎
中周訥請封禪尚書呂震亦以請上曰聖經無文焉
管子不足道也卿乃不及魏徵五月端午節上御東
苑觀擊毬射柳賜文武羣臣宴自公侯以下至衛士
者民賜鈔有差賑六安英山碭蕭西安諸縣饑置交

名山藏

卷之八

典謨記

八

陞郡縣凡府十二州十九縣六十一六月儋州土官
率生黎峒首來朝上謂行在禮部曰黎人遠不沾化
而貢獻頻繁自今三年一朝著為令哈烈撒馬兒罕
失刺思俺都准等處朝貢使臣辭還賜鈔幣命禮部
遇所過州縣宴餞之仍遣中官魯安即中陳誠齋勅
偕行賜哈烈王沙哈魯及撒馬兒罕等頭目金繪諸
物八月癸酉壽星見行在禮部請率羣臣賀不許九
月戊申車駕還南京十月甲戌月食癸未車駕至十
一月周王橈率其子鎮平王有熿宜陽王有熈來朝
上欲遷都北京下羣臣議羣臣合疏伏惟北京聖人

龍興之地北枕居庸西峙太行東連山海南俯中原
足以控四夷制天下土厚水甘民淳俗朴誠天府之
國帝王之都高皇帝分封陛下若有待矣陛下即位
之初陞為北京文武羣臣合請營建已下所司採木
川廣羣庶雲集良材神呈比來聖駕巡狩萬國來同
民物阜成禎祥駢駘天意人心昭然可知然陛下重
啓之伏惟早賜聖斷上曰善楚王楨來朝修曲阜充
國復聖公廟復命修從祀諸賢之廟壞者古里瓜哇
滿刺占城錫蘭山木骨都東溜山喃勃利不刺陸柯

名山藏

卷之八

典謨記

九

丹蘇門答刺麻林刺撒忽魯謨斯柯枝南巫里沙里
灣泥彭亨諸國及舊港宣慰使臣來朝既辭還悉賜
文綺襲衣遣中官鄭和等齋勅及錦綺紗羅絹等
物偕往賜諸國王仍賜柯枝國王印誥并封其國中
山為鎮國山親製碑文賜之先是上諭皇太子令翰
林儒臣黃淮楊士奇採古名臣對君之詞彙錄以便
觀覽至是書成賜名歷代名臣奏議遂以頒賜
十五年正月遼王植瀋王模寧王權蜀王椿安王楹
晉王濟熿來朝上集神僧傳成御製序二月谷王穗
以逆謀削為庶人命豐城侯李彬鎮交趾肅王秩慶

王撫楚世子孟烷魯王肇輝來朝命泰寧侯珪掌北
京繕工事安遠侯升成山侯通副之遂詔日與事三
月以五經四書性理大全書頒六部兩京國子監及
天下郡縣學命天下有司雜犯死罪及徒流以下悉
縱還家營資斧徒作北京自贖與平王尚炳永壽王
尚烜祥符王有燭新安王有燿永定王有光汝陽王
有煥永興王尚烈來朝漢王高煦有罪居之樂安州
車駕巡狩北京壬子發京師已巳次邾城勅軍士所
過毋壞民稼有踐傷者除其近稅五月丙戌朔車駕
至北京命行在左副都御史李慶兼督營造命行在

名山藏 卷之八 兵部記 十

工部造安樂營以居病匠太醫院分療之御史錦衣
巡視亡歿者歸其骨七月賜皇太子務本之訓勅曰
朕以教太孫今錄賜汝復別以賜皇太孫使服膺之
戊寅壽星見羣臣請賀不許九月修孔子廟成上製
文刻碑焉戊辰月食既命在工所疾未痊者護送還
家有司善撫之十一月金水河太液池水冰結為樓
閣龍鳳花卉象賜羣臣臨觀行在禮部尚書呂震請
率百官表賀拒不受勅曰比歲以來卿等遇祥輒賀
朕之涼德夙夜不敢康命中外諸司愛卹軍民勸課
農桑作興學校平均賦役敬祀慎刑旌表孝順節義

民鰥寡孤獨必存卹之薦舉材德道逸之士嚴固邊
激倉庫出納無有侵欺一遵高皇帝成憲官吏貪暴
曠職者監察御史按察司具實糾治之改前禮部尚
書趙雅為兵部尚書巡督塞北屯戍軍民一切利病
邊務不修者以實聞雅夏縣人洪武中以太學生授
職方司主事命兼天下兵馬諸
路屯戍軍具圖以進補其缺者增其宜置太祖謂雅
能陞武庫員外郎尋陞浙江右參政時海寇出沒劫
掠以計捕之成祖嗣位使交陞卻其金寶之使使還
陞刑部右侍郎尋轉工部未幾陞本部尚書賜宴華
蓋殿後陞禮部尚書以遺其子嗣論北京上仁
孝皇石山陵壬辰督開創隆慶保永安寧諸州縣撫
安新集之民既改兵部尚書丁內艱起復專理塞外
兵政壬寅北征雅給餉不絕仁宗嗣位改刑部尚
書宣德庚戌以疾致仕正統元年卒遺官論祭命有
司治喪葬雅在襁褓母抱避寇林莽中卒遇虎熱視

名山藏 卷之八 典漢記 十

去聞者異之及長英偉多才善屬文喜歌咏歷是月
事五朝多所裨益雖貴位列卿自奉如寒素 是月
陝西進玉兔羣臣表賀
十六年正月以玄兔圖並表領賜皇太子諭之曰羣
臣頌朕朕心媿之夫好直則德廣好諛則過增爾將
來有寄不可不審理於言故示爾知交趾賊黎利反
三月乙丑月食勅天下文武官員轉貪為廉革暴為
寬勵怠為勤去私持公安養軍民使皆受福勅成山
侯通行視陝西潼關等處曰高皇帝數命公侯重臣
脩理軍政今西北邊尤急勉盡厥心六月纂脩天下
郡縣志書勅交趾總兵官李彬曰為將之道在智勇

仁信忠勇則不可犯智則不可惑仁則愛人信則不欺忠則無二爾撫鎮遠夷政當體之七月交趾布政使莫勛交州知府林希望等言交僻南荒募化有年皇上建設郡縣俾同內向今者營建北京謹以家丁瓢等五百人獻詣闕下少効子來召勞賜鈔而遣之曰備悉遠誠殊不勞爾降勅切責陝西布政按察二司曰比聞所屬郡縣歲累不登致民流莩又不以聞其咎安在速賑之翰林院侍讀兼右春坊右贊善梁潛以輔導有關逮下獄八月尼八刺國王沙的新葛遣人入貢使中官鄧城與其使者偕行賜賚之所經

名山藏

卷之八

典謨記

三

罕東靈藏必力士瓦烏思藏野藍可般十納等處頭目皆有賜丙戌壽星見九月壬戌月食十月諭陝西三司曰西人苦旱征役又繁朕甚憫焉自今出使外夷一切供應非有朝命毋得擅取違者重罪之十一月以浙江瀕海郡縣風潮衝激堤岸墊溺民居歲治無成上親齋戒遣保定侯孟英以太牢祭東海既祭水患弭咸歸頌于聖誠十二月武當山宮觀成賜名太嶽太和山親製文記之上以資皇考皇妣之福下為民庶祈弭論法司曰唐太宗惡官吏貪濁犯賊必宣法吏尚清謹民免措剋貞觀所以為盛朕屢勅中

外諸司不許妄殺一夫擅斂一財而官吏恣肆自若繼今論如法以陝西旱命成山侯通借戶部官馳賑之論曰民之饑餓譬拯水火速往毋緩一切不急悉停止之民間事不便者條具以聞

十七年三月為善陰隲書成蓋上輯古之積善而慶顯有明效者得百六十五人人為論斷系詩于後以勸世焉因命禮部準大誥例抽日以試士八月勅皇太孫曰爾年既長尚勤學問自古帝王未有不讀書明理而能齊治平均者交趾又安府土官知府潘僚反勅豐城侯李彬討之九月封劉江廣寧伯丙辰卿

名山藏

卷之八

典謨記

三

雲見羣臣稱賀不許勅曰帝舜之世有百工八伯之歌四時未經萬姓未誠朕正當與卿等憂勤惕厲以答上眷十一月丁巳甘露降孝陵松柏三日十二月勅武臣曰自古國家盛衰強弱未有不係武備之張弛有宋之時太祖太宗削除暴亂將勇兵強後嗣不脩醜虜僭竊馴致分裂宗社丘墟元有天下世宗戎部整肅甲兵強盛遂以胡主華厥後嗣主荒淫軍政弛焉覆亡竟至我高皇帝受命于天于時將帥效忠士卒奮勇天下之民陰受其賜朕嗣位以來屢勅爾等整齊隊伍操練士卒犀利器械爾等惟圖貨賄苟

且蒙塞今明與爾言爾犯他罪論動論成猶或可恕
若如前弊罪且用殺令自今在外繫囚當死者悉送
京師會官審錄三覆奏乃決癸未卿雲見勅皇太孫
曰比聞出郊遊獵一軍害民即懲以法朕聞甚喜善
積而久名播天下不令而行不言而信肅王煥薨命
工部侍郎劉仲廉許廓覆實戶口田賦於交陞仍察
舉軍民利病以聞

十八年正月上元節上觀燈午門賜羣臣宴賜御製

詩羣臣屬和以進 詩日皇明昭啓天春隆太祖受命
芟羣雄奠安萬姓後人紀灑掃宇

宜腥膻空三光宜精益輝明五嶽不動逾穹崇水天
深壞極南北虞淵場谷窮西東梯山航海日相繼王

名山藏 卷之八 典謨記 古

帝萬國皆朝宗宜揚教化敷禮樂簡拔賢俊俱登庸
石神功聖德垂無窮朕維大統膺天命負荷弗克
仲宵衣不暇食敢自逸勉圖治思成功茲惟民物
百言早休養作息無忘宗廟不怠其功茲惟民物
氣何冲融生祥毓瑞日駢集靈殿所錫壽考元
在節值三五宴樂期與臣民同巨鯨負山出平地
立萬俛當天中香烟下連瑞霧紫燈火上照青雲紅
教坊雜還百戲隊仙使圖繞千花叢九衢車馬隨
月千家絃管皆春風朕觀此景心更悅豈獨民庶欣
遭逢賴茲臣節力匡輔各謹乃職輸其忠錄來盛德
戒盈滿毋或怠肆障天工朕承洪業冀垂拱仰止聖
哲懷軒農太平一統治文治萬方永樂年
履豐作詩敢繼南薰曲頌與日海歌時雍
西月食五月交陞右參政侯保率民禦賊死之左參
政馮貴亦以討賊戰死 保贊皇人孫國子生為襄城
輔博興三縣知縣有善政
初設交陞都察院人撫治陞交州知府又陞交州右
參政時黎利剽掠即縣保築堡安善禦之賊未攻堡

與戰不勝死 貴武陵人舉進士為兵科給事中從
張輔征交陞總督兵削克效勤勞還奏稱旨陞交陞
右參議成陞左參政撫輯流民歸附者表有土兵二
十餘人勁勇耐鬪每擊賊輒有功中官馬騃嫉之盡
奪其土兵及黎利反獨以贏卒數百遇賊戰
死保為政廉想貴有才畧其死也人皆惜之
六月孝
順事實書成蓋上命侍臣考古孝行卓然者得二百
七人復為論斷并系之詩以教民以陳誠為參政命
同中官郭敬等使哈烈諸國七月辛巳月食八月丁
酉朔日有食之已酉壽星見丙位羣臣請賀勅曰上
天垂象以親有德朕惟恐弗堪九月以北宮殿將成
明歲將朝正于新殿遂遣行在戶部尚書夏原吉齋
勅召皇太子命行在禮部明年正月朔以北京為京

名山藏 卷之八 典謨記 古

師去行在令取南京各印信給京師諸衙門南京衙
門別鑄皆加南京二字諸城縣進龍馬十月右麻刺
郎國王幹刺義亦敦奔率妻子羣臣來朝禮之如蘇
祿國王癸亥甘露降孝陵松栢十一月北京宮殿成
詔曰朕皇考高皇帝建都江左肇造邦基肆朕繼承
惟懷永圖眷惟北京實為都會惟天意之所屬亦上
筮之攸同乃倣古制徇輿情立兩京置郊社宗廟創
建宮室上以紹先志下以詒子孫營建以來天下人
民樂於趨事天人協贊景貺駢臻今工告成選以明
年正朔御奉天殿朝百官治萬民故茲詔示咸使聞

知名皇太孫于南京交趾占城諸國來貢白鳥瑞象
羣臣應制撰詩增雲南交趾貴州三清吏司于戶刑
二部雲南交趾貴州三道于都察院賑山東諸府州
縣饑十二月封郭義安陽侯薛祿陽武侯金玉惠安
伯薛斌永順伯皇太子及太孫至先是皇太子過鄒
縣見民男女老弱持筐拾草實駐問之知以為食惻
然下馬入民舍視民男女皆衣百結竈釜傾不治歎
曰民隱如此乎予之鈔問所苦輟食賜之山東布政
使石執中來迎太子責焉執中言已奏停今年稅太
子曰民饑且死尚及稅耶勒口數速賑之近地三日

名山藏 卷之八 典誤記 成祖三 六

遠五日乾中請人給三斗皇太子曰與之六吾言上
毋懼擅發至是上言上嘉歎久之
十九年正月甲子朔上詣太廟奉安五廟神主命皇
太子奉安昊天上帝后土皇地祇神主於天地壇皇
太孫奉安太社太稷神主於社稷壇黔國公沐晟奉
安山川諸神主於山川壇禮畢上御奉天殿受朝賀
大賜宴赦天下和寧王阿魯台遣使來貢使要劫行
旅上戒諭之自是阿魯台不朝乙卯月食既二月賑
通渭全椒吳橋三縣楚王楨慶王橈來朝四月庚子
奉天華蓋護身三殿災勅曰朕做古建二京三殿同

災朕心惶懼意者敬天事神禮有息歟祖法戾歟政
務乖歟小人在位賢士隱迹歟刑獄冤濫歟讒慝交
作歟剝削培苴及田里歟蠹財妄費用無度歟租稅
太重徭役不均歟軍旅未息征調無方饋餉乏歟工
作過度民力敝歟奸人附勢羣吏弄法抑有關茸不
治而致然歟朕之寡昧未究所繇爾文武羣臣宜陳
無隱朕圖悛改以回天意停止中外之不便不急者
勅曰上天垂戒監寐不違言寐而不寤也禮部以朕初度
請賀甚非所以畏天而徒益不德焉其止勅吏部尚
書蹇義等二十六人巡行天下安撫軍民羣臣應詔

名山藏 卷之八 典誤記 成祖三 七

言事皆言遷都不便主事蕭儀言尤峻切上怒命誅
之曰吾與大臣密議數月豈復不便哉科道官因劾
奏諸大臣上御午門樓使廷辯諸大臣啐罵科道官
書生也昧大計戶部尚書夏原吉奏曰御史給事言
官也且應詔陳言臣等備員不能協贊是臣等罪上
悅兩宥之給事中柯暹監察御史何忠鄭維栢羅通
等應詔言事請上止巡遊引龍不離淵虎不離穴為
喻上怒詰問之引易書龍虎風雲對皆謫知邊州六
月賑吳西安瑞昌潛山東光五縣饑謀者云阿魯台
欲寇邊勅居庸等關嚴備徵諸都司兵京師上將巡

開平與和馬七月嚴自宮禁賑寧津高邑歛新寧上
杭五縣饑阿魯台聞上將巡邊舉衆北徙遂罷諸征
兵八月辛卯朔日有食之河間縣進白兔以水免徐
州稅糧十一月命邊將置邏騎於古北口北神樹之
地作深溝高塹以自固上復將征虜命戶部尚書夏
原吉兵部尚書方賓禮部尚書呂震刑部尚書吳中
等議皆謂頻年勞師軍馬儲胥十喪八九災沓屢作
內外俱疲重以聖體少安涉冒風沙殊所未便古不
勤兵於遠莫若休養於內備禦於外方圖入奏會上
遽召賓賓言餽餉恐不贍遂召問原吉餉數對曰贍

名山藏 卷之八 典讀記 成祖三 大

備禦而已亡以給大軍上不憚即命原吉料儲餉于
開平而吳中入對與賓同遂召原吉頌繫之以大理
寺丞鄒師顏嘗署部併繫之賓懼自殺上曰朕未嘗
罪賓何遽然既聞賓平生怒而戮其屍併下中於獄
賓杭州人自監生擢刑部試郎中改兵部建文中署
應天府事坐累請廣東以尚書茹常薦調兵部郎中
上初即位陞本部左侍郎從北京陞尚書總敘強
記職務叢雜問無不答雖寒暑應對既見信用勢
焰驕騰雖職必報原吉遭繫上時時憤言之賓方提
調靈濟官工上數使使偵工中使開語賓以上怒故
恐罪及自縊朝房中上初猶惜其材既浸下翰林院
侍講李時勉獄命侍郎張本都御史王彭督有司造
車發丁壯輓送以備征虜

三十年正月己未朔日有食之免羣臣賀辛未月食
賑龍游寧鄉二縣饑二月命考黜贓污官吏邊戍之
三月令有司遇饑荒急迫賑而後奏聞阿魯台犯興
和殺守將都指揮煥上親征之議遂決命皇太子監
國戊寅車駕發北京辛巳駐蹕雞鳴山虜聞夜遁癸
未駐蹕宣府甲申察將士四月勅皇太子凡官軍以
罪繫者悉送軍前立功命太醫院分醫生朝夕行營
有疾者與善藥己亥勅前鋒都督朱榮等勤哨瞭慎
設伏辛丑駐蹕龍門收遁虜遺馬二千餘匹癸卯萬
壽節禮部請賀上曰朕不獲祇拜宗廟兼念從征士

名山藏 卷之八 典讀記 成祖三 大

卒之苦何樂於心此行驅虜安邊共効忠勇所以賀
也令民以軍餉役塞外者復之一年乙卯駐蹕雲州
閱兵是月也皇太子賑潁州饑五月丁巳朔令將士
軍行不得離隊五十丈收放馬驢亦毋得遠離營乙
丑度偏嶺命將士獵道傍山下曰非好獵也以繕士
怒丙寅駐蹕隰寧勅開平備禦成安侯亮曰虜至勿
戰固守俟大軍城中民禁之遠出屯堡無要害者悉
徙入城丁卯大閱諭諸將曰水因地而順流兵因敵
而作勢水無常形兵無常勢兵猶水也戊辰觀士卒
射一卒連中三賜牛羊各一鈔五錠銀碗二日重賞

則人勸是日上製平虜三曲使將士歌之庚午召諸公侯馳射英國公輔安遠侯升連中應城伯亨不中罷其領兵隆平侯信辭疾不至降為辯事官上謂諸將勇智兼全為將之道弓馬便捷所向無敵勇也計算深長智也有勇無智一卒耳辛未發隰寧次西涼亭亭故元往來巡遊所上謂侍臣曰元人創此豈計今日書曰常厥德保厥位厥德靡常九有以亡况一亭耶因禁伐其亭傍樹曰殷鑒也癸酉次閉安命下營時大臣居中五軍分駐營外建左右哨左右掖以總之步卒居內騎卒居外神機營在騎卒外外有長

名山藏

卷之八

典漢記

成祖三

三

圍四周二十里軍中樵牧毋得出長圍上問諸將驅虜策皆叩頭言奉陛下成算上曰智勇先也必愛士而和僚勅皇太子曰朕今去京師漸遠軍機重務令五府六部議當行之不必來奏仍勅諸臣協心輔導丙子次威虜鎮賜皇太子書曰朕付爾宗社親賢保民是為爾孝口腹勞人非朕心也繼今蔬果無遠進毋以軍中念朕上在軍率五鼓起或親閱軍卒或計議軍務夜與侍臣論經史或與諸將論兵法至忘寢食至是諭諸將曰軍旅重事朕不敢自逸每一令出必審思之古人云將國輔也輔周國強輔隙國弱朕

若未當爾有深謀長策即而陳焉勅領運公侯令餽運兵民日隨大軍行夜圍營而宿後者斬六月庚寅次長樂鎮鎮乏水晚有泉躍出足軍壬辰次清平鎮令日出應昌地益平曠宜結方陣進神機馬隊整肅列之癸巳次威遠以開平報虜復攻萬全上曰虜慮大軍搗其巢穴為此牽制必不足慮甲午次陽和谷虜攻萬全者遁去丙申次祥雲屯方駐蹕有紫雲如蓋見營南因賜屯名戊戌次翠玉峯虜有降者命善撫之庚戌次玉河泉以深入勅前鋒都督朱榮等各領健卒三百卒二騎齋二十日糧宵行遠伺都督吳

名山藏

卷之八

典漢記

成祖三

三

成等踵兵千人後應乙卯次通濟河令軍中護兵器馬驢行糧毋委棄七月次環秀岡虜有息命將士星馳進四出邏騎已未次殺胡原榮獲虜部屬言阿魯台已盡棄其馬駝牛羊輜重于闊濼海之側與其家屬直北徙上曰未信毋弛備既果然召榮成還盡收虜所棄牛羊駝馬焚其輜重遂命旋師夜諭諸將曰阿魯台遁矣羽翼之者兀良哈遂分步騎二萬為五道上親率精騎數萬西要之庚午大敗之屈裂河追奔三十餘里抵其巢穴斬首虜數十生獲其黨伯兒伯克等盡收其人口牛羊駝馬焚其輜重兵器辛未

上復以兵徇屈裂兒河西大獲之甲戌兀良哈老弱詣軍門待罪戊寅次捷勝原分給所獲牛羊於將士壬午次紫駝岡寧陽侯懋以騎兵五千搜餘寇屈裂河東北深谷中獲其男婦千餘及牛羊馬數萬并得所掠邊卒男女百餘人是月也皇太子免兩直隸山東河南郡縣被水田糧若馬草八月己丑次祥雲屯寧陽侯追敗殘虜山澤中壬辰次威遠川益寧陽侯精騎千與武安侯鄭亨前行收輜重亨懋夾擊虜又大敗之庚子駐蹕武平鎮皇太子遣富陽侯李茂芳禮部尚書呂震迎駕遣李慶祭開平山川以班師諭

山川類 卷之八 典謨記 三

皇太子頒詔于天下中官鄭和等使諸番國還庚戌次雲州禁官軍踐傷田稼皇太子遣駙馬都尉沐昕趙王高燧遣長史趙季通六部臣推侍郎郭敦進賀平胡表至九月丁巳度居庸關次龍虎臺饗隨駕將較北京文武大臣迎駕見壬戌昧爽上至北京羣臣表賀下楊士奇呂震蹇義錦衣衛獄嚴鈔法不行使者坐大辟家徙邊宴隨征將士命禮部分等有功無過者坐前列食上食功過相等先入關者坐次列食中食功過俱無坐下列食下食無功有過者傍立賜鈔各有差以楊榮金幼孜扈從之勞特命坐前列食

上食各賜二品金織紵絲衣一襲鈔五千貫封朱榮武進伯薛貴安順伯釋楊士奇復其官十月申諭有司逃民復業者積年逋負悉蠲免命內官韋高監察御史宋準郎中呂謙等八十人盤點天下軍民衙門倉糧稽考遞年出納之數十一月鄭州獻白兔十二月賑英山縣饑閏十二月以水免鳳陽府所屬州縣糧

二十一年正月二月蜀王椿薨釋蹇義復其官三月釋呂震復其官賑文登縣饑五月開封府雨傷稼遣人按視蠲其租常山中護衛總旗王瑜上變告山中

山川類 卷之八 典謨記 三

護衛指揮賢等糾合羽林前衛指揮旭等將舉兵推趙王為主謀不利於上及皇太子上名皇太子趙王與諸大臣皆至捕賊親鞫而誅之瑜字廷墨直隸山陽人歸淮安衛總旗請常山護衛任王右軍都督府僉事雅尚文學為指揮用法平恕門杜私謂為鎮守寬大不務務以德服人喜觀史冊每讀史烈烈士傳慨然慕過新臣賊子則切齒恨之但發不軌事有枉者死之日自束兩手如高懸者東阿知縣貝秉彝九載當陞縣民乞留從之加秩二級復其任秉彝上虞人舉進士知都陽縣有惠政以憂去再知東阿律已廉勤政尚寬厚與六月庚戌朔日有食之學勸士課農務民縣以大治

七月虜中有來降者言阿魯台將入掠名諭諸將曰朕當待之塞外乘其勞擊之遂定部分料軍實釋李

時勉復其官命皇太子監國壬寅車駕發京師甲辰
次土木隨征將士畢集上閱之喜遂賜宴會有邊卒
陷虜中者脫歸云今聚飲馬河北聲言犯大同寧夏
勅大同寧夏守將嚴備之勅慶王檄嚴勅護衛官軍
亦如之有告軍士取民田穀飼馬者立斬以徇戊申
次宣府書諭皇太子凡飲食及諸不急之物悉勿進
八月己酉朔宴勞大營五軍諸將因大閱甲寅車駕
發宣府次沙鎮賜諸將內殿馬曰古人克敵藉馬習
調之庚申次萬全兵民有所進獻倍償之勅大營五
軍諸將曰朕勞動將士非志用武計生民也夫有精
名山藏 卷之八 成祖三 詩

兵再出遠走不暇敢復南向上命授之官諭諸將曰
雖然當謹備分令巡視緣邊修築關隘防守之西洋
諸夷遣使來貢凡十六國使者千二百人勅皇太子
宴勞厚賜命恭順伯吳克忠安順伯薛貴都督吳成
等先出騎士三千偵虜十月甲寅朔前鋒寧陽侯陳
懋追虜至宿窺山口遇韃靼王子也先土干率妻子
部屬來歸遣人馳奏勅善視之與偕來甲子駐蹕天
城將士獵東南山上臨觀之丙寅復觀獵時風日暄
霽將士健捷上喜已巳寧陽侯以也先土干及其部
屬入見上大喜召之前與之語叩頭呼萬歲命悉賜
酒饌封也先土干忠勇王賜姓名曰金忠所以宴賜
甚厚遂并諭書皇太子下詔班師頒中外甲戌駐蹕
萬全皇太子遣定國公景昌表賀十一月戊寅朔車
駕次懷來辛巳入居庸關上袞衣乘玉花龍馬臣民
夷使駢闐迎駕懽呼萬歲次龍虎臺大賜宴甲申至
京師陳鹵簿上乘御輦入謁告天地宗廟社稷出御
奉天門朝羣臣時諸番貢使咸集闕下文武羣臣上
表賀上諭以無怠無荒四夷來王之意遂召忠勇王
部下皆授官壬辰月食
二十二年正月阿魯台所部復侵掠邊塞上復召公

漢大臣熟計征虜皆贊決上可之賜文武百官及京民四夷人等元宵節鈔二月楚王植薨三月作五軍使忠勇王領壯士為前鋒論諸將曰阿魯台始以窮蹙來歸朕撫甚厚違天負恩不一一朕再出師擣其巢穴命如絲髮當時若從將士計豈能復生驅而逐之冀能改也豺狼獸心終焉不變朕非黷武必拯邊民重建南京天禧祠賜名大報恩寺薦福于高皇帝后四月贈從靖難之戰沒者以親征命皇太子監國乙酉發北京已未次長安嶺享諸將壬戌萬壽聖節車駕次赤城禮部請賀上曰朕方勞于師庚午車駕

名山藏

卷之八

典謨記

三

當是之時如狗將士之志爾等復有餘命朕體好生驅之曠遠獸心不悛荼毒增甚今王師之來罪止阿魯台一人有能順敬天道輸誠來朝朕待以恩禮仍授官職聽擇善地毋懷疑二以遺後悔命安遠侯柳升瘞道中遺骸上親祭之論諸將曰武有七德禁暴除亂是其首也又謂止戈今罪人阿魯台耳脅從之眾有歸降者宜悉意撫綏非持兵器嚮我師者縱勿殺壬寅次長樂鎮楊榮金幼孜侍上曰漢高祖至柏人而心動朕次長樂思同樂也丙申次清平鎮輜重後令諸將分接之曰不繼者危道丁酉駐蹕清平鎮

名山藏

卷之八

典謨記

三

次隰寧忠勇王所部獲虜謀云阿魯台且度塔蘭納木兒河趣漠北以避上曰寇不遠速進是月也秦王志烜薨五月己卯至開平兩上遙見士卒沾濕寒有後至者命諸將卹士甲申上夢神一再告曰上帝好生曰召問楊榮金幼孜曰何祥也豈天屬意此寇部屬耶皆對曰陛下除暴安民亦好生也或者火燃崑岡玉石俱焚上帝之意惟陛下詳之上即命草勅使諭其部落曰往者阿魯台窮極歸朕及朕所以待之者爾等所知朕何負此而比年以來寇掠我邊鄙虔劉我蒸庶誰之過與朕聞者以天人之怒再用率師

曰此先帝垂諭創業守成之難而示淫荒酣醕之戒也朕雖軍旅君臣杯酒敢忘先訓皆稽首謝上亦製詞五章述奉天法祖勤政恤民之意焉己亥次威遠川宴文武大臣亦命內侍歌之羣臣皆頌上悅悉沾醉罷是月也遼王植薨瀋縣蝗蝻生知縣王士廉齋禱八蜡以失政自責越三月有鳥數百食之殆盡皇太子聞而嘉賜之免揚州廣平順德湖廣河南等府縣累歲被災田六月癸丑次金沙磔寧陽侯懋得胡馬九匹進上曰其詐益防無怠丙辰次寶屏山諭詣

將今深入虜地益謹備戊午次玉沙泉以荅蘭納木
兒河近令諸將嚴兵已未次龍武崗寧陽侯忠勇王
率師前進至荅蘭納木兒河不見虜蓋遁久矣上遣
英國公輔成山侯通分兵大索仍命寧陽侯及忠勇
王前覘之車駕進駐河上壬戌次荅石岡張輔等分
兵索山谷週迴四百餘里無一跡癸亥次房坡寧陽
侯返見日請假臣一月糧深入必得之上曰朕更思
甲子次翠雲屯名諸將曰今出塞已久人馬俱勞孽
虜所存亡幾茫茫廣漠若海探粟朕不窮追遂班師
分諸將東西二路以歸上東行丙寅次荅玉澗勅警

名山藏

卷之八

成祖三

天

而殿後庚寅次清水源刻紀行於高崖是時帝不豫
戊子次雙流濼書諭皇太子詔告天下庚寅次榆木
川上大漸遺命傳位喪服禮儀一遵高皇帝遺制辛
卯上崩大學士楊榮等以六師在外秘不發喪合斂
畢載以龍輦所至御帳朝夕上食如常儀遂馳計皇
太子八月甲辰湯榮等至自行在致遺命於皇太子
皇太子慟哭幾絕強拜受進問故命皇太孫馳計開
平迎龍輦作梓宮諭告中外巳酉龍輦次鷓鴣皇太
孫至始發喪辛亥臣民迎哭居庸關壬子及郊皇太
子親王及羣臣衰服哭迎至大內奉安仁智殿加斂

納梓宮九月壬午上尊諡曰體天弘道高明廣運聖
武神功純仁至孝文皇帝廟號太宗十二月庚申葬
長陵壽六十五世宗十七年加上尊諡曰成祖啓天
弘道高明肇運聖武神功純仁至孝文皇帝
臣喬遠曰明興二百餘年於茲臣子論及成祖尚有
武未盡善之疑豈知高帝閱謨遠烈非成祖繼之則
都必不北虜必不威四夷必不賓服中外制度必不
晏然一尊於後世夫拘孿之行豈所以論上聖之主
哉成祖居以唐太宗自擬有唐家法則匪我儔蓋湯
武耶蓋湯武耶

名山藏

卷之八

成祖三

天

名山藏卷之九

臣何喬遠恭輯

典謨記

仁宗昭皇帝

仁宗皇帝御諱高熾太宗嫡長子也以高帝十一年生鳳陽二十八年冊為燕世子端重沈靜嗜學七歲時晉秦燕周四世子高帝皆教而試之異日者使分閱衛士帝還奏後問之對曰寒甚士方食高皇帝喜使閱章奏擇其有大體可施行者報命高帝益愛之燕王起靖難帝居守北平堅拒李景隆兵燕王既為

名山藏

卷之九

典謨記 一

仁宗

皇帝尚以世子守北平既二年召立為皇太子成祖有三子長帝次漢王高煦次趙王高燧趙王幼以聰敏愛而漢王用靖難功幾得立為太子謀奪嫡者數矣寺人儼寺人保數為趙王短太子於成祖成祖遷都北京五出塞南京事悉付太子施行晚節多疾小人譏構太子幾危者屢宮僚若楊士奇輩者為太子下獄贊善梁潛司訓周冕至死獄中然太子益恭慎亦賴士奇寒義夏原吉羽翼之有白曰殿下知讒人乎曰吾不知知為太子監國遇水旱饑荒軍民失所戚焉賑恤之暇與宮僚鄒濟王汝玉徐善述等講

說詩書修詞賦之業日記萬言辭翰並精車駕崩檢木川遺命至太子慟絕強拜受遂命皇太孫迎梓宮開平臣民三勸進以八月望日丁巳即皇帝位大赦天下以明年為洪熙元年命英國公輔掌中軍都督府陽武侯祿左安遠侯升右寧陽侯懋前成山侯通後曰卿先朝勳舊朕托腹心焉出夏原吉黃淮楊溥於獄復其官勞原吉咨以政賜冠帶衣服被褥幃帳咸具原吉言臣在繫母喪乞歸葬成服上曰我獨無喪卿老成人宜艱難共濟命其家屬護葬兵部驛舟有司治葬事復厚賜之置太師太傅太保階正一品

名山藏

卷之九

典謨記 二

仁宗

少師少傅少保從一品曰予冲人賴焉亦皇祖之制也遂命蹇義為少保兼吏部尚書加英國公輔太師皆給二俸陞文淵閣大學士兼翰林院學士楊榮為太常寺卿金幼孜為戶部右侍郎俱兼職如故左春坊大學士楊士奇為禮部左侍郎兼華蓋殿大學士陞黃淮為通政使兼武英殿大學士榮以下四人者皆掌內制不預所陞職務陞楊溥為翰林院學士前司經局正字金問為翰林院修撰賜漢趙二王書曰大行皇帝所遺冠服諸物氣澤存焉恪閱其痛謹以皂紗衝天帽一黑氈直簷帽一弁金銀頂子茄藍閣

珊瑚金棗花帽珠一串金相雲鳳犀帶一金相玉穿花龍條環一副并紫線條金事件象牙頂鞦花靶鑲鐵刀一紵絲羅紗衣各一襲皂鹿皮靴一雙并五綵綉抹口襪斜皮靴一雙并襪送賢弟朝夕瞻奉以慰哀慕上曰古稱官不必備今冗矣抑復有老病昏懦徒怠賢廉心其令在內堂上官在外巡按御史及按察司廉察不稱者罷之召漢王高煦赴京九月掌交趾都督同知方政與黎利戰又安指揮同知伍雲深入死命禮部聘贈上曰京師數百萬家非山何薪禁天壽山接居庸關以東餘聽樵採焉中軍都督府奏

名山藏 卷之九 仁宗 三

歷事監生七人考吏事稱宜送吏部授官上曰吏事末也士當博古窮經達脩已治人之道其命還學於國子繇科舉進教掌交趾布政按察司事工部尚書黃福曰卿老成人久勞在外亟驛還副朕延佇參贊交趾軍務兵部尚書陳洽其代之召韓王冲烱襄陵王冲烱及其弟冲炆赴京河溢河南諸縣免今歲稅糧馬草命右都御史王彰都指揮同知李信往撫軍民訪奏利病壬午上大行皇帝仁孝皇后尊諡告郊廟社稷詔天下上曰比年丹漆石青之類所司不究物宜槩徵郡縣郡縣逼迫小民鳩斂金幣詣京師博

易商販乘時射利踊價十倍吏復寅緣自肥計民費十百朝廷得十一耳自今計直所產地以官市科斂者誅禮部尚書兼太常寺卿呂震奏喪服踰二十七日宜易縗如遺詔不許命與六部都察院詳議皆奏英國公輔及諸學士如上服上曰群臣從便朕則不忍因歎輔武人也審禮過六卿漢王高煦至京與趙王高燧竝厚賜之復賜諸王金幣有差上曰諸叔在者無幾諸兄弟惟趙王居京師他皆藩外朕旦夕念焉戶部其各益祿米差次之靈璧丞田誠九載考績

名山藏 卷之九 仁宗 四

縣人句留上曰民留政可知陞州判官丞靈璧如故鳳陽諸縣水沒稼命覈實芻糧悉免之上謂翰林儒臣曰比朝野物議何如有利害當與革者悉聞朕朕審可否紆民困焉交趾都指揮同知陳忠與賊黎利戰死之命禮部厚其恤典諭鴻臚寺曰朕欲聞吏賢否四方民休戚方岳來朝即引見朕親問之左通政樂福治水蘇松嘉湖杭常奏六府水沒稼請寬征待來年上曰民之艱食來歲匪易令代以鈔布漳河溢廣宗縣傷稼賑恤之平江伯瑄言七事賜獎勅命施行有言瑄言尋常耳上曰出自武臣所以難也所為

獎掖導不言者古人蓋買死馬骨上諭兵部今太僕馬增數倍而畿民一夫或畜三匹四匹畢力於此耕桑盡廢其散馬給諸衛所及臨邊戍卒養習之進蹇義為少傅楊士奇為少保俱兼職如故楊榮為太子少傅置謹身殿大學士命兼之金幼孜為太子少保兼文華殿大學士各賜繩愆糾繆銀圖書一曰卿等事先帝有年又從朕春宮軍國務重須卿協贊或有闕政卿與群臣言之朕尚未從印此密疏毋憚再三令內外七品以上官各舉通經一人授教職以嚴師而與賢大賚文武群臣十月命光祿寺三日一賜衛

名山藏

卷之九

仁宗

五

留心禮部令謹視之山東登萊諸郡雨水傷麥命蠲水樂二十年所逋二十一年者輸鈔代之自是告灾者以為例四方所上雨澤奏通政使司請送貯給事中所上曰祖宗欲前知水旱恤民施政故令奏雨澤送給事是終不知也而徒勞州縣上章其封進水沒薊平峪徐蕭沛等州縣悉蠲其今年租稅於潛樂清饑賑之已酉冊立張皇后壬子立太子封諸子瞻堉鄭王瞻墉越王瞻墀襄王瞻烱荆王瞻煥淮王瞻埜滕王瞻埈梁王瞻埏衛王命吏部令在京七品在外五品以上官及知縣五品以下見任官若軍民訪舉德性深篤行止端方或材能出眾政績顯著或文學有稱識見優遠者量材擢用蔽賢濫舉罪如律舉後犯贓連坐舉者大理寺奏決囚命府部通政司六科同三法司會審承天門特諭大學士榮士奇幼孜曰比年法司之濫朕未嘗不知所擬大逆不道者往往出羅織先帝數切戒故死刑四五覆奏自今審決重囚卿三人同之寃雖細必聞免遠安王貴燮巴東王貴煊為庶人諭兵部尚書李慶曰國家養兵必衣糧不之乃可緩急用之今遠戍者勞動操練者少暇守衛者不得下直月糧五斗殆不足宜如洪武中例

名山藏

卷之九

仁宗

六

給一石復召戶部尚書郭資曰往年百官軍士扈從於此月五斗可自贍今來作都人有家朕欲倍給卿掌儲不乏否對曰有遂奉詔追封第四子靜樂莊獻王瞻垠爲新王諡曰獻戊辰上御西角門罷顧翰林臣曰今日始寒朕與卿等尚凜凜况在邊遂命書勅賜鈔幣於緣邊將士上諭蹇義曰武臣皆封贈祖考文臣少得者君厚其臣必推及父母太祖太宗蓋行之其舉以勵忠孝豈無濫十一月上曰建文中奸臣奸也而皆忠其家屬初發教坊司錦衣衛浣衣局及官所奴功臣家今有存者可宥爲民還其田土有言

名山藏 卷之九 七

用人力者毋以耕耘收穫時候農隙諭英國公輔兵部尚書慶軍番操者畢農成之先農遣之無廢屯種命兵部遣御史巡覈緣邊諸衛稽部由申號令遂諭都察院曰洪武中差遣御史悉賜衣鈔使自潔正風紀今其如故事論大興宛平二縣官曰朕首罷不急爾京縣也而惠不先朕勅詢民瘼固有知不言亦有欲言不知爾切近民亦何不知而亦不言約三日悉以便不便聞坐視者擧上曰朕聞南京抽分廠舊所積薪及龍江提舉司所積竹木甚富今京師得薪最難與久貯任腐敗何若散民歲用外工部悉鬻之鈔

名山藏 卷之九 八

事失當謫戍者亦宥之上曰太學聚教天下士蓋士已成材矣禮部其勅學官嚴誨郡縣諸生必通經有用者乃以貢毋徒取記誦諭戶部尚書夏原吉曰所

貫收其昏軟者以便貧家令吏犯罪當罷者民北京種田遣監察御史湯榮等十四人分巡天下考察官吏諭曰蓋吏有媚上而殃下者有不阿而民悅之者有虐刑巧索能集事者有廉潔自守不能弛張者人之才器其可概哉夫御史朕耳目也當審詢之勉副朕心因人賜鈔二十錠上曰皇考同氣無諸叔諸姑親諸叔子已冊封諸姑在南京資而未名號其加寧國懷慶大名南康永嘉含山汝陽寶慶八長公主皆爲大長公主戶部益祿焉賜太子賓客戶部尚書郭資勅曰卿事我皇祖皇考歷四十年列於六卿可謂

盛矣怨叢而不暇顧害及而不知避忠貞篤實之臣
 也今老矣朕閔強勞特陞太子太師俾卿致仕嗚呼
 念先帝舉義卿時早暮從朕守城最勞苦今命戶部
 免卿戶賦卿歸休強飲食慎醫藥以娛暮齒進寒義
 少師楊士奇少傅夏原吉少保兼職如舊亦賜原吉
 經愆糾繆圖書頒楊士奇楊榮金幼孜寒義夏原吉
 詰詞曰卿等先帝舊臣朕方倚自輔朕所行卿朝夕
 共見未善當盡言前代庸主自尊而惡聞過其素所
 親信但容容順旨有良臣不默一再拒亦退絕口我
 君臣深戒之終始同心上遂手益詰曰勿謂崇高而
 名山藏 卷之九 典誤記 九

難入勿以有所從違而或怠士奇等稽首謝上悅靖
 江王府輔國將軍贊侃贊偕來朝班下上顧見之曰
 宗親也其班駟馬都尉次著為令勅諸將嚴邊諭夏
 原吉曰先帝立屯種法所以省民轉輸足兵食所司
 數以征徭擾之其令天下衛所毋擅差遣屯田軍士
 學士楊溥密疏言事上嘉納賜札獎諭賞綵幣一雙
 寶鈔千貫曰望卿始終如此上為太子時不悅御史
 舒仲成至是寒義奏仲成它事上命捕治楊士奇曰
 漢孝景為太子召衛綰綰稱病及立不譙呵陛下為
 太子時小人多得罪者今已盡有更追理令詔書不

實望惜俊良共成王化上悅曰有卿如此朕復何憂
 因降勅獎曰朕慮卿不言卿導朕以仁助朕以德惜
 良俊成王化此欲朕為唐虞君忠良股肱臣也特賚
 白米十石綵幣二表裏寶鈔二千貫卿其承之慰朕
 忻喜永城縣河溢傷稼免其去年稅糧馬草上御右
 順門諭楊士奇曰近覺群臣助我也或快意行事退
 思方悔外間已進言士奇對曰宋臣富弼有言願不
 以同異為喜怒不以喜怒為用舍上曰書不云乎逆
 于汝心必求諸道朕恒念之群臣言開拂朕意者退
 未嘗不及覆朕言有失亦未嘗不悔士奇對曰改過

不吝成湯所以聖也上曰朕患不知耳不患難改十
 二月上聞建文奸臣齊黃等外親全家戍邊者田畝
 悉荒蕪勅兵部家存一丁於戍所餘放歸上諭吏部
 師儒古稱模範比來國子生大率歷事諸司苟歲月
 圖出身卿等每引選國子監官循資爾不聞舉一道
 德老成之士自今宜慎選禮科給事中黃驥言西域
 賈胡進貢病民事上嘉納之示其奏於禮部尚書震
 曰驥嘗使西域故悉西事卿西人不悉耶悉行之刑
 部都察院奏刑名畢召諭曰朕未嘗敢以喜怒損刑
 法卿等明信莅之如朕一時嫉惡過中更須執正毋

慮乖迂朕不難從善召故兵部尚書金忠子達故吏部尚書許思温子俊至賜衣食授之官念舊人也上諭楊士奇曰無使大臣怨乎不以郭資歸其謂何朕欲使視之少賜資焉對曰資有時盡洪武中有尚書致仕給全俸者資得半給幸甚上悅從之上曰庶官賢否軍民所休戚廷臣朕朝夕知之都布按三司官不盡悉其人或聞其賢否邪正久且忘臣善而君忘之誰自勉不善君忘之誰自戒吏兵二部揭其姓名履歷於西序朕省觀焉諭復原吉曰稼穡問農絲枲問婦鈔法不通朕商卿兩日未決其問之間閣可榜

名山藏

卷之九

仁宗

七

通衢許臣民陳所見命戶部馳諭各府州縣凡被災田土悉準永樂二十年山東逋租例蠲其糧稅常州諸縣水蠲糧稅大理寺右卿弋謙辦事官程富各言事皆嘉納之庚申葬大行皇帝于長陵勅禮部下天下有司繕治郡邑壇宇歲久傾墊者祭器並堅潔祭物出公帑毋斂於下禮部尚書震請明歲受大朝賀不從固請大學士士奇榮幼孜准言陛下所見是上曰山陵甫畢何忍也震曰四方萬國遠觀新主皆欲一視天顏聖孝誠至亦宜勉徇上顧四臣禮過矣皆對曰則請無備禮

元年正月壬申朔上朝奉天門群臣行五拜三叩頭禮不用樂癸酉召四臣厚賜之曰朝會賴卿同心不從震請自今朕有未當卿但直言南京龍山產異芝禮部請賀不許勅群臣脩舉職事賜故詹事府少詹事鄒濟左春坊左贊善徐善述贈諡有司祠墓歲兩祭諭楊士奇曰朕欲別擇端謹之士備顧問其疇咨士奇薦翰林侍講王進蘇州人陳繼遂建弘文閣於思善門作印章使楊溥掌閣事進佐之命召繼上授溥印曰置卿左右非止進學將諮理焉有封事識以聞亡何繼至授五經博士

名山藏

卷之九

仁宗

七

繼字嗣初事母以孝聞有司其事朝廷使御史廉之則方隨母抱獲行灌區僕甚恭色若為樹藝娛親者頃毋入以壺漿來繼趨而前奉以進母嚼之乃拜而飲御史亟以聞上嗟異以為有禮時衰亂之後經術廢廢繼獨稱說先王有所論說不敢立異而於經疏略皆通究釋其疑滯人稱陳五經為文復從蹇義所舉學錄楊敬以為編脩訓導何澄以為給事皆供事弘文閣諭兵部先帝聽民間畜馬有司急馬息民不暇及私今後畜官馬者令二歲納一駒著為令丙戌大郊祀始奉太祖太宗以配還朝群臣行慶成禮詔天下大賜宴勅曰自冬迄今時雪不降來牟未遂無如吾農何朕方惕厲自省文武列卿亦懋脩乃職贊召和氣欽哉製天元玉曆祥異賦序饒而賜廷臣

兵部尚書慶言畿內民困牧馬請中原及江南諸大
省群臣以朝覲至者悉給與一馬騎坐正官牝佐貳
以下牡太僕苑馬歲課其息虧者同民罰從之已上
曰審思乃未當使士牧民而責以馬遂罷上曰比今
廷臣展省則有養祭賓客若往還道里費官俸給日
用而已計餘貲鮮矣自今一品二品歸者賜鈔五千
貫三品四品四千貫五品二千貫六品七品千貫八
品以下皆五百著為令設繕工官置尚書副以右侍
郎遣布政使周幹按察使胡槩參政葉春分行應天
鎮江常蘇松杭嘉湖察民利病賜故左春坊左贊善

名山藏

卷之九

仁宗

十三

兼翰林編脩王汝玉贈諡二月頒制諭及將軍印於
邊將雲南總兵官太傅黔國公晟佩征南將軍印大
同總兵官武安侯亨佩征西前將軍印廣西總兵官
鎮遠侯興祖佩征蠻將軍印遼東總兵官武進伯榮
佩征虜前將軍印宣府總兵官都督廣佩鎮朔將軍
印甘肅總兵官都督璫佩平羌將軍印交趾參將榮
昌伯智都督政佩征夷副將軍印寧夏參將保定伯
銘都督懷佩征西將軍印祭太社太稷奉皇祖皇考
配為故事贈永樂中死黎利賊者交趾左參政馮貴
右參政侯保官一級丙辰祭先農耕籍舞陽清河睢

寧三縣饑發縣倉賑之陞國子監祭酒兼翰林侍講
胡儼為太子賓客仍兼祭酒予致仕勅賜之總兵官
太子太保武陽侯薛祿左都督吳誠都督同知高文
程忠都指揮僉事宮得馬興等追虜勝之特遣太監
瑛鴻臚寺卿善以酒千餅羊百羴勞軍遂益祿歲祿
五百石誠文忠歲俸給本色米什之三得興等皆陞
賚有差丙寅奉皇考皇妣主祔廟三月勅三法司曰
人命至重卿等毋深文羅織大理職評亦毋畏憚遷
合書不云乎欽哉欽哉惟刑之恤哉以孝行擢前光
祿署丞權謹為大學士贈死交趾者兵部尚書劉儻

名山藏

卷之九

仁宗

西

宮遣祭賜諡樂亭縣饑發縣倉賑之陞西軍士之食
命戶部給以今歲西運驛督之上思先朝舊勞贈故
兵部尚書兼詹事府詹事金忠為少師北京刑部左
侍郎馬京為少傅兵部右侍郎兼詹事府詹事墨麟
為少保戶部右侍郎王鍾為太子太保禮部尚書鄭
賜左侍郎儀智俱為太子少師吏部左侍郎許思溫
為本部尚書北京刑部右侍郎楊泰北京行太僕寺
少卿孫瑜俱為戶部尚書前北京布政司參議贈吏
部左侍郎成璉兵部左侍郎盧淵俱為兵部尚書刑
部左侍郎盧祥為刑部尚書工部左侍郎陳壽右侍

郎鄭剛北京刑部左侍郎康汝楫通政使司通政使
賀銀俱爲工部尚書贈應天府丞張執中爲本府尹
及北京刑部尚書朱濬皆賜諡大學士楊士奇等覆
奏諡上曰是皆先朝耆舊有德行重厚表裏一致者
有存歷艱難始終一心者必旌表之庶幾禮賢厚終
之道雖然諡定論也勞如賀銀堪贈也而不堪美諡
予惡諡又不若無益諡者九人任南和連城三縣饑
發縣倉賑之命外官滿三考者聽給假省親祭祖勅
曰朕數詔求言冀匡不逮卽位以來臣民上章數百
計莫不欣然聽納其有未當未嘗加譴問者大理少

名山藏

卷之九

仁宗

五

卿弋謙言過矯激朕一時不能概之於衷而群臣有
迎朕意交奏其賣直者朕免謙朝參言者益少未嘗
不自媿今爾群臣勿戒前事謙出朝參如故黃巖縣
奏累歲旱澇民多散徙去秋雨水漂民居五百餘家
溺死八百人命戶部馳恤之諭吏部曰近刑官有賄
敗或刻深者簡用者亦得辭咎歟自今必擇無異于
僉人使魏國公顯宗學于國子諭司業員泰曰此開
國元勳後欲其家同國久必令奉法循理孝若忠顯
宗孤子也加意誨之使長不失其祿位因賜泰鈔幣
隆平縣民饑柏鄉縣多貯官麥請以貸之上曰饑卽

賑母曰貸詔曰刑以禁暴止邪豈專誅殺哉皇祖律
令善善長而惡惡短罰之輕重咸適厥中吏比附謬
妄傳致死罪朕深憫之夫五刑之條莫甚大辟身首
異處斯已極矣自今有犯死罪當凌遲者依律科決
餘斬絞罪法司竝勿傳會若朕嫉惡偶過律外用籍
沒凌遲刑法司再三執奏三不允至于五五不允同
三公大臣執奏允乃已永爲制文武諸司自今亦不
許法外用鞭背等法尤不許宮人以絕嗣宮求用者
絕其祖宗父母幸富貴豈有心事君今有自宮者以
不孝論人之爲非父子不相謀是以舜罰弗嗣文罪

名山藏

卷之九

仁宗

六

不孥自今犯謀反大逆者依律連坐餘止其身古之
盛時采民言資戒警今凶險之徒撫爲誹謗一言涉
國輒望此名法吏刻深鍛鍊刑之失中民則無措今
後告誹謗者一切勿治趙王高燧之國勅諸總兵備
禦鎮守官常年防虜皆以秋冬春夏則懈虜難常也
宜謹備之薊泰安平度諸州萊蕪蓬萊新寧諸縣饑
賑之有自南京來奏事者上召至榻前問民所苦對
曰過徐見苦買羊毛立罷之以張玉王真姚廣孝朱
能配饗太宗廟追封玉河間王進諡忠武真寧國公
加號効忠加贈廣孝爲少師加北京諸司曰行在而

將都南馬復建北京行部及行後軍都督府革繕工
官事歸於兵部四月有至自南者上問所過民安否
對曰淮徐山東饑有司急夏稅召問少師蹇義對如
之遂召楊士奇等令草詔免之併秋糧官買物料一
切停罷士奇曰請使戶工二部臣與聞之上曰有司
慮國用必持議不決採民之窮不可遲疑是時上坐
西角門命士奇等就西角樓起草士奇草詔曰朕夙
夜念民弘諮下隱山東諸郡及于淮徐頻歲旱澇今
秋成未冀民凍餒呻吟流于道路郡縣不畜心父母
耶可全免今歲夏稅其秋糧減半徵收自今年四月

名山藏

卷之九

典謨記

七

以來一應收買及科派物件未到官者盡行停罷若
實無見物先虛報在官者宥不問不許再科以足其
數諸郡縣撫輯安養毋貪刻重困之上曰善立命書
詔用璽顧士奇今可語二部矣中官採木四川有貪
橫者上召弋謙曰爾為朕治朕自知爾毋畏陞行在
都察院右副都御史賜鈔千貫以行設北京行都察
院置右副都御史左僉都御史各一員分盧龍恒南
冀北廣平四道大名饑發長垣縣倉濟之嚴鈔法賜
皇太子書曰朕惟祖於孫父於子親愛天下莫加焉
而推明所以長保富貴壽康之道以期之者聖人之

心也爾朕嫡長子我皇考鞠育提訓隨事示之永樂
甲辰春親征北虜車駕將發子孫咸在顧爾謂朕古
之令主盤盂劍几皆有警銘人主之道莫大中正吾
欲以人主中正四字製寶押師還授爾俾爾勉焉不
幸賓天今皇太子屬爾謹製爾授爾懋敬之爾敬其
內以慎其外隆古帝王傳授盡此爾懋敬之河南州
縣饑賑之昌邑邢臺縣饑賑之上曰南士善文北
士厚重今科舉所進北得什一焉禮部其定議南士
六之北士四之命皇子謁陵南京就留守加贈故大
學士胡廣為少師賜其家甲寅蹇義夏原吉楊士奇

名山藏

卷之九

典謨記

六

侍上曰夜見玄象否皆曰未見亦不知上曰士奇當
知之紫微垣甚急命矣歎息起明名義士奇至奉天
門曰監國二十年構于讒隱心之艱危吾二人共之
上賴皇考仁明得以保全言已泣然義士奇亦流涕
士奇曰先帝之賜陛下純誠之効今已脫險即夷陛
下自寬上曰即吾去世後誰知吾三人同心一誠遂
賜義士奇勅印各二義印曰蹇忠貞士奇印曰楊貞
一皆拜受退蓋踰月而上崩戊午謁長陵已未還宮
上曰今民間物視國初直十倍有司市供祀牲犧但
準洪武時價民怨神其享其令太常悉準諸時直玉

田縣饑賑之勅諸邊總兵曰軍機欲密文書不可稽諸將多掌以幕下武人則泄漏滯誤今各擇文臣一人往佐遂以分命戶部郎中子譚等五月諭蹇義曰御史當任老成者遽授新進遇事風生以喜怒為威福正直不阿往往被凌辱順比則與為膠漆自今慎選之又曰都御史惟廉清公正乃可倡率尚容可都御史者脩太宗實錄貴池典史金蘭考績父老詣闕留陞為本縣知縣行在翰林侍讀李時勉侍講羅汝敬言事上怒使武士擎時勉皆改為監察御史頃之下獄庚辰上不豫召蹇義楊士奇楊榮黃淮至思善

名山藏

卷之九

仁宗 一九

門馳召皇太子辛巳大漸遺詔天下是日上崩未發喪沐浴襲奠飯含如禮設几筵宮中朝夕哭上食六月辛丑皇太子至乃發喪斂壬寅大斂甲辰成服七月己巳上尊諡曰敬天體道純誠至德弘文欽武章聖達孝昭皇帝廟號仁宗九月壬寅葬獻陵臣喬遠曰帝監國有年明習政事在位雖淺膏澤已滲於民矣若其改過不吝痼痼在身漢文宋仁未足方也商高周成間歟東莞陳建云

名山燕卷之十

臣何喬遠恭

典謨記

宣宗章皇帝

宣宗章皇帝御諱瞻琪仁宗嫡長子也生之夕成祖夢高祖授以大圭命曰傳之子孫永世其昌既數歲試之事輒刺决稱旨成祖愛之年十一以從狩北京日侍左右隨事訓教嘗命從過觀田家問所疾苦作務本訓授上上讀書一目數行盡表皆舉經史百家莫不涉意永樂九年立為皇太孫三從征胡於馬上

名山藏

卷之十

宣宗 一

指示胡山川故上自少曉兵略善騎射仁宗即位冊為皇太子其春以南京地震命往撫治上旋不豫既大行宮中秘不發喪以遺命召上顧臣下稍稍聞上崩其時漢庶人蓄反謀傳言將要劫群臣或請整兵旋或請出聞道上曰君父在上天下歸心豈有他虞遂傳詣京師六月己亥朔至蘆溝既乃聞絕慟左右掖聽遺詔行哭入宮門詣梓宮拜哭盡哀頒遺詔天下癸卯臣民三勸進庚戌即皇帝位大赦甲寅聽政西角門罷遣內使市物浙江及諸衙門派辦行在吏部尚書蹇義言內外官吏先帝時坐罪蒙赦有托

喪而亡者上曰父母之恩竝於天地人至不肖有死其親以潔其身者哉君子不逆詐其宥之鞏昌知府孫亶任滿當去安平丞耿福以冗員當汰民皆詣闕留復亶官就陞福知縣申行豫備倉天下大賚臣民七月己巳上大行皇帝尊諡乙亥尊母后皇太后冊妃胡氏皇后平度州同知王瑞昌邑王簿劉整以冗員當汰者民詣闕留皆復其官予交趾諸生衣服歲賜旌德教諭林蘇九年考績所教生徒無應舉者免其謫戍追俸封吳成清平伯閏七月下議都督府吏輔興州衛軍瑛所言利病行在禮部尚書呂震曰吏

名山藏

卷之十

與謨記

二

卒卑不識大體言利病覲用耳上曰勸堯之論聖人所繹察當否議行之靖州民詣留故知州張幹仍其官脩仁宗實錄上曰御史考察州縣官欲其任賢退不肖也比聞多信邊言不博訪吏勤職奉公禁暴振廢小人畏之鱗為刑酷或賊濫可狎侮利之更挽攀是使正人受誣群枉得志也其勅布政司按察司巡按御史嚴覈之交趾清化府黎利作賊圍茶籠州八月魯王肇輝進瑞粟有一莖至二十穗者行在禮部尚書震請賀上曰四方大矣比者畿內水潦奏牘不番民之艱食即謂瑞應亦塵魯東隅何以令朕無

夙夕憂不許吳橋民詣闕留其知縣吳原予之行在工部奏內供綺羅九千匹當下蘇杭二府織造上曰減其半水豁金壇縣租勅曰政在安民安民在守令聖帝明君靡不慎此選也朕夙夜孜孜而四方任職者率不稱詔書求賢自即位下之至今胡寥寥耶其令內外群臣各舉所知以聞行在禮部右侍郎鄒師顏卒不能返殯上曰貧如師顏可嘉也其予之驛舫歸抑吾臣之廉者豈一人哉有不幸畢官次者以師顏為故事遣大理寺卿胡槃參政葉春巡視應天浙諸郡

名山藏

卷之十

與謨記

三

奸究屏息而亦間有過當諸奸不便日造飛語樂不為動聚對衆常出諸謔語長洲民有馬最者為鄉老視請曰大人居民上諸謔非宜樂謝之自是重最樂視應天多沒入人產應天人苦之民有豪當簿錄者罷未嘗不以為恨也至樂之於困窮與學校給餉足軍抵稅輸通為民請命民誦告即位孝陵榜武臣恤德焉右都御史終官復故姓

軍士九月壬寅葬仁宗皇帝獻陵辛亥祔廟秋雨傷稼除萊陽蘇松嘉湖諸縣稅糧行在大理寺奏民有盜殺官馬者坐絞死罪上曰奈何以馬殺民發成邊南京都察院奏劫盜四十人當斬上曰其詳審聞前長清縣薛慎服滿故縣民詣闕請復之吏部尚書蹇義曰長清有令矣上曰必不如國家置守令以為民

也民欲得令何憚更焉十月思州府通判檀凱九載當遷其民詣闕留上曰爵祿所以勸士也古人有三優優外官勉治也優小吏養廉也優故老尊德也民愛檀凱其優之五品之俸行在刑部大理寺奏決囚上命大臣與給事中再讞使無寃著爲令放還緣邊軍久練京師已追攝工匠移文在所令明年春暖自來赴工十一月嘉定民乞留其丞戴宿鹿邑民乞留其知縣鄭郁皆聽行在工部奏造御器當市料上曰漢文帝服御幃帳無文繡之飾朕甚慕焉造器物料內庫幸不乏其止勅榮昌伯陳智都督方政征交趾名山藏 卷之十 四

不敬丁未郊還謁皇太后御正朝百官行慶成禮博野知縣陳哲秩滿民懇留予復任嚴京城捕盜禁二月丁丑耕籍三月止諸王選婚於朝令自行國中陳智方政討黎利敗績贈交趾人死事上官知府琴彭爲布政使益發兵擊之上曰朕初承大統政化未洽念自古國家未有不繇民之富庶以享太平亦未有不繇其困窮以致禍亂是以夙夜祇畏冀時和而降之福也夫民一歲之計在春今春雨頻降可以力畝而或佔饑寒或困徭役朕甚慮焉其令郡邑省徵徭課農桑貧不給者發倉廩賑貸之復金鑄大城知縣增俸從六品爲故少師榮國公姚廣孝置墳戶四月命成山侯王通佩征夷將軍印充總兵都督馬瑛充參將以土兵二萬人征交趾尚書陳洽贊其軍削陳智方政爵使立功自贖御製外戚事鑒歷代臣鑒書以廉能復暢宣秦安知縣青州饑有司議賑戶部請覆覈上曰覈而後賑將求之溝壑其令從便宜行事五月命三法司平恕錄獄詔曰樂生惡死人情也交趾入職方二載矣數構叛逆以勤王師趨火赴淵豈本圖哉良繇有司安輯亡狀詔到交趾官吏所犯無大小赦除之黎利潘僚路文律誠悔過爲臣子如初

悉宥罪爵以官交趾軍民賦稅如故它采辦金銀鹽鐵諸課悉罷戊申午朝退上舉聶夷中劬禾詩曰吾每誦此敬畏而戚農勅右都御史王彰自良鄉至南京視民休戚以所見聞以公勤復故松江知府王子威任定鎮國輔國奉國中尉及儀賓品秩六月畿內河南蝗命使者驛捕七月嚴鈔禁上曰東民仰麥太半久旱不成秋稼未可知可除今年夏稅異時詔書所寬卹輒曰已先賦或曰災未甚追徵自若謂信令何其命山東有司毋得復擾副朕意焉己酉祔太宗皇帝主太廟進封薛貴安順侯八月封右軍都督費

名山藏

卷之十

宣宗

六

熈宗信伯漢王高煦及樂安上親征獲之以歸更樂安州爲武定州作東征記高煦犯乘輿燔之五色雲見碭山民乞其故知縣劉伯吉聽十月出行在翰林院侍讀李時勉獄復其官南京刑部奏決囚上曰古者獄成公卿參聽之行在刑部都察院大理寺其會群臣再錄以聞成山侯通擊交趾不利尚書陳洽死之饑賑湖廣諸縣十二月以征漢復大軍所過州縣畝有蹂者除秋租勅兩京刑部都察院錦衣衛具獄狀期以三日聞上曰堯舜之世民不犯成康之時刑不用是皆君臣同德故致理如斯之隆也以朕涼寡

民之不孕不敢喜情卿原吉等其勉力匡輔庶幾逮古及上獄上親決其輕罪者命安遠侯柳升爲征虜副將軍保定伯梁銘爲征虜左副將軍出廣西黔國公沐晟爲征南將軍興安伯徐亨爲左副將軍新寧伯譚忠爲右副將軍出雲南領兵七萬會征交趾兵部尚書李慶贊其軍工部尚書黃福再鎮之

二年正月申明屯法勅曰朕仰惟祖宗創守之艱兢惕宵晝遵成憲以撫天下賴天之佑海宇清寧五穀遂成惟吾臣民與共享之特賜百官上元假十日在京軍民飲酒張燈爲故事二月成山侯通擊敗黎利

名山藏

卷之十

宣宗

七

交趾三月調發官軍四萬八千有奇益征之作西漢循吏論示大臣四月增置督農官一員於蘇松嘉湖杭屬縣免晉王濟熾爲庶人以陝西不歲止一切買辦五月命陽武侯薛祿爲鎮朔大將軍清平伯吳成爲副總兵禦虜開平上親閱獄遣輕繫復李廣歸善知縣增其祿七月諭三法司曰虐暑朕與卿等深居突處猶畏煩蒸矧繫囚哉若歆毒薰鬱疾病死者虧傷和氣不累陰德耶有應罰役應遣者速簡勘以聞是月也上三閱獄遣輕繫八月陽武侯祿清平伯成破虜獻俘還京資功有差復揚信桐廬知縣增俸從

六品九月安遠侯柳升遇賊死隘留關右參將崔聚
郎中史安主事陳鏞李宗旺皆死之上曰比聞平陽
夏秋亢旱稼穡不登他州縣皆不以聞有畏忌乎其
勅山西布按二司察旱傷所在免其賦令有司加撫
緩毋使流移封李英會寧伯十月上曰書云萬邦黎
獻共惟帝臣惟帝時舉詔書求賢朕日夜寤寐之天
下之士豈無伊尹傳說諸葛孔明者率未見也此一
二大臣所薦舉授事未久賄于貪饕或曠諸鄙朕何
賴焉進賢退不肖卿義尚慎職事以副朕志以天
氣嚮寒命三法司簡輕囚上親閱狀出之早蠲卹山

名山藏 卷之十 八 皇宗 與漢記

東陝諸縣十一月交趾賊黎利奉表請立陳氏後成
山侯通等不請命盟利而退師詔曰安南疆於海界
衣冠君長不屬股肱大明受命其國王陳日燧恭天
之威首先百蠻歸誠我太祖高皇帝逮于後嗣一心
終始賊臣黎季犛父子稔惡殺君篡國屠宗交人靡
告我太宗文皇帝愍其覆絕出師致討生擒兇渠求
故王後立之屬族逃竄歷久弗獲乃割制為郡縣吏
撫綏之吏不得人致其弗靖以塵王師冒露寒暑朕
忍一隅獨淪墊溺交人思陳之先曰其遺孤尚尚存
僉為請命甚契朕所以奉承祖宗存亡繼絕意交趾

吏民無小大罪皆赦之安南耆老具嵩實以聞冊封
朝貢如洪武中故事成山侯通等所置文武官吏皆
班師解職還京以寒氣至休百工乙未皇子生大赦
天下十二月申明捕盜法陝西旱命有司開倉賑濟
出絹五萬匹綿布十萬匹給其尤艱食者止一切科
徵作書魏詩示行在戶部尚書夏原吉詩曰關中歲
所資郡縣既上言能不軫恤之周禮十二政散貨無
所宜給帛遣使者發原飭有司臨軒戒將命遣往毋
遲遲命下苟或後施濟安所期吾聞有道鎮守浙江
世民免寒與饑備已不違寧因情書魏詩鎮守浙江
太監裴可立奏按察使林碩阻格詔書命逮之既至
上曰但實對母怖碩對臣往為御史按浙小人不便

名山藏 卷之十 九 皇宗 與漢記

臣今至官未久又慮不便故以謬語太監臣於太監
無乖忤也上曰朕固未信逮爾面問今白矣可馳驛
之官林碩闖縣人弱冠登永樂壬辰進士半儀擬登
成祖親擢為侍御史嘗劾蜀王不法上嘉其直
書名御屏延按浙江劫漕運蕭侍郎縱恣執法不
如邪側日滿考擢浙按察使時湯干戶者倚鎮守裴
太監索進部縣魚肉百姓碩禁之湯懼嘆太監奏項
既逮問得自馳驛之官碩被逮日其妻與其繼母亦
逮至茶洋飛詔釋之遂降勅切責可立碩益感奮飭
風紀過亂略計擒賊賊史慶真虛宗琦等散其黨直
克七十餘家秩滿士民上章乞留碩以繼母老固
請終養歸正親初起為廣東左布政未赴而卒
三年正月元夕賜文武進臣觀燈萬歲山賜宴文臣
賦詩以獻賜之鈔二月名皇長子戊午立為皇太子
丁卯奉皇太后遊西苑上壽萬歲山獻詩頌德勅三

法司慎刑復北流知縣李植黃巖知縣劉道成進祿一級上曰欲福吾民急在諸郡得良守耳吏部奏御史靜御史旭御史克敏御史麟考最九載當授方面官可悉遷知府御製帝訓二十五篇正家睦親仁法祖經國勤政恭儉戒傲用賢知人去邪防微求言祭三

祀重農興學賞罰黜陟刑文治武備取夷保生三月胡皇后遜居別宮立貴妃孫氏為后諭行在吏戶禮工四部五軍都督府錦衣諸衛指揮使司各勅以職任四月作曹參守法論閑月閱獄遣輕罪山西饑禁逐流民以擅盟黎利退師下成山侯通與都督馬瑛為事官陳智李安方政布政使弋謙等獄籍其家

名山藏

卷之十

宣宗

十

五月以臯獄頌繫刑部尚書金純上親閱狀遣其輕罪者山西民饑徙勸賑於富民交趾黎利言陳高死亡後遣行在工部右侍郎羅汝敬詰責之再訪以聞恤死賊諸臣後免汝南王有燭新安王有喜為庶人作酒諭訓百官上閱罪出輕囚六月太原大同遼沁汾諸州縣旱上曰郡縣告饑者朕發廩勸分無敢後其令有司熟講救荒政七月以通政使顧佐為行在都察院右都御史八月皇子祁鈺生龍陽武陵水恤之丁未田而視兵於邊次三河見三河令曰三河不善撫我民九月庚戌朔至薊薊歲上曰安得它郡

縣歲如薊怒其吏曰故漁陽郡也張堪為之樂不可支辛亥至喜峰口兀良哈從萬人寇寬河上以鐵騎三千征之親射其前鋒三人兀良哈望見黃龍之旗皆拜丙辰斬其酋渠擣穴搜山戊午享諸將會州製歌勞士壬戌駐蹕鐵將軍店解伴飲食之忠勇王金忠都督把台獲虜及馬牛羊至飲而賜之金鑿既班師上射虎喜峰中之癸酉還京十月上曰古者師保之職論道經邦不煩以政少師義少傅士奇少保原吉太子少傅榮皆我祖宗簡在臣黃髮彌亮尚治有司非朕優眷老成意可各輟所務朝夕朕側討論至

名山藏 卷之十 宣宗 十一 理用寧家邦職名俸祿悉如故上聽儒臣講春秋賜坐啜茗雪賦喜雪詩罷遣衛土工役七月以上者十一月收繫指揮鍾法保請採珠東莞者上曰風氣夜寒邊士可念也守瞭關墩者毛襖狐帽急予之弊者易以新十二月澤沁永蒲靈石及平陽諸州縣霜殺菽命速賑毋留

名山藏

卷之十

宣宗

十一

四年正月上諭翰林學士楊溥曰滄海之大江河助之古君臣更相戒飭所以致理稱良也輔德陳過卿等勉之毋諛勅行在三法司刑罰所以輔治罪惡重者極典不原也有詿誤于連朕夙夜在心欲與之求

情其令雜犯死罪以下得贖米二月騶虞二見來安
止賀勅曰五刑之屬三千莫大不孝有忝父妾收兄
弟妻者送京師治之武臣及子弟犯者失職毋襲著
為令進封金忠清平伯吳成清平侯孫忠會昌伯以
耆民乞留加鞏昌知府孫宜潼川州知州趙顯宗昌
黎知縣楊僖文水縣丞徐文襄垣主簿喬育俸四月
薦鱗魚奉先殿分嘗大學士士奇榮幼孜賜酒製詩
士奇等和上曰今日君臣當以卷阿相勗五月上親
決獄遣輕罪止捉辦科買勅曰吏不得人受賕縱奸
民之不平求伸布政按察二司及巡按御史二司御

名山藏

卷之十

典謨記

三

史又多非是枉直或禁斃之所以赴闕競眾而京師
繁刑夫理民之道宜使有罪不逃誅無罪不遭抑今
小民越訴京師不恤死也何以張官為其易心滌過
鈕奸植良毋使豪右肆虐朝廷受怨名於下製典謨
詩七月廣東進白鳥二幸文淵閣賜少傅士奇等鈔
有差九月申明栽種桑棗令勅朝鮮國王栒曰王聞
者薦其遠誠海青鷹犬不以實苑囿遣使來獻使還
荅王陶器十五几王國誠多怪獸珍禽然非朕所畜
幸自今已之十月幸文淵閣顧問少傅士奇學士溥
等賜酒饌製詩上作倚蘭操

蘇生幽谷今詳其芳
賢人在野今其道則光

而操倚蘭傷不遇也朕虞谷中之賢有不仕者輒擬
斯篇夫以人事君卿等所謂大臣也幸文淵閣賜儒
臣鈔及御書製詩一章上曰朝鮮僻遠小國朝貢使
數至貢率用金銀力豈能辦哉且非其產也諭其國
王地以土物獻明使至王國中飲食之足矣毋有所
遺與乙未獵峪口十一月以耆民乞留復揚州知府
陳真鳳翔同知耿寬許州判官王通保安知縣張庸
休寧知縣莫魯任皆增祿一級十二月朔霜寒甚命
光祿賜在廷文臣羊酒曰皇祖考時且嘗有賜朕今

名山藏

卷之十

典謨記

三

忘之追免鳳陽及京師裏八府水灾田賦
五年正月丁未雪作喜雪歌二月庚辰萬壽節賜群
臣宴為故事罷遣工匠老幼殘疾者勅行在工部左
侍郎許廓巡撫河南并賜詩河南百州縣七郡所分
治前歲農事缺旱澇始
復繼衣食既無資民生曷
憂愧爾有敦厚資其往勤
賑濟咨詢必周履毋憚躬
實惠勉旃營乃誠庶用副
武三十二年鄉舉宣德六
部尚書本嚴厲詳審承其
夫遣歸農勅曰朕孜孜圖
春氣已和民瘼未舒懼非
恤之今盡朕審思所至者
水旱蝗蝻地速視其灾以

賦聞蠲免三年以前芻薪之稅招饑徙民復業免
 後一年所毋責償倒死官馬驢驘及虧欠孳生馬匹
 者停止採買顏料生漆諸物為營造監採監買吏召
 還之上供物非上產毋徵徵所產土除他役起科官
 田二斗以上者減十之二四斗至石以上者減十之
 三戶有二人役工匠者一人歸四人者二人歸一人
 者聽合於他戶一歲二歲相更役年老殘疾悉放免
 之贓汚士之極醜理官上罪必核毋辱人終身以清
 明節奉皇太后上陵上橐鞬導騎步掖過河橋三月
 辛丑朔雨製皇陵春雨詩警邊閱馬親割鮮上皇太

名山藏

卷之十

典故

西

后頒文武大臣乃自御及節奉皇太后祭陵賜從官
 豆粥獻大德頌於太后戊申上省農道中三推其耒
 耜農人皆呼萬歲賜鈔六十遂徧賜道旁諸農家作
 賞春賦乙卯策舉人詔等奉天門賦策士歌以耆民
 乞雷增河間通判段準祿增置秀水嘉善桐鄉平湖
 四縣選庶吉士薩琦等八人讀書翰林給賜如永樂
 故事加役隸四月命陽武侯祿豐城侯賢等築獨石
 雲州赤城鷓鴣堡賜之出車之詩五月追奪賊吏誥
 勅著為令以耆民乞雷增獲鹿知縣吳韞巢縣主簿
 范永祿置雲南廣邑州郡守闕命擢舉京官廉能者

不以次遂賜况鍾等九人勅及傳六月勅許廓蠲河
 南三年以前逃民逋租獨石雲州赤城鷓鴣城堡成
 遂棄開平免易涑水復業逃民九百九十五戶賦遣
 太監鄭和持詔諭諸番遣捕蝗畿內命行在戶部尚
 書郭敦曰往歲捕蝗之使聞不減蝗卿尚飭而後遣
 之因製捕蝗詩示敦詩曰蝗蝻雖微物為患良不細
 禾黍成荒元各生遂所折歲將登奄忽得已至書苗
 及根節而况葉與穗傷哉龍飛植民命之所係一旦
 盡於斯何以卒年歲上帝仁下民詎非人所致修省
 弗敢怠民患可坐視去螟古有詩捕蝗亦有使除患
 與養惠昔人論已備拯民於水火勗哉勿玩愒邪
 敦宜邑人洪武中以鄉舉歷官衛州知府有惠政舍
 內蠶箔嘗有蠶絲類織或善革帶修廣適度鄙人謂
 敦仁應坐累徵詣京師者老赴闕乞雷再起監察御

名山藏

卷之十

典故

五

史宣德中歷戶部尚書廉慎公直屏絕私
 鳴驛官六卿泊然布素人稱為行君子 設雲南騰
 衝州七月嘉禾產太廟側止賀以耆民乞雷復嵩縣
 知縣吳祥任增其祿別守令賢否八月己巳朔日當
 食陰雨不見禮部尚書淡請賀不許九月歲登賜群
 臣詩命諸學士和免易州復業民千二百二十九戶
 唐縣復業民二百九十五戶維縣復業民三千四百
 七戶稅糧有差增廣平府通判白亨祿乙卯巡近郊
 已未還十月丙子閱邊丁丑駐蹕龍虎臺召英國公
 輔成國公勇尚書義學士士奇榮幼孜溥等至帳中
 論政酌之酒已卯獵居庸進鮮太后遂燒荒癸未見

宣府總兵譚廣於泥河賜綺紗乙酉視師洗馬林師
整上悅勞將帥丁卯獵戊子回鑾命都督義仍獵以
警虜壬辰還京遣副都御史賈諒巡視江西利病十
一月沅陵虎上曰能使渡河者何人也勅其守令脩
政十二月巳卯雪尺作喜雪詩賜群臣宴群臣進和
語有傲戒者上錄而為之序因臨刑擊登聞鼓訴冤
命書其情詞進著為令丁亥含譽星見凡旬有五
乃減增高州通判周義乾州知州賈麒祿閏月上曰
惠民無實謂詔書何聞者郡縣數水旱民賦未充有
司迫逼至于逋逃其許以鈔絹布代准民間直收之

名山藏 卷之十 典謨記 六

自三年以前者上曰民七十以上及廢疾者一子侍
詔書也諸衛所勾軍豈無父母老疾家獨子有司其
覈而傳之近地

六年正月以湖廣旱罷採木免安邑復業民三千七
十一戶元年二年稅糧萬七千有奇二月作招隱詩
求賢增扶風知縣宋端許州知縣魏儀貴溪知縣徐
士宗祿二級下御史陳祚獄三月增設府縣佐貳官
尊撫逃民雨製喜雨詩五月以耆民乞雷起復况鍾
蘇州知府韓福鳳翔知府六月黎利再奏陳壽死命
刑署安南國事製憫農詩示吏部尚書郭璉曰為朕

慎擇賢守令 詩曰農者國所重八政之本源也
可論既無棟斲肥安得繼繁溫恭惟祖宗法周志
具存退避同一視覆育如穀坤宮闕古循吏卓有父
母恩惟當慎所免開州逃民五年秋糧八百九十五
戶再作招隱詩七月上閱獄囚遣輕罪夜幸楊士奇
第八月勅和寧王阿魯台曰王自朕嗣位以來篤于
闕下貢使接踵聞者聞王困瓦剌脫歡避之南徙朕
深憫惻尚念邊將恐驚王部落王乃風聞朕將發兵
乘王弊王在危難朕不救援烏有利人之灾迫之於
險者哉茲遣都指揮昌英諭朕意王毋疑焉增平南
知縣徐彥麟祿浚白塔河十月丙午巡近郊以耆民

名山藏 卷之十 典謨記 七

乙雷復裕州知州石鼎通州知州王瑀長垣知縣焦
昉任增其祿十一月作祖德詩九章 其一章曰上天
以赫元季政昏亂帝用厥夷狄眷求令德宗親乃善
慶積沛然啓其祥福宇俾開闢其二章曰恭惟我仁
祖躬備大聖德天性稟純粹溫恭而允塞焉志在仁
義兼亦貴稼穡寶王之適適退與道俱玉德懷貞白
維時屬遭屯獻職之自適進退與道俱玉德懷貞白
皇天鑒昭昭賚命所歸錫篤生太祖聖配天立人極
其四章曰海內如鼎沸土壤分割析蒼生靡怙恃一
伏斃毒螫仗劍起梁宋天極焚溺再駕定東南一
舉下西北其五章曰曠哉六合內朕穡黍粟三光
復宜爾五典重脩務遠齊竟功近過湯武績遠今
普天下休養樂生息其六章曰太宗創好回維統
宗初聖文既炳煥神武光赫英賢才盡登用兼德各
條職庶邦承覆載貢厥來九譯其七章曰昭考撫盈
成至仁弘隱憐民安視如傷泰已臨萬國繼志與速
事夙夜懷茲惕息履實裕建祥源深且廣天派肆洋隘
正本所自隆仁祖實裕建祥源深且廣天派肆洋隘

聖神紹傳序茂衍萬世曆造尚本玄王與周美后
其九章曰茲予嗣鴻業時維維中甸四聖赫在天悠
久賚法式保佑爾深養負荷勉起工部頒邊軍裘帽
餘力稽首陳咏歌庶用示無致
勅曰上帝之德好生而已寒嚴囹圄中有可憫者三
法司錦衣衛速從輕斷若當體勤待對出之母淹十
二月太監袁琦以採辦為名私遣其黨巨隊等十人
虐斂於廣東凌遲之太監唐受虐斂於南京梟首南
京市誠內官內使母怙寵作威免大名廣平真定河
間徐諸縣水災田糧及長沙縣復業民稅糧千六百
七十七戶以吏民乞留復鳳陽通判劉釗長安知縣
實文莊任增其祿

名山藏

卷之十一

典謨記

一八

七年正月辛酉朔日食勅群臣謹天戒命刑部都察
院觀政進士分鞠獄囚二月免長子縣逃民五百三
十三戶二年至六年稅糧上親閱獄遣輕罪戊戌有
事大社大稷雨賦甘雨歌令衍聖公孔彥縉傳而觀
三月上諭禮部尚書濙曰朕聞者以官田賦重百姓
苦之詔減十之三聞戶部多不遵守甚者與有司期
陰為慢格令闕恩何等咎也因賦減租詩詩曰官租
額繁在
昔蓋有因而此服田者本皆貧下民耕作既勞勤輸
納亦苦辛遂令衣食微得以顯其身殷念惻予懷故
述安得循下詔減十三行之四方均虎王親
萬姓有帶父子親茲惟重那木日於斯人四月以
山西早免其逋賦二百四十五萬四千八百石屯留

縣疾風震雷雨殺麥以河間吏民乞留其同知莫濤
陞為知府五月龍駒出山西上曰西之不歲繼踵告
災一獸之異足活民耶群臣欲表賀可止之六月上
閱獄狀遣輕罪命強盜死獄中者勿斬首勅曰朕選
能任賢命以恤綏頒璽書數矣曩為所任匪人使百
姓栖栖棄鄉離土朕甚憫焉已遣人招撫復業免徭
役一年所今聞有司不體朕心如故流民歸者居無
廬舍耕無穀種逼償故所逋奈何不死且復亡也其
速加厚恤諸雜賦蠲除之有虐害者無官民悉治罪
六月罷內官入番買馬製官箴三十五篇做有位增

名山藏

卷之十一

典謨記

一九

河間知縣徐岳蓬萊知縣朱輔祿七月免揚泰水災
田租二萬二千九百三十餘石賦幽風圖詩揭便殿
八月勅曰朕思得賢才共圖治理寢食念之今朝臣
三品以上舉爾所知復賦招隱倚蘭告之朕意近惟
少傅士奇薦舉交趾南靈州知州黎恬吏部員外郎
魏驥等諸臣曠旬積月無一人焉巖數窟穴豈皆虛
哉吏部其會三品以上官推擇才行文學之士方面
有司昏懦貪暴者與都察院奏黜之因遷擢驥等十
九人官有差黎恬清江人以進士擢御史與同列上
北歸至是以薦陸入翰林官至右春坊右諭德正統
初卒士奇解任在內為良御史在外為良郡守云

嘉禾嘉瓜出陝西皆止賀勅邊將嚴邊置濟農倉蘇

州九月上賦織婦詞十二月以者民乞留增泗州知

州石佩會同知縣張恕陽信知縣張純沅陵知縣張

鼎新祿

八年正月丁丑祀南郊還朝群臣行慶成禮戊辰大

宴故事先郊朝上止朝詣郊既至視牲品飭太常其

夕雪霽及還宮既慶成內臣請張燈如故事上曰明

當宴百官毋以樂散敬二月賑河南饑郵使者上聞

獄狀遣輕罪三月命民越訴不實者發戍邊還庶吉

士尹昌等三十八讀書翰林製養士詩命內外恤軍

名山藏

卷之十一

宣宗 宣宗 宣宗

士四月脩廣寒清暑二殿藏書其中奉皇太后遊宴

焉製廣寒殿記記曰北京萬歲山在宮城西北隅周

嘉平曉巖峻削盤迴起伏或陡絕如壁或巖巖如屋

左右二道宛轉而上步履屢息乃造其巖巖樓閣

廣寒殿崇棟飛檐金鋪玉砌重丹臺翠五綵煥焉

雲霞納日月北枕居庸東挹滄海西挾太行高敞

之偉觀也永樂中朕嘗侍皇祖太宗皇帝燕遊於此

天顏悅澤指顧諭朕曰此古軒轅所都而趙宋疆

也宋帝良金取而都之金又帝元瓦瓦而都之風亦

後裔不念儀殿天命我高皇帝代誕安簡我與茲

我不敢康惠文嗣位信用奸回我對宗室益城孤立

殆一髮矣賴天之靈克清奸慝以有今日又顧茲山

不我日宋之良嶺也不振以是金不戒而往茲元

繫之餘期以五日遣須質理者聽保領存在毋遲馳

念炎暑也旬日矣寂不奏謂朕虛文耶當死罪者長

貴及早其必昭感通勉勅三法司曰比命疏理獄囚

踰望有濟冀以蘇瘼

憫旱詩詩曰亢陽久不雨夏景將及終禾稼紛欲

得不可繼何以至歲窮予為兆民主所憂與民同仰

瞻紫雲蒼天積精衷天德在育宜忍民瘼病痲霖

軍侍東宮六月旱蠲兩畿山東西河南屬縣租稅作

令悉還朝如故他簡冗者別與叙用凡爾文武大臣

竝受付託宜同朕休戚詔到恪行之毋慢五月選幼

名山藏

卷之十

宣宗 宣宗 宣宗

按察司奏治有司貪酷害民者御史奏治按察司比

歲所增設撫民官欲知民所苦也朕殊不聞其一言

自首者原之三司府州縣連名舉賢良方正一人聞

軍衛有司所採運炭葦草束皆免之被災家免役一

官司驗廩之非犯十惡罪罪並寬一等逃軍逃匠有

鹽屯皆停徵六年以前所逋課程買辦採造諸色物

歲所追徵稅課鈔倍者免五年以前乏食軍民在所

官歟永念其咎內疚於心其令七年以前所逋稅糧

兩畿內及河南山東西自春徂夏旱饑相仍朕甚惻

焉上天降災厥有攸自政闕歟刑失歟斂繁歟不治

入詔曰朕以菲德恭嗣天位夙夜圖惟所安利元元

所授大訓勸諸金石既賜群臣遊西苑命乘輿馬以

以自者亦以示我子孫賜群臣遊西苑命乘輿馬以

論中外具如勅七月置武騎騰驤四衛八月上曰聖人用兵皆不得已不以小寇動衆比者雲南摩沙勒刀甕作亂黔國公沐晟請討非朕意其先遣人撫諭之不服乃兵期得刀甕即已久任扶風典史楊清增其祿戊午景星見止賀慶王栴進瑞麥瓦刺順寧王脫歡遣使來朝廷臣言明使者三入瓦刺皆未返宜罰之上曰尤而效焉非禮也勅曰明三使人於王矣皆未返我國家撫遠甚厚王亦効誠意阻於道路乎使歸遣之九月勅曰朕體好生夙夜念刑庶幾欽哉之義三法司取決重囚憑章耳安得察顏色吏廉明

名山錄 卷之十 宣宗 三

者分遣觀囚密覆不厭其心者識之母輕率枉死人增吳縣知縣賈忠祿

九年二月再頒兩畿河南山東西寬旱詔製思賢詩三月增鎮遠通判王鑑祿以水旱賑常揚徐順德保安登州諸屬縣四月勅曰朕夙夜弗遑天與祖宗之心惟匹夫匹婦允懷保之凡選賢才寬徭賦賑窮荒宥罪過卿等宜端慎恪職篤行以體朕志上閱獄大償囚五月命瘞露屍上曰朝廷優恤軍士贍以衣食使感恩而勇公戰也比聞官旗吏胥率侵牟其月糧布絮主者或黃綠下鄉以其糧絮易賄充饋送則蛇

豕也欲便按法行誅謂朕不教而殺自今都察院申嚴犯者死家戍邊六月免涿文安鉅鹿二十餘縣七八年水旱地租青萊揚州江浦永平廣平河間平陽霍諸府州縣稅糧有差七月兩畿山東河南諸郡縣蝗覆地尺遣驛捕雨寬畿內諸縣秋租阿台朶兒只伯失捏干等謀掠涼甘肅有款者都督廣請拒之勅曰虜人多詐其天性虎狼蛇蝎大造豈以息生生哉虜款者處之甘肅徐察其向背與爲兩端飭備而已增邵武知縣鄒良鉛山知縣孫珏祿八月命水旱蝗蝻之處軍民孳牧及乘操馬虧斃者悉免償復勅巡撫侍郎巡按御史躬視之免今年秋糧屯糧十之四止工部派辦物料卽不被灾郡縣亦從緩輸毋得逼追瓦刺瀛寧王脫歡遣使入朝告殺阿魯台請獻前代玉璽止之勅曰比北虜降者皆言阿魯台已爲瓦刺所殺部屬分散有渡河依邊者朕憫其失所亦慮困窮或鼠竊其令總兵官嚴邊候善待其歸附者朝廷且處之善地與官職俸賜上親試翰林院脩撰馬愉等三十七人第其等賜賚有差畿內陝西四川水揚鎮江蘇松常湖廣浙江江西諸州縣旱皆傳恤之九月癸未上巡邊出居庸至懷來萬全見故和寧王

名山錄 卷之十 宣宗 三

阿魯台子阿十只俺朝使諸將請因獵掩虜不許十月丙午還京權署安南國事黎利卒命其子麟襲署虜寇涼州總兵官劉廣追擊之不及還勅曰今西北胡虜敗者離散勝者驕縱當嚴兵保境寇來則戰去勿追之以旱灾行寬恤令富陽知縣吳堂致仕民詣關乞留許之吳堂東平人永樂辛丑進士初知富順治九年解去民泣送之十一月故和寧王阿魯台部落把等率家屬來歸十二月命阿十只俺為中軍左都督賜第宅諭尚書胡濙曰水旱饑癘四方薦告

名山藏 卷之十 宣宗 三

天灾頻仍民何以堪朕深憂懼卿等勉圖匡濟有可回天拯民者其悉以聞製洪範序

十年正月乙亥上崩遺詔皇太子嗣皇帝諸王宗室悉遵祖訓謹守藩嗣君幼國家幾務文武大臣白兩宮乃行喪禮日易月悉如皇考洪熙元年五月遺詔無改山陵掌軍兵及守土吏毋自臨闕丁酉上尊諡曰憲天崇道英明神聖欽文昭武寬仁純孝章皇帝廟號宣宗六月辛酉葬景陵

臣喬遠曰高皇帝承胡元縱弛之弊宏振威武以做天下成祖以英達之資續緒大服海內竦然振厲者

五十餘年昭皇帝至德深仁不久於位章帝繼之乃亟濡以醇懿陶埴以德義聞四方有水旱蝗虫之灾憂形於色遣人賑採如恐不及隆寒盛暑先下法司蘇洗冤獄奏上刑名垂神省察竝從輕典優禮老成勳舊具有終始寤寐思賢內自廷臣外及方岳郡守谷簡詳擇不以輕畀褒獎循良使久於官是以在任之人奇才異能皆極一時之選至有文學胥史哀然濯被致位名卿十年之內吏稱民安比於文景下及民間木植器用莫不精堅殊倫亦可以見一時無些贏偷惰之風矣至夫郊廟之禮必躬必親奉事太后

名山藏 卷之十 宣宗 三

祇敬夙夜宮中欲用一木架工匠飾繪金絲輒命易之嘗命侍臣遊東苑指草舍一區曰此朕致齋之所雖不敢上比茅茨庶幾不忘儉德未嘗一日去書下筆蠶涌皆傳脩齊治平之道翰墨圖書隨意所在盡極精妙歲秋冬巡邊閱武親繫韃騎射威震乎殊俗休矣哉文武恭儉之主也

名山藏卷之十一

臣何喬遠恭輯

典謨記

英宗睿皇帝

英宗睿皇帝御諱祁鎮宣宗皇帝嫡長子以宣德二年生生之日日下五色雲見光灼殿陛既二年立為皇太子能言宣宗抱置膝上問他日為天子能令天下太平乎曰能問有干國之紀者敢親總六師討之乎曰敢宣宗大喜解所御龍袍寶帶加上體置寶座左右皆呼萬歲上天姿秀傑龍顏魁碩顧盼有威立

名山藏

卷之十一

典謨記

一

其側者皆若傍睨之宣宗崩以正月壬午即皇帝位九歲矣頒詔大赦天下以明年為正統元年癸未營建大行皇帝陵丁酉上尊諡勅沿邊總兵官嚴守備命戶部尚書黃福參贊襄城伯李隆幾務於南京命廷臣會舉文武大臣鎮守江西湖廣河南山東勅朝鮮國王李禔曰朕嘉與天下安於清靜王國朝貢一循舊章非常貢悉止之戊申尊皇太后為太皇太后庚戌尊皇后為皇太后辛亥冊弟祁鈺為郕王賜臣民白金絹布鈔錠勅諭南北兩京五府六部都察院南京內府各監局等衙門曰朕體祖宗安養軍民之

心凡事從簡可簡之事公議以聞於是諸司冗費悉

行裁罷勅三法司錦衣衛詔書赦外再別犯者情罪

以聞成邊輸作之命成國公朱勇新建伯李玉提督

大營五軍三千等營官軍操練三月放教坊司樂工

三千八百餘人江西賊曾子良等平

先是江西連年有司不能賑恤曾子良率水豐新淦樂安等縣聚眾

據大盩山為亂至三萬餘眾察御史程富與三司前

後擒勦子良為亂勅諭三法司錦衣衛刑科都給事

軍所殺作黨潰散

中自今死罪臨決須三覆奏行在禮部尚書胡濙等

奏比奉勅旨節一切冗費而四夷使臣動以百數疲

於供給宜勅邊官審其來者量遣正副使從人赴京

名山藏

卷之十一

典謨記

二

餘悉留彼給待從之贈皇庶母殉葬者十妃四月諭

行在兵部尚書王驥曰比聞河南軍民有困迫饑饉

流離就食因而群聚為盜原其初心良可矜惻爾兵

部即出榜文諭之榜至悉宥罪祀唐韓愈於潮以元

學士吳澄從祀孔子廟減差行人禁約私茶員數遞

減在京鞋官月俸給米丙辰月食脩葺長獻二陵置

石人石馬於御道東西天久不雨命考察群吏方面

及郡守有闕令遵宣宗皇帝勅旨保舉若犯贓罪并

坐舉者命三法司有犯罪即會官覆審毋淹兩畿山

東河南諸府蝗蝻傷稼命御史給事中馳驛往捕五

月命吏部初入仕者毋輒銓除風憲監察御史有
都察院堂上及各道官保舉以聞吏部審察不謬然
後奏授賑揚徐滁及諸屬邑饑命河南山西鎮守巡
官招撫逃民復業免其徭賦諭禮部朕念祖宗忌晨
食稻衣錦非心所安其與翰林院議忌日禮以聞大
學士楊士奇等請其日服淺淡色衣不鳴鐘鼓視事
奉天門從之革兩京都察院交趾道并戶部刑部交
趾司以旱澇命覆死獄遣監察御史給事中點視邊
軍命監察御史往揚州等處緝捕鹽盜准巡按例歲
一更薦宣宗陵號曰景陵六月辛酉奉葬大行皇帝

名山藏

卷之十一

典謨記

三

乙丑祔廟勅南京法司會審重獄七月脩宣宗實錄
嚴私下海捕魚禁八月減光祿寺廚役四千七百餘
人封乳母李氏為恭聖夫人九月龍州宣撫司獻瑞
麥上以所在旱蝗相望獨此麥瑞何以免民饑自今
天下凡若此類皆母獻十月立天下衛所學校諭行
在吏部方面郡守九年陞用與大臣會議使常流不
得倖進十一月戊辰朔日有食之行在吏部言御史
員缺請奪情補用上曰非盛世令典不許勅行在兵
部臣曰比聞順天直抵山東府州縣歲歉民艱所養
馬匹死損合追賙買補者俱俟來歲收成後命天下

布政司都司嚴督所屬裁種桑素儒士盧忠以經明
行脩應薦吏部驗忠軍籍當補伍上命試之試可用
擢為教諭曰戎伍得人孰與學較得師十二月妖賊
張普祥伏誅普祥真定衛軍以妖書惑衆潛居井陘
縣自號七佛祖師遣其黨往河南山東
山西直隸等處度人約先取彰德以次奪諸城其黨
百餘人入磁州城焚千戶所官軍攻敗之普祥復伏
相繼縣逃運大使魏景原命少傅兵部尚書兼華蓋
殿大學士楊上奇少傅工部尚書兼謹身殿大學士
楊榮行在禮部尚書兼翰林學士楊溥輪議建言事
行在刑部右侍郎吾紳言臣奉命考察群吏雖已悉
詳尚恐人心變態遂失其初乞勅行在吏部今後方

名山藏

卷之十一

典謨記

四

面守令給繇赴部仍會在京堂上官考覈從之
元年正月以京軍數多令餘丁於北京曠土屯種勅
中外群臣敬職勤事減陝西苑馬寺官吏二月禁內
外法司鍛鍊刑獄嚴逃民不復業之禁擇通經秀才
為教官教書公侯家三月改建廣邑州四月命行在
禮部右侍郎王士嘉等五人捕蝗畿內王士嘉武城
人永樂初
國子生選任知縣歷官工部員外郎宣德中薦陝西
參政清舉大振正統初召為禮部右侍郎後以年老
致仕卒年八十餘為人端謹無私以公侯伯位久祿厚
無事征伐而百姓連年艱供億馬匹草料悉停罷之
五月罷脩南京冰池水窖減慈恩隆善能仁寶慶四

寺番僧勅行在右都御史顧佐御史有嘗犯贓罪及暴酷枉死人者悉降黜之他諸衙門官一聽堂上官考察有徇私容隱御史舉劾之增設提調學較官南北直隸御史一員各省按察司官一員起復刑部郎中謝莊為西安知府給驛赴任閏六月嚴自宮禁罷陝西織造駝駝靜縣蝗饑有司徵索如故上聞命撫按官分投驗視凡被災處悉免其物料稅糧諭行在禮部山陵祭祀百官母華服皆淺色衣從朕如洪武永樂故事命行在都察院舉可御史者理刑半歲乃除授八月命提調學較風憲官兼督民間栽種桑棗

名山藏

卷之十一

典謨記

二

折收江南金帛以當租稅免輓運之勞命錦衣衛帶俸食糧官較有小技者自食其技有為諸王公主守莊守墓者自食其力四夷降附老弱者悉就食南京以省冗費九月分遣監察御史軒輓等十七人清理天下軍政命攢運糧儲總兵官若巡撫侍郎明年八月至京會議軍民利便命錦衣衛刑部者齎駕帖以防偽命邊郡民犯罪者聽納米麥豆自贖封黎麟為安南國王淮河清十月命北虜降人非率所部及眷屬來歸者俱發遣江南衛所管束聽征調十一月麓川宣慰思任發侵孟定府及灣甸等州黔國

公沐晟以聞下兵部議處之命逃民即占籍於寓所毋游食而不賦命在京三品以上官各舉可御史者一人四品官及國子監翰林院堂上官部屬科道官舉可知縣者一人吏部察用之十二月故和寧王所部阿台王子及朶兒只伯數寇邊下兵部會廷臣議五日不上奏上曰謂朕冲人耶執兵部尚書王驥侍郎鄭埜下獄遂勅都督蔣貴寧夏總兵官都督同知史昭大同總兵官都督同知方政等出兵勦虜

名山藏

卷之十一

典謨記

六

二年正月勅大同總兵官都督方政寧夏總兵官都督史昭都督蔣貴等率兵二萬出境巡哨遇虜賊相機勦殺巡撫大同右僉都御史李儀言和寧殘虜窮無所歸乍臣乍叛小為邊寇此常情也嚴烽火謹斥堠練士馬待其自遁則無事矣今重兵出境棄所守地僥一勝賊倘偵伺襲我空虛非策也上是之三月增雲南儒學師生廩米籍重囚出免死者乙巳月食大名河陝諸處逃民先後入山抵漢中府深谷中潛住以四五萬黃河北岸亦有十數團聚命監察御史金敬撫輯之勅諭曰皆朕赤子願還故鄉者令有司善加綏撫願占籍者復二歲四月遣官督捕蝗於畿內山東河南諸府諭行在禮部臣曰先王盛時四夷之獻

惟服食器用毋有珍寶毛憐等衛撤滿答失里貢珠
本意却之宴使者而予之直聊酬遠誠毋以爲例五
月鄭州儒學訓導郭明郁奏本州榮澤孝義保漢紀
信死節地遺墓尚存祠廟靡立乞下禮官議下廷議
封信榮澤侯諡忠烈有司立祠致祭浮梁人胡有初
等十人各出稻千石佐賑賜匾書旌勞復其家自是
爲故事六月禁罷閒吏及奸民結攬寫發把持官府
起滅詞訟者以宋儒胡安國蔡沈真德秀從祀孔子
廟命副榜舉人不願就教職者入監讀書申明生員
學書習射之業申明內外官免原籍差徭禁部民鄉

名山藏

卷之十一

典說記
英宗一
七

縛有司赴京命行在都察院右副都御史賈諒工部
侍郎鄭辰賑饑江北諸府命諸番國三歲一貢七月
以淮揚饑弛所屬川澤之禁時達官軍較勇士人等
居止畿內多占民田地相聚騎射強掠民財詔錦衣
分捕之犯死者於犯所梟首徒流者發邊衛充軍仍
罪其頭目十月命中軍左都督任禮佩平羗將軍印
充總兵官左軍右都督蔣貴充副總兵左軍都督同
知趙安充副總兵兵部右侍郎柴車右僉都御史曹
翼羅亨信俱參贊軍務率領軍馬勦捕虜寇阿台朶
只伯諭行在兵部揭榜有壯勇勢力通武藝願自効

者在京許赴通政司沿邊赴總兵官自陳亡論奴
亡命坐罪人一槩試用有謀略出衆者不次擢十一
月封哈密脫脫哈木兒爲忠義王

三年正月二月庚午月食三月庚午知州傅霖言陛
下卽位却珍奇之獻罷不急之征凡回內官糧儲之
事以命巡撫侍郎清軍之事以命監察御史天下歡
欣歌誦聖澤而徐臨等倉仍用內官收糧淮浙等處
鹽場仍遣內官併錦衣衛官較緝捕以臣愚見所在
收糧自有州縣官員巡鹽已有監察御史內臣錦衣
絡繹四出瘠民膏血安所用之上嘉納焉祭天下祀

名山藏

卷之十一

典說記
英宗一
八

孔子於釋老宮四月任禮蔣貴擊敗胡虜朶兒只伯
于石城兀魯乃趙安等亦出昌寧大擊虜衆封禮寧
遠伯貴定西伯安會州伯子行在兵部尚書王驥兼
俸柴車曹彝羅亨信俱陞俸各賞勞有差脩宣宗皇
帝實錄成命監生入監者皆從原籍科舉出身勿歷
事諸司以圖僥倖五月命行在吏兵二部曰先朝嘗
書在外庶官姓名於武英殿南廊或書奉天門西序
以備觀覽是以遠近聞風濯磨中都留守司各都司
布政司按察司官姓名爾等其書揭文華殿東西壁
朕考其賢否進退焉脩葺天下府州縣申明旌善一

亭六月黔國公沐晟奏麓川宣慰思任發累侵南甸
 干崖騰衝潞江金齒等處上勅晟相機勦捕已命右
 都督方政署都督僉事往雲南與晟協同鎮守使右
 都督沐昂率兵討之思任發殺掠瓦甸順江江東等
 處行在吏部尚書郭璉為朝臣考滿者請勦階上曰
 勦階所以寵百官例授罔勸初考不稱者勿濫與之
 郭璉所內新安人初名進宜宗改名璉起家太學生
 永樂中任戶部郎中為上所知璉天資質厚臨事從
 容不見愠喜精練吏事簡而有條累遷吏部左侍郎
 已代憲義為尚書上以呂蒙正來榮虞允文林幹錄
 故事勉之李賢舉進士璉試賢嘉禾詩謂其有公輔
 才授驗封主事屬歲旱言者謂大臣尸位妨賢宜令
 自陳遂皆乞去璉曰先帝以幼主託吾儕自潔其身
 置天下事誰理乎宜引罪乞改過璉老矣官至太宰

名山藏 卷之十一 典謨記 九

豈復貪位顯義不得不用璉宗益十四年夫心廉潔
 崇實行神淨博杜請諸學詩為用器所役然能持正
 堅忍自命祭孔子先師非土所產者鹿兔代以羊榛
 行其志 喪代以果十一月諭右副都御史陳智今武臣子弟
 忘祖父起家之艱漫不省武藝赴京比試多有過期
 及覓代者自今犯者全家戍邊官吏受賂及不審實
 一體治罪勅沐晟沐昂方政等擊思任發潞江破之
 十二月復命監察御史巡視淮浙鹽課禁江西窰場
 燒造青花白地瓷器貨賣餽送違者正犯處死全家
 成口外
 四年正月沐晟與沐昂方政進攻思任發麓川大寨

破之迨至空泥敗績失政所在賊勢益眾二月益沐
 晟官軍更擊之三月己酉朔大赦天下增山東西陝
 西河南湖廣方面官各一員招撫逃民四月壬辰月
 食黔國公沐晟以師敗病悸卒五月以沐昂為左都
 督佩征南將軍印充總兵官代之遂命右都督吳亮
 充署副總兵都督僉事馬翔充左參將署都督僉事
 張榮充右參將從昂征勦思任發鳳陽開封兗州濟
 南諸府蝗命捕之壬申京師大雨水溢壞官舍民居
 溺死人甚眾人多露宿長安市六月京師地震命工
 部右侍郎邵旻等擇亢爽地及各廠房居軍民無屋

名山藏 卷之十一 典謨記 十

者戶部右侍郎吳璽存問被水家給米一石溺死者
 加鈔五百貫丁酉以京畿大水遣祭告于昊天上帝
 后土皇地祇勅群臣脩省七月遣道士齋祝幣往命
 所在守臣祭歷代帝王陵寢命順天府脩元世祖廟
 辛酉月食命行在六科十三道廉在京諸不法事行
 在工部給事中吳昇言邇年御史命三品京官舉保
 臣謂御史既從保舉則顧戀私恩大臣即有好回不
 法孰肯彈劾乞停止之上是昇言丁行在禮部會議
 議上命自今御史員缺第從吏部於進士監生及教
 官儒士出身俱歷一任考稱內選其操行端潔政理

疏通者送都察院理刑半歲本院覆試堪任者具奏
擢用之命公侯伯都督諸武臣隸成國公朱勇操習
內外文武大臣并巡按御史各舉堪任武職者令御
史給事中任滿九年果廉幹者都御史掌科給事中
連名奏保吏部廉實具奏陞擢後坐贓罪逮治舉主
八月以畿內旱澇相仍人民流困勅行在都察院右
僉都御史張純巡視撫卹之南安知府林芋言比者
提督學校僉事薛瑄建議凡生員疾病不堪教養者
罷黜之追償給廩臣謂疾病人所時有罷之足矣給
廩累歲追償一朝且使父兄懲徵納之患則孰遣子

名山藏 卷之十一 與談記 十一

就學者命行在禮部除其令十月勅諭行在禮部都
察院曰風憲之官所以肅僚貞度也憲綱一書肇於
洪武厥後官制不同所宜因時改書而中外憲臣有
任情增益者先帝嘗勅禮部同翰林儒臣考舊文申
明之益以訓戒之言臣下所增竝從削去書成而先
帝上賓朕今考定益以見行事宜爾禮部其卽頒布
中外諸司都察院通行諸道御史及按察司官敢有
不遵必罪不恕十二月脩建乾清官勅行在都察院
右僉都御史張純於順天保定河間永平四府大理
寺右少卿李畛於真定順德廣平大名四府往來巡

視民瘼

五年正月真定太原所屬州縣招撫逃民復業三萬
餘戶令有司善加撫綏免租役三年諭行在戶部臣
曰去歲畿甸及山東西河南蝗恐遺種于今歲速下
所司捕滅之令北方民出穀五百石賑濟者旌爲義
民優免其家口外民能出米豆三百石者亦如之令
南北直隸河南山西諸處逃民復業者有司優卹不
服招撫者罪之二月行在光祿寺厨役白大有奏父
年八十無他子乞歸養上曰禮八十者一子不從政
卽遣之以畿內災民食不贍勅張純李畛區畫賑濟

名山藏 卷之十一 與談記 十二

給京城畿民飯三月造奉天華蓋謹身三殿乾清坤
寧二宮以畿內饑復民二年家有父母者人賜二石
米以南京暴風雨北京烈風屢興遣祭告于天地宗
廟社稷山川諸神四月以山西荒下寬卹詔兩畿河
南山東蝗遣捕之六月疎滯獄賑宜川縣饑令進士
觀政一年監生歷考中并坐監三年以上有學識者
繇吏員出身授官歷兩考廉潔守身志在愛民才識
相稱者悉得保舉縣令送吏部考用後犯贓罪連坐
舉者陝西旱饑甚命賑之七月命行在刑部右侍郎
何文淵等分行兩畿諸省脩備荒之政八月行在戶

部奏大同宣府歲稔旗軍給糧請代以布上曰邊士
 執戟而暇耕乎稔亦給之九月造渾天儀璇璣玉衡
 簡儀成御製觀天之器銘曰聖祖大聖體天施治
 伊何環璣玉衡象天體衡審天行歷世更代垂四
 千餘年有作其製備器而觀六合外儀陽經
 陰緯方位可稽中儀三辰黃赤二道日月星運行
 之序內儀四游橫簡中貫南北東西低昂旋轉簡儀
 之制變代觀測約用密疏而精外有渾儀及而
 觀簡上規下矩度數方隅別有直表其崇八尺分至
 氣序考景成得懸象在天制器在人測驗推步靡忒
 毫分昔作今述為制願工既明且悉用將無窮唯君
 勤民事天首務民不失寧天其予顯政 十月中外官
 缺命吏部會廷臣舉可任者既舉復命尚書郭璉精
 覈之復戒兵部臣曰自今會舉武職須精察允當不

名山藏 卷之十一 與謀記 三

無恙為 萬曆十一年 庚申 地震十日乃止壞
 城者三廬舍壓死男女二百餘人勅三司脩葺賑
 恤之十一月行在二科給事中吳昇言中外言事有
 切直者會議之時執政或因中已病或見與已乖故
 輒回護駁令指實乞勅自今會議可行則允不可行
 則止毋駁言者以通下情上嘉納之昇復言近例方
 面官令在京三品以上官薦舉縣令令在京五品官
 薦舉若此則賄賂請託生矣給事中御史九年任滿
 令都御史掌科給事中連名舉薦陞用若此則人悅
 求進莫肯持正慮見忤矣乞一歸其責於吏部上命

方面官府州正官如先朝勅旨會舉知縣吏部自選
 授之給事中有才行者同御史例舉九載任滿者吏
 部考覈推用因勅吏部毋朋比請託如有濫薦即以
 奏聞以杭嘉湖三府水患未消流移未復命浙江布
 政按察各選一人專理預備之政十二月脩中和韶
 樂器先是四夷朝貢使皆給馬出入至是始令給正
 副二使而止增鄉會試取士額勅曰欽天監言歲朔
 日食凡九十一鈔故事食不一分者不救護朕惟敬
 天之變毋敢豫康况茲獻歲其以是日免賀行揀護
 禮如常儀

名山藏 卷之十一 與謀記 三

六年正月己亥朔日如不食行禮部請賀不許麓
 川寇思任發未平復命定西伯蔣貴佩平蠻將軍印
 充總兵官都督同知李安充左副總兵都督僉事劉
 聚充右副總兵都督指揮使官聚充左參將都指揮
 僉事冉保充右參將行在兵部尚書兼大理寺卿王
 驥總督軍務統率大軍往征之三月勅諭太師英國
 公張輔及五軍都督府兵部臣京師操練官自都指
 揮而下有通曉兵法智略優長才堪御眾者經歷戰
 陣有技勇者具舉以聞朕將親閱焉輔等推選得紀
 廣等四十四人上令讀武經百將傳講略練武待試

而用之癸亥南京大風折孝陵樹三百餘株壞官民
舟溺死者五十餘人四月禁僧道私創院觀命行在
戶部右侍郎陳瑋通政司右參議王錫大理寺少卿
顧惟敬等分督捕蝗於畿內及南京江北諸府以去
冬迄今雨雪稀少烈風屢興蝗蝻萌發遣分告于天
地社稷山川諸神勅三法司慎選所屬官分審天下
疑獄既推擇監察御史張驥刑部郎中林厚大理寺
正李從智往賜勅以行張驥陝西安化人繇鄉薦授
監察御史是行也之福建出
誣幾十人還遷大理寺丞張濟山東東民以寧還陞
右少卿復命巡撫山東直隸淮揚等處福建浙江盜
起命驥撫捕賊平命鎮守浙江
尋卒驥剛方廉慎為時所稱五月命行在刑部右
侍郎何文淵大理卿王文審在京刑獄巡撫南直隸
行在工部左侍郎周忱行在刑科給事中郭瑾審南
京刑獄勅分鎮諸勳臣督軍衛有司於鎮所捕蝗六
月監察御史曹泰言蝗蝻水潦皆大小臣奉職亡狀
所致乞令科道官指實劾奏仍令堂上官考察所屬
選擇廉公大臣分行天下考察上可其奏已科道交
劾尚書郭璉等上姑恕予自新已璉等上章伏罪請
矢心選擇大臣考察在外官吏上亦罷之勅曰聞者
畿內旱蝗朕心警惕有言大臣所致朕明下其章俾
之脩省而言官指摘過當朕慮混淆悉置不問乃犯

名山藏 卷之十一 與談記 五

者不悔過言者猶忿攻今最甚者皆已罷黜爾大小
官員宜益勵厥心洗改焉八月賑常池二府饑諭都
察院曰朝廷優士至矣將領不郵輒私役為工匠月
日亡休浴邊軍屯操稍暇邊將亦輒令捕野味治薪
炭勾至補伍者所隸官盡索其攜何怪不貧窘逃竄
也今犯者與法司執之九月奉天華蓋謹身三殿乾
清坤寧二宮成賑豐沛二縣饑十月總督雲南軍務
兵部尚書兼大理寺卿王驥奏雲南按察司僉事徐
觀大理知府賈銓楚雄知府馮清餽運有方乞量陞
轉以示褒勸下吏部尚書郭璉請如驥請上曰賊未
平而陞餽運之官先事也功成後論叙班賞人其孰
不然璉頓首謝行在戶部尚書劉中敷侍郎陳璽吳
瑞等慮京城草束乏請以御用牛馬分牧之民間上
示奏於言官皆劾中敷變亂成規遂下獄廷議當斬
命柳之已乃釋璉畿內荒田稅十一月甲午朔上御
奉天新殿大赦天下罷稱北京行在冠南京二字於
南京諸衙門新充國復聖公廟成閏十一月贈故翰
林待制王禕官賜諡王驥將貴攻思任發于上江破
之十二月大破之思任發遁走悉平其地命廟祀平
江恭襄侯陳瑄

名山藏 卷之十一 與談記 其

七年正月南京西安門火革陝西甘肅茶馬司命吏部左侍郎魏驥等五人分往北京及南京江北諸郡督有司預絕蝗種以麓川寇平使都知監左少監蕭保鎮守雲南三月壬戌朔上詣天壽山展祭于三陵甲子還京四月遣戶部左侍郎王質以羊酒途勞將貴王驥凱旋將士悉給舟車餼廩五月進封蔣貴定西侯王驥靖遠伯從征將士悉論功乙亥月食戊寅冊立錢皇后己卯詔天下賑巢縣饑八月以思任發未就倂復命王驥往雲南總督軍務仍給金牌印符便宜行事九月西安府及耀州產嘉禾止群臣賀十

名山藏 卷之十一 興漢記 七

月太皇太后不豫禱太廟行人司行人尚褫言二事一大臣位任去天子不遠者也古者黥劓不及大夫今或被言官彈劾或罹旗較緝訪露頂跣足束縛奔命若繫囚然事實尚可儻涉虛妄行當復職則今日衣冠之卿執印昔者窘辱之囚拘非所以重體也請自今有犯者命錦衣衛官召至午門勅諸大臣以禮會問踪跡可驗疏上輕重如其無端即奏復職一旗較緝事未必悉實有為他人報讎或以自洩私忿倒置是非誣陷平民請今不實所緝者量罪輕重以半空之下刑部集議褫言可采而律例無文上命旗較

察不實者坐罪太皇太后不豫久思見襄鄭荆淮四親王遂召之乙巳太皇太后崩十一月庚申上尊諡曰誠孝皇后詔天下壬申月食在井十二月禮部臣奏山東左參政沈固右參政劉璉並言中外官舍軍民戴帽穿衣語言跪拜尖頂禿袖垂纓插翎並學胡俗請令都察院嚴榜戒治從之己卯祔太皇太后主太廟

八年正月命吏部左侍郎魏驥等八人分往南北兩京滅蝗種陞大理寺右寺正李從智為蘇州知府勅遣之二月裁省南京官員勅諭尚膳監內官供養若

名山藏 卷之十一 興漢記 六

御膳若宮中食物之用毋不潔蠲褻神而耗費襄王淮王荆王至京改封荆王于蘄州鄭王于懷令天下里置木鐸誦教民六諭如高皇帝舊三月令戶部榜諭天下民流移境外願占籍其處者聽仍免役三年願復業者記名優恤秋成遣之公私逋負悉與蠲除巡按直隸監察御史趙勗奏皇上承列聖之緒躬履節儉子育元元甚大惠也夫何郡邑守令未盡得人凡遇水旱災傷慮煩勘覆輒匿不聞間有上陳部司又以國用不敷不為停免是致凍餒貧困轉徙流移臣見鳳陽潁川一帶扶老攜幼風栖露宿者動以萬

計詢其所自皆真保二定山東諸郡民因累歲荒歉稅糧孳牧逋負者多有司不量情力且責償遠年賑濟糧米饑窘轉切筆楚日加若不轉徙何以自存乞廷議便利凡天下旱澇之處一應應徵錢糧鹽鈔并孳牧雜辦賑濟倉糧悉皆停免仍取勘缺食之人不問土著流移驗口賑給自今殿最守令一以戶口增減爲差上從其言致書鄭王瞻垞曰比念皇考同氣至親久處封國特名諸叔及宮眷子女來京不幸皇祖母遐棄痛何可言近襄荆淮三叔王次第具至叔獨疾不果來悵然在念茲特齋奉金銀綵幣鞍馬諸

名山藏

卷之十一

典談記

元

物兼賜世子郡王郡主叔宜勉進藥食遠副瞻望襄王荆王淮王還國南京都察院右僉都御史張純奏宋臣包拯謂古禮人臣七十致仕所以優崇老成且開止足之端也歷代皆行國朝尤重切見內外文官有踰厥紀亦或年及者精神昏晦在公日少請急時多曠廢甚矣間有畏清議勉告致仕吏部又以精力未衰奏留如故彼此相蒙乞申明古禮有因循觀覲之輩許給事中奏黜其倚重眷留無可去之義者自難繩拘上示純奏於吏部令先以純言曉諭許其自陳蓋自是多有致仕者命吏部咨訪廷臣尚書王直

疏戶部右侍郎王質兵部左侍郎鄺楚刑部員外郎劉廣衡監察御史張驥以聞上卽陞質爲刑部尚書四月免鳳陽靈璧二縣被災夏以久旱遣祭于天地社稷山川諸神五月翰林院侍讀周叙上言時政及郡臣不職上示章諸大臣皆引罪自訟上命加愆慎以副朕意思任發子思機法復據龍川侵擾復命定西侯蔣貴充總兵官佩平蠻將軍印都督冉寶毛福壽充參將兵部尚書靖遠伯王驥總督軍務調雲南湖廣四川貴州官軍土兵五萬征之己巳月食戊寅雷震奉天殿鴟吻己卯上輟朝三日遣祭于昊天后

名山藏

卷之十一

典談記

辛

土勅論文武群臣曰朕顛顛之誠不遑夙夜上天垂戒厥有所繇典祀之官誠弗至歟養民之職政失當歟軍旅之臣令過苛歟銓選之仕進退乖歟爵賞之行明公不盡歟至於刑罰過當尤于陰陽抑訴冤有詞苑結不理指告有禁違例故行歟或操不潔白受人賄囑或聽不明公爲人脇制誣枉平民傳致其罪歟朕思省惕懼爾群臣其卽革心改慮勉効自新天道顯明可忽違哉壬午大赦天下六月翰林院侍講劉球下獄死以駁死罪囚不實下大理寺左少卿薛瑄賀祖嗣右少卿顧惟敬等獄七月論薛瑄死罪枷

國子監祭酒李時勉於監門之外已乃釋之八月復
宋儒周敦頤程顥程頤司馬光朱熹子孫十月禁勅
內官內使毋與外庭私相交結囑托營求勅內外官
員毋交通作弊畏勢圖賄以致那移文武銓選出入
因罪勞敵軍民脩國學十二月營建靜慈仙師墳命
太常寺凡遇時節依例祭祀

九年正月兀良哈三衛陰寇邊命成國公朱勇興安
伯徐亨都督馬亮陳懷等分勦之命兵部右侍郎虞
祥等五人分往南畿巡視督捕蝗種二月以西番僧
朝貢衆多勞費軍民勅甘肅鎮巡官自今如例起送

名山藏

卷之十一

典謨記

三

餘留其處管待所進馬就彼給軍騎操方物貯庫第
具數來聞有所欲言譯實處置善撫諭之三月辛亥
朔上幸國子監始復晚朝御製重建太學之碑以雨
雪愆期遣祭天地社稷山川諸神命征進雲南達官
舍人家屬給絹二匹布三匹有願省視者給口糧脚
力封陳懷平鄉伯馬亮招遠伯四月以雨澤愆期遍
告于群神監察御史朱本等言三事一去冬少雪今
春不雨饑饉薦臻咎在臣下乞勅大臣率屬脩省不
俊者許言官指實彈糾天下貪酷官吏皆考覈之一
刑官人命所繫今在外按察司及斷事理問推官多

不諳律乞加精選一在外儒學故以舉人任教官比
因任滿生徒應舉乏人行充河泊等官續將年深監
生選補往往廢職不能育才宜遴簡之用稱模範上
納其言論吏部尚書王直等曰在廷群臣俾共乃職
府州縣官不稱者巡按御史布按二司官廉察罷黜
之其貪酷者布按二司官御史一體舉劾刑名官當
選有學行通律意者教官當選有文學者教官任滿
九載生徒如無舉人試學果優許任如故監察御史
曹泰言今布政使即古州牧按察司即古監司近歲
有缺必令大臣會舉然或循資格或涉親故任之者

名山藏

卷之十一

典謨記

三

昏耄時有庸懦亦多乞精厥選上然之諭吏部以早
分遣翰林諸臣祭岳鎮海瀆鍾山之神命教官任滿
無舉人試學優者教授學正教諭俱降訓導訓導調
任邊遠試不中者除雜職五月靖遠伯王驥等執麓
川叛賊思機發男齒蓋等至京沒入御馬監養馬會
錄兩京疑獄癸亥月食七月重開福建浙江銀場令
天下岳鎮海瀆府州縣社稷山川文廟城隍及祀典
神祇壇廟有損壞者有司以時脩葺令有司掩瘞暴
骨禁發掘墳塚者壬寅雷震奉天殿鴟吻上親告于
太廟遣祭于昊天后土勅戶部曰南北直隸被水災

絕多朕甚憫焉爾戶部其令所司加意存卹缺食者
賑之蠲其租及歲辦物料命都察院揭榜禁約在所
豪橫之徒巧科斂尅害軍民者八月飭將帥無培尅
軍士申明習尚胡虜衣服語言之禁刑科給事中鮑
輝言府州縣官九年考滿多因在任買田置宅娶妻
立籍恐選別處要民保留弊政為甚下吏部言保留
舊例不可以一妨十惟宜申明所隸上司嚴加覈覆
上令巡按御史布按二司及該府官自今從公覈具
實奏聞有徇私罪之大理寺卿俞士悅等言文職受
財枉法滿貫當絞者例充軍不滿貫者竝贖為民武
職坐流徒杖者例繫充軍夫武職出萬死得官例繫
充軍則前功盡棄罪及重於文職乞令武職受賊私
縱探卒滿貫當死者充軍其餘不滿貫當流徒杖者
如舊贖罪還職從之九月命靖遠伯王驥右都御史
陳鑑整點軍馬於西北沿邊以麓川平立雲南隴川
宣撫司十月丙午朔日食命大同總兵官武進伯朱
冕寧夏總兵官都督同知黃直鎮守延安綏德都督
僉事王禎守備備頭關都指揮馬貴巡視塞外已未
月當食不食甲子誠孝昭皇后祔廟頒釋道大藏經
與於天下寺觀十二月令因雜犯死罪以下遞減二

答杖罪悉宥之休息工匠赴役待明歲

十年正月命吏部都察院會同禮部察來朝司府官
運使丁鑑鞏昌知府韓福南昌知府胡本惠寧國知
府袁旭松江知府趙豫鳳陽知府楊瓚海豐知縣王
懋霸州知州張雷吳縣知縣葉錫慶雲縣典史趙亮
察最命人賜金織衣一襲鈔五百貫宴禮部吏部錄
姓名叙擢之舉將才二月申驀越誣告禁誣十人以
上者軍發遠邊衛民遷口外三月甲戌朔上謁祭于
三陟乙亥還京師申禁私創寺院庵觀勅鎮守陝西
右都御史陳鑑巡撫河南山西左少卿于謙曰近得
御史馬恭奏陝西遠近居民求食日有二千餘人餓
死數多咸陵渭南富平等縣閉門塞戶逃竄趁食及
爾謙奏祥符境內饑民屯聚男婦千餘原武亦如之
朕卽位以來輕徭寬負詔書屢矣今歲歉未甚流散
若此豈非府州縣官侵暴之耶又聞衛所官亦往往
剝害諸軍士方面風憲與同流汗疾苦不在心是皆
不可原今姑予自新其各飭令正佐能幹官分巡所
屬量發廩或勸富家賑貸不急之務悉為停止有所
不便其實以聞逃移至境者設法安插之爾等為圖

重臣宜盡心區畫有司官貪暴闖茸者起送赴京軍
官具奏處治欽哉復分勅陝西河南山東西三司及
近畿諸府四月甲辰朔日食復閉浙江福建銀場五
月廣西潯梧諸府蠻寇竊發總兵官安遠侯柳溥率
兵勦殺斬首七百三十五級平鄉伯陳懷奏薦山西
行都司都指揮僉事吳浩將材宜召用之京師上曰
正可障邊因命兵部臣有邊材者自今毋輒動六月
以西安紹興寧波台州諸府大疫遣祭于西嶽南鎮
之神為民祈福死者蠲其租病賑卹之七月巡撫河
南山西大理寺左少卿于謙奏山陝饑民俱餓口於
名山藏 卷之十一 典說記 三五
河南懷慶河南有貯米六十餘萬請減糶上許之命
戶部馳報毋緩復荆王瞻峒書曰承諭漁於蘄州之
赤東湖朕特允請然山澤之利自昔共民叔氏宜體
此意八月命黔國公沐斌佩征南將軍印充總兵官
鎮守雲南乙巳遣祭于司鍾之神曰惟神職司禁鍾
朝儀是肅茲晨扣擊失常朕惕政乖特印祭告命戶
部左侍郎李暹覈儲於河陝酌糶買以備邊九月諭
吏部尚書王直曰給事中職封駁糾劾非行誼莊飭
才識優長儀偉言端曷克稱之今後慎選毋以輕畀
乙亥吏部右侍郎趙新言銓衡四事其一人無全才

古今皆然身言書判法固當因器使隨才亦或不違
若責短棄長捨僉議而自用變舊典以徇私則選任
失宜矣其二薦賢臣忠考察才毅也今孝謹人才有
司舉到不辨真贗輒自發回匪惟蔽賢抑且違詔其
三各衙門送到辦事年滿官員挨次取選故事也今
不論月日先後却候積累人多雜亂文狀隨手取寫
謂之公道後薪前魚欲人無怨不可得也其四官吏
詐匿親喪厥罪惟均今匿喪者罷為民而詐喪者職
役如故禮法乖違輕重失等臣敢冒昧以聞上一從
新言命詐匿親喪者並為民著為令十月丙午上畋
名山藏 卷之十一 典說記 三五
于南海子命吏部與諸尚書都御史推舉堪任六部
侍郎者於是以翰林院學士錢習禮為禮部右侍郎
侍讀儲懋為戶部右侍郎吏部郎中曹文為本部右
侍郎十二月真定府所屬州縣野蠶繭知府玉以絲
來獻製幔褥陳于太廟之神位雲南千戶主政誅思
任發于緬甸

名山藏卷之十二

臣何喬遠恭輯

典謨記

英宗睿皇帝

十一年正月賜司禮監太監王振及各監太監錢僧保高讓曹吉祥蔡忠白金寶楮絲幣諸物命振姪林為錦衣衛世襲指揮僉事僧保等弟姪俱為錦衣衛世襲副千戶賜振勅二月有異氣現華蓋殿金頂及奉天殿鴟吻之上遣告于上天后土以春和下寬郵之詔三月丁丑上展祭于三陵庚辰還京癸未月食

名山藏

卷之十二

典謨記

一

四月命蘇州府知府朱勝乘傳赴任勅諭之七月選朝覲卓異九月勅諭漕運總兵及諸巡撫官曰租稅出民漕輓以軍勞苦矣所司不卹復侵擾之卿當加意暴官汙吏必致之法十二月以甘州等處疾疫遣左通政王錫祭西嶽西鎮太常寺寺丞李宗周祭境內山川

十二年正月申明借用織繡蟒龍飛魚斗牛及違式花樣之禁二月命戶部右侍郎一員專巡視倉場命翰林侍講等官杜寧裴綸劉儼商輅江淵陳文楊鼎呂原劉俊王玉日讀書東閣學士曹鼐陳循馬愉為

之師以次侍經筵禮科給事中言銓選經也保舉權也仰惟太祖太宗之世一凡銓選吏部專職之仕版得忠良豪門無奔兢宣宗時慮有遺伏爰命大臣旁求俊又布按二司知府有缺令京官三品以上保舉初意未嘗不善法行既久多所比周舊例犯贓連坐舉主今復未聞所以互相做習略不警憚先所薦揚或其過惡力為揜覆能人貞士耻媚拙容內而御史外而知府有任九年尚仍厥官賢否混淆何所激勸哉臣惟昔之銓衡或未精是以先帝改為保舉今之保舉既未公伏望皇上復祖宗之故廷議命如舊比

名山藏

卷之十二

典謨記

二

周攀援者御史給事糾劾之三月乙丑上展祭于三陵庚午還京師五倫書成諭禮部月一集議群臣所言事閏四月勅禮部申諭內外毋得私收閹人十三道監察御史陳璞等奏山東湖廣等布政司直隸淮安等府州縣連被水旱人民艱窘或採食野菜樹皮或鬻賣妻妾子女或流移他鄉甚至聚為盜乞令有司加意賑卹蠲免雜徵停止正賦貪酷不才坐視民患者皆究治之命所司議行五月勅大理寺左少卿張驥賑濟山東濟寧以南至直隸之淮揚雜泛徭役悉與蠲免流移者招撫之所司官吏貪酷害民依法

究問大脩南京宮殿及祠廟六月南京大風雨山川
 墳災命戶部移文山東布政司民逃移者設法招撫
 饑饉者驗口賑濟會稽縣人趙伯泰自言宋裔奏宋
 孝宗理宗殯宮在會稽安定郡王墳在諸暨福王墳
 在山陰者豪民田宅樵牧之臺基垣墉盡見毀斥下
 監察御史發豪民戍邊命吏部毋以夷人為御史七
 月永平真定大名鳳陽開封諸府蝗下所司撲滅賑
 濟之八月庚申朔日有食之應天山東諸府州縣衛
 所各奏旱蝗相仍軍民饑殍上惻然謂戶部臣曰天
 灾未有甚若今者朕夙夜惶懼卿等思弭卹之道亟
 名山藏 卷之二十一 典謨記 一

舉所言於中外十一月庚寅皇長子生考郎兀衛都
 指揮哥哈遣官入奏黑龍江諸部野人欲來朝貢乞
 付勅招之上曰朕不能勞人以事遠若其自來固不
 拒也嚴私鹽之禁十二月禁饒州府私造黃紫紅綠
 青籃白地青花等器器冒者首犯凌遲處死籍家資
 丁男充軍邊衛知不告者連罪坐嚴四川陝西私茶
 之禁
 十三年正月釋李景隆家屬拘繫於南京冊祁銓為
 淮王二月脩大興隆寺禁城西作佛事上臨幸焉寺初
 名慶壽金章宗時所創王振言其朽敝上大役甲申
 軍民重費物料計年萬既成壯麗甲於京都
 名山藏 卷之二十二 典謨記 四

上展祭于三陵三月戊子還京壬寅傳臚進士及第
 第一人彭時不至鴻臚寺卿廷劾時上曰宣索之故
 事廷劾當捕遠廷臣服上敏思任發既誅其子思機
 發潛住孟養使招諭之疑懼不至命兵部尚書靖遠
 伯王驥總督軍務都督同知官聚佩平蠻將軍印充
 總兵官都督僉事張軏充左副總兵田禮充右副總
 兵方瑛充左參將貴州都指揮同知張銳充右參將
 率南京直隸及雲南湖廣四川貴州官土二軍征勦
 之兵部侍郎侯璉贊其軍四月皇二子見潏生給遼
 庶人貴烺妻子歲祿如故命吏部選進士人物俊秀

賈江北者三十人以聞既得萬安劉珣王恕等引見
內廷以為庶吉士教讀於翰林遣刑部右侍郎薛希
遠都察院右僉都御史張楷分詣南北直隸鳳陽等
府捕蝗張楷慈鄉人永樂甲辰舉進士歸省遂肆力
賂緣詐死出復為盜楷劾罷向書以下十數人理冤
捕姦風振朝夕久之陞陝西按察使事尋陞副使同
王與巡邊上安邊十二事多見採用正統十二年
名陞僉都御史巡撫畿甸至是被命捕蝗真定守捕
不力奏械之八都憲疎擿不為災其後計鄧茂七葉
宗留有功第其承命撫賊時兵部榜無印文賊疑不
信楷即矯為征南將軍印往招之賊詔熱審五月禁
使銅錢以久旱遣禱于寺觀祠廟諸神以河南山東
旱蝗勅刑部右侍郎丁鑑巡視之命中外學宮元時

名山藏 卷之十一 典謨記 五

所塑孔子像為左衽者悉改之襄王妃父卒請遣官
祭葬又為郡王郡主請弔賀於其外戚家禮部尚書
胡濙請如韓王往南京祭掃祖墳例允所請上責濙
祖塋也而何可比外戚不許六月廣西蠻賊殺掠潯
州等處賊破電白縣審驗被殺家優卹之大名府淫
雨河決滄沒三百餘里壞軍民廬舍二萬區有奇男
婦死者千餘人命戶部遣官賑卹除其租稅七月京
師飛蝗蔽天巡按河南監察御史涂謙言竊見內外
官初任之時莫不砥礪廉節及得授方面知府歲不
二三遂改度操往往營私及薦舉大臣誠以厥初希望

名山藏 卷一一

而後息錄乞遵洪武永樂舊制一從吏部選擇陞授
或皇上親擢任用從之遂罷大臣舉官例亦罷各部
郎中員外九載會考之制從本部堂上官及都察院
考覈八月福建賊鄧茂七攻掠沙尤二縣命左軍都
督府左都督劉聚往勦之上識右僉都御史張楷才
命往監其軍得用鼓吹導騎出都門文武大臣祖餞
巡撫大同宣府右副都御史羅亨信奏塞卒勞邊歲
無寧日餘丁無他生業惟事田作而已今計一歲得
盡力南畝者十無八九益每歲正塞卒候接北虜使
臣二月出境三月始得就田七月又復採草八月以

名山藏 卷之十二 典謨記 六

後脩關備邊十月又將迎接使臣矣邊地砂礫磽瘠
霜早雨遲收穫甚薄聽之自食猶慮不足若徵其稅
必致逃竄昔太宗皇帝時詔闕邊土者無徵皇上初
年亦有是命今大同宣府所有新開戶部遣官經量
人除八十畝外餘地每畝徵稅五升臣竊謂為戶部
者但知積粟實邊孰知守邊在人心不固誰與共
守乞罷其役上嘉納之九月新城縣疫寧王權薨上
諭禮部臣曰聞內外官有事至王府者多方需索致
其窘迫自今止許禮待饋饌勿與餘物三司并巡按
御史體實來聞犯者悉處死全家發戍邊三司御史

六〇七

知而容隱者重治之十月命巡河官三年更代命刑部右侍郎楊寧往江西大理寺少卿張驥往浙江撫安人民操練軍馬隄備賊寇巡按廣東監察御史楊剛言嶺南被寇多因有司撫字失宜訪得廣東都司經歷司都事鄧敏布政司廣豐庫大使周剛海南縣典史楊傑皆通練有斷乞署敏於化州剛於瀧水傑於新會俾展所長庶未僚跂奮罷民蘇醒上曰三縣創殘御史所舉必稱撫後吏部其母限資格擢用之十一月命寧陽侯陳懋佩征夷將軍印充總兵官保定伯梁瑤充左副總兵平江伯陳豫充右副總兵都

名山藏

卷之十一

典謨記 七

督僉事范雄充左參將董興充右參將刑部尚書金濂參贊軍務統率在京及浙江江西官軍征勦福建賊鄧茂七廣東山賊趙普旺等率衆為亂劫掠瀧水電白二縣

十四年正月瀧水縣徭賊出掠民居丙申月當食不食二月湖廣賊蔡妙光攻破龍南縣寧陽侯未至福建巡按御史丁瑄率指揮劉福擊鄧茂七于延平斬之王驥宮聚張軌田禮方瑛張銳侯璉等攻思機發十三寨於金沙江之管屯大破之思機發遁賜勅獎諭命驥聚軌禮回京瑛留雲南充右參將銳回貴州

都司璉留雲南贊理軍務勅緬甸宣慰使卜刺浪馬哈省以速刺管治孟養地方緝捕思機發等以麓川平告于天地宗廟三月處州賊葉宗留犯江西廣信境永豐知縣鄧頤死之予贈諡顯廣東樂昌人時賊張楷散顯樂之顯伏兵截殺賊衆大至顯力戰不敵或勸顯走顯曰人臣死忠逆為所執不屈罵賊死事聞贈光祿寺少卿諡忠毅庚寅上展祭于三陵癸巳還京反賊蔡妙光平招撫葉宗留賊黨福建強賊流劫江西贛州府境攻破瑞金劫廣昌石城處州賊陳鑑胡破松陽龍泉二縣湖貴苗賊攻破靖州五開銅鼓各衛屯堡及綏寧會同等縣四月處州賊陳鑑胡劫掠崇安等

名山藏

卷之十二

典謨記 八

縣殺指揮吳剛等命靖遠伯王驥旋師沿途相機勦殺湖貴苗賊遂昌賊首蘇牙俞伯通等攻蘭谿縣金華知府石瑁等集官軍民壯擒斬之命崇信伯費釗刑部右侍郎薛希璉鎮守福建新寧伯譚璟大理寺右少卿張驥鎮守浙江劉聚張楷擒鄧茂七餘黨於南平順昌甌寧三縣招撫三縣民復業命大理寺左寺丞李奎巡撫河南及直隸鳳陽等四府以賑失業之郎趙新巡撫山東及直隸鳳陽等四府以賑失業之民賊陳鑑胡劫義烏武義東陽等縣貴州苗作亂以久不雨遣告于天地百神福建海賊陳萬寧攻破廣

東潮陽縣五月以建昌府推官黎忠為本府知府時
寇猖獗建昌密邇地民亦痛聚忠多方撫卹
未幾知府員缺屬民千餘保忠才能故有是命貴州
鎮遠府四川播州所屬苗獠俱作亂麗水縣丞丁寧
率領老人王世昌等誘賊首陳鑑胡等出追還所
掠人口卽陞處州府同知世昌等授巡簡一官命薛
希璉張驥訪察貪污官吏逮送京師命大臣考察中
外官吏著錦衣衛馳命福建撫按等官會同案問賊
所以起與有職事於其土者悉械送京師并撫捕實
狀以聞義烏縣民壯胡彥陞等生擒賊首偽大王蘇
記養尋授副巡簡六月靖州等處苗賊流劫辰溪縣
名山藏 卷之十二 典謨記 九

統領民快王應參金禮率衆殺賊一千餘徒生擒首
從八十餘人授應參禮巡簡已丑虜酋分道入寇上
議親征焉吏部尚書王直率廷臣諫司禮太監王振
從中勸成上不聽命邸王祁鈺居守駙馬都尉焦敬
輔之太師英國公張輔太保成國公朱勇鎮遠侯顧
興祖泰寧侯陳瀛恭順侯吳克忠駙馬都尉井源石
璟廣寧伯劉安平鄉伯陳懷襄城伯李珍遂安伯陳
頃脩武伯沈榮建平伯高遠永順伯薛綬忠勇伯蔣
信左都督梁成王貴右都督李忠都督同知王敬都
督僉事陳友安朵兒只戶部尚書王佐兵部尚書鄭
名山藏 卷之十二 典謨記 十一

等處甌寧縣賊首林拾得聚衆拒敵官軍殺右參將
張瑛等丙辰南京風雨雷震謹身等殿灾勅諭兩京
文武群臣脩職遂下詔大赦天下湖廣生熟苗蠻蜂
起命靖遠伯王驥調師十萬滅之命太保成國公朱
勇選精銳馬步官軍四萬五千人令平鄉伯陳懷駙
馬都尉井源都督耿義毛福壽高禮太監林壽率三
萬訓練於大同都督王貴吳克勤率萬五千訓練於
宣府以備虜七月遂昌縣民鄭仕本楊實寧擒獲賊
首華宗演等命為副巡簡虜大入寇有聲息命邊將
謹備之苗賊劫掠武岡州及黔陽縣處州知府張佐

楚吏部左侍郎兼翰林院學士曹鼐學士張養刑部
右侍郎丁鉉工部右侍郎王永和都察院右副都御
史鄧祭通政使司右通政龔全安左參議欒懌太常
寺少卿黃養正戴慶祖王居一大理寺右寺丞蕭維
禎太僕寺少卿劉容鴻臚寺掌寺事禮部左侍郎楊
善左寺丞張翔尚寶司少卿凌壽翰林學士張益及
諸給事中監察御史等官俱扈從大同總督軍務西
寧侯宋瑛總兵官武進伯朱冕左參將都督石亨等
拒虜大同已敗瑛冕死之甲午車駕發京師夕次康
家嶺乙未次龍虎臺夜驚丁酉過居庸關風雨連朝

六軍患苦文武將士皆無紀律群臣請駐蹕不許戊戌次榆林站已亥次懷來庚子次雷家站辛丑駕至宣府風雨大至邊報益急扈從群臣復交章請駐蹕王振怒俱令略陳壬寅次雞鳴山衆皆危懼上素以事付振益肆威拒言折辱諸大臣必進師我師漸進虜漸退伏塞外癸卯次萬全峪是夕金星犯亢甲辰次懷安是夜黑雲四塞乙巳次天城西丙午次陽和是夕火星犯土星丁未次聚落驛八月戊申朔次大同已酉雨益驟始議旋師庚戌東還其夕營於雙寨有黑雲覆營如蓋須臾大雷電風雨徹夜驚亂辛名山藏 卷之十二 真漢記 二

亥次滴水壬子次洪州方城癸丑次白登月犯心宿甲寅次懷安城西乙卯次萬全峪丙辰次陽和北沙嶺丁巳次宣府庚申將發宣府諜報虜襲我軍後遂駐蹕恭順侯克忠殿戰敗沒遣成國公勇永順伯綬領軍往探過伏雞兒嶺亦陷辛酉次土木絕水虜益至壬戌詐退王振使移營近水陣動虜四面至我軍大潰上陷虜中虜邀車駕北行暗中官喜寧忠勇伯蔣信從振等皆死士卒死者數十萬張輔陳瀛井源井源那臺人尚嘉興大兵主 陳懷李珍沈榮梁成王其卒進封節侯侯益榮忠 賈王佐鄭榮曹籍丁鉉王永和鄭榮張益龔全安黃

養正戴慶祖王居一劉容凌壽及給事中包良佐姚銑純輝中書舍人俞拱潘澄錢昂監察御史張洪黃裳魏貞夏誠申祐尹竝章存德孫慶林祥鳳郎中齊旺馮學明滕員 員外郎王健程思溫程式遠端主事俞鑑張瑋鄭瑄大理寺左寺副馬豫行人司正尹昌行人羅如塘欽天監夏官正劉信序班李恭石玉等皆死焉 王作海豐人宣德初為戶部右侍郎在陝西經理糧儲疏言軍餉倉弊百端請回提督京倉久之命理部事進尚書為人寬厚坦夷不沽名伐技勤於學問在官節省調劑雖無赫赫名而政未嘗不舉景泰初贈少保官其子道謙忠節鄭基字孟質宜章人未幾九年進士為兵部侍郎言天下軍總小旗子弟代襲必試弓馬然則皆赴部督名山藏 卷之十二 真漢記 二

府今後請各試於都指揮使司為便上親征楚首言不可數請命將代行皆不報次雞鳴山宜府虜報漸迫遂以楚與王佐留守老營營不復復有虜陳北見上即抗言請速班師為振所叱退楚為人謹畏而性尚節儉居官四十年終始無日不以職務為念而求所以稱使者惟恐或後於人贈少保諡忠肅 曹忠字德恒一字萬鍾寧晉人宣德丁未中乙榜授學官不就願自效窮處銜曹街之改太和與史時中使旁午無虛日為處應綽綽即延禮師備諸明性理歲壬子督師工部起問說乞再入會試中第二人揚士奇一見奇之廷試宣帝策以羨禹河洛象數難對稱旨上親覆第一第第常薦為行事繼母至幸有婦嫌欲撓之聖心念曹不可及廷試之日忽有曹婦入經其為請讀官果進吏部左侍郎仍兼學士入閣疏俊爽識達政體被英廟眷注士奇沒後大事皆決於其才亦大類士奇十四年死士奇妻朱氏亦死於少傅史部尚書文淵閣大學士諡文襄英宗復辟加贈太傅諡文忠官一孫錦衣百戶 丁鉉字用濟豐城人以進士任太常博士正統三年為刑部侍郎安

貌潔白恂恂寡言退然者無能及任事練有餘地嘗
承命賑饑江淮暨山東河南燕魯勞來出於至誠大
發倉庫悉停不給民氣勃然王永和字用節崑山人
人父有疾伏枕十八年永和奉父無懈以明經舉永
樂甲午鄉貢乞就教職以便養母吏部尚書奏義器
之奏為兵科給事中以都給事中擢工部右侍郎往
巡視淮甯諸郡訪求利弊改而北注濬河被其遺
事河決山東河甯諸郡改而北注濬河被其遺
未和受命往治濬河有方比還以能事簡預危從妻
陸有賢行開甯永和行驚悸欲絕聞變哀痛成病死
鄧榮字孟擴南城人永樂中進士授御史按蘇松
諸郡用寬平治歲餘當代父老乞留二千餘人遂許
留一年以父母喪歸起清軍福壽陞陝西按察使
居陝十年不攜家人子弟歲滿將請京師吏民父老
涕泣環瞻既至趨還右副都御史數月從征虜英宗
蒙塵從首請祭服去祭叱之日登輿不返何面目見
人遂虜源人死之贈資善大夫右都御史諡襄敏子
壽大守守志守節事母至孝父遺體以所叔平日及
壽字守志守節事母至孝父遺體以所叔平日及
壽字守志守節事母至孝父遺體以所叔平日及

名山藏 卷之十一 典謀記 西

樂乙未年十九舉進士選庶吉士以善楷書改中書
舍人正統中為侍讀學士賜金幣於朝詔書旌門復
家益廣然志乞休終養不許至是以學士從駕及
游初同夏作昭而益文草圖燕人共從懷初王孟瑞
奕無日夜求益文者過之則命書童預界卷軸舉筆
一揮詞氣俱美其後仲節見益文在馬之鞍筆既登
只心時寫一急已不復見益文在馬之鞍筆既登
宗官至中書都御史初瑞為御史時印馬道士木設祭
馬是夜夢益文冠冠如平生曰予我紅沙馬明日忽報
後歸紅沙馬死歸訪其父從駕時騎紅沙馬云天顯
年益文信 命命益文州人馬從駕時騎紅沙馬云天顯
徒少常從其父之田父忽虎奔去信挺身持杖奮擊
之虎逸父免至焉正統中益文請業國學祭酒李
時勉被劾國學門作與石大五祀此尋登進士為御
史談論風生會出被南議所至以諸生講論經史至
安慶諸生相謂曰御史貴州人千字文秀才也作
徵聞之次日試題起勢類放州平是時諸生大沮上
之陷虜中也南面坐地一虜來稅上衣上不受虜怒

欲兵上一虜詰之執謂曰此非常人與見賽刊王上
見賽刊王曰子也先乎子伯顏帖木兒乎子賽刊王
乎子大同王乎伯顏帖木兒賽刊王大同王皆也先
諸弟也賽刊王驚馳告也先曰今得一人問我那顏
名字問我等名姓寧大明皇帝耶那顏華言君也主
也也先曰安在召熟使使視之使至上亟呼其名虜
使大驚下叩首還語也先果大明皇帝也也先聚其
酋長而謀曰大元皇帝一統天下我等日夜扣天求
取故物天果與大明皇帝若何處之有一酋長名乃
公者曰大明皇帝我大元皇帝仇也天賜那顏其可

名山藏 卷之十二 典謀記 西

違乎伯顏帖木兒怒搏乃公頰曰那顏圖作萬世後
好男子大明皇帝天人也不知天帝何故有怒焉推
而棄之地下雖然兩軍交戰不億人馬有中刀者有
中箭者有踐傷死者有壓死者大明皇帝獨不中刀
不中箭不及踐傷不及壓見而問那顏問我等無驚
恐怨怒我等久受大明皇帝厚賞賜雖天有怒推而
棄之地下而未嘗死之我等何可反天那顏若遣使
告明人使明人來迎而返之復為天子萬世而下那
顏不畱好男子名耶皆曰得知院言是也也先額伯
顏帖木兒曰汝即領活大明皇帝遂以我先所使千

戶梁貴見使虜一人偕報明虜中所嗜九龍蟒龍股
匹上使貴取之并取珍珠金銀以賜也先時梁貴以
袁彬見遂得侍上當是時也京師戒嚴羸馬疲卒不
滿十萬人心洶洶羣臣聚哭于朝議戰議守未有所
決侍講徐理曉天文好談兵倡南遷禮部尚書胡濙
曰文皇帝定鼎于此示子孫不拔也而尚可遷刑部
侍郎江淵曰當固守兵部侍郎于謙曰言遷者可斬
也速名勤王兵死守之學士陳循曰于侍郎言是衆
皆是皇太后禁中疑懼問太監李永昌永昌對曰是
也陵廟宮闕在此倉廩府庫百官萬姓在也南遷大

名山藏

卷之十一

典談記

五

事去矣且陛下不聞宋靖康乎因為皇太后述靖康
事皇太后悟甲子也先奉車駕宣府城南守宣府者
昌平侯洪先避去上命諸將開門登陴遙對曰天暮
矣所守者陛下城池也上涉河北是夕虜有他志天
大雷雨震死也先所乘馬虜衆皆驚袁彬出窺赤光
覆帳虜大駭異旦也先頓首帳前進熟餚皮服寢具
有岳謙者故通事也上復使從故太監喜寧於京師
取金銀絲幣賜虜乙丑皇太后命郝王祁鈺攝總百
官戊辰虜二千餘人奉車駕大同城下守大同者定
襄伯登亦閉門不內上曰傳語郭登與朕姻婭何得

便爾袁彬持駕牌觸門而呼大同人縋之廣寧伯劉
安給事中孫祥知府霍瑄出見上曰勿疑汝主也安
等伏哭上前上使入登亦出見伏哭上曰奏報皇太
后朕虜中亡恙也先欲送朕還使來厚賞之遲之益
深入矣因取庫金二萬二千兩以二千賜也先五千
賜伯顏帖木兒若賽刊大同王餘以與虜衆虜益邀
賞武進伯朱冕內官郭敬括家貲并諸指揮千百
戶家出衣服分犒之置酒大勞上召定襄伯固守州
秋稼飽士慎警報是夕虜奉上駐蹕城西二十里定
襄伯欲使壯士輦上過石佛寺乘間迎入城上曰我

名山藏

卷之十二

典談記

六

命在天勿取敗道是時邸王以于謙為兵部尚書庚
午王御午門諸大臣廷啓王振罪王曰待取旨百官
趨進伏地不起曰王振罪不容誅殿下不即正典刑
族滅之臣等今日皆死此廷中痛哭呼號不辨人聲
邸長史儀銘膝行前錦衣衛指揮馬順叱退之給事
中王竑起直前捽順髮嚙其肉曰爾昔倚王振奸橫
今尚敢爾群起擊之或就脫順鞞擊出順眼灑血於
廷順遂死朝班大亂守衛之士皆哭王環視屢起于
謙掖止之王竟入將闔門百官隨之太監金英傳令
且退衆欲捽英英懼即傳令曰許籍沒王振家矣尚

何言百官曰猶有毛貴王長隨亦振黨請付外王令
出二人門隙中又捶死之頃之衆執振姪指揮山至
相戒勿捶使伏法與天下共知之王遂命縛山赴都
市坐凌遲之誅下諭曰閣寺顯權國家多難已如百
官請其各出蒞事皆拜退曳棄三屍東安門外道上
軍民爭擊之衛士提水來滌血廷中儀銘曰母其影
可以鑑是日也進都督楊洪為昌平伯辛未陞石亨
為武清侯充總兵官練兵京師是日虜奉車駕至威
寧海子壬申廷臣交劾隨駕失機總兵官鎮遠侯顧
興祖等王下與祖獄禁錮之是日虜奉車駕次九十
名山藏 卷之十一 庚辰二 七

九箇海子癸酉次柳原甲戌次黑河劉安述出見太
上皇語於朝王諭安曰聞虜圍權一人稱是至尊爾
等出朝與之貨物不慮誘耶楊洪益遠避之爾何無
謀中國惟知社稷為重總督獨石等處備禦右少監
陳公言虜中阿刺知院率衆圍龍門射矢繫書言講
和下兵部尚書于謙曰虜詐但防兵丙子群臣合請
皇太后國有長君社稷之福宜立郕王為皇帝是日
虜奉車駕次八寶山九月癸未郕王即位遙尊上為
太上皇立太上皇子見深為皇太子以明年為景泰
元年詔赦天下監察御史李著上疏爭疏曰啓稱帝

曰殿下自稱曰下官帝曰御史醉耶著對曰下官正
言帝誅之著郕人以監生授廣西道監察御史既代
誅英朝後薛令禮葬之癸巳虜奉車駕斷頭山虜故得
賞賜厚有德中國之心其送上皇也第欲得漢物無
他意中國慮虜豈不敢信既扣諸關無所入乃奉車
駕以北上皇在虜中無阻怯之容隱處幄居時時見
徵表也先絲此奉上皇甚恭而我雖不納虜衆往來
遣使亦不絕也乙巳遣都指揮季鐸起居太上皇告
即位及立皇子王奉太上皇書虜若送駕來可五七
騎擁衆六人則不敢計大兄還居天位無所不可但
名山藏 卷之十一 庚辰二 六

恐降尊就卑他日非所以正名亦致書於也先也先
曰明立皇帝矣終無和意復往追擾令彼南遷取我
故元大都亦善乎庚戌殺馬設宴共立太上皇為
皇帝以白馬賀壬子復送車駕還京十一月甲寅至
大同東門也先遣伯顏帖木兒及喜寧岳謙言於城
下曰不納上皇者久久必讎殺霍瑄出水竇以見控
御馬獻鷄酒諸物上皇密諭瑄告郭登毋開門也轉
至陽和陽和不敢納喜寧語虜曰二邊不納今可從
紫荆關進腹裏以入京師遂奉車駕入關殺關指揮
韓清等副都御史孫祥守關出走死時京師戒嚴命

諸將分陳九門受石亨節制于謙督亨軍丁巳虜奉上皇過易次良鄉父老獻茶菓羊酒戊午次盧溝果園署官獻果品上皇奉太后與帝諭群臣凡三書書命固守頃之遣岳謙與虜使納哈出荅話彰武門外守門官軍擊殺謙納哈出奔還也先遂列陣西直門外上皇御帳止德安門外己未虜奉上皇土城邀大臣迎帝疑焉即日陞通政司右參議王復為右通政中書舍人趙榮為太常寺少卿齋勅出見進羊酒諸物也先伯顏帖木兒擐甲冒屬弓矢孔勅視蕃書太上皇帶刀取勅視漢書上皇曰大臣何不來也先問

名山藏

卷之十二

英宗二

五

曰是皆何官上皇曰小臣也先曰大臣不迎而使小臣我送皇帝到門乃諸大臣不迎皇帝上皇曰爾歸則使于謙石亨王直胡濙來復榮反命下廷議言謙等國所仗竟不遣庚申謙亨伏兵德勝門兩旁擊虜敗之都督孫鏜戰西直門斬虜先鋒數人逐之虜益圍鐘鏜方戰都督高禮中流矢亨分兵往虜引却都督王義武與戰彰義門外以神銃擊却虜遂敗之遂至土城與中流矢死居民升屋擲磚磚亂下也先怒壬戌奉車駕出土城北去與伯顏帖木兒大同上謀送太上皇出紫荆自往攻居庸居庸不守即迎

太上皇還入京師而曰中朝大臣無一人出迎駕但隨皇帝者皆歸於是獨袁彬與通事哈銘隨太上皇駕癸亥也先先行駕後失所向袁彬大哭家有老母而不得歸哈銘曰兄切勿言萬歲金身然且在此我等草木沙土也又何足道太上皇使銘龍馬左右行過溝河山崖銘下馬扶持甲子伯顏帖木兒大同王來護太上皇道見曰太師誠心送皇帝歸皇帝家兄弟立為皇帝皇帝臣宰背皇帝恩不一出見太師所以怒而西還今欲到陽和使使臣送皇帝從居庸關以歸毋令皇帝望見京師思念皇太后萬一皇帝念

名山藏

卷之十二

英宗二

三

太后病悸至有不可知乃使我雷惡名後世晚至易卒劉婆兒朶水作飯銘煮肉納皮袋防太上皇道饑乙丑過紫荆銘請過視其親太上皇曰如何捨我銘曰銘死不敢他丙寅次蔚丁卯次順聖川己巳至陽和是時也先已攻居庸不下喜寧曰太師云於此送駕矣忠勇伯把台曰太師又謂於此送駕是輕也意欲奉太上皇至其營還求中朝使臣來迎乃成禮耳把台者將信也與喜寧故皆虜中人故能得虜意然信多所擁護而喜寧好生事時為虜畫計亦數桀焉上皇前上皇無以罪也庚午虜奉車駕出陽和西

行雪太上皇帳寢雪中辛未次貓兒莊壬申往卽寧
海子東岸行甲戌至虜營哈密爲帳有虜一人欲殺
銘竟已乙亥往西北行曰小黃河東伯顏帖木兒小
營在焉伯顏帖木兒妻急使虜女設氊帳止宿供具
數日復西行是月也致書也先曰太師送太上皇還
京具悉厚意聞軍馬從西剽衆心驚疑以此整柳隈
備太師若退剽山下解甲置兵送駕中途人有額數
此亦當解甲置兵迎駕人如太師之人抑太師之人
有厚資焉以虜退進封石亨武清侯于謙少保兼兵
部尚書十一月上皇至虜營虜奉益恭殺馬設宴稽
首行君臣禮妻妾四人次第上壽伯顏帖木兒亦與
其妻見上皇如也先禮也先七日一獻馬伯顏帖木
兒七日一獻牛日一獻羊馬牛潼射生則獻野馬黃
牛上皇道行或乘馬或坐暖車虜男女途見皆馬上
叩頭時或進生也先時時設宴手上酒手彈琵琶思
兒唱曲虜齊和之大同賽刑二王上酒皆踞曰中國
聖人天之始也也先請上皇曰今得明遣使來迎皇
帝歸矣上皇曰卽汝自送我求我使臣徒費往反耳
喜寧不悅謂忠勇伯曰求急歸者袁彬也合殺之上
皇乃謂喜寧我自謂也居數日也先奉上皇轉西行

名山藏

卷之十二

典故記

三

英宗二

三

至八寶山喜寧復言從此還到甘使其守將迎入卽
轉入陝西取陝騎卒以入南京遂居於南京彬銘侯
喜寧去白上皇曰天寒甚陛下又不能騎空取凍冷
到時守將亦必不受上皇曰是也喜寧曰此又哈銘
謀直殺銘耳上皇道渴銘覓陽泉鑿冰進水上皇居
哈銘求虜車一輛駱駝一隻展貓皮褥坐上皇車中
伯顏帖木兒所畜虜奴竊上皇物喜寧聞上皇使銘
往索之銘曰我今在困中索虜竊取物如虎口奪食
徒生怨耳上怒使袁彬鞭銘鞭已就叩頭氊帳前上
皇曰鞭何叩頭也銘曰臣棄父母兄弟妻子而從陛
下尚誰攀耶是月也也先遣使來求使臣不見報因
自來掠寧夏竟歸歸則請尚妹上皇固卻之上皇處
居益莊虜大服聖敬云是月以甲申詔天下詔書言
虜駕辭講和迎請太上大臣出見徧歷虜營失駕所
在乃焚書斬使擣之六軍斬獲甚盛京城內外人心
帖然用告天下以彰殺伐之威太常寺少卿習嘉言
孝弟慈愛人道所先推以化成天下虞氏之爲政也
太上未還皇太后宮中豈能紓樹護之憂割懸旌之
心願陛下朝夕惓惓口不釋迎復語皇太子幼冲不
時存問孝弟慈愛昭著內外自然天下之人有所感

名山藏

卷之十二

典故記

三

英宗二

三

動以濟大功十二月庚戌尊皇太后為上聖皇太后
 母賢妃吳氏為皇太后封妃汪氏為皇后雲南金齒
 軍民指揮使司知事袁敏言太上皇帝曩居九重之
 上所服袞繡所食珍羞所居瑤瑤之宮芙蓉之閣今
 遠處沙漠日之窮次歲且更始凡有人心孰不思痛
 臣聞主辱臣死上皇辱至是為人臣子曩夕思念碎
 骨剗心乞遣人起居將奉禦寒衣具若飲食之物或
 就令臣同通事人伴齎往臣雖死虜亦所甘心是歲
 湖廣貴州苗賊作亂廣東強賊黃蕭養廣西猺賊肆
 掠電白縣焚縣治殺官妻女命靖遠伯王驥佩平蠻
 名山藏 卷之十二 典謨記 英宗二 三

將軍印充總兵官勦殺貴州等處苗賊後軍都督同
 知董興充左副總兵調遣江西兩廣官軍往勦廣東
 叛賊

名山藏卷之十三

臣今喬遠恭輯

典謨記

景皇帝

景皇帝景泰元年正月太上皇在迤北燒表告天地
 也先設羊酒斷頭山奉宴也先妻及酋衆進皮條為
 賀是月福安縣賊首陳嚴四等作亂沙尤二縣鄧茂
 七餘黨羅應廖寧等復叛殺尤溪縣主簿突入清流
 殺掠閩正月韓王範坤薨大同總兵官右都督郭登
 敗虜栲栳山封定襄伯初喜寧引虜破紫荊關虜欲

名山藏

卷之十三

典謨記

一

以輕騎送上皇喜沮虜者再至是登獲虜謀言誘擾
 邊者出喜寧二月上皇居東勝州也先使那哈來朝
 上語也先使喜寧及高旺與之俱既行上皇使袁彬
 哈銘送微雨上皇曰此洗屍雨也喜寧不反矣高旺
 至邊亦言喜寧於邊人及野狐嶺右參將楊俊令邊
 人為喜寧置酒將食縛之歸京師磔之市三日報至
 上皇亦喜曰我故言洗屍雨是月也命石亨佩鎮朔
 大將軍印充總兵官巡哨大同都指揮楊能充遊擊
 將軍巡哨宣府太上皇第四子見淳生三月也先聞
 喜寧誅與賽刊王議領部屬異道入寇必送上皇遂

分園萬全寧夏慶陽天城鳳門大同等處皆不得利
四月上皇歎曰曷月予歸哉歸當居於逍遙之府哈
銘泣曰陛下非有畋遊荒亡之樂爲天下蒼生而來
歸當正位又何歎也既數日上皇居豐州伯顏帖木
兒妻使使女問銘等曰今已夏煖何得炙薪皆言不
也我輩數人同一氊帳何地炙薪使女曰我謂薪焰
也氊帳上乃有火光歸語伯顏帖木兒妻妻以告伯
顏帖木兒皇帝帳上夜現光必有大福伯顏帖木兒
放鷹得一野鷄與酒來獻謂哈銘曰我今有一喻上
奏皇帝如大海潮時有一大魚落在水灘是大海魚

名山藏

卷之十三

景帝 二

能淺水住潮來終去皇帝莫急是月監察御史許仕
達言自冬徂春災異數見黑氣四塞烈風拔木時雨
久缺臣考之經傳驗之人事天降災異莫不有緣臣
以爲天心仁愛欲陛下盡絕宴安酖毒之私奮發臥
薪嘗膽之志以成非常之功以雪非常之恥陛下宜
痛自修省日與輔臣講求治理耳目之娛荒寧之事
不使喪於心志居起服食凡百自奉亦宜抑損不令
過奢申戒群臣同加修省視雩南郊禱於皇天后土
如成湯申桑林之責高宗用祖乙之言庶可上副天
心下消災異帝曰善勅保定伯梁瑤佩平蠻將軍印

充總兵官與都督毛福壽方瑛勦殺貴州苗賊名王
驥還京廣西羅城賊首韋萬保攻融縣柳城賊首侯
公寒攻破古免高界等寨復攻藤縣殺指揮潘濟麗
水縣賊首朱必森復聚衆行劫殺縣丞一人縣丞葉
仁集民夫破之五月虜分道入犯河曲縣復犯義井
屯堡盡殺其守卒及指揮僉事劉受復圍代州寇宣
府已虜會何刺知院以虜主脫脫不花之命來遣其
參政完者脫歡貢馬請和至懷來使太常寺少卿許
彬錦衣衛指揮同知馬政往察其情偽完者脫歡言
講和退兵即奉上皇還不且率衆大舉若見疑請以

名山藏

卷之十三

景帝 三

爲質帝問戶部尚書兼翰林學士陳循曰虜可和耶
循曰遣而備之是月旱不雨廣東賊黃蕭養攻廣州
府數月左副總兵都督董興等敗之蕭養中流矢死
函首京師梟于市六月太子太保兼吏部尚書王直
率諸大臣言上下神祇陰誘虜衷使來請和臣等切
惟陛下大寶嗣登天與人輸永永無二陛下隆敬兄
之心尊爲太上昭告天地宗廟社稷名位已定天下
之人皆以爲宜令車駕還虜中太上尊居不復事天
臨民陛下但盡崇奉之禮即稱天倫之厚伏望俯從
虜請遣使答之如果至誠即別令大臣迎駕帝曰當

時大位卿等歸我非出朕心大兄蒙塵朕累使往虜不聽從無如許何于謙從旁對曰陛下大位已定誰復異議若使盡禮紓虜難也帝曰從汝從汝既出帝使人追問曰即使虜誰可者孰為富弼文天祥王直對曰孰非廷臣孰敢不應丙戌也先帖木兒奉太上皇至大同城下郭登開門以迎朝服立于闥伏人城上約駕入下懸闔及門虜覺復擁上皇去遂轉犯懷來戊子月食七月以禮科給事中李實為禮部左侍郎羅綺為少卿馬顯為指揮使偕完者脫歡往以報請和之議帝遺可汗及也先書不言及迎上皇事項

名山藏

卷之十三

景帝

四

之虜主脫脫不花使復至求與廷臣同往王直等以請帝曰李實方行已命都察院右都御史楊善工部右侍郎趙榮為正使都指揮同知王恩正千戶湯胤績為副使與使同往禮部尚書胡濙等請量齋服食御用太上所需不報實至朝上皇皮帳布幃席地而寢獨袁彬等三人侍傍牛車一輛馬一匹以備從營上曰為天下生靈躬率六軍不意被陳友王振等所陷念非樂酒從獸以至於此也先送我固其誠意喜寧導行引破紫荊關再圖京城以此不得還歸後嘗一到小黃河一到乾河又復阻也先送我振寧

死矣陳友罪不可赦也因問聖母今上安否問舊臣一一道其名姓上曰我居虜一歲矣何故不來迎歸我衣服冠帶帽靴將得來否實對曰陛下蒙塵天下臣民如喪考妣從虜中還者有言見陛下有言不見虛實難知遣臣來探故不將得上曰汝言當今皇帝及文武羣臣遣人迎我還守祖宗陵寢也可為百姓也可也先言不迎我擾邊十年亦不甘休我不足惜須念祖宗社稷生靈實奏臣誠悲痛陛下昔日錦衣玉食今至惡陋輒有白粲數升欲進厨下上曰此小節爾朕念歸也實曰當日王振一宦官耳陛下何故

名山藏

卷之十三

景帝

五

寵之太過以至今日上曰我亦知之無事時人皆不言今乃罪我我悔何及實退將行復朝辭請返國之日引咎避位上皇嘉之日暮上皇情色凄然實與虜使還朝具述虜情及上皇起居狀諸文武大臣合上疏曰臣等共詢李實言出塞道中行群虜聞欲議和皆舉手加額及見也先殊喜言迎使夕來大駕朝發天日在上决非妄言引見上皇亦謂虜信上皇凄切不忍之情實又具道臣等切詳虜人悔過請和實天地宗社之福宜仍遣實詣虜迎復上曰虜詐楊善已去第以迎復之意書勅付虜使還文武大臣言虜非

詐也臣等詢李實詳矣虜使來和尚遣使答今請迎復乃不與偕是輕迎駕重講和也虜之復疑和且不終不迎駕歸何以和為帝令再議李實言也先約臣迎駕毋出八月五日臣言須得朝旨不敢擅為期也先言此期決不可失遂令酋長偕羅綺往大同一帶調回擾邊人馬臣還過宣府懷來見軍民始敢出郊芻牧誠非空言臣曩將命止為講和迎復日期實出也先伏望陛下俯從群請即遣材智大臣往脫虜有詐亦可塞之若過所期更欲使臣亦不敢往帝命再議及虜使還竟付迎復於勅書而已文武大臣復言

名山藏

卷之十三

與漢記

六

事會不再機不可緩願陛下體上皇之心順臣民之情不然虜人指此為兵端矣乃命擇人以聞群臣皆言實方從虜來得其要領即實可再帝竟不遣曰待楊善歸監察御史畢鑾等復言群臣之請切矣陛下必待善歸夫中國所恃者信義也不迎不義失詞不信就令虜詐我備在也不報翰林院簡討邢讓復以為言帝曰上皇朕兄豈有不迎虜情叵測正欲探之情誠而迎又何暮焉八月楊善至虜中也先曰大臣來矣不可無信引見善於上皇所與伯顏帖木兒殺馬牛為酒送上皇行也先彈琵琶妻妾奉飲居數日

築土臺奉上皇臺端率妻妾酋長膜拜獻鞍馬貂銀二鼠皮襖弓若箭箬刊王亦打野盤進酒上皇行也先與酋長送車駕可半日許下馬叩頭跪解弓箭撒袋戰裙以進諸酋長羅拜伏哭而去伯顏帖木兒獨送上皇至野狐嶺進酒帳房既畢屏人語使哈銘上奏天使皇帝來我遐荒我也先順天之意敬事皇帝一年矣皇帝此來為天下也為邊城也歸時還當作皇帝作皇帝即我主人作音有緩急我可得告懇眾虜皆道傍送駕進羊馬善口呼皇帝行矣伯顏帖木兒再送駕出野狐嶺口上皇攬轡感藉而與之別伯

名山藏

卷之十三

與漢記

七

顏帖木兒大哭歸而放圍得復使數十騎來追獻帝以太上皇且至勅禮部具迎復儀注兵部總戎具防變方略先是累奏不得旨至是群情欣懇朝下多官集議都御史王文厲聲曰來耶來耶虜不索金帛必索土地便謂上皇來邪皆相顧莫敢言于謙曰防變方略謙之職也胡濙上儀注宜令遣本部堂上官一員至龍虎臺錦衣衛遣堂上官一員并官較執丹陛駕輦至居庸關各衙門分官迎接土城外太上皇入安定門東上北門坐皇帝見畢文武百官朝太上皇自東上南門入南城大內帝曰迎居庸用轎一馬

二丹陛駕第迎安定門內戶科給事中劉福等言禮
太薄帝曰朕之卽位非得已也尊稱太上何云薄耶
禮部會議之胡濙言福無他意大抵欲皇上篤厚尊
親帝曰太上皇自虜中寄言迎禮從簡朕敢違也朝
退諸大臣得一亡名書聚觀之書上修史先生隱其
名言都人一聞駕旋人人喜躍近之不肯遠望可知
今日宜請主上厚奉迎之禮避位婉辭然後受命因
述唐肅宗故事諸臣曰若封進或可感動上心胡濙
以謂諸同官王直曰可禮失而求諸野王文曰不可
匿名文書不得以告禮科給事于泰以聞帝詰濙

名山藏

卷之十三

景帝

八

何從得書濙言臣得之高毅帝怒命按捕其人高毅
云臣得之隸隸云臣拾之道王文曰勿累小子喫牢
飯也千戶龔遂榮出承曰臣爲之胡濙因奏考之唐
史天寶之亂玄宗幸蜀肅宗卽位靈武尊玄宗爲太
上皇帝肅宗收復兩京迎還上皇至咸陽備法駕望
賢樓上皇在宮南樓肅宗著紫袍望樓下馬趨進拜
舞樓下上皇降樓撫肅宗雨泣辭黃袍自爲肅宗著
之肅宗伏地頓首固辭上皇曰天下人心皆歸於汝
使朕得保養餘齡汝之孝也肅宗乃受此已行之令
興政可効之良規今備法駕安定門內誠爲太簡帝

曰慮墮虜詐故簡其禮但大兄人城朕知尊親朕今
迎太上皇東安門內行叩頭禮畢領群臣隨至南城
內便殿太上皇升座朕行禮畢文武百官皆朝毋再
紛更癸未太上皇至宣府下詔曰朕之不明蔽於權
奸被留虜廷聖母賢弟數遣迎取以天地之恩祖宗
之佑幸得還京爾文武群臣請重迎接之禮朕辱國
喪師其何顏復見是時禮部復請帝迎駕安定門外
文武衙門分官詣龍虎臺百官萬姓迎接土城外會
太上皇詔至帝曰太上皇命簡朕事已定乙酉太上
皇至雙泉賜袁彬以所御白綾衣及也先所獻戰裙

名山藏

卷之十三

景帝

九

賜哈銘衽褥靴望日丙戌車駕還京至東安門送駕
虜揭簾審視叩頭退帝迎東安門內駕入南宮文武
百官行見禮庚寅以太上還京祭告天地社稷山川
之神遂頒詔赦天下陞楊善爲左都御史仍掌鴻臚
寺事王恩等賞有差宴虜使九月封朱謙爲撫寧伯
十月祀故翰林侍講劉球於鄉賜祠忠節十二月己
酉月食禮部請以正旦群臣朝太上皇於延安門詔
罷
二年正月梁瑤擊苗賊於靖州大有斬獲二月南京
雷雨擊損大報恩寺塔三月罷遣使入虜四月貴州

賊首韋同烈偽稱苗王聚興平之三截洞攻平越清
平衛梁瑤方瑛等會擊大敗之五月虜使來欲求使
答諸大臣請許之以怒其心帝曰祖宗開創以來醜
虜遠遁不敢窺伺正為絕其來往也小人通使語言
不一生生釁端朕甚恨之今其切已群臣復言虜情
至黠我備未修人情求不得則慚再則憤求而不得
虜無憤耶帝曰虜之狗竊未嘗忘心去年入寇京師
豈因不遣使臣國家久安計不在此太子太保兼吏
部尚書王直言比見聖諭絕虜講和臣知陛下有為
之君也如是則當有以備之帝曰天下雖安猶備不

名山藏

卷之十三

典讀記

十一

虞況今日耶有智勇謀略當舉用者總督總兵具名
以聞亡論戎伍太子太保兼戶部尚書金濂言我備
未也虜慚而憤孰過其釁昔漢高帝自將三十餘萬
衆往擊冒頓而有平城之圍矧今人民邊儲凋弊耗
損伏望念祖宗創業之艱憫遠近生靈之苦俯就所
請答其來意帝曰朕志已定所引平城之事恐非臣
下所以願國家者太子太保禮部尚書胡濙等言續
出瓦刺番文一通令臣詳議觀其語意專在求使臣
謂虜情雖謫未保其終然始則奉送上皇今又還我
制使使人絡繹駝馬迭貢歸誠悔過亦不可誣夫厚

往薄來柔遠常經彼使再來此不一報似非其義往
年土木之事雖臣子痛心切齒皇上臥薪嘗膽之日
然邊無儲蓄之素野有奔亡之憂將帥趨生士卒忘
死爾者邊報稍急會無一人敢言戰伐甚至張惶失
措安邦大計諒不如是伏望皇上深惟曲慮量遣往
和乃勅武臣修治軍實庶彼無可執之詞我有預為
之計帝曰卿言良是朕志定矣遂賜虜脫脫不花王
可汗書曰朕自祖宗以來四裔來朝竝加恩待殊不
遣使至彼以此和好久久保全比歲可汗太師累使
朝貢朝廷嘉厥誠頻使還答豈期答使貪功嗜利

名山藏

卷之十三

典讀記

十一

激怒可汗太師致使前日暫失歡好以天之靈要約
如故朕與可汗可不思所以保終之使至業厚宴勞
所賜可汗若可汗如有金銀及金銀器皿織金蟒龍
文綺等物即付領去自今但可汗使來朕終始善視
決不食言六月戊辰朔日當食不食七月以邊儲不
給許納粟補官八月壬申南京地震十月監生郭祐
疏言曩以太上蒙塵門庭有寇謀國大臣欲紓急難
令民納粟者賜冠帶今軍旅稍寧行之如故農工商
販不分賢愚惟財是授使之驕穉親戚欺誑鄉里又
有贓污之吏罷退為民欲掩鄉閭之耻納粟納草冠

帶而歸何前日以財去職今日以財得官堂堂天下
 藏富於民未有不得已之時而有此輕名爵濫章服
 之意是以空乏示敵益啓寇心願裁止自今下大臣
 議寢不行湖廣麻陽縣教諭章泰言三事其一曰願
 陛下孝孝百行之本也曩上皇北狩陛下仰承母后
 俯詢群臣以登大位臣竊以天意人心與祖宗所以
 責望陛下者誠愈重而愈難視昔從容繼統故自不
 同願陛下師文王之敬止朝問定省以承大內兩宮
 之心其二曰願陛下弟詩云凡今之人莫如兄弟仰
 惟宣宗皇帝篤生胤嗣惟上皇與陛下而已陛下莅
 名山藏 卷之十三 典謨記 十三
 景帝
 藩之初上皇留止京師豈不以手足情親不忍遠
 冀得時晤日見今變輅復還二聖重懼臣願陛下體
 昔上皇友愛之心師古帝王因心之仁以父道尊事
 上皇用子道教育儲聖百凡恩禮無替有隆三曰願
 陛下武奮發威斷義理所安信之不疑行之必教中
 外曉然明知意嚮依憑城社者不敢肆昔日陰竊之
 奸啗餌權勢者不敢萌昔日羅附之詭則彼無厭醜
 虜自凜然有虎豹在山之懼用以克戡大憝且無難
 者下大臣議謂今上已行不須瀆聽十一月太上皇
 聖節禮部請令群臣朝廷安門命罷

三年正月太上皇居南宮石康縣流賊入境攻掠縣
 治二月太上皇第五子見洵生四月帝有意廢東宮
 立其子見濟未敢發也太監王誠舒永請先賜諸大
 臣金於是賜少保戶部尚書兼文淵閣大學士陳循
 少保戶部尚書兼東閣大學士高穀人白金百兩吏
 部左侍郎兼學士江淵禮部左侍郎兼學士王一寧
 戶部右侍郎兼學士蕭鎡翰林學士商輅人白金五
 十兩願亦未敢發有思明府都指揮黃玘以罪繫廣
 西獄上書請立帝子為皇太子帝喜下廷議皆請從
 玘請遂先置東宮官屬諸臣皆兼保傅等官支二俸
 名山藏 卷之十三 典謨記 十三
 景帝
 以悅群臣之心京師為之語曰朝盡傳保部兩尚書
 五月甲午廢汪皇后立見濟為皇太子冊見濟母妃
 杭氏為皇后改封太上皇帝皇太子為沂王封次子
 見清為榮王見淳為許王六月大雨決甸河決沙灣
 八月命都察院副都御史洪英等十七人分行天下
 考察官員九月南京錦衣衛鎮撫司軍匠餘丁華敏
 言臣竊見近年以來袁琦唐受喜寧王振等專權誤
 國俱已敗露天下共知也臣草茅賤陋切見內官苦
 害軍民事非一端恨在朝文武臣僚緘口不言不勝
 痛哭流涕不惜一朝之命圖安萬乘之國臣切見內

官收積家財金銀珠石動以萬計豈能天降地出非盜府庫則浚民膏害一也侵牟公侯房屋興造勞擾害二也名為家人義舅外親莫不輕肥縱橫恣睢凌擊甚至入貲求仕莫差貴賤害三也蓋造佛寺用費不訾以一已之私破萬家之產害四也廣置田租寄戶郡縣繇賦丁力不應科征害五也家人中鹽虛占鹽數轉鬻與人先得勘合倍支鉅萬壞國家榷法奪商賈之利害六也奏求場房邀接客旅倚勢賒賣負賴不還害七也賣放匠人名為伴當辦納月錢內府監局乏人造作工役煩楚不堪害八也家人包攬各

名山藏

卷之七十三

典義記

西

色物件官府畏懼以一科十害九也董監工之役非法酷刑軍匠塗炭不勝嗟怨害十也伏望皇上鑑前車立後軌毋使蕭牆禍稔帷幄奸生令曹節侯覽復見今日下禮部寢之以南京地震雷擊獸吻江淮以北直至濟寧水漲滄沒禾稼房屋東昌府連接河南地方黃河奔決勅太子太保兼都察院左都御史王又巡視整理監察御史劉琚等言近者災異見示非中臣等切淮文武群臣德行才猷靡所表建而師保官祿俸加倍侈必費財費必傷民近者戶部奏今計京師支放會計米銀動以千萬府庫將空欲將被

災田地覆勘追徵與其剝疲民之財孰若省重支之俸伏望聽群臣挹損辭讓亦消弭一端命關支兩俸者暫停其一年豐仍舊十月太僕少卿黃仕雋言臣訪得各處巡撫考察州縣官吏每憑里老以為去留間里老多因前官縱容往來囑託公事經攬收物營求催辦害衆成家積有年歲間有端已臨民輒貽怨恨反加誣污巡撫官輒因黜罷州縣官員一聞考察將臨盛設酒席邀求泣訴賄之錢帛以此多得保留否則去之殆盡用是里老有權官司受制無籍刁民妄行告害亦緣於此乞勅該部移文所在巡撫分諭

名山藏

卷之七十三

典義記

五

詳審或彼此互詢或稠獨交察或獨步暗行或遙審面辯毋徒取迎送隨從電過風飛使貓鼠一家奸犬同審疏入命考察不實者坐之仕雋復言巡撫朝廷重臣三司所行多被掣肘况在任年久或變節怠終昔唐玄宗謂張說曰向令十道使出巡諸州以察善惡茲因東封始知負朕多矣今豈無如前所云乞勅所在巡撫大臣惟總大綱無親細事惟從輿論無執私見其事安民安之處可無巡撫亦令多官集議暫從省革從之也先遣使臣來朝貢馬復奏求中國使臣往報不許勅沿邊總兵官防備之鳳陽安慶浙江

湖廣諸府早十一月己未朔日有食之太上皇帝萬壽節群臣請賀延安門詔罷也先復遣使二千餘人入貢太子太保兼工部尚書石璞疏言邦畿千里萬國瞻依禮樂刑政胥繇此出乃盜賊橫發披甲戴兵明火劫掠近聞所獲強盜俱言誰不懼死但以糧賞不得全關妻子饑餓難忍復審口外邊軍夜行日伏偵探虜情乃其月糧亦行減去致令窘迫是啓盜端實非儉道與減士饗寧損臣俸又聞山東河南南北直隸等處今年多被水患小民缺食盜賊潛起福建浙江蔓延可畏乞勅吏兵二部省冗濫去蠶食其文

名山藏 卷之十三 景帝 六

武官俸糧六品以下者如故五品以上斟酌減支量添軍儲尤望被災州縣蠲其徭稅暫停一應軍需遣一二大臣巡視賑濟下多官集議以聞詔文武官俸祿如故有冗員酌煩簡量省之十二月令布政按察二使有缺三品以上連名會保以征湖廣苗賊功陞保定伯梁瑤為保定侯右都督毛福壽為南寧伯四年正月太上皇居南宮河復決沙灣三月大隆福寺成寺甲京師費以數十萬四月復築沙灣決口辛丑月食五月以黃珙為都督同知名至京師管事前府其家人繫廣西獄者俱宥之七月早八月工科給

事中徐廷章言師保之位非具經綸調變之才不可輕畀今每部增尚書一員都察院增左右副僉都御史三十餘員又復徧加師保銜階高華猥濫所宜慎重十月以右春坊右諭德兼翰林院侍講徐有貞為都察院僉都御史往治沙灣決河十一月太上皇萬壽節群臣請賀詔罷帝所立太子見濟亮諡曰懷獻五年正月太上皇居南宮以山東河南連年水旱遣平江侯陳豫太子少師吏部左侍郎兼翰林院學士江淵往撫安之二月建昌武昌漢陽疫京師陰雪彌月淮徐蘇松等府積雪小民餓凍死者甚多四月壬午朔日食五月禮部儀制司郎中章綸監察御史鍾同並請復東宮下錦衣獄南京城內火焚民居六十家死者三十餘人六月以雲南左布政使賈銓湖廣右布政使馬謹右參政徐備按察副使陳質定州知州王約清苑知縣吳宗慶治績有稱賜誥勅封贈及

名山藏 卷之十三 景帝 七

二代陞左都督方瑛為南和伯賈銓邯鄲人未樂甲出為大理知府潔已平政化洽上下會王驥征麓川兵與數年大理當要衝餘給軍不乏加陞參政仍掌府事已再陞為左布政使景泰四年入覲賜宴陞副都御史巡撫山東兼巡河南往來二省便宜行事銓為政務實取名人有補其善政推而不受以歸諸其僚屬成化二年召還陞院事尋卒諡恭靖馬謹新樂人宣德丁未進士授監察御史巡按浙江等處所運克振風致正統中吏部尚書郭瑾奏選為監封

中以薦授... 御史... 往... 命... 同... 參... 詳... 分... 布... 給... 賑... 乃... 與... 善... 等... 督... 兵... 出... 沅... 州... 獲... 寧... 等... 處... 破... 攻... 大小... 千... 餘... 寨... 已... 復... 與... 參... 將... 李... 震... 征... 青... 龍... 渡... 揚... 山... 等... 寨... 賊... 靖... 州... 石... 壁... 等... 寨... 賊... 武... 崗... 城... 漢... 平... 水... 山... 言... 騰... 馬... 等... 寨... 御史... 巡... 撫... 河... 東... 天... 順... 初... 設... 任... 壽... 七... 十... 餘... 都... 八月... 雲... 南... 總... 兵... 官... 擢... 送... 賊... 子... 思... 棧... 發... 至... 京... 師... 伏... 誅... 十... 月... 癸... 巳... 月... 食... 十... 一... 月... 太... 上... 皇... 萬... 壽... 節... 群... 臣... 請... 賀... 詔... 罷... 十... 二... 月... 賜... 少... 保... 兼... 兵... 部... 尚... 書... 于... 謙... 勅... 曰... 聞... 卿... 嬰... 疾... 朕... 心... 惕... 爾... 今... 命... 醫... 往... 視... 賜... 卿... 白... 金... 五... 十... 并... 賜... 羊... 酒... 白... 粲... 卿... 其... 勉... 扶... 副... 朕... 拳... 踴...

名山藏

卷之十三

景帝

六

六年正月太上皇居南宮四月丙子朔日有食之太上皇第六子見澤生五月冊子屋為周王祁鏃為趙王祁鎬為荆王是月旱閏六月淫雨七月命翰林臣編纂宋元通鑑綱目監察御史倪敬等言天氣失調災異迭見雨水霖霖軍民艱難臣等敢直陳修省之助竊惟府庫之財不宜濫予游觀之樂不可無節曩因齋僧累出藏金易米供給米價湧貴不免損民異端惑眾無耕蠶衣食之勞征科徭役之擾厚之如此則遐邇遠漢櫛風沐雨之窮軍荒年歉歲趨事赴役之饑民又將何以濟之近聞起造燕室龍缸宴娛頻

繁木石資餉為費不少恐非所以保聖躬隆聖德也帝曰朕知秦王仕潔薨八月廷杖南京大理寺左少卿廖莊降為定羗驛丞遂併杖章綸鍾同於獄中九月丁亥月食十一月太上皇萬壽節群臣請賀詔罷湖廣苗賊攻圍隆里新化銅鼓諸城命方瑛佩征蠻將軍印充總兵官往征之

七年正月太上皇居南宮命石璞撫安湖廣軍民二月皇后杭氏崩時兩京群盜充斥三月以辰沅有警勅石璞總督軍務四月湖廣賊首蒙能糾苗賊二萬攻圍平溪衛城守備都指揮鄭東等擊敗之官軍乘

名山藏

卷之十三

景帝

九

勝追剿斬獲無算彗星見五月纂修寰宇通志書成六月太上皇第七子見浚生是月淮安揚州鳳陽三府大旱蝗徐州大雨水河南亦大雨河決開封河南彰德泮沒無筭七月命伶人李安為錦衣衛百戶安姓惜兒自教坊入侍封左都督吳安為安平伯兩畿山東西江浙諸省蟲蝻旱疫八月廣西流賊破欽州虜知州姜原性裁省天下添設官員九月戊子道錄司右玄義仰彌高奏近聞東南蝗疫盛發河間等府旱澇相仍而圻甸之間盜賊充斥八月二十九夜迅雷雨雹九月初九太陽無光色紅如血薄暮太陰色亦

紅近者陰霾連日不散此殆因冤滯之徵乞勅法司明清庶獄詔曰朕屢命諸司平反諸獄今有違問未完速斷遣之諡宋臣文天祥曰忠烈謝枋得曰文節十一月太上皇萬壽節群臣請賀詔罷十二月癸亥帝有疾且以星變罷明年元會

八年正月太上皇居南宮是時帝疾不瘳儲嗣未定內外憂懼在廷各懷擇君之意司禮監陳王誠與大學士王文謀取襄王子立之其事漸露太監興安諷群臣請復迎立太上皇學士蕭鎡不可王文持兩端丙子群臣聚而屬奏草於左掖門乞早建元良以

名山藏

卷之十三

典謨記

景帝

十一

安人心左都御史蕭維禎請易建曰擇既上奏不允丁丑將郊帝力疾出宿于齋宮戊寅遣太子太師武清侯石亨攝祭庚寅上不視朝者三日矣群臣復請議立太子禮部尚書姚夔與大學士商輅議率百官伏闕請辛卯集朝房夔屬輅奏草輅屬草曰陛下宜宗章皇帝子宜復立宜宗章皇帝孫皆曰善疏具日已暮皆出而石亨與徐有貞等夜奪門迎太上皇出南宮即皇帝位太上朝鳴鍾鼓帝曰于謙耶既聞故曰哥哥做好居數日太上語近臣曰皇弟食粥可望差耳帝竟崩號廢帝庚辰王葬之西山憲宗十一年

上尊諡曰恭定康仁景皇帝改陵寢祭禮如諸陵先是正統中京師小兒禱雨之謠曰雨地雨地城隍土地雨若大來謝了土地雨御地弟音相近也蓋至是

驗云

名山藏

卷之十三

典謨記

十一

名山藏卷之十四

臣何喬遠恭

典謨記

英宗睿皇帝

上居南城七年矣景帝伐宮樹錮宮門已無復天下
意景帝病所立太子薨上太子久廢司禮監太監王
誠與大學士王文等謀迎立襄王子未定群臣且上
章請惟景帝所立都督張軌與其弟輓武清侯石亨
太監曹吉祥謀請上復位鴻臚主簿萬祺知祿命告
亨曰皇帝在宮奚事他求亨告太常卿許彬彬曰社

名山藏

卷之十四

典謨記

一

稷功也雖然彬老矣徐元玉才有膽盍圖之元玉者
副都御史徐有貞也亨等夜過有貞有貞曰太上出
狩非以遊畋為國家耳南宮雖錮民無離心奉以復
辟天人同符在此時也一再日亨等復過有貞有貞
升屋步乾象曰可矣在今夕相與密定計有貞曰今
虜騎薄都城公總兵也莫若名備非常納兵闕中皆
曰善遂倉皇出會曹吉祥及靖遠伯王驥都御史楊
善兵部侍郎陳汝言等至長安門下門開亨等以兵
千人入有出入者輒呵止之宿衛皆驚有貞收諸門
鑰投水竇中時方四鼓天晦亨等亦恇或有貞大呼

曰時可矣勿退率眾薄南宮門錮俄隱隱有開戶聲
有貞使數人舉梁厲以衝門勇士踰垣入毀之城
黯駭軌等入乃燭太上皇燭下獨出曰爾何為俯伏
合聲請陛下登位揮士進輦皆驚顛莫能舉有貞挽
之前擁上皇登遂夾輦行忽月星明概上皇顧問有
貞卿等為誰各具官對昇導入自東華門門者呵之
上曰吾太上皇也遂翼升奉天門諸臣推御座門中
上升座鳴鐘鼓群臣之請立太子也景帝許以是日
朝群臣皆待而帝不可起有貞等號曰太上皇復辟
矣趣入賀舉朝震駭遂皆呼萬歲日中群臣各朝服

名山藏

卷之十四

典謨記

二

奉上登奉天殿行卽位禮時正月壬午日也是日命
徐有貞兼翰林院學士參預機務於內閣執少保兼
太子太傅兵部尚書于謙少保兼太子太保吏部尚
書謹身殿大學士王文司禮監太監王誠舒良張永
王勤等付錦衣獄頃之改陞有貞為兵部尚書兼職
視事如故陞許彬及大理寺卿薛瑄皆為禮部右侍
郎兼翰林院學士參預機務於內閣下故都督同知
黃瓚子指揮同知翰於獄謫戍之科道官劾大學士
陳循蕭鏊商輅尚書俞士悅江淵侍郎王偉黨比王
文于謙迎立襄王子事上命群臣廷治之告卽位于

宗廟陵寢詔天下曰朕昔恭膺天命嗣承大統十有四年民物康阜北虜為變朕念宗社生靈親率六師以庶弟郟于監國不意兵律失御乘輿被遮皇天悔禍虜酋格心奉朕南還監國之人既無復辟之意反為幽閉之謀旋廢皇儲爰立已子惟天不佑未久而亡杜絕諫諍失德良多朝政不臨人心斯憤今月十七日朕為公侯駙馬伯及文武群臣六軍萬姓之所擁戴請聖母皇太后祇告天地社稷宗廟以其日復即皇帝位其改景泰八年為天順元年大赦天下咸與維新咨爾萬方臣民同秉忠誠會歸皇極布告天

名山藏

卷之十四

典謨記

三

下咸使聞知封石亨為忠國公張軌太平侯張軌文安伯楊善興濟伯皆予世遷景帝杭后祔廟主於別室陞曹吉祥嗣子錦衣帶俸指揮僉事欽為都督同知吉祥姪鉉及太監劉永誠姪孫聚蔣冕弟成業兄成達俱為錦衣世襲指揮僉事皆以迎駕功群臣雜治王文于謙陳循罪言謙與王文江淵及太監王誠舒良張永王勤景泰中串同故都督黃瑛構成邪議更立東宮尋復逢迎廢黜江后陳循蕭鎡商輅不能阻又附之謙文舉用項文曜王偉古鏞丁澄等樹黨行私比因景泰皇帝不豫在廷諸臣請立皇儲而謙

文誠良永勤意欲外向已見群情迎復皇上乃圖糾合逆旅欲擒殺總兵亨等循鎡輅淵士悅偉鏞澄文曜俱知不告言坐謙等謀反當凌遲等知情故縱斬死罪學士薛瑄請輕之乃命斬謙文誠良永勤于市籍其家謫循淵士悅文曜充軍鐵嶺衛罷鎡輅偉鏞為懷寧伯董興為海寧伯餘論叙有差凡奪門者陞三級保駕守門者陞一級蓋三千餘人景泰中諸群小皆伏誅增給石亨張軌祿命楊善理左軍都督府事進封會昌伯孫繼宗為侯予世榜示王誠于謙

名山藏

卷之十四

典謨記

四

罪于天下陞禮部儀制司郎中章綸為本部右侍郎二月以太后詔廢景帝為郕王復號郕王母后為宣廟賢妃皇后為郕妃懷獻太子見濟為懷獻世子革肅孝皇后諸貴妃封號徙王文于謙王誠張永舒良家屬充軍口北開原等衛陞南京都察院右副都御史軒輅為刑部尚書命吏部右侍郎李賢兼翰林院學士參預機務於內閣封都督曹義為豐潤伯焦禮東寧伯施聚懷柔伯調左副都御史王竑為浙江參政尋罷為民不叙陞都督僉事石彪為左都督同知充遊擊將軍領兵巡哨大同月食郕王薨諡曰戾以

水蠲保定河間稅糧遣刑部侍郎周瑄往賑之畿內
饑順天民聰粥民四月賜褒勅特賜忠國公亨祿米
前後通三千石進封廣寧伯劉安爲侯廣西蠻賊黃
公好等叛總兵安遠侯柳溥討平之三月陞錦衣衛
指揮同知門達爲指揮使指揮僉事袁彬爲指揮同
知已巳立太子封諸子見潯德王見澍安王見澤崇
王封徐有貞武功伯陞李賢吏部尚書兼職如故因
命有貞兼華蓋殿大學士仍供文職于文淵賜勳號
散官奉書襄王瞻塏曰先帝惟叔父親宗室惟叔父
賢姪簡祁鈺宮得叔父陳言愍安二疏循覽再三比

名山藏

卷之十四

英宗

五

於金膝皇太后感嘆不已叔父云欲朝覲姪亦喜見
以篤親親卽時氣候清和敬遣太監時齋奉勅符若
書迎請叔父從容就道姪竝俟叔父之至命石亨充
總兵官佩征虜副將軍印搜虜於延綏命興濟伯善
兼禮部尚書靖遠伯驥兼兵部尚書都督石彪奏巡
撫大同副都御史年富違法繫治京師上問李賢富
何如對曰其在大同公以斷上曰彪將惡其不利也
名錦衣門達必審究之旣多誣賢曰欲卒白當再勘
請遣給事中郎中二員上曰使武職一人同之不者
彼謂文臣相黨命左僉都御史林聰賑饑於山東陞

都察院右副都御史耿九疇爲右都御史勅曰朕惟
御史內糾百官外按方隅受朝廷耳目寄苟非其人
曷任稱使景泰失政臺憲進選每出私門當官者或
枉法鬻獄言事者或濟私罔上出巡者或張聲勢作
威福官邪不做紀綱蕩然爾承朕簡必奉公正已督
率咸脩御史不職爾等察舉爾等不職亦聽御史糾
劾黜幽陟明國典斯在四月上名諸大臣曰中外民
艱皆因有司匪人卿等審察先有犯職復職及見任
操行不端政績無聞老有疾者具以奏命內外法司
審錄罪囚襄王瞻塏至見之武英殿勅刑部右侍郎

名山藏

卷之十四

英宗

六

黃仕僑賑濟近畿山東饑民五月命都御史馬昂賑
饑山西以民饑減歲辦物料之半御史楊瑄上書言
石亨曹吉祥奪民田上示其章於徐有貞李賢皆曰
御史言正上嘉之六月彗星見室宿十三道御史張
鵬等以上嘉瑄合章糾石亨不法事章且上石亨懼
入譖上命收鵬及瑄面詰諸御史於文華殿悉下錦
衣獄究主使者錦衣衛以右都御史耿九疇右副都
御史羅綺名上遂并下獄鞫之獄詞復言主九疇綺
者大學士有貞學士賢上命科道官劾有貞賢專擅
威權排斥勳舊并下獄復命吏部覈御史給事中年

文參額坦率無簡擇一時放蕩之上盡出其門飲酒
吟詩議論盡不切於用晚預機務方欲謝絕平昔
舊游惡其變命岳正仍於內府授內使書頃之外調
為欽州同知軒輓乞致仕復以故廣平侯袁容庶子
瑄襲侯富陽侯安順侯成山侯保定侯子皆許襲伯
黜徐有貞為民金齒進封南和伯方瑛為侯封都督
陳友為武平伯後軍都督石彪為定遠伯予世左都
督楊能為武強伯右軍右都督李文為高陽伯俱流
上諭戶部自遼東抵陝西邊軍良苦其遣給事中并
司屬官各六人齎金分勞之人二金八月甲午以彗

名山藏

卷之十四

典謨記

九

星未滅躬禱于昊天上帝丙午月食安置王竑於陝
西報書襄陵王冲炆曰日出視朝禮經所載古人君
是常王念予朝昧爽侵冒風寒親親忠愛感德良厚
九月命太常寺卿兼翰林院侍讀彭時於內閣參預
機務封通許王子墮為周王瀟王佶焯薨報代王仕
堉書曰承惠菘菜楹梓雖王國佳產道遠人艱自後
無再謫岳正充陝西衛軍十月賜故太監王振祭葬
賜杭州府宋岳飛祠曰忠烈有司春秋祭彗星復見
於角宿勅處士吳與弼曰朕惟勞於求人乃成無為
之治樂於心勢斯致難進之賢爾爾與弼潛心博聞

慈經抱略不求聞達嘉遜園丘騰茲高誼渴望來儀
特遣行人曹隆往詣爾居徵聘赴闕仍賜禮幣以表
至懷尚欣然首路副朕翹跂上謂李賢曰建庶人文
珪與故吳庶人允熲媿屬淹禁且六十載親而亡罪
朕不忍其久繫賢頓首曰堯舜之心也皇天后土太
祖在天之靈實臨陛下遂白太后出之左右或言不
可上曰有天命者任為之乃居之鳳陽令有司給月
米薪炭婚娶出入聽自便復給火者二十多人十餘
人遣內使溥等六人守視使令勅群臣曰建庶人等
幼累于前人拘幽至今朕欲群生皆得其所况懿親

名山藏

卷之十四

典謨記

十

哉憫此遺孤特從寬貸用加賚送聽從婚娶以演後
嗣庶天下謂朕親親焉勅中外寺額曰真慶嘉福圓
林觀音淨覺普壽南泉雲間慶寧永慶妙亨常樂顯
寧惠明昭靈昭寧碧峰護國景會福嚴靈雲報因報
國大勝清源普利英臺慈會興善淨業廣福崇化法
空廣惠延壽龍泉普濟靜仁業慶龍興凡四十寺命
工部為忠國公造宅十一月上曰山東連年灾傷民
甚艱難雖已遣賑朕尚念之吏部其就於本布政司
推選廉能官一員專行撫恤吏部舉右布政王宇遂
以命之命左僉都御史王儉賑貧於徐州陞辭上曰

徐南北要衝民艱朕惻然設心賑濟毋恤庾倉定文
官封贈誥勅例一品四道二品三品三道四品至五
品二道致書襄王瞻瑤曰茲予初度承惠多儀加以
玲瓏碧玉之帶書曰分寶玉于伯叔之國予施叔父
宜也乃承惠于叔父敬酬白金絲幣匪曰展親特表
謝敬賜中外寺額曰清光永泰龍泉靈巖歸義隆安
地藏重熙法幢延供華光普陀大雲海會智安福勝
普應青塔陽坡穀積石佛夕照普安通法普仁嘉福
法寧開化大寧法寶罔極永峯圓廣觀音顯法永福
保安崇慶廣福圓真凡四十寺十二月封曹吉祥嗣

名山藏 卷之十四 典謨記 二 英宗又一

子左都督欽為昭武伯虜寇莊浪等處命太傅安遠
侯柳溥佩平虜大將軍印充總兵官右都督過興充
副總兵都督同知雷通充右副總兵武平伯陳友充
遊擊將軍往陝西勦殺之禱雪于宮中
二年正月庚申朔六科十三道劾兵部尚書陳汝言
諸不法事文武群臣奉詔鞫實命固禁之已卯尊皇
太后為聖烈慈壽皇太后詔天下二月封都督同知
楊信為彰武伯韃賊入境命大同總兵官高陽伯李
文遊擊將軍定遠伯石彪調領精兵往延綏等處會
彰武伯楊信等禦之有斬獲上曰朕聞向者土木陣

亡官軍至今南山河南北一帶骨骸尚暴露甚憫然
其命瘞收之三月廣西賊流劫博白及廣東寧川永
安千戶所等處勅鎮守臨清平江侯豫山東東昌府
青萊諸府故多安插夷人朕念東凶連歲民流離困
敝恐因而相聚為非勅至其往來飭兵盜生翦之四
月乙丑皇太子初講學于文華殿戶部奏副都御史
聰言山東諸郡縣逃亡死絕之數覈視皆實上曰稅
糧草束急除之逃亡戶令有司盡心招撫東苗十三
番賊首干把豬等僭稱偽號攻劫都勻等處命湖廣
貴州總兵官南和侯方瑛調兵勦之石康賊攻破博

名山藏 卷之十四 典謨記 三 英宗又一

白縣勅曰近聞皇親公侯伯文武大臣中多有藏匿
罪人亡虜有令家人強占外州縣軍民田地有起蓋
房屋把持行市有詭名中鹽挾制官司者夫京師天
下本貴戚近臣四方視効欲無干朕憲在守位循禮
矣比會昌侯弟顯宗姪璘令家人私造房屋罔市利
朕不敢用外戚故屈法也諸臣有犯前所云者自首
免罪不首自發者罰無赦家人投托人皆永適戍邊
五月冊秦世子公錫為秦王處士吳與弼陞見命為
左春坊左諭德辭并封還勅幣不許遂見與弼于文
華殿從容顧問辭職之意上曰重卿學行特授宮僚

煩輔太子與弼終不受遂賜宴于文華復賜綵幣羊酒薪米遣中官送至寓舍上謂李賢曰曩者奉迎之人紛然請革邊巡撫今聞武官貪縱暴橫無所鎮壓之朕乃知其謬卿與王輿馬昂仍擇可者遂命白圭巡撫遼東王宇巡撫宣府芮釗巡撫甘肅陳翌巡撫寧夏皆從各省布政使陞爲右副都御史以行李秉巡大同則以右僉都御史往徐瑄巡撫延綏則以監察御史往上曰有文臣則武臣不得遂私其即日遣召之已而馬昂言東苗十三番等賊急乃復以白圭贊理貴州軍以太僕卿程信爲僉都御史代之安遠

名山藏 卷之十四 典談記 三

侯柳溥敗虜于涼州都督同知雷通自永昌來援遇虜懷安站亦敗之七月賜吳與弼勅曰朕惟英君誼辟莫不好賢求士聞爾與弼懷抱道德嘉遜林丘特行徵聘惠然肯來深慰朕心用授春坊諭德煩輔東宮固辭難拒今仍遣行人送還故里賜爾銀幣復命有司月給廩米二石爾其優游桑梓尊仁樂義儻精力未衰尚無忘纂述輔教垂世以繼前賢虜欲寇寧夏命寧遠伯石彪充總兵官佩征夷將軍印左都督劉深充副總兵官往勅之勅三法司曰御馬監都指揮千戶弁勇士小廝自倚善騎射恃寵怙勢自今

但坐事者不分輕重錄取上裁伶人有謀陞伶官者特發充邊軍上謂李賢曰朕念曹吉祥隨侍舊人每有干請多曲徇之吉祥不顧可否無厭足雖朕十不可二三四方奏事者不知謂必行往往造門求通朕斷以公道八月勅諭李賢彭時呂原曰朕欲覽于天下輿地之廣我文祖太宗皇帝嘗命儒臣未究厥緒景泰間雖已成書繁簡失當卿等尚折衷精妥繼成初志用昭我朝一統之盛九月復以軒輓爲南京都察院右都御史甲子駕幸南海子謂李賢曰朕朝罷膳後閱章奏易決者下有司可議者送先生參詳

名山藏 卷之十四 典談記 四

當乃出左右乃曰陛下自勞非養生道又曰內閣可無送朕荷天下之重五更二鼓起齋潔拜天畢省奏章既剖決謁奉先出視朝不爽于時度退朝召問大臣商略機務於文華復省奏章省訖還宮至申又如之暇則聽內政暮乃休母后所旦朝有命則問一日隆冬盛暑則五日左右亦曰陛下自勞非養生道賢對曰陛下孝敬精勤古賢君何以如此願持母哀上曰朕之行此亦有何勞便於安逸怠荒至矣十月鷹坊司內官請出獵不許因請許之上曰毋擾州縣朕跡爾矣內官至果多索有司禽獸以進曰獵所獲上

已訪知既反命杖黜之上屏左右問李賢政治得失賢極言官較出外選籍罪人之弊上密察果然召指揮門達戒之曰敢有不悛罪毋赦戊寅幸南海子十一月分遣大臣禱雪于天地社稷山川以耿九疇為南京刑部尚書詔訪舉精通天文歷數地理課命之術者送詣京師十二月以西師無功召柳溥還革其太傅閑住罷舉經明行脩賢良方正儒士脩萬工堰三年正月命法司錦衣秘獄無泄虜人安邊境總兵石彪等擊敗之都督僉事周賢死焉賜贈葬與陞襲慶遠同知葉禎率民兵擊賊死之贈廣西右參議賜

名山藏

卷之十四

典謀記

五

祠三月下右僉都御史李秉錦衣獄罷為民四月增建南內殿宇龍水縣獲賊鳳弟吉糾合廣西流賊為變兩廣都御史葉盛擊敗之召石彪楊友還論功進封侯方瑛白圭勦東苗克之俘于把猪等于京師廣西流賊糾廣東懷集縣獲賊攻破開建縣殺知縣典史巡簡廣西徭僮苗賊出劫殺勅鎮守兩廣左少監阮能朱詳總兵官左都督劉深副總兵都督同知歐信等協心勦捕下雄縣知縣秦紘錦衣獄贖罪調邊方五月禁商旅攜違禁物貿易諸夷中廣西流賊破容縣劫潯梧柳慶南寧諸府州縣六月命巡撫官以

歲終赴京師議事七月封幼學為藩王八月下石彪錦衣獄勅曰我太祖高皇帝立綱陳紀照臨天下諄諄誥戒董正百官製鐵榜以諭功臣當時臣下凜凜然近來公侯駙馬伯五府六部都察院等衙門大臣及近侍官員多不遵禮禁私相交往往甚至阿勢泄事因而結構百端即如定遠侯彪圖謀鎮守令指揮等官假進奏詞事發被劾輒有情熟近侍潛報消息官之不正無此為甚今後爾文武大臣無故不許往來互通給事中御史亦不許私謁文武大臣敢有阿附漏泄輕則發戍重處死錦衣衛指揮親軍近侍尤不

名山藏

卷之十四

典謀記

二

合與諸臣交通他衛指揮以下非出征時毋得輒候公侯門違者如鐵榜處治田州府頭目呂趙殺知府岑鑑藩王之封也脩武伯煜刑科給事中儼實充使既至受王饋上使較尉覘得之逮下獄書告宗室諸王曰正統初勅朝使無得需索王府物犯者處死家戍邊嚴矣脩武伯煜給事中儼近復玩無忌王府資費有限豈堪如此念我親族申明舊例後有違至者飲饌之外毫無與也九月廣西流賊犯廣州界命都御史葉盛并總兵鎮守等官調度所在官軍土兵勦除調石亨家屬指揮僉事寧等十人於雷州等衛凡

繇亨進者皆降謫有差肅州火延燒五千餘家死者六十餘人十月己未駕幸南海子命石亨閑住許冒報奪門陞官者自首改正敢隱者罪益首改者四千餘人十一月勅諸王毋干預有司事湖廣旱饑命設策撫賑光祿寺請陶器於饒州凡十三萬三千有奇工部請減八萬以紓民從之十二月月食

四年正月己卯朔虜二萬寇榆林總兵官彰武伯楊信禦之有斬獲下石亨獄籍亨及彪家上諭李賢曰天下諸司朝覲大集旌異之典當如祖宗之故既吏部舉右布政使賈銓梁榮蕭肱徐景李顯按察使劉

名山藏

卷之十四

典義記

七

我知府丘陵胡濬知州張福知縣張暄等十人各賜錦衣一襲鈔千貫宴禮部董禮部尚書銓為副都御史二月廣西蠻賊流劫永州攻破桃川枇杷三千戶所未明江華二縣石亨死獄中誅定遠侯彪癸酉幸南海子致書襄王瞻培曰叔父欲朝朕亦欲一會敬遣太監定奉勅符金牌進請可從容就道從行人數惟叔父所定廣西蠻賊破信宜縣三月己卯幸南海子辛卯幸仰山窪協贊廣西軍務監察御史吳禎平呂趙斬之四月襄王瞻培來朝命宗室王府無子者方許請繼室子八歲方許請名女子歲十五

方許請封者為例致書襄王瞻培曰叔父來覲晤間屢聞嘉言裨益良多及叙親情乃知世子妃病未出而庶長子已十歲知向學朕甚喜之重閣之下宜有令孫茲特立見淑為襄世孫以遂叔父裕後之懷叔父母遜復書曰朕念叔父國家至親雅有賢譽宜享優游之樂每歲秋冬間可出城遊賞三五次或世子郡王從亦可玩覽山川獵取禽獸暢懷怡情焉乙卯王辭上送至午門外握手泣別王拜上亦拜王起行數步顧且拜上使中官掖之王起行顧且拜者以十數上目送出端門六月月食七月乙亥朔日有食

名山藏

卷之十四

典義記

六

之上患脚氣不朝者累日甲午朝罷召李賢王翱馬昂慰問良久賜金若宴湖廣當造紙工部言楚饑請成造於不災州縣上曰皆罷之八月命湖廣有司加意恤賑其租稅上諭戶部曰四方奏報水旱民多困若朕甚憫焉其移文巡撫巡按官覆視災傷甚者租稅悉除輕者量蠲之不能自給者速發廩賑濟禁假較尉行事害人者虜酋孛來大舉入寇自大同威遠西擁衆南行已直抵鴈門關代朔忻州一帶遣都督顏彪馮宗領兵往備之上召李賢王翱於武英殿曰戶兵二部缺侍郎誰可賢曰副都御史白圭可兵

部翔曰故南京戶部侍郎馬諒服除可戶部遂用之
九月趙王祁鏐薨虜圍大同右衛命撫寧伯朱永都
督白玉鮑政統領官軍巡邊於宣府十月閱騎射西
苑賜總兵官會昌侯孫繼宗等宴鈔騎射官賜鈔有
差謂學士李賢彭時呂原尚書王翱馬昂曰為國重
武練武先騎射皆頓首稱善遂皆錫宴鈔戊辰幸南
海子十一月復閱隨操武臣侍衛勇士賞賜降將領
一等閏十一月予襄王瞻塔書曰承惠藥及方已秋
領惟衛生之術先資藥餌而方書不下數十家非考
閱參驗之至疇得要且良叔父明達仁恕留心於此

名山藏

卷之十四

典漢記

五

良方佳劑親愛惠予感愍之深布此以謝庚戌幸南
海子戊午曉刻日食四分有奇掌欽天監事禮部侍
郎湯序不預奏上切責之李賢曰天戒有在人君正
欲因而儆懼湯序奸不忠乃不奏聞序凡遇災異皆
隱不言見象變必曲解說或將天文書所載不祥語
改削進遇吉兆即詳呈序奸不忠無所容遂及監正
副等官皆執下獄因降序為太常少卿已未幸鄭村
垣閱仗馬十二月鎮守大同總兵高陽伯李文太監
陳瑄屢為虜所掩襲不實奏下獄治罪巡按浙江監
察御史閻彞言開辦銀課內外等官擾害軍民狀忤

旨下獄已降為平南主簿上召李賢曰吏部缺侍部
尚書王翱老當得一人佐之其與訪擇明日以副都
御史崔恭奏上曰善因論徐有貞才自金齒放還家
鞏昌同知崔達任滿鞏人乞留為其知府從之是歲
賜致仕四川按察僉事王琦金以周其貧
五年正月壬寅朔遷代府山陰襄垣於蒲宣寧隰川
於澤靈丘於絳懷仁於霍大理少卿李茂卒上諭李
賢曰大理法官今雖有寺丞二人名位輕恐不敢與
法司持辯卿與王翱擇明日以故大理卿李賓奏上
曰善二月諭李賢曰錦衣指揮遼果誣弋陽王真璠

名山藏

卷之十四

典漢記

三

敗倫醜事今云不實宗室如此它枉行多因下諭曰
刑獄國重事今後陳寃者三法司當審辨毋畏嫌避
疑遂遣右副使李廣駙馬都尉柳錦與果復往勘之
命都督僉事顏彪佩征夷將軍印充總兵官征勦兩
廣僮賊四月虜犯莊浪鎮守都督僉事林宏等擊却
之勅遊擊將軍都督同知和勇統領兩京達官旗軍
殺賊於兩廣脩大明一統志成御製序上諭李賢曰
軍官季俸至關銀十四萬餘府庫入少出多奈何賢
曰自古國家冗食是患今衛官二千有餘員冗矣上
曰令兼支布錢則何如因名賢與吏戶兵三部尚書

議曰議畢且復下廷議不者不惟歸怨朝廷亦怨于爾輩五月中官過南雄有所索於知府劉實不得中官怒叱粹之遂與中官交訟上竝逮治京師上親聽之論治中官罪弋陽王奠璽竟為逮梟所誣賜自盡六月虜大犯涼州莊浪命兵部尚書馬昂總督軍務懷寧伯孫鏜佩平虜將軍印充總兵官右都督馮宗充副總兵官都督僉事鮑政充左參將趙勝充右參將統京師精銳騎馬萬五千往擊之李賢及會昌侯繼宗吏部尚書翺兵部尚書昂以所在兵災人民艱窘請下寬卹以蘇疲困許之命花木鳥獸梨板及追

名山藏

卷之十四

三

三

馬清匠刷卷採柴之役悉停蓋所罷皆民最苦而採柴之役歲省可三十餘萬時所在告訐及採訪事情皆即遣錦衣官較籍其家李賢言其多在因勅法司情重者奏請餘悉發巡按御史及所司問治七月昭武伯曹欽有罪下諭文武群臣欽等遂與司設監太監吉祥反恭順侯吳瑾廣義伯吳琮以聞命懷寧伯孫鏜等率官軍討之欽殺左都御史寇深及恭順侯頃之與其兄都督鐸弟指揮鉉及從兄都督濬皆為鏜所敗死執吉祥下獄磔于市并磔欽等屍以徇詔赦天下

寇深唐縣人永樂間為都庠生鄉人有議不執者應京師告發得為國子生宣德

控刑部主事正統中以右僉都御史鎮守四川於滄州築開鑿池六十餘所哨臺三百七十餘座治餉道開鑿山泉諸番皆來送款以功陞左副都御史食二品俸景泰二年召還未幾月復奉命提督遼東軍務擢長秋寺福惠分遣將士捕斬入犯虜酋左以寧英宗復辟陞左都御史至是為曹欽所殺時少保論欽之者雖難免必報初諸事曹欽父子已而疎於風憲職皆言近多嘿嘿畏避權勢今後亡諱不當者亦不罪寇深既遇害上諭李賢與六部公舉可都御史者皆薦南京刑部尚書蕭維禎上曰非端士也賢曰大理卿李賢司刑日久其年尚少容止老辰上曰善遂用之

名山藏

卷之十四

三

三

御尋轉右副都御史提督永平山海諸處軍務兼理糧餉天順初改大理卿下父母憂兩奪情曹欽及賓李于弟家人挺身奮擊賊平陞右都御史成化改元南都大饑江中盜起陞賓南京兵部尚書滿考來京曹改左都御史掌院事刑襄流民痛聚實請命都御史原傑撫視之進太子少保實剛簡鑿鑿留心公事每當議政動中機宜錦衣門達有罪廷訊強辨至賓前曰公宜訊我遂引服成化中有奏楊榮曾孫畢不法者實言榮有功朝廷具于孫當寬宥之會畢以逃難至京詞連二三大臣實與焉實恐得自陳致仕卒贈太子太河南水黃河溢漲汙襄間滄沒官民廬舍多死者命工部右侍郎薛遠往視之進封懷寧伯為侯止其擊虜之役而使馮宗佩平虜副將軍印充副總兵趙勝充左參將與都督僉事李果充右參將統故所選京師軍往擊之命兵部右侍郎白圭起王竑

薛遠京人永樂間為都庠生鄉人有議不執者應京師告發得為國子生宣德

為左副都御史俱參贊軍務八月追封吳瑾為涼國
公子諡賜葬加吳琮歲祿二百石賜寇深贈諡祭葬
加李賢太子少保九月蘇州濱海諸縣潮挾雨大至
死者萬餘人命賑恤之虜犯永昌山丹抵甘右參將
李恭等追禦之有斬獲十月致書襄王瞻堦曰朕念
宗室至親賢無如叔父茲仰體情尚製神像畫軸服
飾器玩數十品物雖不腆工作頗精朕復製詩賦數
首用寫名藩山川風景之勝以寓嘉美至可目入復
設飯堂于南京給孤貧日二粥如永樂中故事十一
月丁酉朔日有食之壬子月有食之壬戌幸南海子

名山藏

卷之十四

典義記

三三

上諭李賢曰左右群小日見吉祥敗稍斂戢近又放
縱朕恒戒之曰即如吉祥豈無功哉一旦犯法不得
赦也蓋朕未嘗忘南城時賢對曰善上曰朕五鼓拜
天雖足疾不廢拜畢閣章奏亦拜于八廟出則視朝
退朝母后畢復視政既罷進膳飲食未嘗揀擇衣服
亦隨宜雖衣布天子也又曰朕宮中讀書觀射如鍾
鼓司承應朕唯時節奉母后無事並不聽觀因與李
賢論六部諸臣慮吏部尚書翔老賢刑部尚書瑜工
部尚書榮而弱禮部尚書瑁十二月定贖罪例京師
多盜命盜發執巡城御史下獄錦衣官較及兵馬司

官皆鎖項捕盜著為令乙亥幸南海子釋陳循為民
六年正月丙申朔程鄉賊羅劉寧等糾海賊攻燒揭
陽與定縣劫倉庫復攻圍長樂縣參贊機務右侍郎
白圭左副都御史王竑等分兵巡邊適虜分道寇固
原圭竑與馮宗李杲分擊之有斬獲賜獎勅諭天
下提督學較監察御史等官陳政等朕惟自古帝王
率以興賢育材為首務學較廢興人材之盛衰治道
之隆替係焉曩嗣位之初爰簡學行老成之士授以
憲職俾專學政行之十餘年厥有成效景泰中罷去
而廢壞日甚今復行舊典命爾等往爾其欽哉夫是

名山藏

卷之十四

典義記

三三

一方表率也率人必先己其務端軌範嚴條約公勸
懲俾崇于正學廸于正道庶稱朕簡任之意顏彪等
勦潯州大藤峽等處獐賊攻破七百二十一寨斬首
三千二百一十七級復所掠男婦五百餘口賜獎勅
蜀王悅奕薨三月皇第九子生虜寇靖虜境都指揮
汪禮逐出之召馮宗趙勝白圭還勅王竑李杲暫留
防守四月上召禮部尚書石瑄瑁趨疾上諭李賢曰
石瑄動止粗疎不稱宗伯朕欲以戶部侍郎張睿易
之賢退語瑁瑁求去上曰瑁大臣也為人誠豈可坐
小失退因留如故而以睿為戶部尚書五月底午賜

群臣扇及宴扇題御製二詩分賜諸大臣顏彪等勅
龍山等處徭人直抵尋梧廉諸處皆擊勝之賜獎勅
禁在外大小衙門毋增置夾棍等件刑具八月虜人
獨石馬營命脩牆垣屯堡墩臺壕塹于諸邊九月乙
未聖烈慈壽皇太后崩壬申上御西角門諭禮部曰
大行皇太后遺誥服制二十七日除朕不忍朕仍素
冠服視事西角門爾群臣以素服朝參待山陵祔廟
畢乃用淺色衣服以朝都指揮僉事門達請別置錦
衣獄從之時達掌錦衣道較尉征進兩廣總兵官顏
彪贊理軍務右僉都御史葉盛等獻所殺潮州反賊
名山藏 卷之十四 吳宗 三

君不卹民天下怨叛則妖生焉乞行蠲恤之政上曰
朕心也三月頒蠲恤詔于天下封蜀世子友瑛爲蜀
王四月辛未奉孝恭章皇后主太廟廣西流賊攻破
岑溪鬱林五月己丑朔日有食之閏七月追上胡太
后尊諡脩其陵寢改殿試于明年裕州知州秦永昌
以貪酷伏誅河南前後巡按御史布政按察二司官
皆坐罪八月代王仕壘薨九月四川賊悟真等據岳
池流劫榮昌遂寧銅梁等縣廣西流賊縱劫廣東雷
廉高肇諸府切責總兵官秦寧侯陳涇會廣東副總
兵都督同知歐信等勦之十月復書襄王瞻墻曰近
名山藏 卷之十四 吳宗 三

羅劉寧廣西龍山等處徭獍韋公立等首三十五級
十月上大行皇后尊諡曰孝恭章皇后詔天下十一
月甲午合葬於景陵庚子祔廟嚴捕私鹽船令
七年正月郊上病足掖而就事二月會試天下舉人
試院火死者九十餘上憫之命無物色者有司具木
瘞之朝陽門外爲六大塚題曰天下英才之墓改試
於八月致書襄王瞻墻曰朕惟叔父在懷茲特送袍
帶數事以識愛私叔父鑒之荆州知府張岳九年考
滿荆人奏留許復任上諭李賢曰近聞空中有聲天
譴也宜祈禳賢對曰考之於書無形有聲名曰鼓妖

令庶子德王見濟出府荷叔父賜誨靡匪格言願謝
叔父之嘉訓僉都御史葉盛言潮陽知縣陳瑄能撫
亡而勦寇以爲潮州試知府廣賊流劫廣東廣州甚
亟勦巡撫廣西僉都御史吳禎節制兩廣軍與廣東
鎮守官計擒之十一月萬壽節禮部請賀上曰母后
違養未及大祥朕何忍哉至期御奉天殿群臣如朔
望儀金華民訴其知府瑄貪酷者上密遣官較察之
曰卽不實亦械至調都指揮袁彬於南京錦衣帶俸
關住巡按四川御史斌故善漏刻博士誠誠使蜀府
斌從誠所受賄賂事覺下獄上曰其拷訊令言御史

行人進士使出似此受賦者有幾若不得問問官罪無赦十二月初以較尉言巡按雲南御史祚貪清軍御史萬鍾淫速下三法司錦衣具獄上命更訊祚萬鍾如其貪淫者有幾蓋上嚴墨吏之誅曰貪風息則天下治韓雍調陳循墓詩序曰先生平生篤賢一惟政士君子自重者多不得進而乞奉奔競之徒皆指率向用清議為之不平既出其門者多以路數矣廟知其為人將圖顯職而實天矣使假以數月原德必不免于殞身欲優游考終得乎是歲廣西流賊突入蒼梧城總兵官陳涇不敢戰致仕左布政朱欽出諭賊賊殺之

八年正月乙卯上不豫己未召太子視事文華殿廣

名山藏 卷之十四 英宗 三

西流賊夜入清遠衛執都指揮尹通按察僉事王鼎蠻賊破懷集縣及梧州府己巳上大漸名諭皇太子及太監牛玉於榻前除妃嬪殉葬令命斂衣服毋用多庚午上崩下遺詔二月乙未上尊諡曰法天立道仁明誠敬昭文憲武至德廣孝睿皇帝廟號英宗五月庚申葬裕陵壽三十八上閑習騎射時御琴書自奉儉約宮壺嚴於外廷臨朝淵默岳峙近侍莫窺其際百司奏章一覽即記親自裁決無所旁落嘗與李賢彭時講論時事賜賢其所食菓至親納之袖中至具敬天之誠勤民之切臣品心術悉知高下事皇太

后之孝待襄王叔父會昌侯元舅之情禮兼至所以虞宗室戚畹不用恩掩義一代稱聖主焉臣喬遠曰上始即位十有四年北廷兩歲南宮七載豈非天哉自古人君憂患困橫未有如上者也其初平年嗣統雖賴三楊輔以簡靜邪闕王振尚得干其間復辟以後總覽明察內臣莫敢奸外臣莫敢貪至其釋建庶人之囚復胡皇后之號罷殉葬之令廟號曰英信不誣也孟氏稱動心忍性直其然乎

名山藏 卷之十四 英宗 三

Blank area for the second page's main text.

名山藏卷之十五

臣何喬遠恭輯

典謨記

憲宗純皇帝

憲宗純皇帝御諱

英宗皇帝長子也故名

母周太后生時紅光滿室其歲天下大稔英宗北狩

邸王監國慈壽皇太后立為皇太子方三歲邸王即

位立其子見濟降封沂王英宗復辟更名上復立為

皇太子上廣額豐頤方面大耳目睛如漆光彩射人

左右莫敢仰視出閣講學敏於讀書便習騎射侍膳

名山藏

卷之十五

典謨記

一

問安孝敬備至英宗大漸召屬後事既崩羣臣三勸

進以正月乙亥即皇帝位下詔以明年為成化元年

大赦天下罷鎮守內官及緝事官較下蟹局局丞王

綸及翰林院侍講學士錢溥尚寶司司丞朱奎獄降

綸內使發南京閒住溥順德知縣奎監課副提舉凡

與綸交通者皆降調之兵部侍郎韓雍等調外錦衣

都指揮僉事門達等調邊

希進用親後福者多與交

以當奉命教內書館綸嘗

以幼童陪讀館中相親昵

意綸必與機務預有人聞

綸因借奎造溥家第于禮

內閣學士陳文與溥鄰居

知州郭和所隸給以入或曰此溥密遣語也給
亦以例當納用給給給給給給給給給給給給
既已王在春坊贊善中給給給給給給給給給
會帝大瑜給給給給給給給給給給給給給給
因數其過惡勸上執下獄又喉人發其交通事
溥等法司依律擬斬以嚴例并奏其交通事并
南京開任溥降順德縣知縣至監課副提舉和
調滄衛任歷凡十日與綸交通者因綸調提舉
戶部王福降前部右侍郎與綸交通者因綸調
通政司右參議趙昂瑞州府同知南寧伯千榮都
馬良論廣西都督馮宗劉聚廣東各總本處總兵
官調遣殺賊錦衣衛掌衛事都指揮僉事門達指
同知郭英陳綽指揮僉事呂貴俱調貴州邊備達
平越皆帶俸差操云二月乙未上大行皇帝尊諡詔
天下科道官重劾門達罪浮於降繫獄論死籍其家
餘黨皆貶戍名還袁彬代之始傳陞司禮監人匠旺
名山藏 卷之十五 典謨記 一

為文思院副使湖廣苗賊平乙巳黃塵四塞壬子風
靈書晦三月甲寅朔尊母后皇后為慈懿皇太后母
妃為皇太后詔天下省兩京供用庫及司苑等局歲
辦十之三安南國王黎灝求冤服不與與皮弁常服
廣西蠻賊入梧州北流等縣放宣德天順間官人毀
錦衣衛城西獄復岳正楊瑄張鵬官廣西流賊入廣
東界劫虜肇慶雷廉高州等處巡撫都御史葉盛及
副總兵歐信等調官軍士兵擊斬之禁內官增修寺
院求乞賜額有揭匿名帖謗大學士李賢者下都察
院禁之揚州人民無故驚疑皆南奔簡三大營軍

二萬分爲十二營擇坐營協贊等官命會昌侯繼宗
太監永誠提督操練內臣十二人監鎗給事中御史
各一人巡察廣西賊陷陸川平南諸縣四川賊趙鐸
等流劫銅陵諸縣四月初享廟廣西流賊入廣東石
康等縣四川賊悟昇等反都指揮何洪等尋討平之
甲午孝恭章皇后祔廟令刑部試事進士同司官僉
書問刑五月丁巳大風雹飄瓦拔木壞郊壇番賊劫
掠岷州巡撫陝西右副都御史項忠撫捕之四川賊
猖獗遣戶科給事中童軒威諭之庚申葬英宗於裕
陵戊辰祔廟勅曰朕雖在疚敬天恤民不敢忘慮天

名山藏

卷之五

典謨記

三

災屢見朕甚懼焉意者德未脩政未舉歟心未誠行
未至歟抑爾羣臣弛慢不飭無能匡輔安和歟其名
恪恭以回天意庚午始視朝禁天下朝覲官徵斂於
民命囚徒守瞭沿邊墩臺死罪五年流罪四年徒罪
如律條年限每月給糧參斗著爲令以順聖川牧地
爲屯田六月改賜真人張元吉封號及其母七月禁
邊將廢削所部士壬申立皇后吳氏大學士李賢等
言山西大同餓邊報日夕至宜令撫臣加謹上曰寇
猶邪氣善攝生者毋令虛人卿等慮是革官吏科斂
弊總管神機營撫寧伯朱永薦甘肅總兵官定襄伯

郭登自代上嘉之召登還八月革肩迎駕功陞職者
癸未初御經筵甲申初日講科道官薦漕運副都御
史王竑巡撫宣府副都御史李秉宜召而大用之廷
議皆是上曰古者夢卜求賢况今有輿論竑可兵部
尚書秉可左都御史言官交論兵部尚書馬昂不職
其改於戶部廢吳皇后下選婚太監牛玉獄安置南
京九月冊見瀟爲荆王申欽爲蜀王增京畿府州縣
儒學生員廩米十月壬辰立皇后王氏陞東鹿知縣
盛顯襄陽知縣李人儀爲知府盛顯無錫人初爲御
史以言石亨請知東
鹿臺右開具來相戒曰不可犯也是嘗如石總兵者
願至均响燕得吏畏民安未幾丁蔡民語之不可後

名山藏

卷之五

典謨記

四

其服關相率請奏乞職再任從之雖至不用刑罰有
爭訟者論之以理輒叩頭聽受不復辯色界真定二
府開四境之衆聞風趨赴郊外有荒落地聚 立武舉
成市邑人因解清官店累陞右副都御史
法十一月復設京衛武學以順義縣故所沒太監吉
祥地爲宮中莊田始名曰皇莊南京給事中王徽王
淵朱寬李翔李鈞等言牛玉罪重罰輕宜寘之死并
劾及李賢俱謫州判官都督僉事何洪殺賊趙鐸於
梓潼縣死之贈一級予祭葬襄王瞻塔於先帝時請
興工造牌鑄鐘至是請以詔書趣成上曰朕初即位
一切省不急已布詔卽失信於下亦無益叔祖德叔
祖亮之十二月初定諸羣王府將軍中尉并妻及縣

君鄉君儀賓冠服制始傳陞道士孫道玉為真人蕭
王瞻煥薨是歲廣西徭賊流劫湖南境人桂陽州城
成化元年正月上朝行郊廟之祭命中軍都督同知
趙輔佩征夷將軍印充總兵官右都督和勇充遊擊
將軍浙江左參政韓雍為都察院左僉都御史贊理
軍務調番漢軍大征廣西蠻賊使御史二人束軍祭
故死賊者汀州府推官王得仁于汀州得仁新道人
任汀州經歷廉能勤恕時衛官卒橫甚答殺府隸得
仁條奏真重典中官至索郡縣金千百得仁揚言曰
吾又且奏矣中官惕去所平反死成獄者屢具密懷
金王為請詞斥之九載任滿所屬軍民乞留之陞七
品俸復任二載陞推官沙尤寇鄧茂七反遣其黨徐
政景圍汀聚推得仁捍禦得仁嚴為賊守民避寇人
名山藏 卷之五 典談記 五

梧州博白等處鬱林尤其上曰都御史吳禎蔽賊不
以聞其記過御史趙致為故尚書于謙諸臣訟冤乞
收回暴章於天下施存歿之恩上曰是自昔奸兇不
誣人惡不能其人罪不甚人罪不能大已功朕在青
宮稔聞謙寬謙社稷臣也他諸如故言亟行之甲午
耕籍責兩廣四川有司協力剿殺趙鐸賊勅兵部簡
閱十二團營將士罷黜把總等官不任者選強將補
之趙鐸賊聽招安命守臣撫循之戎縣山都掌蠻反
三月浚通濟河要兒渡口虜搆朵顏三衛以九萬騎
入遼河總兵官武安侯竑率兵禦卻之以布政使王
名山藏 卷之五 典談記 六

傳奉陞文思院副使李景華陳敦任傑為中書舍人
 九月發銀四萬賑鳳陽徐州饑祠宋儒楊時於延平
 以羅從彥李侗配十月吏科給事中沈瑄等言比來
 納米粟監生得為學正教諭非所以重學較請用乙
 榜舉人如故事限年五十以下者吏部覆奏從之著
 為令大藤峽蠻賊夜入藤縣城掠庫劫印命諸司覆
 奏毋過五日十一月廣西徭賊入高廉二府劫其府
 印庫物遂擢連山知縣孔鏞試高州知府靈山知縣
 林錦試廉州知府給孔顏孟三氏學印許三年貢有
 文行者一人入國學後軍都督同知季鐸使朵顏三
 名山藏 卷之五 典談記 七
 衛歸獻馬四十餘匹上曰鐸不能宣布威德於外夷
 乃求馬來獻却之十二月祠元儒劉因於容城荆襄
 賊劉通石和尚起命撫寧伯朱永佩征虜將軍印總
 兵官都督同知喜信充左參將都督僉事鮑政充右
 參將以官軍萬五千餘討之以工部尚書白圭提督
 軍務
 二年正月虜三萬騎近安邊營境使備之諭荆襄流
 民復業被賊脇者許自歸有能擒賊者倍軍功之賞
 復歸十二營官軍於三營命貴州巡撫副總兵會剿
 都掌蠻賊詹事府少詹事孔公恂言邊下獄尋出為

漢陽知府公恂為人直懇與眾不合初為給事中以
 也遂不次用為少詹事已有嫉之者及上即位改大
 理寺少卿尋自奏復少詹事至是上疏論邊事謂總
 兵中丞有朱永一人於是諸總兵劉通賊僭號王分其
 黨與劉長子石和尚為將軍軍師辛酉附英宗主於
 太廟壬戌皇長子生母曰萬氏命九卿大臣各舉堪
 任布按二司官吏部從公分職日後坐賊連坐舉者
 二月重修闕里孔子廟成御製文紀之虜人寧夏環
 縣及保德州三月大學士李賢丁父憂命傳而奔喪
 葬畢亟來賢乞終制不許開封萬氏為貴妃柏氏為
 賢妃命禮部度僧以賑民韓雍破大藤峽賊朱永白
 名山藏 卷之五 典談記 八
 與僉都御史王儉擊敗劉千斤於南漳皆勅獎之
 閏三月勅湖廣總兵官都督同知李震討靖州苗賊
 工部侍郎沈義右僉都御史吳琛巡視無狀下獄以
 禮部侍郎鄒幹代義都御史林聰代琛吳琛繁昌人
 學不懈至吐血數升景泰中成進士拜監察御史天
 順中以劾奏石亨等旨補遷安知縣尋遷臺職累遷
 右僉都御史巡撫甘肅與平寇將單衛頓征勦西番
 八沙巴哇等七族斬獲千三百級成化改元淮揚饑
 命琛賑恤琛勞心甚多以便宜行事以切直忤權
 貴生坐謫毀遷官南臺代者林聰言琛誣枉擊簡遂
 重連內外艱難一無所受服特闕朝廷即家命
 巡撫兩廣尋命巡撫湖廣居官五年吏民上章乞留
 韓雍致仕命謂琛可以代之於是琛去父老
 扶攜攀送舟中琛在兩廣訓練大臣深得軍民之心
 者莫琛如也琛在兩廣訓練大臣深得軍民之心
 福無不踴躍革心向化化乙未卒于官為人勤敏

自童年至... 教往復靡不手答平生所得... 費於親舊身沒之後資業蕭然

合廣西徭種焚掠淑浦諸縣朱永白圭等擊敗劉通

於豆沙河境擒之以獻皆伏誅趙輔韓淮搜獲大藤

峽餘賊有功竝勅獎之五月翰林院修撰羅倫論李

賢宜聽終制黜為福建市舶副提舉李賢還京再求

終制不允禁侵損古先帝王忠臣烈士名賢陵墓監

察御史楊琅請復王徽羅倫官上曰比姑宥罪六月

調儀封知縣胡澄於祀儀封人留之兩廣賊寇平命

趙輔班師石和尚賊燒劫文昌縣治夔州通判禎遇

名山藏 卷之十五 九

害虜入延綏境使彰武伯楊信佩平虜將軍印充總

兵官統京營兵往討之夏津知縣薛正九年秩滿縣

民保留從之七月虜入寧夏西安知府余子俊平涼

知府王正保寧知府李正芳

正芳麻城人麓川用兵以戶部主事有功歷知

東昌府三保寧知府三保寧知府三保寧知府

保定知府周晟鎮江知府姚堂東昌知府徐琅登

州知府韓敏湖州知府丘璿常州知府宋璽蘇州同

知盧忠王貴濟南同知楊必貴通州知州何源薊州

知州史素崇慶知州周尚文濱州知州 泰安

知州李琪高唐知州郭昇曹州知州伍禮鈞州知州

鄭珪光州知州彭述安慶府推官宋瓊山東布政司

楊曉順義知縣徐晟瀋縣知縣賈貞長垣知縣

劉弘吳江知縣韓繁嘉定知縣龍晉華亭知縣石玫

當塗知縣韓恭欽縣知縣吳遜儀封知縣胡登柘城

知縣李琳新鄉知縣楊清獲嘉知縣邢表汲縣知縣

盧信湯陰知縣尚璣臨漳知縣戴昕光山知縣曾瑀

固始知縣薛良濟源知縣段永郊縣知縣王璽陽信

知縣曰曼清河知縣寇源嘉祥知縣 慶福山知縣

段堅太清縣丞彭賢竝以廉能賜誥勅旌異冊皇弟

見治為新王見治為新王王摩輝堯中戒出使王

名山藏 卷之十五 十

府官毋受宴餽虜寇固原勅諸將協心防禦八月申

姦淫及居喪宴樂之禁以虜寇深入命兵部尚書王

復往延綏左都御史李秉往大同整飭邊備定納馬

贖罪諭祭故少保兵部尚書于謙復其子冕為府軍

前衛副千戶九月禁邊衛官假貸罔利十月虜入延

綏右參將署都指揮湯胤勅死之予贈祭總兵官撫

寧伯朱永白圭與都御史王恕討石和尚劉長子等

於荆襄擒之傳陞尚寶司卿凌敏等十三人皆以寫

佛經道書及工匠之役進者自是其途益廣巡按河

南監察御史以反賊劉通疎屬并傳錄財產解奏上

日族殊非聖世法其亟發寧家財產還之十一月刑部員外郎彭韶言事逮翰錦木獄弁罪及代韶書進士林敷虜入安定縣虜入遼東以平兩廣流賊功封趙輔為武靖伯韓雍和勇等論功有差皇長子薨十二月命刑罪母覆奏御史方佑復以請上怒杖之調外任大學士李賢卒命大常寺少卿兼翰林院侍讀學士劉定之於內閣參預機務令順天府收養巷市疲癯殘疾於養濟院

三年正月以平荆襄賊功加白圭太子少保支從一品俸進朱水為侯廣西斷藤峽賊破容縣焚劫而去

名山錄 卷之十五 典謨記 十一 憲宗一

賜朝鮮國王琛曰周却旅葵朕甚慕焉王三致白鵲

鳥海書諸物獵致珍異未免勞民或生其咨夫王詩書禮義之國也尚忱念之賜蘇州知府邢宥勅曰比

歲守令匪人朕甚念焉爾治蘇多年庶民瞻之特陞為浙江布政司左參政仍掌府事爾無渝心庶副朕

委宥字克寬文昌人正統十三年進士授監察御史

程實宣於其有能舉出按察使後按遼東屬熱振一

時天崇吳長遷都台三年丙戌以按察使事就遷

蘇州方以淳升變其修俗權左倉都御史 勅京管

總兵太保會昌侯孫繼宗曰虜酋毛里孩渡河而東

以侵大同聲言求貢殊無誠心今欲選一宿將統御

團管精兵五萬以俟調遣孰可者選兵五萬果足用否卿為朕畫之繼宗請調二萬赴代州調三萬綠宣府至大同接應禦虜總兵主將請聖裁下兵部議可任者遂以撫寧侯朱永佩平胡將軍印充總兵官右都督劉聚充左參將都督同知鮑政充右參將率京營馬步官軍十五萬往二月丁酉朔日有食之毛里孩三上書求貢許之勅曰朕受天命承祖宗內華外夷皆赤子也弗率政化有怒無拒爾毛里孩昔嘗來廷矣忽擾我邊悔過歸誠朕特允爾來爾即率領部落退處邊外所調使臣人毋過三百夫天道好生朕

名山錄 卷之十五 典謨記 十一 憲宗一

所奉以子民也爾體朕心朕將錫爾福焉命巡撫大

同右副都御史王越贊理軍務兼紀功賞以邊城屢

警京師當嚴命太子少保戶部尚書馬昂右副都御

史林聰左給事中潘禮陳鉞清理京營軍士徭賦陷

北流縣德王見濟之國李震討靖州苗大克之祠宋

儒何基王柏金履祥許謙於金華三月召復商輅為

兵部左侍郎兼翰林院學士參預機務封趙輔為武

靖伯左都督毛忠為伏羌伯四月威州知州何淵以

母喪去任夷人請留之命仍為知州馬昂等清理京

尚書同定襄伯郭登太監裴當提督之設十二營坐
營官每營令內官一員協同管操十二營曰奮武曰
耀武曰練武曰顯武曰敢勇曰果勇曰効勇曰鼓勇
曰立威曰伸威曰揚威曰振威虜毛里孩遣使朝貢
乞報使不許科道官請上勵精圖治所故懲懲節遊
適宴樂之事罷金豆銀豆無名之賞與羣臣脩省以
弭災變上嘉之六月戊申雷震南京午門召復羅倫
官調之南京刑科左給事中毛弘等言請并復王徽
王淵朱寬李鈞李翔等不許命襄城伯李瑾佩征夷
將軍印充總兵官兵部左侍郎程信為兵部尚書總

名山藏 卷之十五 真漢記 三

督軍務調四川貴州官軍勦捕山都掌蠻程信字步
正統中進士授吏科給事中其時北征備極艱苦
不報師潰土木虜遂南侵京師戒嚴命守西城虜薄
都鄙都督孫鏗禦之失利乞領宗人戍信堅持不可
躬督諸軍城上以火鎗礮石鼓譟下為鐘援虜引去
景泰中陞左給事上皇居南宮上中興國本十事
其一事則以下象屢變請景帝降孝友答天心陞山
東右叅政總理遼東邊餉巡撫都御史奏倉官吏卒
盜糧石以上者死乃造新斛視舊加二寸付信信立
碎而火之曰使彼真盜不足郵今故造此斛置人死
地豈情也哉以憂去轉四川分巡松潘夷亂備侍
羅綺進攻破其黑虎諸寨英廟復辟景泰間上言
之人陞太僕卿遼東巡撫缺員陞都察院右僉都
史建州夷酋董山潛結朝鮮信使土官休成授以成
算往廉之得捕鮮授董山中總院使制書以還信請
乘其未發急遣使問之以伐其謀朝廷命一給事往
朝鮮一給事往遼東兩會初不直承命出制書示
之威相顧愕然各貢馬謝罪虜酋率來聚衆欲入寇
信率師巡邊營于境外昔月三月坐累調南太僕少

漢董仲舒廣川伯宋胡安國建寧伯蔡沈崇安伯真
德秀浦城伯勅曰地載失寧南京午門復有雷震之
異朕齋禱求過爾在廷諸臣共朕天職得無有竊位
蔽賢懷利徇私未達聽聞者乎夫怠而能勉過而能
改知止足而能退朕所與也遂并勅南京文武羣臣
名山藏 卷之十五 真漢記 四

修英宗睿皇帝實錄成加陳文彭時太子少保兼文
淵閣大學士九月停徵江西湖廣有災稅糧冊泰堪
為魯王十月總兵官武靖伯趙輔左都御史李秉勳
建州虜克之十一月增雲南貴州鄉試額十二月流
賊入石康縣執其知縣以去編修章懋黃仲昭簡討
莊臬上書言事杖之調外任

四年正月改章懋黃仲昭莊臬於南京免外調甲戌
月食陰不救護論平建州虜加李秉太子少保進趙
輔為侯三月命祀宋丞相李綱于邵武府學建州虜
復糾合彘顏三衛寇遼東開原塞上戶科左給事中

復糾合彘顏三衛寇遼東開原塞上戶科左給事中

丘弘等言國初北直隸山東地方土廣人稀太祖太宗屢渙綸音許民耕種永不起科聖謨遠矣乃權豪勢要專利病民或稱為退灘或指為空圖往往朦朧奏請切見嘉善長公主累請文安等縣閒地西天佛子劄實巴奏求靜海縣地及宛平佃戶俱蒙俞允夫公主帝女也兼以駙馬兩祿猶稱不足劄實巴佛徒也反慈愛行剝奪承行者受其囑托勘報者畏其權勢失百姓之恒業飽谿壑之無厭伏望收回前命還給下民仍勅該部痛革往弊示以重法上是之繼自今一切不許著為令命提督兩廣軍務兼巡撫左副都御史韓雍專一總督軍務增置廣東廣西巡撫官各一人四月錄故右都御史顧佐左都御史軒輅左副都御史馬謹禮部右侍郎王士嘉南京刑部尚書耿九疇南京戶部尚書沈翼子孫各一人入國子監讀書李瑾程信討山都掌蠻平之賜勅獎諭封西僧劄實巴堅參為萬行莊嚴功德最勝智慧圓明能仁感應顯國光教弘妙大悟法王西天至善金剛普濟大智慧佛劄實巴為清修正覺妙慈普濟護國衍教灌頂弘善西天佛子大國師鎮南堅參為靜修弘善國師早禱亦命密錄獄囚出矜疑并行于南京五月冊

祁瑛為鄭王祁埤為蕭王詔順天府存恤孤貧封周壽為慶雲伯都察院左僉都御史張岐有罪除名御史謝文祥奏張岐故禮部尚書姚夔所舉及科道劾岐左給事中陳鉞與同里不署名二臣皆宜罪因為主事彭韶訟直上下文祥獄已降為南陵丞甲寅慈懿皇太后崩上屈於太后欲無附裕陵下羣臣議七月戊午朔越明日己未又明日庚申羣臣連章言不可禮部尚書姚夔率諸大臣跪伏文華門俟命上固請於太后乃命合葬辛酉上始哀而見羣臣固原土達滿俊等作亂命太監劉祥監軍務巡撫陝西右副都御史項忠總督軍務都督同知劉玉佩平虜副將軍印充總兵官都指揮同知夏正劉清充左右參將統兵討之起丁憂南京大理寺卿馬文升為右副都御史巡撫陝西與項忠協同勦賊丙子上慈懿皇太后尊諡八月論平山都掌蠻功進程信兼大理寺卿李瑾為侯封左都督羅秉忠為順義伯癸巳京師地震九月庚申祔葬皇太后裕陵癸亥彗星見六科給事中魏元等言竊見今春以來災異疊見近又彗見東方皆陰盛陽微之證也臣聞君之與后猶天與地不可得參貳焉聞陛下於中宮有參貳之者禮部尚

名山藏 卷之十五 典謨記 一十五

名山藏 卷之十五 典謨記 一十六

書姚夔等嘗言之陛下謂內事朕自處置屏息傾聽將及半年而昭德宮進膳不聞減中宮不聞增夫宮牆雖深視聽猶咫尺席雖微懸象甚著陛下富有春秋震宮尚虛豈可以宗社大計一付愛專情壹之所不求子孫衆多固萬年之業哉若者民父母也子有饑寒疾苦父母必寢食不安今四方旱澇民困日急盜賊日盛荆襄流民所在劫殺人心搖撼陛下覽饑民之奏不蒙省懼尚循故事付部施行尚書馬昂等持尋常活套之言以爲題覆殆猶子訴饑寒父母若不聞知今責官鬻爵徧於內外征稅未罷內帑未發

名山藏

卷之十五

典談記

七

號勅止寺觀不得建醮修齋節無益之賞罷不急之好大臣不職者許其自陳休致則天變可弭治道克舉上曰宮中事朕自處之其餘所司施行十三道御史康永韶等亦奏比者雷震殿門風拔陵木旱澇地震中外迭聞星象垂異密邇三垣兼今西兵失利南北荐饑人事天時皆可憂懼臣聞太子天下本古者人君一娶九女以廣繼嗣今前星未耀宗廟神靈四海人物所托陛下宜念也伏望均六宮之愛協宜家之祥庶幾螽斯麟趾繩繩振振如是則大本立佛之無益從古論之今寵遇番僧有佛子國師法王名號

名山藏

卷之十五

典談記

六

望痛自挹損罷去不急其採辦銀鑛印馬內臣已行者取回未行者停止如是則民困舒上納之命西天佛子劄實巴出所求田地歸民勅曰朕弗克修心正身近御家邦遠寧海宇將奚繇格高厚感神祇八月癸巳京都地震九月初以來彗見北斗朕齋祿自新祇告天地非徒言之爾文武羣臣輔朕尚各警怠去欺堅忠固節天將鑒之以不致罰朕將資之以不負使三光上全九域下安豈非君臣同德之効與爾文武羣臣圖利之禮部請發遣番僧上曰恐失遠人心惟禁僭耳監察御史左鈺言比者言官陳言請革番

名山藏

卷之十五

典謨記

九

僧名號斷天下之疑絕後代之惑陛下是之及禮部欲行發遣又復停罷伏望師周孔之格言行堯舜之常道佛若有知必是臣言不報慧之見也給事中董旻陳鶴胡深監察御史陳宏鄭已何純方昇張進祿林誠各劾奏商輅姚夔程信等不職當罷上皆留之輅各上章求退而夔自負才氣心不能平其章多詆言者至比之匿名之書疏言之謗旻等復劾論輅信而攻夔尤切謂先王之世采民謠以觀政而夔以比匿書祖宗之制許言官風聞言事而夔以比流謗欺天罔人亡忌特甚乞早罷之加以臣等所言不信即

乞補臣等於外上震怒謂言官糾劾生殺予奪悉聽上旨此祖宗憲綱旻等乃故違再劾命錦衣衛三法司執同多官廷鞫之林誠又言臣以病軀勉強供職近劾商輅當邸邸廢儲之際不能救正今復起用不合人心蒙聖諭以輅居內閣累有諍言非外所知臣思言既失實宜加罪謹乞放歸田里上曰唐太宗用王珪魏徵朕用商輅有何不可而屢瀆奏亦命廷鞫之十月給事中毛弘等上疏揀解商輅亦言於上上命人杖二十復其官以脩德弭災考察內外官員項忠等征勦滿俊賊敗之伏羌伯毛忠死焉賜贈諡祭

名山藏

卷之十五

典謨記

三

葬忠等皆降勅獎諭之旌異蒲州知州徐孚吉州知州伍琇龍陽知縣李泰和州判官張神臨照知縣卜釗淄川知縣劉文寶雞知縣馬傑賜誥勅十一月庚申彗滅十二月贈死賊者夔州府通判王禎雷州府通判王麒各為本府同知叙州府戎縣知縣李旺為本府通判賜誥勅監察御史邵有良巡視光祿寺以寺多蠹費令所司報實而署吏遲之有良杖吏中官回保不使其執法誣奏有良索報各宮日用之數事涉不敬上大怒令陳狀既陳狀杖之調外任御史戴用上六事其一言薦舉上曰今後兩京四品以上官

缺吏部具缺朕自簡除方面官如正統開例保舉御
史劉璧等言除吏不必躬親即保舉用人亦恐有市
恩植黨之弊上曰特旨擢用大臣與大臣保舉方面
皆祖宗法也令吏部具疏永樂以來除授勅旨宣德
正統間保舉故事以聞因責璧等陳狀

五年正月韓王徵針薨吏部尚書李秉罷二月進封
撫寧侯朱永為伯項忠與馬文升平滿俊賊獻俘伏
誅閏二月詔官員三年滿後乃得旌異若所舉不公
或以奸貪敗者連坐之三月正一嗣教大真人張元
圭坐奸淫械繫至京下獄論死四月皇子生五月癸

名山藏 卷之五 典謨記 三十一

丑朔日有食之封前軍左都督和勇為靖安伯廣西
流賊焚劫廣東陽春縣靖江王佐敬堯十月旌異雲
南左參政路壁松江府同知傅愷開州知州謝鳳真
定府推官吳篋無極知縣石倫武邑知縣楊琇臨城
知縣張佐新安知縣魏恭山東按察司知事楊升賜
誥勅十一月虜寇延綏分掠保安安塞二縣十二月
慶王秩燧薨置太平縣
六年正月大同總兵官彰武伯楊信與副總兵都督
僉事徐恕右參將都指揮同知張瑛擊虜胡柴溝堡
勝之降勅獎諭壬戌甘露降於郊壇二月兵部尚書

白圭等言陝西延慶平涼等處人民累遭寇掠加以
官府酷虐轉徙流離困苦已極四川瘡痍未瘳兩廣
盜攘未息疫癘大行於閩粵災異迭見於淮南且旱
潦相仍者連歲南北畿甸河南山東雨雪愆期二麥
稿死而荆襄流民動以四十萬計衣食所迫姦盜繇
之乞簡命兩京大臣循行天下考覆政事黜罷不才
官吏便宜興革其有巡撫官者就委行之上曰其與

吏部計於是圭與吏部尚書姚夔等議陝西山東山
西湖廣荆襄兩廣貴州南北直隸具有巡撫都御史
勿論江西有撫民按察使趙致雲南多繫土官衙門
名山藏 卷之五 典謨記 三十一

可無遺當遣者河南四川浙江福建及直隸大名等
府上命刑部左侍郎曾鞏往浙江戶部左侍郎原傑
往河南右副都御史滕昭往福建南京戶部右侍郎
黃琛往四川大理寺少卿宋旻往大名召趙致還京
以南京大理寺少卿夏時正往召巡撫湖廣都御史
羅篋掌南京都察院以南京右僉都御史吳琛代之
賜勅以行 曾鞏字時升泰和人宣德八年進士差營
當佐戶部侍郎焦宏備兵吳越焦還朝語人曰會公
雖使宿台島庫不奈也累遷河南左布政刑襄盜起
念王師出征必道其首隸時銀粟以備軍師至如
歸歲饑民貧須賞軍銀萬兩公私莫辦會計倉糧數
多出百萬平糶軍實無缺先行後奏皆從其言召為
刑部左侍郎命巡視浙江許便宜行事考察官吏多

得其當唯去布政使張清願平輿論還京習部有申
 貴估寵殺人具奏速治于是京師咸實無敢犯法乞
 致仕歸家居二十餘年足跡不一至城府當道議歲
 撥供役又有諱文臣五品以下廉且貧者歲給俸皆
 固辭不受 隆昭字自明汝州人正統六年以鄉舉
 授監察御史巡按順天福建俱有聲績天順初擢左
 僉都御史以憂去成化初奉命巡撫遼東謹斥穢左
 訓練備務果明賞罰數年虜不敢近塞疏言大明律
 一代定法而次斷武臣獨舍律用例坐是益貪縱不
 簡請一切以律從事詔從之久之武人騰謗奏格其
 令或化二年進右副都御史總督漕運兼巡撫奏揚
 昭奏建吳二庶人宜移本城舊中書之省居之或安
 道有城池軍衛之所稍便出入亦聖王罪人不辜之
 意疏下禮部議止五年一名還復遣巡視福建上抗
 有紫雲臺者鄧茂七之黨嘗據為亂昭請立歸化縣
 治未還改視蘇松以馬賦沙最繁盛奇治江陰請分
 置靖江縣俱報可七年拜兵部右侍郎復轉左侍郎
 值江直管西廠刺事借橫日熾中外累足立於是兵
 部尚書項忠倡義草疏約九卿會劾詔罷西廠而御
 史戴籍久不得調乃言直所行皆公道不宜革罷於

直得管西廠如故籍遂進用直既司廠事首發忠
 廷時送三至籍去籍亦以忠致致任年五十九卒
 寺卿被命巡視江西黜貪濁者二百二十餘人革濫
 孫理庚賦免稅三萬戶修築南昌城長河洞民板餘
 萬賑饑民二十三萬戶修築南昌城長河洞民板餘
 不常軍車詣粟穴曉以底德感泣歸順復疏時弊三
 十事以聞當道有不悅者三上章乞去得旨遂行歸
 杭僦屋以居左右經史著述為事藩司為建西湖書
 院於孤山復建和靖巢居閣以居之卒年八十九故
 家宰華亭錢公作海內者英會時正其一也所著有
 餘留蒙三十五卷太常志十卷三禮儀畧舉要各十
 卷杭州志六十三卷再貢詳節一卷 勅曰朕夙夜治
 理自冬阻春災異荐臻雨雪不降豈德不敏而政多
 缺與抑爾郡臣弗克竭誠盡公輔朕不逮也朕將率
 爾禱于山川其各洗心滌慮勤脩乃職凡政事未善

刑罰失中及有惠利可與舉寬抑可伸理者條具以
 聞於是吏部等衙門尚書姚夔等官合奏引罪辭職
 上曰朕勅爾脩省合辭求退豈交脩哉所命條具速
 議以聞丁丑車駕詣禱大風沙昏是日河南開封府
 晝晦如夜三月庚辰京師雨霖晝晦陝西寧夏大風
 揚沙黃霧四塞翰林院編修陳音請上御經筵之外
 召問一二儒臣以弘講學之功佛子法王真人妖妄
 之徒乞降其位號杜其恩賞上曰佛子真人名號祖
 宗之舊如何可更虜人延綏詔延綏開屯田旌異山
 西僉事胡謐保寧知府章津淮安知府楊景杭州知
 名山藏 卷之十五 典談記 三十四

府張僖鳳陽府同知戴耀安州知州趙瑛徐州知州
 王叙南昌府通判虞良阜城知縣林恭吳橋知縣張
 鐸館陶知縣唐禎安丘知縣何鎮賜誥勅命撫寧侯
 朱永佩平虜將軍印充總兵官都督劉玉劉聚充左
 右副總兵太監傅恭顧恒監督軍務右副都御史王
 越參贊軍務往延綏備虜四月陞監察御史梁鑑為
 陝西按察司副使撫治漢中流民五月上欲建佛閣
 於西山尋以六科給事中言罷之復置興山縣六月
 戊申朔日有食之以會舉官未得人命吏部自今方
 面官缺推舉兩員來聞不必會舉著為令七月皇子

生是為孝宗皇帝母曰紀宮人以京師大水民舍倒壞命戶給米一石死傷者給二石乙酉奉安孝莊府皇后主于太廟命都察院右都御史項忠吏部右侍郎葉盛賑饑都城內外右府署都督僉事李杲撫治屯營達官人等以京城內外盜賊縱橫命選五城兵馬及責成錦衣應捕官較開設漳平縣朱永擊虜勝之八月詔曰比者災沴荐臻畿甸尤劇三時不雨一雨連旬旱澇相仍民食乏絕循省厥咎在予一人百姓何辜惟茲艱厄其令所司理輕繫縲租稅諸逋負監鈔鹽課毋徵踏失馬駒上林苑虧損生口毋責償

名山藏 卷之十五 典談記 三五

及採辦物料未入者己之召還北直隸河南山東清軍御史發各預備倉資賑濟荆襄流民所司謹視毋令失所事有便民者以聞九月秀王見澍之國發京通二倉平糶以賑民十月刑部覆奏真人張元吉行刑詔免死杖之百發肅州衛充軍都給事中毛弼等言元吉罪重惡極殺人獲生何以馭天下伏望市戮以昭國法上曰己之十一月以荆襄流民羣聚為亂命項忠總督河南湖廣荆襄軍務復設浙川縣十二月以冬深不雪命大臣禱于山川遣官分賑近畿饑民以畿輔水澇遣官祭告于北嶽北鎮以賑饑無策

降順天府府尹嚴鐸為知府戶科都給事中丘弘等言京城內外風俗僭侈簇盤糖纏豐備酒席服飾用織金寶石亡論貴賤射利之徒至販賣寶石以為專業或以進獻為名邀取官職倍獲價利憲國病民乞嚴禁革下刑部議上命備榜禁約犯者不宥

七年正月令六部都察院等衙門四品五品管事官及科道掌印官各舉所知一人調南京監察御史沈源於外任初南京僉都御史高明言守備軍士宜時試守備官役占尤多源乃令各衛悉具名數并本軍年貌按之將盡革其弊於是成國公朱儀及太監安寧等不悅因疏言南京國家根本軍械朝廷密務源視為常事計問名數且操練之時御史忽至則軍士紛然出候使事體不專軍機不密誠為非宜上然其言以御史更易不常何乃更張擾亂如此命械源至問理仍命自今但令內外守備參贊官閱視若為令此御史預軍事者皆罷之至是源至下獄刑部擬罪以聞有旨贖罪改外任源之被調也南京御史給事中及刑科給事中漢瑤等交章論救上以事既施行聽下南京禮部郎中呂晟及主事林孟和于南京刑部獄先是孝陵祀事自宣廟登極後委動戚大臣主辭南京禮部乃會官擬請成國公朱儀代輝以聞命未下儀辭不取輝仍主祭晟等乃上奏劾儀等曰謹儀辭為當移文輝仍主祭晟等乃上奏劾儀等曰謹按大明律凡大祀及廟享百官已受誓戒而用喪問病者罰俸一月其知有細麻以上喪令陪祀者罪同謹詳律意用喪不可則居喪豈可總麻不可則斬衰豈可陪祀不可則主祀尤不可者國家制律一本乎禮律之所在禮之所在也儀受朝廷重寄雖未奉詔旨而仰體聖心代輝行事未為不可榮宣輩依阿聽從俱不諱大體不權時宜臣等議忝禮官義不容諫

名山藏 卷之十五 憲宗一 三六

名山藏 卷一五 六五三

乞勅該部詳審所奏議擬明白上下其奏於... 守禮之在朝廷者也人臣以君命為重而事有... 者不可以論更禮義人心而生而情有不同者不... 可以繫論陵寢之祭寓哀愴之情視之廟享禮實不... 同制亦不可純用吉禮况孝陵等陵行禮俱不分有無... 服制亦不可純用吉禮况孝陵等陵行禮俱不分有無... 暫以代輝則祝文改易不幾許傳語旨然則輝仍主... 祭者蓋以君命為重儀等名曰引律心實扶私辭若... 議諸法俱宜治其妄命下之獄... 人居官年上言本部侍郎倪謙皆傳奉得官臣觀... 其人貶化願調臣官別用有旨責... 孟和毀辱大臣調為慶陽通判... 三月增置工部屬

官三員稅課抽分於太平蕪湖縣荆州沙市杭州城

南前此三處客商停聚竹木市賣有司收其課鈔至

名山藏 卷之十五 憲宗一 三

物及在外新造運船費用缺乏建請添官分往抽分

解部以充營繕是年所得僅餘千金其後積差者歲

歲加益至以萬數遂相率陵削封後軍都督府左都

督劉聚為寧晉伯劉聚御馬監太監未誠之姪歷官

朱永禦虜于延綏嘗失利黃革梁被創幾死而我師

轉戰擒斬虜級奪獲賊馬論功進陞左都督聚不滿

意果自願功為兵科所駁上不至與聚爭誓不盡

襲莊宗之制公侯伯皆論功定議蓋積其前後之

功無官可賞然後加爵非如百戶一級可至千戶千

戶兩級可至指揮也自都督同知趙輔征兩廣運大

尉勝遠得封伯爵人始不以得乙酉上復御經筵丙

戌上復御午朝禮部左侍郎邢讓國子監祭酒陳鑑

司業張業俱坐罪除名四月命外任考滿應選用風

憲者悉聽吏部推擢若為令旌異四川按察司僉事

李獻江西僉事史瓘廣平知府熊懷呂州知府阮勤

嘉興知府楊繼宗真定府同知會遠淮安府同知安

純東昌府同知陳儵杭州府同知陳祥九江府同知

相迪階州知州楊冕臨清知縣薛芳樂平知縣金澤

給誥勅五月以民疫多死置漏澤園於京城外蜀王

申鉉薨七月荆襄總督軍務右都御史項忠鎮守湖

廣總兵官右都督李震撫捕荆襄流民事竟降勅獎

諭整理天下預備倉遼王貴煖薨九月冊遼墜為慶

王陞戶科左給事中李森為懷慶府通判給事中吏

部各以本科資次當補者列名上請上皆如所擬作

森以左給事中特命陞外任吏部擬森與化府知府

名山藏 卷之十五 憲宗一 三八

使命有通判缺除去閏九月置靖江縣十月夜殺吉

至是嚴森懷慶通判以吉安民奸訟劫盜方熾且奉勅行

安知府許聰聰以吉安安民奸訟劫盜方熾且奉勅行

又其為人矜傲落泉官多疾之會副使夏寅提學至

吉安總發其平日克惡及侵欺官錢諸事未及勘報適

南京大理寺卿夏時正巡視江西考察官員入寅等

言考聰貪酷黜為民聰不服而守禦千戶蔣慶具以

其貪酷事白時正遂委三司掌印官年俸等執聰下

獄簡其簿案人命數具疏以問而監察御史俞蓋以

寅與聰有隙事有干對當提問亦具奏土道刑部員

外郎李廷美往會勘問還奏所勘人多病死獄中即

有傷於杖者亦非挾私所致惟侵欺罪實特擬聰監

守自盜律黜為民刑部以為宜盡受職法例發充

軍聽以己被俸等構陷亦具請人命害己等情聰辯

使夏寅蔣慶及佐使夏時正將人命害己等情聰辯

不已上以聰人命數多疑美等有所私蓋時已代

還集被逮復遣錦衣衛千戶金璋覆實械聰至仍命

一五二二冊 續修四庫全書 2 反正內

太監黃高賜用事而吉安人洪僧官往來賜所聽嘗善辱共僧官徒命瓦察其首血流被面以是恨聽而露之高即取中旨命即如所擬處決刑部給事中白昂等以未經審錄為請不從且令毋覆奏遂以是日夜四鼓押赴市曹斬之廷美生勸聽事不實降爵州府通判蓋降州判官寅等事俱免勸聽之死說者謂其兇暴致禍但係比律不許復奏又乘夜行刑皆高之罪而俸尋得召為太僕寺卿以運河淺淤調南京刑部左侍郎王恕為工部左侍郎總理之戶部請以布一疋准折文武官員俸糧二十石甲辰月食深州知州韓儒言比歲累廩明詔嚴察官治而奔競滋甚貪暴遂多乞自今在外有司必待三年或六年政績卓異民心悅服察之鄰境如出一口方許薦舉凡有舉主下吏部先察之舉得其人不必覆

名山藏

卷之十五

典謨記

三九

條陳時政皆嘉納之併石庚縣于合浦縣光祿寺少卿陳鉞上言近來蟲蟻房并清河等處畜養猴豹鷹犬之類不下八千有奇計其費每歲肉三萬七千八百斤雞千四百四十隻雞子三千六百九十枚棗栗四千六百八十斤粳稻等料七千七百七十六石直銀通數千餘兩今歲歉民貧流殍載路而羽毛之微得食人食乞行放散人匠倪忠等畫佛雕像歲費食米五百六十餘石工銀三千五百餘兩又多以技藝陞官乞行裁罷歲時及齋醮等事所用菓品曩皆散撮近乃黏砌裝盛尺盤斤數加增至千有餘侈於郊祀廟享至其求福求嗣祈雨祈晴并無實効夷狄餘教斷難信重乞黜無益停不急以養聖德節財用命所司省之兵科給事中郭鏗言曩歲見皇上下容直之詔禁增修廟剎納尚書姚夔疏處內庭有道今復見者豈於三事未克永終歟陛下試思羣臣有以言罪否近習有以禱祠惑否宮闈有以嬖倖寵否內省杜漸則善治可成天變可弭上曰諸大臣已言矣鏗復煩瀆固當逮問姑恕之是時工匠任文思院副使等官當緣陞擢至三百餘員又有以奇巧託監局官進獻輒乞傳奉一歲三四遷至太常卿通政使者

名山藏

卷之十五

典謨記

三九

每朝會宴饗參廁班行偶伍公卿冗濫猥多無慮千人至是吏部覆奏廷臣所議乞技精工匠量與賞賜愛惜名爵母輕遷官從之工科給事中張琳奏昔今久出大臣科道既有會議又復上奏並蒙俞允朝野慶幸郭鏜之言雖賜優容尚怒煩瀆異求言初意矣祖宗設給事中御史所藉以廓聰明輔紀綱也即其人未必賢言未必是願須容納養其銳氣宋臣胡寅有曰聽受忠鯁不憚拂逆非止面從必將心改伏惟陛下應天以實從謀弗拂人心悅天意回矣上曰諸臣言當朕身不從否亦不罪琳何又有此奏起用開

名山藏

卷之十五

典謨記

三

住都御史滕昭為兵部右侍郎自內旨左春坊左諭德王一夔言陛下因彗星之變令大臣科道陳言徒毛舉耳有可大憂而不昌言臣敢陳五事一曰正宮闈臣聞家齊而後國治國治而后天下平正倫理篤恩義厚所厚薄所薄定尊卑遠寵倖溥恩惠廣繼嗣如是者家齊二曰親大臣臣見皇上接見大臣常朝之外唯有經筵講讀而已其他四方章奏悉付左右內臣伏乞時御便殿少霽天威面召商略如是者大臣親三日開言路臣惟御史給事中之臣近多因言坐罪降黜乞悉許召還如是者言路開四曰慎刑獄

臣見皇上斷遣刑獄法司唯唯惟順之將夫祖宗舊制大辟覆奏必三所以重人命廣好生也近吉安知府許聰立命處決復以夜夫殺聰當罪猶且不可况又不當而法司之官絕不論執乞自今刑有不衷容其執奏大辟三覆遵用舊章如是者刑獄慎五曰節妄費臣唯京師創造寺宇費動以數十萬計又連歲不休報國之工甫畢崇國之役嗣興奉佛無益古事已明竭財不經儉德匪慎至如寶石藏在內府儘足充後宮矣京民涂宗順進獻無算靡濫難言所宜一切罷斥如是則妄費節上曰陳言耳而妄自張固

名山藏

卷之十五

典謨記

三

當治也方求言姑宥之虜入西安州固原二路虜入寧夏花馬池等處參將都指揮錢亮擊走之

名山藏卷之十六

臣何喬遠恭

典謨記

憲宗純皇帝

八年正月虜人大同西路募民納馬予冠帶棟閣各營馬步官軍兵部言日者四川盜起燒劫榮捷為二縣山西河南山東草寇竊發南北直隸水旱相仍淮河淤塞湖水耗竭所在民多轉徙行舟財被劫掠浙江旱潦齊患去歲江潮益漲草盜竊起兩廣之賊陝西之虜荆襄之流民寧息靡日所在有司既不能消

名山藏

卷之十六

典謨記

一

變於未然又不能弭患乎已發事機一失為憂將大伏惟申飭中外除盜安民禁嚴撫捕罰重隱蔽務絕其根類毋容玩愒納之穉穉賊首黃公剛等劫濱州及上林縣等村峒癸亥皇太子薨虜入安邊營左參將都指揮錢亮引兵追之與戰五晝夜我軍死者十三四於是西邊告急二月上命戶部右侍郎陳浚總督陝西軍餉命吏部右侍郎葉盛往延綏等處議處兵事謚皇太子曰悼恭以山西河南災傷連歲虜寇深入復設兩省巡撫榜諭奸徒之藏妖書者虜人定邊營把總都指揮廖斌追擊敗之虜人寧塞營總兵

官許寧都指揮李英指揮周賢都指揮劉寵合擊勝

之皆賜勅獎勵議搜虜河套忻王見怡薨旌異岳州

知府吳節延平知府盛顯金華知府李嗣瑞州知府

史宗禮平陽知府胡睿通判李杲永平知府王璽宿

州知府劉榮歷城知縣沈瑀商水知縣羅楫廣平知

縣何琮靈壽知縣劉冀貴饒陽知縣張韓鹽山知縣

武震滿城知縣劉翥新河知縣蕭智安平知縣王瑾

景州判官王左潞城知縣杜彪三月命荆襄流民遣

歸原籍復業者所在巡撫等官優卹未復業者招撫

之命籍團營官軍名數季終以聞四月京畿自二月

名山藏

卷之十六

典謨記

二

至是月不兩大風竟日運河水涸遣祭于天地社稷山川復分遣兩京侍郎祭告淮瀆東海山川之神冊申鑿為蜀王辛巳月食命三法司審錄罪囚遂分命刑部大理司屬分審于天下五月命武靖侯趙輔佩平虜將軍印充總兵統制諸路兵與總督軍務右都御史王越赴延綏等處擊虜六月虜入平涼鞏昌臨洮等府州縣七月修隆善寺畢工匠陞文思院副使者三十人書碑官尚寶司少卿任道遜等竝進卿少工科都給事中王詔等言比歲以來星妖示見江海泛溢天變於上地變於下炎夏霜降平地阜出猛

虎食人兩電傷稼夷狄侵疆水旱相仍瘟疫流行下
民疾苦陛下此時汰冗去濫猶恐不足節用抹凶寺
成碑完官爵陞授一至於此西征北伐捐軀隕命之
人胡以勸之伏望追寢前命慎重名器不允八月旌

異長沙知府錢澍常德知府楊宣建昌知府謝士元

士元長樂人任戶部郎上疏陳四弊為尚書年富所
與計有涉中官力抗之權建昌知府謝士元官作禮器
行射法購書以惠來學南京大理寺卿夏時正巡江
西首以士元名旌于朝滿九載民詣闕請留陞從三
品俸仍知府事以夏去服闕改知廣信永豐有銀冶
久闕處州民常盜發動以百計士元勅兵捉盜左股
被刺傷竟停賊塞穴還用薦擢右副都御史巡撫其
地蕃有大小姓者相煽為亂士元托行邊閱兵積餉
為戰禦計賊獻羊豕逐道左士元慰遣之民以歲侵
流入蕃部為廣室十餘區糜之藥病瘳死歸給符像

名山藏 卷之十六 典誤記 三

隆慶知州李鼎靖州知州蔣淇溫州通

判余鼎寶保定府推官鄭傑長沙知縣艾旻甌寧知

縣喬銘 銘越城人以貢士任 九月秀王見澍薨命宣

城伯衛穎守備鳳陽十月戊寅月食十二月賑京城

乞食饑民虜人與武營等處寧夏總兵官都督同知

范瑾戰却之

九年正月真人張元吉既免死謫戍其子玄慶為父

求免以母老子幼為辭上允之給事中虞瑤監察御

史龔晟等劾奏元吉擅作威福棄絕倫理改易勅書

僭用器物姦收祖婢勒要人財挾讎謀死三十八人

造意殺死一家三人罪當凌遲處死有日獲宥發戍
當時科道之臣尚以為言今復得放歸愚昧小人未
諳聖意若以元吉私情可憫則其所殺四十餘人之
中與獄中他罪囚豈無母老子幼如元吉者元吉本
五斗米賊後奉非道教有何功益蒙此眷遇一事雖
細關繫祖法朝綱伏惟審度上曰待其親終戍邊如

舊命順天府分官賑濟貧民勸課農桑虜入紅沙塢

守備偏頭都指揮戴廣追敗之虜人與武營遊擊將
軍王璽參將神英等遇之漫天嶺平虜將軍總兵官
寧晉伯劉聚等遇之半坡峰副總兵孫鉞與王璽神

名山藏 卷之十六 典誤記 四

英復遇之劉家塢擊却之追擊又敗之竝賜勅獎勵

命儒臣考訂宋儒朱熹資治通鑑綱目及後儒所著

考異考證諸書而以王逢集覽尹起莘發明附其後

三月始遣監察御史巡鹽河東陞福寧縣為州減雲

南銀課十分之五乙巳夜南京大風雨拔太廟社稷

壇樹旌異廬州知府朱鏞大名知府熊祥陝西按察

司僉事伍福南昌府同知李泰冀州知州胡瑛綏德

知州郝清臨江府通判王維台州府通判孔彥綸隴

州同知張詡城武知縣王達曲陽知縣喬良北直隸

山東民饑相食四月辛酉朔日有食之以旱災免山

東今年稅糧順天等府亦量減之命巡街巡河御史
瘞棄屍福餘等三衛虜賊結構海西女直屢犯邊境
遼東總兵官都督同知歐信副總兵韓斌等戰敗之
賜勅獎勞上閱騎射于西苑黜其最下者命自後精
選以補缺五月陞都督僉事李白玉為都督同知自
內旨以山東旱饑命河南等處巡撫等官分發其流
民於諸州縣所在區畫屋舍驗口給糧秋成遣之更
施山東徵役之賦賑以臨清倉粟米十萬起致仕禮
部右侍郎倪謙翰林院侍讀學士錢溥于南京管事
自內旨南北科道官相繼言謙溥不顧清議有玷名
名山藏 卷之十六 五

銀俱免京考見在當該者俱免考試與冠帶悉依資
格選用如是則文移通否年歲老耄一切不問黷貨
規進倖門靡極害政莫甚焉上曰朕患吏道不清嚴
考試為進退募入貲賍饑免考登仕教吏貪也御史
言是亟罷勿行重建伯夷叔齊廟于永平賜祠額曰
清節冊壕城為遼王勃各邊巡撫都御史整飭邊備
十月王越襲虜紅鹽池大破之賜勅獎諭癸酉月食
魯王泰堪薨十一月重閱騎射於西苑命翰林院編
纂宋元二史上接通鑑綱目開八館編纂之十二月
復設河州及文禮二縣

名山藏 卷之十六 六
十年正月勅王越專居固原總督三邊諸鎮軍馬二
月晉王奏鎮國將軍美塔有母喪請并以其子應得
祿米量支本色為喪費丁戶部議無例上曰人子不
得自盡於送終則終身悔雖無例特允之三月南昌
知府王詔詣京考滿以疾久不還任巡視侍郎原傑
奏罷之詔賂中官自陳疾愈累疏稱屈下吏部辯理
得復六科給事中劾詔宜黜上曰原傑黜詔以病也
病瘳矣何不可責給事而恕之崇王之國大應法王
劄實巴死有旨如大慈法王例建塔葬之撥官軍四
千供役禮科給事中王坦言劄實巴夷狄之人假名

釋氏陛下待之殊禮封之顯號特借此以撫其種類使不患邊耳如例祭葬之足矣而祭祀之品逾於王者造塔之費幾於山陵今畿甸饑饉連年餓殍載路卽以是費拯流離垂死之民豈不愈於厚一荒誕之胡僧哉上曰給事中言濫矣大應法王造塔比大慈法王已減三之二不許四月浙江參議審珍爲巡撫都御史所黜具疏稱枉吏部抑之特命復任增雲南鄉試舉人五名以街渠汚塞逮中兵馬司指揮巡城御史錦衣衛官較于獄五月禁藏妖書增設州縣勸農官六月岷王音塗爲其乳母子觀請免戍吏部覆

名山藏 卷之十六 典義記 七

奏不宜上曰觀母老失養王爲請厚道也其放歸養母死而戍邊陞工部右侍郎王詔爲左侍郎通政司右通政程萬里爲右侍郎自內旨南京科道官言王詔審珍既退復用啓奔競實緣之端上曰既命之矣兵部會吏部舉可巡撫寧夏者二人上不允已復推上曰邊境巡撫不宜用未練事者吏兵二部故當究之姑宥罪而陞南京都察院左僉都御史張鵬爲右副都御史以往起養病右都御史林聰以代鵬給度僧道南京監察御史任英言比歲旱勞相仍災異迭見內地存饑邊塞多警京城內外民食孔艱若復行

給度則天下僧道紛集京師米價益貴况此輩奸盜者多卽如四川僧徒悟昇乃爲賊首乞罷其令不從發團營官軍三千疏浚京師溝渠七月遼王壕城之長子卒于請以其妃妾殉上曰先帝顧命母殉後宮也王何戾耶婦無子別室遷之濮州民有乘饑爲亂者州捕殺之其弟同居富連坐上曰民饑思亂朕甚憫焉同居者不預謀杖戍之殺者家屬財產悉毋籍八月祀宋儒程顥程頤于博野縣願故博野人其五世祖爲宋太宗時端明殿學士因家洛陽知縣裴泰奏其事故有是命旌異廣東按察司副使孔鏞僉事陶魯林錦賜誥命九月癸丑朔日有食

名山藏 卷之十六 典義記 八

之令侯伯新襲及駙馬年少者送國子監讀書習禮十月旌異青州知府李昂湖廣按察司僉事尚禱浙江按察司僉事周正方河南府知府吉慶直隸眞定府通判傅恕順德府通判李觀故城知縣杜中陽城知縣耿昇錢塘知縣謝頰賜誥勅增設山東布政司參政一員提督勸農十二月起復太常寺掌寺事禮部左侍郎萬祺於家自內旨科道官言國家大祀時享諸司不敢以刑喪奏刑喪之人不得陪祀供事而况掌祀之大臣太常則掌祀也禮卿之貳則大臣也上曰朕將別用焉萬祺南昌人精祿命以椽授鴻臚寺序班有捷之者趨擢吏部主事

石亨將為英宗謀復辟以問其謀日某詳太... 湖廣寶慶等府縣淘金... 追妖書圖本悉妄誕不經愚民往往被惑乞備錄書... 名榜示天下使咸知其謬幻詔可... 混天機神經安天定世編靈關九龍戰江神圖天宮... 知賢稷遇神圖經鎮天降妖杖達通天混海圖定... 天定國水晶珠經全鎮洪陽大策金鋒都天玉鏡六... 甲明天了地金神飛通黑阮書通天徹地照倦爐經... 三天九關夜海金船經九關七透黎天經入寶擊天... 白玉柱天子金地醫劉太寶泄湯天機伍公經奪天... 名山藏 卷之十六 九

名山藏 卷一六

當先官軍陞賞有差... 十一年正月考察朝觀官吏部奏罷甯珍王詔從之... 故真人張元吉母死當成釋為民祀故監察御史伍... 驥都指揮丁泉于福建上杭縣... 竊發都指揮丁泉率兵守備本縣... 紀坎年賊勢益熾按監察御史伍驥入境聞變即... 馳至汀審察賊情調兵策應單騎入稟論以禍福... 出不意賊甚及聞驥論感泣至誠旬日之間脅從來... 歸者七十餘人破管寨泉奮身力戰為賊所害驥總督... 率兵深入攻破管寨泉奮身力戰為賊所害驥總督... 官軍弔死傷激揚義氣與賊戰十餘合破壁等... 一十八寨擒斬八百餘人賊平未幾驥遂殞命民皆... 傷痛仰哀出長財立祠乞設諸祀典歲時致祭事下... 禮部覆奏言居風憲持大體見驥類拾大... 士莊重寡言居風憲持大體見驥類拾大... 臣以沾名者恒非之過事當為果決敢在 二月閉... 名山藏 卷之十六 十

宜陽等縣銀峒申明酷刑之禁乙未月食三月虜自... 尖山墩西空入寇大同右參將都指揮李鎬遊擊將... 軍都督僉事綏謙等禦之金山兒迤西敗之追至嚮... 水河及尖山西空又敗之賜勅獎諭寧晉伯劉祿卒... 祿年故少命賜祭不予葬免輟朝著為令分命監察... 御史清理天下軍伍以多少為殿最四月置寶豐商... 城二縣命南北兩畿河南南門廣江西地廣民衆之處... 增設勸農官一員壬辰乾清宮災五月紀宮人之生... 孝宗皇帝六年矣以萬貴妃寵且妬不敢聞上至是... 上始知之下禮部擬名名不愜上意上自名之遂見

皇子於羣臣中外人心莫不歡慶六月湖廣總兵官左都督李震等奏沅靖等邊衛控制川貴廣西諸種蠻夷頃者苗賊攻掠不已雖已調兵捍禦卒難成功請如正統景泰年間靖遠伯王驥等故事大勦之上日蠻夷猾夏自古而有要在邊將羈縻得宜其令震等與四川貴州廣西參將土官人等分屯禦之肆侮拒敵則行勦殺聞風畏威則加撫諭皇子母紀氏薨七月唐王瓊垣薨印記馬騾駒於北直隸山東河南等處修理南京太廟八月借漕卒浚舊通惠河以通京師漕輓命朝官離家十年者方許省祭取陝西巡

名山藏

卷之十六

與議記

十一

茶御史選京選差行人二員禁茶如舊追贈真人徐道純父宗徽為太常寺寺丞母楊氏為安人自內旨開秦川大堤山兩營縣申家莊銀兩九月丁未日有食之陳州知州戴斯秩滿當遷州人言其政命復任陞陞二級旌異石府知府楊榮晉州判官張綱賜誥勅賜給反縣於慶遠府嘉波初屬南丹州土種羣仕武若莫法較屬與知州莫必十月增設專理河道工部官一員禮部左侍郎萬祺至改為工部十一月癸亥冊立皇太子詔天下陞右通政程萬里為戶部右侍郎侍講學士尹直為禮部右侍郎太常寺少卿孫廣安為本寺卿

自內旨十二月陞大醫院院使方賢為通政司左通政仍掌院事時賢自結於太監黃賜為賜蓋寺以修衙門為名揭撫罰納銀募匠易木所費不貲以此得寵前此雜流陞四品官帶俸者止太常太僕少卿及順天府丞以通政官帶俸者自賢始申明洪武間學規於國子監置高明縣編發自宮者於海戶令再犯者處死全家發邊遠充軍旌異萊州知府熊瓊韶州府同知方新成都府同知李祥東昌府通判蕭彥敬河南布政司理問諸豫歸德州判官陳獻賜誥勅己亥復邸王帝號上尊諡曰恭仁康定景皇帝修飾其陵寢

名山藏

卷之十六

與議記

十二

亥朔日有食之增設山西忻代諸州縣勸農官己丑月食給獄囚藥餌三月冊陽鑄為魯王李震破靖州苗賊五月復罷遣陝西巡茶行人陞工部左侍郎萬祺為本部尚書自內旨勅都察院左副都御史原傑往荆襄等處撫治流民六月瀧水等縣徭賊四出焚劫浚通惠河成蒙化洱海鶴慶大理趙州鄧州等處盜起七月皇第六子生定京操軍逃亡罪例黑青見命宋儒朱熹十世孫燉襲翰林院五經博士奉祀事設貴州程番府太學士商輅等條陳時政六事其一言哈密等處番人來京攜帶玉石多被細人誘引進

貢計囑行戶高直賣官規取厚利聞住番僧往往自
都綱禪師陞至國師佛子法王等給與金銀印信圖
書其有死亡徒弟承襲更求造塔二者皆侵耗朝廷
財物宜行禁治其一言廣東雲貴等處有貢奇花異
草珍禽奇獸珍珠寶石金銀器物此物非出所貢之
人必取諸民取民不足又取之土官夷人家一物之
進其直十倍暴橫生靈激變邊方莫此為甚乞勅內
外臣自後皆毋進其一言永樂閒以交趾為郡縣其
後守鎮非人遂致陷失今兩廣四川貴州雲南俱係
邊遠雲南與交趾尤為切近蠻夷土官易生事變宜
名山藏 卷之十六 典談記 十三

許皇上為此毋非欲上為母后祝釐下為生民祈福
何藉之於古未合禮經昔傳說告高宗曰黷于祭祀
時謂弗欽禮煩則亂事神則難伏望停罷凡內廷一
應齋醮亦悉禁止從之丁亥月食九月妖人李子龍
等伏誅增孔廟邊豆侑舞之數以邊警方劇令旗軍
有能出貲募兵滿百人以上者賜冠帶封誥銷為伊
王偕濤為韓王以征靖州苗功封李震為興寧伯詔
撫綏流民十月傳奉監生李英儒士領經萬燭邸存
敬等二十人俱冠帶中書科食糧御用監辦事英等
大監梁芳韋力轉相附結遂得進用往往取釋老書
及小說不經之語繕寫成帙標為異名以進驟至美
名山藏 卷之十六 典談記 十四

命吏部推選剛正有為大臣一員巡撫其處上嘉納
之以黑青見祭告天地于禁中遣官審錄天下罪囚
八月改南京戶部左侍郎王恕為都察院左副都御
史巡撫雲南丁丑內承運庫監生袁慶祥見帑藏虛
耗歲入不供而售直寶石無虛日月因上章極言命
杖五十送吏部令肄業國子監慶祥後舉進士監官
刑部主事員外郎為

官有一歲三四遷者經父理以巫起為太常卿繪工
部侍郎祺養子存敬初名棧為舉丞罷官至是改名
其他多宦家子 孕顏三衛夷人復請開馬市不許勅
邊臣防邊置饒平縣十一月續資治通鑑綱目成上
製序文弁首陞南京禮部左侍郎倪謙為本部尚書
翰林院侍讀學士錢溥為南京吏部左侍郎國子監
祭酒周洪謨為禮部右侍郎仍掌監事自內旨開設
鄖陽府

雷二府兵務防禦蠻寇三月慎妖言之罪時西敵行捕妖言圖官賞無藉者多為偽誘愚民而後以請告行事者捕之加以法外之刑究死相若無敢言者故命置商南縣陞商縣為州命慎選王府官嚴保勘

考試之禁四月封芝北為唐王修續資治通鑑綱目

成五月罷西廠之緝事者禁過刁訟六月嚴捕盜之

令革兵部尚書項忠職為民項忠字蓋臣嘉興人正統七年進士授兵部主事

事選員外郎十四年從北征陷房中以智自拔賊進郎中景泰初推廣東按察副使按部高州謀報賊家理慎無妄殺及訊其俘果皆良家被掠者盡釋之四年征瀧水賊有功丁外艱服除改山東天順三年擢陝西按察使丁內艱軍民詣闕借留起復之七年召為大理卿借留者再至乃改都察院右副都御史巡撫其地平洗喉諸番亂再與寧遠伯壽彰武伯

名山藏

卷之十六

憲宗二

三

信禦虜有功成化三年召還任院事其明年固原土胡滿四據石城叛復以忠督軍務與都督劉玉討之伏羌伯忠戰死我軍還却忠即陣斬一千戶以旬衆乃定廷議請益兵詰問忠忠謂不須益可坐而因之相持百餘日單騎抵賊寨論以禍福賊遂解圍薄我降其逸出者皆縱使去以服其黨賊寨每突圍薄我大小三百餘戰皆却之擒其愛將楊虎狸解所服金鈎賜而遣之約為內應卒擒滿四斬首七千六百餘乃遣人持榜出入招諭其脅從者殺總督軍務乃遣還鄉者百四十萬編成者萬餘斬首二千餘級獻俘于朝者百餘人詔暫留忠治進左都御史會李星見言者謂刑裏殺戮所致忠再疏自劾乞骸骨上溫語慰忠且召之還十年拜刑部尚書尋改兵部汪直開西廠錦衣百戶韋瑛挾直勢詞察屢與大獄忠草疏倡諸公劾奏罷之直內銜忠不自安乞歸未行直嗾東廠誣以賊私事上命三法司錦衣衛會問忠抗辯不服衆知直意無敢違者而忠坐為民久之陷忠者次第敗復兵部尚書致仕弘治初以建儲

再進光祿大夫十五年卒年八十二賜祭葬諡毅毅錄孫繼為嘉興所千戶忠剛果沉毅遇事敢為故能除敵制勝而實錄言其在荆襄時汪直復開西驅逐流民以被繫死道路者不可勝紀汪直復開西廠兩錢于京師太子少保吏部尚書兼謹身殿大學士商幹致仕商幹字弘毅淳安人宣德乙卯授翰林院修撰命進學東閣郎王監國陞侍讀擢入內閣時英廟北狩力沮南遷之議虜逼京師成與羣臣議經學士天順改元以景泰易儲事歸為民成化二年復前職與彭時議慈懿皇太后葬禮率廷臣伏闕爭陞尚書仍兼學士己丑冬煥陳時政辛卯冬彗見復兩稅事壬辰以天下水旱相仍請省科斂減力役寬兩稅弛利禁乙未進兼文淵閣大學士丙申加太子少保改吏部監青見後陳時弊丁酉兼謹身殿學士與同官論罷西廠尋乞歸歸寺後山時禮度滿遂詞氣溫徐居平敬慎論古今治亂得失是非慶

七月詔兩京

名山藏

卷之十六

憲宗二

六

堂上官五品以下者從吏部依例會官考覈時當考官皆自陳太常寺寺丞吳亮亦賑恤京都民之被水自陳休致上意其僻故有是命

者勅諭各邊鎮守巡撫等官從宜計議彼處弭盜安

民之術選將練兵之方備奏以聞辛巳月食八月命

杭州府祭唐臣褚遂良上曰山東兗州及南直隸諸

府州雨水為災民甚饑窘朕實愍之戶部臣其擇廉

能郎官五員分往賑濟復設河南巡撫官詔留巡鹽

御史雍泰一年以撫恤兩淮竈丁東廠官較發雲南

百戶左昇私事詞連通政司掌司事工部尚書張文

質及他官錦衣衛遂併執文質左通政何琮等以掌

印請上始知之即命釋文質而責問錦衣衛官胡擅
繫大臣者指揮使朱驥自伏命停驥俸三月九月詔
逐罷閒官吏人等之匿京師者詔自今邊儲三年一
盤查著為例置三水縣陞蘭縣為州吉王見浚之國
是月也以傳奉得官者三十有餘人十月復立哈密
衛於苦峪谷以淮安鳳陽饑荒暫止徵備用馬詔會
舉將材十一月嚴文武乘轎之禁詔稽覈遼東屯田
許朝鮮國市弓角朝鮮國王李葵奏言小邦北連野
而弓材所需牛角仰於上國今互市銅錢弓角等物
前禁甚嚴竊惟高帝特許收買弓角不與胡人一例兵部
言朝鮮恭順之國果與諸夷不同宜許而限其數上
名山藏 卷之十六 典誤記 七
今每歲許買 上以天下官吏朝覲姦詐之徒或緣私
仇妄相告訐嚇騙財物及陰構以事中傷良善又賢
否黜陟朝廷自有常典乃有與京官往來交通營求
作弊者竝命都察院榜禁之十二月戶部郎中李炯
然陳鳳陽諸州府救荒之策其一言建吳二廩人家
眷十八口已物故大半而月給米二十五石如舊請
量減之下戶部議可從上不許曰此先帝之賜數戊
申月食以太子太保兼都察院左都御史王越有紅
鹽池撲虜功命為兵部尚書仍太子太保兼左都御
史及原加俸一級

十四年正月傳奉降太常寺協律郎丁永中為本寺
寺丞襄王瞻墀薨定官軍歇操例歲以二八之月起
操至五月十一月大寒暑而止禁革倉場積弊二月
虜犯遼東發陽堡殺掠甚眾陞錦衣衛指揮使萬喜
為都指揮同知指揮僉事萬通為指揮使正千戶萬
達為指揮僉事予世襲命中外軍政官五年一考選
皇太子出閣進學增設雲南按察副使一員整飭臨
安兵備罷朝天宮工役命官軍五千修國子監賜山
東按察副使陳相鳳陽府通判馮珪登州府通判袁
玘開州判官林彥綱誥勅旌其善政總兵官都督同
名山藏 卷之十六 典誤記 六
知歐信巡撫遼東右副都御史陳鉞以襲擊三衛夷
之捷聞三月冠皇太子十三道監察御史言竊見巡
撫寧夏賈俊奏稱邊儲匱乏欲將河南陝西山西北
直隸兩考吏典及在京各衙門辦事滿者俱令納銀
免其考試即與冠帶民間子弟納銀許充知印承差
府州縣等官三年六年考滿納銀免其赴部考績戶
部議為准擬詔旨許其通行稽之往年陝西一方偶
有納馬納草事例至今朝論不以為是堂堂天朝富
有四海海量入為出用一省百邊儲胡患不充軍需
胡患不足而為此賣官鬻爵之事伏乞痛革前弊別

圖長策使邊備不乏名器不濫上曰漢文帝從晁
 備邊之策後人惜其作備納銀足邊後世謂何御史
 言是一切罷之錄陝西岷州擒斬番賊功命禁安南
 國使臣多挾私貨有言建州三衛夷故無罪陳鉞邀
 擊為功勅兵部左侍郎馬文升等往招諭之盜起福
 建上杭縣勅鎮守太監盧勝巡按御史戴用等督捕
 之巡撫遼東右副都御史陳鉞再以擊建州之捷聞
 封閉烏撒衛天生橋稻田壩奈章場等處銀峒復開
 遼東廣寧等處馬市 陳鉞奏永樂間遼東設馬市三
 女直一在廣寧城以待朵顏三衛正統間因馬市
 情已罷其二惟開原南關市獨存近者朵顏窮迫潛
 名山藏 卷之十六 憲宗二 元
 結海西轉市於我而海百藉彼馬力數犯我邊若許
 復開則有以收存顧之心散海百之黨而中國亦受
 其利下廷臣起都察院右僉都御史高明巡撫福建
 會議報可 高明貴溪人少刻嚴急母景泰二年舉進士
 以平盜拜高明貴溪人少刻嚴急母景泰二年舉進士
 吏例當為令州又以其為誣設今所奏實不遇當
 制可著為本律出按河南無恒安和民日之不為河
 狀止坐本律出按河南無恒安和民日之不為河
 者欲履取內入與吳深對三法司奏請五歲臺稱二
 妙天順改元與吳深對三法司奏請五歲臺稱二
 院獄四五十餘人白晝劫獄明等廷劾下朝觀止行
 者掩捕得之四年與吳深對三法司奏請五歲臺稱二
 疏詞頗激也吏部院累年者明請任不以累起都
 日能御吏也吏部院累年者明請任不以累起都
 內任又謂寇深可都御史也吏部院累年者明請任
 州人民無故驚疑扶老攜幼俱往南奔兩月方定明

上言宜修人事以回天意下禮兵二部禮部尚書
 邊請勅兩京文武羣臣修省兵部尚書王汝請於南
 京守備等官飭武事防不虞皆從之又言刑部郎中
 孫瓚陳鴻漸梅倫兵部郎中何宜工部主事宋瑛皆
 廉潔端方拙於謀身不求知聞毅然求退乞勅吏部
 顯擢以獎恬尚又言學較人才所出而近年開四
 歲以上及納馬等例多至萬餘人相謂納馬入監
 公乘者陸贄進諫臣今亦恐舉人相謂納馬入監
 吾明經朝論難之頃之楊州鹽徒為盜殺巡江千戶
 及巡簡官兵十餘人勅明從宜督捕明遣巨艦名曰
 壽亭督卒伍往來江南北會朝廷遣中官及錦衣較
 卒五十人籍首惡家明處變起館教五十人者不使
 出戶而外校方各督兵分擒九百人盡得之中六十
 餘人劫獄復入江為盜明使伏於蘆洲伺其出沒
 盜作劫復起得便宜行事明力疾上道伴獲四百餘
 人誅其首惡四十遂請拆縣之縣名永定旋乞致仕
 卒明廉約清峻所至整肅恬于仕進但規摹頗隘不
 能有容晚年女已聘其人 四月陳鉞復以擊虜之捷
 改進宗室為鄉人所薄 名山藏 卷之十六 憲宗二 元
 聞巡撫四川贊理軍務右副都御史張瓚以破松慶
 等處夷寇之捷聞五月以尚寶司少卿戴縉為右僉
 都御史自內旨翰林院儒臣編集御製詩成遼王壕
 城薨商州大水民多滄沒六月設恩平縣陳鉞復以
 擊虜之捷聞命太監汪直往遼東處置建州三衛邊
 務英國公張懋等奏京師大圓通等寺非有不可已
 之役而官軍所以威勢而懼戎者也而動撥營造當
 此暑雨下情不堪且今邊報迭至正蓄威養銳之日
 請行暫止上曰內官監材料具備借力一運秋可畢
 工毋止也大慈恩寺禪師喃渴領占等乞給銀印許

之福建盜平普定等處蠻賊劫掠總兵官吳經等欲
大發湖貴雲南兵擊之上曰貴州深阻恐未必得賊
徒傷無辜其勅巡撫都御史陳傑往度之備盧七月
以北直隸山東水遣官勘濟八月上曰畿內山東諸
府災傷甚其合追糧草馬匹及一應差役宜停止分
豁者具奏聞選官分賑之江西亦水其令南京刑部
右侍郎金紳往視科道官各上救災事宜因言比來
各色工匠或自叙斤斧微勞或造奇巧玩物希求恩
典輒受官職至於官軍捕獲妖言乃其本事不論輕
重一槩遷官况其中枉誣比比別賞過中亦災所繇
名山藏 卷之十六 憲宗二 主

院貧人布二千五百餘疋巡撫遼東右副都御史陳
鉞奏比聞建州衛夷虜酋卜刺答等仍糾餘黨盜邊
宜復調軍檇巢永除患苦下兵部尚書余子俊言建
州海西諸虜近蒙恩諭多已改悔鉞出傳聞復請加
兵恐起舊釁乞令嚴飭所部詳加偵瞭至乃出擊去
勿窮追倘卜刺答等服罪人貢及朶顏三衛被滿都
等仇殺避難近邊俱宜曲加慰撫毋貪功妄殺失朝
廷懷柔之義詔可十一月始令翰林官習儀先是翰
儀自永宣以來並免習儀至是萬壽節歸衣緋事官
故事以聞命宥之仍命自今內
閣辦事者免其餘並習儀如常裁革廣西養利州土
名山藏 卷之十六 憲宗二 主

知州永康縣土知縣置流官修南京稷殿十二月諭
戶部臣曰今歲北直隸水災殊甚聞紫荆關水門被
水閘流至涿閘門則人民禾稼災困可知有田畝應
免者悉免之癸卯月食申在外武官私役軍士禁稅
十五年正月二月禁自官以求進者四月以吏部聽
選官李孜省為太常寺寺丞監察御史楊守隨等言
我祖宗立法定制官人必繇資格核士必考素行是
以奸偽衰止流品疏清至於祭祀之禮罪人不得供
事刑官不得省牲疾病刑喪不得陪從其典尤重李
省故胥也受賂逃匿數於京師其資格則刀筆也

其情罪則胥靡也小方投合忽無級陞命下之日士
 論沸騰奈何用此奸罪穢人實事天地宗廟之駿奔
 吏科給事中李俊等亦以為言上曰其改之上林苑
 監乃以為左監副慶王遂壁竟五月兵部左侍郎馬
 文升坐招撫建州海西夷夷人復犯邊都察院右副
 都御史年俸坐受人財皆下獄請戍上曰年俸職司
 風紀大肆奸貪馬文升撫夷也夷復變六科十三道
 胡容隱不糾奏者其陳狀於是給事中李俊等二十
 七人御史王濬等二十九人合詞請罪詔廷杖之人
 二十陞都察院右僉都御史戴縉為右副都御史自
 名山藏 卷之十六 史記 卷之二 五

內旨特加工部尚書萬祺太子少保七月命汪直行
 邊八月南京刑科給事中李鸞先奏南京工部所屬
 虛費官錢下南京工部覆之覆上言妄調鸞為判官
 已南京科道奏鸞言無非為國節費雖不實乞宥罪
 上曰有旨旌異桂林知府金純武昌知府秦夔濟南
 知府王璟揚州知府周源廬州府同知李鳳霸州知
 州蔣愷廣德州知州周瑛深州知州韓儒道州知州
 方璟六合知縣唐詒藁城知縣李興陽曲知縣宋賓
 賜誥勅 瑛補田人成化己丑進士授廣德州知州教
 調鎮遠 累官四川右布政使致仕先是陳獻章倡習
 靜之說而嘉魚李承箕得其傳瑛移書讓之日始學

之要先收放心收放心居敬是也居敬則心存聰明
 睿智皆緣此出然後可以窮理所謂窮理者非謂靜
 守此心而理自見蓋推之以至其極也孟子曰萬物
 皆備於我言人心無外也不即物窮理能盡此心之
 體乎今不務此乃塊然靜坐求畢 用之學吾見其
 難已論者謂獻章主靜得聖門宗旨乃其濫觴流於
 世者 律呂管鑰字書管鑰等書 冊 祁鏞為襄王九
 月孝陵大風拔木遣守備成國公朱儀祭告于孝陵
 傳奉陞禪師結幹領占為國師冠帶監生盧英為鴻
 臚寺序班汪直奏刑科給事中趙良行事輕浮先時
 上書不謹難居言路外調之十月命汪直監督軍務
 撫寧侯朱永佩征虜將軍印充總兵官討建州夷巡
 撫遼東右副都御史陳鉞贊其軍復命朝鮮國王李
 名山藏 卷之十六 史記 卷之二 五

妾出兵夾擊之太子少保戶部尚書楊鼎乞致仕不
 許再請許之賜勅曰卿歷官翰苑纂修講讀効勞良
 多殫心戶部國賦通融厥績茂焉朕方圖任老成卿
 乃引年至再茲特允請命給驛舟送歸仍令有司月
 給米二石歲撥人夫四備贍用夫優老敬賢者朕之
 心執禮養恬者卿之志功成身退者士之榮去國懷
 忠者臣之厚卿篤念此尚優游田里化導鄉人使風
 俗歸淳治理臻感則足副朕眷卿亦永終譽哉時方
 簡臣朝論以為優 乃若學治三經宣德末鄉舉第一
 開南京祭酒陳敬宗嚴教即求入南監從學開戶讀
 言雙食躬作正統四年會試第一廷試第二授翰林

數及三倍民困如此非死即徙非徙即盜耳上命祇徵五升三合五勺如開墾荒田則例六月禁貴戚世家侵占民田巡按遼東監察御史強珍奏建州班師亡何虜師入髮陽清河殺掠男婦五百餘人頭畜無算實錄前巡撫都御史陳鉞啓彙邀功致其報復諸守將不能禦却之又畏罪貪功隱匿不聞直待朝廷論功陞賞陳鉞回京之後始以入奏請逮問欺罔用正厥罪兵部尚書余子俊等覆奏引皇明祖訓參鉞累犯死罪不宜再縱當從珍言上命守將吳瓚崔勝戴罪殺賊鎮守太監章朝停歲賜食米半年總兵都督蘇謙與鉞各停俸一年餘皆屬珍逮問之兵科都給事中吳原監察御史許進亦論劾章朝等冒功匿罪雖已停俸尚宜重處其劾陳鉞以為黃潛善賈似道之流上曰是業處分姑已之已汪直自遼東還奏珍行事乖方所參被虜人畜皆妄請治其欺罔命錦衣衛千戶蕭聚往勘若不實即械京鞠之七月逐自宮以求進者申明存恤孤老之令蕭聚至遼東不能有所勘但械強珍以來汪直先執珍拷掠之然後聞奏命會官廷鞠坐奏事不實贖杖還職內批謫戍之遼東尋以兵部及科道官先嘗妄劾陳鉞及都察

名山藏

卷之二十一

典謀記

三

院奏差強珍不當俱令回奏皆服罪上責都御史王越不謹姑宥之兵部科道官停俸各三月鉞舊所停皆免之以儀真批驗所盤掣私餘等鹽三萬引賜太監梁芳丙子曉刻月當晦不晦十二月命汪直同太監傅恭劉恒於神機營把總仍提督十二營南京科道官復劾奏陳鉞罪上曰前者給事官劾鉞不實已責之而又何言故當執治姑罰俸半歲傅奉錦衣衛指揮同知僉事千戶百戶倪端等十一人俱遞陞一級傅奉序班許賜等為錦衣衛百戶廟官顧倫為太常寺博士及文思院等官毛祥等二十人有差僧錄

名山藏

卷之十六

典謀記

三

將內府各監局及在外諸寺觀皆有書辦人員傳錄道書佛經及詞曲小說所至有違奉內官一二人領

其事書成上送備以珍以陳鉞為兵部尚書太常寺
玩隨其輕重得恩與以陳鉞為兵部尚書太常寺
少卿顧珥喪母乞誥祭予之吏部尚書尹旻請再贈
其父以免再給又予之三月徽王見沛之國汪直來
報大同捷遂獻俘加直歲米三百石永世襲爵越加
陞太子太傅歲增祿米四百石本色三百折色百石
寧前軍都督府事總五軍營兵提督團營操練廕一
子錦衣百戶陞戴縉為右都御史右僉都御史屠瀟
為左僉都御史白內旨設平虜衛是月久旱恒風四
月掌太醫院事右通政蔣宗武乞原籍官地為業予
之戶科都給事中劉昂等劾宗武猥以末技攘取顯
名山藏 卷之十六 典讀記 三九

而右參議劉英泄其事于旻上下旻錦衣衛獄具上
聞上釋琮杲忠不問調英旻於外任英降一級瑞雄
晟明皆停俸三月冠罪如擬越數日吏部擬旻漳浦
知縣英陝州知州有旨責辜緩尚書尹旻伏罪宥之
更調英旻于邊方總督兩廣軍務右都御史李英總
兵官平鄉伯陳政等擊敗猺獞之為亂者擒斬三千
有奇禮科都給事中張鐸兵科給事中蕭顯以言事
忤旨吏部希意擬外除鐸漢陽府通判顯隴州同知
故事給事中序遷至知府為劣至是外除為府判州
佐內旨允鐸再改顯於貴州吏部言貴州州皆裁減
名山藏 卷之十六 典讀記 三九

通政仍管監事給太常少卿丁永中先任寺丞勅命工部員外郎蕭奎嘗以事忤中官至是陞雲南按察僉事提調學校中官言其不稱命調之貴州辛未曉刻月當晦不晦九月御史十大節言事詞頗切直留中不報密諭吏部外調之以為鶴慶軍民府推官李孜省上官右通政王景以其雜流心易之孜省進密帖命調景太僕寺少卿十月丙辰月食傳奉道錄司右至靈鄧常恩等為太常寺卿錦衣衛指揮千百戶等官有差又以五十餘人十一月汪直奏臣至宣府分守要害虜知有備遁去近邊無烽火乞班師還京

名山藏 卷之十六 典謨記 憲宗二 三

上曰冬月正宜隄備提督光祿太監楊鵬請陞本寺寺丞楊惇為少卿典簿徐敏署正王佐為寺丞從之十二月改錦衣衛百戶何瑾為尚寶司司丞瑾從太引進羣小納賂求官而已因得厚利又獲轉職命王越佩征西前將軍印鎮守大同仍與汪直提督京營宣府右路軍馬是月也以傳奉陞官者二十餘人

十八年正月賜太監梁梁兩淮運司存留鹽五萬引傳奉內府供給事者順天府通判沈政為太常寺少卿二月汪直王越使錦衣衛帶俸都指揮使汪鈺來報之捷陞為後軍都督僉事內使郭文自南京

還道沛怒知縣馬時中供應不時榜掠時中子至溺水時中赴水救之起呼冤文禱時中衣紮以行老人及水夫等繞船大呼叱之不退文使家人田福順以兵器擊殺老人二人遂相訟於朝命錦衣械時中等至京鞠之法司坐時中奏事不實贖罪還職有旨降一級調廣西邊任為慶遠經歷福順如律抵罪錦衣衛帶俸指揮使栢珍卒其子乞祭葬特許之旌異太原知府張鼎懷慶知府倪顯衛輝知府張謙蘇州知府劉瑀池州知府常顯黃州知府王霽衡州府同知海輔松江府同知于準薊州知府汪溥耀州知府鄧

名山藏 卷之十六 典謨記 憲宗二 三

真鄆州知州李瓚隴州同知嚴春湖廣布政司經歷楊紹澧州知州鮑愷賜誥勅命汪直總鎮大同宣府等處尋命專鎮守大同是月也以傳奉陞官者十餘人三月賑濟蘇松淮揚山西大同饑民罷西廠勒兵部尚書陳鉞致仕右軍都督馬儀南京閒住儀奏賦時尅取官銀營求陞職用指揮監造器皿役千戶入京謂事擅殺進貢夷人侵其方物隱匿俘獲男女擇有邑者二人與子澍分收之與汪直誣陷御史強珍侍郎馬文升誣成御史王崇之不從其誣報有功亦被誣降爵員授錦衣千戶亦恃勢為非事下都察院請遣官按之上令鉞致仕儀閒住調對永平衛左所

傳奉陞尚寶司司丞李景華任傑為本司卿

陳敦大常寺少卿翰林院侍書嚴勳尚寶司司

丞光祿寺署正楊紀太僕寺寺丞其餘二十人皆以傳奉得官四月傳奉陞錦衣衛帶俸都指揮同知萬喜為都指揮使指揮僉事萬通為指揮使舍人萬祥為百戶帶俸百戶萬通家人徐達為正千戶較尉劉惠為百戶其餘以傳奉得官者五人以不雨遣告天地山川社稷之神五月刑部右侍郎林鶚子被援例乞為國子監生下禮部以舊例奏上不允日蔭叙大臣所以崇德報功示激勸也自今在京三品以上官果政績顯著許一子自陳試能通經方許入監容容保位無益於時者無濫授是月也以傳奉得官者四名山藏

名山藏

卷之十六

三

十人大監梁芳錢喜家屬與焉時傳奉盛行名器愈戶持寵鬪勝而梁芳尤甚每一傳奉除拜滿紙謝恩私第首相踵前後母慮千人六月虜寇延綏河西清水營等處邊將分兵禦之有斬獲論功行賞傳奉南京住俸太監錢能同安寧等守備能自同罪重罰輕至是復以進奉獲用是月也以傳奉得官者十有一人南布政司歲祭故翰林院學士王禕之祠是月也傳奉太常寺少卿陳敦為卿尚寶司卿李景華為太常寺少卿其餘以傳奉得官者六十餘人道流畫土工匠皆與其選八月久雨衛漳漳沱等河漲溢運河口

岸多决河南城署廬舍壞人畜死亡不可勝計南京尚膳監奉御慶載薦新品物舟及沛其人毆傷縣人至濟寧咎人懸牆至死管河右通政楊恭以聞命刑部郎中朱守孚往勘守孚委罪巡河官上言皆宜治命宥之停俸二月是月也以傳奉得官者十有八人閏八月武城後衛倉使應時用建言六事其一事言饒州燒造御器使內臣監督供費濫溢自後請但降式於諸司使造上上詰通政司官何琮等何不參駁皆服罪停俸遂命錦衣執問之錦衣坐時用建言希進指斥不恭法司擬贖杖還職命調之邊方巡撫山

名山藏

卷之十六

三

西左副都御史何喬新劾奏按察僉事尚敬劉源曠職延獄併乞通行天下巡按御史凡三司官滯訟半年以上者悉奏請執問上曰刑獄重事也周書曰要囚服念五六日至十旬時桎梏綬綬久拘繫之不瘳死耶喬新劾奏甚善其即究治其人令天下刑官謹獄以副朕意是月也以傳奉得官者十有四人九月分守獨石馬營右少監崔榮署都指揮僉事吳儼追虜被圍棄而逃上怒逮獄論斬榮求於近幸乃自訟上曰念其追敵非坐視者於是榮儼並得降級庚戌月食是月也以傳奉得官者二十四人而姚福員以

白衣為錦衣千戶十月陞湖廣茶陵縣為州傳奉帝

南京濟川衛軍章瑾役召還之瑾以人匠販進寶石

累巨萬賄賂中官無所不至是月也以傳奉得官者

二十有五人十一月禁諸王府不得與親屬為婚姻

吏部請補六科左右給事中之缺命疏名上僅陞兵

科給事中張以弘為禮科給事及補南京工科一

員自是見任科官不及額員之半太常寺奏太祀將

及有看牲分獻禮各衙門帶俸官例不得行獨去年

以分獻命通政司帶俸右通政李汝省今看牲官數

未敢定擬上令汝省仍分獻免其看牲汝省先為太

道官常劾其坐罪例不當供祀而罷既復進是月也

乃以祈邪術蒙幸預郊祀分獻歲以為常

以傳奉得官者五十有七人而掌太常寺事禮部左

侍郎劉岌得為本部尚書掌寺事如故太常寺少卿

丁永中得為本寺卿禮科左給事中張以弘得為本

科都給事中大慈恩寺灌頂大國師劄實堅剎乳奴

班班丹得陞為西天佛子賜詔命衣帽等物復以傳

奉予兩淮鹽引太監劉通得一萬王包得六千錦衣

千戶徐達得三萬十二月文華大訓成以授皇太子

其書四綱二十四目四綱曰進學曰養德曰厚倫曰

明治上親序之復題其後曰惟我祖宗定制皇太子

既立中外政務率令啓聞欲其廣見識達治體也朕

侍皇考日亦嘗命見羣臣預聞政理臨馭以來兢業

圖治十有九年于茲蓋嘗因旱郊禱惕于星變肆赦

海內葺郊壇以奉大祀增籩豆樂舞以禮先師廣進

士之額重老臣之歸加養濟窮民之廩開武學儒生

之貢減糴出賑以濟民饑恤刑審錄以清獄訟修文

究武飭內攘外朕宵旰靡遑慮功業之未茂也夫為

治之道舉綱必挈其要張目必該其凡是編所述庶

幾盡之爾尚究心副朕豫教之意念之哉手勅陞太

子太保吏部尚書萬安為太子太傅兼華蓋殿大學

士太子少保戶部尚書劉翊為太子太保兼謹身殿

大學士少保禮部尚書劉吉為太子太保兼武英殿

大學士尚書如故錄刻復哈密衛右都督罕慎為左

都督仍掌衛印其餘論功有差定僧道犯公罪不還

俗人令巡撫南直隸兵部尚書兼左副都御史王恕

而江志僧道多因故入侵占田土負欠租稅註誤致

罪者請同常人收贖法勿令還俗都察院會六部議

命犯罪充軍不勾丁補役之外史察御史

言天下官民犯罪者宜德十年詔令止終本身

嗣之義并違舊制章下兵部言申明禁止天下從之

名山藏

卷之十六

史記

重

名山藏

卷之十六

史記

重

名山藏卷之十七

臣何喬遠恭輯

典謨記

憲宗純皇帝

十九年正月增置北勝州流官知州一員二月祀故南京吏部尚書魏驥于縣之德惠祠以配宋令揚時命襄城侯李瑾統軍夫萬人修大慈恩寺建豐盈倉于豐潤縣以貯歲運都察院奏文職官有犯聽許財物問發為民此律文也今有援例奏辨求復者夫其人職雖未入己已見貪矣按官吏凡犯貪淫俱罷職

名山藏

卷之十七

典謨記

一

役不叙此亦律文請加考焉如素行不謹令其冠帶閒住上曰居官本廉聽許與受雖若有閒心羶之矣如律為是錄贈大理寺丞鍾同子越官勅有司月給同妻米給工部文思院大使等官牙牌以八十餘員從大監黃順奏請也初順奏下禮部言文思院大使共九百餘員俱應自奉牙牌者已過半矣夫牙牌才為朝參而設工匠非戶部尚書翁世資乞所當得也上曰與之不為例致仕上曰卿乞休者屢朕不違卿志加卿太子少保給驛以歸有司月給米二石歲辦應役人夫四賜勅曰朕聞義最繫終吉之辭禮經明進退之節卿累疏求去蓋得節於禮經朕用錫卿終吉之福卿歸念之

優游田里化導鄉人俾後賢觀法風俗淳厚則治理自臻足副朕眷遇之懷是舉也朝恩以為渥是月也以傳奉得官者六十有六人三月禁禁家中鹽以侵商利者以太子少保兵部尚書余子俊服制將闕驛召之己酉月食復設壁山縣是月也以傳奉得官者十餘人而刑部主事郭宗得陞為尚寶司少卿宗舉善刻印章為中貴人所引日與市人賤子駢肩供事後心愧以疾四月巡撫陝西都御史阮勤奏岐山縣有周公廟咸陽縣有周公墓河有漢諸葛亮鳳翔府有宋范仲淹藍田縣有呂大忠大臨大鈞祠並歲久淪毀乞修治賜祭上曰周公之

名山藏

卷之十七

典謨記

二

制作諸葛亮之興復范仲淹之經畧功在當時呂氏兄弟得傳伊洛有補名教祠墓弗治祀禮缺廢失古祭法之道下有司修葺之周公墓歲兩祭墓以二丁守視亮仲淹及呂氏兄弟歲一祭焉封朝鮮國王李婁長子隆為世子諭禮部臣曰婁恭順異他國賜其世子作勅諭王馬英國公張懋等四十三人自陳祖父以靖難除叛功予爵祿世世近有減除祿米之例非祖宗報功意請復其舊事下戶部左侍郎潘榮言頻年水旱倉廩缺之所入有限所出日滋非經久計懋等無事之時欲請增祿若其功何以勸賞上曰勿

許也實授試御史陸淵等十一人上曰御史之設不第取諳練刑名將以求體貞度焉有老成有學行者乎慎選之是月也以傳奉得官者二十有餘人五月減浙江銀課三之一鎮守大同太監汪直馳奏近得虜報言虜且大入乞將臣故所統達官頭目都督深等千一百人兼程赴援下兵部尚書張鵬等議時方盛暑師難久戍抑大同各邊士馬計且四萬足守禦矣請姑勿許而第勅謹備之因言京軍之設所以控四夷優游蓄養乃可望折衝邇來差役疲困銳氣消沮乞停罷之詔可保國公朱永等亦言團營見軍九

名山藏 卷之十一 典謨記 三

萬三千四百有奇各處更番赴工者五萬二千下場者二萬四千六百操練者僅萬六千七百而已勞逸頻繁不遑蓄銳即馬匹亦散牧遠郊恐警急卒生難以調集乞暫令回營俟調遣上令止京倉之役大慈恩寺趣工下塲蘆溝隄岸并通州倉繕治畢即令休舍之是月也以傳奉得官者十有餘人而太常寺顧珙得陞本寺寺丞趙玉芝母得賜誥命玃故大德顯靈宮廟祝自幼扶鸞假神降言福禍與徐中官以達內庭遂得幸二子傳其術亦皆得官玉芝初用左道托內臣以進歷任未及半年其母遂得賜勅六月調汪直於南京御馬監總督兩廣軍務右都御史朱英等馳奏廣西桂林平樂等府

蠻賊猖獗總兵官陳政等部分漢達官軍土兵尅期並進以有成功蓋攻破黃姜桂山等峒一十六擒斬首從二千一百二十四奪回被虜男女以三十七命賜勅褒勉之是月也以傳奉得官者十有餘人而高士王應椅得援文職例馳封其父母七月大同總兵官許寧等奏分守左參將劉寧左監丞石岩自宣府移守至陽和之三日虜入境殺掠當論罪下兵部覆上上曰二日爾號令未行威愛未立部下勇怯地利險易未究知也其令勉圖自贖增置四川布政司參議一員提督銀課前此會川衛密勒山銀場歲課一萬三千五百兩有奇礦夫六百餘名後皆停止至是復開兼開沙野山銀場礦夫視舊增十之一而會川離四川三司又二千餘里太監蔡用言必得參議一員領勅提督庶銀課無虧戶部覆奏從之皇第八子生後兩月薨宣府總兵官周玉巡撫都御史秦紘等馳奏煤峪口等處有虜萬餘越山而南大肆劫掠大同總兵官許寧等督戰數合比暮斂兵相持翼日以三萬餘騎突至與慶戰二晝夜勝負未決臣等尋調副將江山等應援仍行緣邊屯兵戰守臣玉臣紘則分駐於萬全左右節制之上命兵部令馬俊率所統兵兼程進擊以圖犄角頃之寧兵失利謬以捷聞得勅獎焉余子俊至命為戶部尚書是月也陞太常寺丞趙玉芝

名山藏 卷之十一 典謨記 四

子俊至命為戶部尚書是月也陞太常寺丞趙玉芝

為本寺卿尋誥命八月虜復擁眾犯邊大同總兵官許寧以聞下兵部會議請勅宣府總兵周玉將兵二千馳合擊之仍勅太監簡顯都御史秦紘練兵防守其他諸將俱令協守赴援選委重臣二員一自居庸關抵龍泉關一自古北口抵山海關令歷視險易而區畫之上曰是遂勅許寧率衙何喬新巡歷邊關大理寺少卿侯鍾往保定等處監察御史徐鏞等言軍旅之興倚辦芻糧比歲諸邊倉庫費出無經言及出師輒云糧乏聽征之焉則第支草無備甚矣請勅戶部悉心規畫尚書余子俊等覆奏洪武永樂時以天

名山藏

卷之十七

兵謀記

五

下歲徵給諸邊軍馬歲用之外尚有餘積自正統末年以來京城及諸邊添調數多無事之時俱給糧草而民間田地又因冊籍說寄者多以故賦稅日減供費日虧且水旱蟲災歲賑有常例在還官今竝槩為赦免鈔錢鹽三法乃國家財源胡椒蘇木俱官吏俸銀之助今竝沮廢此何得不憂將來請自今凡賑濟通負之糧第從緩征若頒恩詔則如古者賜明年田租之法行之凡諸說籍悉令改正而踏勘災傷則使風憲官同軍衛有司訪察勘奏分巡官使兼理糧草巡鹽巡茶管屯官使歲滿具報本部而其原尤在朝

廷務本而節用也上曰善務本節用朕留意焉巡撫宣府右僉都御史秦紘總兵官周玉都指揮孫成等擊虜勝之賜獎勅降南京御馬監太監汪直為奉御除威寧伯王越名安置安陸州革南京工部尚書戴縉錦衣衛帶俸指揮劉綬俱原籍為民命工部右侍郎張頤致仕復馬文升強珍項忠職子致仕命太監懷恩戶部尚書余子俊閱視團管官軍以杜賄賂買閒應役權要之弊大同總兵官許寧宣府總兵官周玉鎮朔大將軍保國公朱永先後以擊虜之捷聞九月朱永復以擊虜之捷聞妖人王臣伏誅

名山藏

卷之十七

兵謀記

六

也以妖術為太監王敬所信任敬奉使蘇松等府請臣及百戶王完等十九人從所至陵轅官吏毒害良善詐傳詔旨括取奇玩多索美女奸淫之還京為太監尚銘所發下都察院鞠治得實獄上上曰臣等在於矯詐為姦惡非重戮不足謝天下亟斬之仍梟示於被害州縣王敬充南京孝陵衛淨軍種菜完等發開元肅州授吏部聽選監生陳獻章為翰林院簡討二衛充軍許歸養分守代州右參將都指揮使支玉等以擊虜之捷聞雲南木邦宣慰司下孟密曩罕弄奏累為木邦所擾乞別立按撫司命太監覃平御史程宗往撫諭之乙巳月食都察院右都御史李裕右副都御史屠浦奏太監汪直偏信兵部尚書陳鉞錦衣衛指揮吳綬報怨仇良都御史牟倅坐誣至謫死翰林院侍

講學七江朝宗亦緣倖親被調遠外巡視遼東兵部侍郎馬文升巡按御史王宗之強珍俱以犯鉞忤直謫戍調官給事中趙良張善吉工部主事方賓御史沃頰張銳陳遵毅按察司副使王齊亦以忤直官較枉下法司被殺文致或坐除名或坐遠調今直罪已露乞復諸臣故職并賜召還上以事已處分裕等煩擾且中有不出直誣者命陳狀既上上又以其不輸情命錦衣衛先執首領官鞠之已各停俸半歲是月也以傳奉得官者十有餘人而上林苑監錄事邵文得出為蘇州府通判不復以京秩置散地又僧錄司

名山藏 卷之十七 憲宗三 七

右覺義繼曉母故娼家女得用孝行旌十月召朱永還命右副都御史程宗巡撫雲南定竊盜三犯罪例時法司以南京有三犯竊盜移各處罪者刑部會議以監守自盜常人盜倉庫錢糧等物計職至滿貫者犯該斬絞罪雖係雜犯其情頗重者三犯前罪即累惡不悛之人難依常例處治其不滿貫犯該徒流以下罪者雖至三犯其情頗輕特依常例封都督趙勝處治仍乞遵行天下奏上上曰著為令封都督趙勝為昌寧伯是月也以傳奉得官者三十餘人而董紀得從巡簡為上海簿于寶得從致仕知縣為太常寺少卿十一月蘇州府儒學生趙汧等二十人俱以罵大監王敬坐罪初敬與汧等王完等以購書為名乘子平遺集書諸生初謂敬御皆不敢違後復使抄錄他書不已索以妨業辭敬即令有司迫遣至驛中亂

華之於是汧等罵汝輩魚肉百姓又欲及吾儒生耶汝還京想于上下巡按御史執問至是敬完已敗特杖罪從之是月也陞太常少卿凌中為本寺卿通事序班舍誠至奪情使辦事十二月以不雪遣祭告天地社稷山川命太常寺帶俸卿趙玉芝奔喪復任得幸被賜圖書諸物陳奏輒用圖書封進又嘗自請註玉皇經未上會丁母憂吏部言當守制上曰玉芝註經未竣其起是月也以傳奉得官者百六十人吏部都給事中王瑞等言爵賞天下公器帝王所以驅策羣臣制馭四海者也祖宗列聖法古為治設官分職各有定員自非功德才能難以倖取納粟冠帶起近年然亦榮身而止倖竇如達鶩榮若市恩典內降

名山藏 卷之二十一 典誤記 八

始第京師藝術之人今則漸及無庸胥吏矣武階階者或待選未到便得授官或外任雜流驟遷京職除授有司戴武弁者世襲錦衣虛擔伯爵廝養賤夫市井童稚竝得賞緣蓋名器之濫至此已甚臣等伏觀英廟復辟之初懲景泰間倖用者多率皆黜罷皇上臨御之日察天順初冒功者衆一切省除史冊書之天下頌之伏乞斷自宸衷悉行革絕監察御史張稷等亦言比年以來末流賤技參廁卿列屠狗販繒躡踐華貴靡識一丁濫班鸞鶴不挾半矢雜詠鬼豈

身起布韋驟登金紫資淺歲月累晉秩階或有父子同堂而坐亦有兄弟分署而居甚至逃軍逃囚易姓名而冒進賊官賊吏隱罪過以求榮一日而有數十人得官一署而有數十員帶俸倖進大開姦計轉熾至有見任視事外補親民者末流已極朝綱何在伏望皇上帝彰公道一清仕路昭盛世平明之理上

是之命繼今有奏擾希進者必罪不宥於是一時被倖李孜省董紀于寶陵中之徒或如舊官或加奪職朝市翁快焉

二十年正月庚寅京師地震是日永平諸府及宣府

大同遼東地皆震宣府裂湧水天壽山密雲古北口

居庸關一帶城垣墩臺驛堡多潰裂人有壓死者壬

辰勅諭文武羣臣曰朕夙夜政理治効未著地震京

師天戒至矣齋心滌慮省愆脩德爾文武羣臣宜各

痛加省改懋稱厥職以毗朕志監察御史徐鏞何珙

言皇上省躬修德勅諭羣臣罷貢獻慎獄刑凡百事

宜條示施行茲者大禮慶成故事有宴乞勅禮部暫

免以比古先王遇災減膳徹樂之意上曰此祖宗定

制鏞珙不諳大體錦衣衛其執訊之已俱調為知縣

遣樂舞生十八人齋香帛祭嶽鎮海瀆等神免修理

沙河行殿橋梁工役官軍五千人停各處燒造磚料減雲南歲辦銀課三萬兩四川五千兩乙巳英宗睿皇帝忌晨上祭奉先殿遣祭于裕陵退朝顧左右曰先皇奄棄天下忽二十年今晨行禮追念罔極感傷于懷法然淚下不能自己東廠行事司禮監太監尚銘有罪黜往南京尋追械還將窮治之既而止焉第令押赴南京守備太監杖之百充淨軍種菜孝陵吏科都給事中王瑞等奏尚銘舊為太監汪直所引得入東廠近為太監李榮蕭敬所引得入司禮監榮昔使大同嘗黨汪直隱蔽邊情敬使湖廣所過貪殘無厭司禮監機密重地也豈可同惡相引以損聖治皇上寅銘於法中外大悅乃臣謂不去榮敬來患未已上曰有處科道官復言內臣犯法既不能免若趨附外臣置之不問則內外之勢偏小臣有過尚不可容若通賄大臣寘之不究則輕重之倫失外臣所以交結內臣者無非需求於小臣小臣所以奉承大臣者無非剝削于民庶惟察外臣結內臣之姦下民受上民之害然後國法昭明朝綱振肅臣謂尚銘既以賄敗宜追究其通賄之人奏入上怒無指名召而將杖之已解命太監懷恩數責之

銘本汪直所薦自直見

疎獨擅權勢甘言悅色

行口裁 卷之十一 憲宗三 十

行口裁 卷之十一 憲宗三 十

行口裁 卷之十一 憲宗三 十

行口裁 卷之十一 憲宗三 十

行口裁 卷之十一 憲宗三 十

行口裁 卷之十一 憲宗三 十

行口裁 卷之十一 憲宗三 十

行口裁 卷之十一 憲宗三 十

約取名譽而內肆陰狡賣官鬻爵致富室以得重
賂已又謀入司監至是籍家得貴數萬輩送內府累
日不二月以大同虜警令都督同知白瑜充遊擊將

軍率指揮閻斌往鴈門關等處按伏署都督楊玉充
左參將率指揮王宣往朔州等處按伏都督同知李
俊充遊擊將軍率官軍三千往宣府按伏命余子俊

兼都察院左副都御史總督大同宣府軍務兼督糧
儲以山東保定六府未有巡撫大臣陞大理寺右少
卿伯鍾為右副都御史巡撫保定等處兼提督紫荆

等關伯鍾鄆城人成化二年進士授御史為王越所
人用也巡鹽兩淮用事貴人道淮上鍾抗不與見
按浙江布政使以賄聞暴其過惡布政解綬去其為

名山藏 卷之十一 憲宗三 一
延撫以風力聞屬吏強有力者亦務掠之仕至戶部
尚書鍾白首長身不妄語笑剛毅諒直夙夜在公晚

都御史巡撫山東四月立殫忠效義二營選閱京衛
舍人餘丁訓練聽調遣御史十員清閱南畿及浙江
等逃亡軍役建宋儒陸九淵兄弟象山書院於貴溪

縣歲一祭九淵裔孫崇有 五月起馬文升為左副都
御史巡撫遼東大同總兵許寧掩敗之事聞命與巡

撫右僉都御史郭鐘鎮守內官蔡新下獄論死寧鐘
各降六級新降三級 初寧與威寧伯王越更調鎮守

戰陣守已撫下然非統取才朝廷用之必且壞事公
其慎之寧至大同因與太監汪直爭坐不和每事違

初自用及聞虜警直納衆言欲出兵於邊令備禱分
據要隘按伏以待而已與寧屯重兵以過虜寧不從
錢曰今虜衆必至凡戰守機宜公宜申討寧曰自古

兵無常勢安可預圖錢默然猶以其為宿將不之慮
但與直不和奏調直于南京既而虜酋小王子率

衆大至烽火不絕寧乃遣劉寧董昇營西山同豐屯
懷仁已與鐘及蔡新等敵兵城守欲伺虜入掠勢分

各相戕賊擊之是時虜酋駐邊外猶憚往年之敗懼
不敢入及規知寧無能為遂入大掠而代王以已莊

所被害屢促寧出兵猶不聽適有人自京來者服色
頗異守門卒報云京城許各率所統兵分爲二哨虜

與新鐘出軍去城二里許各率所統兵分爲二哨虜
見伏精兵新麾下見之告新馳往掩捕寧將士日太監

以誘之新麾下見之告新馳往掩捕寧將士日太監
人已獲功吾輩及出告新馳往掩捕寧將士日太監

能禁既至虜騎四合大戰將士死者千餘人虜亦多
督衆自守虜圍之數重幾不支軍中火器有名大將

軍死者昇亟令試之一發震天地落王子帳前人馬碎
易死者枕藉王子大懼適周軍至遂引退虜衆驅

名山藏 卷之十一 憲宗三 七
其所掠人畜彌野而去經過西路參將莊鑑等抄掠
其餘騎乃各以捷聞當道者皆聞其敗以新調汪直

王越非計恐責有所歸乃謬以調兵未集衆寡不敵
爲辭請降勸獎勵之而科道亦無一言及者冀寧勉

圖後効以掩前罪也而寧自夏米莊入城被陣亡家
婦女呼號詭語謗以瓦礫自是萎縮喪氣無復一捷

久之人心積道不能平有以其實上聞者上怒遂執而
罪之并責科道不早言鐘既降道寧事甚悉且服越

先見 申命中外官舉將才以備邊六月增倒馬關進
西龍泉關諸處兵備開設雲南孟密安撫司徑隸安

撫司以夷婦暴罕弄子思柄爲安撫右都御史李
裕右副都御史屠瀟罪調裕南京下御史于璧錦衣

衛獄 先是行人司副張瑾以奉使擅封下都察院獄
城國使至奏報處治至是占城使至瑾復遣家人擊

登聞鼓言狀有旨瑾在獄何錄知外事必該道御史

漏言李裕等其看詳以聞理移錄不備錄於是裕等
劫奏御史于壁及司獄官吏且上奏伏罪上以裕瀟
職專刑憲防範不嚴致獄囚以外事陳訴姑宥瀟罪
而調裕南京壁等俱送錦衣衛同理對問已亦有壁
召總督兩廣軍務兼理巡撫都察院右都御史朱英
掌院事七月巡撫陝西右副都御史鄭時等奏陝西
連年水旱至今益烈餓殍盈途或氣尚未絕已被割
食見者痛心乞將歲課物料暫為停止下工部覆奏
上曰關中屢凶民死徙不能保其命朕甚憫焉歲辦
物料即暫停徵以舒瘡痍以遼東廣寧西路邊報日
急勅遼東鎮守太監韋朗總兵官緱謙巡撫都御史
馬文升等嚴督分守副參將遊擊將軍等官練兵防

名山藏

卷之十七

典謨記

十三

虜并行薊州永平山海密雲古北口黃花鎮居庸等
關嚴為備以傳奉新陞額外官多增設京班皂隸二
百七名俱於北直隸大名等七府河南山東山西三
布政司取之傳奉匠官太常寺卿陳敷奔喪事竣仍
還內府供役八月傳奉取廬陵縣革職為民中書舍
人周璉送御用監辦事璉罷開賦吏也以星命謂太
監梁芳傾心諂附後尚芳勢
出入權貴之門多行請託又隨芳詣河南山西開礦
株辦所至虐民得賄殊厚東廠官校緝其不法事
密具以聞坐監為民乃潛匿傳奉陞工部司務高鳳
芳家不除半歲復得此命為本部都水司員外郎管事勅陝西山西河南鄖陽
各鎮守總兵巡撫等官招撫流亡緝捕盜賊及更賢

育民凡可以安靖地方者悉聽便宜施行事重者奏
請處置禁遼東武官役占屯田軍士調湖廣運糧十
萬石赴陝西以備兵荒嚴鎮邊官軍逃亡冒支糧賞
之禁九月乙酉朔日有食之以久旱遣吏部左侍郎
耿裕禮部左侍郎兼翰林院學士徐溥祭告西嶽西
鎮西海并中嶽大河之神太監趙陽乞兩淮官鹽二
萬引黃治劉閩各二萬引李杲一萬引戶部左侍郎
潘榮言今西北用兵東夷有警山陝河南等處災傷
備邊救荒措置無從陽等不樽節用度上紆宵旰之
憂重違榜禁奏乞官鹽動以萬計伏望處治上曰此

名山藏

卷之十七

典謨記

十四

曹朦臚累奏偶爾曲從實非朕意鹽課國法也豈可
請乞得者竝不許關支違者論如罪潘榮龍溪人正
統戊辰進士被
簡為吏科給事中累官南戶部尚書致仕榮儀儀手
特寬厚勤慎為給事中論停起伏抑奔競數事為南
戶部侍郎疏禁中監人皆稱便其於榮利澹然無所
戀若岳正稱榮在吏科一官二十年為巧宦者所譏
笑而其守不變以為 都察院經歷李晟言方今攘夷
當世賢士大夫也有大勢有先務在國初都燕京山後控三邊得御夷
形勝其時北邊地荒人稀且我方盛強虜衰弱不敢
來即來亦無所得今承平既久士馬多耗人畜頗豐
虜又適熾小入小利大入大利出入無常倉卒難備
至而後應勢每不及此大勢有未便矣加以將怯兵

弱來既不敢迎敵去又不能邀擊此先務有未得矣
臣謂審大勢在固外藩急先務在用舊臣所謂固外
藩者臣聞威寧海子可耕可牧去大同僅二百里在
元為要地今棄為虜衛也請城其中以二萬人守之
翼以墩堡令無事屯牧其間約虜近吾北則出奇以
遮其前過吾南則會勦以乘其後非惟門庭愈固而
飛輓之費亦可漸省苟謂人力不及兵難勢分亦當
城大同近北地量戍以兵使虜一觸藩可從犄角采
顏三夷衛當繫之以術俾藩于東不宜徒以空言相
諭哈密都督當封以王俾藩于西不宜徒以金印未
名山藏 卷之十七 典讀記 憲宗三 十五

得久失事機至於河套之地廣袤千里土厚物蕃不
宜棄以資寇今陝西饑民多徙荆襄若使邊臣按視
其便守其要害據其水草且燒其餘使虜不敢入乃
大招流民俾耕牧以資糧馬盡閱丁壯俾射獵以習
戰鬪不數年民皆戰士地皆樂土既免荆襄之嘯聚
又奪虜寇之巢穴自河以東至山之後屯堠相望首
尾相應豈不強中國之勢哉所謂用舊臣者邊事非
老成人莫可仗今山後有余子俊遼東有馬文升獨
延綏西至甘涼無一重兵鎮撫臣聞前吏部尚書李
秉兵部尚書王竑僉都御史高明除名威寧伯王越

力材可用威名素著秉竑嘗有薦以老而寢明頃起
用以疾而還然昔者趙充國韓弘皆成功老病之日
越坐開邊被劾乃後來劾其可罪之人即前日議其
可封之人同事異辭至今未定臣謂即令越有罪功
亦可贖今若起此數人使與子俊文升各當一面則
三邊之勢壯而中國之威強矣有旨晟泛言煩擾下
所司看詳之兵部尚書張鵬等言晟罪宜究治命錦
衣衛鞫問之法司坐罪以請命調為漢陽府通判已
亥月食巡撫左僉都御史葉淇奏山西連年災傷平
陽一府逃移者五萬八千七百餘戶內西邑倚氏兩
縣饑餓一死男婦六千七百餘口蒲解等州臨晉等縣
餓殍盈途不可數計父棄其子夫賣其妻甚有全家
聚哭投河而死者棄子女市井而逃者雖嘗設法勸
借加意撫卹其奈散給不周乞發太倉銀備賑上曰
山西凶荒民莫必命覽奏深用惻然其亟發京庫銀
三萬齎付淇賑貸之十月給空名度牒一萬紙分送
山陝令募民願為僧道者令詣被災處輸粟十石給
度之刑部員外郎林俊極論僧繼曉太監梁芳罪下
錦衣具獄杖而降為州判官後軍都督府經歷張黼
疏林亦逮獄調之吏部擬外調為石州知州命再調

遂改師宗州給宛平大興二縣貧民布五千五百疋
有奇命寧夏甘肅榆林鎮守等官加意撫安流民復
雲南嵩明州舊治江西武寧奉新盜起封中軍都督
府都督同知王源為瑞安伯予世陞錦衣衛都指揮
使萬喜為後軍都督同知指揮使萬達為都指揮使
知萬從善為都指揮使百戶萬牛兒為指揮僉事從
善甫二歲故指揮萬通庶子而牛兒甫四歲其養子
也是月也以傳奉得官者六十有三人十一月朶顏
衛都督阿兒乞蠻遣其弟影克孛羅送所獲北虜生
口兵部譯審牧虜也上曰夷虜牧放為生追逐水草

名山藏 卷之十七 典談記 七

其常事何罪之足誅其編成之賞孛羅以慰其勞仍
諭三衛貢夷毋得貪掠啓邊通玄翊教廣善國師繼
曉乞歸養母許之詔母終供職如故繼曉以邪術進
故為陳被恩以來每有邪忠陳善之意傳奉進太子
欲求免後禍自是歸還逃匿不敢復來太保吏部尚書尹旻為太子太傅取中書舍人杜昌
文華殿辦書凡加大臣保傅皆賜勅旻獨出傳奉又
與杜昌同時受命前此為未有萬全右衛百戶韋瑛
有罪伏誅英先任錦衣衛太監汪直用事及罷西殿
調外任居萬全欲邀功以希起用因招正
人劉德興通虜入寇事既不遂乃自撰妖言以誣德
興等十餘人皆謀不軌走報監督太監張善善令左
右助瑛捕獲瑛加德興等毒刑有稍富者遂錄其
家貲無不誣服善等以聞命官會鞠具獄皆誣宜反

生上曰曩者瑛罪當死朕從輕論調乃稔惡不悛亟
漸之仍梟首于被害處其黨論罪有差瑛初附直為
惡直敗其黨多亂死而瑛反不總督大同宣府軍務
及既而自致死天下聞而快焉 戶部尚書余子俊言虜已遠遁請班師以省儲費命
大監張善定西侯蔣琬悉統京營官軍還京子俊暫
留總督令冬末具奏而還運河南兌軍糧三萬五千
石於山西救荒是月也大陞法王國師禪師以傳奉
得官者三十有七人十二月預度天下僧道六萬人
以救山陝饑命工部侍郎杜謙率郎中蕭冕員外郎
李濟修濟運河杜謙昌黎人景泰甲戌進士以工部
主事區畫荒政多所存活為浙江參
政津按忘分至所不可貴顯亦無所徇按察使定賦
徵徵盡貸無產家謙曰無產之家非游民則逐未舉

名山藏 卷之十七 典談記 六

命戶部左侍郎
李衍理陝西邊儲以備虜李衍陝州人景泰辛未
進士為河南參政徵所部
長吏課種桑粟戶若干株因以考其勤惰月則條土
所為政善者溫言慰勞不善詞詰不少貸改四川提
督松潘等處設防整彭索河以扼生蠻而令民屯種
其中發攻張羅松其二堡與參將領兵槍殺之以戶
部右侍郎巡視山海關整飭兵備置米于營萬五千
張可射三百餘步設飛石飛木各數十萬可發五七
十步前山為壁東西可數百里轉左著尚書事河南
山東北直隸連早不歲州縣索銀就糧以輸邊餉米
既歸貴武吏催督復旁午張皇衍計輸金太倉出大
倉米轉輸邊境人稱兩便二十一年奉勅總督三邊
軍儲兼賑饑民齊心禱雨所至皆應又引渭水為渠
以利居人是歲不稔全活甚衆明年陞本部尚書總
督京通兩倉內外僚吏素整其名 詔開中兩浙鹽課

以給三邊發江南折糧銀十五萬兩并關中兩淮山東四川鹽課二百萬引於陝西榆林等處以給邊儲陞耀州判官張善吉為兵科都給事中善吉初為兵科左給事中坐累調外任滿待選吏部久之不調以養生術因太監瑛轉聞上召見賜對至是自陳乞退歷疏給事中命下士論焉然命有司歲祭巡撫廣東故僉都御史楊信民祠虜入大同西路分守右參將張璽右少監陸閻禦之玉林山墩繼入代州境分守右參將都指揮支玉與太監劉政禦之寺塢等處皆有功並論陞賞有差虜入宣府境殺百戶一人軍餘一人是月也以傳奉得官者三十餘人

名山藏 卷之十七 典謨記 憲宗三 五

二十一年正月甲申朔申刻有火光自中天少西下陸化白氣復曲折上騰其聲如雷踰時西方復有流星如碗大赤色自中天西行近濁尾跡化白氣曲曲如蛇形良久正西轟轟如雷震地須臾止勅曰上天垂戒災異迭見歲暮及今正旦星變有聲如雷朕甚驚懼爾文武百官其指陳國家生民之利病朕采行之復林俊為南刑部員外郎張黻為南京左軍都督府經歷降李孜省上林苑監左監丞鄧常恩太寺寺丞繼曉革去國師為民追奪其誥勅庚寅詔朕思惟艱荷罔敢自違治效未著災沴迭興地道寧天

時亢旱土無所演朕切憂遑齋心勤禱遣廷臣祭告山川奈歲竟不登而河南山東畿內率多饑饉陝西山西尤劇至有棄恒產家室不相顧元元何辜罹此危阨朕已博采羣議發內帑倉儲勅所司小大賑濟期此矜人咸歸樂土不意冬暮春初星變有聲朕愈兢惕載勅廷臣備陳時政采納而行今春時和祇承資始之仁誕敷寬恤之典其大赦天下巡按山西監察御史周洪奏冀城絳陽城垣曲等縣饑民嘯聚為盜招撫不服宜發兵捕之上曰民迫饑寒朕甚憫焉其令鎮守巡撫等官宣布朝廷寬宥之意明示有司

名山藏 卷之十七 典謨記 憲宗三 五

撫御之方果有執迷不服然後相機除勅勅總督陝西軍餉戶部左侍郎李衍兼理賑濟戶部郎中張禎主事吳紀佐之刑部左侍郎何喬新往山西工部右侍郎賈俊往河南吏部郎中吳珉等十三人佐之付以京庫銀二十五萬賈俊東鹿人景泰中太學生家俊御史居官廉慎有為成化中陞山東副使益壽備自持不善結巡察以故聲名時年方五十有六鬚髮皓然暮不緇飾當滿考清戎御史飲効之一日正色問之曰賈憲副高壽幾何曰犬馬之年八十有二矣御史默然既退同僚問曰適者公何不實語御史俊曰御史老我而將劾我我贈年以成其彈文之美不亦善乎久之以會都御史巡撫寧夏在邊八年二月不挾妻子嚴明剛果擢發如神歷工部尚書吏部應詔書奏列傳奉陞除者除勅成功陞詹授錄

用外通得五百十四人御筆點閱之留者六十一人
吏部又疏傳奉官為事妄冒者御筆點留五人而其
一為上林苑監左監丞李孜省兵部奏列傳奉陞除
者除勳戚功陞陞授錄用外通得五百三人御筆點
閱如文職例留者三百九十四員復命太子太保戶
部尚書余子俊兼都察院左副都御史往宣府大同
等處總督軍務兼總理糧儲整飭兵備總督倉場丁
卯月當食不食詔四川募人納粟給散官以備荒三
月丁酉皇第九子生母曰楊恭妃自正月至是風霾
不雨命羣臣齋戒祭告于天地社稷山川四月傳奉

名山藏

卷之十七

吳漢記

主

陞太常寺少卿康永韶為禮部右侍郎仍掌欽天監
事永韶部門人旁通百家尤邃天文以奉人擢御史
疏內政劾馬尚書坐忤權貴請為縣為人剛果嚴
密錮奸緩弱凡知福清順昌惠安三縣皆有能聲以
知天文名為欽天監正當奏六月宮雨雪有驗賜幣
旌異是歲陝西等處人民大饑多死亡未韶言今春
星變宜有大災類此應之乃聖躬無疆之福上悅故
命申江南溺女禁陝西潼關饑甚以歲漕濟之閏
四月以山陝饑甚廣開納中鹽例五月監察御史汪
奎工科給事中盧瑀刑科給事中秦昇工科給事中
董祝工部主事張吉刑部主事李旦俱應詔直言吏
部承密旨外調之吉疏尤謹留中不出申王府官坐
罪事例以京師流移聚集日多下順天府縣并五城

名山藏 卷一七

兵馬司日給米大口三斗小口斗五升改余子俊為
兵部尚書仍總督軍務兼理糧儲令防秋畢還京六
月內批戶部尚書兼督糧儲殷謙代子俊為本部尚
書定武臣納粟許子孫襲職例歲盡而止周王子噫
薨南京兵部臣奉詔書覆按南京武職不繇軍功陞
授者具名以聞中率多內臣廝養上曰毋動使任事
如故贈襲捕福建賊龔法非被害者贛州府同知王
廷桂為江西布政司右參議錄一子國子監生而百
戶鄒顯小旗王剛軍人烏等俱以死賊陞級令其子
承襲置寧羗州於寧羗衛城并轄沔略二縣七月召

名山藏

卷之十七

吳漢記

主

賑濟侍郎何喬新賈俊等還京傳奉陞沂州知州朱
義為南京工部郎中時太監梁芳被旨往山東開銀
義於上 八月己卯朔日有食之福建布政司右參政
遂得陞缺吏部疏禮部祠祭司郎中黃景建昌府知府秦葵
可任內批留景內擢之傳奉陞萬達為後府帶俸都
督僉事副千戶萬祥為指揮同知正千戶徐達為指
揮僉事二人俱世襲韓王偕濬奏羣牧所千戶朱政
會祖信年一百八歲而終祖一百二歲父鏞八十二
俱正千戶致仕一門同壽古今稀有乞賜褒嘉以表
聖世之瑞命有司勞羊酒進階為宣武將軍賜米布

六八五

九月太子太保戶部尚書兼護身殿大學士劉珣致仕主太和山香火者太監潘記求兼提督正伍官軍操守城池兵部言記主香火宜專焚脩操守之任有太監韋貴總兵都御史在旨許之十月改余子俊為太子太保兼都察院左都御史巡撫大同仍提督軍務召僉都御史左鈺還管都察院事是月也先以星變降黜傳奉官者漸復進用蓋十有餘人而李孜省陞通政司左通政鄧常恩復職如舊改太子太保禮部尚書劉吉為戶部尚書兼護身殿大學士詹事彭華為吏部左侍郎仍兼翰林院學士入內閣彭華安

名山藏 卷之十七 典謨記 三三

院從弟景泰五年會試第一廷試二甲進士改翰林院庶吉士授編修歷吏部左侍郎仍兼學士入內閣預禮部尚書為成化二十一年前年得疾進太子少保禮部尚書子歸鄉弘治九年卒贈太子少傅賜祭葬諡文思華自入官翰林才名頗著平居寡言笑及論辭古昔疑義寧當成敗多奇中為文章嚴整簡厲而險論用數好傾排人阿附萬安與妖人李孜省相比如尚書李乘王恕馬文升秦紱侍郎邢讓祭酒陳鑑與吳興劉宜澤相逐斥逐幸力居多幸得參贊與吳興一時為之語曰八百憲臺陸李裕三千館閣

十二月皇第十子生母曰潘端妃是月也以傳奉得官者百有餘人

二十二年正月以四方災傷盜起虜報日聞西南徭徭為患止遼東至甘肅沿邊并腹裏各布政司及鄆陽等處巡撫都御史赴京議事辛酉月食勅河南按

察僉事傅希說兼理鳳陽等府賑濟饑民二月以所在饑荒賜巡撫官勅令其撫安軍民詔移河南開封府存留米十二萬石于陝西六萬三千石于河南府賑饑秦王公錫慶是月也傳奉七十餘人有命武官世襲者有與文職者有以請得者有加給皂隸者三月是月也傳奉九十餘人多以革退取還而僧道之徒尤盛至畫士匠作舊已裁省月米至是加增如故者千五百有餘人四月金州知州鄭福九載秩滿州民奏留許之陞品給俸先是樊忠韓錫者兵部武選司吏也吳鑑吳興則大興縣匠匠鑑出入會同館與

名山藏 卷之十七 典謨記 三三

貢夷通易有建州衛夷人謀買舊勅鑑言於忠輒盜本司廢勅十六道同往售之錫故盜勅二十一道至是亦托鑑與轉售為緝事所發下錦衣鞠實兵部左右侍郎阮勤侯瓚郎中鄒襲朱紳員外郎彭綱主事高鑑等五人并吏役人等俱逮下獄刑部各擬合坐律上以忠等通夷盜勅大不畏法命即誅之襲等防範不謹免贖調外勤瓚亦調於南京別部餘各坐罪有差襲曼鄉人也與曼子翰林侍講龍素厚侍讀焦芳亦與往返襲至通州留數日芳與龍謀為蔚州左等衛署指揮使旺等保留襲曼為覆奏旺等保留公

一五二下冊 續修四庫全書 卷 4 反正內

論也乞復襲官上策姑許之而責曼曰爾何絲知公
論者已緝事復發襲旺交通作奏狀下錦衣鞠實科
道官劾奏旺嘗以宿娼事覺襲庇之故爲此以報私
恩尚書尹旻侍郎耿裕黎淳郎中鄭宏員外郎邵賢
主事修珍等徇私妄請俱宜究治上命執宏賢珍修
鞠之令旻裕淳對狀旻自服上責旻典選不公徇情
罔奏落其太子太傅爲太子少保裕淳竝罰俸襲發
爲編民宏降一級賢珍俱調外任旺等調外衛差操
封貢錚爲肅王貴州苗作亂巡撫右副都御史謝永
請調四川湖廣近衛官軍土兵四萬餘人勦滅之勅

名山藏

卷之十七

與漢記

三

曰苗賊肆惡出師撲滅至計也第念前此亦嘗興師
致討屢以捷聞然率兵之方出賊覺卽逃及其甫歸
跳梁如故蓋緣苗性靡常依險負固貪功之徒未免
傷及無辜爾今詔諭諸夷何久聽撫化又復攻圍搶
殺是何堡寨軍民與爾有讎明白訴告照依夷俗體
例爲爾處分賊如執迷不從卽於貴州屬衛及都督
僉事彭倫所豁衛所再調官軍上兵一萬密切討議
務出萬全勿墮敗計若畏感輸服卽仍撫定庶不濫
及無辜貽患鄰境其欽承之是月也以傳奉得官者
四十有餘人五月東廠官較發尹龍納賄下錦衣衛

獄諸給事中張雄劉清劉昇御史陳汝等交章劾龍
弁及旻上宥旻令三法司錦衣衛執龍及通龍賂得
官者通判王範經歷張燧于午門外拷訊併得禮部
郎中劉紳兵部員外郎董寧常德同知朱紳按察副
使何顯王錦馮蘭等六人獄上上革旻官保令以尚
書致仕發龍爲編民降範燧三級調降遠方紳等各
令執問降官復令侍郎裕等對狀皆伏罪上復責其
旁視阿默仍停俸三月紳尚書劉昭子也科道官弁
劾昭昭亦具伏上宥之而工部右侍郎談倫故與龍
獨親不及於罪官較復緝其多費官錢諸事上革倫

名山藏

卷之十七

與漢記

三

職爲民而太常寺少卿劉淳亦坐外調已上以給事
中張雄御史劉汝等居常妄議朝廷工部侍郎倫侵
欺官錢數多何不言者復令降一級調之邊方而芳
坐與指揮旺起奏草亦降爲桂陽府同知於是刑部
右侍郎侶鍾戶部右侍郎秦紘大理寺丞劉璣太僕
寺卿張海順天府丞董傑司經局洗馬羅璟御史劉
璧于璧高輔張鼎禮部員外郎楊榮翰林編修王勅
刑部員外郎袁弼給事中馬良大理寺副蘇泰竝以
山東人悉從調降

尹旻歷城人天順初爲刑科給事
中徐有貞與石亨等謀官劫王
文于謙謀不軌英廟下廷臣鞠問文力辯不承都御史蕭維禎曰此聖意也不難以免太平侯張賜頤目

徐語此其自犯云何聖意刑部侍郎劉清從旁欲有所左右賜怒斥之曼直起奉賜二人曰并臣也正好
歐殺明日遂得附為通政司參議成化初為吏部右
侍郎尚書李秉被劾曼與左侍郎崔恭頌乘去位恭
得代秉而曼亦代恭未幾恭以母喪去曼意已當代
而姚夔自禮部求補曼大失望主使誘夔去且去矣
太監譚勤乘閒以大理寺卿王榮及曼言於上曼時
物望皆歸於榮內閣商輅銜曼誘夔意亦不在是時
居久之曼沒輅適以妻喪在告曼亟叩勸引刺事太
監以外論人言於上遂諭彭時擬旨而曼得陞尚
書先是吏部進用人不皆出上斷自成化間有會舉
之例自是每值遷擢必入議內閣曼念倚內臣得官
與內閣不相比附汪直用事兵部尚書項忠約請卿
疏直罪除之令郎中張瑾提筆特疏請曼署曼曰何
先我日公六卿長也曼曰今日方知有長卿耶因往
語直兵部詰公非我也忠跪入土雖為罷直賴未
幾得召復而忠坐職免輅以此求去繼輅者萬安
與曼鄉舊安亦未有以中也曼在銓部頗有知人之
鑑第其駁物多詳有所推舉必先科道官即舉部屬

名山藏

卷之十七

典談記

三七

亦必往來中官所者其他雖素所許可口稱之而已
汲引不及也曼子龍為翰林侍讀藉父權納賄朝士
籍籍謂籍曼家貨之半可以賑濟山東民會劫以易
儲事龍安引尹直入閣共濟曼而道士李孜者又從
中譖之曼坐得罪弘治六月勅諭文武羣臣曰朕惟人
君圖治必先得賢人臣輔治必謹奉法太祖高皇帝
創業貽謀百司庶務具有成憲列聖相承守而勿失
朕繼統遵承夙夜兢兢恒思人輔奈歲月滋久文恬
武嬉往往有恣情玩法隳職債事形跡敗露已實憲
典尚慮爾羣臣罔知儆戒以致名節不立勳業無聞
國家何賴焉特茲戒諭當各惕然奉公或內省有疚
頰痛自懲艾稱朕求賢圖治之意山西潞城縣有劇

盜數十家羣居一村其劫奪人至燻死平人一家十
六口縣捕之急盜悉遁其家屬居村中莫誰何他日
彰德府有盜知縣王濬遣人緝獲則皆其潞城村中
盜而其半得逸去濬令拘逸者眷屬以致盜盜白晝
至潞城下擄平人大書其臂曰為我語令速釋眷屬
不且殺令濬懼出眷屬三十六人令縣民分食之縣
民告濬盜家屬也誰能食盜此時縣中人相食又安
所得食盜家屬盍殛之濬佯不問曰聽汝等之所為
民分領三十六人擁入土窖亦燻殺之事久不發也
縣當解折糧金於巡撫金多贖巡撫詰濬濬召冶金

名山藏

卷之十七

典談記

三八

匠而將治之冶金匠故與濬妾家有連其敢治贖金
者實以濬寬之欲使牟衣食不意大偽惡則大怒聲
言痛治匠匠恐亡入京師發濬事於東廠朝命刑部
員外郎蕭仲賢往勘仲賢了無辨析坐濬凌遲刑濬
臨刑歎曰以我贖三十六人命者我罪也何至乃極
刑同時行刑者有父子二人父坐凌遲子坐斬父子
相語我則已矣以施王命不亦寬乎六科聞其事以
參劾問刑官自布政使而下悉罰降有差而刑部侍
郎何喬新亦伏罪上諭法司曰刑重事也所司慢之
其尚明慎毋曠厥官有不敬絲是惟府辜七月增設

漢中府寧羗州轄峽陽沔二縣八月以江西多盜改

調巡撫都御史閔珪為廣西按察使別調巡撫陝西

都御史鄭時為參政自內旨

法大臣成化中以都御史巡撫江西

皆以論李汝省左遷廣西按察使

巡撫畿甸久之以右都御史總督兩廣

都御史掌都察院事加太子太保

法加以仁恕正德初請老卒八十二

御史下陰受其賜鄭時舒城人景泰

授御史出按湖廣江西所至風裁凜

順五年為用事所忌左遷內鄉知縣

萬以濟朔望必詣學講書人問其故

名曰藏 卷之十七 憲宗三

事一日盡誠敬以回天意二日明理

日減進貢以蘇民困四日息傳奉以

名器以待有功辭多切直坐改貴州

就道西人如失父母弘治初陞左副

陽累陞刑部尚書屢疏請老時為人

好施子數至年六十餘年康慎之行

臣會舉吏部右侍郎黎淳工部右侍郎

部尚書巡撫四川右副都御史劉璋

都御史葉淇可任戶部侍郎右僉都

寺少卿可任刑部侍郎上曰何輕忽

華容人天順元年進士第一授翰林

商禮部尚書諱文傳字敬介嘉善人

折不由庶常患風俗日侈自裁損

度訓誨諸生學慶不倦下達書吏

後多成名 劉璋南平人天順元年進士起家戶部

主事工部尚書終官為人廉勤恭慎在工部議政決

疑公平直諫朝廷有所營建得璋委曲匡抹省免甚

多蒞官四十餘年喜怒思慮皆因其人無毫髮私意

葉淇山陽人戶部尚書終官改鹽商輸粟塞下增

不直使輸金縣官而鹽政坐壞論者誅淇國之罪

主事南戶部尚書終官贈太子太保論者誅淇國之罪

畏小心無疾言厲色至臨事卓有定見未嘗以私怨

利害動其心嘗謂人曰古之聖賢其過人遠甚凡所

不為皆公無私故其事業光明後世有言善讀書

不為皆公無私故其事業光明後世有言善讀書

行而誤者其以按察使入觀時中官尚銘任事東

衆輩趨其門悅獨不往銘與悅名益彰為南吏部尚

書守備太監陳祖生設席延悅上坐子第問更致何

人曰他人可同張公耶家居簡儉揭壁間日客至置

饌儉約適情殺隨有設酒造量頃新親不飯大賓不

亦以養生 遣監察御史鄧庠兵部員外郎費瑄勘

名山藏 卷之十七 憲宗三

處貴州邊事勅曰貴州守臣奏苗賊為惡欲增兵致

討事難遙制命爾往察豈繫在我或尚可招撫即許

自新如其執迷乃痛勦之母輕調大兵邀功債事慎

之重之是月也以傳奉得官者九人九月南京兵部

左侍郎馬顯乞致仕許之上批顯疏曰南京米貴民

饑尚書王恕參贊機務無一策賑濟知其老劣矣可

革太子少保亦令致仕工部主事王純奏恕昔莊助

論汲黯於漢武帝稱為社稷之臣臣謂如恕近之乞

賜寬假仍復其官上曰恕未有社稷功純何得妄引

命杖訊純降二級外調之遂改兵部尚書馬文升于

南京以代怨馬顯廣平人正統士成進士為都給事致仕顯孝友忠厚望重鄉邦出處大致不媿古人逮

郎尹直為戶部左侍郎兼翰林院學士入內閣參預

機務改右都御史屠濬于南京故致仕都御史劉敷

于京師尹直泰和人景泰初代進士濬字詒達議論

相善而素不為尹是所滿禮部侍郎缺是有所他薦

內批以直為之翼日深延與李孜者黃景同榜罷是

帝心者自此結怨日深後與李孜者黃景同榜罷是

直所著錄錄力詆吳與謝之為人及諸勝已者卒

八十五諡文和屠濬鄞人成化丙戌進士起家監

察御史以都御史王越薦超陞金都御史歷右都御

史李孜省黨嘗以私事銜濬共謀奪之故有是調濬

以弘治初元總督兩廣尋召還掌院事進太子太保

名山藏 卷之十七 憲宗三 三

尚書致仕濬風儀雋爽議論瀟灑酒當事練達立心長

厚人有獲罪者每多方為曲全有監司以憂去任或

云其人當黜濬日古不伐有喪之國况無顯惡而乘

是職之耶每註選至烟瘴地停筆久之日吾嘗經其

地官多以瘴死必擇宜其風土者因奏為著令弘治

六年以後頗多內降官漸究因災異凡三執奏大意

謂天下士事詩書而躬家積突給鋒而竭筋力積數

十年不可得而自身之人乃或因奔競乞俸或錄技

藝家幸如拾芥然不可以為訓又日今日之傳奉即

漢所為政體累陛下當遠祖堯舜近守祖法豈可襲

漢唐宋弊政乎衆皆服其確論言官有欲開納馬之

例者即抗疏日朝廷倉庫及太僕見積尚多釋此不

用及開是例萬一闕于北虜將謂中國戰馬財用俱

已空竭不亦生戎乎議遂格弟其人以防備疎畧屢

劫經悉挾私耳隨辨已枉上詰責科道官令對狀瀟

李廣事露瀟名在列上思寬大含宏不治今當延訪

初首倡扶我之說中傷言官動搖主意邪正是
善俯仰不樂家居得徵居舊職兼左都御史時劉瑾
用事痛亦時有謂停然終不為所喜再奪月俸竟致
什亡何卒贈太保諡襄惠濬在吏部存心忠厚自謂
手持此筆掌刑獄惟恐誤殺一人掌銓衡惟恐誤
一人嘗燕居部中偶衣白綾色甚鮮澤辦事為
之大恐請死濬日吾政惡其太深也有鄉人偽為瀟
子騷擾行途瀟問第有老嫗敗屋當前堅不肯瀟
難為乃公耳管家第有老嫗敗屋當前堅不肯瀟
夜扣門戶嫗聞瀟至日暑公欲券吾屋矣此吾生
所也老嫗憐憫安所從歸瀟日第起吾與汝商券而
直不汝徙也為汝去敗而新以直與而子轉鬻販而
子有家也而後議嫗之徙留嫗日諾居久之其子有
泰二年告徙瀟款而遣之人服其德劉敷未新人景
坦夷瀟達不諛不激事有室礙雖在是月也以傳奉
倉卒應之裕如歷官中外倬有聲績

名山藏 卷之十七 憲宗二 三

得官者十五人十月調吏部尚書耿裕為南禮部尚

書復建大永昌寺于西市是月也以傳奉得官者十

有五人十一月申明推舉將才之令始命錦衣衛官

一員守登聞鼓有婦人為夫訴冤自是月也以傳奉

得官者五十三人十二月進士敖毓元故以星變言

時政甚切直疏留中後循例放歸至是謁選得橫州

知州內旨降為雲南縣丞吏部擬授臨西從之是月

也以傳奉得官者十八人

二十三年正月命南京右都御史屠濬論占城國王

古來於廣東調應天府丞楊守隨為南寧知府并陞

其從弟翰林院編修守陞為南京翰林侍讀是月也

以傳奉得官者二十人二月皇太子婚吏部奏通政司缺官請以禮部王傳為右通政禮科給事杜明為右參議上可之遂內批陞通政李孜省為禮部右侍郎仍掌通政司事是月也以傳奉得官者四十四人四月丙戌以皇太子婚上徽號于皇太后曰聖慈仁壽皇太后壬辰諭文武羣臣曰朕憂亢旱虔心祈禱自二十五日為始各加祇慎毋或迨違丁酉分遣勳臣告于天地社稷山川是月也以傳奉得官者七十餘人而汰黜匠官給半俸者八十有八人五月以江西多盜命河南左布政使李昂為都察院右副都御

名山藏

卷之十七

典謨記

三

史巡撫之乙卯遣廷臣齋香帛分禱天下山川以祈雨丙辰勅諭文武羣臣曰上天示戒早久田枯民庶驚惶朕甚愍之寬恤刑獄遍禱神祇雨尚未也寬未伸歟用未節歟困未蘇歟抑爾百官罔上而屬下歟朕已節減用度疎放官人爾等各體朕心痛自修省紓朕憂憫元元之意六月冊同鑣為周王貢琮為肅王定武職隱匿舍餘立功久近之法七月召致仕左都御史余子俊復為兵部尚書冊皇子祐檉為興王祐楡為岐王祐檉為益王祐梓為衡王祐標為雍王癸丑月食追諡大理寺丞鍾同日恭愍是月也以傳

奉得官者四人舊減俸半支許全支者五十餘人八月究治天下諸司僞吏自庚辰至于甲申上不豫命皇太子視朝于文華殿戊子上大漸召皇太子使早即位諭以敬天法祖勤政愛民之道己丑上崩壽四十一九月乙卯上尊諡繼天凝道誠明仁敬崇文肅武宏德聖孝純皇帝廟號憲宗十二月壬午葬茂陵臣喬遠曰上聰明仁恕淵默勤恭孝事母后如古帝王郊廟齋祭必極誠敬景皇帝嘗有封沂之命未嘗一語及之委任大臣畧無猜忌或即干紀屏黜無疑一聞四方水旱戚戚然下所司賑濟或輦內帑給之

名山藏

卷之十七

典謨記

三

重惜人命斷死刑累日乃下夙興視朝但遇雨雪輒放常參官而不廢奏引隆寒感暑或減奏事以恤衛士侍立之勞閒有遊豫不出大內如南園祖宗時不廢遊獵上未嘗一幸焉時御翰墨作為詩賦以賜大臣諸司章奏手自披閱字畫差錯亦蒙清問臣下益兢業職事莫敢或欺蓋上以守成之君值重熙之運兵革不試萬民樂業垂拱而天下大治矣